




DE
CHRISTIANA
EXPEDITIO

26
499






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.499



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.499

2. 6. 499





I 2.6.499



1232



II
SANCTISSIMO,
BEATISSIMOQVE PATRI, AC
DOMINO NOSTRO
PAVLO QVINTO
PONTIFICI MAXIMO

Nicolaus Trigautius Societatis IESV.

TObiæ ad ortum peregrinantis dux & comes Raphaël, B^{me} Pater, postquam reducem Parentibus filiū incolumē, auctumq; restituerat, beneficio affectos ad benefici Numinis encomia cohortatus ait; *Opera Dei reuelare, & confiteri honorificum est.* Hæc vt mihi ab Sinis reduci dicta putem, facit instituta in extremum Orientem peregrinatio, duce & comite de supernis mentibus vno, innumera ab eodem vel beneficia procurata, vel pericula propulsata; reditus æquè fælix ad B. T.^æ pedes. Ne igitur taceam, audacter, sed verè tamen, cum peregrinantibus etiam Magis duce stella dico; *Vidimus stellam in oriente,* nondum quidem solem, qualis iam dudum orbi splendet Christiano, sed stellam tamē, nec amplius tetras illas tot sæculorū tenebras, sed lucis Christia-

a

11x

DEDICATIO.

nae crepuscula: hac visa, veni adorare Dominū, te inquam, B.^{mc} Pater, Immortalis Dei vices obeuntem veneraturus. Et ne deessent munera, Societatis nostrae tenuis apud Sinas manipulus, qui eam expeditionē Sedis Apostolicæ auctoritate, suoq; instituto suscepit, Sanctituti tuæ per me libellū offert, in quo Sinensis opulentia, aurū, thus Christo recens nato, quia recens noto ab Neophytis incensum, & laborum nostrorum myrrha continetur.

Ideo nihil puduit Ecclesiæ Sinensis infantiam legendam dare. Nam tametsi Nobilissimæ gentis ad Christi sacra conuersio narranda suscipitur; quæ res habet suam ex seipsa maiestatem; tamē, quæ hæcenus in re tanta perfecta sunt, ita sunt exigua (si cum ea magnitudine, quæ vel à Dei benignitate primū, vel ab gentis indole sperari potest, comparentur) vt alicui fortasse nō satis digna videri possint, quæ Sanctitatis tuæ, & Christiani orbis oculis obtrudantur. Verūmenim verò magnitudo illa Romana à lupæ vberibus, à pastorū latrocinijs, à mænibus saltu superatis, sine nota solet inchoari. Quocirca neq; me pudebit huius Ecclesiæ cunas, crepundia, vnguiculis, & si quid est infantilius proponere: nam etiam hæc in pueris solent, vt Agesilao quondā equestris arundo, minimè displicere. Posteriores nostri, dante Domino incrementum, cæteras infantia, prout res excreuerint, superaddent ætates. Hæc

DEDICATIO.

Hæc pusilla dona, oblaturus ne magnitudine deterrerer, effecit primus Tusculi ad pedum osculum admissi cōgressus, quo me humanissimè exceptum Tua Sanctitas ad audendū inuitauit. Et sanè operis materia sine dubio huic Sedi debebatur, vt excusus ille, quem tenuimus, in Euangelio euulgando modus, Apostolicæ censuræ subiaceret. Oportebat quidem nobilem materiam operis elegantia cohonestari, sed veniam mereor B.^{mc} Pater, ex eo q̄ huius tumultuariæ scriptioni altera pars inter nauticos clamores scripta sit, eo in mari, quod ex India in Armuzianam Persici sinus insulam nauigatur; altera Romæ præpropera festinatione, post agritudinem propè extremam, interrupta negotijs scriptione coaluerit. Quin etiam à nobis arbitror, quid agamus, non quo dicamus modo (non enim facile tempus vtriq; suppetere) expectari, maximè cum nuda veritas de rebus ad animos permouendos loquens, inornata videatur ornatior. Et sanè sanctè spondeo, quicquid eloquentiæ coloribus deerit, id omne veritatis candore compensandum.

Hæc si B. T. vultu, quo solet, benigno suscipiat, lætus accepto responso, per aliam viam reuertar in regionem meam; & in alium propè orbem, recepta pro exiguis, de more Magorum, ingentia munera, i. on Oceano minus quàm laudibus euehens cele-

DEDICATIO.

bestimi nominis tui famam, quò ulterius nemo,
 deportabo. Maximè quod à B. T. velut communi
 Ecclesiasticæ familiæ Parente, tenella hæc Infans
 (cuius Diuino munere nos nutricij sumus) postu-
 latis adiuta subsidijs, infantiles nunc excutit fasci-
 as, & in grandiore adspirat ætatem. Nam inusita-
 tis terram sane auxisti fauoribus, & nonnulla de
 Canonum rigore remittens, Apostolica liberalitate
 indulxisti: iamque etiam dignam Pontifice biblio-
 thecam apud Sinas instruis, vt ea sit perpetuum fi-
 dei, ab Sede Apostolica in eos terrarum fines deri-
 uatæ, monumentum.

Fausta igitur cum Socijs in subsidium adiunctis
 abeuntem B.^{mc} Pater apprecatione prosequere. Nos
 quoque Deum Opt: Max: comprecabimur, vti Ec-
 clesiæ suæ B. T. quàm diutissimè conseruet. Romæ
 14, Kalendas Februarias, Anno Salutis 1615.

Lectori

Lectori Salutem.

Iber hic, Lector candide, posthumus P. Matthaei Ricij partus, à me non ideo fuit adoptatus, ut dubium parentem, tam impari sorte commutaret. sed ut verum ac germanum huius factus parentem, notum ab suis inijs faciam, nam reliquum eius vitae cursum, sequens narratio prope unum commemorat, ita ille enim huius expeditionis primos impetus praeter ceteris unus generosè aggressus, cōstanter aequè ad obitum usque perduxit.

P. Matthaeus Ricius, Italus, Macerata in agro Piceno loco nobili, natus est anno 1552. pridie Nonas Octobris. Vbi inter suos prima grammaticae rudimenta didicit, Magistro P. Nicolao Benivegni, Sacerdote seculari, qui deinde Societatem nostram est amplexatus. Inde in politiori litteratura apud nostros, erecto ibidem Societatis nostrae Collegio, eruditus, quo in genere sanè insignis fuit. Cum iam sextum supra decimum aetatis annum attigisset, Romam à Parente mittitur, studiorum causa. Legibus operam dedit Romae prope triennium, quo tempore tamen si ex parentis voluntate ea disceret, quae à nostro aliena sunt instituto, nihilominus, qui semel animi sui curam Patribus Maceratae traderat, ab eo Roma nunquam deflexit. Nam in sodalitium Annunciate Virginis cooptatus, ex eorum Patrum, qui Sodalitio praerant, voluntate suas quae ad pietatem spectant actiones moderabatur. Demum à Domino segregatus, Societatem IESU, quam iam puer Macerata cogitauerat, petit ac impetrat à P. Ioanne Polanco, qui tum uniuersae Societati Pro Praeposito Generali in e. interregno, quod P. Franciscum Borgiam insecutum est, imperabat. Ingressus est Societatem die Assumptae Virginis Sacro. Ac tamen si sciret alia esse de se parentis sui consilia, non acquieuit tamen carni & sanguini, sed Parentem suum litteris ad persuadendum appositis, de suo in Societatem ingressu reddidit certiore, quo ille nuncio ita percussus ut ad iter sese Romanum quamprimum accinxerit, certus quippe cum se Probationis domo crepturum: peruenit igitur primo die Tolentinum ibique subita correptus febre, vindicem à tergo Deum sensit nec ultra reluctatus, domum repetijt, ad filium scribit se diuina voluntati, suam quoque uti par est, libenter accommodare.

Magistrum habuit in Tyrocinio P. Alexandrum Valignanum, cum qui dandae tot annos Societatem in India & priuatim in Iaponia Chinaq; maxi-

A D L E C T O R E M.

ma cum laude moderatus est. Inde Philosophicis ac Theologicis studiis in Collegio Romano dedit operam, ad annum usque Domini 1577. quo Romam peruenit P. Martinus à Silva Indiae orientalis Procurator, cuius auxilio cum aliquot Socijs missionem Indicam à P. Euerardo Mercuriano Praeposito Generali quarto impetravit. Romam Genuam peteret, in Hispaniam transmissurus, adduci non potuit, ut pretextu visenda Virginis Loretanae, ad suos Maceratam diuerteret, sed bene appetante prius illi ac Socijs Gregorio XIII. Pontifice maximo, recto itinere in Lusitaniam properavit. Magnam eius anni partem Conimbricæ transegit, naues enim prius soluerant quam ipsi aduenirent. Ergo anno insequente in Indiam soluturi, Olyssipponam petiere. Hic sileri non debet, quod ipse saepe magno animi sui sensu commemorabat. De Lusitania Rege Sebastiano illo, gentis etiam nunc suae desiderio. Nam cum ad eum salutandum se contulissent, & ex Procuratore audisset Rex omnes qui ex Italia secum venerant nobili nonnullos etiam illustri loco natos Salutis Indorum procuranda cupidissimos esse, & cum Lusitanis hoc in officio certare. Aderant enim Rudolphus Aquandus haud scio an sanguine quam martyrio illustrior. Nicolaus Spinola; Franciscus Pafius, Michael Ruggerius & noster de quo nunc agimus. Qui omnes vel vitae sanctitate, vel obitu in ordine suo muneribus conspicui fuerunt. Respondisse Rex fertur, Quam gratiam Praeposito Generali referam qui tam insignia nobis ad rem Indicam subsidia submittit. Nouerat bonus Princeps unam esse e varijs nationum turmis compaginatam sub IESU vexillo Societatem. E Lusitania ergo soluentes, naui cui à D. Ludouico nomen erat recti, Goam Idibus Septembris anni 1578. tenere. In India quadriennium exegit, partim conficiendis sacrae Theologiae studiis partim in eloquentiae professione, vel Goæ vel Cocini, quibus ad maiora quodammodo proludebat. Inde Sinicae expeditioni à Visitatore destinatur, quam cum annos fere triginta tractasset, eo studio ac eventu, quo mox narrabitur, ac supremum sibi diem instare persentisceret, animum applicuit ad expeditionis huius primordia, in aliquem commentariorum ordinem redigendo eo consilio, ut scriptori cuiquam materiam expeditam suppeditaret. erant enim copulurima quae alius nemo facile, nisi qui ea tractauerat, è principiorum quodammodo tenebris eruisset. Hos commentarios paucis ante obitum mensibus, aut potius diebus utcumque, absoluerat, relictis solum aliquot lacunis, quos ex annalibus domiciliorum nostrorum serius ad eum missis, explerentur. Hac

es165

AD LECTOREM.

eius scripta in scrinio post mortem reperta sunt, cum nonnullis alijs, quæ de expeditionis administratione tractabant.

Ea quoniam in Europam destinare animus erat, ne in longissimo itinere tantisq; tot equorum periculis tanti viri monumentum intercideret, sum fuit illud ex Italico sermone, labore non impari, in Lusitanum idioma transferre. Scripserat autem Pater Matthæus Riccius Italicè ea mente, ne antelegeretur uspiam, quam à Præposito Generali reuisum fuisset opus, quippe sua consulens modestia, etenim vniuersa prope scriptio, res à seipso gestas continebat. Interim urgentibus expeditionis Christianæ negotijs, destinandus in Europam Procurator necessario videbatur. Quam ad rem, cum ego fuisset auctoritate superiorum nominatus, omnino mihi Autographos ipsos Patris Matthæi Ricij Cōmentarios, denudò euoluendos & in latinum sermonem conuertendos putavi. Primū quidē, quia ab alio qui rerum locorumq; esset imperitus, nullo modo posse concinnari probè intellexi: Deinde quod varijs in locis lacuna, ut dixi erant explende addenda multa augenda plerag; quæ viri modestia cum de se loqueretur, vel omiserat, vel leuiter attrigerat. Itaq; tametsi longissimæ nauigationes sunt sufficiens scipsis labor aggressus sum tamen calō mariq; subinde mitiore, dissimulato nauticorum hominum tumultu rem maiori otio dignam, conscribere. & dubio procul antè finem libri quam itineris aspexissem si perpetua nauigatione consuetū iter decurrissem. Verum iustis excusis, ex India in Sinum Persicū nauigauī ac deinde terrestre iter arripens per Persidem, Arabiam desertā, & Turcici imperij partem, Heliopolim deueni. Inde per Mediterraneū mare, in Cyprū, Cretā, Iacynthū ac deniq; Hydruntū, Deo duce, perueni. Intermissa igitur fuit scriptio, donec Romæ noctes negotijs suffurarer, quæ licet perturbata iterum fuerit & ex recenti morbo temporum angustijs coarctata nihil tamē dubitavi, vel importunis amicorum precibus cedere, vel maiorum voluntati, neque enim id ago, ut te Lector discendi potius lepore quam veritate delectem.

De qua quidem veritate nihil est quod dubites, quantum quidem mortali licet assequi, nam neque Patri Matthæo virtus defuit, ut fallere voluisse, neq; experientia ut falli potuisse videretur. De me quoq; id assero si quid auxi, id mihi fuisse exploratum vel oculis testibus, vel reliquorum sociorum fide aut denique annalium nostrorum testimonijs comprobatum. In idem enim regnum non ingressus sum solum sed etiam sex nobilissimas eius Prouincias lustravi,
domos

AD LECTOREM.

domesticas omnes percurri, & totius expeditionis negotia sum, ut arbitror, affecutus. Hæc ideo te, Lector, monendi latius putavi, ne scriptorum quorundam qui hætenus de re Sinica prodierunt, varietate perturberis.


Ex ijs enim qui hætenus de rebus Sinicis scripserunt, duo genera comperio. alterum eorum est, qui pleraque, vel ipsi commenti sunt, vel audita nullo delectu pro veris euulgarunt, ab hoc numero ne nostros quidem è Societate excludo, qui Sinarum Negotiatorum fide subnixi non aduertebant eos vel res suas, ut sit, augere, vel quæ non satis habebat explorata, pro exploratis adferre. Unde cum tandem aliquando nostris in regni interiora aditus patuisset, animaduersum est multarum rerum fidem interciderere, quin etiam ex eo ipso tempore, quo nostris ingressus patuit, primis potissimum annis nonnulli fortassis non explorata cum litteris nostris nauigasse. Neq; enim simul atq; Europam attingisti, Europæa omnia pernoscis sed oportet ut annorū diuturnitas, Prouinciarum illustratio, sermonis patrij peritia librorū lectio ad fidem faciendam accedat, quæ cum omnia simus hætenus affecuti, id sanè cogitatur, postremā hanc descriptionem, ceteras omnes superiores auctoritate superare & ei nihil ad veritatem deesse, nisi quantum mortalis tenuitas veniā digna erroris admisit, quod si aliquando aduerterimus, curis posterioribus, priorum Magistris, uti emendetur adlaborabimus. Interim his fructu Lector dum exactiora fusioraq; præparamus. Si enim DEVS optimus maximus post tot itinerum anfractus stationi me antiquæ restituerit, ac vitam produxerit, spondeo me de Sinensis regni moribus, volumen iussu, in quod etiam Sinarum Annales à quatuor fere annorum millibus per continuos seculorum gradus deductos, in compendium redacturū & simul ex Ethicis Sinarū libris selectiores quaslibet sententias Latino habitu transmissurum, ut intelligatur quam apta sint ad rem Christianam eius gentis ingenia, quæ ita appositè de moribus disputant. Interim hoc velut prægustatorio ferculo contentus esto & breuitatem nostram apj rei Christiana negotijs ac Sociorum paucitati acceptam refer, & nostram æqui boniq; barbariem consulas velim quæ peregrino sermone perdiscendo scribendiq; desuetudine siluescens, non potuit aurium tuarum acerrimo iudicio satis nitide seruire. Vale Romæ decimo quarto Kalendas Februarius anno Salutis humanæ clō Idc XV.

Nicolaus Trigautius.

INDEX



FERDINANDVS ALBE-
RVS, SOCIETATIS IESV VICARIVS
GENERALIS.



V M opus, cui titulus est; *De Christiana ex-
peditione apud Sinas, ab Societate IESV suscepta*, à P. P. Mat-
thæo Ricio, & Nicolao Trigault conscriptum, tres eius-
dem Societatis Theologi recognouerint, ac in lucem edi-
posse probauerint, facultatem concedimus, vt typis mandetur, si ita
ijs, ad quos pertinet, videbitur. In quorum fidem has litteras manu
nostra subscriptas, & sigillo nostro munitas dedimus. Romæ 30. Maij,
Anno 1615.

Ferdinandus Alber.



b

INDEX

INDEX. OMNIVM CAPITVM HVIVS HISTORIÆ.

Capita Libri primi.

I. Scriptionis huius causæ & modus.	fol. 1
II. De nomine, situ, & magnitudine Regni Sinarum.	3
III. Quorum rerum sit ferax Sinenſis ager.	9
IV. De artibus apud Sinas Mechanicis.	18
V. De artibus apud Sinas liberalibus, deque litteratorum gradibus.	25
VI. De Sinenſis Reipub. ic. administratione.	42
VII. De Sinarum ritibus nonnullis.	63
VIII. De corporis lineamentis, cultu habituque & aliis apud Sinas consuetudine receptis.	85
IX. De ritibus apud Sinas superſtitioſis & aliis erroribus.	92
X. Variæ apud Sinas falsæ Religionis sectæ.	104
XI. De Saracenis ac Indis, ac fidei demum Christianæ apud Sinas vestigiis.	116

Capita libri secundî.

I. B. Franciscus Xaverius Christianam apud Sinas expeditionem aggreditur, sed non ingreditur.	fol. 127
II. Huius expeditionis principia iterum ab Societate IESV instaurantur.	139
III. Intra eundem annum tertio Patres in Sinarum regnum admissi, stationem tamen in conondura impetrarunt.	148
IV. Sciaquinum Patres evocantur, & facultatem impetrant ædis extruendæ, Sedisque figendæ.	158
V. Cum Sinis de legis nostræ capitibus paulatim ab Sociis agi captum	169
VI. Absente P. Michaeli Ruggerio gravi calumnia P. Matthæi Ricini liberatur, &	

Mathematicis operibus in stuporem Sinas adducit.

175

VII. Legationem Hispanis ad Sinarum Regem Patres impetrarunt.

186

VIII. Alij duo Socij huic expeditioni destinantur, & in regnum admittuntur. In Provincia deinde Cequiantâ à nostris excurritur

191

IX. Enoua Sede dimittuntur. In Provincia Quamsi P. Michael Ruggerius excurrit.

197

X. P. Eduardus Superior Amacuum remittitur, & Socij vexati, gravi deinde calumnia liberantur.

201

XI. P. Michael Ruggerius Amacuum petit, ibiq; retinetur. P. Eduardus Sciaquinû redit, & Socij populari furore fatigantur.

208

XII. Visitator P. Michael Romam mittitur, procuraturum à Pont. Max. ad Regem Sinarum legationem: P. Antonius Almeida Sinas petit, eaq; sedes nouo ex Metropoli labore fatigatur.

212

XIII. Quanto cum fructu à Socijs id temporis in Schiauchienſi sede laboratum.

220

XIV. Extremus Schiauchinæ Sedis labor & Sociorum expulsio.

225

Capita libri tertij.

I. Sinenſis expeditio Christiana instauratur, & Xaucei noua sedes erigitur.	237
II. Amacai Patres reuocatos auditur. Visitator ad rem Sinicâ stabilendâ accingitur	248
III. Nobilis Magistratus filius, Chiuaiso nomine, Xaucei se P. Matthæi discipulum proficitur, & cum eo in vicinam urbem à P. excurritur.	252

IV. Præ-

VII 43

INDEX CAPITVM.

- IV. Primus in Xauceana sede labor, & P. E-
duardi Reſloris in eam aduentus. 258
- V. P. Antonius Almeida moritur, P. Franci-
ſcus de Petris ei ſufficitur. 263
- VI. In urbem Nanchinam excurrit P. Mat-
thæus, & aliquot ibi Chriſto aggregat. 268
- VII. Nocturni Lurones domum inuadunt, So-
cium virumque vulnerant, & à iudicibus
damnati, Noſtrorum ope liberantur. 272
- VIII. P. Franciſcus de Petris moritur. P. La-
zarus Catanæus in eius locum ſubrogatur. 279
- IX. In Regiam Nanchinenſem P. Matthæus
pergit. 283
- X. P. Matthæus Ricinus Nanchino turpiter eie-
ctus, in Chiamſi Prouincia metropolim ſere-
cipit. 294
- XI. In Chiamſi Prouinciæ metropoli noua Se-
des erigitur. 301
- XII. Cum Regiis propinquis & Matthæus ſi-
miliaritatem contrahit, & cum aliis qui-
busdam, qui ſe cōcionatores appellabāt. 307
- XIII. Socius P. Matthæi Nanchini mittitur,
& à noſtris ades propria cōparantur. 311
- XIV. Xaucei P. Lazarus Catanæus ingenti la-
bore fatigatur, Et alij duo Socij euocantur. 314

Capita libri quarti.

- I. P. Matthæus ſecundo Nanchinu redit. 319
- II. A Nanchienſi Prorege P. Matthæus euoca-
tur, inde cum noſtris Pechinu nauigat. 325
- III. Pechinenſi negotio fruſtra tentato Noſtri
Nanchinum reuertuntur. 336
- IV. Hyeme præuienti Noſtri in ſtumine hyber-
nant, P. Matthæus itinere terreſtri Nanchi-
num repetens, tertiam ſedem erigit. 344
- V. Ex Mathematicis diſciplinis magna Noſtris
authoritas Nanchini accreſcit. 355
- VI. Nanchini viri primores P. Matthæi ſimi-
liaritatem ambiunt. 364

- VII. P. Matthæus Ricinus cum celebri ſacrifi-
culo de lege noſtra diſceptat. 370
- VIII. Ex Hybernis Noſtri Nanchinum incolu-
mes appellant, & ades commodè compa-
rantur. 377
- IX. P. Lazarus Catanæus Amacaum petit;
Nanchini verò primus Neophytorum ba-
ptizantur. 383
- X. Expeditionem Pequinenſem Noſtri denudò
aggrediuntur. 389
- XI. Quæ Noſtris in arce Thienſi cōtulerint. 394
- XII. Noſtri ex improuiſo Pechinum ab Rege cū
ſuis donis euocantur. 405
- XIII. Noſtri à rituum Magiſtratibus compre-
henſi, in arcem Legatorum reuſi ſunt. 416
- XIV. Noſtrorum ſtatio in urbe tandem poſt li-
bellum à noſtris Regi datū confirmatur. 426
- XV. Amicitia Noſtrorum cum viris duobus
grauiſſimis ac diſſimè, & fruſtu contracta.
432
- XVI. Inſigni dedecore per eos dies notata ſi-
mulacrorum ſecta Noſtros imminenti peri-
culo liberauit. 438
- XVII. In Xauceana Sede quid hætenus ge-
ſtum ſit. 444
- XVIII. Quibus per eos annos laboribus Xau-
ceana Sedes fuerit agitata. 456
- XIX. Nanchienſis Eccleſiæ progreſſus. 468
- XX. P. Emmanuel Diaz ab Amacaenſi Re-
ſlore in Sinenſem expeditionē mittitur. 474

Capita libri quinti.

- I. E laponia reuerſus Amacaum Viſitator hu-
ius expeditionis rex componit. 481
- II. Quanta legi Chriſtiana dignitas è libris P.
Matthæi hoc tempore excuſis acceſſerit. 486
- III. Paulus in Philoſophico, Martinus in mili-
tari Senatu, Doctōrū gradus aſſequuntur. 492

V. Quid

HVIVS LIBRI.

- | | |
|--|---|
| <p>IV. Quid superioribus annis in Sede Nanciani gestum fuerit. 497</p> <p>V. Quid in Xauceano domicilio hoc ipso tempore ageretur. 503</p> <p>VI. Res Christiana Nanchinensis belle procedit, & amicus noster Chiutaisò Christo aggregatur. 509</p> <p>VII. Pechinensis Domicilij res gesta. domus coëmpta. Euclides Sinicè editus. 514</p> <p>VIII. P. Alexander Valignanus Visitator, & primus expeditionis huius fundator moritur Amacai. 522</p> <p>IX. In Cantonensi Metropoli graui tumultu in Nostros excitato Frater noster Franciscus Martinez occiditur. 525</p> <p>X. Cantonensi tumultu sedato P. Cataneus cum altero Socio ad stationem suam intra regnū redijt. 535</p> <p>XI. Ex India Cataium lustraturus mittitur e nostra Societate Benedictus Goësius Lusitanus. 544</p> <p>XII. Reliquum itineris Cataium vsque quod Sindr. in regnum esse compertū est. 551</p> | <p>XIII. Fratris nostri Benedicti mors intra Sinense regnum postquam ad eum excipiendum è Nostri vnus Pechino missus aduenisset. 561</p> <p>XIV. Nanciani grauissimus in Nostros tumultus exoritur. 569</p> <p>XV. Nanciani exantlato labore gesta. 579</p> <p>XVI. Geographicam orbis descriptionem à P. Matthæo editam Rex ipse intra Palatiū recudi iubet. Et Pechinensis Ecclesia nouis incrementis augetur. 583</p> <p>XVII. Rei Christianæ apud Nanchinenses progressus. 590</p> <p>XVIII. In Patria Doctoris Pauli vrbe Scianhai nomine vtiliter biennij spacio P. Cataneus laborat. 597</p> <p>XIX. In Sede Xauceana res eo tempore gesta narrantur. 603</p> <p>XX. De felici P. Matthæi obitu. 610</p> <p>XXI. P. Matthæo Ricio ab Rege sepultura, Nostri ades sacra & Profana designatur. 616</p> |
|--|---|

FINIS CAPITVM.



DE

VICI

I

DE CHRISTIANA
EXPEDITIONE APVD SINAS AB
SOCIETATE IESV SVSCEPTA.

Liber primus.

Scriptionis huius causæ & modus.

CAPVT PRIMVM.

NON rarò euénit, ut ingentium expeditionum, rerumq; magnarum, quæ labentibus seculis assurrexere, primordia posterius penitus ignorârint. Eius rei causam non semel mecum ipse inuestigans, vix aliam deprehendi, quàm rerum omnium initia [etiam earum quæ in immensam deinde magnitudinem excreſcunt] in ortu suo, ita exigua esse & exilia, nihil ut minùs quàm secuturam deindẽ molem promittere videantur; qua ex causa qui res illas ex infantilibus, ut ita dicam, cunis educunt, nihil admodum laborant, res memoria tum quidem ut videtur indignas, memoriæ commendare. Nili fortè magis placet, eiusmodi negotiorum prima rudimenta, tot tantisq; difficultatibus impediri; ut eorum auctores in agendo distentos, à scribendo non temporis minùs quàm virium penuria deterreri fateamur.

Initia rerum
magnarũ cur
sæpe ignoren-
tur.

Quam ob rem, ut societatis nostræ ingressum in oculos tot seculis vastissimi huius regni fines, & rei Christianæ primitias, apud illustrem hanc gentem, ab hoc obliuionis interitu vindicarem, aggressus sum ea, quæ à P. Matthæo Riccio suis commentarijs ad posteritatis memoriam quotidianis, post obitum relicta, historica narratione complecti.

Causæ huius
scriptionis.

A

Id

Id ut facerem, alia me quoque vel maximè causa permouit, ut si fortè Diuinæ bonitati visum fuerit, ex hac minima Euangelij semente, lætam aliquando messem in Ecclesiæ Catholicæ horrea congregare, posteri fideles intelligant, à quibus inde temporibus admiranda Dei opera in huius gentis conuersione, sint deprædicanda; deinde si ex euentu quodam, seu occulto Dei iudicio sperati fructus non prouenerint, cognoscant, quantum minima nostra Societas IESV uelegerit, vel passa sit ad hanc infidelitatis velut nemorum vastitatem perrumpendam, & quanto vel sudore vel industria hoc ipsum nouale excolendo in spem magnam euocârît.

Porro totum hoc de quo agimus negotium, quis ambigat, diuinum esse, quando in animis ad Euangelij lucem adducendis, omnino versatur, plus igitur veritatis candore, quam verborum lenocinijs pium lectorem in re pia, delectare conabimur. Nihil præterea hac nostra narratione detractum volo annalibus nostris, aut priuatis sociorum litteris, quin eam habeant quam habere par est in veritatis auctoritate firmitatem (nisi fortè cum his pugnaverint) neque enim instituti nostri est in hac historia vel omnia persequi, vel quæ persequemur exhaurire, quin alia multa contigerint quæ narrari quoque potuissent.

Verum ex eo quod Sinicæ res, ferè non ratione minùs, quàm ipso cælo ab Europæis distent, totaque hæc scriptio Europæ soli dedicetur, consilium mihi fuit, antequam rem institutam aggrediar, pauca de huius regni situ, ritibus, legibus, cæterisque id genus præmittere, ne historiæ deinde filum necessariò sarpè, & non sine nausea, interrumpamus. qua in re eum modum seruabimus, ut non nisi quæ à nostris discrepant, quantum ad historiæ lumen pertinebit, attingamus. Ac tamen si eiusdem argumenti non pauca volumina

in

Modus scri-
bendi.

in Europa legantur, arbitror tamen nemini molestum fore, Declaratur fi-
des huius hi-
storiae. hac eadem ab nostris audire, quia iam annos omnino tri-
ginta in hoc regno viximus, nobiliores eius prouincias lu-
strauimus, cum illius optimatibus summisq; Magistratibus
ac viris litteratis quotidie familiarissimè congregimur, ver-
nacula Sinarum lingua loquimur, eorum ritus legesq; ex
professo didicimus, ac denique quod maximi refert, dies ac
noctes eorum libros manibus terimus. Quæ omnia ijs de-
fuere qui nullo vnquam tempore in hunc propè alium or-
bem penetrarunt, quæque scripserunt non oculis, sed auri-
bus acceperunt, aliorum fide subnixa. Verum hæc intra
institutæ breuitatis limites restringemus paucis huius pri-
mi libri capitibus, quæ non immeritò in singulos libros ex-
crescerent, si pro dignitate tractarentur.

*De nomine, situ, & magnitudine Regni
Sinarum.*

CAPVT SECVNDVM.

EXtremum hoc in Oriente Imperium, Europæ nostræ
innotuit varijs nominibus insignitum. Antiquissimum Varia huius
regni Sinenfis
appellatio. est illud à temporibus Ptolomæi Sina. Postmodum à
Marco Paulo Veneto, qui nonnullam huius regni notitiam
Europæis ingessit, Cataium appellatur, sed celeberrimum
est China ab Lusitanis inductum, qui immensam nauiga-
tionem emensi, eo appulerunt, ibique ad Australem eius
partem in Canconienti Prouincia hodieque negotiantur.
Id nomen Itali & aliæ nonnullæ in Europa nationes nonni-
hil immutarunt, Hispanicæ pronunciationis ignari, quæ in
nonnullis à Latina discrepat. China enim ab Hispanis om-
nibus ita effertur, vt ab Italis Cina.

Nemini quoque dubium meo quidem iudicio videri de-

Serico abundat.

bet, hanc esse quam Hippophagorum regionem vocant, in hoc enim regno vniuerso ad hæc vsque tempora equina, vescuntur omnes æquæ ac nos bubula. Nihil etiam dubitarim eandem regionem quoque esse Sericam: non enim alio in regno vllod ad Orientem, nisi apud Sinas, sericum, eiusque vis tanta reperitur, vt non incolæ solùm vniuersi, opulenti æquè propè ac tenues eo induantur, sed etiam in finitima omnia Regna exportetur. Lusitani sane Negotiatores alia nulla merce onerarias suas libentiùs confarcinant, quàm Sineni serico, quod in Iaponiam Indiamque vniuersum distrahendum immittant. Hispani quoque Philippinarum Insularum incolæ, naues suas in nouam Hispaniam orbemque illum vniuersum onustas Sineni serico transmittunt: In Sinarum quoque annalibus reperio operis artificium serici annis ante Christum natum bis mille sexcentis triginta & sex. Et apparet ex hoc regno in reliquam Asiam, nostramque Europam, imò & Africam id genus opificij transmigrasse.

Mos variandi nomen huius regni apud Sinas.

Verum in hac nominum varietate, nihil æquè mirum videri debet, quàm hæc omnia Sinis ipsis incognita esse & inaudita, cum nullum apud eos vestigium sit harum appellationum, ac multò minùs qua ex causâ toties variarint; cum tamen alia multa Sinæ ipsi regno suo imposuerint, ac fortasse in posterum imponent. Est enim apud eos in more, ab omni memoria, positum, vt quoties imperandi ius ex vna familia in aliam, pro humanarum rerum vicissitudine transit, ipsum quoque regnum nouo nomine, ac eo qui regnare occipit, insigniatur, quod qui facit, speciosum aliquem regno titulum pro arbitratu imponit. Ita olim Than appellari legimus, quod sine termino latum sonat, Alias Yu ac si quietem voces, deinde Hia quod idem est ac si magnum dicas. Postea Sciam, quæ vox ornatù innuit. Tum Cheu, hoc est

perfe-

perfectum. Han vero Lacteam in celo viam signat, aliaque permulta. Ex quo verò hæc ipsa familia, penes quam hodie regnandi ius est, quæ Ciudicatur, regnum vniuersum Min, id est claritatis nomine insignitur, cui tamen hodie syllabam ta adiunxerunt, & Ta-min id est magnæ claritatis regnum appellant.

E vicinis verò populis pauci has nominum varietates aduertunt, hinc fit, vt singuli propè singulis hoc regnū nominibus insigniant. Cocincinenses & Siami (à quibus Lusitani Chinæ nomen didicerunt) Cin, Iapones Than, Tartari Han, Saraceni ab occasu Cataium hodieque appellant.

Apud ipsos quoque Sinas (hoc enim Ptolomæi nomen video frequentius ab Latinis Scriptoribus vsurpari) præter illud quod eandem cum ipsis Regibus fortunam subit, alio quoque communi seculorum omnium, eoq; nec vno nomine compellatur. Nunc enim Ciumquo, nunc Chiumhoa quotidiano nomine appellamus, prius regnum, posterius nomen hortum, vtrumque in medio situm sonat. nuius nominis causam audio esse, quod Sinæ calum quidem rotundum, terram verò quadratam esse arbitrentur, in cuius medio regnum situm esse sibi fingunt, qua ex causa cum initio Geographicas nostras descriptiones in plano positas aspicerent, sub stomachabantur, regnum suum non in medio, sed ad extremum Orientem demonstrari, hanc ob causam cum Pater Matthæus Riccius, orbem terrarum Sinicis nominibus expressisset, ita disposuit, vt Sinarum regnum in medio viseretur, verum ipsi nunc plerique errorem illum suum & agnoscunt & irrident.

Error Sincium circa situm regni.

Qui vniuersum regnum cum summo imperio moderatur, Vniuersitatis huius Dominus appellatur, ideo quod arbitrentur ipsi, regnum suum iisdem prope terminis, quibus hoc vniuersum claudi, nam vicina regna quæ pauca prius

Moderator huius Regni, Dominus vniuersitatis appellatur.

8 DE CHRISTIANA EXPEDITIONE

Amplitudo
Regni Sinarū.

Longitudo
regni Sinarū.

nouerant, quam cum Europæis commercia miscerent, vix regnorum nomine dignantur, quod si cui è nostris mirum videatur, idem sciat Sinis videri posse, si scierint tot è nostris monarchas eodem titulo insignitos, quibus in Sinarum ingens imperium nihil vnquam Iuris fuit. Atque hæc de Regni nomine perstrinxisse sit satis. Quod spectat ad amplitudinem, non immeritò Sinarum Imperium, Scriptorum & seculorum omnium calculo, magnum prænomen obtinuit; nam si agrorum situm ac limitum spectes, omnia orbis terrarum regna, vnā quidem appellationem sortita, hodie superat, & per omnia retrò secula (quantum quidem hætenus assecutus sum) superauit. Ad austrum enim in gradu nono supra decimum eleuati supra horizontem poli incipit, in Insula quam ipsi Hainam vocant, quod australe mare sonat, & excurrit in Septentrionem, ad secundum & quadragesimum, ad boreales illos muros, quibus à Tartaria Sinae suum Imperium diuidunt ac tuentur. In longum incipit à centesimo duodecimo ab Insulis fortunatis, in Proincia quam ipsi Yunan vocant, & in centesimo tricesimo ac secundo, mari ad solis ortum terminatur. Hanc terminorum dimensionem nos ipsi varijs in locis eiusdem Regni, per quæ transire contigit, ad astrolabiorum & aliorum, quibus Mathematici vtuntur, instrumentorum normam, adiuncta Eclipsium fide, è Sinensium fastorum, in quibus nouilunia simul ac plenilunia ad amussim describuntur, & maximè cosmographicorum planorum auctoritate, quam accuratissimè licuit, excussimus. Et quidem ab Austro in Boream, vbi nostrorum hætenus desudauit industria, nihil est quod addiposse videatur. Si verò in longitudine posteri nostri, cum in eas partes Euangelium, Deo volente, inuexerint, accuratiùs aliquid explorarint, quod erit vt arbitror discrimen exigiūm, eorum auctoritati libens cedo, & posteriores curas prioribus iudico præferendas. Ex

Ex his colligitur, hanc in vno regno amplitudinem, maxima ex parte intra zonæ temperationis, benignius cælum contineri, eaque omnia climata, quæ ab extremo eius, quod à Meroe Nili Insula nomen accepit, ad Romanum vsque excurrunt, continua excursionem complecti. Hæc tam ampla limitum circumscriptio, ad Boream tamen angustior est, tertia ferè parte, quam nonnulli nostri temporis Scriptores eam protenderunt, qui ad tertium supra quinquagesimum gradum eam protulerunt.

Sina intra zonam temperatam sita.

Verùm ne cui hæc etiam ipsa limitum laxitas, si non incredibilis post oculos testes, tamen magnam aliquam partem deserta incultaq; videatur, adscribam hic quod in quodam Sinarum volumine excuso, anno Domini 1579. cui Sinarum Regni descriptio titulus est, scriptum reperi. Id cum fide conuersum sic se habet: In Sinarum regno duæ sunt Prouinciæ curiales ac Regiæ, Nanquinum, quod Regiam Australem, & Pequinum, quod Borealem sonat, præter has aliæ sunt tredecim. In his quindecim prouincijs, (regna eas iure dixeris) alia diuisione centum quinquaginta octo regiones aut potius prouinciæ minores (ipsi Fu vocant) numerantur. (Quarum pleræque duodecim quindecimue Vrbes benè magnas, præter Villas, pagos, castella & oppida, comprehendunt.) In his regionibus 247. Vrbes maiores titulo Cheu insigniunt, tamen si à reliquis Urbibus sæpe dignitate potius, quam celebritate vel amplitudine distinguuntur, Vulgares Vrbes reliquæ, quas ipsi Hien vocant, mille supra centum & quinquaginta duæ continentur. Adulorum porro capita à quibus vectigal Regi singulatim penditur, 58. milliones (vulgus Su vocat) quingenta quinquaginta millia octingenta & vnum, eo tempore quo liber excusus erat, numerabantur. Sed in his neque muliebris sexus includitur. Et è virili pueri, Adolefcentesq;, Eunuchi, mili-

Descriptio amplitudinis.

Urbium numerus.

Adulorum capita.

militēs, propinqui Regis, Magistratus litteratique & alij permulti excipiuntur. Et militum quidem, tametsi alta & decrepita ferè pax est (exceptis Tartarorum insultibus) supra decies centena millia, stipendio Regio aluntur, & perpetuò sunt in armis, qui numerus vt nemini supra fidem videatur, aduerto tres ad Boream prouincias, qualis est vna quæ Leatum vocatur, propè dimidiatas, sub vexillo ac stipendio regio militare.

Regna vecti-
galia.

Regna finitima Sinarum, Imperio vectigalia ad ortum tria, ad occasum tria supra quinquaginta, ad austrum supra quinquaginta quinque, ad boream verò tria eodem volumine numerantur. Aduerto tamen hodie, longè pauciora debitum vectigal persolvere, ea verò quæ hodieque persolunt, plus è Sinarum regno efferunt quàm afferant, ideoq; nihil admodum à Sinis laboratur, in vectigalium fide permancant nec ne.

A munitioni-
bus laudatur.

Adhuius regni amplitudinem, ac celebritatem accedit, quod vndique vel natura vel arte cingitur aptis ad se tuendum munitionibus. Ad austrum simul & ortum mari alluitur, eoq; tot Insulis distinctè, vt classibus ad continentem aditus sit vbique perdifficilis. Ad Aquilonem ardua præcipitia, continuò quinque leucarum supra quadringentas eoque fortissimo muro coniuncta. Tartarorum propè continuos insultus excludunt, ab occasu quia aquiloni vicinior est, conterminus visitur arenæ sitientis ager, qui multorum dierum penuria aduenarum exercitus ab Sinarum regno aut deterret, aut sepelit. Occasus australior saltibus & montibus frequens notatur, & exigua admodum regna finitima habet, quæ Sinæ negligunt, indigna suo vel metu vel cupiditate arbitrati.

Quarum

Quarum rerum sit ferax Sinensis ager.

CAPVT TERTIVM.

EX hac tanta huius regni amplitudine, non ab ortu solum in occasum (prout nostra excurrit Europa) verum etiam ab Austro in Aquilonem, cōtingit, vt alibi nusq̃ toto orbe terrarū, tanta sit rerum nascentiū varietas, quæ sub eiusdem regni cælo producūtur; hinc enim climatū diuersitas, & ex ea diuersarum rerum feracitas pendet, nam alia sub torrido, alia sub gelido, alia denique sub Ioue temperato felicius educuntur.

Sinæ ipsi in suis chorographiæ voluminibus, fusè quid quæque Prouincia ferat, enumerant, quæ omnia hīc persequi esset ab instituta breuitate alienū. Illud in vniuersum cum fide dici potest, quod ab omnibus scriptoribus asseritur, omnia quæ ad humanum cultum & victum, imò & delicias faciunt, nō aliunde importari, sed domi abundè nasci. Quin etiam ausim asserere, omnia propè quæ in Europa videmus, in hoc regno reperiri. Et si quæ desunt, longè pluribus alijs quibus Europa caret, compensari.

In primis igitur omni triticio abundat apparatus frumentum, hordeum, milium panicum, siliginem, & alia id generis copiosè suppeditat. Oriza porrò, quæ quotidianè est eorum ferè cōmeatus, longè Europam superat. Legumina verò, sed maximè phascoli, quibus etiam ipsa iumenta armentaq̃ vescuntur, & id generis in varijs prouincijs secundam ac tertiam quotannis sementem ac messē patiuntur, ex quo non minùs agri cæliq̃ feracitas & clementia, quàm gentis industria colliguntur.

Fructuum quoque ac pomorū species, si oliuam excipias & amygdala, è primarijs nullæ desunt. Importatę à nostris ficulnæ, nolunt se ab Europæis superari. Præter hæc alia sunt poma nostris incognita, qualia in Cantonienſi Prouincia ali-

B

isq̃

isq; Australibus sunt, quæ nomine ab Sinis accepto Licyas & Longanas appellamus, quæ mitissima sunt in paucis, nec vquam alibi generantur. Indicæ quoque illæ e palma nuces, & alia Indica poma ibidem visuntur. Alia quoque species est, quam ficum Sinensem, Lusitani Sucusina vocât, suauissimum simul ac speciosissimum pomum. ficum ideò solum Lusitani vocant, quod ijs quoque passis vesci licet, aliàs enim nihil habet omninò simile, propiusque accedit ad malum persicam grandem, sed rubeam ac sine lanugine vel nucleo. Aurea verò mala & citrea omneq; spinosi nemoris pomum, omnem ubiq; terrarum in eo genere vel varietatem vel suauitatem longo superant interuallo.

Ficus.

Aurea poma.

Herbz.

Idem quoque constanter videor de olerum varietate ac præstantia, de quæ hortensium herbarum apparatu posse confirmare, horum enim apud Sinas, quam apud nostros, usus est frequentior. Complures quippe de vulgo reperias, qui per universam vitam alia nullare vel tenuitatis, vel etiam religionis causa vescuntur.

Flores.

Nec omnium porrò florum varietas desideratur, imò non pauci nostris incogniti, non sine voluptate conditorisq; laude visuntur. Verum Sinæ ferè magis eorum specie, quàm odore delectantur: atque ita planè inaudita est apud eos (nisi ex quo cum Europæis commercia miscuere) ars odoriferos succos è floribus aut herbis lento igne educendi.

In quatuor ad austrum prouincijs, nobile illud apud Indos folium quod Betre, & arbor quam Arequeiram vocant, reperitur. folium illud suauiter mordicàs, magna sua voluptate, viux calci mixtum, totos ferè dies Indi mandunt, asseruntq; calore illo stomachum non parum adiuuari.

Oleum.

Oleum ex oliua, vel in edulia, vel in lucernas variè supplent, sed omnibus præstat illud, quod è sesamo educitur, nã & odoriferum est, & ubiq; ferè abundat. Horum vina longè nostris sunt infe-

inferiora, tametsi contrarium ipsi sibi persuadent. Cum enim vva rarior sit, nec admodum mitis, neglectu quodam ex ea Vina: vina non exprimunt, sed ex oriza conficiunt alijsq; rebus, unde fit vt nusquam desit. Eo vino mirè sibi placent, & sanè nec insuaue est, nec ita vti Europæum adurit.

Suilla vulgò vescuntur, sed tamen aliæ quoq; carnes abundant. Bubula, ouilla, caprina multa est. Gallinæ, Anates, Anseres vbique innumeræ. Quin etiam equis, mulis, asellis, canibus æquè ferè vt reliquis carnibus vescuntur, atque ita venales in macellis exponuntur. quibusdā tamen in locis superstitione vel agricultura, Bobus & bubalis parcit, ferina, sed maximè ceruo, lepore varijsq; altilibus abundat, viliq; omnia pretio cōparatur.

Carnes

Equis vescuntur Sinenses

Equi & alia id generis iumenta, tametsi Europæis venustate cedant, numero tamen, & pretij vilitate vecturæq; facilitate præstant, sicubi flumina obuia non occurrant, nam ferè vniuersa Regio ita fluuijs peruia est, vt peruadi ferè tota possit, siue ea flumina natura, siue ars fecerit. Ex quo incredibilis omnis generis nauigiorum multitudo vltro citroq; nauigat, eaq; tanta, vt è nostri temporis Scriptoribus vnus asserere non dubitauerit, nihilo pauciores in aquis, quàm in continenti commorari, quod etsi supra fidem est hyperbole, talis tamen est vt Sinensia solum flumina nauiganti, minimè supra modum esse videatur. Ego aliud asserere fortè maiori fide ausim, non incredibile videri, tot in hoc vno regno nauigia, quot in reliquo terrarum orbe posse numerari, si deijs solum agatur, quæ ab aqua potabili deferuntur, nam ea quæ apud Sinas maria permeant & pauciora sunt, & cum nostratibus nullo modo conferenda. Sed ad equos redeo. Eos Sinæ domare minimè norunt, castrati omnes mansuescunt, quotquot ad vsus quotidianos adhibentur. Equi porrò militares sunt propemodum innumerabiles, sed ij ita degeneres atque imbelles, vt ne hinnitū quidē equi Tartari sine fuga ferant, vnde inepti ferè

Equorum multitudo.

Nauium copia.

Equi ad prælia inepti.

ad praelia esse solent, præterquam quod, cum ferreis calcibus muniti non sint, silices aut rupes in præruptis itineribus vngulæ teneritudo retinere diutiùs non potest.

Piscium varietas.

Magna est in tot fluminibus piscium varietas & copia, nam præter piscosissimum mare, ad austrum solemq; nascentem, & ea quæ dixi flumina, sunt ingentes lacus, quos ob latitudinem & profunditatem, exigua propè maria dixeris. Et præter hæc suburbana viuaria, haud paulò frequentiora quàm apud nostrates, è quibus in vsus mercatusq; quotidianos nullo non die piscis educitur, qui etiam nunquã deficit, piscâtesq; frustratur.

Nemora.

Sinensia nemora, Leones minimè alunt, sed magno numero Tygres, Vrsos, Lupos, Vulpes. Elephantes non nisi Pequini in aula ad pompam multi educantur, ijq; aliunde addicti, nec toto regno vsuam visuntur.

Linum.

Linum minimè norunt, è gossipio vulgò ad amictû pannus textitur, cuius semen tametsi ante quadringētos annos est ab externis importatum, ita tamen regio illius ferax fuisse reperiata est, vt hodie orbi vniuerso sufficere posse videatur.

Bombyx.

Operis bombycini tanta est copia, vt planè cum nostra Europa (nisi fortè superior est) certare posse videatur. Ex ijs byssinos, atq; damasceni operis pannos, quin etiam ad Europæ imitationē hodie quoq; holosericos texunt, aliaq; opera conficiunt, quæ apud nos in vsu habentur, sed in pretio tamen, tertiam partem ac sæpè quartam viliùs distrahuntur.

Cannabus.

Ecannabo alijsq; quibusdam herbis, varij panni texuntur, maximè in æstiuos vsus, tametsi ex ouium lacte, caseos non exprimant, & lacte non admodum vescantur, eoq; solo quod

Lana.

turgidæ boues præbent, lanam tamen tondent, & in ea vtenda à nostris longè superantur, nondum enim ex ea pannos laneos intexunt, qui tamen apud Sinas in pretio importati habentur: è lana conficiunt tenuiores æstiu tempore pannos, quibus vulgus ad pileos vtitur, & pro tapetibus, in quibus

bus vel de nocte iacēt, vel vrbanos ritus suos, de quibus infra, peragunt, horum ad Boream frequentior est vsus; qui tamen si longius absit ab Arctico polo, quam Europa nostra habitetur, frigus tamen haud paulò videtur acrius, nam & flumina permagna lacusq; gelu concrefcunt, cuius rei causa nondum satis est nobis explorata, nisi eam in Tartariæ niuales montes non remotos referamus, ad quæ frigora propulsanda, non infimis vulpium & Scythicarum mustelarum pellibus abundant.

Metalla apud Sinas omnia, nullo excepto, reperias licet. Præter æs cuprumq; vulgare aliud cōficiunt, candidū instar argenti, quod nihilo cariùs est ære flauo. E liquefacto verò ferro aliquanto plura opera quam nostri conſtant, vt lebetes, ollas, campanas, ac tintinnabula, mortaria, Cancellos, fornaces, bellica vel tormenta vel instrumenta, aliaq; complura, omnia nostratis haud paulo viliora.

Metalla,

Aurum nec ignobile est, tamen nostrate pretio longe inferioriùs. Argenti ad monetam vsus est, quæ ponderem non etiam sigillo impresso distinguitur, atque ita in omni commercio ad stateram pretium omne expenditur. quod est per se perincommodum, & addita ipsius argenti nobilitate vel ignobilitate, quæ pretio addenda est vel detrahenda, quod etiam incommodius, nam adulterina fraus nō est infrequens. Pluribus tamen in locis quadrantium ex ære vsus, qui in ærario publico ad vsus minutiores excuduntur, argentea quoque vasa, nec non aurea à potentioribus in vsum adhibētur, sed in hac re parcius est Sinarum luxus Europæo. Muliebris tamen mundus etiam apud Sinas maximè in capitis ornatu auri argentiq; multum absomit. Vulgaris porrò ad mensas supellex fictilis est, quam Europæi ferè nescio qua ex causa Porcelanam vocant, cui parem inter fictilia vasa nō reperias, siue tenuitatē siue nitorem spectes. Nobilissima fingitur in Kiamsinensis Prouinciæ agro, in quo massa lutea est, è qua fingi solet. Inde in vniuersum re-

Aurum.

Argenti vsus.

B 3

gnum

gnum finitimasq; Prouincias ac remotas in Europam vsq; distrahitur, & vbiq; habetur in pretio ab ijs, qui nitorem inter epulas pluris, quam pompam faciunt. Eduliorum etiam feruentium vim patitur, nec vnquam findi solet, imò quod mirere, frustra inter se filo æreo assuta liquorem continent, nec transmittunt.

Aedificia Sinen-
sium.

Vitrum quoque Sinæ conflant, sed in eo longè ab Europæis vincuntur. Aedificia vulgò lignea sunt, etiam regia palatia, ita tamen, vt parietes è lateritio plerumque opere consurgant, qui habitationem solùm discriminant, nam tectum columnis ligneis vt plurimum sustinetur. Hinc, & ex nauigiorum multitudine facilè colligi potest, arborum quanta sit vbique copia, nemorumq; felicitas, plerumque intra eas lignorum species quæ in Europa visuntur; Quercus est infrequens, sed eius vicem supplet æterna quædam & durissima ligni species, quam ideò ferrum Lusitani vocant, nam & ipso colore accedit, & quernam de quercu facilè coronam refert. Cedrum quoque videbis, funestam Sinis arborem. Ea maximè ad sarcophagos cadauerum vtuntur, quæ ab Sinis tanti habentur, vt sæpè in funebrem loculum, supra mille aureos non malè collocatos putent. Arundinum quoque genus est, Lusitani Bambu vocant, cuius durities ferrea propè est, eaque rotunda vix ambabus manibus cingitur, si maxima est, ac tametsi est inanis, suisq; nodis articulisq; distincta, sua tamè firmitate pro ædium minorum sæpè postibus statuitur. Lancearum etiam hastilia ex tenuioribus fiunt, & in sexcentos alios vsus, quorum longa esset narratio, adhibetur. Hæ arundines non nisi in prouincijs australibus gaudent, sed earum tanta est copia, vt regno sufficiant vniuerso, vixque alterius ligni vsus vilius comparetur.

Arundinum
genus.

Focus quibus
rebus alatur.

In focum non lignum solùm, carbones, arundines, stipulamq; suppeditat, sed bituminis genus est, quale apud Belgas maxi-

maximè in Episcopatu Leodiensi eruitur, ipsi Mui vocant, quod in omnem eius generis vsum accommodatissimè adhibetur, neque fumo molestiam facessit. In Borealibus tamen Prouincijs copiosius est ac præstantius, natura scilicet necessitatem adiuuante. E terræ visceribus eruitur, quæ longo tractu distracto eius vsum perpetuant, pretijq; moderatione copiam arguunt, & tenuissimo cuique materiam vel in culinam, vel in hypocausta subministrant.

Medicas herbas alit, quas aliæ regiones nō nisi importatas norunt, maximè Rhabarbarum, & Muscum, quæ ab Occasu Saraceni Asiæ vniuersæ, & exinde Europæ inferunt incredibile commercij lucro; cum hic vilissimo pretio distrahantur. Nam Rhabarbari libram obolis decem emptam, senis septenisque aureis in Europa diuendes. Hic etiam nascitur celebre multorum morborum pharmacum: Lusitani lignum Sinicum, alij Sanctum vocant, ad illius, quod ex orbe nouo aduehitur medendi similitudinem, & ita nascitur, vt nullo colente è desertis locis, solo labore, nullo pretio eruatur, indeq; incredibili lucro emolumentoq; distrahatur.

Herbarum
medicarum
vsus.

Salem non in Maritimis solum Prouincijs conficiunt, sed etiam in continente aquas inuenies, è quibus nullo negotio concrescit. Itaq; vbique abundat, ac nihilominus ex eo, quod sal in omnes propè humanos vsus adhibeatur, fit, vt in regios thesauros è salis commercio copiosum vectigal inferatur; & negotiatores qui in sale negotiantur, dant operam sint in primis copiosi. Saccari apud Sinas frequentior est vsus quam mellis, tametsi æquè vtrumque abundat. Cera verò non ea sola quam apes concinnant, sed alia est non candidior solum, sed etiam altera præstantior, nam & minus glutinosa est, & accensa clariùs splendet. Ea è vermiculis quibusdam conficitur, quos in hunc vsum in arboribus educant.

Sal.

Saccarum.

Cera qualis
conficiatur.

Aliam

Aliam quoque conficiunt ex arboris cuiusdam fructu, quæ superiori minimè est in candore inferior, sed tamen in splendore longo cedit interuallo.

Papyrus.

Quoniam papyri vsus apud Sinas latius, quam apud nos patet, tita variè conficitur, sed tamen quælibet eius species longè ab nostra superatur, nam nulla Sinarum charta præli patiens aut scriptionis ex utraq; parte, itaque folium vnum è nostratibus Sinicis duobus æquiualeat, facilè quoque laceratur, neque fert ætatem. Folia quædam quadrata conficiunt, quæ in vnus alteriusue passus longitudinem vel latitudinem protenduntur, & ea quæ è gossipio fit, candore suo ne à nostrate quidem superatur.

Lapides.

Omitto necessaria multa, marmora varijs distincta coloribus, pyropos aliosq; lapillos & gemmas, colores ad pingendum non ineptos, odorifera ligna & bitumina, aliaq; lexcenta. Sed tamè prætermittere nec possum nec debeo duo triaue nostris incognita. Ac primùm sit frutex quidam, cuius frondibus celebris illa Sinarum Iaponumq; ac finitimarum gentium potio quam Cia vocant, decoquitur. Eius vsus apud Sinas omninò esse non potest antiquissimus, nam in vetustis eorum voluminibus, nullus ad eam significandam hieroglyphicus Character (quales sunt omnes Sinarum litteræ) reperitur. Vnde fortasse nostros etiam hac fronde, saltus minimè carere, licet suspicari. Hæc folia verno cælo legunt, eaq; in vmbra exsiccant, & ad quotidianam decoctionem asseruant, quam propè continuò in potum adhibent, non sub mensas solùm, sed quoties in ædes hospes amicum visurus ingreditur, hac enim potione inuitatur, eaquæ secundò ac tertio, si moram aliquam fecerit colloquendo. Calida semper bibitur aut potius sorbetur, & palato non est temperata quadam amaritudine insuauis, sed reuera salutaris & ad multa frequentior illius vsus. Nec vna est huius frondis præstantia, alia aliam solet superare, atque ita libram

vno

Potio ex fructu
celebris.

uno aureo, & sæpè duobus ac tribus, si præstantior habita fuerit, comparabilis; apud Iapones præstantissima decem ac sæpè duodecim aureis vānit; apud quos etiā illius vsus aliquanto differt ab Sinensi. Nam Iapones folia hæc in puluerem redacta feruentis aquæ cyatho immiscent, quantum duobus aut tribus cochlearibus continetur, eamque potionem ita permixtam epotant. Sinæ verò in aquæ feruentis vasculum aliquot eiusmodi folia iniiciunt. inde calida, posteaquam horum vim imbibit, epotatur, ipsa verò folia relinquuntur.

Alterum est bitumen quoddam (consimile lacti) ex arboris cuiusdam cortice expressum, ac instar picis glutinosum, ex eo conficiunt Sandaracham quandam, hoc Lusitani Ciaconem, Sinæ Cie vocant, eo mensas, lecticas, supellectilem, domos ipsas, & nauigia inficiunt, varioq; ad libitum colore; quæ omnia deinde ad instar speculi splendent, & nitore suo oculis, leuitate etiam manibus, cum æquali maiestate, blandiuntur, & multam ferunt ætatem. Hinc fit vt Sinarum Iaponumq; ædes ita splendeant, intuentibusq; attrideant: hoc enim velut pigmento, cuiuslibet ligni colorem cum splendore mentiuntur. Hanc etiam ob causam Sinæ minus, quam reliqui populi apud quos est huius bituminis vsus, mappis inter edendum, mensas non insternunt, nam splendentes ac velut crystallinæ mensæ, si quid ex eduliorum adipe de splendore deperdiderint, exigua purioris aquæ insperione leuiter affricta instaurantur, læuis enim illa duraq; superficies, cuiusvis rei permissionem excludit. facile fortasse arboris huius esset cum Europa commercium, magno sanè bono, sed hætenus inuentus est nemo, qui ad hanc rem, dignam sanè cuiuspiam industria, animum applicarit. Præter hoc quod dixi bitumen, oleum esse reperio expressum è pomo alterius arboris, superiori non admodum absumile, eius decocti vsus est idem, sed splendore inferior, copiâ verò superior.

Bituminis genus, ad varios vsus.

Mensas non sternunt.

C

Hæc

Aromata va-
ria

Nitri vsus ma-
gis ad festos
ludos, quam
ad prælia ad-
hibetur.

Hæc eadem regio aromatis minimè caret, vel innatis vel importatis. Cinnamomum & zinziber vernacula sunt, ideoq; copiosiora, posterius quidem nusquam nobilius aut feracius. Piper, nux, aloë, similiaq; permulta, vel ex Insulis non procul Malucis, vel è vicinis regni importata, quantū copia crescūt, tantum opinione pretioq; decrescunt. Abundat etiam nitro, cuius vsus minus frequens in puluere ad bella tormentaria (ignitis enim huiusmodi machinis parcius & ineptius vtuntur) quam in ludis festisq; publicis, quæ ingeniosissimis ad inuentium admirationem ignibus apud Sinas celebrantur; nihil enim est, quod non his ignibus artificiosissimè mentiantur. Arbores, poma, prælia, igneosq; in gyrum globos felicissimè imitantur, sumptu non paruo. Visi sunt nobis Nanquini tum degentibus, primo anni mense, qui apud illos in primis festus est, tantum pulueris insumpsisse, quantus bienni prælio eoq; continuo suffecisset.

De artibus apud Sinas Mechanicis.

CAPVT QVARTVM.

Opera opifi-
cum.

CVM & publica omnium fama, experientiaq; teste, constet, hanc gentem in paucis esse industriam, facile ex superiori capite colligitur, artes omnes illiberales apud eam reperiri, cum materia nulla desit, merces quoque ipsa ingenia pelliciat, quæ duo, artes solent in summo collocare, de ijs hoc capite nonnulla attingam, in quibus à nostris opificibus discrepare videntur. Ac in primis ex eo, quod Sinæ in quotidiano sumptu ferè parcius viuunt, euenit, vt opifices, opera sua non ad artis perfectionem, sed ad emptorum accommodent voluntatem, idè ea non adeò elaborant, vt precio moderentur. Inde fit vt operum suorum adulterent bonitatem, externa quadam venustate contenti; quod ipsum etiam libentiùs faciunt, cum Magistratum rebus insudant; nam & pretium ab
ijs

ijs exsoluitur sæpè pro arbitratu, non pro merito, & inuiti ad opera euocantur.

In architectura sunt omninò nostris inferiores, non minus in ædificiorum splendore, quàm annorum perpetuitate: quâ Architectura in re dubium est, vtri alios superent. Sinæ quippe, extruendas ædes, humanæ vitæ breuitate metiuntur, sibi enim, non alijs ædificant: nostri verò pro innata libidine adspirant æternitatem. Hinc fit vt neque animo concipere, neque sibi persuadere possint, ædium nostrarum siue publicarum, siue priuatarum splendorem; & si quando audiunt, moles nostras plura sæpè ferre sæcula, imò nonnullas annos mille, alias bis mille durare, obstupescunt; cuius durationis causam rogati, eam referimus in alta solidaq; fundamenta, quorum profunditas reliquam molem superstructam sustinere possit. Sinæ contra vel nulla effodiunt, sed solùm in concusso solo lapides prægrandes locant, vel si quæ fodiunt, vix aliquot cubitos solent penetrare, quantumuis moles, turresuè futuræ sint excellissimæ, atque ita rarò vnius sæculi ætatem ferunt, etiam ipsa mænia, quin sæpiùs opus sit instaurari. His accedit, quod, vt supra commemoravi, magnam partem lignæ domus sint, vel ligneis columnis sustineantur, qua in re commoditas est non exigua ex eo, quod ferè parietes intacto edificio reliquo possunt innouari, neque enim tecta parietibus sed columnis innituntur.

Typographiæ apud Sinas antiquior est aliquanto, quam a- Typographiæ
pud Europæos, nam à quinque retrò seculis certum est, ab ijs antiquitas, usu receptam, neque defunt qui asserant, prius eo Sinas fuisse vfos, quam in hanc mortalitatem immortalis sese Deus abiecisset. verùm à nostra differt non parum, quæ hieroglyphicis eorum Characteribus ob multitudinem esset perdifficilis, quanquam hodie in breui aliqua, Characteres tabulæ læui ac enodi è pyro ferè maloue vel zizycho, insculpunt.

In hac tabula exscriptum folium, sed vniuersum leuiter
C 2
conglu-

Libros imprimendi ratio.

conglutinant, inde magno artificio, iam siccam papyrum ita eradunt, ut non nisi in tenuissima facie transparentes characteres remanere videantur, tum stylis ferreis ita tabulam illam exsculpunt, ut sola characterum vel picturæ lineamenta emineant. Deinde incredibili facilitate, ac celeritate, folia pro arbitratu imprimunt, eaque sæpè typographus vnus, die vno, quingenta supra mille expedit. In insculpendis quoque tabulis ita expediti sunt, ut nihilo plus mihi videantur temporis insculpenda, quam nostri in componenda vna emendandaque consumere. Hæc excudendi ratio ad Sinicos characteres ferè grandiusculos accommodatior est, quàm ad nostros; neque enim è tenuissimis nostris elementis exsculpi lignæ tabulæ commodè posse mihi videntur. Cæterum vnum est in hac re mirè commodum; cum enim tabulæ, semel insculptæ, domi asseruentur, quoties libuerit, licet aliquid detrahere vel addere, non vnum solum verbulum, sed periodos etiam integras, dum tabulæ non nihil farciuntur; neque cogitur typographus, vel auctor cum primum excudit, simul ac semel ingentem librorum multitudinem typis edere, sed quoties voluerit, aut opus fuerit volumina pro arbitratu plura paucioraue excuduntur; quod nobis sæpè contingit, nam libros de rebus ad nostram religionem spectantibus, scientijsue Europæis Sinicè à nostris editos, domi excudimus, domesticorum famulorum operâ. Tanta igitur huius typographiæ facilitas est, ut qui semel viderit, mox ad idem audendum se accingat. Ex hac commoditate nascitur tanta Sinensium librorum multitudo ac vilitas, quantam non facile est ei, qui non viderit, explicare.

Exsculpendi
ratio in mar-
more & ligno.

Alia quoque est ratio in marmore lignoque semel exsculpta imprimendi. Epitaphium aliquod, exempli causa, picturæque plano marmori insculpta, superposito humentis chartæ folio lancoq; panno medio, tamdiu malleolo percutitur, dum in
vacua

vacua picturæ Characterum uic lineamenta subtilis sese papyrus insinuet; Inde leui manu atramento alio uic colore quolibet, folium illud inficitur, eaq; sola lineamenta in suo candore perseverant, ac prototypi formam referunt non ineleganter. Verum hæc ratio crassiora lineamenta exigit, nec ad subtilioris laminæ ductus, adhiberi potest.

Picturæ (cuius frequentem in artificijs adhibent usum) gens Pictura. est addictissima, sed omnino ab Europæa ac multo etiam magis in statuaria fusiliq; opere superatur: magnificos fornices hominum animantiumq; figuris insignit, templaque sua inanium Deorum simulachris & ære campano nobilitat. Et quidem si rectè conijcio, videtur mihi gens, alioqui ingeniosissima, horum artificiorum ideò rudis esse, quod illi nullum unquam cum exteris gentibus commercium fuerit, quo naturam, nulli aliàs inferiorem gentium omnium, arte adiuuaret. Picturas oleo vel umbris insignire genti ignotum, ideoque demortuis similiores quam uiuis. In statuis etiam infeliciores mihi esse videntur, in quibus effigendis, omnia Symmetriæ præcepta oculo solo metiuntur, qui sæpè fallitur, erroremque in magnis corporibus non paruum committit, sed non ideò ab insanis monstrorum molibus abstinere ex ære marmore ac luto educendis. Statua. Æra campana omnia ligneis malleis pulsantur, nec videntur posse ferreos tolerare; atque ita nec sono possunt cum nostratibus comparari. Æra campana.

Instrumentorum apud eos musicorum varietas est & copia, sed organis carent atque clauichordijs & omni huiusmodi instrumento. fides instrumentis omnibus adhibent è cruda bysso retortas, ex animalium fibris, ne confici quidem posse norant. Instrumentorum tamen concinnandorum symmetria nostræ respondet. Musica porro ars omnis in vnus vocis sono Musicorum instrumentorum varietas & copia. consistit, vocum diuersarum discordem concordiam planè ignorant. Et tamen ipsi de sua musica sibi maximè blandiuntur, Ars Musica.

tur, quæ nostrorum aurium iudicio superbissimo absõna omninò iudicatur. Et quanquam ipsi sibi primas de musicis concentibus arrogent, nostratia tamen organa & cætera, quæ hætenus audierunt instrumenta, admirantur, idemq; fortasse de nostrarum vocum harmonia iudicabunt, cum eius artificium sonosq; perceperint, quos hætenus templa nostra non audierunt, omnium quippe rerum fere muta sunt rudimenta. Id ut suspicor facit ingenua Sinarum indoles, quæ facilè peregrina suis præfert, ubi reuera iudicat præferenda. Eorum enim superbiam à meliorum ignoratione, vicinarumq; gentium barbarie ortam reor.

Horarum dimensiones variz.

Horis metiendis vix habent instrumenta, quæ habent, vel aqua vel igne mensurantur. Aqua sunt velut ingentes clespydræ, Ignea ex odorifero cinere confecta, tormentorum nostrorum fomites imitantur. Pauca etiam alia conficiunt rotulis ab arena velut aqua circumactis, sed omnia ad nostratia artificia, sunt umbra, & ferè multum peccant in ipsa metiendi temporis symmetria. E sciotericis solum norunt illud, quod ab æquatore nomen accepit, sed neque illud pro ratione locorum didicerant collocare.

Comædiarum usus frequens.

Spectandis comædijs sunt addictissimi, eaq; re nostrates superant, atque ita innumerum adolescentum multitudo hoc exercitio distinetur, eorū alij quaquaversum libuerit, toto regno peregrinantur, alij in nobilioribus emporijs commorantur, & in publicas priuatasq; celebritates adhibentur. Sed omninò regni fax est, nec alia facilè vitij sædior reperitur, pleriq; enim ab his archimimis, pueruli pretio comparati choros ducere, mimos exercere, vocem inflectere, à teneris edocentur, Omnes hæ comædiæ antiquæ ferè sunt, vel historiæ vel fictiones, & omninò pauca recens scribuntur. Epulis quoque ferè celebrioribus adhibentur; ipsi mimi cum euocantur, ad quamlibet è vulgatis agendam adueniunt comparati, itaque comæ-

comædiarum volumen conuiuatori, quam spectare voluerit, electuro ferunt, ipsiq; conuiuæ inter edendum ac potandum spectant tanta sua voluptate, vt cum horis sæpè decem epulentur, tantundem temporis, expleto sæpè epulo spectando insu- mant, dum vna comædia ex alia trahitur. Canendo ferè om- nia pronunciant & vix quicquam vulgari loquendi modo ef- fertur.

Sigillorum apud Sinas vsus est nobilis & frequens, nec ijs so- lum literas suas muniunt, sed & scriptiones, poëmata, picturas aliaq; complura, nec in his aliud insculpitur præter nomen, cognomen: gradum, dignitatemq; auctoris, non vnum adhi- bent, pluribus sæpè suorum operum principia finesq; insigni- unt, eaq; non in cera aut re simili quapiam imprimunt, sed ru- beo solum colore inficiunt; hinc fieri solet vt Viri primores vas habeant in mensa sigillis plenum, quæ varia sua nomina (nam Sinæ singuli pluribus nominibus appellantur) insculpta habent, eaq; materia ferè nobiliore constant, ligno, marmore, ebore, ære, crystallo, corallio, alijsq; lapillis nobilioribus. Eo- rum quoque artifices plurimi reperiuntur, neque huiusmodi opificium apud Sinas est illiberale, ex eo maximè quod sigil- lorum characteres à vulgatis differant, & antiquitatem, cuius apud omnes gētes magna est veneratio, sapiant, ideoq; eorum artifices non illiteratos esse necesse est.

Alia quoque ars est huic absimilis, conficiendi scilicet ad omnem scriptionem atramenti, id exiguis velut panibus con- cinnant, ex olei fumo. Et quoniam ipsi suis characteribus ve- nuste pingendis addicti sunt præreliquis gentibus, ideò fit vt non elegans tantum scriptor ab ijs æstimetur, & passim omni- bus officijs colatur, sed etiam ipsi scriptorij atramenti opifices non illiberales habeantur. Eo vtuntur in marmorea lamina eaq; apprimè læui, cum aliquot aquæ guttulis, scriptorios illos paniculos affricant, laminamq; inficiunt, deinde penicillo c-

Sigillorum v-
sus varius ac
frequens.

Atramenti
conficiendi
ratio.

Tribus rebus
ad scribendū
vtuntur,

pilis

pilis leporinis, quo ad scribendum vtuntur, atramentum excipiunt. harum quoque laminarum artifices permulti visuntur, qui magno sæpè pretio nobiliora saxa leuigant, & cum venustate concinnant. Denique tria hæc quæ ad scribendum adhibentur, plerâq; insigni ornatu constant, & in pretio habentur, eò quod in rem suapte natura grauem, qualis est scriptio, à viris æquè grauib; in vsum adhibentur.

Flabellorum
vñs.

Aliud quoque est opificium parum à nostris vsurpatum, id in conficiendis ad conciliandum æstiuo tempore ventum, flabellis versatur, quibus omnis hominum conditio & sexus, vti solet. In publicum nemini sine flabello prodire fas est, tamen si celo frigido ventos arceri quàm euocari melius esse videatur; sed Maiestatis potius alicuius maiorem, quàm necessitatis habent rationem. Ea variè conficiuntur, nam si materiam spectas, ex arundine, ligno, ebore, ebeno, adiuncta papyro, bysso & odorifero etiam quodam stramine constant: si formam, alia sunt rotunda, alia ouata, nonnulla etiam quadrata. Quæ sunt ex vsu porrò primorum virorum, è charta candida eaq; inaurata, pereleganter sunt confecta, pro arbitratu vel complantur vel explicantur. In ijs exscribi sibi sæpè iubent nobilem aliquam sententiam, aut poëma. Et hoc est vulgatissimum munusculum, quod sibi inuicem in benevolentia testimonium mittunt. Nosq; ipsi plenam cistulam, amicorum donaria, domi hodie habemus, quæ alijs deinde simili benevolentia remittamus. In ijs porrò conficiendis, innumeri vbiq; opifices occupantur. Mihi semper visum est, hunc apud Sinas flabellorum vsum cum nostris chirothecis comparari posse, & licet vsus vtriusq; primarius, contrarius esse videatur, nam illorum in propulsando æstu, harum in arcendo frigore consistit, tamen vsus vel maiestatem vel munuscula potissimum spectare videtur.

In his paucis Sinæ ab Europæis discrepant, in alijs longè pluribus

pluribus in tanto terrarum interuallo mire conueniunt, maxime in vescendi, sedendi, dormiendiq; ratione, in qua ipsi soli cum Europæis, & tot alijs gentibus, nescio qua ratione conspirarunt, nam & mensas, & sedilia, & lectos adhibent, quibus omnibus finitimi omnes & reliqui populi minimè vtuntur, sed in ipso solo storeis instrato sedent, vescuntur, ac dormiunt. quod sanè notatu dignissimum videtur, & vnde facile plurimarum rerum similitudo, quam ne longior sim omitto, colligitur.

*De artibus apud Sinas Liberalibus ac Scientiis,
deque Litteratorum gradibus.*

CAPVT QVINTVM.

PRIVS ad huius Imperij administrationem quàm veniamus, omninò necesse est, vt de gentis litteris, scientijs, earumq; gradibus pauca præmittamus, in quo magnam partē huius Reipublicæ regendæ ratio consistit; quæ à reliquis orbis terrarum vbiuis gentibus, in hac parte magno discrepat interuallo. Ac tamen huic regno Philosophi non imperent, dici tamen debet Reges ipsos à Philosophis gubernari. Eorum scribendi componendiq; ratio, quæ Hieroglyphicis illis Aegyptiorum figuris similis est, non parum à loquendi consuetudine discrepat. Nullus enim omninò liber vulgato idiomate scribitur. Et si quis fortasse ad familiarem cōsuetudinem propius accedit, is neque materia, neque opinione sese supra vulgus extollit. Et tamen omnes ferè vtriusque sermonis voces communes sunt familiari colloquio, & grauiori scriptioni. in sola porrò vocum compositione hæc diuersitas tota consistit.

Cuiuslibet autem apud Sinas sermonis voces, ad vnā omnes monosyllabæ sunt, & ne vna quidem dissyllaba vel polysyllaba

Scribendi apud Sinas ratio & loquendi.

Vocum ac dictionum vsus

D

laba

labareperitur, quanquā sunt duarum ac sexpè trium vocalium in vnam syllabam coëuntium non pauca diphthongi. Diphthongos voco nostro loquendi more; nam neque vocalium, neque consonantium apud Sinas vlla mentio, sed vtrorum, ita vocum singularum suus est hieroglyphicus character, nec pauciores litteræ quam voces numerantur, idemq; est apud eos dictio, syllaba, elementum. Si tamen in hoc opere voces Sinicas plurium aliquando syllabarum legeris; sic habeto Sinicè singulas syllabas, singulas voces esse, sed quia ad rem vnam significandam institutæ sunt, à nobis latino more in vnam vocem esse compactas. Ac tamen si pro rerum multitudine sit numerus characterum, eos tamen inter se componunt, vt septuaginta octuagintaue millia nō excedat. Et ex ijs quidecem millia nouerit, eos qui ferè necessarij sunt ad scribendū characteres esse assecutus: nam omnes omninō nosse nec opus est, nec est in vniuerso fortasse regno qui nouerit. Horum etiam characterum plurimū idem est sonus, figura non eadem, imō etiam significatio non vna. Vnde fit vt aliud nulum idioma æquiucum æque reperiatur, neque à loquentis ore scriptio vlla excipi potest ab audientibus exscribenda, nec liber vnus ab audientibus cum prælegitur intelligi, nisi librum eundem præ oculis habeant, vt æquiucos vocum sonos, quos aurium iudicio minimè distinguunt, oculorum fide figuras intuentium, internoscant. Imō etiam inter loquendum non rarò euenit, vt alter alterius conceptum accuratè alioqui proferentis & politè loquentis minimè assequatur, ipse non repetere solum cogatur, sed etiam scribere, ac si non sit ad manum scriptorius apparatus, vel aqua supra mensam, vel digito in aëre audientisue manu, characteres effinguntur, idq; maximè inter litteratos & eloquentes alioqui viros accidit, quo purius ornatiusq; & ad librorum scriptionem propius colloquuntur. Hanc æquiuocationem vtrumque tollunt accentibus

Æquiuocatio in loquendo.

bus ac tonis quinq; , quos utiq; subtiles non ita pronum est inter-
ternoscere, his sonorum suorum paucitati utcumq; subueniūt,
nam syllabam apud nostrates vnā, sæpè hac tonorū varietate
quintuplicē faciunt significatione inter se toto cælo differen-
tem: nullaq; est omnino dictio, quæ non vno ex his accenti-
bus efferatur. Vnde loquendi & intelligendi difficultas auge-
tur, ita vt nulla mihi toto terrarum orbe lingua, aduenis æquē
difficilis ad discendū esse videatur. Sed ea tamen & diuino fa-
uore & improbo labore ab ijs superatur, qui se totos huius gen-
tis salutis consecrarunt, qui loqui solum, sed & legere ac scri-
bere, quotquot hætenus è nostra societate hīc sunt, didicerūt.

Huius rei causam ego quidem esse suspicor, quod ab omni
sæculorū memoria, gens hæc inscriptionē expolire magis, quam
sermonem procurarit, ex eo quod omnis eius eloquentia ad
nostra vsque tempora in sola scripture, non etiam in pronun-
ciatione consistat. Qualem Isocratis fuisse apud Græcos legi-
mus: hinc fit vt familiares etiam nuncij non verbo, sed scri-
pto etiam intra eandem Urbem ferè transmittantur.

Hic porrò scribendi modus, quo singulis rebus singulos ap-
pingimus characteres, etsi memoriæ sit permolestus, tamē ad-
fert secum insignem quandam nostrisq; inauditam cōmodita-
tem. Nam nationes alioqui sermone inter se diuersissimæ, si
cōmunibus in scribendo characteribus vtantur, librorum lit-
terarumq; cōmercio cōmunicant, tametsi alia aliam minimè
assequatur colloquendo. Ita Iapones, Corai, Caucinciæ: Leu-
hiæ cōmunes habent libros, tametsi eos efferendo, ita inter
se discrepent, vt alter alterius, ne verbum quidem intelligat,
eundem tamen omnes librorum sensum assequantur, præter
suum idioma aliudque nullum norint. In ipso quoq; regno
Sinarum Prouinciæ singulæ ita ferè sermone inter se discre-
pant, vt nihil habeant omnino commune. Et tamen libro-
rum ac litterarum est omnibus commune commercium.

D 2

Præter

Sermo vniuer-
so regno com-
munis.

Præter hunc tamen cuique Prouinciæ vernaculum sermo-
nem, alius est vniuerso regno communis, quem ipsi Quonhoa
vocant, quod curialem vel forensem sonat. Id ex eo euenit
quod Magistratus omnes, vt infrà dicam, in ea Prouin-
cia, in qua publicum munus gerunt externi sint; ac ne pe-
regrinum sermonem ediscere cogerentur, curiale est toto re-
gno idioma, quo non forensia solum negotia peraguntur, sed
vel politiores omnes, vel aduenæ cum indigenis in qualibet
prouincia colloquuntur. Et hunc solum nostri sermonem edi-
scunt, neque enim cuiuslibet Prouinciæ sermo vsquam neces-
sarius, sed neque vrbane est, aut à politioribus in colloquium,
nisi fortè à contribulibus domi familiariter vel foris ad patriæ
memoriam adhibetur. Eumq; sermonem ipsi pueri ac mulie-
res omnes norunt frequentia ipsa difficultatem superante.

Audio apud Iaponios supra characteres hos, qui ab Sinis eò
penetrarunt, alphabeti, elementorumq; paucorū, more no-
stro vsum reperiri, quo ipsis suum idioma scribere sine infinita
illa Sinensium characteru m farragine licet; idem fortasse vi-
cinis, quas supramemorauī gentibus commune, verum apud
Sinas eiusmodi elementorum nullus vsus, sed neq; vestigium;
atque ideò Characteres ipsi suos, ac figuras, à prima pueritia e-
discunt, ad extremam propè senectutem, quotquot litteras
proficientur. Id tamen procul dubio scientijs melioribus, tem-
poris multum detrahit, idem tamen eorum animos non om-
ninò inutiliter distrahit, auertitq; à iuuenili licentia, in quam
omnes quidē sed ociosi maximè propendimus. Ex hoc etiam
characterum pingendorum pro litteris, modo nascitur in signe
quoddam apud Sinas scriptionis genus, quo genere non pau-
cis solum dictionibus, sed syllabis, ea dicunt quæ nos longis
ambagibus minus etiam significanter fortasse diceremus.

Sinica scri-
ptionis situs.

Sed quoniam de characteribus pingendis agimus, omitten-
dum etiam non est, Sinica scriptionis situs è diametro nostræ
aduer-

aduersarium; nam ad dexteram à summo ad imum, manum ducunt; nos à sinistra in dexteram, in latum progredimur.

Enobilissimatum scientiarum varietate in solius prope Philosophiæ moralis notitiam deuenere, naturalem quippe varijs erroribus potius obscurarunt quam illustrarunt. Ethica porro ipsa præcepta, ex eo quod de Dialectica nihil attigerunt, nullo doctrinæ ordine sed confusis fere sententijs atque ratiocinationibus tradunt, quantum duce illo quod à natura infundi solet, lumine assequuntur. Maximus inter omnes Philosophus Sinensis Confutius appellatur, quem inuenio quingentis quinquaginta vno annis ante Christi Seruatoris nostri in terras aduentum in hanc lucem prodijisse, & annis amplius septuaginta ita vixisse, vt non exemplo minus, quam scriptis & congressibus omnes ad virtutis studium incitaret. Ex qua viuendi ratione consecutus est apud Sinas, vt mortales omnes quotquot vbique terrarum virtute præstiterunt, vitæ sanctimonia excessisse credatur. Et sanè si eius dicta factaq; quæ leguntur attenderis, paucis è nostratibus Philosophis Ethnicis cedere, multos etiam eum superare fatebimur. Eam ob rem tanta est viri opinio, vt nullum eius pronunciatum ab Sinensibus litteratis, hodieq; in dubium reuocetur, sed ab omnibus æquè in Magistri communis verba iuratur. Nec litterati viri solum, sed ipsi quoq; Reges cum per tot retro secula, sed mortalium tamen, non etiam numinis alicuius ritu venerantur, Et gratum animum acceptæ ab eo doctrinæ sese exhibere profitentur. Nam & per tot temporum interualla, illius in hanc diem posterius magno sunt apud omnes loco. Et à Regibus familiæ capiti, honoris non exigui titulus hæreditario iure est attributus, quem census permagni & immunitates consequuntur.

Non Philosophiæ solum Ethicæ, sed Astrologiæ quoque ac multarum disciplinarum mathematicarum non mediocrem

D3

sunt

Philosophiæ
moralis stu-
dium quale?

Confutius au-
thor Philoso-
phiæ moralis
apud Sinas.

Mathematicarum
disciplinarum
peritissimæ

sunt notitiam assecuti. In Arithmetica tamen ac Geometria feliciores aliquando extitere: sed hæc etiam omnia vel consecuti, vel etiam tradidere perturbatè. Constellationes ipsi diuerso à nostris modo partiuntur. Et in stellarum numero supra eas, de quibus Astrologi nostri meminerunt, quadringentas addidere, in numerum enim tenuiores quasdam vocant, quæ non semper apparent. Verum hi Astrologi nihil admodum de cælestibus phænomenis ad rationis calculos reuocandis adlaborant. Magnam partem in prædicendis Eclipsium momentis, & Planetarum ac stellarum molibus occupantur. Sed hæc etiam omnia mille scatent erroribus. Deniq; omnem ferè suam de sideribus cognoscendis scientiam, in eam quæ à nostris Iudiciaria est appellata, referunt, arbitrati, quæcunque in hoc elementari orbe fiunt, ab sideribus dependere. In his tamen Mathematicis disciplinis, aliquid ab Saracenis, qui ab occasu venerant, acceperunt, sed nihil illi demonstrationum auctoritate confirmant, sed solum tabulas quasdam reliquerunt, ad quarum normam fastos suos, Eclipses vtriusq; planetæ, & omnium motus reuocantur.

Astrologia iudiciaria quibus concessa.

Auctor illius familiæ quæ hodie rerum potitur vetuit, ne quisquàm hæc Astrologiæ iudiciariæ præcepta ediscat præter eos, qui sunt hæreditario iure in eam rem designati; veritus ex hac siderum notitia, qui eam sit consecutus, res nouas in regno moliendi facultatem accipiat, & opportunitatem consequatur. Qui tamen hodie regnat, varios magno censu Mathematicos alit, eosq; vel intra palatij fines Eunuchos, vel extra regios Magistratus, quorum duo sunt hodie in Pequinenſi regia, tribunalia; alterum Sinarum, qui à suis acceptam fastos Eclipsesq; subducendi rationem profitentur; alterum Saracenorum, quod eadem ad importatam ab occasu disciplinam eadem reuocat, ac vtriusque deinde tribunalis iudicium inter se conferunt, & alterum ab altero adiuuatur. Vtrique etiam

etiam in modico colle arcem ad contemplanda sidera habent, in quo Mathematicas machinas inusitatae magnitudinis fusili are construxerunt, quae antiquitatem aliquam praeseferunt. In eo colle semper vnus aliquis Collegarum, nocturnis horis excubat, si quid forte caelum inusitata siderum, vel alicuius Cometae nouitate portendat, quod si contigerit, die insequenti, misso Regem libello admonent, ac simul exponunt, quae sinistri, quae lati ominis significatio videatur. Nanquinenarium Mathematicorum area, in edito colle intra Urbem cernitur, & Mathematicorum instrumentorum moles, Pequinenarium superat elegantiam, quia eo tempore in ea Urbe Reges contemplantur.

Contemplan-
tur sidera.

Pequinenarium Astrologorum ius est, in solis ac lunae defectionibus, toto regno, praedicendis, & lege lata, Magistratus simulacrorumque Ministri, ubique iubentur certum in locum cogi, officiorum suorum cultu insignes, & planetae laboranti subuenire, quod aereis cymbalis ad numerum pulsatis, & saepe flexis poplitibus se facere arbitrantur, toto eo tempore, quo planetas illos deficiendo laborare credunt. Audio vereri eos, ne a serpente, nescio quo, per id tempus sorbeantur.

Astrologorum
officium.

Artis medicae praecipua non parum a nostratibus discerpant, verum non aliter ac nostri venae pulsus explorant. Et sane sunt in medendo non infelices, Pharmaciae porro videntur simplicibus, herbis, radicibus, aliisque huiusmodi; itaque ars tota Sinensis medica herbariae fere nostrae praecipis continetur. Huius artis nullus est publicus ludus, sed quisque priuatim a quolibet Magistro eruditur. In vtraque regia, arti medicae gradus praevio examine conceduntur, sed ita quasi per transennam nulloque delectu, nihil ut amplius auctoritatis opinionisue consequatur, qui eo gradu insignitur, quam

Artis medicae
usus.

quam qui eo caruerit, ex eo quod nemini agris mederi interdicitur, siue peritus artis, medicæ fuerit, siue imperitus. Denique hoc omnibus exploratum est, neminem vel Mathematicis, vel medicis præceptionibus, insudare, qui quidem in Ethicâ eminere se posse sperauerit. Atque ita nemo fere ijs dat operam; nisi quem vel rei familiaris vel ingenij tenuitas, à sublimioribus disciplinis deterruerit, unde fit ut vix vlllo sint in pretio, nam honos alit artes, omnesq; accenduntur ad studia gloria, spe præmiorum.

Philosophiæ
moralis au-
thoritas.

Idè contra in Ethicâ scientia videre licet, ad cuius celebriores gradus quisquis euehitur, næ ille Sinicæ felicitatis apicem sibi videtur consecutus. De his fusius paulo agendum mihi censeo, non enim id lectori minus iucundum fore arbitror, quam nouum. Sinensium ille quem dixi Philosophorum Princeps Confutius, quatuor antiquorum Philosophorum volumina concinnauit, ipseq; quintum suo Marte conscripsit. hos libros quinque doctrinas appellauit. In his Ethicâ benè viuendi & Reipublicæ gerendæ præcepta, veterumq; exempla, ritus, ac sacrificia, quin & varia veterum poemata, aliæque huiusmodi continentur. Præter hæc quinque volumina è duobus tribusue Philosophis, Confutio scilicet, eiusq; discipulis in vnum volumen redacta sunt, varia nullo ordine præcepta, similia, sententiæ de moribus è recta ratione instituendis, seq; ipso, inde familia, denique regno ad virtutem componendo. Id volumen, quia libris quatuor continetur Tetrabiblion appellarunt. Hi nouem libri sunt bibliothecarum Sinensium antiquissimi, & è quibus propè reliqui prodierunt, hieroglyphicos item maximam partem continent characteres: & sanè Philosophiæ moralis præcepta, non parum Reipublicæ profutura præscribunt. Itaq; lex ab antiquissimis Regibus lata est, multorum sæculorum vsu confirmata, ut qui litteratus apud Sinas & esse & haberi velit, ex his libris suæ doctrinæ fundamenta habeat

habeat necesse est, in quibus non satis est, genuinum textus ut sensum assequantur; sed etiam quod difficilius, subito de singulis possint sententijs aptè scribere, idè singulis Tetrabiblion illud, de quo suprà, ediscendum, ut id præstare possint.

Nullus porro ludus est aut academia publica (quod è nostris scriptoribus aliqui asseruere) cuius Magistri hos sibi libros susceperint exponendos, sed quisque Præceptorem sibi pro arbitratu deligit, à quo domi suæ suoque sumptu instruatur. Horum porro domesticorum Ludimagistrorum ingens est multitudo, tum quod ab vno plures, characterū Sinensium vitio, vix possint erudiri, tum maximè quod in more positum sit, ut dixi, quemq; domi suæ filiorum duntaxat ludum aperire, tametsi vnus alter ueniret, idè credo, ne aliorum commercio à studendi contentione auerrantur.

In hac scientiâ tres litterarum gradus ijs, qui ex eorum numero examinandos sese præbent, aptiq; fuerint iudicati, conferuntur. Id porro examen in sola ferè scriptione consistit. Primus litterarum gradus confertur in singulis Urbibus, eo in loco, qui ludus appellatur. Eum confert insignis aliquis litteratus ab Rege ipso in eum finem nominatus. Is ex officio Tihio, gradus verò ipse Sieucaï dicitur, & Baccalaureatum nostratē repræsentat. Tihio igitur omnes suæ provinciæ Vrbes peragrat, cum gradum collaturus, cui triplex examen præmittitur. Vbi Cancellarius ille, ut nostro more loquar, aduenit, quotquot ex ea Vrbe eiusq; finibus ad illum gradum adspirant, repente concurrunt, seque examini subiiciunt. Primum instituitur à Ludimagistris illis, qui Baccalaureis, cum gradum affecuti sunt, præsumt, dum vltiorem adipiscantur. In hoc examen admittitur quilibet, & sæpè cōtingit, ut quatuor quinque millia ex vna vrbe numerentur. Hi Ludimagistri stipendio regio aluntur in hunc finem. Hi deinde ad quatuor vrbis præfectos (qui omnes sunt litterati, alius enim nemo

Ludimagistri

Tres litterarum gradus.

Examen triplex pro gradu consequendo Baccalaureatus.

E

Rem-

Examen Cancellarij.

Baccalaureorum habitus, eorumq; privilegia.

Examen aliud antiquiorum Baccalaureorum seuorum.

Rempubicam attingit) à Ludimagistris remittuntur, qui de-
nuò examinatos Cancellario præsentant, sed ex vniuerso nu-
mero non amplius ducentos, quos ex meliori scriptione dig-
nissimos iudicauerint. Cancellarij tertium est examen, & om-
ninò reliquis austerius, nam è ducentis viginti trigintaue, non
plures, pro regionis magnitudine, quos eodem examine dig-
nissimos inuenerit, Baccalaureos appellat, & præteritorū an-
norū Baccalaureis aggregat, qui omnes non infimā vrbis par-
tem dignitate repræsentant; nam ab omnibus coluntur spe
futuræ, ad quā accedunt, dignitatis. Talarem, pileū, & ocreas
dignitatis insigne peculiare induunt, eoq; cultu alium nisi
Baccalaureū prodire est nefas. In Magistratuum congressibus
honoratius assident, & grauiores vrbis ritus ijs exhibent,
quibus vulgo vti non licet. Multis quoque inuinitatibus gau-
dent, & præter Cancellarium suosq; illos quatuor Ludimagi-
stros nemini ferè subsunt, nec facile cæteri Magistratus de il-
lorum causis delictisue iudicant.

Cancellarij munus nō solum in nouos se Baccalaureos ex-
tendit, sed antiquiores etiam superiorum annorum illo gra-
du insignitos, incudi reddit, & quid vel profecerint, vel defe-
cerint, seuera trutina explorat. Ergo pro scriptionis bonitate
quinque ordines instituit. Ijs qui primo censentur, præmio,
potestatem facit munia quædam publica, sed non maxima, si-
ne superiore gradu gerendi; in secunda classe recensitos, præ-
mio quoque, sed inferiore donat. Tertios nec præmio, sed
nec pœna dignos censet; Quarti publicè vapulant, socor-
diæ pœnam lucentes; Postremi tandem Baccalaureatus insig-
nibus exuuntur, & in vulgi ordinem reijciuntur. Id faciunt ne
postquam in Baccalaureos recensiti fuerint, in otio delites-
cant, & quæ didicerint, obliuioni tradant.

Alter autem Sinenfium litteratorum gradus Kiugin appel-
latur,

latur, & cum nostrorum Licentiatorum ordine comparatur. ^{Alter gradus}
 Is non nisi tertio quoque anno in Prouinciæ metropoli sub ^{Licentiatuſ}
 octauam lunam, maiori etiam maiestate confertur. Sed non
 ijs omnibus, qui eo digni cēsentur, sed q̄ inter illos certo nume-
 ro dignissimi, pro Prouinciarum dignitate ac celebritate plu-
 res paucioresue. Nam in vtraque Regia Pequinenſi ſcilicet
 atque Nanquinenſi quinquaginta ſupra centum ex omni Bac-
 calaureorum numero Licentiatuſ renunciantur; in Cequiana,
 Quiam Sinenſi, atque Fuquiama quinque ſupra nonaginta, in
 reliquis pro litteratorum numero ac Prouinciæ dignitate ali-
 quanto pauciores.

In hoc examen ſoli Baccalaurei, nec tamen omnes admit-
 tuntur, ſed è ſingulis Prouinciæ vrbibus aut ludis, vt iam dixi,
 ab Cancellario illo Baccalaureorum minimum triginta, ſum-
 mum quadraginta ex omni numero ad ſcriptionem excuſſi,
 ſeliguntur. Et tamen hac ratione in prouincijs celebrioribus
 ſæpè numerus eorum, qui ad Licentiatorum ordinem adſpi-
 rant, ad quatuor millia excreſcit. Igitur anno illo qui Licen-
 tiatis initiandis tertius quiſque recurrit, qualis exempli cauſa
 fuit annus Domini 1609. & proximè recurret 1612. paucis
 ante octauam lunam diebus, quæ ſæpè in Septembrem men-
 ſem incidit, Magiſtratus Pequinenſes ſelectiſſimos ex vniuer-
 ſo Regno Philoſophos ad centum Regi offerunt dato libello,
 vt ex ijs triginta in ſingulas nempe prouincias binos, nominet,
 qui huic Licentiatorum diſcuſſioni præſint. Eorum porrò al-
 terum è Regio Collegio, quod Hanlinyem vocant, eſſe ne-
 ceſſe eſt, cuius Collegæ toto regno celeberrimi eſſe perhiben-
 tur. Eos verò Rex omninò non nominat niſi ſub idem tem-
 poris punctum, quo citatiſſimo itinere in designatam prouin-
 ciam poterunt peruenire, adhibitis quoq; permultis excubito-
 ribus, ne quem ex ea prouincia vlla ex cauſa prius alloquantur,
 E 2 quam

Soli Baccalau-
 rei ad examen
 Licentiatuſ
 admittuntur.

quàm Licentiati sint renunciati. Ex eadem quoque prouincia, ab Magistratibus Philosophi celebriores euocantur, à quibus Regij illi examinatores duo, in hoc examine primaq; scriptio-
num discussione, cum fide adiuuentur.

Palatium pro
examine ex-
tructum.

In qualibet porrò metropoli, palatium ingens pro hoc examine duntaxat extructū cernitur, altissimis muris cinctum. In eo domiciliorum stationes permultæ, & ab omni tumultu semotæ, in quibus examinatores, quos dixi, dum scriptiones discutunt, commorantur. Præter has, in medio palatio sunt cellulæ supra quater mille, quæ præter exiguam mensam & scabellum, & vnum hominem capere vltra nihil possunt, ex his cellulis nemo cum vicino colloqui, sed nec videre quenquam potest.

Vbi examinatores & Urbani & Regij, quos dixi, in Metropolim aduenerunt, prius in eo palatio, in sua quisque statione includuntur, quàm cum vlllo colloqui possint, imò à mutuis inter se colloquijs excludantur, toto eo tempore, quo inscriptionum discussione laboratur. Quin etiam id temporis nocturnæ diurnæq; multorum militum & Magistratuum excubiæ, explorant & arcent omne litterarum ac sermonum cōmercium eorum, qui intra palatij fines degunt, cum ijs, qui extra eos commorantur.

Tempus examinis.

In hoc porrò examen tres & ijdem vbiq; dies toto regno deputantur, nonus. nempe ac 12. ac 15. octauæ lunæ dies. Et ab illucescente aurora in primam noctē tempus scriptioni conceditur, januis studiosè occlusis. Scribentibus porrò leuis refectio pridie comparata sumptu publico præbetur. Cum in palatij fines. Baccalaurei admittuntur, seuerissimè explorantur, secum aliquem librum aut scriptionem deferant nec ne. Et solum sinuntur penicillos aliquot quibus ad scribendum vtuntur, & scriptoriam laminam, de qua supra, atramentum, chartamq; deferre. Eorum porrò vestes penicilli, laminæ scriptoriae

Fraus in examine depræ-
hensa punitur.

rix, ne quid per fraudem contineant, explorantur: si fraus aliqua deprehensa fuerit, non excluduntur solum, sed etiam acerrimè puniuntur.

Posteaquam in palatium admissi Baccalaurei, & fores clausæ, & publicis sigillis obfirmatæ, Duo illi ab regia examinis præsides, tres è Tetrabiblio illo sententias in publicum exponunt suo arbitrato selectas, quas singuli totidem scriptionum sibi thema proponunt; è qualibet item quinque illarum doctrinarum quaternas sententias, aliarum totidem scriptionum thema proponunt. Easque sibi quisque deligit, quæ ex ea, quam profetur doctrina, eruuntur. Septem has scriptiones oportet esse non verborum solum luminibus, sed sententiarum quoque pondere graues, obseruatis accuratè Sinensis facundiae præceptionibus, nec ullam scriptionem oportet quingentos numero characteres superare, quorum singuli singulas dictiones nostras exæquant.

Examinandi
modus.

Die altero, qui biduum ad examinandorum quietem consequitur, eundem in modum reclusis, tria proponuntur, quæ olim ex Veterum annalibus eruta contigere, vel alia quædam, quæ imposterum poterunt euenire, ternis singuli scriptionibus sententiam suam dicunt, aut Regem dato libello monent, quid eo in casu faciendum è Regni bono videretur.

Tertio similiter die tres ijs lites, ex ijs proponuntur, quæ in gerendis Reipublicæ muneribus discernendæ exigì possunt, ternis itidem scriptionibus singuli sententiam suam explicant, quam in ea lite dijudicanda ferrent.

Acceptis in hunc modum suo singulis die scriptionum argumentis, & ad memoriam transcriptis, Baccalaurei in designatam sibi ab ijs, quorum interest, cellam ad scribendum ingrediuntur, & magno ubique silentio à singulis scribitur. Scriptiones singulorum in libello in eum finem parato, à singulis transcribuntur, adscripto suo, Parentis, Aui, & Abauì ad fi-

Cellam ad scribendum idonea.

nem scriptionum nominibus, & libellum ita obfirmant, ut nonnisi à deputatis possit aperiri. Id singuli cum singulis libellis fecerunt, eos deputatis offerunt: illi, prius in examinatorum quàm manus veniant, librariorum, qui iam parati adsunt, manu transcribuntur: ac ne fraus esse possit, rubeo colore exempla pinguntur, ipsa porro autographa atramento descripta erant. Transcripta hæc non autographa, sine auctorum nominibus examinatorebus discutienda traduntur; ipsa verò autographa, numeris signata, quæ transumptis respondent, interim asseruantur. Id fit ne qui discutiunt scriptiones, auctorum nomina, vel ipsam pingendi rationem internoscant.

Scriptiones
examinantur.

• Priores illi ex vrbani Magistratibus selecti examinatores, scriptiones omnes excutiunt, & pessimam quamque ita rejiciunt, ut regijs examinatorebus duplum offerant eius numeri, ad quem excrescere Licentiariorum numerus potest. Ita si centum & quinquaginta renunciari oportebit, scriptiones trecentæ seponuntur, & ad Regionum examinatorum stationem postremo scrutinio excutiendæ transmittuntur; E quibus optimas quasque, quantum pro numero Licentiariorum satis, segregant. Ex eo inde numero primas, secundas, & tertias deligunt, & in ordinem accuratè componunt. His peractis omnes simul examinatores, transumpta cum autographis, appositis numeris, agnita conferunt, & auctoris in autographo nomen legunt: hæc nomina cubitalibus litteris descripta, in ingenti tabula exponunt, octava ferè luna exeunte, magno Magistratuum concursu, applausuq; eorum, qui Licentiatos renunciatos vel sanguine, vel necessitudine contingunt.

Hic porrò gradus priore longè superior ac celebrior, alijsq; nobilioribus gaudet immunitatibus, & peculiari dignitatis ornatu. Imò si ad supremum gradum adspirandi deponunt cupidita-

piditatem, non infimorum in Republica munerum capaces existunt.

Hoc actu ad exitum in hunc modum perducto, Regij examinis Præsides, librum euulgant, quo totius examinis successus, Licentiatorum nomina, & insigniores de qualibet proposita materia scriptiones hac ratione in regnum vniuersum immittuntur. Sed maximè illius scriptiones typis illis excuduntur, qui primum inter Licentiatos nomen est sortitus. Is Sinico Quiayuen appellatur. Hic porrò liber eleganti in primis charactere excuditur, totoq; regno spargitur, eiusq; aliquot exemplaria Regi offeruntur, & reliquis palatinis.

Liber trāsacti
examinis ex-
cuditur.

In hoc examen minimè admittuntur, qui sunt alterius prouinciæ Baccalaurei. Solum in vtraq; Regia pauci ex alijs prouincijs ex peculiari priuilegio, quod in ludū regium, cuius collegæ sunt, adsciti sint, postquam Baccalaureatum obtinuerunt, in id Collegium, persoluto Camera regiae certo aureorum numero, adsciscuntur.

Tertius apud Sinas litteratorum ordo Cin-su appellatur, & Doctoratum nostratem planè repræsented. Hic etiam tertio quoque anno confertur, sed solum in Regia Pequinesi: & Doctorū initiandorū annus semper est is, qui Licentiatorum actum proximè insequitur. Eum porrò non nisi ex vniuerso regno treceti, cōsequūtur, tametsi ē singulis prouincijs Licētiati, quoties aleam examinis subire voluerint, ipso iure admittantur. Instituitur hic actus secunda luna ijsdem, quos supra memorauimus diebus, forma quoque eadem, nullo planè discrimine, nisi quod pro ratione gradus atque dignitate crescit etiam in explorando diligentia, ne qua forte fraus fauorū subrepat, ipsi quoque examinatores ē grauissimis regni Magistratibus, quos Colaos vocant, de quibus infrà, examinis præsides nominatur.

Tertius gra-
dus Doctora-
tui nostri
responder.

Finito

Immunitates
Doctorem.

Doctorem
habitus.

A gradu Do-
ctoratus eiccti

Finito examine, renunciatisq; Doctoribus, eo ipso in palatio, in quo etiam Licentiatos renunciari mos est, simul omnes in palatio regio, coram præcipuis totius aulae Magistratibus, quin etiam ipse Rex olim aderat, proposito themate, scriptiorem componunt, cuius iudicio, Magistratum, quos ipsi gesturi sunt, ordo renunciatur, in tres classes distributus. Huius examinis magna est celebritas, quæ tota in breui scriptiuncula consistit. Qui primum in Doctorum examine locum obtinuit, illius tertius locus in hoc secundo examine extra aleam versatur. Qui verò in hoc examine primas ac secundas obtinet, insigni per totam vitam dignitate insignitur, præterquam quod maxima quæque in Republica munera gerit. Ea dignitas aptissimè cum Ducis apud nos Marchionisue titulo conferretur; si ea in posteros hæreditario iure transferretur.

Hi mox Doctores propria veste, pileo, & ocreis, ac reliquis etiam Magistratum insignibus gaudent, & ad publicos Magistratus opimiores ac nobiliores euehuntur, eo semper ordine, ut nusquam Doctores ab Licentiatibus superentur, habentur quoque in Primorum regni numero, & reliquis Licentiatibus, quibus fors non æquè cecidit, suis pridie Collegis, ita repente superiores existunt, ut credi vix possit, nam ubique potiores partes illis cedunt, & speciosioribus eos titulis compellant.

Hi autem Licentiatibus qui à Doctorum numero reiecti sunt, si spem Doctoratus in posterum consequendi deposuerint, ad gerendam Rempublicam admittuntur, & licet infra Doctores, non tamen infimos vel in regia vel foris gerunt Magistratus. Si fortunam denuò tentare placuerit, domum repetunt, sedulo se scribendo legendoq; exercent, toto insequente triennio, dum redeunte annorum circulo, in examinis arenam iterato descendant. Id quoties libuerit, tentare licet. Et euenit non raro, ut aleam decies subeant, repugnante semper fortuna

tuna, qua spe lactati, vitam absq; munere publico vniuersam terunt. Dum aut summi, aut nihil esse volunt.

Huius quoque non leuis atq; inferioris ordinis renunciati successus, suo priuatim volumine ab Examinantibus excuditur, adscriptis vt supra, nominibus & insigniori quaque scriptione. Præter hunc librum, alius etiam quotannis editur, quo Doctorum omnium nomina, patria, parentes, officia, & quo in loco ea gerant, describuntur. Ita qui annum hoc volumen inspexerit, sciet quam quisque dignitatem à primo Doctoratus anno ad obitum vsque, & vbi gesserit, quibus gradibus honorum vel ascenderit, vel descenderit, quod apud Sinas pro cuiusque meritis est quotidianum.

Et est in hac graduum consecutione illud admiratione dignum, quæ eiusdem anni Collegæ inter se necessitudinem contrahant, Nam non Licentiati minus quam Doctores, quibus fortuna vt faueret in eundem annum conspirauit, sese locofratrium per vniuersam vitam habent, seq; mutuò & propinquos suorum Collegarum in omnibus rebus adiuuant, vnanimi semper animorum consensione Cum ipsis quoque examineribus etiam arctius vinculum nectunt, quale solet inter Parentes ac filios, vel Discipulos ac Magistros, debita semper veneratione, tametsi sæpè contingat, ipsos Discipulos altius Magistro, per singulos honorum gradus ascendere.

Hos etiam honorum gradus ijsdem annis ac locis, ijsdemq; titulis, ijs qui militiam profitentur, concedi mos est. Tempus solum in sequentem lunam differri solet. Verum ex eo quod apud Sinas ars militaris iacet, longè inferiore conferuntur apparatu. Et ita pauci ad eos adspirant vt omninò res misera videatur. Militare hoc examen triplex quoque est. In primo, equestri cursu incitati, sagittas nouem expediunt: In secundo, totidem sagittas in eundem scopum pede fixo collineant. Et qui vt minimùm quatuor sagittis ex equo, & duabus è solo

F

scopum

Animorū con-
sensus inter
eos qui gradi-
bus sunt insi-
gniti.

Militare exa-
men.

scopum attigerunt, in tertium examen admittuntur. In quo de rebus militaribus, proposita quaestione, iubentur scripto respondere. Iudices deinde collato inter se triplici hoc examine, in vnaquaque provincia, ex vniuerso numero Licentiatos ferè quinquaginta renunciant. Quo anno verò Pequini Doctores nominantur, militares quoque ex omni Licentiatorum totius regni numero selecti, triplici etiam examine prauio, omninò centum militari Doctoratu insigniuntur.

Doctores ex hoc Collegio faciliùs quam Licentiatii non tamen sine largitionibus ad aliquam praefecturam militarem designantur. Vtrique, cum primum renunciantur, siue ij de Philosophico siue de militari sint senatu, supra aedium suarum limen ad familiæ commendationem, titulum inscribunt litteris cubitalibus, quo significatur, quam quisque dignitatem sit adeptus.

Examinum
Præsides.

Illud ad extremum prætereundum non est. Omnium examinum arbitros ac Præsides, siue de re militari, siue de Mathematicis disciplinis, & arte medendi, & longè magis de rebus Ethicis discussio instituatur, è Senatu Philosophico deligi, nec vllum vel Ducem, vel Mathematicum, vel Medicum illis adiungi; quod non parum Europæis nostris mirum, & fortasse ineptum videbitur. Tanta enim est eorum, qui Ethica disciplina præcellunt, apud Sinas opinio, vt omninò videatur aptam de omni re posse ferre sententiam, tametsi extra suæ professionis limites longius euagetur.

De Sinensis Reipublicæ administratione.

CAPVT SEXTVM.

DE hoc argumento non plura attingam, quam quæ ad huius commentarij finem omninò necessaria esse iudicauero;

cauero; Si enim id pro dignitate persequi in animo esset, non nisi quamplurimis capitibus, aut etiam libris res tota clauderetur. Imprimis igitur in hoc regno ab omni temporum serie, sola ea gubernatio ad Rempublicam gerendam probata est, quæ in vnus Imperio Monarchicâ sustinet maiestatem, Aristocratîe porro vel Dimocratîe, vel alterius cuiuslibet Policratiæ, vel ipsum nomen apud Sinas est inauditum. Olim quidem sub vno Monarcha non pauciores erant inferiorum tituli, quàm apud nos Ducum, Marchionum, Comitum, atque cæterorum huiusmodi. Verum ab annis proximè mille octingentis hi peculiarium dominiorum tituli, potestasq; est omninò sublata.

Administratio
Reipub. Monarchica.

Ac licet ab omni memoria, ciuiles tumultus bellaque minimè defuerint, siue priusquam hæc ratio mutaretur, siue ex, quo mutata est, tamen etiam hoc Imperium esset in varia regna minora diuisum, quod nunc in Iaponicis Insulis esse audiuius; nunquam tamen prius ab externis populis legitur vniuersim esse subactum, quàm anno nostræ salutis 1606. è Tartaria Dux nescio quis, regnorum domitor, in hoc regnum sese cum exercitu victore immisisset. Eum Ducem nonnulli è nostris, nec leuibus, meo iudicio, coniecturis Tamerlanem, vel è successoribus eius aliquem fuisse arbitrantur. Eum enim Sinæ Tiemor appellant, eumq; scribunt subacta primum Perside ac Tartaria, ad Sinas sibi adiungendos animum adiecisse. Quisquis is fuerit, Tartarum appellabo. Is immisso exercitu, breui sibi Sinas omnes subegit, & acceptam tanti regni Tyrannidem eius posterius ad annum vsque 1368. propagarunt: quo tempore cum jam Tartari imperij vires deficere cæpissent, neque jam vltra Sinæ externum imperium, & Barbarum ingenium ferrent, varijs in prouincijs sub diuersis Ducibus iugum excusserunt.

Qui cæteros duces, rebus præclarè vel virtute, vel dolo gestis superauit, fuit vnus è familia Ciu, quem Sinæ postea Hamvu, insignem Ducem, aut armorum potius diluuium appellarunt. Is pellectis ad se auxiliaribus aliorum quorundam strenuorum Ducum copijs, breuè gregario milite tantum viribus excreuit, vt non Tartaros solum, Regem ac Duces imperio exutos expulerit, sed non minore fortuna reliquos etiam rebelles, toto regno superarit, & vnus Sinense Imperium occuparit, quod etiam eius posterì in hanc vsque diem felicissimè propagarunt. Hinc suæ Monarchiæ magnæ claritatis nomen, vt supra dixi, Tamin indiderunt.

Imperium Sinense.

Sinenses impatientes tyrannidis.

Leges Reipublicæ nullæ antiquæ.

Sinense porrò Imperium à Parente in filios, vel ad propinquos regios, more nostro, deriuatur. Duo solum trësue Reges antiquissimi, regnum, morituri, non filijs quos ad regendum ineptos iudicabant, sed alijs, tametsi nullam haberent inter se sanguinis necessitudinem, commendarunt. Accidit quoque non semel, vt is qui impotentius imperitabat, ab impaciente iugi populo, fascibus exueretur, & in eius locum eum qui viribus, ac virtute, populiq; gratia emereret, subrogarent, ac pro legitimo deinceps Rege venerarentur. Hoc verò in laude apud Sinas ponendum, quod complures honestam potius mortem eligere optant, quam in intrusi Principis verba coniurare. Etenim apud Sinenses Philosophos celebre dictum. Matrona casta duos nescit Maritos; nec fidelis cliens duos Dominos.

In hoc Imperio nullæ sunt leges antiquæ, quales apud nos duodecim tabularum, iurisq; Cæsarei, quibus perpetuò Respublica gubernetur. Sed qui primus è familia quapiam regnum capit, is nouas pro arbitratu leges condit, quas ex eadem familia posterì obseruare coguntur, nec facile immutare permittuntur. Quapropter leges illæ quæ hodie ab Sinis obseruantur, non sunt Humvuo antiquiores, omnes ille aut condidit,

dit, aut à veteribus acceptas, confirmavit, Eum sibi maximè scopum præfigens, qua ratione regno pacem, sibi ac posteris Imperium quam diutissimè propagaret.

Ex eo quod huius regni fines ita longè lateq; proferantur, & ex ignoratione transmarini Orbis, arbitrantur Sinæ Regem suum orbi vniuerso imperare, ideoq; specioso illum nomine Cæli filium Thiencu dicunt, & hodie, vt olim semper, appellant, quia potrò cælum ipsi pro supremo numine colunt. idem est cæli ac Dei filium nominare. Vulgo tamen non hoc nomine, sed Hoamsi appellatur, hoc est, supremum Imperatorem aut Monarcham. Cæteri verò Reges longè inferiore titulo ab Sinis Guam appellantur.

Rex Sinarum
cæli filius ap-
pellatur.

Humovus ille quem dixi, non virtute solum bellica, sed ingenio quoque & solertia, insignis fuisse perhibetur. Id persuadent statuta legesq; complures, quibus Rempublicam Sinensem stabilivit. Ex ijs nobiliora quædam seligam, memor semper institutæ breuitatis. Quod (vt ex annalium serie constat) omnes familiæ Regiæ, propinquorum regionum, vel regni procerum factionibus imperio exciderunt, propterea quod regni habenas magnam partem moderarentur, statuit, ne quisquam è regio sanguine publicum deinceps munus attingeret, siue illud urbanum esset siue militare. Illis porro Ducibus, quorum auxilio regnum à Tartarorum Tyrannide liberaret, eorumq; posteris militaret, hæreditario iure attribuit præfecturas. Ne verò regium genus ab omni publico munere se reiectum ferret impotentius, Regum filios, titulo Guam, id est, Regulorū appellatione insigniuit, annuosq; census amplissimos assignavit. Sed eos non in prædijs agrisque, ne clientes obtinerent, sed in annuo stipendio, quod ex ærario regio ab Magistratibus penderetur, collocavit. Voluit etiam vt eos Magistratus pro Regulis, omnes venerarentur, sed nemo illis subderetur. Regulorum deinceps filios ac Nepotes varijs titulis

Humovuij
Imperatoris
& statuta.

ita honestavit, ut paulatim decreverent cum annuo censu, prout à regio trùco longius per ætatum gradus descendissent. Cum verò ad certas ætates pervenissent, non amplius ijs ex ærario publico præberetur, quam quantum ad vitam comòde tuendam, sine ullo vel opificio vel negotiatione esset satis. Providit etiam ut Regij sanguinis puellæ pro dignitate ac Regij trùci propinquitate, collocarentur, & speciosis plus minusve titulis optimoq; censu eundem in modum dotarentur.

Immunitates
Ducum regni-
que liberato-
rum.

Socijs porrò ducibus, regniq; liberatoribus, annuos census liberalissimè, & honorù titulos speciosissimè impertivit, militares item Præfecturas, aliasq; immunitates largitus est, sed Urbanis Magistratibus nõ secus ferè ac reliqui subduntur. Ex ijs immunitatibus una est primogenitorum, apud nostrates inaudita. In lamina ferrea ad instar pateræ exsculpta visuntur præclara illa facinora, quæ à familiæ capite sub Humvuo Rege ad regni liberationem patrata sunt. In horù gratiã, delicti cuiuslibet impunitatè, etiam morte plectèdi, impetrabit etiam tertio, si eam laminã Regi obtulerit; qua visa Rex quoties condonat, in ea cælari iubet indicium quoddam. ex quo intelligatur, quoties ea laminã veniam impetrarit. Id porro intelligendum est, excepta perduellione, eius enim conuicti, omni mox dignitate ipsi totaq; posteritas in perpetuum exuuntur. Eius generis honores & census, cum ea quam dixi temporis imminutione, Generi Regij ac soceri obtinent, & alij etiam nonnulli, qui de Sinenfi Republica regiove statu insigni facinore benemeriti fuisse reperiuntur.

Reipublicæ
gubernatores
soli Doctores
& Licentiati.

Ad regendam porrò Rempublicam, totiusq; Regni gubernacula, soli Doctores aut Licentiati in examinibus renunciati adsciscuntur, nec eam ad rem ipsi gratia vel Magistratuū vel ipsius etiam Regis indigent, omnia enim Reipublicæ munera ab explorata cuiusq; scientia, virtute, prudentia, solertiaq; dependent, siue nunc primū gerere incipiāt, siue iam alios gesserint

runt Magistratus Id porro Humvui leges ita præcipiunt, & magnam partem observantur, excepto eo, quod humana malitia à Gentilibus minimè religiosis quotidie contra iura legesque peccatur.

Magistratus omnes, siue Philosophici, siue militaris fuerint Magistratuum nomina. Senatus, Sinensi lingua Quonfu (Præsides dixeris) appellantur. Sed honoris idem non officij causa Lau ye, vel Lau sic nuncupantur. Id Dominum ac Parentem sonat. Lusitani Magistratus illos, à mandando fortasse, Mandarinos vocant, quo nomine iam etiam apud Europæos Sinici Magistratus intelliguntur.

Et si dixerim initio, Monarchicam esse huius regni administrandi rationem, tamen è dictis facile constat, & è dicendis Monarchiæ admixta Aristocratia. constabit, Aristocratia non parum admisceri. Quanquam enim omne, quod à Magistratibus statuitur, necesse sit, ab Rege libellis ei datis confirmari; nihil tamen vlla in re decernit prius, quam à Magistratibus ante sollicitetur aut moneatur. Si porro privatus quispiam Regi libellum obtulerit (quod ideo pauci faciunt quia omnes ab certo Magistratu excuti prius & approbari necesse est, quam ad Regem transmittantur) si Rex annuere se velle præ se ferat prima concessione, ita ferè subscribit; Excutiat hunc libellum tribunal, cuius interest, meque moneat quid faciendum videatur. Indubitatum illud omnino haberi debet, quod ego studiosè exploravi, ipsi Regi omnino non licere cuiquam pecuniarium munus largiri, aut Magistratum conferre, aut augere, nisi ab aliquo Magistratu fuerit rogatus. Id porro non ita intelligendum, quasi Rex privata authoritate ijs, qui intra palatii fines commorantur, munera largiri non possit; facit enim id frequenter ex antiqua consuetudine, ac velut lege, qua cuique licet è sumptu domestico amicos cohonestare, sed id inter beneficia publica minimè ponitur. Siquidem Regis hæc dona, non è publico, sed ex privato censu sunt.

Vesti-

Vectigalium
redditus.

Vectigalium redditus, atque tributorum, qui sine dubio centum quinquaginta milliones, vt vulgus vocat, excedunt, in singulos annos, non in palatij ararium inferuntur, nec eos Regi expēdere suo arbitratu licet, sed omnia, siue argentū, gentis moneta, siue oriza eiusdem cōmeatus, in araria & horrea publica toto regno congeruntur. Ex ijs Regis, Coniugum, filiorumq; sumptus, nec non Regionum propinquorum, & Eunuchorum, & vniuersi famulatus regij, suppeditantur, regio semper splendore & copia, nihil tamen plus minúsue quàm legibus præscribitur. Inde Magistratum Militumq; stipendia, & cæterorum toto regno curialium ministrorum soluuntur, quæ summa maior est, quàm nostrates sibi persuadere possint, hinc etiam ædificia publica, Regis palatium & Regionum propinquorum, Urbium, muri, arcium, propugnacula, bellicus denique omnis apparatus instauratur; nec in hac regni amplitudine vnquam deest, quod erigas aut instaures. Et quod incredibilius videtur, annis quibusdam contingere solet, vt ne hac quidem tam ingens vectigalium summa sumptū exæquet, sed noua etiam tributa imponi necesse sit.

Magistratum
ordines.

Volaminibus
quinque aut
sex continen-
tur.

Verum ad Magistratum ordines priuatim descendamus quorum in vniuersum duo esse genera reperio. Alterum est eorum, qui non solum in Regia, Magistratus aulicos gerunt, sed ex ea velut ex specula regnum moderantur vniuersum. Alterum est Prouincialium Magistratum, qui singulas vel prouincias, vel vrbes gubernant. Vtriusq; ordinis quinque aut sex volumina iustæ magnitudinis, toto regno venalia extant, & in vrbe regia Pequinenſi bis, mensibus singulis, recudūtur, quod ex eorum ratione typographica perfacile est. In his voluminibus aliud legitur nihil, præter nomina, patriam, & gradum eorum, qui toto regno id temporis magistratus gerunt. Toties porrò recudi omninò necesse est, nam in tanta eorum multitudine, quotidianæ sunt vices, nam alios mori, alios priuari, alios

alios demitti ad inferiora munera, aliorum denique parentes diem suum obire contingit; ex quo postremo casu fit, ut ad luctum triennem, domum necessario, abdicato quolibet ex templò Magistratu, reuertantur, de quo infra suo loco: Et ad eorum qui defunt loca supplenda, nunquam non in Regia Pequinensi permulti fortunam præstolantur. Ex hac tanta multitudine, solum eos Magistratus attingam, quos ad insequentium librorum intelligentiam necessarios esse iudicabo. Militarem porro Senatum vniuersum silentio inuoluam, ne præscriptos institutæ breuitatis fines excedam.

Dicam primum de Curialibus, deinde de Prouincialibus officijs. Curialia ergo tribunalia primaria sex numerantur. Primum Li pu vocant, pu enim Sinis idem est ac tribunal Li pu Magistratum tribunal. Id supra cætera tribunalia eminet, ex eo, quod eius inter sit, omnes omninò totius regni Philosophici ordinis Magistratus, qui potiores habentur, nominare. quæ nominatio prima scriptorum præstantia, cuius iudicium est penes hoc tribunal, definitur. Et ab humilioribus omnes officijs initium sumentes, ad vnum omnes, paulatim per præscriptos legibus honorum gradus ascendunt, si quidem in inferioribus virtutis ac iustitiæ specimen dederint: contra si fecerint, vel ad humiliores Magistratus abijciuntur, vel omninò priuantur. Certum enim est, eum qui litterarum gradus obtinuit, ad ipsam vsque senectutem continuo ascensu ad summa quæque adspirare, neque vnquam nisi sua culpa reijci à regenda Republica. Porro si eum reijci omninò ex culpa contigerit, vna cum Magistratu spem quoque ad Rempublicam regendam redeundi deponit.

Alterum tribunal Hopu vocant, qd apud nos Ærarij aut quæsturæ nūcupatur. Huius interest régia vectigalia exigere, stipédia persolvere, sumptus publicos facere, aliq; huiusmodi.

Tertium Lypu vocant, nos Rituum tribunal possumus ap-

G

pellare, na.

Officia Magi-
stratum sex.
Primum
Tribunal

Secundum
Quæsturæ tri-
bunal.

Tertium
Rituum tribu-
nal.

pellare. ab hoc sacrificia publica, fana, fanorumq; sacerdotes, Regia coniugia, Ludi litterarij, examina, vt ritè & ex ordine fiant, publicè festiui diès, gratulationes certis temporibus & euentis communes, Regi exhibendæ, tituli benemeritis deferendi, Medici, Mathematicorum Collegia, Legationes excipiendæ, remittendæ, earum ritus, munera, litteræque curantur. Indignum enim Rex arbitratur sua maiestate, per seipsum litteras cuiquam scribere, vel intra vel extra regni fines.

Quartum
Militare Tri-
bunal.

Quartum tribunal Pimpu, id est, militare vocant. Huic omnes militares præfecturæ subsunt; nam & auferuntur ignauis, & strenuis conferuntur, & p facinorum magnitudine, dignitatis ab eo datur incrementum. Huius etiam interest, rei militaris examina curare. gradusq; conferre.

Quintum
Ædificiorum
tribunal.

Quintum Cumpu vocant, nos ædificiorum publicorum tribunal possumus appellare. Huius munus est huiusmodi moles delineare, palatia scilicet, vel Regis, vel Regionum propinquorum, aut Magistratuum; nauigia quoque confici curat, quæ in vsus publicos, aut classes necessaria sunt; pontes item, Vrbiūmq; muros facit ac reficit, omnem deniq; alium curat apparatus.

Sextum
Criminum
tribunal.

Sextum porrò, quod à repetendis criminum pœnis Himpu vocant, de criminibus inquirat ac iudicat. Publicæ quoque toto regno Custodiæ huic tribunali subduntur.

Tribunalis
cuiuslibet v.
nus præses.

Omnia totius regni negotia ab his tribunalibus pendent; quapropter in vnaquaque prouincia, & ciuitate sibi subiectos habent Magistratus atq; Notarios, à quibus de singulis, magna fide admonentur; atque ita non parum tanta negotiorum mole distinentur; sed multitudo, Collegiorumq; illorum ordo leuius hoc onus facit. Nam in primis vnus est totius tribunalis præses, quem Ciam ciu vocant; is assessores habet duos, à dextris alterum, alterum à sinistris; hi Ciam appellantur: horum trium

trium dignitas in Vrbe regia, regnoq; vniuerso inter supremaſ numeratur. Secundum hos tribunal quodlibet in varia eius officia distribuitur; quibus singulis plures præſunt Collegæ. his accedūt Notarij, Curiales, apparitores, alijq; famuli cōplures.

Præter hæc tribunalia, aliud eſt toto regno & aula maximum, Colaos vocant, ij ferè ſunt tres quatuorue, nonnunquã ſex; qui nihil peculiatiter ſibi cōmiſſum habent, ſed Reipublicæ inuigilant vniuerſæ, & in omni negotio Rēgi ſunt à ſecretis. Hi quotidie in Regium palatium admittuntur; & cum Rex hodie definiendis publicè regni negotijs (quæ olim ipſe cum his Colais definiebat) non interſit, in palatio totos dies hærent; & libellis, ad Regem magno quotidie numero miſſis, pro arbitratu reſpondent. Cum hoc reſponſo ad Regem redeunt, à quo pro nutu approbantur, antiquaturue, aut immutantur quod vltimum reſponſum Rex ſua manu libellis adſcribit, vt deinde quod iuſſerit, executioni mandetur.

Præter hos quos dixi Magiſtratuum ordines, alioſq; complures, quos attingere non libet, ideò quod à noſtratibus vix diſcrepent, alij duo ſunt ordines, noſtris ferè inauditi. Prior Choli, poſterior Zauli dicitur: in ſingulis ordinibus ſupra ſexaginta numerantur, ſelecti omnes Philoſophi, Viri cordati ac prudentes, qui iam Rēgi ac regno fidem ſuam prius egregiè probarunt. Hi duo ordines Curialibus & Prouincialibus ab Rege magni ponderis negotijs extra ordinē adhibentur, cum magna ſemper ac regia poteſtate, quæ venerationē illis auctoritatemq; conciliat: ſed præ reliquis peculiare illorum munus eſt, quale apud nos Syndicorum. quod in eo verſatur, vt libellis, quoties voluerint, Regem admoneant, ſicubi contra leges in vniuerſo regno peccatur: qua in re non ſolum Magiſtratibus minimè parcunt, etiam ſi ſupremi fuerint, ſed ne cū ipſo quidem Rege, aut regia domo diſſimulant; hoc mihi munus non multū à Lacedæmonijs Ephoris diſcrepare videretur,

Magiſtratus
extraordinarij.

si plus aliquid possent hi monitores quàm loqui, aut potius scribere, & si non à Regis admoniti nutu depèdere cogerentur. Verùm hoc suo munere ita exactè funguntur, vt externis gentibus stupori esse possint & exemplo. Nullis enim ullo unquam tempore Magistratibus, imò nec ipsi Regi (tanta eorum est libertas & integritas) parcunt. Et quanquam non raro stomachari Regem, & in eos atrociter etiam sæuire contingat (plerumque enim vbi acrior est doloris sensus, libellorum suorum aculeum figunt, Magistratuum maximorum ac Regis nullo delectu vitia carpentes) nunquã tamen à monendo carpendoq; desistunt, quamdiu malo communi remedium opportunum minimè adhibetur.

Hoc ipsum etiam reliquis Magistratibus per leges licet, nec Magistratibus solum, sed priuato etiam cuique: illorum tamen quos supra commemorauimus, libelli pluris fiunt, quoniam ex officio peculiari illud præstant. Libellorum ad Regem transmissorum exemplaria, regiaq; responsa à compluribus excuduntur. Hinc fit vt quàm celerrimè per omnes regni angulos aulica negotia peruagetur. Nec desunt, qui hos deinde libellos in libros compingant: & si quid posteritatis memoria dignum detur, in regni annales transcribitur.

Paucis abhinc annis cum vellet Rex, qui nunc imperat, natu secundum, sibi & Reginae charissimum filium, excluso primogenito, contra leges in Principem inaugurari, tantus libellorum numerus conscriptus fuit, quibus factum Regis reprehendebatur, vt furore incitatus Rex, supra centum vel officijs priuaret, vel humilioribus addiderit. Nec tamen hoc metu territi sibi temperarunt, sed die quadam omnes, qui tum aderant, Magistratus in vnum conspirantes, sese in Regium palatium contulere, & munerum suorum insignia deponentes, miserunt, qui Regem moneret, si in hoc negotio contra leges instare pergeret, se omni impofterum Magistratu sese abdi-

abdicare, priuatosq; domum repetere; ipse regnū suū quibus vellet cōmendaret. quo audito Rex ab ea re vel inuit^o abstinuit.

Nuper etiam cum Colaorum maximus, minus legitimè suo munere fungeretur, intra bimestre centum ferè libellis ab his Regijs monitoribus est accusatus, tametsi non nescirent eum Regi gratiosum in paucis: nec diu post extinctus est, & quidem (ut fama est) præ doloris magnitudine.

Præter hos in aula Magistratus, sunt etiam ibidem non pauca Collegia in varios fines instituta, sed omnium nobilissimum est, quod Hanlin yuen appellatur; in illud non nisi selecti Doctores inductis supra examinibus, adsciscuntur. Qui in regio illo Collegio versantur, nihil omninò publici muneris attingūt, & eos, qui Rempublicam regunt, superant dignitare. Vnde magno studio ad illud Collegium adspiratur. Horum munus est scriptiones regias componere, regni annales concinnare, leges ac statuta scribere. Ex his Regum ac Principum Magistri eliguntur. Toti studijs incumbunt, & in ipso Collegio suos habent honorum gradus, quos scriptione consequuntur. Inde ad grauissimas dignitates, non tamen extra curiam, assumuntur. Nemo ad Colai grauissimum munus eligitur, nisi ex hoc Collegio. Magnum etiam quæstum faciunt scriptionibus in amicorum gratiam condendis, huiusmodi sunt epitaphia, inscriptiones, ac similia, quæ omnes ab ijs certatim impetrare gestiunt; quæq; hoc solo nomine, quia ab illis proficiuntur, elegantissima habentur. Examinibus demum Licentiatorum & Doctorum, (à quibus pro Magistris habentur, & muneribus donantur) præsides sunt & arbitri.

Collegia varia

Doctores Collegij Regij.

Hi omnes Pequinenſis aule Magistratus, exceptis Colais, Nanquini quoque reperiuntur, sed inferiores omninò ex Regis absentia. Huius rei causam hanc fuisse scribunt. Humvus regni sedem Nanquini fixerat: Eo mortuo, è nepotibus eius vnus Yunlo dictus, qui in borealibus prouincijs cum exercitu

Nanquinum olim sedes regia, nunc Pequinum.

regni fines à Tartaris recens pulsus cum Reguli dignitate tuebatur; is inquam, cum aduerteret Humvui primogenitum regni heredem, parum industrium ac strenuum, statuit illi regnum eripere, sibi comparare. Cum itaq; Boreales prouincias sibi facile adiunxisset, Nanquinum venit cum exercitu, & quà vi, quà dolo, largitionibusq; reliquas sibi prouincias aggregauit, & patrum Nanquino expulit. quo facto vniversum sibi regnum, nullo renitente, subiecit. Et quoniam in aquilonaribus prouincijs plus habebat virium ac fidei, & Tartaros inde ad recuperandam regni tyrannidem credibile erat erupturos, ijs in partibus confidere statuit; & quidem ea in Vrbe, in qua Reges Tartari, cum Sinis imperitabant, morabantur. Eam Urbem ipse Pequim, id est, Borealem Curiã, ad similitudinem australis, quæ dicitur Nanquin nominauit. Eam mutationem vt moderatius ferrent Nanquineses, eosdem ijs Magistratus ac immunitates, quibus prius fruebantur, reliquit.

Administratio Prouinciarum, & Urbium. Venio nunc ad publicam in prouincijs administrationem. Vrbes quæ curialibus prouincijs, Pequinesi ac Nanquinesi sunt attributæ, eodem, quo ceteræ prouinciarum reliquarum Vrbes, ordine gubernantur; sed tamen appellationes ad suam cuiusq; curiam diriguntur. Ceterarum tredècim prouinciarum regimè pendet à Magistratu quodam, quem Pucinsu, & ab altero, què Naganzasu vocant; prior de causis ciuilibus, posterior de criminibus iudicat: horum sedes est in Prouinciæ Metropoli cum maximo apparatu. In utroq; porro tribunali varij sunt collegæ, & ipsi quoq; Principes Magistratus, qui Tauli appellatur; hos sæpè contingit extra metropolim morari, ideo quod aliquot Urbibus præsent, eosq; deceat non procul à commisso sibi munere abesse.

Prouinciæ in varias regiones distributæ. Prouinciæ omnes, vt supra dixi, in varias regiones distributæ sunt, quas ipsi Fu appellat; regionis cuiusq; proprius est gubernator,

bernator, quem Cifu vocant. Regiones porro iterum in Ceu & Hien subdivise, ac si dicas, oppida nobiliora & vulgaria; nec ea minora nostratibus Urbibus non maximis. Singula suum quoque habent Præfectum illum Ciceu. hunc Cihien vocat; Ci enim apud Sinas gubernare innuit. Hi omnium Urbium ac regionum præfecti, suos habent collegas, ac velut assessores, numero quatuor, qui eos, velut auditores, ac iudices, in cognoscendis ditionis suæ causis adiuuant.

Verum hinc breuiter notandum arbitror, confutandumq; errorem, qui in aliquos scriptores irrepsit. Nam ex eo, quod Gubernator, eiusq; curia nomen accipiant ab Urbis, in qua residet, nomine; verbi gratia in Vrbe Nanciam, ipsa regio tota, eiusq; gubernator, & curia eodē nomine appellentur Nanciamsu; arbitrati sunt hinc aliqui, has apud Sinas solas Vrbes esse, quæ su appellatur, reliquas Ceu & Hien oppida vel pagos haberi. quod omnino falsissimum esse, non è locorum dumtaxat amplitudine & frequentia colligitur, sed ex ipso etiam publicæ administrationis modo. Nam illa ipsa vrbs, in qua totius Regionis præfectus comoratur, nomen etiam Hien obtinet, & proprium habet gubernatorem, quem Cihien vocant; suos item, instar reliquarum, Collegas & assessores. Ipse vero Regionis præfectus in hac sua sede nihilo plus habet auctoritatis, quàm in reliquis ditioni suæ attributis. Id autem ius est primæ ad eum appellationis, cum causa ab Ciceu & Cihien iudicatur, ad eum velut superiorem in prima appellatione remittuntur. Secunda enim appellatio eaq; in grauioribus causis dumtaxat, ad Metropolis summos Magistratus Pucimsu & Naganzasu, eorumque Collegas, pro ratione causæ remittuntur. Imo ipsæ quoque Metropoles suum habent Cifu & Cihien, non minus quam eis subordinatæ regiones. Inter omnes verò istos Magistratus incredibilis est bene ordinatæ Reipublicæ Symmetria.

Confutatur
error circa Re-
gionum ac vr-
bium appella-
tionem.

Quoniam

Alij duo Ma-
gistratus alij
Magistratibus
superiores.

Quoniam verò omnis Reipublicæ administratio in prouincijs, in Regiam Pequinensem est referenda, ideò in qualibet prouincia, præter hos Magistratus, alij sunt duo, dictis superiores; ex Vrbe regia transmissi: Eorum alter in Prouincia sedem figit, & Tutam appellatur. Alter quotannis ab Vrbe Regia mittitur, & Cia yuen nominatur. Prioris auctoritas, quia magna est in Magistratus omnes ac subditos, & quia rei bellicæ præest, & primaria Reipublicæ munera attingit, cum Proregibus nostris posse videtur comparari. Posterioris dignitas est velut commissarij ac Visitatoris. Is tamen, quia ex Regis mandato totius prouinciæ causas reuidet, vrbes arcesq; visitat, de Magistratibus omnibus inquirat, & aliquos etiam è non maximis plectit, & in ordinem redigit, de reliquis Regem monet, quo quisque modo suo munere perfungatur: & quia vnus ex omnibus Magistratibus in prouincijs capitales pœnas exequitur, ideò eum omnes merito venerantur ac metuunt.

Præter hos Magistratus, alij quoque sunt complures, qui varia in vrbibus, ac etiam pagis & oppidis munia exercent. Et præter hos complures militum præfecti ac Duces, in toto regno; sed maximè in locis maritimis & conterminis, ubiq; excubant, pro muris, portis, pontibus, arcibus, ac si omnia bello arderent, cum pax ubiq; sit altissima; nam & suos delectus habent militumq; lustra & palæstras prope quotidianas.

Nouem ordi-
nes Magistra-
tuū totius Re-
gni.
Stipendium
Magistratus.

Omnes omnino totius regni Magistratus ad nouem ordines reducuntur, siue Philosophicum spectes, siue militare Senatū. Pro horum ordinum ratione stipendium ex arario publico, cuiq; vel pecuniarium vel oriza singulis mensibus penditur. quod reuera exiguum est in tanta Magistratuū maiestate; neque enim vllius stipendium, vt è supremo fuerit ordine, ad mille aureos in annos singulos excrefcit. Et in hoc stipendio omnes quæ eodè ordine cœsentur, sunt planè parēs, siue ij sint Philosophici, siue militares; nam in re bellica supremus

ordo

ordo par accipit stipendium cum supremo litteratorum ordine. Id autem intelligas velim de statuto cuiq; ordini per leges prouentu, nam quod extra ordinem lucris acquiritur, longè maius est, quàm quod stipendio persoluitur. Nihil autem de alijs ago, quæ cuique sua industria, cupiditas, fortuna, largitioque ratione dignitatis parit, nam his ad magnas opes ferè perueniunt.

Omnes quoque Magistratus, siue Philosophici, siue Militares, infimi, iuxta ac summi, eodem pileo insigniuntur; is est è vel onigro, & vtrimque duas velut alas habet, ferè supra aures, ouata figuræ; eæ ita pileo adhærent, vt tamen facilè excidant: hoc aiunt modo se ad modestè rectaq; incedendum cogi, & à capite leuiter inflectendo prohiberi, quod si fecerint, Magistratum violant maiestatem. Idem est etiam vestitus omnibus; eadem ocreæ, quarum est peculiaris figura & materia, è pelle nigra eleganti. Insigne quoque Magistratum omnium est cingulum quoddam ipso corporis ambitu laxius, & quatuor plus minus digitos latum; id insigni opere, quæ circularibus figuris, quæ quadratis, exornatur. In pectore quoque & à tergo duos quadratos pannos opere phrygio eleganter intextos alluunt: sed in his quadrangulis, aut cingulis, magna est varietas, & pro varietate maiestas. Ex his enim mox intelligitur à peritis, è quo sint Senatu, Philosophicône an militari, & in eo quam quisque obtineat dignitatem. Nam in panis illis peristromatum opere, quadrupedum, aut volucrum, ac florum etiam figuræ effictæ visuntur. Zonæ verò illæ Senatoriæ è materiæ dignitate, indicant maiestatem. aliæ enim è tornatili stipite, è cornu aliæ, ex vnicornu quædam, vel è Calambaligno in primis odorifero, nonnullæ ex argento auròue; sed omnium nobilissimæ è marmore quodam pellucido, cui Iaspis nomen imposuimus, sed omninò Iaspis non est, ac fortè Sapphiro marmori similis, ipsi Yu ce vocant: ab Saracenis

Ornamentum pilei omnium Magistratuū.

Vestitus.

Insigne Magistratum cingulum.

Zonæ Senatoriæ.

H

autem

Vmbellæ va-
riæ Magistra-
tuum.

Magistratus
distinctio ex
apparatu pu-
blico.

Memorabilia
quædam qui-
bus Sinæ ab
Europæis di-
scipant.

autem ab occasu, è regno Cascar, negotiatoribus importatur, & ab Sinis habetur inprimis in pretio. sed de eo erit infra aliquis dicendi locus. Internoscuntur etiam apud Sinas Magistratus ex vmbellis ad arcendum solem expansis, quibus recti solent in publicum prodire: alias enim è cæruleo colore habent, alias è flauo; alijs binæ gestantur ad pompam, alijs ternæ, alijs non nisi vna uti licet. Distinguuntur etiam ex apparatu, quo in publicum prodeunt: nam infimi quique equitant, maximi gestatoria sella in baiulorum humeris vehuntur. sed & in baiulorum numero est Maiestas; alijs enim non nisi quaternis uti licet, alij etiam octo adhibere possunt. Sunt etiam alia per multa dignitatis ornamenta, magistratuumq; insignia, vexilla, catenæ, thuribula, satellitium frequens, cuius clamoribus arceatur in vicis turba. & tanta est eorum veneratio, ut in vicis etiam frequentissimis nemo compareat, sed secedant ad hos eiulatus omnes, idque pro Magistruum dignitate magis minus factitatur.

Prius hoc de Reipublicæ Sinensis administratione caput quàm claudam, operæ pretium facturum videor, si nonnulla singulatim commemorauero, in quibus ab Europæis Sinæ discrepant. Atque in primis illud admirabile videri potest: tamen si hoc regnum & limitum amplitudine, & gentis frequentia, & cōmeatum copia, omniq; materia redundet, è qua nauigia cæteraq; omnia bellica armamenta conflantur, quibus auxilijs facilè vicina saltem regna sibi aggregarent; neque Rex tamen, neque subditi de eo laborant, nec ijs in mentem venit: sed suis contenti, aliena nec ambiunt quidem. qua in re mihi videntur longissimè ab Europæis gentibus dissidere, quas sæpè videmus proprijs regnis exturbatas, dum ad aliena aspirant, quæ in expleta dominandi libidine omnia deuorant, nec à maioribus accepta norunt conseruare, quod Sinæ multis annorum millibus potuère.

Hinc

Hinc ego quidem arbitror commento simillimum, quod ^{Error quorundam scriptorū} scriptores nostri non pauci de Sinis cōmemorant; eos sub Imperij sui exordia, non vicina solum sibi regna subiecisse, sed etiam in Indiam usque peruenisse. Cum enim Sinarum annales à quater mille annis ad hæc tempora studiosissimè euoluērim, ne vestigium quidem tantæ rei reperio, nec vnquam eos audio hanc imperij latitudinem ostentantes: quin potius cum hoc ipsum è nonnullis litteratis sæpè quæserim, in eo conspirant omnes, id nec vnquam fuisse, nec esse potuisse.

Hic error scriptorum (vt eorum authoritatem tueamur) ^{Error excusatur.} inde potuit irrepere, quod nonnulla Sinicæ gentis in exteris locis vestigia reperiantur, ad quæ eos sua voluntate, non Regis authoritate nauigasse, credibile est, vt hodie in Philippinis insulis est cernere.

Alterum quoque notatu dignissimum, vniuersum regnum, ^{Philosophorū potestas ac authoritas.} vt suprà dixi, à suis Philosophis administrari, & in ijs merum mistumq; imperium reperiri. Hos, milites ac Duces omnes magna animi demissione ac ritu singulari venerantur, eisq; subiiciuntur: & non rarò contingit illos ab his non secus vapulare, quàm apud nos pueri à Ludimagistro. Ab his etià Philosophis, omnia quæ ad rem bellicam, cui interfunt & præfunt, gubernantur, eorumq; consilia ac sententiæ plus auctoritatis apud Regem habent, quam cæterorum rei militaris præfectorum, quos non nisi paucos, & rarò in bellicas consultationes admittere mos est. Hinc fit, vt ex ijs qui altos spiritus alunt, nemo ad res bellicas animum adiungat, & ad infimas potius Philosophici senatus dignitates aspiret, quàm ad maximos in re bellica Magistratus: vident enim Philosophos quæstu, & hominum opinione, & veneratione longo præire interuallo. Sed quod in hac re admirabilius exteris videbitur, est, Philo-

Philosophorū
amor in patriā
& Regem.

Philosophos illos nobilitate animi, in Regem ac Rempublicam fide, periculorum ac mortis in patriæ causâ contemptu, palmam sine dubio de illis ferre, qui rem bellicam ex proprio instituto profitentur. Id inde fortasse habet originem, quod studijs litterarum hominis animus nobilitetur, aut ideò quod iam inde ab ipsis huius regni primordijs litteræ mansuetiores pluris semper fuerint, quàm professio militaris, apud gentem minimè cupidam imperij proferendi.

Magistratuum
Superiorum
Symmetria.

Non minus admiranda est Magistratuum inter se superiorum ac inferiorum symmetria; siue Prouincialium cum Curiatibus, & horum cum ipso Rege; quam ipsi nō solo ad amulsiu parendi studio, sed externo quoque cultu profitentur. Visitationes enim certis temporibus in morem inductas, ac donariorum officia nunquam intermittunt. Inferiores quoque cum superioribus siue pro tribunali, siue alibi, vix nisi flexo poplite colloquuntur, verbisq; eos compellant honorificis. Idem præstant subditi Urbium præfectis ac Præsidib; tametsi constet, eos ante adeptum litterarij muneris gradum, initosque Magistratus, ex infima plebe esse progenitos.

Dignitatum
mutatio.

Nemo etiam vltra triennium dignitatem vllam gerit, nisi denuo ab Rege confirmetur, sed ferè ad maiorem euehitur, verum non in eodem loco; quod ideò fit, ne quis amicitias facillè contrahat, & à iustitiæ rigore auertatur, aut prouinciæ alicuius animos admodum sibi conciliet, potissimum si summas gesserit dignitates; cuius fauore fretus, res nouas molia-
tur, quod superioribus sæculis contigisse commemorant. Primaria quoque Prouinciarum, Regionum, ac Urbium Capita, quæ supra nominaui, Pucinsu, Naganzasu, Cifu, Ciceu, Cihien, & similes Magistratus oportet tertio quoque anno simul omnes in Regia Pequinenſi assistere, Regique solemnis clientelæ officia deferre. Eoque ipso tempore de Magistratibus toto regno per prouincias sparsis inquiritur; siue ij sint, qui
adesse

adefse coguntur, siue ceteri; idque summo rigore. Ex hoc examine deinde statuitur, qui in Republica conseruandi, qui amouendi, qui euehendi, qui deturbandi, qui etiam plectendi, nullo habito ad personas respectu. A me quoque obseruatum est, ne Regem quidem ipsum, audere quicquam ex ijs immutare, quæ in hac publica disquisitione à nominatis iudicibus sunt constituta. Qui porro plectuntur, nec infimi sunt, nec pauci. Anno quidem nostræ salutis 1607. in quem incidebat huiusmodi disquisitio, quater mille Magistratus legimus condemnatos. Eorum enim series in vnum volumen refertur, quod excusum toto regno publicatur.

E Magistratu
condemnati.

Damnati porro ad quinque classes rediguntur. Prima cupidos continet, qui largitionibus iura vendidere, qui è publico censu vel hominum priuatorum fortunis, quicquam sibi vsurparunt: hi ab officijs excluduntur, & omnibus Magistratum insignibus & immunitatibus in perpetuum exuuntur. In secundam classem conijciuntur ij, qui atrocius ab reis supplicia exegerunt: hi quoque suis dignitatibus, eorumque insignibus aut priuilegijs exuti, domum priuati remittuntur. Tertia classis numerat Seniores & Valetudinarios, Remissiores etiam in pænis exigendis, aut munere suo peragendo: his vsus insignium & immunitatum, licet priuatis, per totam vitam permittitur. In quarta classe censentur præcipites, & parum considerati in sententijs ferendis, quibusque in publicorum munerum administratione ratio consiliumque defuerunt: hi ad humiliora munia destinantur, aut in ea loca remittuntur, vbi faciliore esse Reipublicæ administratio iudicatur. Vltima classe comprehenduntur ij, qui se, aut suos, vniuersamque familiam minus cautè regunt; & indignâ Magistratu viuendi ratione ducunt; hi & officijs & immunitatibus in perpetuum priuantur. Eadem de Curialibus quoque Magistratibus, sed quinto solum quoque anno, instituitur inquisitio. Quæ ratio

Magistratus
damnati ad
quinque clas-
ses rediguntur

H 3

quoque

quoque cum rei bellicæ Præfectis eodem tempore ac ordine, nec dissimili austeritate obseruatur.

Natus in Pro-
uincia ad Ma-
gistratum adi-
tum nullum
habet.

Domesticis è
domo exire
non licet.

Aduenis nul-
lus in regnum
ingressus con-
ceditur.

Aduenis redi-
tum in patriam
intergicunt.

Nemo in vniuerso regno, ea in prouincia, in qua natus est, Magistratum gerit, nisi fuerit præfectura Militaris. Id ideo fit, ne priores, qui ius administrant, sanguini & amicitiae succumbant; posteriores verò ut amore patriæ incitati, fortius eam tueantur. Domino Magistratum gerente, filiorum aut domesticorum famulorum nemo domo egreditur, ne largitiones procurret; sed obsequium quodlibet externum, à famulis Magistratui publicè attributis, præstatur: ipse verò domo egressus, sigillo fores munit, siue priuatas, siue publicas, in quibus iudicia exercentur; ne cui è domesticis, se inscio, exitus pateat.

Aduenam etiam nullum intra regni fines viuere sinunt, qui reditum in patriam meditetur, aut qui cum externis regnis quicquam cōmercij habere intelligatur. Quin etiam nulli omnino aduenæ in regni interiora permittunt aditum. cuius rei tametsi nullam legem viderim, qua id interdicatur, à multis tamen sæculis consuetudinem hanc, metu quodam seu horrore erga exterarum gentes, irrepsisse animaduerto. Id autem non de aduenis illis solum intelligi velim, quos longa terræ marisue spatia Sinis ignotos reddiderint, aut de ijs, quibuscum inimicitias exercent, sed de amicis etiam suoque regno vestigalibus: quales sunt Coriæ contermini, & ferè Sinarum legibus vtentes. talem ego nullum hætenus in hoc regno vidi, præter mancipia quædam, quæ belli Dux, nescio quis, inde secum adduxerat, postquam annos eo in regno plures resedisset. Porro si quis externus clam in Sinarum regnum penetrarit, eum neque seruitute, neque morte plectunt; sed reditum ei in patriam interdiciunt, ne forte apud suos res nouas in Sinensis regni perniciem moliatur. Hinc seuerissimis poenis animaduertunt in eos, qui cum externis absque Regis voluntate quicquam cōmercij habent. Et si necessitas postulat aliquem extra regni fines cum mandatis

dati mitti, nemo ferè est, qui adduci possit. Proficiscentē vniuersa familia, quasi ad mortem raptum, deplorat: redeuntem verò Magistratus aliquo dignitatis munere in præmiū afficit.

Arma nemo gestat in Urbibus, ne ipsi quidē milites aut rei militaris Duces ac præfecti, nec etiam litterati; nisi cum ad delectus, aut palæstras suas, aut in prælia prodeunt: aliqui tamen nobiliores Magistratus cum armis comitantur. sed neq; domi suæ quisq; arma habet, nisi fortè ferrugineā aliquā sicam, qua nonnunquā in itinerib⁹ vtuntur contra latrocinia. vsque adeò armatos horrent & fugiunt. Inde nullæ apud eos factiones aut rixæ, nisi quæ vnguīū impressione aut capillitij laceratione dirimuntur: nulla iniurias plagis aut morte rependendi libido est; sed qui alterum fugit, & ab iniuria inferenda abstinet, is à prudentiæ fortitudinisq; laude commendatur.

Arma nec foris gestant, nec domi habent.

Extincto Rege (ne factiones exoriātur) nulli, excepto regni herede, alij filio aut ppinquo Regis licet in vrbe regia cōmorari: quin imò Capitale est, per varias vrbes diuisis, pedem efferre. Ortæ inter illos lites ab vno è nobilissimis inter ipsos dirimuntur; à quo etiā gubernātur. Sed si quid eis negotij cū alio, qui Regis propinquus nō sit, ortū fuerit, Magistratuū publicorum tribunalibus & pœnis, vt quiuis è plebe, subiiciuntur.

Lex post obitum Regis.

De Sinarum ritibus non nullis.

CAPUT SEPTIMUM.

ANtiquum sibi Sinarum regnū cognomen indidit ab urbanitate ritibusq; politionibus: quin etiam Urbanitas numeratur vna è quinque virtutibus, quæ aquod eos velut cardines cæterarū prædicantur: quarū officia suis voluminib⁹ fusè cōmendant. Huius virtutis munus esse aiūt in mutua veneratione, & in negotijs pertractandis circūspectione. In his verò urbanitatis ritib⁹ ita multi sunt, vt totū ferè tēpus in ijs conterant, & qui plus aliquantū sapiūt, doceāt, se nō posse ab hoc externo fucatoq; splendore, quo etiā Europæos lōgo post se intervallo relinquūt, se expedire.

Urbanitatis obseruantissimi Sineses.

Dicam

Salutantium
ritus.

Dicam igitur primùm, quo ritu salutationis officia venerationisq; signa mutuò exhibeant; deinde de alijs vrbauitatis ritibus, maximè sicubi à nostris discreparint. Nihil apud Sinas Vrbauitatis, aut cultus habet, caput aperire; sed neque motu pedum, & longè minus amplexu, aut manus osculo, vel cuiuslibet alterius rei, quam offerunt, venerationem profitentur. Maximè vulgaris inter eos vrbauitatis ritus hoc modo peragitur. In superioris togæ manicas, quas gestant laxissimas, collectæ manus (quod Sinæ faciunt, nisi quid operis tractent, aut flabello ventum concilient) ambæ vniuntur, & vnà cum manicis primùm in altum modestè eriguntur, inde deprimuntur, altero ex aduerso alterius consistente, & hanc syllabam geminante, zin, zin; cuius vocis significatio nulla est, nisi vrbauitatis ritus; & Vrbauitatis interiectio nostro more posset appellari.

Se mutuò visitantium ritus.

Cum alter ab altero officiosè visitatur, & etiam sæpè cum per vicos amici amicis obuij sunt, manibus intra manicas, vt supra vnitis, totum corpus inflectentes, caput quantum licet ad solum vsque demittunt; quod venerationis officium, ab vtroque, vel etiam simul à pluribus eodem tempore exhibetur; hunc ipsi ritum zo ye vocant; In hoc exhibendo superiorem inferior gradu, vel visitantem visitatus semper ad dextram locat (in borealibus verò prouincijs laua dextræ locum occupat) sæpenumerò etiam cum expleto ritu hoc, in pedes eriguntur, vices permutant, & è sinistra in dextram, & vicissim transeunt; quod ideo fit, vt qui honoratiore loco exceptus fuit, honorem alteri rependat. Hoc vrbauitatis officium, cum per vicos exhibetur, vterque, alter alteri ad latus, ad septentrionem vertitur; domi verò ad aulæ caput, ex aduerso januæ; sed & tum ferè ad eandem cæli partem respiciunt. In more enim est apud illos antiquo, Palatia, fana, cæteraq; ædificia benè constituta, aut saltem in priuatis ædibus aulas, excipien-

cupiendis hospitibus deputatas, limen ad austrum habere, & eos, qui ex aduerso Ianuæ confident, ad austrum conuerti. Vnde quoniam hi ritus in prima aula iuxta limen exhibentur, vultu ad aulæ caput conuerso, septemtrionem spectant.

Si quando maius aliquod venerationis officium placet exhibere, aut quia sese tum primùm salutant, aut quia diutius abfuere, vel si alter alteri quippiam gratulatur, aut grates agit, siue cum solemnior aliquis dies incidit, aut alia qualibet ex causa; tum post exhibitam eam, quæ supra commemorata est, inclinationem, vterq; in genua prouoluitur, & frontem ad solum vsque demittit. tum in pedes erecti, iterum inclinantur, & genuflectunt, vt supra, idque tertio & quarto. Sed cum hic superiori, parenti, Magistro, aut alij Viro Principi ritus exhibetur, is ad aulæ caput stans, aut etiam sedens, honorem excipit, & solum ad singulas alterius inclinationes ac genuflexiones, manibus vnitis, vt supra, non nihil inclinatur, eo ipso in loco, in quo stat aut sedet. Et sæpè qui modestius hunc honorem excipit, non in aulæ capite ad septemtrionem, sed ad latus, ad ortum scilicet, consistit. Hoc eodem cultu ipsi sua simulacra, vel domi vel in templis, coram ara venerantur. Famuli verò cum Heros suos, aut infima plebs honoratiores, salutant, primo cultu in genua prouolunt, & ter fronte solum leuiter quatunt; quem eundem sæpè ritum simulacris suis exhibent: porro si cum ijs herus colloquatur, ad eius latus adstant, & ad singula responsa, in genua prouoluuntur. id alij quoque è vulgo faciunt, cum magnates conueniunt.

Præter hos, quos dixi ritus, non admodum à nostris alienos, alios inter loquendum scribendumq; vsurpant, in quibus à nobis non parum discrepant; & inde etiam non mediocris huius linguæ difficultas excrescit. Cum enim alius alium compellat, nunquā secunda persona vtuntur; sed siue præsentem cōpellent, siue de absente loquantur, varijs vtūtur loquēdi formulis.

I

cum

Alij ritus salutantium.

Famulorum salutationes.

Ritus compellendi se & alios.

cum de seipsis loquuntur, nulla ratione primæ personæ pronomine uti licet, nisi fortè hero, cum famulum alloquitur, aut alteri superiori, cum alio infimo sermonem miscenti. Tot verò seipsum deprimendi formulas habent, quot alium extollendi: quas inter, panè modestissima, seipsum compellendi, formula est; seipsum proprio nomine appellare, pro eo, quod nos pronomine Ego, uti solemus. Ac si fortè de Parentibus, fratribus, filiis, corpore etiam, ac membris, domo, patria, epistolis, ipsis etiam morbis alienis sermo incidit, nomine utantur aliquo honoratiore: è contra si de iisdem rebus proprijs agant, illas voces adhibent, quæ modestiam sonant. quas omninò loquendi formulas necesse est familiares sibi facere, non ideò solùm, ne inurbanus & rusticus habere, sed etiam, ut id de quo agitur aut scribitur, assequare.

Propinquorū
& familiarium
ritus in visita-
tionibus.

Cum semutuò propinqui & familiares officij causâ interuifunt, ad rependendum visitationis officium adstringunt visitatos. In his porro visitationibus hæc ferè ratio obseruatur. Qui visitat, ad ingressum, libellum profert, in quo nihil aliud legitur, præter visitantis nomen cum modestis epithetis, pro ratione visitantis aut visitati: eum libellum ianitor ad Herum defert. porro si plures ab vno, vel vnus à pluribus visitatur, semper pro numero visitantium aut visitorum sunt libelli. Hi ferè duodecim paginis è charta candida constant, & sesquipalmum oblongi sunt; in prima facie media, è papyro rubea, ad duorum digitorum latitudinem fragmentum affigitur libelli longitudine: & plerumque libellus hic chartaceo sacculo, cum eodem rubeo additamento in externa facie, includitur. In his tanta est varietas, ut omninò necesse sit, domi viginti ferè thecas paratas ad omnem usum habere, cum varijs titulis; ita continuus est eorum usus. quin etiam cogimur Ianitori commendare, ut in commentarium referat, hospitum nomina, ac domos eorum, qui visita-

visitaturi aduenerunt; ne intra tertium diem, mutuae visitationis officium è memoria excidat: quem morem ab ijs omnibus obseruari necesse est, qui frequentius visitantur. Porro quemadmodum, si qui visitantur, domo absuerint, aut ad excipiendos hospites exire non potuerint, ij qui visitant, libellum domi ad ianuam deponunt, velut testem impense visitationis, ita cum eam rependunt, sufficit ad ianuam huiusmodi libellum deponere. hac enim ratione ipsi sibi satisfactum arbitrantur. Quo honoratior est qui visitat, eo maiori charactere nomen suum per librarium adscribit, & aliquando accidit, vt latum digitum excedat, & decem litteris versum vnum à libello summo ad infimum expleat. Ea enim, vt dixi, ratione Sinæ suos characteres exscribunt.

Cum sibi mutuò munuscula, quæ sunt apud eos frequentissima, & non impari munere remuneranda, transmittunt, aut etiam deferunt, eodem quoque libello vtuntur; in quem præter proprium nomen, vt supra, referunt etiam seriem munerum, quæ transmittunt, singula singulis versibus concinnè describentes. Munera quæ mittuntur, absque vlla inurbanitatis nota partem reijci possunt, aut remitti, nulla offerentis offensione; quod cum fit, simili libello vel gratiæ referuntur, vel munera modestè remittuntur, vel ea, quæ accepta sunt, adscribuntur, aut series eorum, quæ rependuntur, exprimitur; idque non sine varia rituum, quos longum esset commemorare, vrbaniatate. Est etiam apud nos insolens, quod Sinæ solent pecuniaria munuscula conferre; nam aureos sæpè decem, alias quinque, nonnunquam etiam pauciores, superiores inferioribus, & contra transmittunt.

Qui Magistratum aliquem gerunt, aut litterarijs gradibus honorù sunt insignes, quoties hæc visitationum officia peragunt, peculiari muneris sui habitu induuntur, qui à quotidiano

Ritus in muneribus transmittendis.

Munuscula pecuniaria.

Visitationes Magistratum & litteratorum quo habitu fiant.

differt non parum. Qui his honorum titulis carent, & sunt nihilominus Viri graues, proprium etiam habent ad visitationes indumentum, illudq; à quotidiano diuersum, nec sine alterius offensione aliter fieri potest. ea causa nos ipsi quoque, ne primariorum virorum congressibus arceamur, eo ipso cultu, cum opus est, induimur. Quod si fortè alter in alterum casu incidat, qui hoc vrbانيتatis, vt vocant, habitu minimè sit indutus, nullo modo salutationum officia solitis ritibus exhibent, donec alter eodem cultu induatur; atque ita quoties in publicum prodeunt, famulorum manibus vrbانيتatis toga gestatur: quod si id fieri non potuerit, tum qui hoc visitationum paludamentum induerat, eo exuitur, & in quotidiana veste saluatorios ritus explent, quos suprà commemorauimus.

A famulis vrbانيتatis toga gestatur.

Ritus sedium collocandarū ad sessionem.

Si plures fuerint qui domi visitantur, inter eos ptimarius hospitis sedem, aut sedes singulas vtraq; manu accipit, & suo loco statuit in honoratissimo aulae situ, inde proprijs manibus eas excutit, tametsi nullus sit in eo puluisculus. Etsi sedes iam in suo sint ordine collocatae, singulas tamen ambabus manibus contingere, & velut aptius collocare mos est. id deinde singuli, qui visitantur, etiam praestant in eundem planè modum. Tum inter hospites, si plures fuerint, honoratior eius, quem visitat, sedem eodem modo accipit, & ex aduerso sedis suae illam locat, & eodem modo puluerem aut excutit, aut excutere se fingit. Idem deinde ceteri faciunt, si plures fuerint, ætatis ordine, vel dignitatis. Quod dum fit, is cui hoc officium exhibetur, ad latus adstat, manibus intra manicas receptis, & leuiter eleuatis, ac depressis, gratias agit, & exhibitum honorem modestè recusat.

Vrbانيتatis ritus circa Proëdriam.

Hospites inter se multum temporis terunt, circa Proëdriam seu principem honoris sedem: sed his tandem legibus statuitur. Inter eos, qui sunt sibi mutuo ciues, ætatis ratio habetur. In vtraque aula dignitas potior est. Externi, maximè qui è locis remotio-

motioribus adueniunt, primum locum tenent. Vnde fit vt in omni ferè congressu nostris prima sedes hoc titulo assignetur; nec tergiuersari, aut modestè recusare quicquam contra receptam consuetudinem nobis prodest.

Postquam cuncti consedere, mox è domesticis famulis vnus, isque politior, & talari indutus prodit, manibus elegantem geitans tabulam, in qua tot sunt scutellæ, quot hospites, in ijs scutellis est illa potio Cia, de quâ supra, cui semper aliquod mensarum secundarum aut bellariorum frustulum immiscetur, cui sumendo argenteum cochlear exiguum adiungitur. famulus ab honoratiore initium sumens, suam cuiq; scutellam porrigit ad herum vsque, quem reliqui visitant: nam is semper in infimo loco sedet. Si diutius consederint, famulus in eundem modum iterum ac tertio & sæpius etiam redit, sed illud bellariorum frustulum toties variatur, quoties reditur.

Ritus bellariorum porrigendorum.

Hospites, finito congressu, antequam ex aula egrediantur, iuxta limen, vt initio, ritu suo inclinationes repetunt: tum eos herus ad vsque domus limen insequitur, vbi iterum inclinatur. tum rogat hospites herus, vti velequum, vel gestatoriam sellam, qua venerant, conscendere velint, quod ij facere recusant, & herum domus rogant, vti se in domum recipiat: tum ille ad limen versus, iterum inclinatur, & hospites simili ritu honorem rependunt. Denique iam limen ingressus, tertio inclinatur, hospitesq; eodem ritu respondent. Tum herus domus in limine se hospitum oculis subtrahens, moram ijs concedit equitandi, aut in sella consistendi; & repentinè egrediens abeuntes salutat, hanc vocem zin vsurpans, & ambas intra vestem manus eleuans, ac deprimens: quod hospites ipsi ad amussim imitantur, & abire pergunt. Denique herus domus famulum mittit, qui abeuntium assequatur vestigia, & suo nomine salutat: Idem ipsi hospites faciunt, & per famulos suos resalutant.

Ritus abeuntium à congressu.

Conuiuia Si-
narum.

Nunc de Sinarum conuiujs agam, in quibus non minus sunt officiosi, quam frequentes, non pauci etiam ferè quotidiani. Omnia enim prope sua negotia, non illa solum, quæ ad humanæ vitæ rationē, sed quæ ad Religionem etiam spectant, epulantes tractant: & inter eximia beneuolentiæ argumenta ponunt conuiuia. Quæ ab ipsis non commestationes, sed, Græcorum more, computationes non immeritò vocantur: licet enim eorum scyphi ac pateræ non plus vini, quam nucis putamen, capiant, frequentissimè tamen haustus iterant.

Bacillis tereti-
bus inter ve-
scendum vtun-
tur.

Inter vescendum nec fuscinulas adhibent, nec cochlearia, nec cultros; sed bacillis vtuntur teretibus, sesquipal-
mum longis, quibus mira dexteritate quodlibet edulij genus ori admovent, digitis omnino nihil contrectantes. Scien-
dum tamen, omnia in mensas inferri frustatim discissa, nisi si quid fuerit natura mollius, vt oua, pisces, aliaque huiusmodi, hæc enim ipsis bacillis diuiduntur. Potu vtuntur feruenti, etiam in summo aestu; siue ille vinum sit, siue decoctio Cui, siue aqua. Et sanè videtur id stomacho prodesse non parum, nam & Sinæ ferè diuturnioris sunt vitæ, & ad annum septuagesimum, ac sæpè octogesimum viribus non admodum destituuntur. Hinc quoque euenire arbitror, quod Sinarum nemo calculari morbo laboret, qui nostros Europæos sæpè torquet, ex eo credo, quod perpetuò frigidam potent.

Calculo non
laborant.

Ritus inuitan-
di ad epulum.

Cum quispiam ad solemne epulum inuitatur, pridie, vel etiam pluribus diebus ante conuiuij diem is, qui alterum inuitat, libellum mittit exijs, quos supra descripsimus, In eo, præter inuitantis nomen, vt supra, sollemni formulâ paucis verbis comprehensâ, eleganter & vrbane ait, qui euocat, tene se ex oleribus apparasse conuiuium, & scyphos suos eluisse, vt dicto die, & hora (quæ ferè sub noctem est) doctri-
nam

nam eius, quem inuitat, audiat, & ab eo aliquid discat, unde de rogar, ut ne hoc se favore dedignetur. In externa facie libelli ad eius longitudinem additamentum è rubea charta affigunt, ut supra, in eo honoratius inuitati nomen (nam Sinae pluribus hominibus singuli compellantur, ut infra) cum varijs pro eius, qui vocatur, dignitate titulis. Hic singulos inuitandi mos est. Ipso die conuiuij similem libellum matutinis horis mittunt ad singulos; sed in eo solum rogantur, uti festinent, & praestituto tempore adesse ne grauentur. Sub horam denique conuiuij tertium mittunt, quem ideo se mittere aiunt, ut venientes ex itinere excipiat.

Cum in conuiuij domum ventum est, solitis salutationum ritibus, ut supra, expletis, in prima aula confident, & suum illud Cra bibunt: inde ad conuiuij locum itur. Solet is splendide adornari, non peristromatis, quorum apud eos nullus est vsus, sed picturis, floribus, vasis, & huiusmodi antiqua suppellectile. Singulis sua mensa assignatur cubitos aliquot longa lataque, sed ferè longior; nonnunquam etiam vni duae mensae assignantur, altera ante alteram. haec mensae pretioso aliquo panno dependente, ut ferè ara nostrae solent, exornantur omni ex parte. Ipsae quoque sedes pellucido illo suo bitumine non splendent solum, sed etiam varijs picturis & auro condecorantur.

Locus conuiuij, eiusq; apparatus.

Ante accubationem epularem, Conuiuator vnam è pateris ex auro, argento, marmore illo, de quo supra, vel consimili materia elaboratam, vino plenam in suo disco vtraque manu tenet, & eum, qui principè locum est habiturus, inclinatione profunda salutat. Inde ex aula in atrium egreditur, & inclinatione prius exhibita, hanc vini pateram, vultu ad austrum conuerso, caeli Domino offerens, in solum effundit; & in inclinatione repetita, in aulam redit, aliamq; pateram accipiens, eundem illum conuiuij

Ritus conuiuales.

Princi-

Principem, yna inclinatione salutat, eo in loco, in quo saluatorij ritus exhiberi solent, tum simul ad eam mensam in aula medio sitam, in qua videlicet sessurus est idem conuiuij princeps, accedunt. In medio latere, quo mensa longior est (is enim locus honoratissimus ab Sinis, non vt apud nos mensæ caput) pateram in suo disco vtraque manu venerabundus locat, tum bacillos conuiuales à famulo accipit, & ad pateræ latus ponit. ij bacilli ex ebeno ferè, vel ebore constant, alia uero materia duriore, quæ sordes non facile contrahit; & ea saltem parte, qua fercula tanguntur, argento aurove celari solent. Inde sedem accipit, & in media mensa locat, manicis, vt supra, leuiter euerrens; tum in mediam aulam regressi simul denuo inclinantur. Eodem ritu conuiuator singulos deinde hospites cohonestat: eum qui secundum locum occupat, ad sinistrum latus, qui tertium, ad dexterum statui mos est. Ad extremum, qui principem locum occupabit, à domestico famulo, inuitatoris pateram cum suo disco accipit, & vinum infundi iubet, & vnà cum reliquis hospitibus, & conuiuatore, suo ritu inclinatur, pateramq; in eius mensa in disco locat. Conuiuatoris autem mensa in inferiore aulae parte ita statuitur, vt austrum, & aulae ianuam, vbi confederit, à tergo habeat, à fronte verò primariam mensam. Deinde bacillos sedemq; disponit eo ritu, quem sibi inuitator exhibuit. Deniq; singuli ad pateram, bacillos, sedemque denuo, velut aptius vtraque manu statuendam, accedunt. quæ omnia dum fiunt, is cui honorarius ille ritus exhibetur, exhibenti ad latus adstat, & manibus intra manicas receptis, leuiterq; concussis, honorem cum deprecatur, & modestè inclinatus, gratias agit.

Nec ante nec
post cibū sum-
ptum manus
lauant.

Quoniam nihil edulij Sinæ manu tangunt, ideò nec sub initium, nec sub conuiuij finem, manus lauant. Expletis his ritibus, simul omnes postremam inuitatori inclinationem exhibent, & alteram hospites inter se, tum ad mensam suo quisque

que loco affidet. Quoties bibitur, inuitator pateram in disco Bibendi ritus & modus. vtraque manu capit, & eam leuiter erigens, ac mox depri-
mens, reliquos ad bibendum inuitat; eodem tempore singu-
li ad inuitatorem conuersi, idem faciunt, & simul omnes bi-
bere incipiunt, quod sorbendo ita lentè faciunt, vt ad exhau-
riendam pateram non rarò quater quinquiesue eam ori ad-
moueant. Eum potandi ritum, sorbendo videlicet, semper
obseruant, etiamsi aquam biberint; & nihil vnquam conti-
nuatis haustibus more nostro exhauriunt.

Prima patera exhausta, paulatim fercula inferuntur. Omnes simul fercula attingunt. E
quibus simul omnes (præeunte suo ritu inuitatore, bacillis v-
traque manu acceptis, iisdemq; erectis depressisq;) quoties vnū
attingunt, vnum alterumue ex eo frustulum carpunt, & ori
admovent. In quo id obseruatur studiosè, ne quis prius in
mensa bacillos reponat, quam is, qui primum in conuiuio lo-
cum obtrinet, id fecerit; quod vbi fecit, mox ministri in sin-
gulorum pateram vinum calidū infundunt, facto initio à con-
uiuij principe. tum eodem ritu iterum, ac deinde sæpius edi-
tur ac bibitur, sed in bibendo plus temporis, quàm in edendo
consumitur. Toto porro conuiuij tempore velde rebus lètio-
ribus sermo ingeritur, vel comædia spectatur, aut cantor ali-
quis musiciue instrumèti pulsator auditur; Nam hi sæpè etiam
non vocati se conuiuio ingerunt, spe premij, quod ijs persol-
ui solet, euocati.

Omnes ijs vescuntur, quæ apud nostros in fercula ad-
hibentur; nec ea malè condiunt; sed de singulis ferculis pa-
rum infertur. in varietate statuunt conuiuij maiestatem; men-
sas enim opplent discis mediocribus, & alijs exiguis; nec pisces,
vt nos, à carnibus separant, sed sine discrimine permiscent.
nullum porro ferculum semel appositum toto conuiuio tolli-
tur; itaq; mensas non opplent modo, sed discos alijs alios ita
superponunt, vt castellorum speciem referant. Panis nullus

Sermocinatio inter epulan- dum.
Ciborum ap- paratus & va- rietas.

K

in

Panis nullus
apponitur.

Vinum nō bi-
bitur ante ori-
zæ sumptionē.

Poculis nun-
quā certatur.

In edēdo mo-
derati.

Ritus circa Re-
gum venera-
tionem.

in conuiuales mensas infertur, sed neque oriza, quæ apud Si-
nas in panis nostri vicem succedit, nisi fortè in quibusdā epu-
lis minus solemnibus sub mensam extremam: si porrò infer-
tur oriza, prius à vino abstinetur; neque enim vinum ab Si-
nis bibitur, etiam in quotidiana refectiōe, ante orizæ sum-
ptionem. Varios etiam in conuiuia ludos ingerunt, in quibus
qui perdidit, potare compellitur, magno cæterorum applau-
sū, festisq; clamoribus.

Sub finem conuiuij, pateras permutant. quæ etsi singulis
æquales apponantur, nunquam tamen ad bibendum supra
vires quisquam compellitur, sed amicè tantum inuitatur. Si-
nense vinum ad instar ferè cereuisiæ nostratis decoquitur, nec
admodum fumosum est; ebrios tamen reddit strenuos pota-
tores; sed leuius fertur die insequenti. In edendo sunt omni-
no moderatiores, & sæpè accidit, vt quis ab Vrbe discessurus,
vno die septem vel octo conuiuijs intersit, vt amicis omnibus
satisfaciat: huiusmodi verò non sunt è celebrioribus; hæc enim
totam noctem absument, & in auroram insequentem protra-
hantur, ferculorum denique reliquiæ inter hospitum famu-
los liberaliter diuiduntur.

Quod ad cæteros ritus attinet, ij mihi nunc videntur esse
præcipui, qui circa Regum venerationem versantur. Rex plu-
ribus externis officijs colitur, quàm alius quiuis in vniuer-
so terrarum orbe princeps, siue is profanus, siue sacer fuerit.
Hunc nemo alloquitur, præter Eunuchos illos, qui in palatij
penetralibus famulātur, Regiosq; propinquos, qui intra eius-
dem palatij fines commorantur, quales sunt filij ac filiæ. O-
misso porro cultu omni, qui Regi ab Eunuchis præstatur,
velut minus necessario ad institutum, omnes omnino extra
palatium Magistratus (nam inter Eunuchos sunt etiam sui or-
dines & officiorum gradus) Regem non nisi libellis suppli-
cibus conueniunt: sed hi libelli tot venerationis formulas con-

continent, vt non nisi ab exercitatis componi possint, nec eos quilibet litteratus sciat concinnare.

Anno quolibet ineunte (cuius initium est nouilunium illud, quod præcedit aut sequitur proximè nonas februaryas, vnde Sinæ Veris initium sumunt) è singulis mittitur prouincijs legatus ad Regem officiosè visitandum. quod idem solemnius præstatur in modum clientelaris obsequij tertio quoque anno, vt suprà commemorauimus. Porro singulis in Urbibus primo quoque lunæ renascentis die, Magistratus omnes, in vrbe sua quisq; in vnum locum conueniunt, in quo regius est thronus, regiaq; insignia, cælati dracones, & inaurati, cum alijs ad elegantiam cælaturis; coram eo sæpius inclinantur, & genua incuruant gentis ritu, & peculiari quadam compositione corporis, ad modestiam venerationeq; aptissima: quo tempore Regi vitæ annorū decem millia succlamant. Idem quoq; cultus vbiq; Regi exhibetur eo die, qui primus eum nascentem vidit, in singulos annos redeunte, quo die Pequineses Magistratus, & alij à prouincijs legati, nec non regij propinqui varijs titulis insignes extra curiam eo adueniunt, Regi vitam gratulaturi, & gratulationem grauissimis muneribus testaturi.

Legati Regem
salutatū è Pro-
uincijs mittū-
tur.

Thronum Re-
gium veneran-
tur.

Diem Regis
Natalem vo-
nerantur.

Præter hos, quotquot à Rege nominati Magistratum incunt, aut alio aliquo munere donantur, per leges ire iubentur, quod ante primā lucem fit, ad regium tribunal, gratiam habituri. Ibiq; præcuntibus ac monentibus rituum Præfectis, officia regio folio (Rex enim tunc non comparet) exhibent accuratè; nec impunè à quoquam vel leuiter erratur. quod cum faciunt, peculiari cultu è purpureo panno damasceno, & tiaris in capite argenteis, sed inauratis insigniuntur. Vtraq; vero manu eburneam tabulam quatuor digitos latam, palmos duos longam gestant, ea os tegunt, quoties quippiam coram Rege proloquuntur.

K 2

Rex

Regis habitus,
cum ad tribu-
nal prodibat.

Color Regis in
vestitu flauus.

Draconibus
omnia nitent
in palatio.

Palatij Regij
portæ quatuor

Palatiū vene-
rantur præter-
euntes.

Rex porro, cum olim in tribunal prodibat, è loco superiore ad ingentem fenestram comparebat, & manu eburneam quoque tabulam gestabat, ad vultum contegendum, nec non & aliam in capite tabulam medio cubito latam, integro longam, supra regium diadema frontemq; , è qua tabula lapilli complures magniq; pretij ita in fila inducti dependēt, vt frontem ex omni parte ac faciem tegant, & intuentium oculis etiam præsentem subducant. Color regius cæterisq; interdicitus, flauus est, è quo vestis eius contexta est varijs ex aureo filo draconibus. nec in veste solum regia dracones, sed in palatio vniuerso, vasisq; aureis & argenteis, & reliqua supellectile, vel cælati, vel depicti visuntur; quin ipsa etiam tecta & tegulæ flauum colorem, & dracones spectandos exhibent; quod ansam fortasse præbuit aliquibus asserendi, palatij regij regulas esse aureas æreasue: at reuera fictiles sunt, vt ego meis manibus attrectaui, sed flauo colore imbutæ, & singulæ singulis clauis, trabalibus ferè, in tecto ipso defixæ; sunt enim nostratibus haud paulo maiores: quorum clauorum caput est inauratum; ne quid appareat in regio palatio, quod regium colorem non præferat. Si quis eum colorem, aut dracones in proprios vsus adhiberet, perduellis haberetur; nisi fortè regio esset sanguine prognatus.

Palatij regij portæ sunt quatuor ad totidem mundi partes ex aduerso distributæ. quotquot ex itinere has portas prætergrediuntur, ex equo descendunt, si equestris; aut è sella, si egestentur, ac pedites incedunt, donec eas fuerint prætergressi. id omnes faciunt, sed maximus quisque accuratius, & è loco remotiore: & non Pequini solum, sed in Nanquinesi priscorum Regum palatio religiosius, tametsi iam plures annos nullus Regum in id sese receperit. Portæ ad austrum, siue externæ, siue internæ sunt triplices, media regem ingredi vel egrèdi sollemne est; reliqui dextra leuâque admittuntur: ideo

ideo media illa ianua nunquam, nisi egressuro vel ingressuro Rege, patet.

Nulla est apud Sinas alia temporum nota, siue in libris, qui lucem aspiciunt, siue in alijs quibuslibet publicis instrumentis, nisi quæ ab eius, qui regnat, inauguratione deducitur, sicut apud nos ab humane salutis initio Christo nascente fieri sole-
ne est. Nonnunquam certis ex causis solet primariorum Magistratuum parentibus Rex titulum conferre scriptione quadam, Regis nomine à Regijs Philosophis facta, eam rem Sinæ tanti faciunt, ut stupori sit, nam & ad impetrandum nulli sumptui parcunt, & ut rem sacram, in familia conseruant. Nec minori sunt in pretio alijs nonnulli tituli duobus tribusque characteribus expressi, quos viduis Rex confert, quæ secundas nuptias ad senectam usque renuerunt, aut senibus, qui seculum integrum vitam protraxerunt, & alijs in casibus huiusmodi. Has inscriptiones supra limen exponunt. Nec id solum Reges solent, sed etiam Magistratus ipsos amicis præstare mos est. Ipsi quoque Magistratibus de Republica benemeritis publico sumptu arcus è marmore eriguntur, quales apud nos assolet in triumphis. Idem exhibent Vrbes ciui suo, qui insignem aliquam dignitatem, aut in litterarijs examini-
bus primas obtinuerit, aut in euentis huiusmodi magno apparatu.

Tempora Sinarum ab inauguratione Regis deducuntur.

Titulum à Rege collatum maxime faciunt.

Quicquid pretiosum aut affabre factum in vniuerso regno habetur, quotannis ad Regem transmittitur Pequinum magno sumptu & copia. Magistratus item qui in regia commorantur vrbe, minore in publicum prodeunt apparatu. nam exceptis primatibus, cæteris equo, non sella gestatoria vehi licet. quibus autem sella per leges licet, baiulorum numerus ad quatuor restringitur. Extra curias haud paulo inferiorum Magistratuum ordines maiore in provincijs apparatu prodire permittuntur. Eam Sinæ modestiam in regia veneratione repo-

Pretiosiora ad Regem mittuntur ex vniuerso regno.

Sellæ gestatoriae.

K 3

nunt,

Ritus Sepulchrales.

nunt, & viciniore maiorem deferendam arbitrantur. Quater annis singulis, sub quatuor anni tempestates, Curiales omnes Magistratus ad priscorum Regum & Reginarum sepulchra conueniunt, & suos ritus ac donaria deferunt: sed primarius Humvuo regni recuperatori honor defertur. ad hunc ritum se aliquot diebus prius comparant, indicto iustitio & ieiunijs, quæ intra domesticos parietes religiosè obseruant.

Honor erga Magistratus.

Secundùm Regem proxima venerationis officia suis Magistratibus impendunt. id maximè produnt solitis loquendi formulis, & officiosis visitationibus; ad quas non admittuntur, nec adspirant, nisi qui aliquod in Republica munus gerunt, aut alibi gessere. ij enim in patriam reuersi, etsi propria culpa officijs excidere, solemnè tamen sæpè Magistratuum cultu insignes prodeunt: & urbani eos Magistratus colunt, visitationumq; officia rependunt; & eorum intuitu multa concedunt, præsertim qui primos in litterarijs gradibus, publicisq; functionibus honores habuere.

Honor erga Magistratus bene meritos

Si qui Magistratus egregiè suo defuncti munere, deq; Repub: bene meriti, ad aliud munus euehantur, aut alia qualibet ex causâ ex vrbe discedunt, magnis publicè muneribus afficiuntur, ocreasq; suas, Magistratus insigne, ad perpetuum beneficij monumentum rogati relinquunt, quæ publico scrinio inclusæ, vnâ cum varijs in eius laudem versibus ac scriptionibus asseruantur. Alijs, qui sunt insigniores, loco aliquo publico, marmor erigunt, in quo eorum in Rempublicam merita eleganti scriptione insculpta, ad posteritatis memoriam perseuerant. Nec desunt, quibus templa magno publicè sumptu extruantur: arisq; statux imponantur, ad eorum imaginem, quantum industria fert artificis, accedentes. tum census annuus, & certi homines deputantur, qui perpetuos odores, & semper viuentes lucernas accendant.

Eam

Eam ad rem ingentia ex are campano thuribula statuuntur, adeundem ritum, quo ipsi sua idola venerantur. Sed hunc tamen cultum à Numinis latría norunt separare: nam à Dijs multa petunt, his vrbanos tantum ritus in beneficiorum memoriam periti exhibent. nihil tamen dubium, quin è vulgo plures cultum vtrumq; permisceant. Ad hæc templa (quorum plenæ sunt omnes urbes, quæque sæpè amicorum studio indignis etiam eriguntur) certis temporibus itur, inclinationes & genuflexiones exhibentur, edulia offeruntur, aliaque huiusmodi peraguntur.

Omnes Sinarum libri, qui de moribus agunt, toti sunt in excitandis filiis ad parentum obseruantiam, maiorumq; venerationem. Et sanè si externam illam pietatis faciem intueamur, nulla gens alia toto terrarum orbe cum Sinis comparari potest, quod aliquibus indicijs comprobabo. Solemnem in assidendo maioribus, ritum obseruant, vt nulla ratione in æquali situ, & longè minus ex aduerso consistant, sed ad latus alterum; quem ritum etiam discipuli cum Magistris obseruant. Magna etiam veneratione cum ijs colloquuntur. qui tenuioris fortunæ sunt, ad obitum usque eos, etiam sudore suo, quantū licet, lautè copiosèque alunt. Sed in nullo sunt religiosiores, quam dum ijs parentant, tam in lugubri veste induenda (in qua etiam à cæteris nationibus discrepant) quàm id feretro quoque ac sarcophago è materia pretiosiore concinnando: in apparatu sepulturæ, quem veriùs pompam dixeris, pro facultatibus fortunisq; & sæpè supra vires assurgunt.

Liberorum educatio.

Sepulturæ apparatus.

Lugubris Sinarum vestis non pulla, sed candida est. In luctu parentum filij cannabina veste asperrima induuntur, primis saltem mensibus; & ipsa forma talaris tunicæ, pilei, calceorum satis absconsa, primoq; aspectu miserabilis: fune quoq; prope nautico renes cingunt, ad eum modū, quo Patres è D.

Lugubris habitus.

Fran-

Tépus luctui
destinatum.

Francisci familia solent. Inuiolabili consuetudine receptum est, ut luctus Patris aut Matris, in trienniū protrahatur. Cuius rei causam in suis libris reddunt hanc, ut suis parentibus, qui primo ætatis triennio eos vlnis gestauerunt, tantoq; labore educarunt, vicem rependant. In cæterorum propinquorum luctu contractior est lugendi mora, prout quisque vicinior, aut remotior sanguine cuique fuerit: aliàs enim annuo spatio aliàs trimestri terminatur.

Funera Regia.

In Regis, aut Reginae, quæ quidem legitima est, funere legitimum lugendi tempus etiam est trienne, quaquauersum patent regni fines. Sed nunc regia indulgentia, quæ publico edicto innotescit, pro mensibus dies computantur, atque ita mensem vnum, regnum vniuersum, mærorem de Regis morte conceptum, lugubri cultu profitetur. Funebres Sinarum ritus iusto volumine continentur, atque ita, cum aliquis è familia diem suum obit, superstites, ad quos funus spectat, cum librum consulunt, ut ad rituum præscriptum funebris pompa procuretur. eo in volumine non solum præscribuntur, sed etiam spectandæ proponuntur, vestes, pilei, calcei, zona, cæteri q; ritus vniuersi.

Ritus funebris
in obitu viri
primarij.

Cum vir aliquis primarius viuere desinit, demortui filius, aut sanguine proximus, cæteros propinquos, & familiares libello admonet, mæsta verborum sollemnium formula concepto, idq; infra tertium quartum uel ab obitu diem. quo tempore sarcophagum fabricant, & eo cadauer includunt: tum aulam candido panno, vel storeis insternunt ac vestiunt, in cuius medio aram extruunt, in ara sarcophagum locant, & demortui effigiem. Ad eam aulam intra præstitutos dies, quos apud viros primarios quatuor quinque uel esse mos est, propinqui omnes amiciq; conueniunt, ipsi quoque funebri veste induti; alius post alium qualibet hora diei ventitant, & in ara odores, binosq; cereos defuncto locant. qui ubi ardere ceperint,

rint, quaternis inclinationibus ac genuflexionibus, de quibus supra fusè, de mortuum cohonestant: sed primum thuris tantillum in thuribulo ignito componunt è regione sarcophagi imaginisq; propositæ. Interim dum hi ritus exhibentur, defuncti filius vnus, aut plures, ad latus adstant in funebri veste candidati, modestè quidem, & flebiliter lamentantes. Post sarcophagum omnis mulierum domesticarum turba, & ipsæ quoque cultu lugubri, sed cortina textæ, inconditè plangunt & eiulant. Sollemne quoque est, & ab Idolorum sacrificiis in morem inductum, papyrum in certum modum concinnatam, imò etiam sericos pannos albi coloris exurere. quod faciunt, arbitantes, se vita functis vestem ministrare, in beneuolentiæ obseruantiaq; testimonium.

Non rarò filij parentum cadauera, feretro inclusa, ad tres quatuorue annos domi asseruant: suo enim illo pellucido bitumine ita rimas illinunt, vt minimè fatorem transmittant. Funera domi multos sæpè annos inclusa venerantur. quo tempore in singulos dies cibum illis, potumq; offerunt, non secus ac si superessent: nec filij eo tempore in sedilibus solitis, sed in humili scabello confident, eoq; veste alba contenti: Somnum in lecticis minimè capiunt, sed in stramineis culcitris supra nudam humum collocatis, iuxta cadaueris sarcophagum: carne vesci nefas alioue edulio bene condito; vino minimè vtuntur, nec balneis, quin etiam ab vxorum consuetudine abstinere, conuiuijs interesse non licet, nec intra certos menses in publicum egredi. quod dum faciunt sellam gestatoriam lugubri etiam panno inuoluunt, aliaq; multa faciunt, quæ persequi longum esset. Ex ea tamen, quam diximus, austeritate semper aliquid remittunt, prout ad triennium tempora pronius deferuntur.

Quo die funus effertur, propinqui & amici alio libello inuitati, denuo conueniunt, omnes in funebri veste candidati, ad funebrem pompam cohonestandam. Ea in supplican-

L

tium

Funeris elatio
& pompæ descriptio.

tium morem instituitur. Variæ statuæ virorum ac mulierum, Elephantū, tigrium, ac leonū, papyraceæ omnes, sed verficolores & inauratæ præeunt, quæ omnes coram tumulto deinde incenduntur: Funus etiā comitantur longa serie idolorū ministelli, & profanarum precū recitatores: hi varios ritus ex itinere peragunt, & tympana, fistulas, cymbala, tintinnabula, & alia musica instrumēta pulsan. Ingentia etiā ex ære campano thuribula baiulorum humeris gestata præeunt. Deinde feretrum sequitur magna pompa exornatum; nam sub ingenti conopæo variè cælato, & byssinis pannis insigni à quadraginta, & sæpè quinquaginta vespillonibus effertur. Illud sequuntur filij, pedibus incedentes, sed innixi baculo, velut iam præ luctu fatigati. Deinde mulieres, intra candidam cortinam gestatoriam ita inclusæ, vt spectari non possint. Aliæ quoq; mulieres sanguine remotiores sellis gestantur funebribus. Tumulos porro omnes necesse est esse suburbanos.

Filij absentes
in obitu parē-
tis reuerti co-
guntur.

Si filios abesse domo contigerit sub parentum obitum, in eorum aduentum tota lugubris pompa differtur. Porro cum de Parētis obitu certior factus est filius, si vir fuerit primarius, eo ipso in loco, in quo eum tum adesse contigerit, parenti cænotaphium excitat, & amicorum complorationes excipit. Deinde in patriam primo quoque tempore reuertitur, & eosdem ritus denuo instaurat, eo quem suprà cōmemorauimus ordine. Reuerti autem etiam per leges cogitur filius, quantūvis magnam gerat in Republica dignitatem, etiam Præsidum tribunalium, quos suprà Ciamsciu vocari diximus, imò etiam Colaorum, domique triennem luctum explere, nec ante ad priorem Magistratum admittuntur. Sed id de solo parentum luctu, non cæterorum propinquorum velim intelligi. Ab hac porro lege, etiam in parentum funere, Magistratus militares excipiuntur.

Si aliquem extra patriam extinguere contigerit, is cui funus curā-

eurandum incumbit, nullū non lapidem mouet, nec vlli sumptui parcit, ad cadauer in patriam remittendū, aut reuehendū; quo in auitum tumulum inferatur. Eum tumulum familia quælibet peculiarem habet, in aliquo colle ferè suburbano, cum ingentibus è marmore sepulcris, & varijs ex aduerso statuis animantium, & hominum. Epitaphia quoq; marmorea, sanè magnifica, eriguntur: in ijs eleganti charactere & scriptione præclare à maioribus ibidē humatis gesta describuntur. Ad hos tumulos quotannis propinqui conueniunt, dieb' ad eam rem deputatis. Ibi ritus suos exhibent, suffitus accendunt, donaria explicant, & epulū funebre instituunt, pro regionis consuetudine, iam ab omnibus sæculis recepta.

Defunctū extra patriā, domum reuehūt.

Loca sepulcræ.

Epitaphia.

Non paucis etiam ritibus connubia contrahuntur atque sponsalia. vtræque in teneris annis peraguntur; nec sponsum à sponsa volunt ætate admodum discrepare. Contractus hos parentes vtrinq; componunt, nec ad eos filiorum consensum exigunt. quos tamen filij aut filiæ nunquā non admittunt. Primates omnes cum primatibus connubia miscent, & familiarum paritatem exigunt, in legitima coniuge eligenda. Quod ad cæteras pellices spectat, quas quisq; habet pro arbitratu, formæ venustate præferuntur, nec generis nobilitatem aut fortunas attendunt: nam hæ ferè pretio centum aureorum, & sæpè longè inferiore comparantur. Plebei ac tenues vxorem sibi pretio quærunt, & quoties volunt, eam vendunt. Rex vero, Regisq; proles in connubijs posthabita sanguinis nobilitate, solam corporis venustatem spectat. Sed nec primates ad hæc aspirant connubia: tum quod Regiæ coniuges & parum possunt, & inclusæ palatio, suorum conspectui æternū eripiuntur; tum etiam quod delectu à connubialibus Magistratibus habito, è multis pauca ad Regias nuptias euehuntur. Vxor Regis vna primaria est, quæ sola legitima dici potest: præter hæc Rex, & Regni hæres alias nouem paulò inferiores ducit,

Connubiorū & Sponsalium ritus.

Regis connubia.

ac deinde alias triginta sex, quæ omnes coniugali titulo gaudent. His accedunt aliæ numero maiore pellices, quæ nec Regina, neque coniuges appellantur. Eas inter, quæ filios pariunt, gratiosiores euadunt, & maximè parens primogeniti, qui regni successor appellatur. Id non apud Regem solum, regiamq; familiam familiare, sed apud reliquos toto regno.

Primaria illa coniunx, sola mensæ cum marito assidet, reliquæ omnes (maximè extra regios propinquos) ancillæ sunt patrisfamilias, & legitimæ coniugis pedissequæ, quibus in alterutrius præsentia stare, non sedere permittitur. Earum filij non suam parentem, sed primariam vxorem matrem suam vocant, & eam solam cum extinguitur, triennio lugent, eiusque funus, non propriæ genitricis, curaturi, officijs se se abdicant.

Coniuges non
cognomines.

In connubijs religiosissimè obseruatur, ne quis vxorem omninò ducat sibi cognominem, tametsi nulla sanguinis inter vtrumq; intercedat necessitudo. Sinarum porro cognomina haud paulò pauciora sunt, quàm apud nostrates: neq; enim mille numerantur. nemini verò licet nouum aliquod cognomen effingere, sed ex ijs, quæ antiquo vsu recepta sunt, vnum habeat oportet; & quidem illud à maioribus patrum, non matrum serie deductum, nisi fortè quis in alienam fuerit familiam cooptatus. Affinitatis & consanguinitatis gradus in diuerso cognomine nihil attendunt, atq; ita proles suas connubio iungunt cum maternis propinquis, in quolibet ferè gradu.

Gradus affini-
tatis & cōsan-
guinitatis nul-
la ratio.

Sponsæ nulla
dos.

Sponsa nullam secum dotem defert: ac tametsi quo die in Mariti domum pergit, multam supellectilē secum ferat, tanto apparatu, vt copiosiores ea vicos oppleant, omnis tamen illa supellex Mariti sumptibus comparatur, qui aliquot mensibus prius magnam pecuniæ summam dono submittit.

Natalis dies,

Natalis cuiq; dies apud Sinas quot annis festus est, & munusculis

sculis, epulis, alijsq; lætitiæ signis celebratur. Id maximè fit expleto anno quinquagesimo, ex quo tempore inter senes computari solent, ac deinde decimo quoque anno. Ad has celebritates filij, si è litterario sunt ordine, ab amicis exigunt varia poëmata, scriptiones, atque emblemata magno artificio conscripta, quibus parentum encomia continentur; ex his etiam aliqui libros edunt, & ipso natali die aulæ domesticæ parietes ornant, aliosq; varios ritus exhibent ei, cuius annis gratulantur.

Sollemnis etiam est Sinis dies ille, quo filij virilem pileum per ætatem sumunt, non secus, ac Romani olim iuvenes cum virilem togam, prætextam exuri, induebant. Ea ætas est annorum ferè viginti, nam ad id usque temporis solutam cæsariem aluerunt.

Pileum virile sumunt circa annum vigesimum.

Sed maximè sollemnis toto regno celebritas, quæque ab omnibus æquè sectis colitur, est anni recurrentis initium, primo nouilunio, & iterum primo plenilunio: tum enim Lucernarum est festiuitas, ideo quod in singulis ædibus ingeniosas aliquas lucernas accendit vnusquisque, varia arte extructas è papyro, vitro, velo, quibus venalibus per eos dies plenum est forum, è quibus eam sibi eligit, quæ cuiq; maximè arriserit. & sæpè aulæ ipsæ ardere videntur, dispositis quaquaversus lucernis. Imò per eos etiam dies, nocturnis horis variè concurritur, & lucernæ in draconis morem sibi mutuo innexæ, à bacchantibus circumferuntur: multa itidem sulphureo pulvere ludicra, & festi ignes disploduntur, ijsq; domus ac vici ardent insigni spectaculo.

Maxima celebritas totius anni.

De Corporis Lineamentis, cultu, habituque, & alijs apud Sinas consuetudine receptis.

CAPUT OCTAVVM.

Sinica gens ferè albi coloris est, nam nonnulli è prouincijs Color albus australi-

L 3

Barba rara.

Lineamenta
faciei.Mulierum sta-
tura humilis.Capillitium
vtriusque sexus
alit.Sacrificuli ca-
put radunt &
barbam.

australibus ob vicinitatem zonæ torridæ subfusci sunt. Barba illis rara est, quibusdam nulla, pilis hirtis, & absq; cincinnis; serò etiam erumpit, nam triginta ferè annorum iuuenes cum nostratibus, dum viginti attigerunt, conferri possunt: barba, vt & capillitium vniuersum, atrii coloris est, & apud Sinas turpis est rufa cæsaries. Oculos habent angustiores, oualis figuræ, nigros, atque prominentes. Nasus admodum exiguus vix prominet, aures mediocres; in prouincijs quibusdam faciem habent ferè quadratam. Multi à Cantonienſi & Quam si prouincijs in vtroque digito minimo pedis, binos vngues habent, quod apud Cocincinenses eorum conterminos omnes videre est, fortasse olim, sex in singulis pedibus digitos numerabant.

Mulieres omnes sunt humilioris stature, & magnā partem muliebris elegantiae statuunt in pedum paruitate. qua ex causa à prima pueritia pedes arctissimè fascijs obuoluunt, ne succrescant liberè, atque ideo, in incessu truncas propè iudicāris. has fascias per vniuersam vitam adhibent. Id videtur sapientis alicuius inuentum fuisse, vt eas domi contineret, ne facile per vicos cursarent, quod fœminas decet in primis. Viri pariter ac fœminæ capillitium alunt, nec vnquam tonsorem adhibent, pueri tamen ac puellæ in prima ætate circumraduntur, & solùm in vertice comam nurriunt, idq; ad annum ferè 15. deinde crescendi ad libitum faciunt facultatem, sed passim crines ad annum vsque vicesimum supra humeros solunt, dum virili pileo insigniuntur, vt suprâ. Pleriq; etiam sacrificuli octauo quoque die caput, & barbam radunt. Adultiam, crinem colligunt pileolo è setis equinis, vel capillis humanis, aut etiam filis sericis intexto in retis morem: in vertice pertusus est pileolus, è quo capilli, quia longiores, educuntur, & elegantem in nodum colliguntur. Fœminæ hoc pileo non vtuntur, sed capillitio in nodum quoque collecto, ornatum

natum ex auro argentove a clavis, & denique floribus componunt. in aures gestant, sed annulis digitos non ornant.

Viri pariter ac feminae tunicas talares induunt. Eas viri ad pectus duplicatas, intimam partem fascia, sub axilla sinistra, supremam sub axilla dextera subligant; feminae in medio pectore vinciunt. Vtrisq; manicæ laxiores longioresq; communes sunt, quales in Italia Venetorum esse solent, sed feminis manicæ ad manus patent, Viris arctantur, nec nisi quantum educendis manibus satis est, aperiuntur. Pileos viri eleganti opere variè concinnant, optimi habentur, qui è setis equinis cōtexuntur. hyberno cælo è lana pileos, aut etiam ex holoserico gestant. In calceis maximè à nostris discrepant. Viri eos byssinos, & holosericos, varijs è filo serico mæandris, & flosculis ita concinnant, vt etiam nostratium Matronarum elegantiam superent. Calceos è pellibus, non nisi fæx vulgi gestat; & in soleas etiam vix pellem adhibent, sed eas è confarcinato panno consuunt.

Tunicas talares induunt.

Pilei.

Calcei.

Litteratorum pilei quadrati sunt, alijs non licet nisi rotundos gestare. Singuli matutinis horis dimidiatā minimū in pectendo componendoq; crine consumunt, quod nostratibus esset permolestum. Solent etiam pedes ac tibiae longissimis fascijs obuoluere. inde fit vt tibialibus semper laxissimis vtantur. Indusia nostrorum non habent, sed eius loco intimam tunicam ad carnem è candido panno gestant, & corpus sæpè lauant. A famulo vmbellam grandiore sibi contra solis radios, & imbres gestari faciunt, tenuiores ipsi sibi minorem ferunt.

Litteratorum pilei.

Tibialia.

Indusia.

Vmbella.

Agam nunc de consuetudine apud Sinas recepta circa propria singulorū nomina, quæ nostris planè inaudita videbitur. Cognomen habent, vt dixi antiquū & immutabile, sed nomen non item, nam sibi nouum fingūt, & semper aliquid significat, quod etiā cognominibus conuenit. Id nomen unico characterē

Nomina & cognomina Sinarum.

scri-

Fœminæ pro-
prium nomen
non habent.

scribitur, & vna, quod idem est, syllaba effertur, è duabus tamen syllabis constare potest. Primum parens filio indit, sed solum si masculus fuerit: nam fœminæ, neque puellæ, neque adultæ nomen apud Sinas habent, sed patrio cognomine, & numero quem inter sorores habent, nascendi ordine appellantur. Hoc nomine masculi à parentibus & maioribus dumtaxat compellantur. Cæteri eos ex numero quem inter fratres habent, nascendi ordine nominant, qua ratione modo de puellis diximus. Ipsi verò in visitatorijs & munerum libellis, & in reliquis scriptionibus ac litteris, seipsos proprio nomine inscribunt, quod à parente primùm acceperunt. Cæterorum porro, qui æquales, aut superiores fuerint, si aliquis eum hoc proprio nomine compellaret, aut eius parentem, aut propinquum suo, non inurbanum esset solum, sed etiam iniurium.

Varijs nomi-
nibus pro at-
te aſſiciuntur.

Cum primum studia puer aggreditur, aliud ei nomen præceptor imponit, quod ludi nomen appellatur, hoc nomine à condiscipulis, ac Magistro dumtaxat appellari solet, ac potest. Cum virili iam pileo induitur, & vxorem quis ducit, à viro aliquo primario nouo nomine paulo honoratiore cohonestatur; quod nomen ipsi Litteram vocant. hoc eum possunt omnes deinceps appellare, ijs dumtaxat exceptis, qui ei famulantur, aut subditi sunt. Denique cum iam omnino adoleuerit, nomen accipit à viro graui honoratissimum, quod ipsi magnum vocant. Eo nomine possunt eum omnes, nullo excepto, & præsentem, & absentem compellare: Sed tamen illum parentes ac maiores tanto honore non dignantur, sed priori nomine, quod litteram vocari dixi, compellant.

Nomen Reli-
gionis.

Si quis etiam sectam aliquam recens profitetur, à Doctore, qui eum induxit, nouo nomine compellatur, quod religionis nomen vocant. Porro cum alius alium officij causa visit, tamen si cognomen & nomen illud minus libello inscribat hospes,

spites, à visitato tamen, & vicissim interrogatur, quod sit eius nomen honorificum, vt eum, si opus fuerit, possit sine iniuria compellare. Atque ideo aliud nomen grandius, quo ipsi nos compellent, oportuit nos accipere, supra id, quod in Baptismate accepimus.

Antiquitatum sunt studiosissimi, statuis antiquis carent, Antiquitatis studiosissimi. Tripodes ex ære campano propter ferruginem, vetustatis testem, in pretio habent, vt etiam vasa antiqua è Creta, aut marmore, quod supra Iaspidem vocauimus. Picturas illustrium pictorum rebus omnibus anteponunt, quæ solo atramento, non alijs coloribus, lineamenta describunt: illustrium quoque scriptorum Characteres, & inscriptiones in charta pannoue descriptæ, ipsorum scriptorum sigillo munitæ, ne fraus esse possit. neque enim antiquitatis imitatores astutissimi desunt, qui ab imperitis emungunt, in rebus vilissimis, quos deinde depræhendunt malè collocatos.

Magistratus omnes proprium habent sui muneris sigillum, Sigillorum custodia singularis. ab Humvuo Rege illi traditum, quæcunque iuridicè scribunt, obsignant colore rubro dumtaxat. hoc sigillum summo studio conseruant: Si enim illud perdiderint, non solum Magistratu excidunt, sed etiam acerrimè puniuntur. Et ideo quoties domo egrediuntur, secum illud deferunt intra scrinium: clauis & alterius sigilli fide munitum, illudque a suo conspectu nusquam remouent: domi verò dicuntur nocturnis horis illud sub ipso cervicali asseruare.

Viri graues minimè pedibus per vicos incedunt, sed sella Sella spectatoria. gestatoria vehuntur ex omni parte occlusa, nec à prætereuntibus spectari possunt, nisi partem anteriorem aperuerint; qua in re à Magistratibus differunt, ipsi enim sellis euehuntur omni ex parte patentibus. Matronas quoque sella vehi mos est occlusa vndique, sed ex ipsa figura facile à viribus sellis distinguuntur. Rhedas carpentaque per leges habere non licet.

M

Vrbes

Vrbes nonnullæ in fluminibus extructæ & lacubus.

Nauigia Magistratuum elegantissima & vastissima.

Veneratio erga Magistros.

Alex, chartarum, & Latrunculorum vsus.

Vrbes nonnullæ, in medio fluminum & lacuum extructæ visuntur, vt in medio mari Venetia. In his Urbibus Cymbæ perelegantes per vicos nauigant. Et quoniam vniuersa regio fluuijs canalibusq; distincta est, ad iter nauigijs vtuntur frequentius, quam nostrates, & sunt ferè commodiora & elegantiora. Sed ea, quibus Magistratus, quod semper publico sumptu fit, vehuntur, ita magna sunt, vt integram familiam nullo suo incommodo vehant, ac si domi suæ versarentur: in ijs enim variæ sunt stationes, aula, culina, cellæ, eæque ita eleganter exornatæ, vt principum virorum ædes, non nauigia esse videantur. Ita sæpè contingit, vt ad instituendum solemne epulum, in huiusmodi se nauigia recipiant, quoniam eodem tempore, per flumina lacusq; non sine voluptate vagantur. Intus splendido illo bitumine, Ciaram Lusitani vocant, omnia collucent, varijs distincta coloribus, ipsæque cælaturæ suis locis aptè inauratæ, oculis blandiuntur, vt naribus varij suffitus & odoriferæ mixtiones.

Magistros omnino religiosius, quam nostri, venerantur, ac tametsi alter alteri per vnum diem sese pro discipulo subiecerit in qualibet scientia vel arte, per vitam deinceps vniuersam eum Magistrum appellat, & pro Magistro colit: nam illi non nisi ad latus in quolibet congressu assidet, & Magistralibus eum titulis ac ritibus cohonestat.

Alex ludus, atque chartarum, quæ etiam in has partes vsus inuexit, plebeius est & vulgaris. grauiores fallendo tempori, & ludicro etiam quæstui adhibent Latrunculos, nostris non omnino absimiles. In his discrepant. Regius enim calculus nunquã egreditur quatuor cellulas suo loco viciniore, sed neque litterati duo Regis assessores. Regina carent. Alios porro duos habent calculos non parùm ingeniosos, quos ipsi pulueris bellici lebetes vocant, ij equos duos præeunt, & pedites subsequuntur, qui in his duabus cellulis vna cellula præcedunt: In-

cedit

cedit hic calculus eo fermè modo, quo turriti nostrates elephantanti: inimici tamen exercitus ductorem Regem non petit, nisi inter ipsum & Regem, qui petitur, alius sit calculus, vel proprius, vel collusoris. hinc fit, vt tribus modis ictum vitare possit Rex appetitus, primum exigua, vt ita loquar, corporis declinatione, & honesta fuga in proximam cellulam vel stationem, deinde oppositu alterius calculi; postremo si penitus nudet latus, iubeatq; faceffere militem suum, à quo tangebatur.

Grauiissimum inter eos ludi genus est huiusmodi. In alueo trecentarum cellularum plures, ducentis calculis colludunt, è quibus alij candidi sunt, alij atrii. his calculis alter alterius calculos procurat in medium alueum relegare, vt reliquis deinde cellulis dominetur. ad extremum qui plures in alueo cellulas sibi subiecit, victor appellatur. Hunc ludum auidissimè arripiunt Magistratus, & sæpè maximam diei partem ludendo consumunt; nam inter ludendi peritos, horam integram ludus vnus tenet. Qui huius ludi peritus est, tamen si alia nulla re insignis fuerit, ab omnibus colitur, & euocatur. Imo nonnulli etiam eos solitis sibi ritibus magistros legunt, vt ab ijs accuratè huius ludi rationem ediscant.

Aliud genus
ludi grauiissi-
mum.

In plectendis delictis remissiores videri possunt, maximè in furto, nisi bis interuenerit: neque enim vnquam morte plectitur. In secundo furto, cauterio simul, & atramento duos characteres brachio inurunt, quibus innuitur iam iterato furatum; cum tertio depræhenditur, in ipso vultu eodè cauterio inuritur; si denuo depræhendatur, pro ratione delicti, & quoties eum depræhendi contigit, acrius remissiusue vapulat, aut ad triremes damnatur, spatio temporis à legibus præstituto. Ideo latrunculis omnia plena sunt, maximè ex infima vulgi face.

Pœna delictorum remissior.

Furtum quomodo puniatur.

M 2

Singularis

Excubias.

Fures nocturni per multi.

Singulis in urbibus noctu per vicos plura hominum millia excubant, & certis intervallis peluim pulsantes, per vicos obambulant, ac licet ipsi vici noctu ferè cancellis ac repagulis occludantur, non rarò tamen domos integras nocturni fures deprædantur: id ex eo contingit, quod ipsis excubitoribus excubias addi oporteret, quoniam ipsi vel fures sunt, vel furum socij: Cum à nobis audiunt habitatissimas in Europa civitates nullas aduersus fures urbanos, sed aduersum hostes externos excubias disponere, obstupescunt. Ipsæ etiam vrbes, licet in altissima pace, medioq; in regno sint, quotidie sub noctem occluduntur, & clauces ad vrbs præfectum deferuntur.

De ritibus apud Sinas superstitiosis & aliis Erroribus.

CAPVT NONVM.

Admonitio ad Lectorem.

Capite insequenti de superstitiosis ritibus cuiuslibet sectæ proprijs agetur; nunc verò aliquos ex ijs attingam, quos omnes amplectuntur. Sed primum eos rogo, qui hæc duo capita lecturi sunt, vt ex ijs, quæ dicentur, ansam arripiant condolendi. Deumq; pro huius gentis salute deprecandi potius, quàm stomachandi, aut de remedio desperandi, memores, hos populos tot iam retrò lapsis annorum millibus ita Gentilitatis tenebris obuolutos, vt nullum vnquam, aut fortasse vix vllum Euangelicæ lucis radium aspexerint. Cui nihilominus ab innata genti solertia, diuinæq; bonitate, tantum adhuc superest luminis, quod à natura accepimus, vt faciliè miseriam suam agnoscat, ac fateatur, sed adhuc modum ignoret, quo sese possit expedire.

Superstitio in obseruandis horis, fastis nefastisq; diebus.

Nullus toto regno superstitiosus ritus ita latè peruasit, sicut is, qui in obseruandis diebus horisue fastis nefastisq; versatur, vt

vt ad temporum normam negotia sua omnia moderentur. In eum finem duplex fastorum index quotannis excuditur, ab Regijs astrologis auctoritate publica conscriptus; vnde tantam hac impostura veritatis opinionem sibi arrogat. Horum fastorum libelli tanto numero distrahuntur, vt eo nullæ non ædes oppleantur. In his in dies singulos adscribitur, quid faciendum, à quo abstinendum, aut in quam horam differendum quodlibet ex ijs negotijs, quæ intra annuū spatium cuique possunt occurrere.

Præter hos indiculos, alijs sunt abstrusiores etiam libri, & fallaciores magistri, qui alia nulla re quæstum quærunt, quam dierum horarumq; electione ijs præscribenda, à quibus consuluntur: & ne cui desint prædictores, pretio etiam viliore mendacia distrahuntur. Nec raro contingit, vt molem aliquam extructuri, in multos dies operis initium; aut iter facturi, viæ principium differant, eo solo intuitu, ne à coniectorum præscriptione tantillum recedant. Et quanquam sæpe v-suuenit, vt eo ipso die copiosus imber decidat, aduersus ventus aspiret, nulla tamen æris iniuria prohibentur, quin eo ipso die, horaue, quam fortunatam fore arbitrantur, opus aggrediantur. Siquidem ad iter inchoandum quatuor saltem passus progrediuntur, aut ædificandum duas terræ sportas effodiunt, ne præscripto tempore opus suum inchoasse minimè videantur: atque ita, quæ gentis cæcitas est, sibi omnia ex animi sententia cessura arbitrantur.

Non inferiore cura laborant, ex ipso nascendi puncto vitæ totius seriem fortunamq; præscire: qua ex causa nemo est, qui non id momentum exquirat, & annotet accuratè. Huius artis varij se Magistros iactant. Nec pauciores, qui è stellarum cursu, vel numeris quibusdam superstitionis futura se prædicturos asseuerant. Alij ex lineamentis in facie, manibusue conspectis idem spondent, Alij ex somnis, alijs ex quibusdā ver-

Rerum futurarum inquisitio multa & curiosa.

bulis, quæ inter colloquendum eliciunt, alij è situ corporis, sessioneq; sola, & innumeris alijs modis futura coniectant: idque faciunt ita certò, vt omnem dubitationem excludere videantur. tot verò irrepunt doli, & quotidie nouæ nascuntur fraudes, vt in errorem creduli facile inducantur. Nam collegas sæpè suos circumforaneos ignotos in audientium concionem immittunt, à quibus palàm asseritur, sibi eo prædicente ex ordine omnia contigisse: alias alijs circumforaneis præterita multa reuelantibus, in posterum collegæ annunt magno cum applausu. Vnde fit vt plures in fraudem inducti ab ijs, fortunam suam explorent, & audita pro oraculis excipiant. Alià etiam fraude opinionem sibi comparant veritatis. Manuscripti reperiuntur indices, quibus integræ ciuitatis, per vi-
cos ædesq; distributæ familiæ, breuiter describuntur. Eos hi circumforanei exscribunt, aut comparant non magno pretio, atque ita licet externi sint, horum commentariorum fide nar-
rant singulis, quam familiam hætenus aluerint, quid ijs plures iam annos contigerit, aliaq; huiusmodi; deinde collecta ex præteritis fide, futura prædicunt; tum in alia se loca conferunt, fidem suam fortunæ cõmittentes. Tantum porro mul-
ti prædictoribus his tribuunt, vt ipse metus fidem faciat, nam si prædictum ijs fuerit, tali eos die morbo corripiendos, is vbi aduenerit dies, in morbum incidunt, ac vti metus afflicti, cum ægritudine, & aliquando etiam cum morte colluctantur. E quibus euentis impostoribus auctoritas non parum accrescit.

*Dæmones &
spiritus fami-
liares consu-
lunt.*

Nec nulli dæmones ipsos consulūt, & familiares, vt vocāt, spiritus apud Sinas sunt nō pauci, eaq; res plus numinis, quàm dæmonū fraudis vulgò habere creditur, sed ab his ad extremū omnes in fraudē inducuntur. Eorū oracula infantū vocibus, aut etiam brutorū excipiuntur, Præterita ipsi & absentia more suo euulgant, vt non absimilē vero faciant eam, qua futura præ-
nunciant, falsitatē. Sed neque hæc sine fraude pronuntiātur.

Hæc

Hæc porro omnia cū nostris etiam Ethnicis cōmunia fuisse legimus, vnū est quod Sinarū proprium dici potest. Id in eligenda arca, ad ædes priuatas, & publicas extruendas, aut ad cadauera humanda, eamq; arcam conferunt cum capite, cauda, pedibus variorum draconū, quos huic nostro solo substratos viuere fabulantur; à quibus omnē aduersam prosperamq; fortunā non familiarum solū, sed vrbium, prouinciarū, totiusq; regni credunt dependere. Et ideò in hac, velut recondita scientia, multi etiam viri primores occupantur, & procul, cum opus est, euocantur; maximè cum publicæ quedā turres, moles uē, aut machinæ in eum finem extruuntur, vt prospera fortuna accersatur, & infortunia publica exterminetur. Non secus enim, atq; Astrologi ex inspectis syderibus, ita hi Geologi ex montium, fluminū, agrorumq; situ, regionum fata metiuntur, aut verius mentiuntur. Et sanè nihil absurdius inueniri posse dicas. Nam ex ianua in hanc aliam uē partem obuersa, è deducendis per atrium ad dextrā, aut læuam imbribus, ex fenestra ex hac vel illa parte aperiri solita, ex eo quod è regione tectum sit alio altius, eque similibus nugis, familiæ salutem, opes, honores, omnemq; fortunam dependere somniant.

Superstitio in
ædibus extru-
endis.

Alia supersti-
tio absurdissi-
ma.

His Astrologis, Geologis, Auguribus, coniectoribus, & vno verbo impostoribus, pleni sunt vici, plenæ tabernæ, plena fora. Vbiq; vanis pollicitationibus prosperam fortunam venalem exponunt, & sæpè oculis capti, non vilissimi solum homunciones, sed etiam mulierculæ, vt ad litteram Euangelicam illud impleatur; Cæci sunt, & duces cæcorum. Nec solum his priuatim omnia redundant; ipsæ vrbes, metropoles, aulæ hac luescatent, & hac vna re quæstum faciunt, numerosam familiam lautè sustinent, & plurimi magnas sibi opes parant. Eos enim summi & infimi, nobiles & plebei, Litterati, ac illiterati colunt; quin etiam Rex ipse, & vniuersi Magistratus, regniq; optimates.

Omnia plena
impostorum.

Ex

Ex his facile colligere licet, quot ex auium garritu auguria, quàm solliciti primi matutinis horis occurſus, quàm ſuperſtitioſæ ſolarium radiorum vmbra priuatis teſtis exceptæ. Hoc vno verbo dicere ſufficiet, quicquid infortunij priuatim ſingulis, & publicè vrbibus, prouincijs, regnoq; vniuerſim acciderit, id omne aduerſo ſuo fato, aut rei cuiſpiam arrogant, in domibus, vrbe, metropoli, aut regia perperam collocatę; pro eo quod eos oportebat in tot ſcelera, quibus è cælo priuatim & publicè vindictam euocant, ſuorum infortuniorum cauſam iuſtiſſimè deriuare.

Adſcribam nonnulla quæ Sinæ leuiora ducunt, imo verò (ſi Deo placet) in laude ponunt, vt de cæteris fiat coniectura, iterum obteſtans eos, qui noſtra hæc legunt vt tanto impenſius Deum pro Gentis huius ſalute deprecantur, quanto denſioribus ſignorationis tenebris eſt inuoluta, minus quidem propterea damnanda, haud paulo tamen minus miſeranda.

Permuli ſunt qui, quod muliebri conſortio carere minime poſſint, ſeipſos viris copioſis in ſeruos tradunt, vt ex ancillis domeſticis vnā ſibi copulent coniugio, vnde fit, vt etiā liberi perpetuam contrahant ſeruitutem. Alij cum ad coëmendā ſibi vxorem habeant nummorum ſatis, eam ſibi pretio comparant, ſed creſcentem deinde familiam cum vltra ſuſtinere non poſſint, filios ac filias in ſeruitutem diſtrahunt eo fere pretio, quo ſus aliquis aut triſte iumentum vānit, quod ad duos tresue aureos excreſcit, id quod etiam faciunt extra carioris annonæ anguſtias; & in perpetuum filij à parentibus ſeparantur, liberumq; ſit emptori, qua maxime in re velit ſeruo vti. Hinc fit vt hoc regnum ſeruis redundet, non ijs belli iure captis, aut aliunde importatis, ſed vernaculis & ciuibus. Non pauci etiam extra regni fines ab Luſitanis Hiſpaniſq; exportantur in perpetuam extra ſolum patrium, ſeruitutem. Tametſi hoc maxime medio Deus vtitur, vt Sinas

com-

Seruitus multa.

Liberos venales proponūt.

Copia ſeruatorum vernaculorū unde?

complures ab dæmonum seruitute in Christianam transferat libertatem.

Sed hanc venalium liberorum negotiationē duo leuiorem reddunt; multitudo scilicet plebis tenuioris, quæ nō nisi summo sudore ac industria se sustinet, & ipsa seruitutis ratio omnino mollior ac tolerabilior apud Sinas, quam aliam vllam nationem: & quia se quisque redimere potest eo pretio quo venijt, quoties ei facultas fuerit. Grauius omnino malum, quod sequitur. Nam in quibusdam prouincijs infantes, potissimum ^{Infantes fæ-} fæminas, aquis præfocant, quod eas educare se posse despe- ^{mellas aquis} rent. id quod etiam apud non infimam plebem inualuit, eo ^{præfocant.} metu deterritam, ne inde vrgente inopia, venales liberos exponere, ignotisq; tradere cogantur. hi ne sint parum pij, crudeles fiunt. Sed hanc sæuitiam inter eos minus atrocem fecit error ille, qui animorum metempsychosis appellatur: dum e- ^{Metempsycho-} nim animos mortalium ex alijs corporibus in alia transmigra- ^{sis error.} re arbitrantur, immani sæuitiæ prætextum pietatis astruunt, dicentes se liberis prodesse, dum eos macant; hac enim illos ratione tenuioribus suæ familiæ angustijs eductos, in pinguiorem fortunam citius nascituros. Hinc fit, vt hæc liberorum carnificina minimè remotis arbitris, sed conscijs omnibus peragatur.

Sed ad hanc barbariem accedit etiam alia immanior, qua ^{Multi sibi met} sibi complures violentas manus inferunt, vel bonorum despe- ^{violentas ma-} ratione malorumq; perpeffione fatigati; vel vt inimicis suis ^{nus inferunt.} impotenter sanè, non minus stolidè, agrè faciant: multa enim in annos singulos hominum millia ferunt, virorum ac mulierum seipfos in campis, vel pro aduersarij foribus, iniecto in fauces nodo, præfocare, aut in flumina insilire, haustoue leuibus aliquando ex causis veneno sibi vitam eripere. Nam ex eo quod Magistratus deinde seuerè in eos animaduertant, qui causam dedisse desperationi à demortui propinquis accusan-

N

tur,

tur, sit vt alia ratione se vindicare non posse existiment. Attamen sunt non pauci sapientiores Magistratus, qui nullius causam, lege lata, suscipiunt, qui violentas sibi manus intulerit, hinc multorum vita conseruatur.

Infantum ca-
stratio imma-
nis.

Aliud immanitatis genus in borealibus Prouincijs in infantes masculos exercent, quos castrant quam plurimi, vt inter Regios famulos adnumerari queant; nam prater hos alij Regi non famulantur, nec à consilijs sunt, nec cum eo colloquuntur, quin imò tota ferè Regni administratio in horum semiuirorum manibus versatur. Ex ijs porro intra palatij regij fines ad decem millia numerantur, omnes ferè plebei tenues, illitterati & in perpetua seruitute educati, hebetes deniq; sunt ac stolidi, nec minus impotentes ac inepti ad rem quamlibet grauem animo concipiendam, nedum perficiendam.

Castigandi ra-
tio pro delictis

Leges porrò infligendarum penarum pro delictis, etsi ultra ius non sunt asperæ, nihilominus arbitror non pauciores à Magistratibus mactari contra leges, quam qui debitam legibus vitam amittunt, quod ex inolita huius regni consuetudine oritur. A Magistratibus enim quibuslibet subditi nulla prauij iuris aut sententiæ forma vapulant, quoties in mentem cuique venerit in hunc modum. In publico tribunali proni toto corpore procumbunt, nudatisq; cruribus supra genua infra nates, arundine durissima per medium secta, digiti crassitiæ, quatuor lata, duas vlnas longa verberantur à ministris, fuste vtraque manu correpto atrocissimè, tametsi ictibus non plus decem, summum triginta plectantur, nam sæpè primo ictu laceratur cutis, & nonnullis carnis frustula dissiliunt, ex qua verberatione multi pereunt; multiq; vitam largitionibus redimunt exigentium contra ius fasque arbitrato; tanta enim Magistratum dominandi libido est, vt vix quisquã rerum suarum Dominus esse queat, sed omnes in continuo metu versentur, ne qua sibi calumnia, sua bona eripiantur. Ad hæc
sicut

sicut hæc gens superstitionibus, vt supra dictum, deditissima est, ita veritatis parum amans; etenim non nisi magna cautela & circumspeditione opus est, vt alter alteri se credat.

Hoc eodem metu perculsi hoc seculo Reges à publico abstinent, & cum olim è palatio egrediebantur non nisi mille industrijs tuti id audebant, nam vniuersa Regia in armis erat, dispositis per eos vicos excubijs, qua transitus erat, & per alios vicos, quibus in priores iter esse poterat, nec solum videri se nõ sinebat, sed neq; sciebatur qua lectica veheretur, nam plurimæ gestabantur. Dixisses eum non inter clientes, sed inter hostes regij sanguinis cupidissimos iter facere.

E regio sanguine progenerati tametsi omnes sumptu & ærario publico, quod suprâ dixi, sustineatur, tamen cum iam ad sexaginta millia excreuerint, & continuo augeantur maximo sunt oneri Reipublice: nam cum ab omni munere publico remoueantur, otiosi sunt omnes, & laxiori vitæ dediti, & quoties possunt, impotentius insolescunt. Ab his sibi Rex cauet nihil secius quàm ab hostibus, nam habent ipsi continuos excubitores, nec ab nominata cuilibet ad habitandum Vrbe egredi possunt, iniussu Regis, si fecerint, atrocissimis pænis subiacent nulli tamen ex ijs licet in Regijs vrbibus Pequino & Nankino commorari.

Insolentia eorum qui sunt è regio sanguine.

Nemini mirum videbitur, eos, qui ciuibus ac propinquis se non credunt, de aduenis diffidere, siue ij è vicinis, siue ex remotis regionibus aduenerint, quarum aliam nullâ notitiam habuerunt, nisi subobscuram & falsam, quam à quibusdâ accipiunt, qui ad suum regnum clientelaris obsequij officia delaturi adueniunt. Ex aduenarum libris quicquid ediscere Sinas pudet, opinantes omnem scientiam apud se solos reperiri, externos omnes pro illitteratis ac barbaris habent & appellant. Et si quando in suis scriptionibus exterorum incidit mentio, ita de ijs agunt, quasi nihil dubium sit, eos à brutis nihil

Exteri à Sinen-sibus conueniuntur.

admodum dissidere. Characteres porro omnes, quibus hoc exterorum nomen exponūt, ex animantium ferè litteris componuntur, nec ferè eos honestiore nomine, quam demoniorum dignantur.

Legati suspici-
ose & igno-
miniose tra-
stantur.

Porro si legati è vicinis regnis ad clientelaria officia Regi deferenda, vectigalve persoluendum, aut aliud quodlibet negotium tractandum aduenerint, vix dici potest, quam suspiciose tractentur. Nam eos tametsi ab omni sæculorū memoria amicos habuerint, captiuos nihilominus toto itinere ducunt, ne eos quicquam videre sinunt. Multis clauibus intra palatij exterorum septa, veluti brutorum stabula, recluduntur, Ad Regis aspectum nunquam admittuntur; cum paucis è Magistratu, sua negotia tractant. Cum externis autem extra regni fines nemo, nisi certis temporibus ac locis, agere permittitur, qui secus fecerint absque publica facultate, grauissimis pænis plectuntur.

Ducum & mi-
litū custodia.

Duces ac Milites, qui belli pacisque tempore suis locis excubant, ipsi quoque excubitores suos habent, ne quid rerum nouarum moliantur. Numerosos exercitus nunquā vni Duci tradunt. Omnes sunt in Senatus Philosophici potestate, ab hoc exercitu stipendia penduntur, & commeatus suppeditantur, atque ita non in iisdem manibus milites sunt, & militaris apparatus, vt hac rarione securior sit cuiusque fides. Nulla gens equè vilis atque iners est, quàm militaris, miseri sunt omnes qui arma tractant: quos neque amor patriæ, nec in Regem fides, nec honoris cupiditas ad arma vocat, sed sola spes vitæ sustinendæ, non secus ac fit illiberali quolibet opificio. Maximam partem regia sunt mancipia, vel proprijs vel maiorum suorum sceleribus perpetuam seruientes seruitutem. Iidem quo tempore à bellicis exercitationibus vacāt, infima quæquæ officia, baiulorum, mulionum, & inhonestiora etiam seruitia exercent. Soli Duces ac Præfecti aliquā
inter

Militum con-
ditio vilis &
misera.

inter ceteros auctoritatem adipiscuntur. Eorum arma, siue ^{Arma militum} quibus se tuentur, siue quibus hostes offendunt, omnino sunt ^{fucata.} parum noxia. Et solum fucatum aliquem præferunt apparatus, ne in militaribus lustris inermes appareant. In quibus lustris, ^{Milites vapu-} à Philosophicis Magistratibus, & milites, & ipsi Duces ^{lant.} mo-
do, quem supra explicui, vapulant instar puerorum in ludo
litterario, nulla dignitatis & conditionis habita ratione.

Claudem hoc caput duplici Sinarum, vt aptè loquar, ^{Duplex Sinarū} infania, quæ in omnes æquè regni prouincias penetrauit, ^{infania, argen-} & multos maximè magnates inuasit: argentum alia inten- ^{ti confandi} dit ex alio aliquo metallo elicere; alia ad vitam, exclusa ^{cupiditas &} morte, adspirat immortalem. Ambarum rerum præcepta ^{imortalitatis} à veteribus quibusdam, quos ipsi in sanctorum numero ha- ^{studium.} bent, inuenta primum, deinde etiam tradita fabulantur, quos post multa præclare & vtiliter gesta, in cælum euolasse cum anima simul & corpore, postquam hic viuere piguit, mentiuntur. hoc seculo vtriusq; scientiæ, verius imposturæ, volumina in immensum excreuere, alia typis excusa, alia vero manuscripta. Sed hæc plus sibi auctoritatis peperere.

Ac de priori quidem infantiæ genere, nihil aliud dici potest aptius, quam cupidissimos illos alchimistas, suas etiam in fumum conflare fortunas, nedum quas ambiebant adipisci. Ditiissimi enim quique post exhausta multa aureorum millia in huius fraudis apparatu, quotidie in conspectu omnium ad extremam inopiam rediguntur, qui vero sunt in hoc genere felicissimi, adulterinum argentum ita conflant, vt in errorem imperitiores paucos inducant, præterquam quod omni litterarum & virtutis exercitio prætermisso, dies noctesq; fornaces afflant, vt in nouam aliquam fraudem vel alios inducant, vel ipsi inducantur, libros etiam magno sumptu transcribentes, & varia huiusartis instrumenta comparantes.

Fornacis huius & vulcaniæ fraudis non desunt innumeri ^{Fraus Alchi-}

N 3

Cyclo-^{mistarum.}

Cyclopes: alij corporis cultusq; nitore veritatem mentientes, alij etiam mendici sub habitu sordido, falsitatem occultantes. horum continuum est exercitiū, qua lucri spes afflauerit, circūferri, & artis huius cupidos vanis pollicitationibus in fraudem inducere. Omnis porro horū circūforaneorū industria in hoc consistit, vt aliquo artis præludio persuadeant, se id, q̃ speratur, posse perficere, tum enim loculos ad faciem emungunt, vt ea, quæ sunt ad apparatus necessaria, omnemq; vulcaneam supellectilē comparent; sed quo die munus creditur auolant harpyiæ, nec ultra comparent; nihil autē relinquunt, nisi siccos iam loculos, & in vsurariorum manibus pignora debitorum. Et habet hic insanie morbus hanc phrenesim, vt tamen si ad hunc modum iam sæpius quis fortunarum suarū insignem iacturam fecerit; non ideo sapiat aut contineri possit, quin ab alio aliquo astutior circūforaneo similibus se denuo pollicitationib⁹ deludi sinat; atq; ita vitā vniuersā cōplures in hac spe perdūt curis pallidi, & euentis tristes, nec se tamē vnq̃ ab ullo vel p̃pinq̃uo vel necessario ad mentē reuocari sinunt.

Ad immortalitatem exclusam morte adspirant.

Alter insanie morbus nonnunquā cum priore reperitur annexus. Et quoniam ad immortalitatē suapte natura, studium grauius adspirat, ita etiam viros primores & in sumis Magistratibus constitutos inuadit. hi posteaquā in hac vita, quas sperare poterant opes, dignitatesq; fuere consecuti, nihil aliud sibi deesse putant ad beatitudinē, nisi qua ratione hæc vna cum immortalitate coniungāt, atq; ideo conatus omnes ac studia in vnam hanc rem conferunt. Et quidē in hac regia Pequinensi in qua degimus, pauci sunt omnino magistratus, Eunuchi, ceteriq; primores, qui nō hoc insanie morbo laborent. Et quoniā non desunt discipuli, ita neq; Magistri superioribus tantō cariores, quantō immortalitatis per se maius est studium, & acrioribus igniculis excitat ambientes: quem verò semel hæc insania corripuerit, nihilo facilius superiore curatur. Ac tamen si quotidie

hi

hi immortalitatis venditores mortalitatis debitum exsoluant; non est hoc tamen satis ad miseros mortales ab hoc præpostero immortalitatis studio reuocandos: arbitrantur enim se feliciori fortasse fortuna vsuros, & quod alijs nocuit, sibi fortasse profuturum, neq; omnino adduci possunt vt credant, id extra humanæ industriæ facultatisq; limites constitutum.

In Sinicis Annalibus legi, Regem ex antiquioribus vnum hac insania vsq; adeo correptum, vt non sine mortalis vitæ detrimento vitam procuraret immortalem; id quod sæpe contingit, vt dum ad longiorem vitam adspirant, breuiorem efficiant. Is quorundam impostorum arte iam sibi poculum parauerat, quo hausto planè se immortalem fore arbitrabatur, nec ab intimo suo amico ab eo exhauriendo rationibus sanisque consilijs deterrebatur. Quod vbi aduertit amicus, cum Rex forte vultum tantisper auertisset, poculum clam arripuit, & impigrè exhausit. Excanduit extemplo Rex, & iam stricto mucrone mortem intentabat, quod sibi immortalitatis poculum eripuisset. Amicus verò intrepidè respondit: Exhausto immortalitatis poculo etiam vitam eripi mihi posse putas? Et sanè si eripi potest, nullum crimen admisi, neq; enim ego tibi immortalitatem eripui, sed fraude liberaui. Quibus dictis Rex illico acquieuit, & amici prudentiam, qua ab errore reuocabatur, collaudauit. Verum etsi nunquã defuere Sinis viri sapientes, qui hanc ex animismortalium, vtramq; animorum ægritudinem, quam insaniam vocauit, detergere laborarunt; nunquam tamen efficere potuerunt, quin quotidie latius serperent, & hoc nostro sæculo præteritorum temporum memoriam superarent, diffusamq; in plures luem mali contagione euulgarent.

Rex quidam
ab hoc immor-
talitatis studio
deterretur.

Varia

Varia apud Sinas falsa Religionis secta.

CAPVT DECIMVM.

Numen vnum
adorant.

Spiritus tute-
lares colebant.

Non paucos
in lege Natu-
rae salutem in-
uenisse.

EX omnibus Ethnicorum sectis, quæ quidem in Europæ nostræ notitiam deuenerunt, hætenus nullam legi, quæ in pauciores errores inciderit, quam Sinarum gens prioribus antiquitatis suæ seculis legitur incidisse. In illius quippe libris lego, Sinas iam inde ab initio supremum & vnū numen adorasse, quod ipsi Cæli Regem appellabant, vel alio nomine cælum & terram: ex quo apparet, veteres Sinas opinatos fortasse Cælum ac terram animata, eorumq; animam pro supremo numine coluisse. Infra hoc numen colebant etiam varios spiritus montium, fluminum, & quatuor mundi partium tutelares; in omnibus actionibus rationis dictamen audiendum dictitabant, quod lumen rationis à cælo se accepisse fatebantur. De supremo vero illo numine, deque spiritibus illius ministris, nusquā legimus Sinas ea vitiorum monstra euulgasse, quæ nostri Romani, Græci, Ægyptij, vitiorum patrociniū in dijs quærentes euulgarunt. Ex quo sperari meritò potest de immensa Dei bonitate, non paucos è veteribus apud Sinas in lege naturæ salutem inuenisse, adiutos peculiari illo auxilio, quod nemini facienti quod in se est, vt aiunt Theologi, solet Deus denegare. Et hoc ex eorum annalibus ab annis quater mille & eo amplius licet non obscure colligere, in quibus multa leguntur ab ijs bene gesta, in patriæ boniq; communis emolumentum. Idem colligitur è sapientissimis voluminibus, quæ in hæc vsque tempora perseuerant, antiquorum Philosophorum, quibus homines ad virtutem saluberrimis erudiunt institutis, qua in re celeberrimis nostris Philosophis cedere non videntur.

Quia vero natura corrupta sine auxiliō gratiæ semper in
peius

peius ruit, labentibus deinde sæculis primum illud lumen ita obscuratum est, ut si qui fortasse ab inanum Deorum cultu abstinent, ex ijs pauci sint, qui non in Atheismum lapsu grauiore degenerent. Hoc porro capite triplicem apud Sinas Ethnicorum omnium sectam persequar. Nam de Saracenis, Iudæisq; & etiam Christianorum apud Sinas vestigijs alius erit ex instituto dicendi locus.

Tres igitur Sinarum libri orbis terrarum sectas numerant: Tres Sinarum sectæ. nam alias minime norunt. Prima est Litteratorum, altera Sciequia, tertiam Lauçu vocant. Ex his tribus aliquam Sinæ omnes, & reliqui populi contermini, qui Sinarum characteres habent, profitentur. ij vero populi sunt Iapones, Coriani, Leuquici, Et Cocincinenses. Litteratorum secta Sinarum est propria, & in hoc regno antiquissima; hæc Rempubicam gubernat; pluribus libris abundat, & supra cæteras celebratur. Legem huius sectæ non eligunt Sinæ, sed vna cum litterarum studijs imbibunt, nec ex ijs, qui in litteris incumbunt, aut litterarios honores adipiscuntur, ullus est, qui non eam profiteatur. Auctorem seu Principem Philosophorū Confutium, Vnum Numen colit, Idola non veneratur. de quo supra, agnoscunt. Hæc porro secta Idola non colit, sed nec habet. Vnum Numen veneratur, ideo quod ab eo conservari gubernariq; hæc inferiora omnia arbitretur. Spiritus etiam sed inferiore cultu, & contractiore dominio colit. Germani litterati conditi orbis nec modum, nec auctorem, sed neque tempus docent. Germanos ideo dixi, quia nonnulli minus celebres, somnia quædam proponunt, sed nugacia, nec vero similia, quibus etiam ideo nulla fides adhibetur.

In hac lege de præmio bonorum ac malorum sermo est, Præmia malorum & bonorum dari in hac vita solum credunt. sed ferè arbitrantur id in hac vita dari, & vel in auctorem, vel in eius posteros, pro meritis, redundare. De animis immortalibus antiqui vix videntur dubitalle, nam de vita mortali

O

functis,

functis, & in cælo degentibus, diu etiam post mortē, sepē sermonem inferunt, sed de impiorum apud inferos pænis nullus sermo. Recentiores porro litterati animos vna cum corporibus, aut paulo post extingui docent, vnde neque probis cælum, nec improbis inferorum cruciatus assignant. Quibusdam hoc nimis durum videtur; ideo asserunt solos proborum animos esse superstites, ex eo quod hominū animos dicant exercitio virtutum roborari, & ita vniri, vt ætatem deinde ferant, quod cum improbi non possint, eorum mentes mox, vt è corporibus exierint, euanescere, & velut in fenum redigi.

¶ vniuersitatem
hanc credunt
ex vna substā-
tia constare.

Opinio tamen hoc tempore celebrior videtur mihi ex Idolorum secta deprompta, & quinq; retro sæculis inuecta. Ea asserit vniuersitatem hanc ex vna eademq; constare substantia, illiusq; conditorem vna cum cælo ac terra, hominibus ac brutis, arboribus ac plantis, & quatuor denique elementis continuum corpus vnum constare, cuius magni corporis singulæ res singula sunt membra. Ex huius vnitatis substantiæ docent, quo amore inter se singula vniri deceat; & quemlibet ad Dei similitudinem deuenire posse ex eo, quod vnum sit cum eo. has ineptias nos non solis rationibus, sed & antiquorum suorum Sapientum testimonijs confutare contendimus, qui alia omnia tradiderunt.

Nullū templū
Numini ædifi-
cāt, omnemq;
ritū illud co-
lendi excludūt

Tamet si Litterati vt diximus, supremum vnumq; numen agnoscant, nullum tamen ei templum extruunt, & alium nullum locum deputant ad eum venerandum, nullos etiam, quod consequens est, Sacerdotes aut Religionis ministros habent, solemnes ritus nullos ab omnibus obseruandos, præcepta etiam nulla, quæ violare sit nefas, sed neque sacrorum præfectus est vllus, cuius munus in explicanda euulgandaque lege, plectendisque ijs, qui contra eam peccauerint, consistat. Ideo nihil illi vel priuatim vel publicè
recitant

recitant aut canunt. Imo asserunt solum huic cælorum Regi sacrificandi, eiusq; colendi munus ad Regem spectare. Et si quis hæc sacrificia usurparet, pro perduelli & Regij muneris occupatore plecterentur. In hunc finem Rex duo habet ^{Sacrificandi munus ad solum Regem pertinet.} templa sanè magnifica in vtraque Regio, Nanquinenſi & Pequinenſi. Cælo dicatum est vnum, terræ alterum. in his olim ipse per se litabat, nunc in eius locum Magistratus grauiſſimi ſucceſſere, cæloque & terræ boues & oues magno numero maſtant, aliosque multos ritus exhibent. Spiritibus cæteris montium, fluminum, & quatuor regionum huius vniuerſi, ſoli litant Magistratus primarij regni que primores, nec priuato cuiquam hic cultus licet. Huius legis præcepta libro Tetrabiblio illo, & quinque doctrinarum voluminibus continentur, nec alij ſunt codices probati, præter aliquot in eadem volumina commentarios.

Nihil porro in hac ſecta celebrius eſt, quodque latius inter omnes, ab ipſo ſcilicet Rege ad inſimum quemque per-tingit, quam iuſta funebria, quibus quotannis Parentibus auisque parentatur, de quibus ſuprà. In his obſeruantiam ſuam ſtatuunt, mortuis ſcilicet obſequentes maioribus, vt aiunt, ac ſi eſſent ſuperſtites. Nec tamen arbitrantur, ap-^{Cur mortuis fercula apponant.} poſitis mortuos veſci ferculis, aut ijs etiam indigere, ſed id genus officij ideo ſe exhibere aſſerunt, quod alia ratione nulla amorem in eos ſuum ſibi teſtari poſſe videantur. Imo etiam aſſerunt non pauci, ritus hos fuiſſe inſtitutos, magis in viuorum gratiam, quam mortuorum; vt ſcilicet filij & alij rudiores doceantur, qua ratione viuus parentibus obſequendum, quos viderint etiam vita functos à grauiſſimo & ſapientiſſimo quoque tot officijs honeſtari. Et quoniam in ijs nullam numinis partem agnoſcunt, nec ab ijs quicquã aut petunt aut ſperant. id videtur ab omni ſacrilegi cultus ſcelere

alienum, & etiam fortasse ab omni superstitionis labe purum. quanquam salutaris omnino videtur, hæc in donandis elemosynæ nomine pauperibus ad fidelium salutem, his qui Christi sacra susceperint, commutare.

Fanum ad honorem Confutij sectæ Philosophicæ auctoris.

Proprium Litteratorum fanum est ipsius Confutij Philosophorum Sinensium Principis, id ei per leges in qualibet urbe construitur, eo in loco, quem suprà Litterarium ludum vocari diximus. Id magno sumptu confurgit, & contiguum habet palatium eius Magistratus, qui primum litterarum gradum consecutus præest. In celeberrimo fani loco statua illius visitur, aut eius loco nomen cubitalibus litteris aureis in per-eleganti tabula descriptum; ad eius latus statuae adstant quorundam eius discipulorum, quos Sinæ in Diuos, sed inferioris ordinis, retulere. In hoc fanum nouilunio ac plenilunio quolibet, conueniunt Magistratus omnes urbani, cum renunciatis Baccalaureis, Magistrum solitis inclinationibus, ac genuflexionibus, cereis etiam, ac suffitu veneraturi. Iisdem natali eius die quotannis recurrente, & alijs quibusdam temporibus ex more deputatis, fercula illi offerunt magno apparatu, gratiam se habere protestati doctrinæ, quam in eius libris reppererunt, cuius maxime adminiculo doctrinæ gradus ipsi suos, & opimos in Republica Magistratus consequuntur. nullas porro ei preces recitant, nec ab eo quicquam petunt aut sperant, ad eum modum quo de vita functis iam explicatum.

Fana singularia spirituum.

Alia quoque eiusdem sectæ fana visuntur tutelaribus spiritibus urbium singularum, & tribunalis cuique Magistratui propria. In eo sacramento se solemni astringunt, ad ius fasque seruandum, & officij sui partes legitime exequendum, id à quolibet Magistratu fit, cum primum dignitatem adit, quod hic sigillum accipere vocamus. His etiam fercula offerunt, & odores incendunt; sed non eodem, quo suprà cultu, nam in
his

his agnoscunt periuros plectendi, probosq; remunerandi diuinam quandam inesse facultatem.

Huius litteratorum sectæ scopus, in quem omnis eius institutio collimat, est pax publica, & Reipublicæ quies, Oeconomica etiam familiarum, & priuata singulorum ad virtutem compositio. quem in finem accommodata sanè præcepta tradunt, eaq; omnia innato nobis lumini, Christianæq; consona veritati. Celebrantur ab ijs quinq; combinationes, quibus omnis humanorum officiorum disciplina continetur. Eæ sunt patris ac filij, mariti & vxoris, domini & clientis, fratrum inter se maiorum ac minorum, sociorum deniq; aut æqualium. has combinationes ipsi soli se assecutos putant, & eas ab externis populis aut nesciri aut negligi arbitrantur.

Litteratorum
sectæ finis ac
scopus.

Celibatum damnant, polygamiam permittunt. Explicatissimum habent in suis libris alterum præceptum Charitatis; Quod tibi non vis fieri, alteri ne feceris, &c. Mirum quam altè eneant liberorum in parentes pietatem & obseruantiam, nec minus clientum in dominos fidem, & minorum erga maiores venerationem. Porro quia nihil eorū vetent aut iubeant, quæ de altera vita ad salutem necessario credenda sunt, multi cum hac sua secta reliquas duas miscent, & magnam sibi videntur assumpsisse religionē, si nullam respuerint falsitatem, hanc illi sectam esse negant, sed academiam quandā ad Reipub: moderamen institutam. Et sanè tantum abest, ut huius academix statuta (sublatis perpauca) à Christi religione diffideant, vt etiam ab eadem plurimum adiumenti capiat & perficiatur.

Altera Sinarum secta Sciequia vel Omitose appellatur; apud Iapones verò Sciacca & Amidabu nuncupatur. Characteres utrisq; sunt iidem. Eadem etiam Totoqui lex ab Iaponibus dicitur. Lex hæc ad Sinas peruenit ab occasu, importata è regno cui Thiencio, vel Scinto nomen est, quæ regna hodie

Alter
Sinarum secta.

die vno Indostanis nomine appellantur, intra flumina Indum & Gangem sita. Peruenit autem salutis humanæ anno quinto & sexagesimo. Et scriptum reperio Regem ipsum Sinarum & legatos misisse, somnio inductum ut id faceret. Ex eo regno libros in Sinarum regnum attulere Legati, & interpretes adduxere, à quibus deinde hi libri in Sinicum sermonem translati sunt: huius enim sectæ authores, non aduenerunt, siquidem superstites tum non fuerint. Ex quo cum constet, hoc dogma ab Sinis ad Iapones migrasse, non satis intelligo, quam verè Iaponienses huius dogmatis sectarij asserant, eò ipsos Sciacca & Amidaba penetrasse, & è Regno Siam originem habuisse, hoc enim regnum nullo tempore Sinis ignotum, manifestum fit ex ipsis huius dogmatis sectariorum libris, longè ab eo distare, quod ipsi Thiencie vocant.

Quo tempore
hæc altera secta
in Sinas penetrauit.

Ex his patet hoc dogma eo tempore ad Sinas penetrasse, quo Euangelium Apostolis præconibus mundo innotescebat; In india superiore, quæ est illud ipsum Indostanis regnū, & alia conterminatum D. Bartholomæus Apostolus legem Euangelicā euulgabat: Apostolus vero Thomas in India inferiore ad Austrū Euangelicos radios inferebat. Vnde videri possunt Sinæ Euangelicæ veritatis fama permotos, eam ab occasu experijisse, sed vel Legatorū errore, vel locorum ad quæ perueniebant maleuolentia, pro veritate falsitatē importatā accepisse.

Dogmata &
ritus huius sectæ
Screquæ
& Qmitosæ.

Auctores huius dogmatis videri possunt nostratum Philosophorum nonnulla dogmata consecuti, nam quatuor asserunt elementa, Sinæ autem satis ineptè quinque adstruunt; Ignem, aquam, terram, metalla, & lignum, ex quibus hunc elementarem orbem, homines, bruta, plantas, & cætera mixta constare opinantur. Multiplices cum Democrito & alijs, mundos fabricat, sed maximè animorum transmigrationem è Pythagoræ disciplinâ videntur mutuari, aliâq; per multa cōmenta huic addidere ad fucum falsitatis. Hæc autē non solum à Philo-

à Philosophis nostris, sed etiam ex Evangelica luce videntur umbram quandam accepisse. Certum enim Triadis modum inducit, quo tres Deos, in vnum deinde numen coalescere, fabulatur. Probis in cælo præmia, improbis apud inferos penas de seipso repetentis virtutem celebrat. Cælibatum ita extollit, ut nuptias repudiare videatur. Domo ac familiaribus valefaciunt, & in varia loca stipitem emendicantes, peregrinantur. Magnum huius sectæ profani ritus, cum Ecclesiasticis nostris affinitate non habent. Recitantium cantus à nostro quem Gregorianum vocamus, nihil dicas discrepare. In suis etiam fanis imagines exponunt. Eorum sacrificuli vestes induunt nostris omnino simillimas, quas Ecclesiastico vocabulo pluuialia vocamus. Inter recitandum sæpè nomē quoddam repetunt, quod etiam ipsi fatentur ignorare; illud Tolo-me sonat, videntur fortasse sectam suam Apostoli auctoritate voluisse cohonestare.

Sed hanc veritatis umbram teterrimæ mendaciorum nebulæ extinxerunt. Terram enim ac cælum, præmiorum penarumque locum confuderunt, in neutro quippe animas æternitati addixere, sed eas post aliquot annorum spatia denue renasci iubent, in aliquo ex ijs quos plures statuunt terrarum orbe, ijsque tum præteritorum scelerum penitentiam indulgent, si se correxerint, & id genus alia, quibus hoc miserum regnum mirè afflixerunt. Carnium usum & reliquorum viuentium à mensis remouent, sed pauci hanc sibi abstinenciam indicunt, & facile his cæterisque peccatis reos absoluunt, si se aliqua stipe donauerint, imo suis se recitationibus, quos voluerint ab inferorum tormentis eripere se posse promittunt.

Hanc sectam legimus initio magno applausu inuehi captā, Huius sectæ
ex eo maxime quod animum immortalem & alterius vitæ præ- confusio.
mia clarè proponeret. Sed ut rectè Sinenses eius temporis
litterati

sunt Eunuchi, fæminæ & rude vulgus, præ omnibus vero quidam, qui se religiosiores huius dogmatis observatores profitentur, quos Ciaicum, hoc est, ieiunatores dixeris, nam domi suæ per vniuersam vitā carne & piscibus abstinent, & idolorum turbam statis adhibitis precibus domi colunt, & ne vîquam lucri spes absit, in aliorum ædes præmio ad recitandum inuitati euocantur.

Tertia Sirarū
Sæta Lauzu.

Ab hac cænobiorum ratione fæminæ à viris separatæ, non excluduntur, eæ capillitium quoq; radunt, & nuptias repudiant: has Sinæ sua lingua Nicu appellāt, sed eæ nec multū simul veniunt, & sic cū viris conferātur, multitudine longè superātur.

Venio nunc ad tertium profanæ Religionis dogma, q̃ Lauzu appellatur, à Philosopho quodā, qui eodē cum Confutio tempore floruit, originē traxit. Eum fingunt annis 80. in parentis aluo gestatū, priusquā nasceretur, qua ex causā Lauzu, id est, Philosophus senex appellatur. hic dogmatis sui librum nullū reliquit. nec videtur nouum dogma instituere voluisse, Sed eum extinctū, sectarij quidā Tausā vocant, sectæ caput appellarunt, & varios libros è varijs sectis & commentis stylo per-eleganti conciñarunt. Degunt hi in suis quoq; cænobijs cælibes, discipulorū emptores, æquē abiectioni, & improbi, ut ij, de quib⁹ suprā dixim⁹. Capillū minimè radunt, & eundem instar laicorū nutriunt, hoc solo ab ijs distincti, quod ad nodū, quo crinē in vertice colligunt, pileolū ligneū gestant. Alij sunt etiā qui coniugio illati, domi suæ religiosiorem sectæ obseruationem profitentur, statasq; sibi preces alijsq; recitantes.

Dogmata ter-
tia sectæ.

Asserunt isti, se inter reliqua inanum Deorum simulacra, Cæli quoq; Dominū venerari, sed corporeum illū, & cui indigna multa contigisse, ipsi etiam in suis libris, delirant, quæ deliria narrarem, nisi essent ab instituto meo aliena, sed tamen ex vno cætera licebit coniectare. Fabulantur Cæli Regē, qui nunc regnat cognomine Ciaim appellari, nam qui prius impera-

imperabat, Leu dicebatur. hic die quadā in terras venerat super Candido Dracone obsequitans, Eum Ciam, quem coniectorem fuisse dicunt, conuiuio excepit, interim vero dum Leu epulabatur in Candidū Draconē conscendit, à quo in cælum euectus cæleste regnum occupauit, & reuerti conantem Leu in perpetuum exclusit, sed tamen à nouo cæli Rege impetrauit, vt monti cuidam in hoc regno præsideret, vbi eum viuere nunc asserunt antiqua exutum dignitate, atque ita illi ipsi se regni alieni inuasorem ac tyrannum pro Deo venerari profitentur.

Præter hoc cæli numen, triplex aliud effingunt, quorum vnum ipsum Lauzu sectæ caput faciunt: atque ita hæc duæ sectæ ternarium Deorum suo quæq; modo sibi fingunt, vt appareat ipsum falsitatis parentem, auctorem vtriusq;, nondum ambitionem de diuina similitudine cupiditatem deposuisse. Hæc etiam secta de præmiorum ac pænarum locis agit, sed in loquendi modo discrepant non parum à superioribus. Hi enim suis paradisum spondent ex anima simul & corpore constitutis, & in suis templis quorundam effigies exponunt, quos hac ratione in cælum euolasse fabulantur. Ad eam rem consequendam exercitationes quasdam præscribunt; positas in vario sedendi situ, certisq; precationibus, imo etiam Pharmacis, quibus spondent vna cum suorum Diuorum fauore vitam posse sectarios consequi immortalem in cælis, aut vt minimum vitam in mortali corpore longiorem. Ex quibus facile sectæ vanitas, & delirantium improbitas colligitur.

Triplex aliud
numen præter
vnum cæli nu-
men effingūt.

Huius sectæ sacrificulorum peculiare munus est Dæmones impijs precationibus è domibus pellere, Idq; duobus modis tentare solent; nam horrenda Dæmoniorum monstra in flaua papyro atramento delineata, domorum parietibus affigenda tradunt, inde tam inconditis clamoribus domos complent, vt ipsa dæmonia esse videantur.

Officia sacrificulorum tertie sectæ.

P 2

Aliud

Aliud etiam sibi munus arrogant, nam è sicco cælo imbres elicere, aut nimios continere, alia quoque priuata & publica infortunia se posse promittunt. Et quidem si quod spondent re ipsa præstarent, haberent qui se decipi sinunt, quo culpam eleuarent; sed cum omnia impudentissimi impostores mentiantur, nescio quid homines non stupidi prætexere possint aut causari. Et sanè, nisi quæ narrant, omnia vno mendacij nomine inuoluamus, videtur, ex ijs aliquos magicæ artis præstigas affecutos.

In Regijs cæli ac terræ fanis hi sacrificuli resident, & regijs sacrificijs adsunt, siue ea Rex ipse per se, siue per nominatos Magistratus exequatur, qua re vna non mediocrem auctoritatem adipiscuntur. horum sacrificiorum muscos concentus ipsi ex omnibus instrumentis apud Sinas receptis conciñant, quæ si simul pulsantur, absona Europæis aureis videntur. Euocantur etiam ad exequias, ad quas pretiosis induti vestibus procedunt, tibias & alia musica instrumenta pulsantes, nouas etiam ædes consecraturi, & supplicantium pompam per vicos ducturi accersuntur. Has pompas communi vicinæ sumptu vicorum capita certis temporibus instituunt.

Origo tertiæ
sectæ à Mago.

Hæc secta prælatum agnoscit, cui cognomen est Ciam, quam ille dignitatem hæreditario in posteros iure à mille iam annis ad hæc vsque tempora transmisit. Et videtur hæc dignitas originem traxisse à Mago quodam, qui in spelunca quadam Quiamsinensis prouinciæ degebat, in qua hodieq; illius posterii degunt, & artis suæ præstigas, si vera sunt quæ narrantur in liberos deriuant. Hic eorū Antistes, maximam partem Pequini degit, & à Rege colitur. nam ab eo in intimum palatium penetralia consecraturus admittitur, si forte suspicio est, à malignis ea spiritibus infestari. Per Urbem patente sella gestatur, & reliquum apparatus præfert, quem summi

summi Magistratus solent, prouentumq; annum ab Rege opimum accipit. Verum è quodam Neophyto nostro accipi, horum temporum praelatos ita imperitos esse, vt ne sacri-lega quidem sua carmina, ritusq; norint. Eius porro velut prae-fulis facultas in plebem nulla est, sed in solos Tausus dogmatis ministellos, & in eorum canobia supremam exercet potestatem. Ex his porro canobitis pleriq; vt longioris vitae praecepta consecretantur, ita Alchimisticis conflationibus insudant exemplo sanctorum suorum, quos ipsi artis vtriusque praecepta tradidisse commemorant.

Atque haec sunt tria fere Gentilicæ superstitionis capita. Triplex hæc secta incrementis augetur indies. Sed neque in his humani generis vanitas conquiescit, singuli enim fontes labentibus paulatim seculis, à fraudum Magistris in tot Mæandros deriuati sunt, vt sub triplici nomine trecentæ mihi sectæ inter se discrepantes numerari posse videantur. sed & hæ quotidianis incrementis augentur, & in peius ruunt, corruptioribus indies legibus, quibus inuentores malorum viuendi licentiam se laxare profitentur.

Huius familiæ, quæ nunc imperat caput, Humuvus lege lata sanxit, vti tres illæ leges ad regni auxiliū conseruarentur, quod fecit vt sectariorū omnium animos sibi conciliaret, sed ea tamen cōditione vt Litteratorū dogma Reipublicæ administrationem gereret, ac cæteris præesset. Hinc fit vt nulla sectarum aliam extinguere meditetur. Reges quidem singulas sectas colunt, & eas adhibent ad res suas cum opus est, A Regibus & Reginis sectæ coluntur: singularum templa sæpe instaurat, vetera & noua erigit. Regiæ vero vxores in idolorum sectam sunt omnino propensiores, & in eorum ministros multas eleemosynas conferunt, integraq; alunt canobia extra palatij fines, vt eorum precibus adiumentur.

Vnum incredibile videri potest, simulacrorum nempe in hoc regno multitudo non in fanis solum visitur, quæ sæpè Idolorū multitudo visitur. aliquot

aliquot millia colenda exponunt, sed priuatis etiam in ædibus ferè singulis, loco iam gentis more ad eam rem deputato, in foro, in vicis, in nauigijs, palatijsq; publicis, hæc vna abominatio pæne primo se spectandam offert. Et tamen omnino certum est perpaucos esse, qui portentosis simulacrorum commentis fidem habeant, sed hoc solum sibi persuadent, vt si nihil ex hoc externo idolorum cultu boni accipient, nihil sibi tamen inde mali posse prouenire.

Porro his temporibus sapientissimi cuiusq; hæc est receptissima sententia; tres has leges in vnâ coalescere, ac simul omnes obseruari posse ac debere. quare non ipsi se minus quàm ceteros perturbatissime in fraudem inducunt, arbitrati has de Religione quæstiones eo vtilitati publicæ vtiliores, quo plures fuerint de ea loquendi modi. Et ad extremum alia omnia quàm quæ sperauerant consequuntur, dum enim tres illas leges se simul omnes obseruare posse confidunt, ex leges esse reperiuntur, cum nullam syncerè persequantur; atq; ita non pauci tandem suam ingenue irreligionem agnoscunt, & qui falsa credulitate seipso fallunt, æquè omnes maximam partem in errorum profundissimo Atheismo versantur.

De Saracenis ac Iudæis ac fidei demum Christianæ apud Sinas vestigijs.

CAPVT VNDECIMUM.

SVperiore capite Gentilicos Sinarum ritus ac sectas, genti proprias, aut iam pro proprijs habitas, exposuimus nunc de ijs agam, quæ ab Sinis externæ & peregrinæ habentur, aliquam vero vnius ac veri Numinis notitiâ habuerunt. De Saracenis primū, de Iudæis deinde, ad extremum de veritatis Christianæ vestigijs loquar, & quidē eo consilio vt illatā hoc nostro seculo in Sinas Euangelij lucem cum antiquitatis serie sequentibus libris nulla deinceps interruptione coniungam.

In

In Sinarum regnum ab occasu è Perside, quo nomine Mogores & alia regna quæ persicum Idioma callent comprehendendo, multi varijs temporibus Mahometanæ impietatis sectatores penetrarunt. Et quidem eo maximè tempore, quo Tartari Sinis imperitabant magno numero videntur irrupsisse, tum enim aduenis ab ea parte liber erat in hæc regna ingressus. Quin etiam ad hanc usque diem quotannis pauci Legationem è Perside mentiti negotiatores cōmeant, & ex ijs aliqui semper alijs sese Saracenis clam aggregant, quanquā magna cura Magistratum omnes in patriam remittuntur. Sed de his infra latius cum de vnius è nostra Societate peregrinatione in Catayum, id est, Sinarum regnum agendi erit locus.

Saracenorum
ingressus in
Sinas.

His igitur Saracenis qualibet tandem via aduenerint (externi enim sunt omnes, exceptis omnino perpaucis) plenæ hodie sunt omnia. nam liberorum serie in eam multitudinem excreuerunt, vt hodie permulta familiarum millia numerentur in singulas fere prouincias & primarias quasque vrbes dispersa. In his templa sua habent magno sumptu extructa, in quibus preces statas recitant, liberos circumcidunt, & alios ritus suos peragunt. Sed quod quidem hætenus scire potuimus, neque suas ineptias euulgant, aut euulgare laborant, sed viuunt omnino quoad cætera Sinicis legibus, nisi quod porcina abstinent, & suorum dogmatum sunt etiam non parum imperiti, & ab Sinis ferè contemnuntur. Nunc tamen pro indigenis habentur, nec sinistram de ijs suspensionem, vt de cæteris aduenis concipiunt. Imo ad Litterarum studia & gradus publicos etiam Magistratus nullo discrimine admittuntur. Ex ijs autem plurimi si Sinensium litterarum gradum assequuntur, etiam legem autam deserunt, nec de ea quicquam retinent præter suillæ carnis abstinentiam, à qua natura abhorrent potius, quam religionis intuitu abstinent.

Saracenorum
multitudo.

Saraceni ad
gradus admit-
tuntur.

Annis

Iudæorum ingressus. Annis quoque superioribus Iudæam etiam facem in hæc regna confluisseprehendimus, id maximè constitit ex eo quod nunc sum narraturus. Cum iam Societas nostra annis aliquot in Pequinensi Regia sedem fixisset, ut infra suo loco narrabitur, Iudæus quidam natione & professione ad P. Matthæum Ricium visitandū venit, fama illius permotus, de quo ac reliquis socijs multa legerat in libro quodam de rebus Europæis à Sinensi quodam Doctore conscripto. Is in Prouincia Honan, in eius metropoli Chaifamfu natus Ngai cognomēto dicebatur, & iam in Licentiatorum ordinem adscriptus ad solita Doctoratus examina Pequinum aduolarat. Iudæus igitur quoniam eo in libro legerat, nostros minime esse Saracenos, & aliud nullum numen nosse, præter cæli terræq; Dominū, nihil omnino dubitauit, nostros esse legis Mosaicæ professores. Ingressus igitur ædes nostras alacri vultu, se legem cum nostris vnā profiteri aiebat. Et sanè naribus, & oculis, & reliquis oris lineamentis, externam speciem Sinis ab similem omnino præferebat.

Iudæus cum P. Matthæo Ricio versatur.

Ergo cum P. Matthæus Ricius in ædem sacram deducit, in aram exposita erat effigies Deiparæ & pueruli IESV, quem S. Ioannes Præcursor flexis genibus adorabat. Erat enim is dies D. Ioanni Baptistæ sacer, & quoniam Iudæus nihil omnino de nostra professione ambigebat, nihil dubitauit eam esse Rebeccæ effigiem, puerulos vero Iacob & Esau, & ita supplex imaginem est veneratus, præfatus primum se imaginē nullam venerari solere, sed hos tamen se gentis suæ parentes nō posse nō honorare. Ex utroq; aræ latere quatuor Euangelij scriptorum effigies expositæ erant, sciscitatur ergo Iudæus, essentne hi quatuor è duodecim eius filijs, qui in ara visebantur, annuit Pater, arbitratus eum de duodecim Apostolis loqui, alter enim de altero, id quod non erat sentiebat. Inde hominem in cubiculum seductum interrogare capit accuratius, qui esset, & paulatim

latine intelligere capit antiquæ legis esse professorem. Ipse porro Iudæi nomen ignorabat, sed se tamen Israelitam esse ferebatur. Vnde conijcere licet decem tribuum dispersionem in Orientis extremos fines penetrasse. Regia deinde Biblia Plantinianis typis excusa vidit, & ut aperuit Hebræos Characteres agnouit, tamen si eos legere non poterat.

Ex hoc audierunt nostri, in ea quam dixi metropoli, decem duodecimue Israelitarum esse familias, & Synagogam perelegantem, quam nuper decem aureorum millibus instaurarant. In ea se quinque libros Moysis, videlicet pentateuchum voluminibus inuolutis magna veneratione annos iam quingentos aut sexcentos asseruare. Asserebat etiam in Chequianæ provincie Metropoli Hamcheu nomine longe plures esse cum sua quoque Synagoga, familias. Et alibi quoque non paucos, sed sine Synagoga degere, eo quod paulatim extinguantur.

Multas ille ex veteri instrumento narrabat historias, quales de Abrahamo, Iuditha, Mardochæo, Hestere narrantur, sed in efferendis nominibus à nostris sono non parum differebat, ac fortasse propius ad antiquitatem accedebat. Hierusalem enim Hierusolaim, & quem Messiam vocamus, ille Mosciam appellabat. Asserebat aliquos inter suos contritulos Hebræi sermonis esse non imperitos, & inter eos fratrem suum, se vero quoniam à puero litteris Sinensibus insudarat, id studij genus neglexisse, nec obscure significabat, se ex eo quod Sinensia studiosius amplecteretur, Litterarum instituta, ab Archisynagogo suorum cætibus indignum prope iudicatum, de quo nihil admodum laborabat, si Doctoratus gradum adipisceretur, hoc enim ipsum etiam Saraceni faciunt, neque enim tum sectæ præfulem verentur.

Idem de Christianorum quoque reliquijs patrem certior fecit, de quo mox: nunc solum de Iudæis. Triennio ergo
Q post


Christianorum
vestigia explo-
rantur a no-
stro.

post, neque enim citius licuit, P. Matthæus Ricius vnum è nostris fratribus Sinam natione, in eam metropolim misit, vt inuestigaret, quam vera Israelita ille retulisset, ac de Iudæis quidè omnia reperit, vt dixerat, Exscribi etiam sibi fecit initialibrorum, & fines quos in sua Synagoga asseruabant, hæc deinde cum pentateucho nostro contulimus, & eadem esse reperimus, & eosdè characteres, nisi quod antiquo more punctis carerent. Per eundem Fratrem nostrum, Pater Mathæus Ricius litteras ad Archisynagogum Sinicè scriptas transmiserat, quibus assererat se Pequini omnes omnino veteris instrumenti libros domi habere, sed & noui testamenti codices, quires à Messia gestas continebant, eum enim iam aduenisse affirmabat. Hic institit Archisynagogus asserens, Messiam post decem annorum millia non ante venturum. Idem rescripsit quoniam de eius virtute multa famæ testimonio inaudissent, si à suilla abstinere vellet, & ad se migrare, se illi Archisynagogi dignitatem delaturos.

Tres Iudæi à
nostris Patri-
bus in fidei no-
stra mysterijs
erudiuntur.

Postmodum alij tres ex eadem ciuitate Iudæi Pequinum venerunt, ita ad Christi fidem suscipiendâ comparati, vt si per negocia dies ibi paucos subsistere licuisset, baptismo initiari potuisse viderentur. Ex his vnus erat prioris ex fratre nepos, hos Patres nostri per humanè exceptos multa docuerunt, quæ ipsi etiam eorum Rabbini ignorabant. Et de aduentu Messiae edocti eius effigiem, in ara expositam singuli adorarunt, quo ritu solet ab ipsis Christianis fieri. Doctrinæ Christianæ compendium, & alios de nostræ fidei rebus libros iam Sinicè loquentes à nostris acceperant, & ad suos detulerunt. Hi tres de sua lege multa querebantur, eam ad interitum vergere patrij iam sermonis ignorantia, & breui se futuros omnes aut Saracenos aut Ethnicos. Dicebant Archisynagogum illum iam ætatis vitio perijisse, filium hæreditario iure Parenti suffectum iuuenem, & suæ legis esse omnino imperitum. Que-
reban.

tebantur etiam turpe sibi videri in pereleganti templo nullam se imaginem habere, sed neque domi in priuatis oratorijs. q̄ si Christi Seruatoris effigiem sui, in suo templo conspexissent, magnopere ad Religionis studium incensum iri. Maximè verò querebūtur interdici sibi eius animalis esum, quod ipsi sua manu minimè mactassent, id si in hoc itinere obseruassent, iam fame illos perituros fuisse. Infantes etiam octauo die circūcidere, videri vxoribus suis Ethnicisq; propinquis institutū esse barbarum & crudele, quod si per legem nostram omittere liceret, facile se eam suscepturos, nec admodum in suilla carnis abstinentia pugnatos. Atque hæc ferè sunt quæ de Iudæis hactenus explorata comperimus.

Nunc ad Christianæ veritatis reliquias colligendas & persequenda vestigia eo melibentius accingo, quod id Europæis nostris scio fore gratissimum. Ex eodem Iudæo, alijsq; indi-
cijs, id annis superioribus accepimus. Cum iam apertè P. Mat-
thæo Ricio constitit Licentiatū illum Sinensem esse legis an-
tiquæ professorem, ad aliquod apertius quàm quod catenus
habebamus, rei Christianæ vestigium deprehendendum ani-
mum applicuit, Et quidē quamdiu hoc eos nomine appella-
uit, nihil assecutus est, sed paulatim varijs eos legis dogmatis
describens, vbi de Cruce sermonē miscuit, q̄ maximè opta-
bat, est assecutus. Apud Sinas Crucis nullus est vsus, & ideo ne-
que nomen, quā ob rem nostri, nomen illi Sinicū imposuerūt,
illud à caractere, qui denariū numerū significat & perfectam
Crucem hoc signo  exprimit, mutuati. Et fortasse non sine
numine accidit, vt idem hodie nostri Cruci nomē imponeret,
quod veteres olim apud Sinas eadē sermonis penuria cōpulsi
iam ante indiderant. Vtriq; enim Scie-cu, id est, denarij nume-
ri characterem appellarunt: nec in eo sacrarū litterarum ex-
emplo, à quibus littera T designatur, discesserunt, perfe-
ctiorem etiam Crucis figuram mutuati.

Vestigia Chri-
stianæ verita-
tis deprehē-
duntur à P. Ri-
cio.

Cruci nomen
impositum.

Q₂

Cum

Crucis adora-
tores.

Cum igitur de Cruce hoc nomine appellata sermo illatus esset, Israelita ille narrauit, In metropoli Caifum fu eius patria & in alio emporio celeberrimo Lincino nomine Prouinciæ Sciantum, & in Sciansi prouincia externos quosdam viuere, quorum maiores è regnis aduenerant, eos esse Crucis adoratores, eamq; solere in cibo potuq; digito exprimere, sed neque se neque illos arbitrari scire, cur eum ritum adhibeant. Hoc Israelitæ testimonium cum eo consentiebat, quod iam diu ex varijs Patres audierant de eodem Crucis exprimendæ ritu varijs in locis vsurpato. Imo infantibus in fronte characterem eundem salutaris signi atramento exprimi cõtra puerilia infortunia. Cum his quoq; consentit id quod Hieronymus Rusellus in commentarijs ad cosmographiam Ptolomæi cum de Sinis loquitur, annotauerat. Et quoniam de Cruce apud Sinas agimus, omitti minime debet aliud eius vestigium. Vidit vnus è nostris Patribus in antiquarij manibus venalem nolam ex ære campano perelegantem, in cuius apice sacra ædicula insculpta erat, & ex aduerso ædiculæ Crux, in circuitu vero græci aliquot Characteres. Comparare sibi eam voluit qui vidit, sed in pretio minime conuentum, nec vnquam postea ad describendos illos characteres antiquarius ille comparuit.

Vestigium Cru-
cis aliud.

Addebat idem ille Israelita, illos ipsos Crucis adoratores doctrinæ partem quam ipsi precationum loco recitabant, è suis ipsorum libris desumi & vtrisque esse communem, fortasse Dauidicum psalterium intelligebat. Hos asserebat fuisse permultos in Aquilonaribus maxime prouincijs, & litteris, armisque ita floruisse, vt suspicionem Sinis natura facillimis rerum nouarum fecerint. Eam suspicionem arbitrabatur ab Saracenis Christiani nominis hostibus toto terrarum orbe acerrimis, excitatam ante annos non amplius sexaginta. Ea suspicio eo peruenit, vt cum ab Magistratibus manus injeci sibi

sibi timerent, omnes hac illac diffugere, & alij se Saracenos, alij Iudæos, Plerique Idolorum cultores mortis metu professi sunt. eorum templa in Idolorum fana cōmutata sunt. Et templum quidem Crucis apud suos, ipse suo nomine quo nunc ex quo fanum est dicitur, appellabat. Ex eo tempore tanto sunt metu consternati, vt nihil magis occultent, quam se ex ea gente prognatos. Vnde factum est, vt cum frater noster eo se contulisset ad Christianorum reliquias explorandas & familiarum nomina ab Iudæo commemorata secum deferret, nemo ex ijs fucrit, qui se talem profiteretur, ideo fortasse, quod frater noster ex vultu Sina esse nosceretur, & inspicarentur, fortasse eum exploratorem esse ab Magistratibus transmissum, nec haftenus per nostrorum paucitatem Europæus eò Sacerdos mitti potuit, quanquā opus erit per otium ibi sedem figere ad vanos metus eximendos, quod aliquando Deo bene volente præstabitur.

Has tres barbarorum sectas, vt Sinæ appellant, vno nomine confundunt, earumq; Sectatores Hoci Hoei vocant, cuius nominis Ethymologiam haftenus ignoramus. Peritiores tamen eos hac ratione distinguunt: Saracenos vocant Hoci suillæ carnis abstinentes. Iudæos Hoei, qui etiam nervos à mensis excludunt, hunc enim hodieq; observant ritum à percussio femoris Israeli nervo in gentem introducto. Crucis vero adoratores Hoei vocant, qui animalibus vngulæ rotundæ vesci refugiunt. Nam cum & Sinæ omnes ac Saraceni Iudæiq; equos, mulos, asinosq; à mensis minimè remoueant, ipsi fortasse gentis suæ consuetudine ab ijs vescendis abhorrebant. Asserebat etiam alijs eos nominibus appellari. Nam etiam Sinæ eos Hoei vocant Crucis cultores. Saracenos vero non Sinæ solum, sed etiam Iudæi Hoei vocant trium legum professores, pro eo quod è Iudæis, Christianis, Ethnicisque farragine compegerunt. Saraceni porro Crucis adoro-

Quibus nominibus Sinæ Saracenos, Iudæos, & Crucis adoratores cōpellent.

Saraceni Crucis adoratores Iesuinos vocant.

ratores præter vulgare gentis vocabulum, quo Christianos omnes Isai, id est, Iesuinos vocant, etiam in hoc regno antiquos illos Crucis professores Terzai appellant, cuius appellationis causam nescio, nisi quod ex Armenio quodã audiui, Armenios Christianos in Perside eodẽ nomine nuncupari. Vnde fortasse conijcere licet hos Crucis veneratores ex Armenia originem traxisse, & ab occasu varijs fortasse temporibus, & eo maxime cum Tartari magnis exercitibus in Sinarum regnum irrupissent penetrasse, quo etiam tempore Marcum Paulum Venetum constat huc peruenisse,

Fides Christiana ab Apostolo Thoma in Sinas inuecta.

Hæc maximè sunt quæ ex ipso Sinarũ regno vestigia deprehendimus, sed tamen rei Christianæ in his regnis originem altius etiam referre possumus ex ijs, quæ ex oræ Malabaricæ codicibus Chaldaïs colligi curauimus, quã oram D. Thomæ Apostoli opera Christo adiunctã clarius est quam vt in dubium etiam à pertinacibus reuocari possit. In ijs ergo codicibus legimus clarissimè ab eodem Apostolo Christi fidem in Sinas inuectam, & plures eo in regno Ecclesias constitutas. Et ne cui res tanta, dubia fortasse videatur, testimonia ipsorum codicum è Chaldæo ad verbum Latine reddita hic adscribam, quæ P. Ioannes Maria Campori è nostra Societate eius vineæ cultor annos iam plures & sermonis Chaldæi benè peritus, iussu Reuerendissimi Archiepiscopi Patris Francisci Roitz, eiusdem Ecclesiæ pastoris è nostra Societate transtulit, & propria manu nostrorum rogatu transcripsit, vt in hos Commentarios infererentur, ne quando petiret tam insigne antiquitatis monumentum. Id igitur ita se habet.

In Breviario Chaldæo Ecclesiæ Malabaricæ D. Thomæ vocatur Gaza, id est, thesaurus, in officio D. Thomæ Apostoli in secundo Nocturno in vna lectionũ sic habetur ad verbum: Per D. Thomam euauit error idololatriæ ab Indis. Per D. Thomam Sinæ & Æthiopes conuersi sunt ad veritatẽ. Per D. Tho-

D. Thomam Baptismi Sacramentū acceperunt & filiorū adoptionem. Per D. Thomam crediderūt & confessi sunt; Patrem & Filium, & Spiritum sanctū. Per D. Thomam acceptā seruauerunt fidem vnius Dei. Per D. Thomam doctrinæ viuificæ splendores orti sunt vniuersæ Indiæ. Per D. Thomam regnum calorum volauit & ascendit ad Sinas.


Deinde in quadam Antiphona sic habetur. Indi, Sine, Persæ, & ceteri Insulani, & qui in Syria, Armenia, Græcia, & Romania, in commemoratione D. Thomæ offerunt adorationem nomini tuo sancto.

In summa vero Canonum Synodaliū parte secūda sermone sexto capite decimonono de canonibus constitutis super Episcopos & metropolitanos simul habetur Canon Theodosij Patriarchæ in hæc verba:

Hæ sex sedes capita Prouinciarum & Metropolitæ videlicet Hilam, Nziuin, Prath, Assur, Bethgarmi, & Halah, qui digni habiti sunt, vt ordinationi Patriarchæ interueniant, nec absunt vt aliquarto quoque anno apud Patriarcham conueniant. Sic etiam Episcopi magnæ Prouinciæ nimirum reliqui Metropolitæ, Chinæ, Indiæ, Pates, Mauzeorū, Xam, Raziqeorū, Herionæ (hæc est Cambaia) & Smarcandiæ (hec est Mogor) qui longissime absunt, nec vastissimi montes & turbulentissima maria permittunt eis transitum ad libitū, mittant litteras consensionis (id est communionis) ad Patriarcham semel sexto quoque anno. Quando vero Lusitani Cocinum appulerunt, regebat hanc Ecclesiam Malabaricorum montium D. Iacobus, qui sic scribebat Metropoli Indiæ & Chinæ, vt constat etiam ex eiusdem manuscripto noui Testamenti codice, vbi in calce sic habetur: scripsit hunc librum D. Iacobus Metropoli Indiæ & Chinæ. Eodem modo D. Ioseph post prædictum D. Iacobum, qui Romæ diem obiit sic subscribebat.

bat. D. Ioseph Metropolitae totius Indiae & Chinae, & hic est antiquissimus titulus Episcoporum huius Ecclesiae.

Atque haec pro instituta breuitate sint de vniuerso regno satis, donec integrum his de rebus volumen, quod Deo volente aliquando fiet, euulgetur. Nunc de Christianae religionis ingressu, quod in hoc opere maxime spectauimus sermonem ag-
grediamur.



DE

DE CHRISTIANA

EXPEDITIONE APVD SINAS

AB SOCIETATE IESV SVSCEPTA.

Liber Secundus.

B. Franciscus Xaverius Christianam apud Sinas expeditionem aggreditur, sed non ingreditur.

CAPVT PRIMVM.

Niurius in primum huius expeditionis auctorem Franciscum Xaverium, adeo ⁱⁿ expeditionem ipsam videri possem, nisi ab eo qui primus eam tentauit, & velut morte sua corporisq; depositione adiit possidendam, ac è calisipsis deniq; vbi plus poterat, ianuam locijs, vti non temere credimus, aperuit, quam tot seculis occlusam, tanta viuens animi contentione recludere minimè potuisset, nisi, inquam ab eo primordia caperem enarranda. In eam enim amplitudinem regni vastissimi, in eum agrum gentis ad Euangelium aptissimæ, in spes magnas fidei dilatandæ primus ille è nostra Societate Franciscus Xaverius inhiauit. Ac tamen si id in eius vita describenda aliquot auctores scripserint, hic tamen arbitror breuiter repetendum, totamque huius rei seriem, ex ipsa nostræ Societatis historia, cuius primus tomus nuper prodijt, totidem verbis adscribendum, ne inutilis aliter scribendi labor, aut temerarius videatur.

B. Franciscus
primus expedi-
tionis Sinensis
author.

Agebat in Iaponia Xaverius, & frequens in disceptationibus audiebat Idolorum Sacrificulos, vbi acrius premerentur, ad Sinarum auctoritatem recurrere. Ex eo enim quod Iapo-

R

nes

nes in rebus quæ ad sacrorū cultum ac religionem, quæq; ad Reipublicæ administrationem spectant, omnibus, prudentiæ ac sapientiæ primas Sinis deferunt. Inde fiebat vt identidem vulgo iactarent, si vera esset religio, quam Christiani colerēt, vtique futurum fuisse, vt eam Sinæ tanta præditi sapientia susciperent. Quocirca ad eos protinus excurrendum sibi esse Xauerius censuit, vt expugnata Sinarum superstitione, ea deinde facilius, illato Euangelio, Iapones liberaret.

B. Francisci
Xauerij profes-
sio è Iaponia
ad Sinarum fi-
nes.

Ergò cum è Iaponia in Sinarum fines ex itinere in Indiam nauigaturus, peruenisset; In Sanciana Insula, in qua id temporis nondum Amacensi oppido constituto, Lusitani cum Sinis cōmercia contrahebant, peropportune Iacobum Pereira nauarchum experientem, & industrium, nec minus diuitijs nobilem, suiq; studiosum, qui propediem Indiam versus nauigationem adornabat, offendit. Cum hoc de professione sua Sinensi, suoq; ad Regem introitu consilia contulit. Ea erāt eiusmodi: vt quoniam acceperat prerogatos omnes præter Legatos Sinarum aditu prohiberi; in Indiam reuersus, à Prorege Goanoque Antistite legationē curaret ad Regem, cuius ipse Legationis comes inuēto sic aditu & admissus ad Regem, vel palam si per eum liceret, vel certè dissimulanter Euangelium Sinis inferret. Ita sanctus Pater nōdum satis cognito eius regni statu, euentus suos cæterorum ferè regnorum æstimatione metiebatur. Probauit Xauerij cōsiliū Pereira vir prudens, & simul addidit cōmodissimum esse, si cum legatione munera iungerentur. Ad eam rem suam ipse operam, fortunas, ac nauim liberaliter offert, decretisq; in idiplum aureorum triginta millibus, certum cum eo hominem Goam destinat. Nihil de celeberrimis illius nauigationib⁹ attingo, quod alienum ab instituto.

B. Franciscus
Goam perue-
nit.

Goam igitur vbi peruenit, totus in eo versabatur, vt Alfonso Noronia Indiarū Proregi Ioanniq; Albuquerque Antisti-
ti,

ti, suis & Pereria consilijs apertis Sinensem legationem vrgeret, cuius ipse comes ac socius in regnum illud iam vndique septum & peregrinis omnibus interclusum liberè penetraret. Eius legationis princeps declaratus est Iacobus Pereria vir singularis auctoritatis, & ad Xauerij voluntatem ac studium quodammodo factus. Is quanquam Malacæ substitit, in Insulam Sundam interim nauigaturus, dum Xauerius rediret, tamen eius Procuratores in adornanda profectioe illa, comparandisq; pro dignitate munerib⁹ totoq; Legationis apparatu, nullis impendijs sumptibusq; pepercere. Xauerius autem tali comitatu merito letus, confectis & ipse rebus omnib⁹ intra mensem, quæ ad maturandam profectioem pertinebant, acceptisq; è Procuratore Episcopoq; diplomatis, & conciliandæ fidei litteris ac muneribus ad Regem Sinarum, ocus ad ordinandam accuratè Societatem, ne quid per eius absentiam detrimenti caperet, animum contulit.

Anno igitur 1552. decimo octauo Kalendas Maias, Goa discessit Malacam versus. Eo cum appulisset, Aluarum in primis Taidium decumbentem inuisit, eiq; deinceps omnium sedulitate officiorum adfuit. Vetus erat is Xauerij amicus, iamque Malacensis designatus arcis præfectus, eidem maritimam eorum tractuum præfecturam Xauerius ipse à Prorege impetratam Goa detulerat. Itaq; tamen si nulla erat causa, nullum ius, tamen, si qua forte hominem transuersum libido ageret, poterat legationi moras iniicere. At Xauerius qui sciebat quanta res ageretur, Diabolum nequaquam quieturum intelligens, semper timuerat ne quid tam felicibus captis obstaret. Hoc igitur impensius hortabatur domesticos, vt eam expeditionem Deo precibus quam accuratissimis commendarent, hoc item officiosius Aluarum demereri studebat. Cæterum nec timor inanis fuit, nec beneficia vlla quicquam aut officia valere. Sensit Pater è primo congressu Aluarum legationem

Franciscus Xauerius Malacam peruenit.

R 2

illam

illam Pereriæ decretam tam honorificam ac quæstuosam animo non satis æquo tulisse.

Francisci prudentia.

Pereria nondum ab Sunda, quo negotiorum abierat causa, reuerterat; sed ut mox adfuit, sedulo enim Xauerus monuit, quam se modestissimè gereret, nec summo vellet iure contendere, sed totam rem Aluari potestati permitteret, ut hac illum modestia deliniret. Is autem Pereriæ inuidens incrementis, ut qui iam pridem ei erat infensus, ne legationem illam obiret, impendentem Vrbi obsidionem falso causatus, & infrequentiam coloniæ, Pereriæ nauim ipsamq; omnino Pereriam portu excedere omnino vetuit, ipso ad se nauis gubernaculo afferri iussit.

Franciscus expeditionem Sinensem vrget.

Xauerus autem pro causæ grauitate sollicitus, allegare Principes Ciuitatis amicosq; cōmunes ad Aluarum, orare per sese omni animi demissione, ne cursum moretur Euangelij, obtestariq; per Christum, ne se cum Legato quem Prorex Indiæ destinasset, Sinarum profectio prohibebat. Verum ubi nihil proficiunt preces, cepit sensim intermiscere terrorem, explicans, quanta ipse sibi damna conscisceret. Primum igitur Franciscus Suarius Malacensis Pastor & Vicarius idem Episcopi, ad illum cum litteris Goani Antistitis accessit, grauiterq; admonuit, videret etiam atque etiam, quantam rem disturbaret, neq; cōmitteret ut Antistitis oblistens imperio iram in se diuinam atq; etiam Regis accenderet. Sed nihil Episcopi litteræ & Vicarij valuit denuntiatio, nisi ut obfirmatus animus obduresceret magis. Tum Franciscus ipse Aluarus qui Malacensem præfecturam nondum Alvaro Taldio per tempus cesserat, eundem conuenit simul cum litteris Regis Lusitani, in quibus sui consilij esse testabatur, cum Xauerium in Indiam mitteret, ut Euangelium per omnes Orientis oras promulgaretur, simul cum Proregis decreto, quo si quis legationem Sinenicam impediret, reum perduellionis faciebat.

Hæc

Hæc coram multis recitata cum audisset Aluarus, stomachabundus ab Sella surrexit, solumq; pede percutiens; Quid mihi negotij cum Proregis decretis clamat; cum sciam magis è Regis re futurum, hæc si legatio non mittatur. Tum igitur Xauerius qui nunquam ad eum diem publicè se pro Apostolico Nuncio gesserat, vt præsentem ei terrorem iræ cælestis incuteret, illud esse tempus existimauit, quo modestiæ Christianæ magnanimitas proderetur. Pontificis diploma diu reconditum, quod Apostolicus Nuncius creabatur, & Anathema grauissimum infligebatur ijs, qui eius in augenda religione conatibus obstitissent, inuitissimus quidem, sed profert tamè, non tam vulneris imponendi quam deterrendi gratia. Eius denunciandi negotium Suario tradit, qui continuo Aluarum adit, nec magis ludicis quam Patris officio, dirum Anathema vbi proposuit, orat per Christi mortem & obtestatur, ne in tam graues mortiferasq; plagas cum dedecore probroq; coniuncta sciens ac prudens se ipse præcipitet, neue tam grandi & inextinguibili scelere se obstringat, pro quo pœnas sua opinione maiores Numini sit daturus. At ille quem ipsa iam pugna pertinacius fixerat, ne intentato quidem tam graui vulnere auctoritateue Romani Pontificis ab obstinata voluntate discessit. Quin potius (vt nunquam potest scelus sine scelere defendi) sancto viro conatur infamiam aspergere, tanquam sanctitatem & Apostolicas ementiens litteras decludendis gentibus nomen sibi celebre venaretur. Ita consilium omne Xauerij & diuina illa instituta legatio vnius hominis vitio euersa est. Tum vero Xauerius tam proiectæ infestus audaciæ, vt suæ statueret seueritatis exemplum, cæterosq; redderet tardiores ad impediendos conatus pro Euangelico, proque animis laborantium, pronuntiandum curauit. Præfecto Maris, eiusq; ad ministris ac Satellitibus nominatim Pontificia auctoritate interdictum esse sacris: non vt eis nouum vulnus infligeret, sed

Aluarus maris
Præfectus ad-
uersatur expe-
ditioni.

Franciscus Pō-
tificis Diplo-
ma profert.

Aluarus cona-
tur Francisco
infamiam as-
pergere.

Franciscus cu-
ra pronūciā
interdictum.

ut memoriam inflicti reuocans medicaminis admoneret. Ea de causa ad Gasparem Goanni Collegij Rectorem ex Sancia-
no litteras dedit, ut ex Episcopi auctoritate pronunciandum
idem rite curaret.

Dei vindicta
in Aluarum.

Nihil autem ex omnibus ærumnis atq; molestijs quas per-
pessus erat in omni vita Xauerius acerbius ei accidit, quam q̃
per eum, à quo minimè oportebat, tanto rei Christianæ dam-
no ad nihilum profectio illa recidisset: non enim diuinæ glo-
riæ & saluandarum zelus animarum hebes ac stupidus est, sed
eorum in quibus verè est, vrit depascitq; præcordia. Mæstus i-
gitur non tam sua, quam Præfecti vice, suomet scelere pericli-
tantis ingemuit, elata voce canens violatorem illum humani
diuinique iuris breui suæ cupiditatis ambitionisque supplicium
non pecunia solum & honore, sed etiam corpore luiturum.
Neque aliter cecidit. nam paulo post Aluarus lepra teterrima
coopertus, cumq; alia multa in omnium oculis deliquisset, &
eadem audacia qua Xauerij auctoritatem, Proregis contem-
pisset imperium, confestim quasi deficere moliretur ab Rege
comprehensus, oneratur catenis, & ut erat victus, Goam in-
de in Lusitaniam ad Regem pro meritis multandus abripi-
tur. Ibi ultore Deo fortunis omnibus spoliatus, notatus igno-
minia, æternis tenebris addictus, supra lepram fœdissimam
ab Amicis demum ac propinquis ob apostema intolerandi fac-
toris derelictus interiit.

Franciscus ali-
ud excogitat
consilium pe-
netrandi in
Sinas.

Iam vero tametsi tanto præsidio ac spe legationis subito
destitutus, in consilio tamen fortiter perseuerans; quòq; ma-
gis deessent humana præsidia, hoc Deo fidendum amplius
intelligens, eam penetrandi ad Sinas rationem excogitat. Si-
nae alicuius colligere, seu mercari gratiam statuit, per quem in
continentem furtim abijciatur. Nam quia fama acceperat
in Sinarum regno peregrinos, qui sine fide publica eo pene-
trassent, æternis tenebris vinculisq; mandari, hos inter vin-
ctos

Etos Xauerus, quæ erat eius incensa in animos charitas, optauit, vt his primum tradita Christi lex per eos deinde missos è tenebris, ad proximum quemq; manaret. Et ipse tandem è vinculis aliquando missus, si Deo cordi foret, Christi legem doctrinamq; diffunderet.

Ergo spem ingressus quod Christianus homo prohiberet, id per Ethnicum consequendi, vno socio sibi relicto cum interprete Sina conscensurus urbem egreditur, Multas interim Vrbi illi clades calamitatesq; denunciâns. Prosequebantur abeuntem officiosè permulti, quorum è numero Vicarius modestè suggestit, vt præfectum salutaturus adiret, ne sermonem hominibus daret, si prætermisso salutationis officio velut alienior, iratiorq; discederet. Cui Xauerus: Egone vt hominem à fidelium cõmunionem seiunctum salutandi causa cõueniam? Nunquam ego illum, nec ille me in hac vita videbit, ac ne post mortem quidem, nisi tum, cum eum apud Christum Iudicem in valle Iosaphat accusauero.

Francisci vaticinatio grauis

Hæc vbi & similia dixit, Templum quod erat è regione respiciens genua flexit, supinisq; manibus, humentibus oculis Numen ei placare Diuinum homo mitis & misericors cæpit, verbis quæ circumstantes exaudiebât amantissimis. Tum deiecto in terram vultu meditabundus aliquam diu perstitit; post hæc erexit se ore ardenti & pleno maiestatis, nec vllum verbum effatus, in conspectu omnium exiit calceos, & ex Evangelico præcepto puluerem excutiens, omnes qui ea spectabant terrore lachrymisq; compleuit. Quin etiam deinde socios iussit omnes Malaca discedere. Pereriè verò Legato ne mutuo conspectu, vt fit, vtriusq; interor aueretur, è naui salutem per litteras misit, ea illum consolatione permulcens, futurū breui vt contumeliam illam quam damno implicitam pertulisset, alia vicissim emolumenta & noua decora cõpensarent: Id quod ipsemet cõmendatitijs suis ab Rege litteris impensè curauit.

Franciscus Numen diuinum placat.

ab

Franciscus Sinarum fines attingit.

Sancianus Insula.

Francisci animus impavidus insinuandi se in aliquam urbem Sinarum.

Francisci zelus animarum.

ab hoc enim ille deinde magnis & fortunis & honoribus est auctus. Huius in naui, quam ipso retento Pereria Alvarus demum misit, è suis hominibus manipulo maxime fido imposito Xaverius Iulio mense soluit, & ad Sincapuranū fretum delatus, cum aliquamdiu substitisset, indeq; denuo Pereriam consolatorias per litteras salutasset, navigatione repetita secundis ventis non multis postquam Malaca soluerat diebus, fines Sinarum attingit.

Sancianus est Insula inculta atque deserta, leucas à continenti triginta, quo per id tempus commercij causa cōmeare soliti Lusitani Sinæq; , Illi raptim sibi tuguria è ramis olim vel stramine construebant. Huc postquam pervenit Xaverius, totus in suam expeditionem conuersus, percontabatur ex Sinis Lusitanisq; , ecqua tandem via reperiri posset insinuandi se in eas vrbes, hominumq; colloquia. Cumq; illi omnia regni claustra acribus septa custodijs, nullum omnino aditum qua adspirarent, relinqui aduenis respondissent, Edictis seuerissimis interpositis, si vel peregrinis, præfectorū iniussu, continētem attingeret, vel indigena peregrinum introduceret. Xaverius ad hos terrores impavidus, cum alia nulla rei conficiendæ pateret via; consilium esse suum exposuit, omni ope atque arte moliri, contemptis periculis, ut in urbem aliquam Sinarum clam deuectus, ipsemet Prætozem adiret, negotiumq; transigeret. Quod consilium cum nimis audax ac pæne temerarium Lusitanis esset visum, non defuerunt, qui ab eo reuocare hominem, ne se in apertum vel vitæ vel seruitutis discrimen offerret, totis viribus conarentur. Quibus tamen Xaverius respondebat intrepidus, nihil se tam malle, quam ut Sinarum salutem, de quorum indole ingenioq; tam multa audisset, suo repræsentaret interitu, nec metuenda sibi esse pericula, vincula, seruitutē, atq; adeo peracerbā necem; ubi de liberandis animis ab æternæ mortis, seruitutisq; periculis ageretur.

H.

Has inter curas febris correptus, & per dies quindecim afflic-
tatur, ut primum melius habere cepit, ad pristina studia la-
boresq; se retrulit, nihilo segnius idoneum aliquem mercato-
rem queritans, à quo transmitteretur in Sinas. Ergo Lusitanos
primum, deinde Sinas omni artificio sibi deliniendos ratus,
multas rei celandæ vias in medium protulit, obtestatus, sibi ut
in tam honesto studio morem gererent; sed in tanto fortuna-
rum capitisq; discrimine aures omnium munierat metus: nec
qui se periculorum socium adiungeret reperiebat. Augebat
rei desperationem ingrauescens comitum morbus, & Anto-
nius interpres Collegij Hoensis alumnus ipsa loquendi desue-
tutine patrij sermonis oblitus, nulli iam usus poterat esse Xa-
uerio: Quibus incommodis quanquam spes eius infringi debili-
tariq; poterat, ea tamen excitabatur & reuiescebat aliunde.

Franciscus fe-
bri corripitur,
ea liberatus
negotium suū
virget.

Francisci con-
stantia.

Interim difficulates superante constantia, alius interpres
non modo lingua, sed etiam domesticarum litterarum peritus
sua sponte comitem itineris sese obtulit. Inde Mercatorē Can-
toniensem paulo fidentiore nactus, spe ac pollicitationibus
ad audendum impellit, magnoq; piperis pondere, quod erat
aureis amplius ducentis à Mercatoribus Lusitanis in eleemo-
synam acceptum cum illo transigit, uti se cum interprete libel-
lisq; suis atque sarcinulis exponat. Ille vero quo occultiora es-
sent omnia, neque nautarum dubia fidei committeret caput,
ita rem gubernandam susceperat, ut liberis suis seruisq; fide-
lissimis pro remigibus uteretur, & intempesta nocte Xaueriū
lembo transmitteret, ultro etiam illi pollicitus, apud se bidui
triduiue receptum, donec è latebris tuto emerfus causam sui
aduentus suo periculo præfecto Cantoniæ exponeret.

Geminum in ea re aggredienda denunciabant amici peri-
culum: alterum, ne Sina Mercator pernumerata mercede
receptum cum socijs inermibus peregrinum, vel è naui detur-
baret in mare, ne quid emanaret indicij, vel in solitudine ali-

S

qua

qua scopuloq; relinqueret; Alterum, ne aduenam sine fide publica sese insinuantem Præfectus vrbis flagris atrociter cæsum, aut supremo supplicio afficeret, aut perpetua seruitute vinculisq; mulctaret. Xauerius tamen pericula longe plura, ut ad socios scripsit, longeq; grauiora considerans, ne vel prouidentia Diuinæ diffidere, si prouinciā eius instinctu susceptam hominum terrore defereret, vel Christi discipulus videretur indignus, si tam apertè denunciantem (Qui perdidit propter me animam, inueniet eam) non audiret: vel demum regno Dei non esset aptus, si manu ad aratrum apposita retro respiceret.

Sed dum noua animo concepta fiducia suum iter adornat, nouæ difficultates oboriuntur; recens eius interpretes seu occulta Lusitanorum arte ut Xauerium retinerent, seu terrore periculorum inductus, nec opinantem illud subito deserit: Perstat tamen in sententia Pater, & cum vetere interprete, quanquam non satis idoneo proficisci constituit. Adoriuntur deinceps eum ex composito Lusitani, non tam illius quam sua causa solliciti. Circumfusi pro se quisq; rogant, si suo non tangatur, at alieno periculo moueatur. Sinarum Præfectos, si Sinas conetur irrumperè, vnius irritatos audacia nomen omne Lusinatorum ad supplicium vocaturos. Quod si certum fixumq; sit aleam tentare fortunæ, tamdiu certe cunctetur, dum opportuna profectio naues suas periculo subtrahat. Quibus ille quod ad ipsorum incolumitatem ac mercimonia pertineret, omnem illis timorem dempsit, persanctè pollicitus, non ante se, quo tendebat iturum, quam ipsi sese recepissent in tutum.

Ira maturantibus illis, suum Xauerius quoq; iter, ac transmissionem in id tempus apparabat. Sed ecce nouum etiam ante denunciatum ab amicis incōmodum: Mercator quocum deciderat seu horrore supplicij, seu inuidi hostis instinctu;

Lusitani conā-
tur Franciscū
ab incepto di-
mouere.

At; cum diu Xauerius cupidus expectaret, non comparebat, nec promissis stetit. Ita paulatim cum sanctum Dei præconem cuncta deficerent, vnus non deficiebat animus, & erga Deum fiducia, quin potius hæc, ad humanorum diminutionem præsidiorum amplificata, eorum loco omnium succedebat. Accessit & illud solatij, quod cum audisset Sionis Regem Legationem ad ipsum Regem Sinarum in annum insequentē meditari, statuebat si Cantonienſis ille portitor cōdicto tempore non occurreret, adnauigare Sionem, omniq; ope conſiti, vt cum regio Legato penetraret.

Francisci Ad-
cia in Deum.

Iam Lusitanæ naues ferè omnes vela fecerant, ac socium suum longo implicitum morbo, ne sibi in tam ancipiti re impedimento foret, in Indiam tempestiue remisit, ipse cum interprete Sina, alioq; puero in Sanciano remansit, erga reliquos inquilinos vſitata obtinens munera charitatis, incredibili ardore agendi, quam plurima patiendiq; pro Christo, Mercatorem adhuc illum oppetiens, quo cum pepigerat, inque omnia occasionis momenta vigilanter intentus.

Francisci cha-
ritas erga in-
quilinos San-
cianos.

Sed videlicet Deo magis cordi fuit, præmium inde quasi perfecti operis Xauerio reddere quam vt perficeret. Nondum satis forsitan ea regna ad Euangelisationem erant idonea, reſeruabat illud decus eius posteris Deus: Et tot ab eo susceptos exantlatosq; labores æternis maluit condecorare præmijs, quam aperire cursum ad nouos. Ita duodecimo Kalendas Decembris secundum rem diuinam quam pro mortuo fecerat, noua febris corripitur, cum eaq; progressus ad nauim, ægros de more conuſit, diuerſaturus utique inter eos, nisi matris nauisq; iactatio terram rēpetere coegisset. Hic igitur iacentem in publico Lusitanus æſtuantemq; summis ardoribus conſpicatus misericordia captus, in suum tugurium curandū, & pro sua tenuitate tractandū suscipit. Erat id tugurium ex ijs marginalibus, quæ ad extremam litteris oram Lusitani adhuc eo

Franciscus no-
ua febris corri-
pitur.

Franciscu La-
sitans agro-
rum suis home-
nis in suum tu-
gurium portat

tempore ab Sinis, ædificatione prohibiti subito, vt dixi excitabant, & in discessu disturbabant ventis & frigoribus peruium.

Hic hospes hospitem rogat venam sibi patiatursi incidere, nec abnuuit obsequens æger, cunctis se professus in rebus quæ ad curationem sui corporis pertinerent, tametsi non erat nescius, quales tandem ea Insula Medicos ferret, in medentium potestate fore. Misso sanguine non sine conuulsione & contractione membrorum fastidium sibi subsecutum est ingens. cibuspõrro idoneus ægroto præter paucas amygdalas serius à Nauarcho Lusitano traditas, erat nullus. Eo enim iam creuerat cibi horror, vt prorsus omnia respueret, totoq; biduo nihil gustaret. Iactabatur pestifera febris subsidijs omnibus destitutus, & morbus vrgebat in horas, cum tanta animi æquitate. Xauerius & morbum & incommoda perferebat, nulla vt exciperetur ex eius ore querela, nulla vox alienam implorantis opem. Illud vnum placide non ferebat, vulgari se & cõmuni leti genere in lectulo mori, sibiq; optatissimam martyrij palmam è manibus quodammodo rapi; quo tum insigni beneficio cum se profiteretur indignum, ad diuinæ prouidentia rationem animum denique suum ipse composuit. Atque vt in morbis grauioribus natura ferè cuiusque se prodit, sic ægro tante Xauerio singularis eius virtus ita se extulit, vt eadẽ propemodum faceret moribundus quæ consueuerat sanus. Nunc defixo in cælum obrutu, cum Christo fermocinans, nunc è psalmis pium aliquid suaue recinens, & eas subinde voces ingeminans, Ies v fili Dauid, miserere mei: Mater mei, memeto mei; quibus alijsq; consimilibus vocibus duos extraxit dies.

Francisci morbus augefcit.

Francisci patientia.

Francisci fermocinatio cū Deo.

Franciscus animam Deo reddidit suam.

Xauerius autem, vt affuit hora migrandi, tum vero preces intendere, & arrepto Crucifixi Domini signo crebros ante Deum gemitus edere, & imis è præcordijs mixta precibus spiria ducere. Cum autem gemendi precandiq; finem nullum faceret, voce pariter atque anima destitutus, extremum spiritum

rum edidit quarto Nonas Decembris, anno post Christum natum 1552. etatis quinto circiter & quinquagesimo, Indice suæ peregrinationis vndecimo, in ipsa cura ac meditatione Sinarum. Quid eius deinde mortem consecutum, quam lata oris facies, quam admirabilis incorrupti corporis in viua calce sepultura, quot prodigijs Goam vsque sanctum cadauer re-renauigarit, ijs narrandum relinquo, qui res eius gestas sunt persecuti. Quæ ratione nunc è calis Sinicam expeditionem disponi ac aperiri à Deo per Socios ac filios suos impetrarit, quod instituti nostri est, narrare posthac aggrediamur.

*Huius expeditionis principia iterum ab Societate
IESV instaurantur.*

CAPVT SECVNDVM.

TAMETSI non defuerunt ex alijs sacris ordinibus post obitum B. Xauerij Viri pietate ac reliquis animi dotibus insignes, qui hanc expeditionem Christianam tentarunt, è D. Francisci maximè, Diuiq; Dominici familijs; qui vel ab Indijs orientalibus Lusitana, vel ab occidentalibus Hispana nauigatione appulerant: quia tamen effectum sortiri incensa eorum studia (Deo fortasse illos alio vtilius auocante) minimè potuerunt, de illis dicere supersedeo, memor quippe instituti, ac eorum, qui hanc è Societate IESV expeditionem Christianam susceperunt.

Cui cum funes cecidissent in præclaris, præclaram illam hereditatem ab optimo Parente proprij corporis etiam depositione semel initam, filij nunquam dimiserunt, sed fecisse mihi videntur, non secus atque ij, qui fortissimæ arcis obsidionem aggressi, expeditam ad omnem rei bene gerendæ occasionem manunt stationem. Sedem igitur Societatis in limine huius regni per opportuno loco extructam statuerunt, quæ ex ipso

situ videbitur, qui necessario sub oculos ponendus, ne lector locorum imperitus, sæpius in historię progressu aberraret.

Lusitani Sinarum fines attingunt.

Sinarum gens suspiciosa.

Luci cupiditas Lusitanos in Sinas admittit.

Cum Lusitani primum immensa maria emensi, seculo superiore in ultimum Orientem penetrarunt, Sinarum denique fines attingere, & illius regni opibus exploratis, omni conatu cum ea gente miscere cōmercia procurarunt. Non erat res ita proclivis; Sine quippe præ omni gente, suspicionū etiam umbris territantur, id ex eo maximè tempore, quo erepto imperio Tartaris, ut dictum est libro superiore, serviēre. Innatum gentis metum augebat Lusitanarum classium apparatus, bellorum tormentorum fragor, navium ad eam diem Sinis inuisa magnitudo. Confirmabantur hæc omnia Mahometanorū, qui plurimi sunt in Emporio Cantonienſi testimonijs. In eam enim oram ad australem Sinarum plagam appulerāt Lusitani: asserebāt hi, gentem hanc Francos appellari, sic enim Saraceni Europæos vocant. Sinæ vero quoniam liquida R. omnino carent, nec unquam duas consonantes sine vocali media norunt, Falancos in hodiernam diem in provincia Cantonienſi dumtaxat nuncuparunt, quo etiam nomine nostratia tormenta bellica vocauēre. Asserebant inquam Francos natura pugnares ac robustos, gentium domitores, imperij sui fines solis uniuersi finibus definire. Testem nuper Malacam, testem denique Indiam uniuersam Europæorum armis commercij prætextu subactam. Hæc suspicio non vana, tamenſi Legatione Lusitanos arcuerit, ex quo euulgata est, euicit tamē luci cupiditas, ne à commercio excluderentur. Quæstus enim non ærario solum publico, sed priuatis etiam pecunijs ex hac negotiatione tantus est, ut Magistratus, dissimulato metu, eam nunquam excluderint omnino, sed sensim admiserint; verum ea lege, ut quamprimum, dissoluto mercatu, omnes in Indiam cum suis rebus reditum maturarent. Tenuit earatio annos plures, dum paulatim ab metu confirmati, in Insula maiori peninsu-

peninsulam exiguam ad habitandum negotiatoribus concesserunt. In ea peninsula idolum erat, quod hodieq; visitur, cui nomen Ama: Inde locus Amacao, ac si dicas Amæ Sinus appellatur. Hic deinde scopulus verius quam peninsula habitari cæptus, non à Lusitanis solum, sed ab omni vicinarum gentium colluie; propter nobile commercium rerum omnium, quæ vel ab Europa, vel ab India Molucisq; Insulis, nauibus Lusitanis vehébantur, frequentatus, quin etiam magis argenteorum nummorum cupiditas, ipsos Sinas ad cohabitandum inuitauit. Inde annis habentibus vrbs paulatim extrui cæpta est, nec solum cum Sinis commercia, sed etiam connubia Lusitani contraxere, atque ita vniuersam peninsulam ædibus priuatis opleuere, & è sterili scopulo nobile in paucis emporium assurrexit. Nec solum in ultimum orbem nauigatrix cupiditas negotiatores deportauit, sed ne latius paterent Imperij Lusitani fines, quam Christiana religio, non pauci eum in locum, vel Religiosi, vel alij Sacerdotes confluxere, qui Lusitanos conseruandos, vel indigenas ad Christum adducendos suscipere. quem etiam in finem Lusitani Reges, locum Ciuitatis appellatione donatum auctoritate Pontificia, Præsule adornarunt, quo facilius, nec sine Ecclesiastica Maiestate, sacrorum administratio in extrema orbis plaga redderetur.

His ita præmissis, ad institutum redeamus. Eo in loco Societas nostra sedem perpetuam fixit, ac primam Dei Matriq; dem ante reliquas omnes, quæ postea fuere non pauca, excitauit. Erat enim locus instituto nostro peropportunus. Cum enim Societas nostra iam inde à suis initijs Indicam messem, quæ vel in Oriente, vel in Occidente albescebat, sibi cum reliquis messoribus demetendam suscepisset, visa est hæc area in medio tot naualium sita, minimè negligenda. Nam inde in Boream patebat orbis Sinicus verius, quam Imperiū ad austrum Molucæ Insulæ: ad ortum Iaponia & Insulæ Philippinæ: ad

Peninsula Lusitanis concessa.

Comercia Sinarum cum Lusitanis.

Emporium ex Peninsula factum.

Prima Sedes Societatis Sinarum finibus Amacaensis.

Situs loci.

occa-

occasum vero Cochinchina, Camboja, Siaoum, aliaque per-
multa.

Ex hac igitur pugilum Christi statione, omissis ijs, quæ in reliquis orbis partes factæ sunt, excursionibus, ac potissimum illa nobilissima, quæ magnam Iaponiæ partem in obsequium fidei Christianæ captiuauit, In Sinarum quoque regnum serius quidem, sed aliquando tamen vexillum Christianæ Crucis importatum. Id qua occasione quoue euentu factum sit, aggredior enarrare.

Occasio ingressus in Sinarum regnum narratur.

Alexander Valignanus expeditionem Sinicam excitat.

Incitamenta Sinicæ expeditionis.

Qui Amacaensem Societatis nostræ sedem iam inde à primis principijs incoluerant, in Sinarum fines ingressum iam sæpè tentauerant, sed frustra, vel rei difficultate prohibiti, vel quod in expeditionē Iaponicā intenti, quæ tanto fructu procedebat, non omni conatu rem Sinicam procurarent. Ergo multis annis regio Sinica nondum ad messem alba videbatur. Ad extremum, ubi arrisit ei, qui tempora & momenta posuit in sua potestate, perfectæ res est optata potius quam sperata.

Alexander Valignanus è Societate nostra, Sacerdos Italicus, ex Europa venerat, à Præposito Generali Indiæ totius Visitator renunciatus, iamque lustrata ea Indiæ parte, quæ Cis-Gangem ab Europæis appellatur; ad eam quoque lustrandam, quæ ultra Gangem sita est, nauigarat, tandemque in Amacaensem portum delatus, in Iaponiam transmittere cogitabat. Verum nauigationis legibus prohibitus, decem non minus menses in Amacaensi nostrorū sede substiterat. Ibi re Sinensi ex integro accuratius explorata, topitum eius expeditionis ardorem excitauit. Ex Imperij magnitudine, gentis nobilitate, alta iam plurium seculorum pace, Magistratuum prudentia, Rei que publicæ administratione non vane ratiocinabatur, gentem Sinicam solertem, & studijs omnium bonarum artium addictam, adduci tandem posse, ut viros aliquot litterarum virtutisque laude præstantes in suo regno viuere pateretur, & maximè

maximè tales qui patrij sermonis litterarumq; iam non essent imperiti, neque hoc solum, sed spem non vanam videri, aliquando fore, vt huic genti, sanctissimæ legis nostræ scita fortassis arriderent, cum ea politicam Reipublicæ administrationem, non modò non inturbarent, verum etiam egregiè promoueant. Eò accedebat, fore, ut illa gens, suæ vanitatis fortasse pertæsa, cælestium bonorum desiderium conciperet, æternaq; spectaret.

His igitur alijsq; de causis omnino statuit, aliquot Sinen-
sium litterarum, sermonisq; studio designare, vt ij iam essent comparati, si fortasse aliqua pateret rima, qua Euangelicus præco sese in eam planitiem intruderet. Non deerant autem ex ipsa Societate nostra viri longo rerum Sinen-
sium vsu nobiles, qui Visitatoris sententiã improbarent, asserentes in tentandis Sinis Æthiopem lauari, ad quos B. Xauerus tam incensis studijs, tamq; profusa largitione penetrare minimè potuisset: cuius exemplum secuti etiam alij Religiosorum ordines, de re conficienda desperarant. Verum Visitator à suscepta deliberatione se diuoueri non est passus. quis enim ignorat, Superiorum animos, sæpè luce diuina, cum opus est, ad res perspiciendas collustrari? Ergo cum in Amacaensi nostrorum sede, tanta erat operatorum paucitas, omnino neminem reperisset, quem huic muneri destinaret; ad Præpositum Prouincialem scripsit in Indiam) is erat id temporis Rodericus Vincentius Lusitanus) vti primo quoque tempore, minimùm vnum sacerdotem rei operande idoneum, in hunc portum Sinarum mitteret. Ipse vero Visitator prius in Iaponiam quam solueret, scripto reliquit, quid ab eo, qui mitteretur, exigeret. & quam rationem in hoc Sinen-
si studio vellet obseruari.

Nominatus est igitur in India Michaël Ruggerius Italus, è regno Neapolitano, qui superiore, quam nominaretur, an-

T

no ex-ur.

Michael Ruggerius in Amacaensem portum delatus.

no ex Europa venerat, & iam in ora Piscaria rem Christianam procurabat. Is igitur in Amacaensem portum anno Domini 1579. mense Iulio cum appulisset, & Visitatoris mandata perlegisset, animum applicare cepit ijs, quæ facere iubebatur. Iubebatur autem Sinicum sermonem eum, qui curialis dicitur, & in vniuerso regno idem est, ediscere. nam præter hunc singulæ provinciæ suum habent diuersum, vt ceteræ orbis regiones Idioma. Characteres item & legere & pingere hieroglyphicos iubebatur, neq; enim paucis alphabeti figuris, vt reliquus ferè orbis, suos conceptus scribendo exprimunt, sed tot figuras pingunt, quot sunt voces, resq; vocibus significatæ, vt libro superiore fusius explicatum est.

Sinenfis idiomatis discendi difficultas.

Sit tantum facilitatis res ipsa habuisset, quantum animi adferebatur, maiores breuiori tēpore progressus extitissent. Sed idioma Sinicum non perdifficile solum est, & intricatum præ cæteris omnibus, de quibus quidem audierim, aut legerim; verum ipsa quoq; Magistrorum penuria difficultatem difficiliorem seipsa reddebat. Nam ij Sinæ, qui Amacaensi in oppido iam Christi sacris initiati, Europæo iam habitu cultuq; vivebant, & qui ad commercia ex interiore continente ventitabant, vtriq; erant æquè prope Curialis linguæ, ac Lusitanæ imperiti. Negotiatores quippe provinciale idioma frequentant. Curiale tametsi intelligant omnes, minus tamen politè eloquuntur. Characteres vero suos ne ipsi quidem vniuersos norunt, vulgus eos fere, qui ad commerciorum formulas satis esse iudicantur. Itaq; quam minimè ineptus Magister Patri visus est Sina pictor, qui quod linguæ deerat, arte suppleret. quippe non raro contingebat, vt, cum hieroglyphici characteris vim Europæo sermone non posset Magister exprimere, ad mutæ picturæ remedia recurreret. Sed tamen improbo labore, quem incensus amor minimè sentit, omnia superabantur.

Neque

Neque hac dumtaxat ratione bonus Pater ad rem Sinicam proludebat. Sollemne Lusitanis negotiatoribus bis quolibet anno nundinarum, tempus est, ad ea scilicet comparanda, quæ Indica nauigatio mense fere Ianuario, vel Iaponica exeunte Iunio solet euehere. Hæ nundinæ non in Amacaensi portu, nec in aliqua deserta Insula, vt olim, sed in ipsa Metropoli frequentantur. Nam ex oppido suo Lusitani Magistratum voluntate in Cantonienſis Prouinciæ metropolim biduo ferè aduerso flumine nauigant, & in eo portu sanè nobili in nauigijs pernoctant, diuinum tempus liberæ per urbem negotiationi deputatur. Sed hæc omnia tot vigilijs & cautelis, facilè vt appareat, antiquos etiamnum metus palpitare. Nundinarum tempus vtrumq; sigillatim bimestre, & sæpè longius. Hunc morem cōmemorauī, quia prima & hæcenus ferè sola Euangelij præconibus in regni penetralia penetrandi ianua fuit ex Lusitanorum, qui sanè magnam pietatis Laudem ubiq; referunt, vel industria, vel propensa in religionem voluntate.

Nundinæ Amacaenses an-
sam præbent
penetrandi in
Sinas.

Cum ijs igitur negotiatoribus P. Michael Ruggerius ad sua quoq; commercia cum Sinis ineunda, omnino ire constituit, eo maximè consilio vt exploraret, num ab aliquo fortasse Magistratu sedem in aliqua regni parte posset eblandiri. Initio magnam è recenti casu difficultatē sensit. Nuper enim cum alius è nostro ordine eò se ad sacra ex more, negotiatoribus per nundinarum dies procuranda contulisset, ad Christi fidem adolescentulum profani Simulacrorū Sacerdotis discipulum ita pellegerat, vt volentem in Almacænsē oppidum, sed clam tamen abduxerit. Id subodoratus Magister, apud Magistratus grauitè questus est, effecitq; adnitentibus etiam adolescentuli propinquis, vt Magistratus cum vi retorquerent non sine magna nostrorum molestia, vel apud eam gentem infamia, quasi malis artibus pueros seducerent, parentibusq; subducerent; quod apud Cantonienſes, vt non est inusitatū, ita est in paucis criminibus capitale.

T 2

Verum

P. Ruggerij sol-
lertia & comi-
tas in agendo.

Verum enim vero P. Ruggerij sollertia, & in agendo comi-
tas hanc denique maculam eluit, obicemq; perfregit. nam &
ipse cum nonnullis agere cepit magna eorum voluntate, &
maximè cum supremo maris præfecto, Hai-tao vocant, sub
cuius ditione etiam aduenæ, quotquot in prouinciam Canto-
niensem appellunt, eorumq; negotia, numerantur. Hanc Patri
necessitudinem conciliauit opinio virtutis atque litterarum:
quodq; intelligere eum ab Lusitanis pro parente ac Magistro
coli: delectabat eum etiam aduenæ Sacerdotis studium, quem
audiebat Sinicos libros euoluere studiosè. Quoties igitur ad
eius tribunal vna cū Lusitanis itabat, cum ceteri genu flecterēt,
qua ratione Magistratus omnes pro tribunali compellari so-
lent, eo iubente, Pater ad latus adstabat; quin etiam eum exe-
mit ceterorum lege, qui in nauigijs pernoctabant. nam in ipsa
vrbe locum ei designauit in eo palatio, in quo regni Sian Le-
gati, cum honorum Regi vectigal deferunt, excipi consueue-
re. quo in loco rei diuinæ operandæ possessionum accepit,
Sinenfium libris noctes diesq; intentus; eò Dominicis, festisq;
diebus Lusitani ad rem sacram, sacramentaq; suscipienda cō-
ueniebant. Id enim Patri liberè per eos dies dumtaxat lice-
bat, quibus commercia contrahebantur. nam ijs abeuntibus
ipse quoque ad suos redire iuebatur. Nec minor Patri fuit
necessitudo cum Supremo militum illius Prouinciæ Præfecto,
Zumpim Sinæ vocant, quem horologio donauit, quod rotu-
lis horas emetiebatur, & à quo vicissim, cum eum officij cau-
sa visitaret, per honorificè fuit acceptus.

Lusitani rem
diuinam & Sa-
cramenta fre-
quentant.

Non parum valuit hæc inita cum Magistratibus necessitudo
ad rem Christianam Sinis persuadendam: nam ex ijs, qui in
Amacaensem portum, com meatum, & alia minutiora cōue-
hant, non pauci, excussis gentilitatis tenebris, Euangelicam
lucem aspexere. Vnde cum Catechumenorum numerus ex-
creuisset, pia Lusitanorum liberalitate domus ijs imbuendis
apta

apta, in proximo colle post ædem nostram sacram excitatur ex oratorio à D. Martino appellata. In ea domo indigenas imbuebat liberius, non perturbato inferiore domicilio, vbi Lusitanorum maximè salus procurabatur. Liberius etiam ibi Sinensibus libris, adhibitis interpretibus, insudabat.

Domus pro Catechumenis à Lusitanis extruitur.

Iam hoc nouale spem amplioris messis dabat, sed duo erant quæ agri illius culturam disturbabant: vtrumq; ex Operariorum paucitate nascebatur. Nam cum occupationes nostris Ministerijs annexæ cū gente Lusitana essent permultæ, oportebat quoq; P. Michaellem necessario in his occupari, & à Sinensi studio negotioq; auocari. Deinde cum in Cantoniensem Metropolim ad nundinas, vt dixi, nauigabat, Amacai bene cæpta, nullo prosequente, interrompebantur, magno rei Christianæ damno, nam subinde vtrumq; nundinarum tempus continuatum, dimidiatum annum exæquabat. His incommodis accedebat, quod non satis expeditè aliquod idioma sola speculatione sine exercitio comparari potest, quod patri accidebat, qui solus in hoc studium incumberebat.

Amacai operariorum paucitas cæpta disturbat.

De omnibus monitus per litteras in Iaponia Visitator, ex India P. Mattheum Ricium in huius expeditionis sociū euocauit. Ex Europa venerat is eadem nauigatione cum P. Ruggerio, & tum Goæ Theologicis studijs finem imponebat. Is vbi appulit eandem spartam ornare, & idem cum socio iugum ducere cepit, & absenti P. Ruggerio suffectus, inchoatum opus prosequabatur. Idque eò commodius, quod iam vetuerat Visitator eos, qui rem Sinicam procurabant, ad alias occupationes auocari. Hic porro est Matthæus Ricius, cui præ cæteris, qui cum eo impigrè adlaborarunt, expeditio Sinica in acceptis referri debet.

P. Matthæus Ricius ex India Amacai euocatur.

T₃

Intra

Intra eundem annum tertio Patres in Sinarum regnum admissi stationem tamen in eo nondum impetrarunt.

CAPVT TERTIVM.

Quatuor Principes Iaponenses Romam proficiscuntur.

Sodalitium nominis Iesu sacrum instituitur.

ANNO humanæ salutis 1582. è Iaponia rediens Pater Valignanus Visitator, quatuor illius Insulæ Principes secum adducebat, qui à Regibus ac Dynastis nonnullis Romam eo consilio mittebantur, ut debitam Pontificiæ sedi submissionem Christiano ritu præstarent, quod etiam fecere, & in patriam deinde salui rediere. Quo vero tempore commodam nauigandi occasionem in Amacaensi Collegio præstolabatur, nihil antiquius habuit, quam ut rem Sinicam omni conatu promoueret. Nam in eum finem sodalitium erexit in æde nostra sacro IESU nomin insignitum, & id sodalitium sanctissimis legibus instituit aptissimisq; ad Neophytorum salutem promouendam. Vetuit porro, ut ea res feliciorem haberet successum, Lusitanos homines in sodalitium illud adscribi, sed Sinas dumtaxat vel Iaponios, cæterarumq; nationum in fide tyrones. Ea res quotidianis aucta incrementis, Dei gloriam in eaciuitate magnopere sanè promouerit. Administrari porro semper sodalitium voluit ab vno ex ijs Patribus, qui iam essent expeditioni Sinicæ attributi. quem etiam fungi voluit alio munere, à quo in ijs Regionibus Pater Neophytorum appellatur. Sub cuius cura Neophyti omnes aut Catechumeni esse consueuerunt: ut eorum non solum salutem promoueat, sed etiam negotia auctoritate sua dirigat, & consulat pauperati. Hæc domi nostræ gesta, dum ingressum ad maiora diuina bonitas aperiret, quod eodem ferè tempore contigit in hunc modum.

Prouinciæ Cantoniensis Prorex in primis sui ordinis habetur.

tur. cuius enim prouincia hæc in extremis regni finibus sita, ^{Prouincia Cantonienſis.} quam longiſſimè diſtet à Regia Pequinenſi, eaq; tota mari al-
luatur, non raro contingit, vt infeſtæ latronibus viæ pyratibus
maximè Iaponibus maria videantur. hinc ſtatutum eſt, vt Can-
tonienſis Prorex in vicina quoque Quam-ſi prouincia pote-
ſtatem exerceat, ſiquando caſus illum aliquis ad numeroſio-
rem delectum adſtringeret, tum enim ex illa quoque prouin-
cia militem legere ſummo iure poteſt. Tametſi ea, quam di-
xi, Quam-ſi prouincia ſuum quoq; Proregem habeat, inſtar
cæterarum, hæc etiam ex cauſa Cantonienſis Prorex, minimè
in ſua metropoli, quod reliqui faciunt, ſed Sciauquini ſedem
habet, quæ ciuitas alteri prouinciæ contermina cõmodiorem
viſa eſt habere ſtationem.

Hoc igitur tempore ſupremum hunc Magiſtratum gere-
bat è prouincia Fuquiana oriundus nomine Cinſui, vir ſagax,
idemq; numorum cupidus. cum itaq; cuperet aliquid ab Ama-
caenſibus emungere, hoc uſus eſt artificio. Diploma ad eos
miſit, quo diplomate iubebantur Episcopuſ, ciuitatiſq; Præ-
fectuſ ei uſe quamprimùm ſiſtere tribunali; quod intellexiſ-
ſet ab hiſ aduenas illos negotiatores gubernari, re in delibe-
rationem vocata, parum tutum & è dignitate Luſitana viſum
quod iubebatur. Ne tamen edictum ſpreuiſſe & Proregis au-
toritatem neglexiſſe viderentur, ſtatutum eſt, vt nominato-
rum vicem alij duo ſupplerent. Episcopuſ vicem auctore P. Va-
lignano Viſitatore ſupplere iuſſuſ eſt P. Michael Ruggeriuſ,
eo conſilio, vt tentaret, an perpetuam in eo regno poſſet ſta-
tionem impetrare: in Præfecti locum Urbanuſ Auditor no-
minatuſ Matthiaſ Penella dicebatur. ad Proregem porro cõ-
ciliandũ, ne forte inchoatum commercium interturbaret,
ſumptu publico non exiguum munuſ earum rerum, quibuſ
Sinuſ delectari conſtabat, mittebatur. Panni holoſerici (quos
adhuc eo tempore Sinuſ conficere neſciebant) vndulata ve-
ſtes

Ingreſſuſ in Si-
narum regnũ
tentatur per
duoſ è no-
ſtris legatoſ.

stes, Crystallina specula, & id generis alia non pauca, quæ mille aureorum summam excedebant.

Legati à Pro-
rege Cantoni-
ensi accipiun-
tur.

Excepti sunt à Prorege maximo apparatu, ad incutiendum verius terrorem, quam Legatos cohonestandos comparato. Verum inspectis muneribus, quoniam in eum finem hæc omnia cudebantur, subito supercilium deposuit, vultuq; ad serenitatem composito statuit, ut in suo portu degerent, ad eum modum, quo hæcenus fecerant, Sinensium Magistratum legibus obtemperantes, quæ verba solemnes esse formulæ videtur. nam Lusitani suis ibi legibus, & reliquæ nationes eorum nutu reguntur, etiam Sinæ, qui cum religione Sinensi habitu deposito Europæum induerunt. Reliqui Sinæ sub gregarijs Magistratibus viuunt, quos in eum portum Cantonienfis Respublica delegat. Sed ad Proregem redeamus. ad munus porro quod attineret, nolle se quicquam, nisi persoluto accipere, ac subito ex interprete singulorū pretio audito, argenti pondus pro tribunali pendi iussit. Id faciebat, quoniam largitiones in eo regno seuerissimè puniuntur. clam tamen misit, qui renunciaret, id argenti pondus ideo appendi iussum, ut alia totidem sibi denuo compararent, & ad se illi ipsi deferrent.

Legati argenti
pondere dona-
ri honorificè à
Prorege dimit-
tuntur

Non prætermisit P. Rugerius, id, cuius maximè causa venerat, usus interprete, proponere: asserens se iam Sinensi sermoni, litterisq; operam dare. quare Prorex maxime se delectari prætulit, spemq; fecit, cum aliàs rediret, id quod petebat obtinendi. Donatos deinde argenti pondere, vario com meatu, maximo magistratuum militumq; comitatu, & vario tiliarum aliorumq; instrumentorum cantu, per publicos vrbis vicos ad suum nauigium magnificè remisit. tantum potest apud omnes lucelli spes, sicubi videtur affulgere.

Augusto mense, ut fere solent aduenerant ex India in Amacaensem portum onerariæ Lusitaniæ. ijs vehabantur à Societate non pauci; vel Amacaensi Collegio, vel expeditioni
Christia-

Christianę apud Iapones destinati. Vnus P. Matthæus Ricius, Matthæus Ricius Amacau appellat. de quo supra, Sinicam in spem vocabatur. Attulerat is secum horariam è rotis machinam, non inelegantē, Præpositi Provincialis munus, ad rem Sinensem promouēdam. Et id temporis vrbs Præfectus Auditorem (comparatis iam è Proregis voluntate omnibus) ad eum remittebat, cui etiam vt prius P. Ruggerius comes addebatur, sed importunè, vel potius, vt ex euentu videbitur, opportunè cecidit, vt in grauem morbum incideret. Ergo Proregi per Auditorem renunciari iubet, se per morbum ex condicō redire minimè potuisse, habere sc̃tamen machinam perelegantem, quæ nullo pulsante, horas ære campano metiebatur, quæ res Sinensibus noua & inaudita adhæc vsque tempora miro semper stupori fuit. Fecit Auditor quod erat rogatus, nam oblati Proregi suis mercibus, interrogauit, quid esset causæ, cur Pater minimè ex condicō venisset. Ægritudinem vetuisse cum dixisset, mororem præferulit. vbi vero de horaria machina inaudijt, tanta eius cupiditate exarsit, vt mox ei, quem habebat à secretis, imperarit diploma suo nomine scriberet, quo Pater cum primum per ægritudinem posset, cum admirabili opere illo venire iubere-
tur.

Diploma illud cum Amacail lectum est, plura etiam continebat: Patres enim auctoritate publica vocabantur, vt ædem Per Diploma Patres Amacao ad Proregem vocantur vtramq; sacram & priuatam ea in vrbe excitarent. inde magni applausus, vel domi, vel foris velut in re diu expetita facti. Ipse verò visitator satis dubius, quid in re præsentī statueret, hæc-
re capit. sentiebat enim nondum satis esse P. Ruggerium instructum ijs præsidijs, quæ ad rem tantam requiri videbantur. permagni enim refert initia benè cōstitui. Parum absuit, quin hanc occasionem, nisi Patrum cæterorum consensus arrip-
endam peruasisset, elabi sineret. Inter eos socios, qui in messem Iaponicam mittebantur, aduenerat P. Franciscus Pafius, quem

P. Franciscus
Pafius in par-
tem laborum
mittitur.

quem iam diximus ex Europa eadem navigatione cum superioribus Patribus Sinicæ rei addictis in Indiam appulisse. Vir insigni prudentia solertiaque & gubernandi laude præditus. Eum Visitator præ cæteris elegit unum, qui præclaris animi dotibus sermonis imperitiam supplere posse videbatur. Ei P. Ruggerium collegam assignauit. P. vero Matthæum Ricium D. Martini Catechumenorum Collegio præfecit, ad reliquos deinde duos accessurum, si spes euentum esset sortitura. Et quia Indicæ navigationis fese tempus per eos dies aperiebat, qua Visitator una cum Dynastis illis Iaponibus in Indiam cogitabat, scripto reliquit, ut si fortè re infecta Patres redire cogerentur, P. Franciscus Pafius in destinatum sibi prius Iaponiam nauigaret, alij duo in aliam rei benegerendæ occasionem intenti, suum nihil ominis institutum prosequerentur.

Duo socij ad
Proregē Sciau-
quinum per-
ueniunt.

Duo igitur socij Sciauquinum ad Proregem cum peruenissent, horariam machinam obtulerunt, cui accessit etiam vitrum trigonum, in quo nientitis cum voluptate coloribus obiecta referuntur. Ea quoque res Sinis insolens, opinionem diu habuit lapidis mirè pretiosi. Mirum, quantum Prorex utroque sit recreatus, & quanta beneuolentia socios exceperit. Assignauit quoque non incòmodam in Idolorum fano suburbano, cui Thien-nin-zu nomen est, stationem. quo sæpè comæatum, & varia edulia submittebat, nec raro socios in suum palatium visitationis officio fungentes admittebat. In eo fano quatuor aut quinque plus minus menses commorati, à varijs Magistratibus Virisq; primoribus interuisebantur. Iamq; magnam in spem venerant, eam stationem fore perpetuam. nam etiam ab eo qui Proregi erat à secretis, uti P. Matthæo venire quoq; liceret, impetrarant. Et iam ille se in Amacaensi Collegio ad iter sedulo comparabat; Sed ecce tibi subito casu res omnis euerfa, spem visa est sustulisse potius, quam distulisse.

Prorex stationem
socijs designat.

Nam dum res cum cursu tenerent, subitus ex aula nunci-
cuius

cuius Proregi tristis, cum officio, nescio qua ex culpa excidisse, nunciauit. Veritus igitur ne aduenarum in proregia vrbe statio successorum minus arderet, indeq; sibi maius malum accerferet. Socios ex ea vrbe ita dimisit, vt in Metropolim ramen diplomate suo munitos ablegaret; quo diplomate iubebatur, vt ijs Magistratus agrum ædi simul, ac ædibus in ea Metropoli designaret. Eam Metropolim Sinæ Quam-cheu vocant, sed Lusitani ex Prouinciæ nomine delusi, Cantonium appellarunt.

Socij à Prorege tristi quodā nuncio, dimittuntur.

Hæ rerum vices acerbè sane socios affecerunt, quod eam rem ad speratum finem perducere minimè licuisset. satis enim intelligebant, nullum in Exproregis diplomate præsidium fore, ne nihil tamen intentatum dimitterent, in Metropolim secundo flumine renauigarunt, nec minus accidit, quam quod fuerant suspicati, aberatum forte maris præfectus, quem supra diximus Hai-tau nominari, ad quem nominatim diploma dirigebatur, & vt adfuisset, nulla diplomatis habita ratione, ne exscendere quidem à riparum custodibus sunt permisi. Ergo in Amacaense Collegium cum mœrore redierunt. Pater deinde Pafius ex Visitatoris voluntate in Iaponiam nauigauit; vbi annos plures strenuè desudans, deniq; Præpositus Proprouincialis utramq; missionem, Sinensem videlicet, atque Iaponensem, diu gubernauit. Et cum ea deniq; utraq; expeditio, Prouincia esset à Præposito Generali appellata, ipse illius Visitator renunciatus, in Amacaense Collegium venerat, rem in primis Sinensem curaturus. sed intra paucos menses extinctus, magnum sui desiderium reliquit. Nam ex ea excursionem suam primam, nescio an amoris plus, quam experientia, animū adiecerat ad rem Sinicam promouendam. quod sanè fecerat è Iaponia sedulo semper & accommodatè.

P. Franciscus Pafius moritur.

Videamus qua ex causa tertium in regni fines sine fructus utilitate sint nostri euocati. Apud Sinenses Magistratus vsu

Tertium sine fructu, socij in regni fines euocantur.

receptum est, ut omnium quæ scribuntur diplomatû, exemplar in Archiuo asservetur, & quid in singulis executioni mandatum sit, ad calcem apponatur: ut quolibet in euentu constet; quid mandatum, quid peractum. Exturbato igitur Prorege, cum successor aduenisset, ac forte diplomatum volumen eo presente euolueretur, inuentum est exemplar eius diplomatis, quod abeuntibus socijs Exprorex tradi imperarat. quod cum effectum sortiri minimè potuisset, nihil ad calcem de more scriptum legebatur. Prorex itaq; in metropoli super ea re scribi iussit ad maris Præfectum, ad quem id diploma fuerat destinatum. Ille quoniam absuerat, omnium inscius, scribit ad Gubernatorem Urbis, quem Ansanum Lusitani, Sinæ Hiam-xan vocant, quod sub eius ditione Amacaensis quoque portus contineatur. Sed ille quoque inscius, ad eos militum præfectos, qui Amacaensi portui præsunt, mandatum scribit, uti de ea re quamprimum inquirât. Ergo cum Episcopum adissent, in Collegium nostrum sunt amandati, quibus diploma, ut erat sigillo suo munitum, ostensum est, id illi sibi tradi summopere postulabant, indignum rati, Proregis quondam sui diploma in manibus esse aduenarum. Re in deliberationem à socijs vocata, per commodè incidit eo tempore, Visitatore absente, adesse Viros è nostra Societate primarios: Nam Æthiopiæ Patriarcha aderat Melchior Carnerus, qui Æthiopicæ expeditioni dissolutæ superfuerat, & Episcopatum Amacaensem in Pastoris absentia moderatus, aliquamdiu fuerat Collegij Rector: erat & idem Sinicæ missionis superior, P. Franciscus Capralis; aderat Ex Rector eiusdem Collegij P. Petrus Gomezius, & necdum abierat P. Franciscus Pafius, & alij multi, qui Iaponicam in prociectu navigationem præstolabantur. Concilium erat omnibus, diploma illud Sinensibus illis militum Præfectis minimè restituendum, sed vrgendum, ut socij duo, illud ipsi in Metropo-

metropolim ad Maris Prefectum deferrent, & illius executionem postulerent. In eam rem P. Ruggerius & P. Matthæus Ricinus nominati, nec illi ipsi militum Praefecti abnuere, & quoniam ultra non poterant, in Ansanum urbem nauigandi fecere facultatem ac sponponderunt, ibi urbis Gubernatorem, Ci-hien vocant, eos ulterius in Metropolim dimissuros.

Ansanum ubi socij peruenerunt, pro tribunali auditi sunt, sed eo euentu, vt Gubernator diploma sibi tradi postularer in Metropolim amandandum, quod cum Socij facere abnuerent, excanduit, arreptumq; diploma in terram abiiecit; Proregis inquit officio deturbati, diploma prodesse quicquā posse arbitramini? in metropolim vero nauigandi prorsus renuit facere facultatem, sed omnino impetravit, vt retro ad suos renauigarent. Abiere socij tristiores, quod aditum in ipso sibi limine occlusum aduerterent. In hospitium igitur suum reuersi, audax sane consilium inierunt. Ex hoc oppido in Metropolim nullo non die nauigat oneraria quædam non maxima, qua multi quotidie mortales se suaque transmittunt. In eam statuere, nulla ceteroquin alia facultate, se si admitterentur immittere, & incio Gubernatore in metropolim nauigare. Tergiversabatur initio Nauarchus aduenas recipere. Sed Patrum interpres adolescens utique solers, ostenso Proregis diplomate, Nauarcho imposuit. In onerariam igitur vna cum sarcinis admissi, dum se iam vela facturos putant, eijciuntur. Nam ceteri, qui eodem nauigio in metropolim transmittabant, nauarchum ita terruerunt, vt mutato consilio, Patrum sarcinas in ripam eiecerit, ipsiq; coacti in hospitium, vnde venerant, redire.

Eo ipso tempore tristis Urbano Gubernatori nuncius de morte sui parentis aduenit, qua ex causa officio exutus, ipso momento, ex consuetudine Sinensi, ad triennem luctum domum priuatus repetebat. Inde factum est, vt nullo prohibente,

V 3

dies

Ansanum perueniunt socij ad Gubernatorem.

Audax facinus socij aggrediuntur.

dies aliquot socij in eo oppido substiterint, omnemq; lapidem mouerint, ad Metropolim adeundam. Id deniq; paucorum nummorum largitione impetrarunt ab eo, qui Gubernatori suffectus erat, & ope Notarij, qui, ne aliquod sibi malū crearet, eam facultatem ita texuerunt, vt non largitionem accepisse, sed Reipublicæ obsequium præstitisse viderentur. Socij itaq; inscj in metropolim velut captiui nauigarunt. Sic enim scribebatur hos sacerdotes aduenas Ansani repertos, quod haberent, videlicet nescio quod Exproregis ad Maris præfectum, diploma, ad quem mittebantur.

Perueniunt in
Metropolim.

Non ideo minus benignè ab Maris præfecto excepti, nec referato diplomate, rogantur ecquid velint? Responsum supplici libello iam rite confecto datum, quo libello continebatur; eos esse viros Religiosos, qui per tot maria, è patrio solo venerant, Sinensis imperij fama allekti, vt in ea ad extremum vsque spiritum degerent. Nihil se aliud postulare, quam exiguam aream, in ea se cæli Domino ædiculam excitaturos, nemini se porro oneri futuros, vitæq; necessaria se corrogata iam ab suis stipè, curaturos. De Christianæ legis euulgatione, nec in hoc libello, nec primis principijs vllus fiebat sermo, ne ea res necessariam in eo regno stationem impediret. neq; enim ira de se abiectè sentiunt Sinæ, vt arbitrentur se aliquid ab aduenis audire posse, quod non in suis libris habeant accuratius explicatum. A nouæ quoq; legis prædicatione mirè abhorrèt, experti quippe, seculis sæpe superioribus, ciuiles rerum nouarum tumultus ab ijs capisse, qui prætextu legis nouæ multorum ad rebellionem conspirantium cætus cum Reipublicæ perniciæ cogebant.

Socij impetrat
ad tempus cō-
morandi facul-
tatem.

Supremus Maris Præfectus sociorū vota laudauit quidem, sed respondit tamen id in Superiorum Magistratuum esse voluntate, & à solo Prouincie Visitatore, Ciai-yuen ipsi vocāt, vel à Prorege posse concedi. Causantē hæc Maris præfectum,
socij

focij rogarunt, vti saltem in ea metropoli tantisper cōmorandi sibi faceret facultatem, in Palatio Legatorum regni Sian; vbi nundinarum tempore solebat P. Ruggerius commorari, donec nundinarum Lusitanarum tempus adueniret; interim se vel à Protege, vel à Visitatore impetraturos, vti ratam eam haberent stationē. quam rem præsentibus concessit quidem, sed eo ipso die renunciari iussit: Prouinciale enim lustrum per eos dies ab Visitatore instituendum, aiebat proinde vereri se, ne si eos ille, quo tempore negotiatores absunt, in Metropoli reperiret, id minus moderate laturus esset. Illius censuram nulli non Magistratui esse formidabilem. Imperavit igitur, vti extemplo Amacaum se referrent.

Conijci facile potest, quo mœrore socios tam inexpectatus nuncius affecerit. Abiēre tandem, vbi nullam commorandi spem, adhibita omni industria, superesse viderunt. Ansanum peruenerunt ac res peggiore in statu, quem ante repererunt. Pro Vrbanis portis Proregis noui, cui cognomen Co, edictum expositum legebatur, quo edicto præter alia, quæ prouinciale bonum, attinebant, hoc, quod ad rem spectabat, de Amacensisbus sanciebatur: Primum querebatur multis, varias Amacai fraudes, & alia contra leges fieri, quorum omnium culpam in Sinas ipsos aduenarum interpretes reijciebat, à quibus ipsi aduenæ ad ea sollicitabantur, ac instruebantur: Sed præter cætera compertum sibi esse, Aduenarum interpretes persuasisse externis quibusdam Sacerdotibus, vti Sinarū sermonem & characteres ediscerent, & aream in ipsa metropoli peterent ad excitandam ædem sacram, simul ac priuatam, quam rem asserebat regno suo perniciosam, cui non expediret aduenas in interiora admitti. Minabatur denique se interpretes illos, nisi desisterent grauibz supplicijs mulctaturum.

His auditis, ijsque viris, quæ ipsis acciderant, integro mense quo negotium hoc excurrit, & animaduersa incredibili a-
uersione

Amacaum en-
guntur reuerti

Edictum Pro-
regis noui

uersione, qua Sinæ aduenas detestantur, spem prope omnem socij deposuerunt, sedis vnquam in regni penetralibus locanda. Hoc potissimum Prorege Magistratum gerente. neque enim videbatur ille ipse facturus, quod tantopere improbaret.

Sciauquinum Patres euocantur, & facultatem impetrant ædis extruendæ, sedisq. figendæ.

CAPVT QVARTVM.

Patres Sciau-
quinum vocan-
tur.

Admiranda
Dei consilia.

DESPERATIS ad hunc modum rebus, satis admirabile videri potest quod subiungam; nondum à sociorum regressu hebdomada tota effluxerat, cum è Proregia vrbe Sciauquino in Amacaensem portum appulit è Proregis Satellitio famulus; deferebat is patentes illius gubernatoris litteras, qui vniuersam illam regionem ex officio moderatur, Ci-fu; Sinæ vocant, ijs litteris è Proregis auctoritate Patres è Societate IESV Sciauquinum vocabantur, aream e publico ad ædem simul, & ædes extruendum accepturi. Hæc sanè mutatio, dexteræ excelsi, & non humanæ industriæ tribuenda. Absit verbum illud: Manus nostra excelsa, & non Dominus fecit hæc omnia, sed cogitandum potius socijs, in futuris deinceps laboribus post mortales industrias spem supra spem erigendam, nec vnquam desperanda meliora. Prorex quidem, acerrimis verbis nuper eam rem publico diplomate improbat: Gubernator eius regionis Patres nostros ne viderat quidem: sed non est conciliū aduersus Dominum, in cuius potestate sunt tempora & momenta: quibus ab æterno statuerat hanc gentem sua luce collustrare, & in manu potenti, brachioq. extento oclusas tot sæculis fores Euangelij sui præconibus aperire.

Nam quod in eam rem fecisse Patres narrabatur, nā nihil humanis calculis rem subducendo proderat ad rei tantæ creationem,

tionem, si non ea manus interuenisset, quæ omnia ex nihilo potenter eduxit. Narrabant enim, Patres, se cum secundo Sciauquinum admissi ab Exprorege dimitterentur in Metropolitim, præsentibus aliquot Proregum famulis, certam pecuniæ summam ei spondidisse, qui à nouo Prorege reditum eis impetraret. E quibus vnus, isque infimi ordinis ex ijs militibus, qui pro foribus palatij excubabant, libellum Proregi obtulisse dicitur, velut sociorum interpretis nomine, quo libello stationem socijs ea in vrbe permitti, & aream ad ædem utramque dari postulabat. Mira res, qui aduenas sacerdotes eorumque interpretes ita crudeli edicto exagitarat, libellum sibi ab abiectissimo satellite oblatum, non modo non reiecit, sed ad Gubernatorem regionis (dicebatur is Guam-puon è prouincia Cequiana) remisit expediendum; is patentes militi litteras dedit, quas ille ipse ad Patres detulit Amacaum.

Æstimari facilius quam dici potest, quo alacritatis sensu rem illam nostri acceperint. idque eò magis, quò inopinata vehementius in animos velut insiliunt, & irritant omnino potentius. Videbantur enim sentire diuinam manum, & supra vim humanam cæleste consilium. Toties igitur nominati huius expeditionis pugiles, ea comparare ceperunt, quæ ad eam rem necessaria esse videbantur; Neque id sine labore, nam cū hoc ^{Incōmodum} ^{Patribus obij-} ^{citur.} negotium ex amicorum liberalitate penderet (ex ijs enim plerique, tribus intra paucos menses excursionibus largitatē exhauserant) hanc quoque profectiōem non secus ac reliquas inuentum abituram, non omnino temere verebantur. Accesserunt eodem multa illius anni naufragia, maximè vero Iaponiensis onerariæ in Insula Leuquiceo, in qua vna sunt prope vniuersæ ciuitatis opes, manum strinxerant eorum, quibus aliàs erat ex more profusus.

Verum & hoc incōmodum, Deo prouidente, sublatum. Amacai debebat ijs temporibus Lusitanus Negotiator tam ac-

X

quiren-

Eleemosyna
socijs subueni-
tur.

Benefactor Pa-
trum Societate
ingreditur.

In naufragi so-
cij compræ-
henſi.

E D. Francisci
familia ali-
quot in Nau-
fragio capiun-
tur.

quirendis opibus, quàm largiendis fama celebris; Gaspar Viegas dicebatur. Is qui hanc expeditionem in primis semper adiuerat, & nunc eam calamitosissimo ciuitatis tempore minime dereliquit. nam pecuniarium eleemosynæ nomine subsidium socijs eiusmodi contulit, vt huius expeditionis inijs sufficere posse videretur. Et quoniam eius officiosè memini, non omittendum duxi, quod is Goanam Probationis domû Societati crexit, annuoq; censu stabiliuit, ac deniq; morti vicinus in Societatem nostram adscribi petijt, & impetrauit. Neque vero ille solum, sed alij quoq; amici, Collegijq; Rector P. Franciscus Capralis multa contulere; quibus instructi, soluerunt magna spe pleni, fore vt nunc tandem aliquando hoc negotium optato fine clauderetur.

In Cantonienſi Metropoli, & nunc & cum prius Sciauquino dimissi redirent, Hispanos reppererunt. Nam cum è Philippinis Insulis nouam Hispaniam peteret oneraria quædam, vi ventorû in Insulam Prouinciæ Cantonienſis acta, cui nomen Nair tau, ibi naufragium fecerat. Cum porro omnes è salo in solum euasissent, ab Sinis compræhenſi aſſeruabantur, dum statueret Prorex quid ijs fieri vellet. è quibus tres omnino aduentus sui rationem reddituri in Metropolim fuerant amandati. Nunc vero octo decemue è Sacra D. Francisci familia religiosos reppererunt, qui ex ijsdem Insulis Philippinis in regnum Sinenſi conterminû, Caucincina dicitur, ideo nauigant, q; auditû erat, illius Regem Christiano ritu eodem sacrâ velle excitare. Verum postea peius habiti redibant in patriam: quo in reditu naufragium in Insula Sinenſi Prouinciæ Cantonienſis, cui nomen Hainan, passi, à Sinarum classe compræhenſi, rebus omnibus exuti, & pro pyratibus habiti, Magistratibus sistebantur. Magna fuit horum Patrum exultatio, nec minima nostrorum, cum se eadem ex causa inter infideles repperirent. Eos nostri, quia liberi captiuos omni humanitatis of-
ficio

ficio recrearunt, quin etiam effecerunt, ut ex ijs aliqui Augustissimum Missæ Sacrificium in Palatio Legatorum regni Sian, ubi nostri commorabantur, celebrarent, quod cum iam diu minimè licuisset, magno cælestis gaudij sensu perfecerunt. Nec nihil in omnium liberationem contulere, cum enim à nostris assereretur, eos esse viros Religiosos, de quib⁹ id ne suspicari quidem liceret, cuius insimulabantur, rogareturq; uti lautius haberentur, Amacai omnia etiam cum fænore restitutionenda; breui factum est, ut egentes abundarent & captivi omnes liberarentur, in oppidum Amacaense amandati. Hæc in transitu. Discesserāt è Collegio socij Sēptembri mense ineunte anni 1583. & Sciauquinum duce Milite illo nemine vspiam iter retardante, quarto Idus eiusdem mensis pervenire. Mox in Gubernatoris palatium deducti. ab eo pro tribu-
 nali tum sedente, flexis genibus, ut ceteri, perbenignè fuere accepti, interrogatiq; qui, & unde, & quorsum? Hi opera Interpretis in hanc fere sententiam responderunt. Esse se viros Religiosos, qui vnum cæli Dominum pro Numine venerabantur: Venisse se ex ultimis ad occasum orbis partibus, itinere annorum trium quatuorūc ad hoc Sinarum Imperium illius fama evocatos: cupere se in hoc locum aliquem, ubi procul à Negotiatorum tumultu, & rerum profanarum impedimentis (quæ Amacai omnino repererant) liceret sibi exiguas ædes ad habitandum & ædiculam ad numen colendum excitare, quod suum institutum ad extremum vsque diem certum erat retinere. Eum igitur enixè rogabant, ne sua vota rejiceret, seq; in perpetuum, hoc tam insigni beneficio adstringeret, maximè quod sponderent, nemini se molestiam aut sumptum parituros. Vir erat natura comis, & ad bene agendum propensus; ergo subito amore socios est complexatus, & quibus in rebus potuit impensè semper fovit. Respondit igitur in hunc fere modum. Nihil se dubitare de eorum, cuius in-

Franciscani
nostrorum o-
pera liberan-
tur.

Socij Sciauquinum perveni-
unt à Gubernatore exami-
nantur.

tuitu, illorum se patrociniū suscepturum: Obirent igitur ciuitatem, loca omnia lustrarent, vnum eligerent, effecturum se, uti Prorex in eorum veniret voluntatem.

Turris exedificatur in agro Sciauquinensi. Hoc eodem tempore Sciauquinensis regio communi vr-
decim vrbiū suarum sumptu turrim exigebat exijs, quas an-
tiqua superstitio persuasit, sortem vniuersæ regioni prosperam
importare. Et iam primū pauimentum, supra quod alia no-
uem erigenda erant, assurrexerat; & amænissimo quidem lo-
co ad ripam fluminis magni, & commodè nauigabilis, à quo
Proregum & Gubernatorum sedes Sciauquina sub ipsa vrbi
mania opportunè alluitur, à quibus aberat turris milliario &
amplius; verum eo vsq; & vltius etiam ager suburbanus ha-
bitatur non infrequenter, & consitis arboribus hortisq; cum
voluptate spectatur. Eodem in agro erecta iam turri, magni-
ficum templum delineabant: quo in templo, Gubernatori sex
totos annos de vniuersa regione, litteratis ac plebe beneme-
rito, grati animi testem, è gentis ritu statuam statuebant.

Sedes Patribus à Gubernatore conceditur. In eum locum nostri, ab eo milite, qui eos adduxerat, &
alijs quos è superiore aliquot mensium statione sibi concilia-
uerant amicis deducuntur, isque ita cunctis arrisit, vt non o-
mnino statuerint, aliud nihil vel lustrandum, vel petendum,
quam illius agri partem, in quo turris florida (ita ob varietate
tem operis dicta) consurgebat: hanc itaq; sententiam suam
die insequenti Gubernatori significarunt. Nihil illi gratius
accidere posse visum; nam cum hæc vniuersa eo vel auctore
consurgerent, vel auctori erigerentur, totum hoc opus velut
rem suam promouebat. Itaq; visum ei est, loco non parum
ornamenti accessurum, si aduenarum sacerdotum habita-
tione, re apud Sinas insolenti, cohonestaretur. Eos igitur
domum remisit curam in se suscipiens vel libelli, quem Prore-
gi daret componendi, vel rei impetrandæ.

Non procul ab eo fano, in quo prius sub Prorege alij socij
fuerant

fuerant commorati, degebat iuuenis honestus & ingeniosus cognomine Ciu, nomine Ni-co; is quia vicinus, familiariter nostris vsus fuerat, & peculiaris amicitiae vinculum contraxerat, eo maximè, quod cum Patres fide Christiana non mediocriter imbutum, in Christi sacra pelliciebant, sed inopinatus discessus rem discussit. huic tamen aram, in qua Deo optimo maxime quotidie litare consueuerant, asseruandam tradiderunt, vt quoniam Neophyti deerant, is minimè ineptus videbatur, qui minus aberat à Religione Christiana. Eum igitur, cum in hoc reditu primum visitarent, ab eo sunt cum vniuersæ familie gratulatione suscepti. Aram vero illam ipse in aula loco decenti statuerat, & supra aram, quod alia deesset effigies cubitalibus in tabula characteribus duobus, Dei nomen expressum legebatur, in hunc modum; Thien chu, Cæli Domino. Et in eadem ara septem octoue foculi, vel thuribula odoriferos suffitus continebant. Ipse vero suis ante aram temporibus non plane ignoto Deo diuinos honores & stas preces exhibebat. Ea res cælestis gaudij dulcedine Patres compleuit, cum viderent iam tandem aliquando post tot ignorantie sæcula, reperiri vnum aliquem, qui veri Numinis nomen inuocaret. Iuuenis porro socios domo abire omnino non permisit, usq; dum ab Gubernatore Proregis responsum acciperent. Id Patribus accidit percomodè, nam per eos dies in ara sua Missæ sacrificia pro felici tantæ rei successu peragebant.

Nec diu pependit responsum, quo enim die Exaltatæ Crucis celebritatem Ecclesia peragit, socij sunt ab Gubernatore accersiti, redditique certiores, postulata sua Proregem approbasse, iussu ergo in diem insequentem, in Turris aream se conferre, aduentumque suum ibi præstolari, aream se extruendam cum primum voluerint ædificaturum. Redditæ pro beneficio ab socijs Gubernatori gratiæ gentis ritu, percusso leuiter solo fronte tertio demissa. Inde Domum reuersi, Deo

Ara à quodam
Neophyto as-
seruata.

Area socijs æ-
dificandæ ædi-
ficator.

X 3 Optimo

Optimo Maximo latius sua beneficia gratulati, nullum gratiis agendis finem dabant, quod tum demum tanta res tantopere expetita, tot annis procurata, impetrata videretur, ad eius ut sperabant gloriam, in hoc vastissimo oriente, ac Reipublicę Sinensis bonum immortale.

Die igitur insequenti eum in locum se socij contulere. Aderat quoq; Gubernator vna cum altero ę Collegis: ę ciuib; porro accersitus venerat quidam operum pręfectus, qui post administratam quoq; alibi Rempublicam domi suę tum priuatus degebat, & vna cum alijs ciuib; primarijs Turri extruendę pręerat. his non satis arridebat Patrum consilium, & iam gubernatorem monuerant periculum esse, ut alij deinde ab his aduenę ex Amacaensi portu accerferentur, à quibus ipsa Ciuitas publicum fortasse caperet detrimentum. Hinc Patres à Gubernatore quamprimum moniti, viderent ne socios aduenas in contubernium euocarent, & Sinensis Reipublicę leges accuratę obseruarent. Socij autem modestę responderunt, se omnino imperata facturos. Designatus igitur in eo campo angulus ad ædem excitandam, qui cum angustus vtrumque videretur ad aream templi & ædium explicandam, Interpres id Gubernatori significauit. Ille vero, habitationi solum locum destinatum, Templum enim amplum & magnificum designari. Intellexere subito Patres, delusum Gubernatorem arbitrari, velle nostros illi fano quod in eius honorem extruendum erat, pręesse: quem oportuit omnino de rebus nostris admoneri. Dictum igitur se idola minime, sed vnum cęli Dominum pro numine venerari Substitit aliquantum admirabundus Gubernator, arbitratus fortasse aliam nullam reperiri numinis colendi normam pręter eam, quę ab Sinis obseruatur. Cum alijs deinde aliquantisper collocutus, ait: Nihil admodum refert, fanum extruemus: in illud deinde quas voluerint Deorum effigies inferrent. Et nihilominus assignatę areę angustias aliquanto laxauit.

Ingens

Gubernator
delusus instru-
itur.

Ingens ut in re noua & haecenus apud Sinas inaudita, concursus, nam tota illa turris area sic oppleta est, aduenas sacerdotes videre cupientium multitudine, ut eam ne ipsi quidem Gubernatores vel satellitio vel auctoritate perrumperent. Vbi vero trigonum illud vitrum Gubernatori primario delatum munus oblatum, & icuncula Deiparæ Virginis visa est, penè obuti sunt. Quibus vero è vicino videre licuit, ijs tanta coorta est admiratio, ut in stuporem versi viderentur. Magistratus maximè qui aderant Gubernatori, quo admirabilius omnia efferebant, eo acrius curiosæ multitudinis desiderium acuebant Gubernator ea in palatium deferendi, petiit sibi fieri facultatem, ut vniuersam familiam hac nouitate recrearet. Ergo hæc socij & alia nonnulla illi submisere, precati, ut ea munuscula recipere ne grauaretur. Verum omnia deinde cum fide restituit, etiam sudariolum acupictum Europæo more perelegans, tametsi vna ex illius Vxoribus illius desiderio mirè flagraret. Tanta est Sinarum Magistratuum formido verius quam religio, quæ eos à largitionibus palam accipiendis maximè deterret: verebatur enim ne teste Ciuitate vniuersa in simularetur, quod pretiosissimis muneribus delinitus, aduenas sacrificulos in Sinenseregnum admisisset, & perpetua statione donasset.

Concursus hominum ad aream.

Ex eo quod intellexerant socii suam stationem parum nonnullis arridere, statuerunt sibi omnino festinandum, ne moraquequam molendi tempus & facultatem daret, extemplo igitur ædium fundamenta ponere statuerunt, & ut præsentibus instarent operi quam maximè, vicinam pretio domunculam conduxere, ibi erecta ara Dominicis aliisque festiuis diebus sacris operabantur, reliquo tempore ipso in loco è laterum congerie, quam operi parabant, utcumque licuit, stationem adumbrare: ubi ad reliquos labores accedebat incredibilis omnium ordinum concursus, quem aduenarum sacerdotum fama,

Ædium fundamenta ponuntur.

Gentem Si-
nensem sibi
Patres conci-
liant.

fama, quæ insolentem oris speciem, & reliquam Europæarum rerum nouitatem supra verum de more sparserat, è locis etiam non proximis exciebat. his omnibus fieri omnino satis oportebat, idq; vnum vt facerent socij laborabant, quo auersam ab aduenis natura gentem, omni vrbauitatis genere conciliarent. Ergo trigonum illud vitrum, quod illi lapidem sine pretio pretiosum appellabant, Libros nostros, Dei Parentis effigiem & alia quibus nouitas splendorem dabat, cuilibet optanti ostendebant.

Ab inchoato
opere Patres
iubentur desi-
stere.

Interim Urbani Baccalaurei alijq; litterati, ij maximè qui floridæ Turris operibus præerant, non satis æquo animo nostrorum aduentum in Urbem suam, & iniquiore locum eo in agro illis destinatum, ferebant, & externos fortasse rerum suarum testes futuros existimabant. Ergo in Vrbe mustitare primum, deinde etiam tumultuari, facturos hinc externos istos quod eos in Amacaensi portu fecisse constabat, quo primum pauci negotiatores aduenerant, sed ij annuis incrementis incam multitudinem excreuerant, vt iam exterminari non posse viderentur. His alijsq; sermonibus impetrarunt deniq; vt summus ille operum Præfectus, quem vna cum Gubernatore supra venisse diximus, Tan-suo-hu vocabatur, Patribus renunciari iuberet, vt ab inchoanda æde abstinerent, causatus eum diem ædificio nefastum in suis fastis pronunciari, se aliū feliciorum postea electurum, quo ædibus suis ritè principium darent. Verum socij rem subodorati, responderunt, se illum diem scire non minus ac reliquos esse fortunatum. Et tamen superueniente imbre prohibiti, vellent nolent opus distulere. forte ita Deo disponente, ne quid turbatum ab aduersariis ciceretur, res enim postea, iis maxime volentibus adiuuantibusq; ita composita, vt & nostris commodius planè & ex voto ceciderit.

Ne quippe à nostris spreti viri primarij viderentur, nihil
eorum

eorum renunciationi tribuentibus, P. Ruggerius vna cum suo interprete ad auctores tumultus se contulit, sui rationem redditurus. Ostendit igitur non eo se animo venisse, vt bene meritam de se Rempublicam & nominatim ciuitatem laderent, aut sinistri quippiam molirentur. His alijsq; facti æquiores, cum minime possent Gubernatoris concessionem infirmare, ad rem è partium voluntate componendam deuenêre. Volebant igitur vti nostri loco sibi designato cederent, quod molium suarum ideam deformari dicerent: aliam offerebant aream plateæ viciniorem, quæ domus nostræ ianuam extra illius campi septa fieri permittebat; quod nostri summis votis expetebant, atque ita coemptis aliquot casulis assignataque campi parte non exigua, nostri tandem libentes acquievere, conciliatisq; iam animis etiam ab ijs nostri sunt adiuti. cum enim lateritium per eos dies opus intermisissent, multa laterculorum millia, & lignorum struem nostris commodarunt, vti opus denuo inchoatum citius confurgeret, & ad finem perduceretur.

Alia offertur
Patribus area
pro ædificio.

Delinearant nostri exiguam quidem, sed non inelegantem domunculam Europeo more. quæ quidem in alteram contignationem assurgeret, Sinensi ferè consuetudine; quæ vna contignatione rectum claudit; sed commune malum, initijs maximè, tenuitas nostra ædificium necessario sistebat. Nam Amacaensia subsidia vrbs calamitas abstulerat; Et Collegij Rectori huius quoque Missionis Superiori tutius videbatur, ab huiusmodi mole abstinere, ne quam tenerrimis ad suspicandum indigenis delineatæ arcis vmbra facerent. Et tamen ne periret, quod iam erectum erat, trigonum vitrum pignori dederunt, eius loco aureos viginti acceperunt, quibus ea pars quæ excitata fuerat tecta, socijs ad habitandum hoc modo satis fuit, dum speratum aliunde subsidium adueniret.

Tenuitas so-
ciorum ædifi-
cium sistit.

His ita peractis, ad confirmandam, Magistratum au-

Y

toritate

Statio sociorū
Diplomate Pro
regis confirma
tus.

toritate, suam in eo loco stationem animum adiecere. A Pro-
rege igitur primum amplissimum accepere diploma, quod
pro foribus appenderent. Eo diplomate narrabatur primum,
qua ratione nostri Sinarum fines attigissent, idque cum insigni
commendatione virtutis atque sanctimoniae laude, deinde si-
gnificabatur se Proregis auctoritate locum ad cōmorandum,
& suo sumptu viuendum designasse. Inde grauiissimis pœnis
propositis vetabatur, ne quis quicquam nostris molestiae in-
ferre auderet, id neminem plane impunè facturum.

Gubernatoris
beneuolentia
erga Patres.

Nōn ita multo post patentes litteras officij sui sigillo mu-
nitas idem binas dedit: vnæ donationem illius areæ contine-
bant, alteræ facultatem faciebant in Metropolim, Amacaum
& quo alio vellent per vniuersum regnum commeandi. Ipse
veto Gubernator frequens Patres visibat, & alios Magistratus
primarios adducebat, grauiissimisq; verbis in omni eos con-
gressu cōmendabat. Neomenia qualibet ex more in tribu-
nal itabant socij, & solitos ritus honorisq; cultum illi exhibe-
bant, vbi vicissim multis beneuolentiae signis ab eo excipie-
bantur, Vnde nostri semper professi sunt, se illi sub hac prīn-
cipia maximè multum debuisse, quam grati animi recorda-
tionem varijs munusculis subinde testati sunt. Huius proin-
de viri apud omnes authoritas, & in administranda Repub.
integritas, tantum valuit, vt multi de nostris pellendis nihil
ultra nussitarint. Nec solus hic fouendos tuendosq; Patres
suscepit, reliqui Magistratus eodem euentu ab alijs sæpè vise-
bantur. Vnus Prorex nostros in conspectum suum non admi-
sit. nam cum ad eum socij pro Tribunali confidentem gratias
de statione concessa reddituri adire voluissent cum munu-
sculis, ea nec attigit, nec ingredi permisit: Renunciari tamen
iussit, nihil opus esse, vel eos admitti, vel de muneribus
esse sollicitos, contenti viuerent loco sibi
designato.

Cum

Cum Sinis de Legis nostra capitibus paulatim ab Sociis agi ceptum.

CAPUT QUINTVM.

IN his fere principijs, ne quam suspicionis umbram legis nostrae nouitatē facerent Socij, non admodum dilucide de ea sermonem inferebant, sed potius quod ab excipiendis visitantium officijs vacuum tempus supererat, id ferè in vernaculi sermonis, scriptionis ac rituum gentis studio impendebant. Enixè interea laborabant, uti compendiosiorē ad docendum viam, vitae sanctimonia, virtutumq; exemplo, Sinarum animos sibi conciliarent, & ad id sensim sine sensu disponerent, quod nondum verbo vel sermonis infantia, vel gentis vitio poterant sine periculo euertendae reipsa persuadere. Et habitum quidem eum adhibebant, qui modestissimus apud Sinas habebatur, nec à nostro admodum discrepabat, talaris ea erat toga, manicis laxissimis; quam rem Sinæ maxime comprobant.

Initia Sociorum
in docendis
Sinis.

Patrum vestitus.

Domus nostra duas habebat utrimq; cellulas, & media erat velut aula quædam, eam in Oratorij morem cōcinnarunt, aram ipsam in medio statuentes, super qua Sacram Dei Parentis effigiem vlnis sacrum pignus filiolum gestantis collocarunt. Ut Deo quem nos colimus auctoritatem nostri conciliarent, Thien-cui, hoc est, cœli Dominū appellarunt; cum enim D consonantem nesciant, aptius illi nomen indere non potuerunt, quod apud Sinas magnificum diuinumq; videbatur. Et hæc appellatio ab his principijs orta in hanc usq; diem perseuerat, siue in congressu Deum, siue scriptis libris contingat appellari, quamuis deinde claritatis causa, alijs quoque nominibus appelletur, inter quæ celebriora, Supremus omnium moderator, Primum rerum omnium principium & alijs huiuscemodi. Deipara vero, Magna Dei Mater appellatur.

Aram in aula
domus statuant.

Deo auctoritas cōciliatur.

Y 2

Hanc

Cultus Sinen-
sum erga Dei-
param.

Christi effigies
imagini Dei-
paræ substitui-
tur.

Decem Deca-
logi præcepta
traduntur.

Liberalitas Si-
nensium erga
Patres.

Hanc porro Dei Parentis & pueruli IESV effigiem in ara collocatam, quotquot ad visendos Patres accedebant, siue ij Magistratum gererent, siue litterarum gradibus insignes essent, plebs quoque vniuersa, quin ipsi quoque simulacrorum sacrificuli, solitis inclinationibus ac genuflexionibus, solum fronte leuiter, gentis ritu quatientes, venerabantur sanè religiosè. Picturæ vero præstantiam, viua lineamenta coloresque admirandi nullum finem faciebant. Quinquam non ita multo post sublatæ Deo parentis imagini è primario altari, Christi Seruatoris effigiem, grauibz sanè de causis substituere, visum est accommodatius. Primum quidem, ne (ut fama iam sparserat) nos mulierem pro Numine venerari sibi persuaderent. deinde, vt sublime illud incarnati verbi mysterium commodius edocerentur.

Inde sua sponte veniebant non pauci de legis nostræ capitibus aliquid audituri: nam fere gens acris ingenio de suarum sectarum non immerito dubitat vanitate: hac de causa Decem decalogi præcepta Sinensi sermone Socij donauere, eaq; typis edidèrè, & volentibus tradidere; nec pauci asserebant ea se in posterum obseruatuuros, quod ea viderent mirè cum lumine ac lege homini à natura indita conspirare. Cum opinione SS. Legis nostræ creuit veneratio. multi enim suffimenta sacros ad vsus sponte sua conferebant; nec nihil socijs alendis eleemosynæ nomine largiebantur. Oleum etiam ad concinandam lampadem, quæ coram ara splendebat, offerebant. Procliue admodum erat credere, nostros aliquot agros idolorum finis assignatos, à Magistratibus impetrasse, Sed visum est aptius Christianam non venderelibertatem, hac enim ratione nostri peculiarem in modum in Magistratum futuri fuissent potestate. Et valuit hoc quoque non parum ad SS. legem nostram ab omni cupiditatis specie vindicandam, iam enim ab ipsis principijs apud Sinas constat, legis diuinæ præ-

concs

cones è Religione quæstum minimè procurare, & ex eo facilius semper nostris fuit in palatia Magistratuum aditus, quod ij iam satis intelligerent, nostros nihil ab ijs nec opportunè nec importune postulare; quod omnino faciunt quotquot ab ijs in familiaritatem admittuntur.

Mutus hic legem Christianam euulgandi modus, qui pro verbis opera substituit, nihil habuit minus virium ad spargendam vbiq; sanctissimæ legis nostræ nouitatem. nam in posterum veniebant permulti, rerum fortasse nouarum desiderio euocati, redibant autem omnes rerum diuinarum stimulis tacti, nam liberius deinde Patres, hortatoribus ipsis velut Sinis, qui sciscitando instabant de orbis Christiani sanctissimis moribus, imo etiam de Sinensium simulacrorum vanitate disputabant, idque faciebant vel Interpretis opera, vel lingua licet impeditiore quam didicerant, non enim quod volebant, sed quod poterant efferebant, maximè vero in eo instabant, legem nostram vniuersam maximè cum innata homini luce consentire. E qua luce legem antiquissimi Sinarum Doctores suis libris tot prius sæculis, quam simulacrorum inanitas irreperet, commendauerant, eamq; legem minimè se tollere, sed adimplere, suppletes ea quæ lumine supra naturam illustrati, & ab ipso Deo homine edocti didicerant.

Legis Christianæ euulgandæ modus.

Hæc ferè applausu maiore quam fructu dicebantur, nondum enim Sinensis elatio ita detumuerat, vt in aduenarum Religionem transire nullo ciuium suorum exemplo posse videretur. Primus igitur qui in Sinarum regno Christi sacra suscepit, ex infima fuit fece hominum: Infirma enim mundi elegit Deus, vt confundat fortia. Is insanabili morbo ad medicorum desperationem afflictus, in publico agro iacebat à parentibus crudeliter eiectus domo, quod vix seipsum sustinerent, id vbi rescitum à Patribus, hunc ad eunt & interrogant, vellētne legem suscipere, quæ desperato iam corpore,

Pauper quidā, primus Christianis sacris initiatus apud Sinas.

animam in tuto felicitatis æternæ portu collocaret. Ad hæc igitur læto animo respondit, omnino sibi eam legē arridere, quæ huiusmodi misericordiæ opera suis persuaderet. Ergo à domesticis famulis extruitur illi rusticum, sed nitidum tamen mapale, ibi cum omni necessario sumptu nostri recreabant, ac simul fidei Christianæ capitibus imbuebant, postea vero quam satis instructus videbatur, Baptismum primus in Sinarum regno suscepit, ac ne perderet, quam acceperat innocentiam, Sinenſis regni primitiæ, paucis post diebus ad cælum, uti iure sperari potest, euolauit. hoc maximè principio in rem tantam inchoauit Dominus, ut cum hac Ecclesia quoque suum retineret institutum. Ac ne meriti pars vlla seruis suis ex pij operis applausu forte detraheretur, permisit etiam, uti hoc opus obtrektorum iaculis impeteretur, commenti sunt igitur nonnulli, aduenas illos, ex ipso hominis vultu cognouisse, eum in capite pretiosissimam gemmam habere reconditam, ideoq; hæc in viuentem beneficia contulisse, uti de mortui cadauer ad eruendam gemmam in eorum esset potestate.

Opinio Patrū
creuit.

Magnam Religio Christiana in hac etiam principiorum sterilitate opinionem sibi non solum ex sanctimonia veritateque, sed etiam rebus exiguis non parum conciliabat. Videbant domi nostræ libros ex Europa complures, & ex ijs ingentia quædam volumina, iuris nempe Canonici codices, admirabantur typorum elegantiam, concinnam inuolucrorum etiam inauratorum speciem, ac tametsi nec intelligerent, nec legerent, quæ continebantur, ex ipso tamen ornatu non ineptè sanè nonnulla colligebant, ea nimirum quæ ijs in libris legebantur magni esse momenti oportere, in quibus orandis nullis sumptibus parcebatur; præterea apud Europæos litteras ac Scientias esse, & quidem in pretio, eosq; non solum cæteras post se relinquere nationes, sed ipsos etiam Sinas, quod

quod ipsi nullis, nisi oculis testibus, in animum prius induxissent. Videbant etiam socios Europæis scientijs minimè contentos, ad Sinensia volumina diu noctuq; euoluenda animum etiam applicuisse, in eum finem litteratum vnum aliquem stipendio allectum domi habere, musæum suum suis etiam libris oppleuisse, vnde minimè dubitabant, Patres, apud suos, litterarum laude insignes haberi. Inde factum est, vt litterati viri non pauci plus aliquanto de fidei nostræ capitibus exigent, quam quod decem præceptorum formulis circumferebatur. Ergo Patres his rerum successibus ad audendum incitati, & aliquanto iam peritiores, vna cum domestico rerum Sinensium Magistro Doctrinæ Christianæ volumē ad ingenia Sinensia accommodatè concinnarunt. In eo volumine nonnulli sectæ idolorum errores confutabantur, ea maximè quæ ductis è naturæ lumine rationibus persuaderi nequaquam difficile esse videbatur. nam reliqua priuatæ Catechumenorum institutioni Patres reseruabant, quia nondum ab ipsis pro dignitate scribi, nec à Sinis cum approbatione legi posse putabantur. Id volumen illi ipsi typis suis euulgarunt, & admirabili applausu doctissimi quique acceperunt; sed præ omnibus Gubernator Patribus addictus, & admirator extitit singularis huius voluminis, cuius exemplaria prope innumera vniuerso regno sparsa, legis nouæ famam in vniuersam Sinensis imperij vastitatem intulerunt, eò faciliusq; penetrarunt, quo nondum auctores post tot annos penetrasse potuerunt. Quin etiam aptius longe in hoc regno scriptis fidei nostræ capita, quam verbis exponuntur, non ideo solum, quod Sinæ librorum sint veri helluones, maximè si quid contineant nouitatis, sed quia Sinica scriptio hieroglyphicis illis characteribus expressa peculiarem habet in exponendo vim, atq; maiestatem.

Doctrinæ Christianæ volumē concinnant.

Doctrinæ Christianæ exemplaria sparguntur cum fructu

Hæc ubi animaduertisset Gubernator, & Socios opinione sua

Patres publico
honore à Gu-
bernatore af-
ficiuntur.

sua Superiores comperisset, statuit eos etiam insigni apud Si-
nas ritu cohonestare. Solent enim summi quique Magistratus,
si quando benevolentiam suam, qua familiares suos persequun-
tur, volunt palam euulgare, magno apparatu & pompa Ta-
bulam insigni opere striatam, & coloribus illustrem mittere,
in ea tabula cubitalibus insculpta characteribus tribus quatu-
orue inscriptio legitur, quibus eius qui cohonestandus susci-
pitur laudes explicantur; ad latus, infra inscriptionem, alterum
minori characterem, eius Magistratus nomen ac dignitas scri-
bitur, qui amicum cohonestat, ad alterum vero latus annus
legitur illius inscriptionis, qui apud Sinas, ab eius qui regnat,
inaugurationem numeratur.

Voluit igitur Sciauquinis Gubernator socios, quos ipse
protegendos, ornandosque suscepit, eos hac honoris for-
mula commendare ideo, quia iam eo honore digni ob res
hactenus gestas videbantur; & ut populus eius auctoritatem
secutus, eos coleret ac veneraretur impensius. Binas igitur
huiusmodi domum nostram inscriptiones solito apparatu
submittebat. Alteram volebat supra ædis sacræ limen, quod erat
etiam ædi priuata commune collocari. Inscriptio illa erat in
hunc modum. Diuorum floris ædes. Alteram in ea volebat
aula statui, quæ amicos visitatores excipit. huius hæc erat sen-
tentia: Gens ex occasu sacrosancta. Hæc suis locis collocata
magnam nostris apud omnes ordines auctoritatem peperere,
nemo enim erat qui non inscriptionem priorem in transitu
legeret, vel posteriorem in conspectu. Ex quo fiebat, ut ne-
mo nesciret, quanti à grauissimo huius regionis Magistratu
fierent, cuius erat in vniuersa prouincia incredibilis opinio,
non ex officij litterarumque; magis maiestate, quam ex opi-
nione virtutis ac Reipublicæ bene gestæ
collecta.

Absen.

*Absente P. Michaeli Ruggerio graui calumnia
P. Matthæus Riccius liberatur, & Mathematicis operibus
in stuporem Sinas adducit.*

CAPVT SEXTVM.

LONGA Amacaensis subsidij penuria, in eas Socij venerant rei familiaris angustias, vt & non pauca debitorum nomina contraxerint, & familiam vltra sustinere non potuerint, ab interpretibus necessarijsq; famulis instructam. Ædificium enim iam diu stiterat eadem tenuitas, quæ maiora etiam indies mala minabatur. His vt occurreret P. Ruggerius omnino statuit ipse in Amacaensem portum excurrere, vt iam amicos euentu latiores, ad promouendam tot annis expetitam hanc expeditionem. inflammaret. Ergo à Gubernatore nauigium petit, & impetrat sanè magnificum, & quali sumptu publico vehi Magistratus solent, instructum etiam amplius triginta Remigibus, idq; ea facilitate ac beneuolentia, vt facile amorem in socios suum testaretur. Et quoniam inaudierat eo in oppido horarias cudi machinas, rogauit etiam atque etiam, vt confici sibi iuberet ab artificibus vnâ, se sumptum deinde omnem cumulate redditurum.

P. Ruggerius
rei familiaris
angustijs succurrere conatur.

Vbi appulit P. Michael, eandem temporum calamitatem reperit, nam è Iaponia nondum oneraria redierat, è qua vna ciuitatis illius incolumitas, ciuiumque fortunæ dependent. hinc factum est, vt oportuerit omnino reditum in annum insequentem differre, ne vacuis manibus reuersus, creditoribus despetationem iniiceret. Lusitanis porro ex insolita onerariæ mora trepidis ipsum Collegium (quod in hanc vsq; diem annuos redditus nullos habet) in eas deuenerat rei familiaris angustias, vt omnino nihil reperire potuerit, quo sumptum horariæ machinæ, quam Gubernator commendarat, cōfla-

P. Ruggerius
artificem mit-
tit ad Gubernatorem.

Z

ret.

ret. Atq; ita visum est, illum ipsum artificem Sciauquinum ad Gubernatorem amandare; erat is Indus ex agro Goano, Canarinos vocant, colore fusco, quem Sinæ, vt rem nouam, satis admirantur. Redijt igitur cum hoc responso, & artifice, nauigium, Gubernator eius aduentum pergratum habuisse præsetulit, delinitus maximè insigni rerum nostrarum munusculo, quæ alteri socio fuerant è Collegio nostro transmissæ. Mox igitur fabros artifice ferrarios adiutores duos dedit è peritissimis vniuersæ ciuitatis, à quibus opus hoc domi nostræ captum est atque perfectum.

Causæ odiorū
& calumniarū
in nostros.

Hos primatum fauores vulgi odia temperabant; iam enim Sciauquini ciues odisse nostros, imo & persequi non dubitarunt. Odiorum causas attingam vniuersim, calumniæ peculiare deinde commemorabo. Iam sæpe dictum est, Sinas ab aduenis quos timent abhorrere, quæ innata genti auersio aliquot sæculorum, vetito cum exteris commercio, ex desuetudine vires cepit. hæc odiorum causa Sinas omnes, sed maxime vulgus amplectitur, quin etiam Cantonienſis provincie Incolas, quæ incultior cæteris provinciis, olim Sinenſi adiecta imperio, ac hodie per ignominiam à reliquis inter barbaras numeratur. Reliquæ tanè superiores provincie natura cultiores sunt longè, pluresq; litterarum gradibus insigniuntur, & primos Magistratus gerunt. Huic provinciali genio fauit, hanc sæpè regionem, exteris nationibus terra mariq; conterminam, terra latrones, mari pyratas expertam, graui damna tolerasse, & nuper Lusitanorum aduentu minime lætam, videri sibi malum in ipsas fauces admisisse, quantumuis magnus ærario regio, priuatisq; negotiatoribus quæstus accesserit. De ærario negotiatoribusq; , qui ex alijs fere provinciis conueiant, parum solliciti, queruntur omnia sibi rerum pretia, ex eo commercio accreuisse, ad alios cōmoda deriuari. Inde odij sui testem Lusitanis appellationem sane ignominiosam

Lusitanos, dæ-
mones appel-
lant.

riofam impofuere. Eos enim vix alio quam demonum aduenarum nomine hodieq; appellant. Sciauerunt vero ciues, fuas etiam odiorum ſibi cauſas inuenere. Verebatur enim ne cum noſtris Luſitani negotiatores in regni penetralia ingrederentur, idq; ſibi videbantur non vanè coniectare, è libero cum Amacaenſibus noſtrorum commercio, & è Magiſtratum fauore, quem in dies augeri videbant, & inuidebant. Verum nihil eos ita pungebat, quam mentiens fama, eam videlicet turrim quam ipſi tanto ſumptu, ac ſudoribus excitabant, ab aduenis ſacerdotibus excitari; hi ſermones aliam cauſam habuerunt nullam, niſi quod turris exſtructio in idem fere tempus incidifſet, cum ædium noſtrarum exſtructione. Verum hoc famæ ſatis fuit, vt turris quam floridam vocari volebant, nomen immutaret, Externa quippe turris vocabatur.

Hinc fiebat vt mira pellendorum Sociorum cupiditate inflammati, cum id non poſſent, multis iniurijs eos afficerent, quoties ſeſe cauſa offerebat, vel prætextus querebatur. Nihil porro erat moleſtius, quam quotidianis domum è turri lapidationibus infeſtari, nam cum eo quotidie ludibundi aliqui conuenirent, quem in finem etiam hæc moles ab Sinis excitatur, è vicina turri & celſa, nullus irritus in tectum lapis mittebatur. hæc lapidationes porro denſiores hoc maxime tempore depluerunt, quod è ſocijs vnum domi ſuperefſe, & domeſticam familiam non neſcirent imminutam. ad hæc permoleſtè ferebant, ædium fores, quæ exſtructionis tempore cuilibet patebant, è ſocietatis inſtituto, claudi. volebant enim è domo noſtra Idolorum fanum facere, quod cuilibet ſemper patet, nec ludibundorum petulantias excludit.

Accidit vero die quadam, cum iam intolerabilis eſſet intolerantia, vt è famulis domeſticis vnus, ædium ſeptis egreſſus, puerum interceperit lapidationis auctorem, eumq; in domum compulerit, minatus ſe eum ad Magiſtratus abducturum; Ac-

Cupiditas noſtros è ſtatione capta pellendi.

Lapidibus ſocij petuntur.

Calumnia in
nostros gra-
uis.

cutrere ad pueri clamorem vicini aliquot Viri graues, & pro pueri veniam precati facile impetrarunt, ut cum P. Matthæus iuberet liberum emitti. Ex hoc euentu vicini duo nostris intensissimi, calumniam texuerunt, vocato ad se pueri propinquo nescio quo, curialium negotiorum perito, persuaserunt ut fingeret, puerum à Patribus interceptum, triduo domi latuisse, pharmaco quodam non insolenti apud Sinas, loqui prohibitum ac vociferari, ideo consilio factum uti Amacum in perpetuam seruitutem puer, pretio vendendus mitteretur. Eius se rei vocatos testes fore. Non difficile fuit persuadere homini, qui se hoc facto sciret vniuersa Ciuitatis gratiam comparare, quam sciebat aduenis sacerdotibus infensam, de ijs pellendis sæpius cogitasse.

Pater ad tribu-
nal perducitur

Edoctum ergo puerum, quem fratrem appellabat, secum per celebriores vrbs vicos in Gubernatoris tribunal abducit, & ut fabulæ fides esset, passis uterq; crinibus eiulans, Cælum Magistratusq; obtestabatur vicatim, ut maleficium externorum dæmoniorum vindicarent. Ad Gubernatorem ubi peruenit, mira arte accusationem texens, omnino persuasit, maxime quod diceret, eos se habere totius rei testes, quibus ipsa vicinia notaq; probitas fidem dabat. Quid ageret in tam subito casu bonus Pater? aliud nullum nisi in inuocato Deo præsidium reperire sibi videbatur. Die insequenti cum iam libellum vna cum amicis texeret ad calumniam detegendam, subitus in domum apparitor Gubernatoris irrupit, qui Patrem ad tribunal ita perturbatè pertraxit, ut sine libello, adolescente Indo comite, qui melius aliquanto Sinice loquebatur, ire sit coactus.

Vbi in Gubernatoris conspectum venit, sic ab eo compellatus est, ut qui iam credulam nimis aurem accusatori vtramque tradiderat. Querebatur enim acriter, eos tot à se beneficijs affectos, & in Sincense regnum admissos, hanc vicem

&

& sibi & suis ciuibus rependisse. Interpres adhuc non planè imperitus iudiciorum Sinensium, laxas tunicæ manicas saxis oppleuerat, quas adhuc Gubernatoris verba in eius conspectu exoneravit, & saxis in mediam aulam abiecit, obtestatus vti calumniæ falsitatem accuratius excutere ne grauaretur. Inde vterque, vt poterat, frequentes lapidationes, puerum compræhensum, eoq; momento dimissum, exponebat.

Concurrerat in tribunal ingens multitudo cupida videndi, qua pœna impius ille aduenarum sacrificulus tanti criminis, nemine dubitante, conuictus plecteretur. Verum Gubernator audita rei defensione, non difficilior fuit ad agnoscendam veritatem, quam facilior fuerat ad calumniatorem admittendum. Intellexit igitur subito hæc omnia accusatoris esse commentum. Verum cum is præsens omnia denuo confirmaret, & se grauissimis testibus omnia clarissimè probaturum assereret, voluit animi sui sensa patefacere (dubium videlicet se esse fingens) & ipsi quoque multitudini calumniam aperire, ne accusator, gratia, qua nostros apud se valere plurimum constabat, oppressus fuisse videretur. Vt afflictum Patrem interim solaretur, eum culpa eximens, vniuersam in Canarinum illum horariæ machinæ artificem reijciebat, iubebatq; Amacum extemplò remitti, se nunc instrumentum illud fieri sibi nolle. Deinde accersiri iussit, tres operum Præfectos, qui extruendæ turris opus eo die promouerant. Accusator vero repugnabat, volens vicinos illos vocari calumniæ scilicet auctores, quibus dicebat rem apprimè constare. Dimissa vero multitudo abiens, vetuit Patrem è palatio dimitti. qui sane toto eo tempore anxius, euentum rei Deo, Diuisq; omnibus, sed maxime Deiparæ commendat.

Interim vero accusator liber dimissus, vna cum Gubernatoris apparitoribus, operum præfectos conquirebat, & prece ac pretio etiam contendebat, vti accusationem suo quoq; te-

Z 3

stimonio

Calumniæ de-
regitur.Accusator ca-
lumniam pro-
sequitur.

testimonio comprobarent; effecit autem ut ipsi apparitores, duos illos vicinos, mali capita, velut à Gubernatore nominatos, accerferent. Pater interea, nihil dubitabat, ab operum Præfectis se quoque in invidiam facti vocandum, quibus sciret nostrorum aduentum stationemque semper displicuisse, & inde occasionem, nostros è statione pellendi, arrepturos. Id erat quod maximè Patrem angebat, veritum ne tot annorum labores, præsens calumnia extingueret; & ex eadem Religio Christiana (quæ aliàs pro nomine IESU optari debet) magnum detrimentum acciperet.

Innocentes nostri pronunciat.

Verum enim vero, contra euenit omnino quam putabatur, vocati enim ubi adfuere tres senes sane venerandi; Gubernator redijt in tribunal, simul omnes flexis genibus præstolabantur, quid iudex & à quo quæreret. Ipse vero Senioreme Præfectis operum compellans, sciscitatur; verum esset, nec ne, quod accusator dicebat; puerum illum à patre furto subductum? Negauit senex, sed contra commemorauit, vidisse se frequenti lapidatione à puero illo tectum aduenarum Patrum impetum, & è domesticis nescio quem subito in puerum impetu irruisse, & cum in ades impulsisse, ad cuius clamorẽ excitis viris aliquot, qui fortè transibant, Patrẽ rogasse, uti puerum dimitteret, & hanc ei culpam condonaret; quod ipse in eorum gratiam libens præstiterat: subintulit Gubernator; Triduumne totum domi detentus est puer? Ille vero subridens ait, Sinico loquendi more, qui nostrati fere respondet in hunc modum: Nec toto illo spatio detentus est, quo tertio Apostolicum Symbolum recitari posset.

Calumnia vindicatur.

Nec plura: Gubernator in accusatorem excanduit, & ignominiosissimè compellatum, iussit atrocissimè cedi. Ergo à satellitibus nudatus, soloque afflictus, adactis è Sinensi more in auersa crura durissimis arundinibus, crudelissimè vapulauit. Nec ei profuit Pater, demissa sæpius in terram fronte, supplicium

plicium ab Gubernatore deprecaretur. Ipse enim id vnum respondebat; id genus crimen nulla venia dignum esse, multisq; exaggerabat criminis grauitatē, quod innocentissimum hominem grauissimi criminis insimulasset, & in extremum capitis discrimen adduxisset. Et mox tres illi operum Præfecti cum Patre & Interprete libelli domum remittuntur; attenderent rebus suis, iam sibi omnia luculentè constare. Vicini porro illi qui fabam cuderant, ideo euaserunt, quod Gubernator eos ignotos adesse nesciret, neq; enim ipse illos euocari mandarat, ipsi ergo cum accusatori male cessisse negotium aduertissent, in eo tumultu ex aula pedibus manibusque reptantes, ne adgererentur, matura fuga sese subdixerunt.

Redibat Pater euentu letus, & Deo tacitus sua beneficia gratulabatur; quam rem admirati omnes, qui pro foribus stabant, multitudine exclusi Interpretem interrogabant, quem ea res exitum habuisset, quo narrante sepius, per omnes vrbis vicos breui constitit calumnie vanitas ab Accusatore confata. Die insequenti misit Gubernator domum, grauissimum diploma pro foribus apponendum. Eo diplomate postquam de nostrorum aduentu ac statione ex Proregis voluntate rationem reddidisset: Dicebat rescire se nefarios homines contra ius fasq; aduenas perturbare; quocirca seuerissime interdicebat, ne quisquam impoſteum eos molestia afficere auderet: quod si quis hoc suum edictum violaret, sociorum Interpreti facultatem faciebat violatorē comprehendendi, si biq; sistendi. se vero nulla remissione atroces ab eo pœnas exacturum. Quo edicto aliquantulum repressa est petulantium hominum audacia. Atq; hunc omnino finem habuit primus è multis qui deinde sunt consecuti labor. In quo vt in cæteris hoc vnum notari velim, nostros exantlatis huiusmodi laboribus diuina prouidentia rem ita moderante, semper firmiores in sua statione remansisse, quantumuis eam excutere aduersarij

Calumnia vanitas passim innoteſcit.

Patres in statione confirmantur.

sarij laborassent. Nunc igitur serenitate reddita, ad latiora transeamus.

Cosmographi-
cæ tabulæ a-
pud Sinas.

In aula domestica appensa præstabat cosmographica descriptio Characteribus Europæis. Eam Sinenses Litterati cum voluptate spectabant, & cum intellexissent, ea descriptione totius vniuersi faciem spectandam ac legendam dari, mira cupiditate exarserunt, eam Sinicis Characteribus legi posse. Sinæ quippe qui præ ceteris gentibus minimum ac prope nullum cum exteris nationibus commercium habuere, crassa sanè orbis ignoratione tenebantur. Nam tametsi non deerant eiusmodi cosmographiæ tabulæ, quæ vniuersum orbem se proponere titulo præferebant, vniuersam tamen aream suis illis quindecim prouincijs extendebant, & in circuitu depicto mari exiguas insulas inferebant, adscriptis eorum regnorum nominibus, quæ aliquando audierant nominari, quæ regna omnia in vnum collecta, vix minimam Sinensis Imperij prouinciam adæquabant. Vnde ipsi suum imperium, orbis totius nomine cohonestare nihil dubitarunt, Thien-hian nuncupantes, quasi dicas, quicquid sub cælo iacet. Cum itaq; Chinam suam in Orientis angulum reclusam audirent ac spectarent, opinione sua tam imparem ceteri vniuerso, eam descriptionem, vt inauditam admirabantur, cupiebantq; inscripta legere, vt de illius possent veritate ferre sententiam. Gubernator igitur ipse, P. Matthæo Ricio auctor fuit, vt eam tabulam Sinicè loquentem faceret, auxilio interpretis adhibito, qua re sibi apud omnes magnam gratiam & auctoritatem compararet.

Quamobrem P. Matthæus Ricius, Mathematicis disciplinis plus quam mediocriter eruditus, quas P. Christophoro Clauio Mathematicorum sui seculi, Principe & Doctore, aliquot annis Romæ audierat, ad eam rem, à suo Euangelicæ prædicationis instituto minimè alienam, animū adiecit, non
ignotans.

ignorans non fuisse eandem sæculis omnibus vel nationibus cunctis, rationem, è diuina dispositione gentem aliquam ad Christi fidem pelliciendi. Hac esca sanè multi apud Sinas in Ecclesiæ sagem sunt perducti. Scriptionem igitur illam maiore in campo, quo Sinici characteres, nostris maiores, commodè caperentur, extendit & annotationes non easdem, sed alias adiunxit ad ingenium Sinicum, & ad auctoris institutum accommodatè. Nam opportunis in locis, dum de variarum gentium ritibus ageret, SS. legis nostræ sacra, Sinis in hæc usque tempora inaudita, ingessit: ut eius fama in vniuersum Sinarum orbem breui penetraret.

Non omittam etiam quod ad gratiam ab Sinis inuendam inuenit: Arbitrantur Sinæ cælum rotundum quidem, sed terram tamen quadratam: in cuius medio Imperium suum situm esse pro certo sibi persuadent. Itaque ferebant molestus, Chinam suam à nostris Geographis in angulum ultimi Orientis fuisse retrusam. Et quoniam nondum satis capaces erant Mathematicarum demonstrationum, quibus facile probaretur, terram una cum Mari globum esse, & in globo, nec finem nec principium è natura figuræ circularis reperiri, Projectionem nostram nonnihil mutauit, & reiecto Insularum fortunatarum primo meridiano, ad Geographicæ descriptionis dextra læuæque margines fecit, uti Sinarum Imperium in media descriptione, non sine ipsorum applausu ac voluptate spectaretur.

Non alia res vlla illis sanè temporibus inueniri potuit aptior ad eam gentem ad Religionis nostræ mysteria accipienda disponendam. quod si cui paradoxum fortasse videbitur, causas breuiter aperiam, quæ experientia deinde teste patuerunt. Ex ignorata Orbis magnitudine eam de se conceperunt Sinæ opinionem, ut se solam China suspiceret, vel imperij magnitudine, vel Reipublicæ administratione, vel litterarum

Error Chinesium in Mathematicis corrigitur.

Causæ nostræ à Mathematicis disciplinis initium fecerint.

A a

laude

Sinenſes erudi-
tiores facti ex
deſcriptione
Coſmographi
ſa.

laude vnicam: cæteras verò nationes non vt barbaras modo, ſed brutorum ferè loco habebat, nullum alibi Regem, nullam Rempubicam, libros alibi nullos arbitrati. Verùm quoniam hunc tumorem ignoratio conſlauerat, veritas deinde cognita diſſipauit. Nam ea deſcriptione conſpecta, tametiſi rudiores aliqui initio in riſum ac dicteria prorumperent, eruditiores tamen Parallelorum meridianorumq; vna cum æquatore ac tropicis animaduerſa proportionè, audita quoq; Zonarum quinq; ſymmetria, lectis tot gentium ritibus ac locorum nominibus, quorum etiam nonnulla cum priſcis Sinarum deſcriptionibus conſentiebant, omnino ſibi perſuaſerunt, hanc eſſe veram germanam orbis vniuerſi faciem ac figuram. Vnde de Europæiſ ſumam in omni genere diſciplinarum rerumq; aliarum opinionem conceperunt.

Aliud etiam non minoris, vt credo, momenti eſſe dictum, nam ex ea deſcriptione conſtabat, quam imenſis prope terrarum, mariumq; interuallis ab Imperio Sinenſi Europa diſtaret. vnde quem de noſtris conceperant minuebant metum; facile colligentes, nihil eſſe quod ſibi timerent à gente, quam natura tantis ſpatiis à ſua ſepararet. quæ res, ſi apud Sinas omnes æquè conſtaret, ne maximum ad Chriſti Religionem toto regno ſuſcipiendam impedimentum ſublaturum noſtris eſſe videretur; nulla enim alia re magis quam his ſuſpicionum umbris præpedimur. Hoc deinde opus Geographicum ſæpius à Patre limatum, ſæpius quoq; recudendum, & vtriq; aula cum ſimili ſtupore viſendum datum, donec deniq; in ipſum Regis palatium eiſdem rogatu penetraret. ſed de his poſtea ſuis locis.

Geographica
deſcriptio Gu-
bernatori of-
ferunt.

Quo tempore hoc opus conſectum fuit, horariæ etiam machine artifex finè dedit. Vtrumq; igitur opus P. Matthæus Gubernatori obtulit, incredibili eiſ voluptate, quam ipſe officioſiſſimis verbis & inſuper munere demonſtrauit. Geographica

phicam quidem ille tabulā suo sumptu extemplo typis mandauit, & amicis intra Prouinciam obtulit, aliāq; complura exemplaria in alias prouincias distrahenda curauit. Horariam vero machinam, cum nemo domi moderari nosset, post aliquot menses nostris restituit in vsus domesticos, & amicorum voluptatem.

Sed nunc tandem ijs commemoratis, quæ absente P. Michaele contigerant, ad eum reuertamur. Cum igitur tandem aliquando è Iaponia in Amacaensem portum oneraria appulisset, è Lusitanorum liberalitate, nummi eleemosynæ nomine collati, Patri minimè defuerunt: nam ipsa Respublica & alij amici non illiberaliter donatum eum ad stationem suam remiserunt, quo subsidio æs alienum dissolutum, domus ex-
Liberalitas Lusitanorum.
 structa est, & necessaria suppellectile instructa. quæ tamen si erat
Aedificij structura & situs.
 angustior, erat tamen non inelegans, & ab Sinis Europæum opus contignatione, seu pauimento altero conspicuum, & dispositis fenestris illustre, magna voluptate spectabatur. Aedificij elegantiam adiuuabat etiam loci ac situs amœnitas. nam secundum flumen exstructa, nauigia omnis generis, & ultra montes ac syluas intuentium oculis obijciebat. Vnde omnium iudicio nullus tota vrbe amœnior locus habebatur; quem ornabat etiam Europæarum rerum nouitas, & omnes ad spectandum alliciebat. Itaque domus nostra à grauissimis quotidie Magistratibus frequentabatur, non urbanis solum, sed
Domus nostrorum frequentatur.
 prouincialibus etiam, qui ex utraq; prouincia ad suum Proregem ventitabant, quæ res nostris auctoritatem, Sinis etiam fructum, & Religionis paulatim cupiditatem ingercbant.

Lubente deinde tempore, cum P. Matthæus ex Geographica tabulâ felici euentu animos sumplisset, sphæras astrologicas ex ære ac ferro; globos quoq; vel eos quibus cæli, vel quibus terræ facies in propria figura spectatur, permultos cudit. Gnomicas quoq; horarum indices vel domi depinxit, vel

Matthæo Ri-
cio autoritas
conciliatur.

in laminis sculpsit, & in amicos Magistratus distribuit. Quin
& ipse Prorex in partem venit. Quibus omnibus expositis
maximè, & ad vsum adhibitis, cursuq; solis ac syderum & ter-
ræ in vniuersi medio situ demonstrato, in eam deuenit homi-
num opinionem horum operum auctor, vti maximus ex vni-
uerso terrarum orbe Astrologus haberetur: ipsi enim ceteras
ex se nationes metiuntur, & harum rerum ignoracionem æ-
què apud omnes esse opinabantur.

*Legationem Hispanis ad Sinarum Regem
Patres impetrarunt.*

CAVTV SEPTIMVM.

Gubernatoris
affectus erga
nostros auge-
scit.

Cecidit subinde res per eos dies huic expeditioni perop-
portuna, nempe vt ille Gubernator, Sociorum protector
in maiorem dignitatem eueheretur, Ea Lin-si-tau appella-
tur, & duas tresue regiones eiusq; oppida omnia moderatur;
neque sedem è Sciauquina vrbe transmutat. Et quoniã Eth-
nici omnes, & hi priuatim auguria obseruant, superstitiosè
collegit ex hac aduenarum necessitudine, non modo nihil in-
fortunij sibi, sed prosperioris etiam fortunæ fauores proue-
nisse, vnde mirè lætus in hac sociorū amicitia, Deo ita dispo-
nente, est confirmatus, eamq; alacritatem inusitata humani-
tate præ se tulit, cum ad eum Patres gratulati cum suo ex mo-
re munusculo deuenêre.

Ad Philippi-
nas insulas fa-
ma nostrorum
Sinenfium de-
fertur.

Prospera hæc rei Christianæ apud Sinas initia fama vul-
gauit; nec Amacaum solum, sed & in Iaponiam, & insulas
Philippinas longius deportauit, & communi sociorum ac re-
liquorum etiam lætitia excepta sunt eo fauentius, quo tot an-
nos tentatus à varijs in hoc regnum ingressus incassum toties
cecidisse narrabatur, qua ex causa iam pro desperato ab om-
nibus habebatur. Philippinarum Insularū pro Hispaniarum
Rege

Rege Gubernator, adhibito in consilium Maniliensi Archiepiscopo & vniuerso Senatu; statuit in eam rem aliquid etiam ex sua parte conferre. Maximè quod ex ea re sperabatur Hispanis etiam, nec solum, vt hactenus Lusitanis, aperiri posse cum Sinarum gente commercium, impetrato portu alio in Cantoniensi prouincia ad negotiationem exercendam. In eam rem missus est Amacaum illarū Insularum Regius Quæstor Ioannes Baptista Romanus, vir magno rerum vsu spectabilis. Ei comes additus est è Societate nostra P. Alphonsus Sancius Hispanus. His traditæ sunt litteræ ad Collegij nostri Rectorem Amacaum, & ad socios Sciauquinum, in hanc ferre sententiam.

Legati ex Philippinis insulis Amacau mit-runtur cū litteris.

Gratulabantur primum de felici in Sinarum regnum ingressu, quam rem tot iam annos Rex Catholicus & vniuersus orbis Christianus optarat. Eam ob rem se communi Religionis intuitu permotos, statuisse quoque hanc expeditionem pro viribus promouere. Mittebantur porro eleemosynæ nomine pecuniarum subsidium & alia donaria nonnulla, sed maximè horaria machina perelegans, quæ solis rotulis, nullis ponderibus agitata, horas metiebatur. Significabatur deinde annis superioribus Regem Catholicum magnifica ad Sinarum Regem destinasse munera, quæ Mexicum aduenisse constabat. Rogabant igitur, vt Socij à Cantoniensi Prorege Legationem ad Sinarum regiam impetrarent, qua occasione etiam ipsi in urbem regiam erant penetraturi, & ab Rege fortasse facultatem Christianæ legis toto regno euulgandæ impetraturi. Sumptus porro omnes Regis Catholici Quæstor, qui mittebatur, facturus scribebatur. Hæc litteris continebantur. Verum P. Alphonsus & ipse Quæstor instabant, vti ipsis ad ipsum Proregem adeundi & negotium tractandi facultas impetraretur.

Collegij Rector P. Franciscus Capralis ad Socios Sciauquinum scripsit, vt hoc negotium ita tractarent, ne cæpta ex-

Legatio ad Si-
narum regiam
à nostris pro-
mouetur:

peditio quicquam inde detrimenti acciperet. fecere illi quod ab Superiore (nam ijs adhuc initijs Sinica Missio Collegio Amacaensi erat attributa) iubebantur, adhibitoq; ad eam rem è Proregis Palatio Curiali quodam, libellum scripsere, in quo nec suum nec domesticorum suorum nomen inscripserunt. Sed eum libellum prius quam Proregi darent, ad fautorem suum recenti dignitate auctum eo consilio detulerunt, ut eius in re dubia & periculi plena sententiam explorarent. Mirum, quantum supra spem ea res illi placuerit, ac libellum comprobarit, quem etiam, eo auctore, interpretis sui nomine inscripserunt. Ergo ille ipse gestatoria sella ex more vectus, ad eum Magistratum se contulit, cuius est libellos Proregi vel offerre pro arbitratu, vel reijcere. Libellum ei tradidit ac mandauit, uti nulla interposita mora eum Proregi offerret, eo rem contineri non utilem minus Sinensi Reipublicæ, quam honorificā. Nec Proregi displicuit, nam eum ex more ad Archithalassum, quem Hai-tau vocari supra dixi, in Metropolim misit cum mandatis, uti de ea re inquireret (nam externorū negotia ad eum pertinere supra monui) & sententiam suam ad se remitteret. Id cum sit, signum est Proregi libellum non displicuisse, nisi si quid incommodi deinceps adferatur, nam cum libellis reijcitur, sine responso inglorius antiquatur, nec è curia egredi ultra consuevit.

Impedimenta
legationi Hi-
spanicæ futuræ
obijciuntur.

Iam protraxerant eo Socij negotium, cum Amacao noua mandata prioribus cōtraria peruenerunt. Nam interim dum hæc Sciauquini ab socijs agebantur, Amacaensis oppidi primores intellexerunt, Hispanos id maximè hac legatione spectare, ut cōmercia cum Sinis in eadem prouincia contraherent, quam rem Lusitani urbis suæ cōmercijs ruinam certissimam arbitrabantur. In Insulis quippe Philippinis ingens erat argenti vis, quæ ex noua Hispania & Peruana prouincia quotannis appellebat, eam si in Cantonienſi prouincia coe-

monilis

mendis Sinarum mercibus expendere, cariora omnia futura dum emerentur, & viliora foris dum venderentur. Quocirca publicis litteris moniti sunt socij, ne hoc negotium longius promouerent, non ideo solum, quod ea res extremam vrbi perniciem erat allatura, quam certum erat Patres nolle bene merita de se toties vrbi procurare. Sed ideo quod legationem ad Regem Sinarum ab Hispanis adornari nulla ratione decebat. Id Lusitanis deberi, quibus Sinense commercium iam ab antiquissimis temporibus erat in ea lite, quam diremerat Alexander sextus Pontifex maximus, inter Reges Hispanos atque Lusitanos, fuerat attributum. Nam etsi nunc vtrūque regnum in eandem coronam coaluerat, Regis tamē Catholici cōmunis domini voluntate vnaquęq; natio suum retinebat, & antiqua iura permisceri erat interdictum. De muneribus vero ad legationem adornandam olim missis satis cōstare, ea iam in varios distracta in vnum non facile posse reuocari. Nam cum ingressus in Sinense regnum olim sæpè tentatus, conatus omnes elusisset, legatio etiam ipsa pro desperata iudicabatur; & ij quorum intererat illius iam dissipant apparatus. hæc ab Amacaensi Magistratu locijs significata, cuius etiam autoritate Rector Collegij Amacaensis monuit, vti negotium vltra ne persequerentur.

Ea res anxios reddebat socios, vix enim regrediendi cōsiliū satis tutum apparebat, rebus iam eo vsq; perductis, statuerunt tamen, nihil vltra mouere, fortasse rem ipsam nullo procurante silentio inuoluendam. Sed ramen hunc exitum res consecuta est. Archithalassus Cantonienſis, cum hbellum & mandata Proregis accepisset, dies aliquot substitit, dum libelli auctor, quem dixi Interpretis nomine scriptum, appareret. Sed cum de eo nihil audiret, iam enim Socij nihil vltra mouebant, scripsit ad Ansani oppidi Gubernatorē, sub cuius etiam potestate portus Amacaensis cōputatur, vti cognosceret,

ret, venisset nec ne in eum portum Legatus aliquis, qui Regi Sinarum se donaria deferre profiteretur. Ab eo Gubernatore missi, qui ea de re inquirerent, ij ab Hispano quæstore liberaliter donati rerulerunt omnia satis apte ad negotium, quod agebatur, quibus etiam libelli veritas consentiebat. Verum ipse quoq; Amacaensis Magistratus Gubernatorem de re tota reddidit certiore, aliaq; omnia, quam quæ à quæstoribus dicta fuerant asserebat. Dicebat enim eam gentem aliam esse à Lusitana, neq; expedire, gentis illius legationem admittere propter varias, quæ inde oriri poterant inter duorum regnorum aduenas, similitates.

Legatio Hispanica ad Sinarum regiam, sopitur.

Cum hæc vtrinq; rationes ad Archithalassum peruenissent, ipse prolixum sane diploma euulgauit, & ad metropolis portas legendum exhibuit. Eius breuiter hæc erat sententia. Narrabat in primis huius negotij primordia & progressum, tum rationes vtrinq; pugnantes sibi oblatas commemorabat. Inde grauiter de interprete libelli auctore questus, quod se suo tribunali sistere neglexisset, sententiam tulit in hunc modum: Si legatio quæ adornabatur ab ea gente profecta erat, quæ alias nunquam ad legationem admissa fuerat, nihil esse, quod ultra laboraret, non fieri illi legationis instituendæ facultatem, siue illa gens esset eadem cum Amacaensibus aduenis, siue diuersa: Si vero antiquum habebat aliquod legationis iam olim initæ diploma, à Legatione non excludi, Ad extremum Ansani Gubernatorem suo diplomate monebat, ne ultra permitteret huiusmodi homines ad Proregem cum his libellis penetrare, sed potius eos grauiter plecteretur, qui tentassent. Atque hac omnino ratione sopita sunt omnia sine expeditionis perniciæ, quam adire poterat ex eo, quod cū aduenis extra regni limites aliquid haberent contra Sinensis regni iura commune.

Sublato tandem hoc metu, Amacaensis Collegij Rector idemq;

idemq; Sinicæ missionis Superior P. Franciscus Capralis statuit inuisendam sibi domum Sciauquinam, vti quæ oculis testibus vidisset, ad Visitatorem in Indiam, & ad Præpositum Generalem Romam scriberet explorata. Id fauente Lin-si-tau. satis facile fuit. nam cum is domi nostræ frequens esset, rogatus extemplo facultatem veniendi fecit, maximè quod ad socios visendos solum, & non ad cōmorandum venire velle diceretur. Venit igitur Sciauquinum nullo prohibente, ipsumque Lin-si tau visitauit, & donaria illi obtulit, ab eoq; vicissim accepit. Omnia deinde liberrimè lustrauit, vel in ipsa vrbe, vel extra, reperitq; stationis illius statum etiam opinione meliorē. Baptismo etiam abluit ipse primos Neophytos, qui sollemniter in æde sacra salutare aquas capitibus exceperunt. Hi fuere duo, alter è Prouincia Fuquiana litteratus, qui Sinenfes libros Patribus domi prælegebat, isque in Baptismo Pauli nomen accepit. Alter fuit, iuuenis ille, qui sacramentum dimissis Patribus conseruat, & redeuntes hospitio exceperat, Is Ioannes est appellatus. Ea res minimè secreta fuit, sed publica, nec tamen ab Sinis improbata; quin potius familiares socijs gratulabantur, quod hos sibi discipulos aggregassent. Quorum exemplum postea secuti alij complures, qui sanctissima lege nostra imbuendos, ac deinde sacris etiam aquis eluendos se præbuerunt. Hoc Superioris ingressu non parum utilitatis huic accessit expeditioni. nam moniti Visitator atq; Præpositus Generalis, qui ad hanc sedem necessarijs subsidijs stabiliendam non temere animum applicarunt.

Franciscus socios Sciauquinum misit.

A. P. Caprali primi Neophyti baptizantur.

Alii duo Socii huic expeditioni destinantur, & in regnum admittuntur, in Prouinciam deinde Cequianam à nostris excurritur.

CAPVT OCTAVVM.

QVam P. Alexander Valignanus Visitator expeditionem

Bb

apud

P. Valignanus
rem Sinicam
stabilit.

apud Sinas Christianam instituerat, eam semper studuit promouere. quocirca cum in Europam una cum Iaponijs Legatis uti destinarat minimè nauigasset, ideo quod totius Indiae Præpositus Prouincialis fuisset renunciatus, animum applicuit ad rem Sinicam stabiliendam. Et quoniam longo iam usu, rem ubiq; Christianam tractauerat, aptissimis institutis ac præceptis etiam omnia moderabatur. Cum igitur latissima hæc Sinensis rei principia, felicem videlicet ingressum, stationem perpetuam, extructam ædem, magnam Euangelicæ legi eiusq; præconibus auctoritatem comparari accepisset, gratiarum actionem in Deum, è cuius bonitate bona cuncta procedunt, effudit & hæc fere in huius expeditionis bonum procurauit.

P. Valignanus
duos socios in
Sinis ablegat.

Nominauit igitur P. Eduardum Sande Lusitanum, virum prudentiæ laude ad cæteras animi dotes insignem, in huius missionis superiorem, quam è Collegij Amacaensis potestate eximebat, & sibi vni ac Iaponicæ Propreposito Prouinciali subdebat. Is è Lusitania venerat in Indiam eadem cum ijs socijs nauigatione, qui hactenus rem Sinicam procurarant, & in Societate annos iam plures transegerat. Socium ei adiunxit P. Antonium Almeidam item Lusitanum, qui eo ipso anno è Lusitania in Indiam nauigarat, iuuenem cætera conspicuum, sed rara in primis virtute, & pio æstuantis animi feruore præditum. Impetravit etiam ab Indiae Prorege Eduardo Menesio annuum stipendium Regis Catholici nomine ad socios in hac missione subleuandos, quod stipendium uti in telonio Malacensi persolueretur, Sinis viciniore, cōcessum. Deinde socios illos varijs institutis præceptisq; instructos ad Sinas amandauit: ijs vero qui iam Sciauquini degebant, scripsit, uti enixè illorum ingressum, sed sine totius rei periculo procurarent, eos interim in Amacaensi Collegio motum aquæ expectaturos, & patribus Sciauquinis de rebus necessarijs prouisuros, ne to-

ties

ties Amacaum excurrerent, Sinisque suspicionem augerent. Appulerunt igitur in Amacaensem Sinarum portum exeunte Julio anno salutis nostræ 1585. hæc maxime ex India Visitator, qui deinde suum retinens institutum frequentibus litteris ac præceptionibus amorem in socios suum testabatur, & animos dabat ad rem arduam alacriter & fortiter promouendam, hæc omnia ad posteritatis memoriam in Archiuio asservantur, sed ea hic commemorare longum esset, & ab institute narrationis scopo fortasse alienum.

Socij ex India
Amacaum ap-
pellunt.

Acceptis Visitatoris litteris, socij à protectore illo suo Lin-sitau contenderunt, uti saltem è duobus alteri secum comorandi faceret facultatē, verum ille præsentē Prorege subueritus concessit duntaxat, uti ad eos visendos veniret, post dies deinde aliquot Amacaum rediturus. Et cecidit per eos dies opportunè Proregi ex aula Pequinenti scriptum, uti ab Amacaensibus aduenis plumas aliquot elegantes compararet, & ad Regem quamprimum destinaret. Nauigium igitur non mediocre Amacaum amandauit, eoq; vectus est P. Michael Ruggerius ad ea quæ Prorex volebat procuranda; quibus è sententia perfectis, P. Eduardus Sande, P. Michaeli comes accessit. Sciaui quidem posse eam attigere, nouus hospes ad salutandum Lin-sitau se contulit, & ad eum delinendum stationemq; impetrandam non leue rerum nostrarum munus obtulit, sed nihil æque arrisit, ut vitrū illud trigonum, de quo iam sæpius, eius enim iam diu cupiditate tenebatur. Quæsiit ille ex Patre ecquando vellent Amacaum reuerti. Cui Pater: Ego inquit hic sedem cum socijs figere peroptarem, si id mihi per te licet, redibo cum primum imperaris. Ille vero Libellum inquit Proregi offeris illum ad me expedendum transmittet, & ego te voti compotem efficiam. Libellus instructus est quidem, sed minimè redditus, incertum an ab eo Magistratu retentus, cuius est libellos ad Proregem re-

Occasio offer-
tur nostris in
Sinis nauigan-
di.

Vni & socijs
comorandi po-
testas datur.

Bb 2

cognos-

cognoscere, an ab ipso Prorege fuerit reiectus. Cuius rei admonitus sociorum perpetuus fautor, ipse cum reliquis duobus comorandi fecit facultatem, sed ea lege uti posthac cauerent, ne quemquam alium in consortium euocarent. Prorex porro coemptis ex animi sententia mercibus, ultra pretium quod ab Amacaensibus ciuibus dono legebatur, socios donauit aliquot etiam argenti vncijs, ut eorum hac ratione laborem compensaret.

In hac Sociorum lætitia deerat ad explenda omnium vota P. Antonij Almeidae praesentia, quem Amacai tristem satis constabat ad destinatam stationem anhelare. Illius ingressum spe faciliorem diuina bonitas hac ratione perfecit. Qui priori Gubernatori altius uti diximus euecto, iussus fuerat, erat & ipse Cequianus, & idem ciui suo similis, sociorum fautor egregius: eum oportebat in Aulam Pequinensem, ex officij ratione se conferre, ad obsequiosam Regi submisionem, quolibet triennio domi nostrae sollemni epulo exceptus est (hoc enim frequentes apud socios factitabant Magistratus) eo in epulo praesentit Gubernator non ingratum sibi fore, si ad hoc iter sese vnus e nostris Pequinum vsque comitem adiungeret. Et quanquam postea monitus ab suis non satis tutum esse aduenas eo tempore in Urbem regiam inducere, quo ex vniuerso regno grauissimi commeant Magistratus, ab ea mente resiliit. Dixit tamen nihil ob stare, quin si vellent, in Cequianam prouinciam patriam suam se auctore penetrassent.

Nona & altera sedes in prouincia Cequiana socijs attribuitur.

Id socijs ex animi sententia cecidit. nam à Visitatore in mandatis acceperant, uti si fieri posset, nouam aliquam sedem erigerent eo consilio, uti plures minore suspicionis periculo eo in regno residerent, & si quis casus vnā sedem euerteret, non excuteret simul hanc expeditionem vniuersam tanto labore partam, & maiori postea restaurandam. Ergo Gubernatoris noui voluntatem admiserunt, in eamque rem nominatus est ab

Superiore

Superiore P. Michael Ruggerius, P. Antonio Almeida in comitem euocato. Litteræ igitur iussu Gubernatoris à quarto illius Collega, qui absentis vicem supplebat, Patri datæ, quibus litteris fiebat illi facultas in Cequianam & Huquanam prouincias aliq; loca contermina penetrandi. Inde P. Michael Ruggerius extemplo in Metropolim Cantoniensem nauigauit, ut ad iter illud, quod erat bimestre necessaria compararet, & è vicino comitem euocaret. Aderant tunc fortasse Lusitani negotiatores per consuetos nundinarum dies, Et cum ijs venerat P. Antonius Almeida omnis moræ impatiens, ut è proximo lustraret, ecquam spem ingressus circumspiceret. Ergo ubi audiuit euocari se, & ad instituendam sedem nouam, in regni penetralia euocari, totus præ lætitia gestiebat.

P. Antonius Almeida euocatur in Sinas.

Nec defuit alia tutò & fere sine sumptu nauigandi comoditas. Nam ad Cantonienfes nundinas venerat veteris amici Lin-si-tau germanus, is è patria magnam sericorû pannorum & filorum vim aduexerat (nam è Cequiana ferè prouincia vniuersa conflatur) in his nundinis distrahendum. In patriam vero redire cupiebat quidem ille quam primum, sed cum nondum de pretio conuenissent, opinione sua diutius detinebatur. Verum sociorum opera Lusitani merces illius eo pretio compararunt, quod ille exigebat. Quoties enim de re Christiana agitur, profecto Lusitani sua bona profundere & lucra sua refecare nihil reformidant. Ergo recenti beneficio obligatus, & fratris amicitia permotus, socios nauigio suo exceptos in Cequianam vsque prouinciam & urbem suam tuto & nullo prohibente perduxit. Ea vrbs Sciau-hinum appellatur priori sedi pæne cognominis, sed apud Sinas parua sapere res magnum vocum discrimen inducit. Et vtrique Gubernatori priori ac nouo, patrium solum.

Verum prius quam ab se inuicem socij segregarentur, præter alia multa quæ statuerunt, non omittam vnum, quod est

Bb 3

tum

Socij præter
nomen pro-
prium Sinarū
more, aliud si-
bi usurpant.

tum primum in morem inductum. Solent Sinæ prout libro superiore monui pluribus nominibus appellari, Et proprio quidem nemo eos compellat, nisi ille ipse, qui se nominat aut inscribit, aut si quis alius ei superior est in paucis. hoc si violatur iniurium est ei, qui compellatur. Inde fit, ut singuli nomen sibi aliud usurpent grandius, quo nomine ab alijs honoris causa nuncupantur. Hactenus Patres præter proprium aliud sibi nullum nomen adsciuerant, proprioq; etiam à famulis domesticis compellabantur, quæ res Sinis barbara, ut leuissimè dicam. videbatur. Suum enim cuiq; pulchrum. Ergo socij ut omnibus omnia fierent ad omnes Christo lucrificandos, hoc quoque sibi nomen usurparunt ad auctoritatem apud infideles omnes Christianæ demissionis nescios, omnino necessariam, facilius retinendam. Exinde etiam quotquot ingrediuntur, initio nouum hoc sibi nomen adsciscunt, ne eo aliquando caruisse videantur. Sed ad Socios redeamus.

Socij urbem
Cequianæ pro-
uinciæ ingre-
diuntur.

In urbem igitur Sciau-him Cequianæ provinciæ cum socij peruenissent, à Lin si-tau familia hospitio sunt excepti, & in templo eius familiæ, domui contiguo collocati, quo in loco non incommode sanè habitabant: nam & ianuam domui communem habebat ad familiam admittendam. In hoc facto magni omnium ordinum ad visendos aduenas concursus facti non primores, non litterati, non populares defuere. Vrbs porro ipsa tametsi Metropolis non est, inter primarias tamen eius provinciæ numeratur; nobilis commercio, nobilis situ, in medio videlicet aquæ potabilis lacu, ut Venetam urbem referre videatur, nobilis denique ingenijs & litteratorum turmis fortunata. In his congressibus de SS. lege nostra sermones illati, sed vix vllò fructu. nam Patrum alter tacere cogebatur, alter hallucinari vix poterat. Et interpretem habebat satis impeditum, & minimè ingeniosum senem. Nihilominus decrepitus Lin sitau parens Christi sacra baptismumque suscepit

Socij de no-
stra lege ser-
mones insti-
tuunt, & ali-
quot sacro
fonte abluunt

suscepit, & alij duo tresue infantuli cum animam agerent eluti, cælo nescientes intrusi sunt. Vniuersa ciuitas sociorum in ea vrbe stationem comprobat, ipseq; maximè Regionis illius Gubernator, qui arctam cum P. Michaelle necessitudinem contraxerat. Quam rem ipse Lin-si-tau Patribus palam è tribali retulit, magnaq; affecit lætitia, ratos iam alteram in Sinas regni penetralibus Societatis nostræ sedem colloca-

*Enoua sede dimittuntur. In prouinciam Quam-
si P. Michael Ruggerius excurrit.*

CAPVT NONVM.

EXpeditionis apud Sinas Christiana nunciij iam ex India in Europam Christianumq; orbem vniuersum penetrarant, exceptiq; sunt eo alacritatis sensu, quem pietas Christiana huiusmodi nuncijs solet exhibere, SS. D. N. Sixtus quintus Pontifex maximus vniuersæ Societati Iubilæum concessit amplissimum, eo maxime finæ, vt expeditionem apud Sinas & Iapones Christianam enixè omnes Domino commendarent, nec defuit Pontificiæ voluntati sociorum pietas, à quibus salutare hoc indultum susceptum est, qua oportuit religione. Præpositus quoque Societatis nostræ Generalis P. Claudius Aquaiuiua amoris paterni testes litteras ad socios scripsit; quibus eos hortabatur in Domino, vt captum promouerent, nec se rei difficultate deterreri superariue paterentur; ipse vero subsidium omne spondebat, vel orationum, quas vniuersæ Societati distribuit; vel Sociorum, quos deinde submisit. Alia quoq; adiuumento non leui futura subministravit. In his Christi Seruatoris imaginem à celebri pictore Romæ delineatam. Quatuor etiam horarias machinas perelegantes, tres è collo pensiles rotarum subtilitate visendas, quarta vero tametsi erat maior

Sixtus V. Pont.
Iubilæum So-
cietati imper-
tit.

Claudius Aqua-
uiua socios
hortatur & in-
uat.

Muneribus ad
socios missis
res Sinica pro-
mouetur.

& in

& in mensa collocari eam oportebat, cæteras tamen operis præstantia superabat; nam exclusis ponderibus sola rotarum agitatione horas integras ac dimidiatas, quin & quadrantes trium tintinnabulorum sono moderabatur, quæ machina vniuersum suo tempore Sinarum regnum in stuporem rapuit, & cum fructum fecit, ita cooperante Domino, qui adhuc hodieq; sentitur, sed hæc suis deinde locis vniuersa. E Iaponia Præpositus Prouincialis P. Gaspar Coellius aliam Christi Seruatoris effigiem grandiore submisit, opus perelegans P. Ioannis Nicolai, quo Magistro primum Iapones ac Sinæ Europæam pingendi artem magno vtriusq; Ecclesiæ bono didicerunt. E Philippinis Insulis Religiosus sacerdos dono misit insignem Dei parentis Iconem infantulū IESVM vlnis gestantem, quem etiam D. Præcursor religiosè venerabatur. hoc opus ex Hispania adferebatur, visendum sanè vel colorum vel lineamentorum prope viuentium præstantia, quam Iconem Collegij Amacaensis Rector huic missioni attribuit. Ita varijs è locis alacritatis signa liberalitatisq; vestigia mittebantur.

Ex his initijs feliciter cæpris, aliæ quoq; Religiosorū ordinum. DD. Augustini, Dominici & Francisci familiæ fuerūt incitatae; quoniam verò aditu regni Chinarum excludebantur, in portu Amacaensi cænobia excitarunt, & in Philippinis Insulis utilem operam instituendis Neophytis impendunt.

Sciau. quini quidem ceperunt, confirmata iam statione, liberius in Gentilium conuersionem incumbere. stas enim diebus de fidei nostræ mysterijs conciones habebant; complures à vana Deorum superstitione abductos sacro Baptismatis fonte abluebant; ex quo maior deinde populi festiuis diebus accessio facta. Quod reliquum erat temporis, id omne adhibito præceptore Sinenfibus libris euoluendis vtiliter consumeabant: & magnam apud Sinas ipsos litteratorum virorum

virorum studijs captos auctoritatem sibi, suisq; deinde dictis ac factis comparabant.

Cequitanorum sociorum initia alium sortita sunt exitum. Socij Cequita-
Etenim propinqui Lin-si-tau, ne ob frequentem ad nostros na Prouincia
concursum malum sibi crearent, litteras huxerunt, quibus no-
cedere coacti.
stri ad Cantonienſes socios, absente P. Ruggerio, in discrimi-
ne positis, vocarentur, sed fraude subolita tantisper se conti-
nuerunt, donec à Gubernatore Siauquinense nostrorū ami-
co sinistrè persuaso & inuito cedere iuberentur. Cui tandem
paruerunt, ad quos P. Ruggerius Sciauquini se recepit.

Ex hoc euentu, propinquorumq; litteris ipse Lin-si-tau a-
cerrimus olim sociorum protector, de amicitia multum de-
inde remisit, & omnino tandem abstinuit. Monuit etiam uti
ne in tribunal suum sub nouilunia ex more itarent, ex affixa
utraq; illa inscriptione nomē suum expungi mādauit, & idem
fecit in Geographica illa P. Matthæi tabula, in qua illius no-
men etiam legebatur. Deniq; in omni congressu, si quando
contigerat, humanitatem illam solitam imminuit, frontemq;
rugauit, sed nihil tamen circa Sociorum stationem adhuc in-
nouabat.

Nec vero hac velut negotiorum malacia segniores Socij
quibus poterant remis, iter suum promouere intermittebant. Socij animos
in aduersis su-
munt
quin eo magis de rē vniuersa solliciti, satis verebantur, ut hac
aliquando sedes à grauiore persecutionis procella concutere-
tur; eoq; magis ad figendam sedem nouam hac occasione ani-
mum applicabant. Vtebatur Lin-si-tau familiariter Sciauqui-
no ciue primario turris extruendæ præfecto. Is Tan-siao-hu,
dicebatur, eam familiaritatem, quod fere Sinæ solent, ad lu-
Alia offertur
ocasio statio-
nis locandæ.
cra sua dirigebat. Itaque cum aliquid ab socijs emungere sta-
tuisset, studio die quadam sermonem ingessit, coram patri-
bus de Monte quodam in prouincia Hu-quam, quem indige-
næ Vu-tan vocant, ad quem multi peregrinationem institue-

Cc

re di-

re dicebantur. Quæsiit ex P. Ruggerio quid esset causæ, cur nondum eo se contulisset. Respondit Pater non satis se scire vtrum ideî per Magistratus liceret. faciam inquit ille, vti bona Lin-si-tau venia id sibi liceat. Hæc excursio nec secura satis, nec multum promittere videbatur, quod ex priore didicerat; sed ne quid tamen intentatum relinquere, rem, superioris permisso, P. Ruggerius, per interpretem, qui omnia caute dispiceret, est aggressus.

P. Ruggerius
ex occasione i-
tineris Regulû
adire conatur
frustra.

E Metropoli
iubetur disce-
dere.

Ex itinere igitur occurrebat Patri Prouinciæ Quam. si. Can-
toniensi conterminæ metropolis, in eam se Pater ingessit. De-
gebat hic è regio sanguine Regulus, nullam tamen ex more
Reipublicæ partem tractabat; ad eum adire Pater omnino
tentauit, arbitratus eius se fortasse fauore posse, quod opta-
bat impetrare, nondum enim Socij Sinicam Rempublicam
nouerant, & multa Europæo pede metiebantur. Ab eo ad-
missus non fuit, sed cum hoc responso reiectus, vti primum
ad visendum Proregem aliosq; Magistratus sese conferret, ac
deinde ad se rediret. Prorex in eadem Metropoli commora-
batur. Nec abnuî bonus Pater, sed audacter tanè aduena Sa-
cerdos nullo præeunte ad Proregem cæterosq; Magistratus
accessit. Ab omnibus exceptus est non satis humaniter, sed si-
ne iniuria, monitusq; vt institutam peregrinationem perse-
queretur, nec vllam moram faceret in ea ciuitate. Ante abi-
tum, nondum spe deposita, Reguli congressum petiuit, sed
repulsam iterum passus, muneribus restitutis, è Metropoli ex-
templo discedere iussus. quod factû est varijs in Patre edictis
tota vrbe promulgatis, periculum etiam adiere vici illius Præ-
fecti, in quo fuerat cômoratus, quod aduenam Magistratum
iniussu in vrbe inmisissent. Deniq; non nisi eo extra orbis
muros constituto conquieuerunt, quasi vero in ea re salus ci-
uitatis verteretur.

Non defuit qui Patris vicem doleret è Reguli familia. nam
primari-

primarius illius Eunuchus in hospitalitatem Proregis incusans, blandis eum verbis solabatur; litterasq; addidit ad Quæstorem oppidi cuiusdam in Prouincia Hu-quam, in finibus prouinciae Quam-si, cui oppido nomen erat Pa-sciui, quibus litteris fiebat Patri facultas, uti apud eum Quæstorem quamdiu vellet remaneret, Erat enim is in illius Reguli potestate. Spondebat vero se post huius Proregis discessum effecturum, uti in Metropolim, vnde nunc pellebatur, è Magistratuum voluntate reuocaretur. De his omnibus P. Eduardus Superior per litteras certior factus, Patrem Ruggerium Scianquinum, infecta re, ad se vocat, nec enim apparebat quicquam ex animi sententia confici posse, sed potius periculum aliquod rebus adhuc immaturis imminere.

P. Ruggerio datur facultas commorandi apud Quæstorem.

P. Eduardus Superior Amacauim remittitur, & Socii vexati, graui deinde calumnia liberantur.

CAPVT DECIMVM.

POST Patris Ruggerij reditum, non ignorauit ipse Linsitan huius peregrinationis euentum, quin etiam fama de suo (ut solet) non nihil adiunxit. Scriptum enim ad illum ex ea prouincia ferunt, Patrem à Prorege minime admissum, à supremo vero militum præfecto verbis male habitum, paratq; illum vincula euasisse. Hæc ipse cum Cequiano metu & Cantonjensium etiam Magistratuum consilijs, qui magnum aliquod è nostorum statione Reipublicæ Sinenſi malum augurabantur, ex eo quod Amacao venissent, & Amacaensium commercia nondum intermitterent: hæc inquam ille omnia in vnum cogens, non parum angebatur, moliens ecqua ratione hoc sibi ex humeris onus excuteret, socijs ad suos amandatis.

Linsitan, ob nostros dimissos angitur.

Nec defuit occasio. nam per eos dies nunciatum est Can-

Cc 2

tonien-

Socijs alius
metus inijci-
tur.

toniensem Proregem ad aliam dignitatem in Regia Nanquiniensi euectum, eiq; suffectum illum, qui Proregis munus in Quam-si, prouincia gerebat, à quo dicebatur P. Michael Ruggerius ignominiose reiectus. Ex hac re occasionem sumens socijs renunciari iussit, uti omnes ad suos, unde venerant se reciperent, vereri se ne molestius ferret nouus Prorex aduenarum in sua ipsius sede stationem. Extructarum ædium se precium redditurum, & si quidem id per Proregem liceret, se eos extemplo reuocaturum. Ea res socios sanè inopinato metu consternauit, veritos ne statione sua pellerentur, cuius iam tanto applausu fama in vniuersum orbem Christianum penetrarat; nec sibi videbantur, si semel abirent, alias facile reuocandi.

Socij libellum
offerunt sup-
plicem.

Extemplo igitur Socij duo, qui primi stationem hanc incolucrant, ad illius se tribunal contulere, ibi oblato libello, quem etiam lacrymis resperferant, fusè narrabant, qua ratione immensum iter emens, in hoc denique regnum appulerant, in eoq; tot iam annos cum nullius iniuria commorati, sumptibus etiam maximis exhausti fuerant, omnino se neque in Amacaensi oppido sedem figere, neq; Patriam per tot maria repetere posse profitebantur; Aduenarum igitur quos hactenus fouerat, nunc miseratio tangeret. Ad Proregem vero quod attinebat, se illi suæ stationis rationem, cum nullius periculo, reddituros. porro si plures illi esse videbantur quam initio fuerant, vnum alterumue dimitteret, reliquos à Prorege iam semel admissos, in sua sede residere pateretur.

Linfi-tau, re-
sponder per-
humane socijs

Adhæc perhumanè sanè respondit. Nihil se vnquam de socijs sinistri suspicatum, maleuolentiam vlla ex causa suscepisse, sed se Cantonensium è Metropoli Magistratum sermonibus sæpe monitum, aliquod Sinensi Reipublicæ malum subuereri. Accedebant vniuersæ ciuitatis odia, molestè ferentis extructæ molis laudem in aduenas famæ maleuolentia deri-

deriuatam; sibi sumptus dumtaxat laboremq; superfuisse. In-
cusabat etiam P. Ruggerium, quod se in Quam-si metropo-
lim immisisset, vbi à Prorege reiectus, à cæteris etiam Magi-
stratibus male habitus dicebatur. His quàm aptissimè pote-
rant socij occurrebant, quibus factum est, vt denique diceret,
se maturius de re tota deliberaturum. Libellum itaque no-
strorum ad operum Præfectum Tan-hao-hu amandauit, cum
eo enim de nostris rebus ferè consilia miscebat; id fecit, vt ali-
quod ei lucrum ex impetrato fauore ingereret. Manus enim
manum fricat, nec ei defuit, nam præter alia minutiora vigin-
ti aureis donatus est ex promisso, post impetratam denuo no-
strorum stationem. Sed primum vt faciliorem exitum rei da-
rent, statuerunt latius esse P. Eduardum superiorem, prius A-
macaum sua sponte repetere, quam dimitteretur, ibiq; præ-
stolari, quem ea res exitum sortiretur; maximè quod eo anno
oneraria nauis ex India defuisset, nec litteræ aut subsidium vl-
lum à Visitatore missum appulerat, quod vt curarent non in-
utilis eius profectio videbatur.

Non ita multo post edictum ab illo ipso Magistratu exijt
in rem nostram, quod edictum eo in vico, quem Patres inco-
lebant affigi mandatum est. Eius hæc erat sententia: Domum
nostram aduenarum Sacerdotum sumptu ac labore excita-
tam; Turrim vero Sciauquinā Regiā communibus expensis
ad inuehendā prosperiorem de more fortunam extruxerat,
nec ad eam exteri Sacerdotes quicquam de suo contulerant.
Eos porro ab Prorege in eam urbem admissos, alios in contu-
bernium suum euocasse; qua ex causâ se pro officij ratione il-
lis imperasse vt omnes abirent: Verum eos ad se pro tribuna-
li venisse, reclamasse, & collacrymatos etiam fuisse; Immen-
sum ad patriam iter, sumptus factos allegasse, obiecis-
se se à Proregibus admissos, nemini molestos fuisse, regni leges nun-
quam violasse, aliaq; huiusmodi. Quæ omnia vera esse com-

Edictū in rem
sociorum affi-
gitur.

perisse se fatebatur, dicebatque se miseratione permotum, ex eo quod eos viros esse religiosos, & virtuti deditos esse constaret, concessisse uti unus alterue concessam à Proregibus sedem retineret, ceteri quotquot essent, dimitterentur, cauerentque in posterum, ne quem alium euocarent, fore haud dubie uti ex ea causa omnes pellerentur. hac enim ratione declaratos se res novas moliri & ingens aliquod Reipublicæ Sinensium malum machinari. Aliud addidit edictum quo vici præfectos compellabat, iubebatque uti explorarent etiam atque etiam num hoc suum edictum externi sacerdotes obseruarent, ac de re tota Magistratus redderent certiores.

Socii metu liberantur.

Hoc edicto socii nonnihil respirarunt, sed non diurna quies fuit, laborem fere labor nouus excipiebat. Nam præterquam quod tertium quartumue à nocturnis furibus vexati, & quibusdam etiam rebus exuti fuerant, insigni sunt affecti molestia, post etiam graui calumnia onerati, sed denique Deo bene iuuante liberati.

Noua calumnia euditur in socios.

Neophytus quidam Martinus nomine in Amacaensi oppido Christi sacra susceperat, Sed is professione sua nomineque indignus, ingens socijs malum accersijt. E Cantonienſi metropoli patria sua Sciauquinum venerat, Patres inuisurus, vel potius aliquid ab ijs emuncturus. Eum P. Ruggerius multis officijs fouebat, ne Christianam professionem quam frigide nimis exequebatur, in ea Neophytorum paucitate dimitteret. Ex ea Patrum familiaritate, occasione sumpsit alios quosdam Sciauquinenſes Neophytos in fraudem inducendi. Superiore libro monui Sinas Alchimistice artis prope ad infantiã vsque indagatores non paucos reperiri. Sibi enim persuadent, argentum viuum in argentum verum vi cuiusdam herbe posse conuerſi. quam solum apud exteras gentes aiunt reperiri, & socios hanc secum attulisse, & huius artis esse peritos, cuius rei indicium à Lusitanis accipiunt, quos vident magnam vim argen-

argenti ab Sinis comparatam pterio, & Iapones distrahere, & inde nummis argenteis onustos ad suos renauigare. Idem iudicium de nostris faciunt, quos vident vitam, sine vlla stipe collecta, nullaq; negotiatione, honeste sustentare suam, & argentum vi huius herbæ secretò conflare. Non enim sibi persuadent tantam vllibi fidem reperiri, quæ per tot maris ac terræ spatia fideliter nummos deferat, nec tantam charitatem quæ suo sumptualios docere velit, existere posse arbitrentur. Quamuis nemo unquam hanc artem assecutus sit, non desunt tamen impostores. qui miris artibus hoc malum foueant, & desunt omnino qui curent.

Inter Sciauquinenses Neophytos duo numerabantur, Patrens ac filius, qui olim ante susceptam fidem fortunas suas in alchimistica fornace decoxerant, nondum tamen arte plane damnata, ex Martino illo impostore quæsierunt, nossent Patres, nec ne argentum hac arte conflare? Ille vt falleret asseruit, Patremq; Ruggerium dixit sibi pollicitum eius artis se sibi præcepta traditurum, sed ea lege, vt ea cum nemine communia esse vellet. Persuadere sibi miselli, quod impostor asseruerat, eumq; multis officijs sibi conciliare cæperunt. Erat Martinus rerum omnium egentissimus, ergo ei vestē nouam concinnarunt, & in domum suam receptum, lautiorē cibo potuq; recreabant. Quid plura? Vxorem illi sua pecunia cōmerunt (hoc enim plebei faciunt) vt eum arctius adstringerent ad hoc arcanum sibi detegendum: quod ille demum ægrè tamen spondit, sed eadem qua reciperet secreti lege adstringebat. maxime vero cauerent, Patrum neuter id subodoraretur, ne forte à promissio resilirent, si secretum à se violatum suspicarentur. Et iam ea res, tres quatuorue menses silentio tegebatur: Verum cum diutius differre promissa non liceret, hospitibus suis diem dicit, qua die Pater ei Ruggerius arcanum erat reuelaturus, quo factò se quoq; mox illis idem præstitu-

Neophytus
quidam impostor factus.

Impostor fugā parat: præstiturum. Interim vero ad condictam diem vitro trigono à Patre impetrato, ipso die fugam init in metropolim reuersus, ratus se immensi pretij lapillum exportare. Vbi fugam delusi Neophyti persensere, in domum nostram venire, mul-

Neophyti impostorem accusant. ta quærentes & impostoris fraudem aperientes, asseriebant etiam non paucos aureos, vel in eius gratiam expensos, vel mutuo datos eum exportasse, consilium igitur à Patribus expetebant. Bis in metropolim ea de causa excurrit P. Ruggerius, nec aliud effecit, quam quod cum ibi agere, vitrumque trigonum habere intellexit. Quod vbi delusi Neophyti resciuere, insigni arte vitrum ab eo extorserunt, rati nummos sibi à Martino debitos facile à Patribus redditum iri, vti lapillum illum inæstimabilis pretij per falsas litteras, velut à Linfi-tau impetratas, reciperent.

Dum hæc agerentur, Gubernator die quadam cum alijs Magistratibus domum nostram animi causa deuenit, postulauit vitrum illud trigonum tradi sibi, ad spectandos ex eo cum voluptate colles, flumen, atque nauigia. Non potuit res vltra regi. responsum à Patribus illud sibi à Martino illo furto sublatum. excanduit Gubernator, scriptisq; mox in metropolim litteris misit, qui eum compræhenderet, ac sibi sisteret. Nec quicquam potuere Patrum preces, asserentium id vitrum non eius esse pretij, cuius vulgo credebatur; nihil admodum se de eo laborare. Respondit autem illud non esse nunc sociorum, sed Magistratuum totius urbis, qui ad illud cum voluptate spectandum in domum ventitabant. In metropolim amandatus apparitor ipsius Martini popularis, qui facile intelligens eum latere, Martini fratrem compræhendit, asserens se eum pro fratre abduciturum, nisi fratrem proderet, & vt minimum vitrum ei restituendum fore, cuius pretium nec fortunis omnibus exæquaret. Ille igitur vt à se malum auerteret, fratrem prodidit, quem apparitor vinctum Sciauquinum abduxit.

Impostor

Impostor Martinus iubetur compræhendi

Impostor Martinus Sciauquinum vinctus ducitur: & no-
uam calumniam calumniae addit, sparsis enim per triuia sche-
dulis Patrem adulterij petulanter insimulauit. Adulteræ ma-
ritus qui & ipse calumniam conflauerat, paulo post libellum
obtulit ipsi Linfitau, eo libello assererat, se in urbem nescio,
vnde redisset, has schedulas tota vrbe sparsas reperisse, do-
mumq; reuersum ab vxore totius rei veritatē verberibus ex-
torsisse. Rogabat igitur vti auctor plecteretur. Commisit is
hoc negotium ei Gubernatori, qui Martinum iusserat com-
prehendi. Itaq; res forensi ordine capta tractari. Verum fac-
ile fuit Patri calumniam euerrere, nani quo die dicebatur ad-
ulterium esse commissum, aberat P. Ruggerius in prouincia
Quam-si, duorum mensium non minus itinere, eaq; res ipsis
Magistratibus conscijs luculentē constabat. Intellectum tan-
dem est, hæc omnia authore Martino conflata. Accusator
porro tenuissimus erat, & aliquid ex hac re sperauerat vt file-
ret, sed Patres omnino etiam rogati, renuere, veriti ne qua
huius criminis macula remaneret, si cani latranti iniectam in
os offam ad silendum, euulgaretur. Demum qui lucrum spe-
ctauerat, veritus tandem ne sibi fuga consuluit. Cum ergo in
tribunal causam acturus vocaretur, nunciatum est iudici,
domum vacuum à coniugibus relictam, ipsos vero aufugisse.

Calumnia de-
regitur.

Accusator cū
vxore sibi fuga
consuluit.

Pronunciauit igitur Gubernator amplissimè, Patrem à
calumnia immunem fuisse, Martinum vero totius mali aucto-
rem declarauit, eumq; sibi sisti iussim, ictibus viginti crude-
lissimè cæsum in patris conspectu, & pecuniaria pena multa-
tum, ad triremes deniq; damnatum, ad Lin-si-tau tribunal a-
mandauit, vt sententiam ille, qui commiserat, approbaret. Is
rei conscius, alios sexaginta ictus nihilo mitiores prioribus
addi imperauit. Deinde in vincula reductus est, ad extremam
rerum omnium penuriam à propinquis & amicis desertus de-
uenit. Sed eum Patres licet iniuria affecti, omni qua potuerūt

Pater innocēs
pronunciatur
Impostor vero
flagellis caui-
tat.

D d

ope

ope recrearunt, donec è vulnerum acerbitate post dies paucos moreretur. Atque ita scelerum suorum pœnas ad cæterorum exemplum luit. Ille vero Neophytus, qui Martino vitrum eripuerat, audito eum vinculis traditum, vitrum socijs sua sponte restituit, veritus, ne si à Curialibus apud se repertum constaret, ipse in criminis ac pœnæ partem vocaretur. Atque in hunc maximè modum Socios, Dominus graui vel molestia vel caluninia liberauit.

*P. Michael Ruggerius Amacuum petit, ibiq;
retinetur. P. Eduardus Sciauquinum redit, & Socii po-
pulari furore fatigantur.*

CAPVT VNDECIMVM.

E Consueta Magistratuum euehendorum ratione debuerat iam ipse Lin-si-tau in altiore dignitatis gradum conscendisse, necdum tamen nuncius ex aula comparebat; ea res fanè mæstum ac suspensum tenebat. verebatur enim ne quod impensius aduenis fauisset, honorum incrementum daret. Verum tandem aliquando hunc illi, & alijs metum Dominus exemit, nostros graui periculo liberans. Nam ex aula scriptum est, cum in Prouincia Hu-quam in Pu-cin-tu tribunali magnam obtinuisse dignitatem. qua ex re pristinam alicritatem præferulit. Ei regio Sciauquinensis, vt supra tetigi, templum in ipsa turris area destinarat; & iam excitarat velut homini sancto, deq; sua Republica per tot annos bene merito. In eo templo super aram statua illius visebatur, & ante aram ingens focale ad odores incendendos. Candelabra etiam opere magnifico fuerant collocata. In eo igitur fano cum iam profectionem pararet, vniuersa eum ciuitas visitauit, ac nouam dignitatem gratulata, honore quodam apud Europæos inaudito, sed Sinis familiari cohonestauit, detractis enim o-

Lin-si-tau de nouis honoribus sunt gratulationes.

creis

creis veteribus (ocrea porro inter Magistratus insignia computantur) nouas induerunt; ac veteres eleganti capsulae impositas & clauibus obseratas, in loco publico asseruarunt, perpetuum vrbi, viri benefici monumentum. Vniuersus hic cultus ciuilis est, & nihil superstitionis continet. Nam viro benemerito in virtutis testimonium consuevit adhiberi. E Quamvis quoque prouincia nouus Prorex aduenit, cum Patres satistimide, sed tamen visiterunt. ab eoque sunt praeter spem inuisitatis humanitatis officijs excepti. Quin & Patre Ruggerium ex antiquo illo congressu agnouit, & agnoscere se profectus est. Eo tamen Prorege non diu frui licuit, nam grandiori iam aetati concedens, intra paucos menses extinctus est. Is etiam qui Linsitau suffectus erat, Socijs erat familiaris, nam e vicine regionis Gubernatore in eam conscenderat dignitatem, & alias saepe cum ad Proregem negotiorum causa veniret, Socios domi suae familiariter visiterat.

Rebus igitur in hunc maximè modum quietis, & ita compositis, vt socij se respirare aliquantulum posse sperarent, P. Ruggerius Amacuum nauigat, tum alijs de causis, tum maximè, vt de P. Eduardi Superioris reditu, ex Amacaensium sociorum sententia tractaret, quibus visum est, vti ipse P. Michael tantisper Amacai subsisteret, dum P. Alexander Valignanus, qui exspectabatur adueniret. Ille enim denuo totius orientis Visitator renunciatus, redibat in Iaponiam vna cum ijs legatis, qui ex Europa reduces felici nauigatione iam Indiam reuerant. Interim tamen P. Eduardo facultatem P. Matthaeus impetrauit Sciaquinum repetendi, quod fecit eo consilio, vt aliquod rebus afflictis in hac quiete leuamen afferret, & salubri aliquo consilio hanc expeditionem promoueret.

P. Eduardus
Sciaquinū re-
uertitur.

Verum enim vero nouae iterum procellae, nec ab una mundi plaga persecutionum ventos concitarunt. Nam illi Neophyti ex amissa Martini morte pecunia tristes, contra socios

Noua persecu-
tio.

D d 2

rerum

rerum omnium cum Martino contractarum ignaros, multa turbabant. Sparsæ per vrbis vicos illorum opera schedulæ legebantur, ijs insimulabatur P. Eduardus, quod Magistratuum iniussu contra edicta Sciaquinum rediisset, minabantur etiam nisi intra certum tempus abiret, forte vti Baccalaurei omnes in vnum coniurantes, libellum Magistratibus darent; alia huiusmodi per multa miscebant, quibus satis suspensos tenebant socios, quid in re dubia consilij caperent.

Fluminis elu-
uio multa de-
vastat.

Nec his malis malum stetit, accidit subinde res, quæ prope domum ipsam à fundamentis exturbauit. Sciaquinensis ciuitas extructa est ad ripam non ignobilis fluminis, quod è Prouincia Quamsi decurrens, in ipsa Metropoli bidui triduiue itinere in mare ingreditur. Id flumen anno superiore ripas egressum, per agros & villas, vagum multa subuerterat, & aggeres ad illud conciñandum extructos aut perfregerat, aut eluuiione superarat; Domus tamen nostra Dei beneficio licet in ipsis aggeribus erecta, sibi constiterat, tametsi aquam in inferiores cellas omnes admisisset. Cum denique imminutis aquis fluuius in alueum rediisset, innumera hominum multitudo ad reficiendos aggeres operam contulerunt. Sed huius quoque anni eluuiio cum superiorem superasset, aggeres novos non maximo labore perrupit. Ergo vt huic malo mederentur Magistratus edicto publico permiserunt, vt ad excludendum eluuiionem liceret arbores vbi essent, infrugiferas amputare. hac libertate nefarii homines abusi, per hortos vicinos vagi petulanter omnia destruebant; nec erat qui popularem insolentiam Magistratuum auctoritate armatam refranaret.

Æthiops insa-
nam multitu-
dinem fugat.

Porro cum in hortum domesticum eodem furore introissent, Æthiopem inuenerunt custodem, tetri coloris, quales sunt Africani illi post bonæ spei Promontorium ex Europa superatum, eos Lusitani Cafres vocant, hi robusti natura sunt & intrepidi, itaque solus insanam multitudinem fugauit. Nam

Sine

Sinæ præterquam quod sunt imbelles præ cæteris, ut arbitror, nationibus, Æthiopum horrent non secus ac Dæmonū spectrorumq; cōspectum. fugati cum ignauiam suam damnarēt, sese collegerunt, & è longinquo molesta lapidatione domum nostram lacerabant. Non erat difficile socijs vim vi repellere, maxime quod domestici famuli prope omnes Indierant, non admodum ipso Æthiope nitidiores, & ipsa domus alta munitaq; non incōmodam præbuisset defensoris stationem. Sed visum est socijs vim continere, ne cui calumniandi ansam darent. Itaq; cum initio timidius lapides immitterent, viderentq; sibi minimè resisti, è nostrorum modestia impudentiores facti, coacto furentium globo in domum irruerunt, & eo impetu, ut momento ianuam, fenestras, supellectilem, tectumque miserè lacerarint. Et ut liberior pateret ingressus, parietem qui atrium à vico separabat diruerunt.

Domus sociorum lapidibus laceratur & immanè vastatur

Pater Eduardus una cum interprete per auersam portam ad monendos Magistratus eruperat, P. Matthæus dumtaxat demississimè supplicabat, uti ab iniuria tandem abstinerent, è domo quod maximè libebat efferentes. Verum, ille si quo ex loco caput exerebat, ita frequenti saxorum imbre salutabatur, uti ab extremo discrimine parum sibi abfuisse videretur. Deniq; nescio quo impulsu permotus, fasciculum ipse ex arundinibus, quæ hortensi sepi superstites bacchantium furorem euaserant, colligauit; eoq; in humeros imposito, quæ densissimus erat globus ire perrexit, & supplex rogauit, uti hunc fasciculum, & quot alios vellent ad aggeres claudendos efferrent, nec ultra domum vniuersam insano furore lacerarent. Ea re ita permoti fuere barbari illi, ut ab omni subito lapidatione cessarint, nec aliud è domo efferentes, præter ligna pauca, quæ temerè in atrio iacebant abierint, sed festo cymbalorum sono tumultuantes de victoria sibi gratulabantur, domumq; omnes imminente iam nocte petierunt.

D d 3

Prima

Excubiae à Ma-
gistratu sub-
mittuntur.

P. Picij mode-
stia & toleran-
tia.

Prima deinde nocte è gregarijs Magistratibus vnus in auxilium submissus aduenit, & domus vniuersæ faciem contemplatus, miserationis affectum præsetulit, euocatisq; militibus præcepit, vti nocturnis horis pro foribus excubarent, ne illi ipsi bacchatores aut alij latrones per ruinas immissi cætera efferrerent, aut grauius aliquid molirentur. Verum ille die insequenti largitione sine dubio delinitus, supremos Magistratus vt voluit rei totius admonuit. Quod vbi rescitum à socijs, P. Mattheus se ad Gubernatorem contulit, & rei grauitatem eleuans petijt, vti ab vltiori inquisitione abstineret, furorem esse confusæ multitudinis, quam difficile est plectere, eaque pœna inuidiam & externis nihil aliud parari; solū edictum proponeret minax, si quis in posterum iniuriam facere præsumpsisset. Patris consilium Gubernator mirè comprobauit, modestiam tolerantiamq; admiratus, edictoq; proposito rem totam silentio inuoluit. Pater Eduardus, spe fructus faciendi deposita, Amacuum redijt, & Visitatori rem totam consilio vt adesset, exposuit.

Visitor P. Michaelem Romam mittit procuratorem à Pontifice Maximo, ad Regem Sinarum Legationem P. Antonius Almeida Sci uquinum petit, eaq; sedes, nouo ex Metropoli labore fatigatur.

CAPVT DVODECIMVM.

Visitor de auctoritate socijs comparanda deliberat.

CERTIOR factus Visitor ab oculatis testibus de statu, in quo nostri hæctenus versati satis turbulento; in eo maxime insistebat, vti modum reperiret socijs in regno Sinarum auctoritatem comparandi. Ea enim Euangelij præconibus ad suum finem consequendum ita necessaria videbatur, vt sine ea reliquus labor omnis irritus fore crederetur. Ea porro maximè comprobatur, si ex Regis facultate nostrorum statio in

co

eo regno statueretur, sine qua non securam nec diuturnā fore apparebat. Ex omnibus rationibus, post multam deliberationem ea visā etiam accommodatissima, ut Legatio Apostolica, ab uno è socijs ad Regem Sinarum, susciperetur, ex qua Legatione, munerumq; transmissione, nostri sedem suam apud Sinas litteris Pontificijs stabilirent, & confirmarent.

Ad ea procuranda P. Ruggerium ideo nominavit, quod is eam expeditionem primus inchoasset, & pleraq; oculis lustrasset. Imperavit igitur Visitator uti P. Matthæus, adhibito viro apud Sinas eloquente litteras scriberet, quas Pontificem oportebat Sinarum Regi destinare, & alijs ad Proregem Cantonensem addi voluit. Litteras quoque patentes, quas Legatis à Pontifice tradi oporteret. Ea omnia ideo Sinicè scribi iussa sunt, ut ex Europa eleganti charactere magnificè descripta, ab Sinis cum voluptate legerentur. Ipse porro Visitator plures ad Pontificem Regemq; Catholicum, ac Præpositum Generalem, & alios litteras scripsit ad rem promouendam, addidit etiam è Sinarum regno nonnulla, vel ijsdem donanda, vel ab omnibus spectanda. In his erat descriptio geographica totius Sinarum Imperij in peculiari huius Orientis tabula depicta. Nam elegantē in modum valvas plicatiles componunt, ita ut aliam alia complectatur, quæ deinde explicatæ aulam vniuersam occupant, & nullius adminiculo stantes oculis blandiuntur. Id gentis vocabulo Guer-pim appellatur. Ea descriptio Pontifici Maximo, Regiq; Catholico in primis accepta fuisse narratur. Deferebat etiam idem Pater vestis & coronæ regiæ & cæterorum fere Magistratuum insignia.

Soluit igitur, & expedita in primis nauigatione, peruenit in Europam, sed in Insulis, quas Terceras vocant, ptope in portu naufragium fecit, è quo naufragio ereptis, ut maxime potuit, quæ ferebat Olyssipone excendit, & Madritum ad Philippum secundum, Hispaniæ Regem visendum se contulit,

Legatio Pontificia ad Sinarū Regem adornatur.

P. Ruggerius Romam proficiscitur.

tulit, à quo exceptus est inusitatis tanto principi humanitatis officijs; recepit etiam in se, Legationem illam apud Pontificem maximum sua auctoritate, & rem Sinicam opportunis auxilijs promoturum. Posteaquam vero Romam peruenit. Nogotium interuentu duorum triumue Pontificum retardatur. Pater vero Ruggerius tot laboribus fractus, vita reliquum Salerni in Regno Neapolitano peregit.

Sinæ horologium admirantur.

Non paucis interim mensibus P. Matthæus Riccius solus degebat, cum inusitato omnium ordinū concursu, quos Europæarum rerum nouitas ad videndum exciebat: Sed nihil æquè mirabantur vt horariam machinam grandiore, quam in vsum domesticum, ac vicinæ totius ita Pater statuerat, vt manus, ferrea indice horam transeuntibus demonstraret, crevero campano grandiusculo horas absentibus etiam cū omnium stupore significabat, eo maximè quod nullo pulsante per seipsa sonum redderet. Rebus igitur in hunc modum quietis, Visitatori visum est P. Antonium Almeidam iam alias adita semel professione huic expeditioni destinatum, comitem Patri Matthæo mittere, non obtenta, sed nec petita ad eam rem facultate.

Grauis accusatio contra socios instituitur

Vix appulerat ille, cum ecce tibi ex Metropoli nunciatur, grauem Visitatori Prouinciali Ciai-yuen vocant, contra Socios accusationem institutam. Ea se habuit in hunc modum. Sunt apud Sinas Senes ætate non annis magis matura, quam vitæ bene actæ opinione venerabiles, ideo maximè quod per vniuersam ætatem, nec ipsi quemquam vllius criminis insinulauerint, nec à quoquam fuerint apud Magistratus insinulati, his ex ærario publico sumptu ab Magistratibus solempne epulum instituitur quotannis, non sine varijs ad eos cohonestandos ritibus; varijs quoq; alijs immunitatibus donantur, & insignes peculiari vestis genere in omnium Magistratuum curias admittuntur, ex eo maximè, quod se bonū publicum curare, nulla lucrispe adducti profitentur.

Hi

Hi ergo Senes è Cantonienſi Metropoli illis rumoribus adducti, qui de aduenis Sciauquinæ turris extructoribus per-
tinaciter ſparſi erant, omnino ſibi perſuaſerunt, tam inſignem
quatuor vel quinque millium aureorum ſumptum in ea turre Calumniæ
profuſum, Luſitanorum Amacaenſium fuiſſe inuentum, à
quibus ideo ſocij in ea vrbe ſuſtinebantur, vt ingens aliquod
Reipublicæ Sinenſi malū procrearent. Ergo eius rei monen-
dum omnino Prouincialem Viſitatoreſ putauerunt. Et quo-
niam hæc accuſatio elegantiffimè, & ad perſuadendum aptiſ-
ſimè ex Sinenſis eloquentiæ præceptis ſcripta habebatur, eam
hic referam verbum verbo quam aptiſſimè potero reddens,
tametiſ ſatis intelligam magna ex parte vim ei leporemq; ver-
naculum, cum externo ſe habitu induerit, deſuturum.

Cum per regni leges cuiq; liberè liceat ſubditorum Supe-
riores monere, ſi quid plebi detrimentum adferre poſſe iudi-
cetur, Nos è Cantonienſi Metropoli Seniores nonnulla ob-
ſeruauimus, de quibus te Prouincialis Viſitator admoneri o-
portere iudicauimus, vt remedio per te conuenienti occurrat-
ur. Ac inprimis ſcire te oportet de externis hominibus, qui
in ciuitate Sciauquinæ Regionis principe commorantur, Ex-
teras nationes, veniſſe ad Sinenſe regnum incolendum, admo-
dum formidamus, res ea re nouas regi, & ingens Reipublicæ
Sinenſi malum preparari, eius rei ſplendet in oculis exemplū,
è quo quæ diximus nimis eluceſcunt. in Amacaenſi portu ci-
uitatis Anſanæ finibus, ingens aduenarum colluies è barba-
ris regnis appulit, præſeq; tulit Legationem ad Regem ador-
nari, vt eo prætextu in Sinenſe regnum noſtrum ſibi aditum
aperirent, & ſimul commercia cum noſtris rerum vtriq; com-
munium vtrinq; miſcerent, ac tametiſ eius rei facultatem mi-
nime impetrarunt, neq; ad legationem admiſſi ſunt, nihilo ta-
men minus in eo, quem dixi, portum permixtim conſtitere, &
annis quidē ſuperioribus nauibus ſuis recluſi nobiſcum com-
mercia

Litteræ accu-
ſatoriæ ad Pro-
uincialem Vi-
ſitatoreſ.

Ec

mercia

mercia contrahebant, & Sinicæ telluris ingressu prohibebantur, atque ita finitis nundinis in altum vela dabant, & in suas se regiones recipiebant, nunc vero extruxere domos, & in multas contignationes erexere, ibiq; alij alijs insistentes, instar apum & formicarum conglomerantur. nemo est in vniuersa sanè prouincia, cui cum id viderit, non stent comæ, & cor tremat, & eo magis, quod aduertitur aduenas illos nouis in diebus artibus, astutisq; fraudibus vltiora moliri. nam sumptus in extruendam turrim suppeditarūt, vt hac arte in Sciauquinam urbem ingressum sibi pararent, & alios sceleratos homines secum inferrent, qui nulla interruptione nauigant & re-nauigant. vnde non immerito formidamus, eos esse cæterorum exploratores, qui secreta nostra scire adlaborent, quos post multum deinde temporis veremur, ne cum rerum nouarum cupidis vniti, ex ipsa nostra gente grande aliquod Reipublicæ Sinensī malum calamitatemq; procurēt, & gentem nostram per vasta maria, vt pisces ac cete dispergant: hoc ipsum est, quod libri nostri fortè prædicunt, spinas & vrticas in miti solo seminastis, serpentes draconesq; in ædes vestras induxistis. Et quidem Amacaense discrimen simile nobis videtur vlceri, quod in manibus pedibusue prorupit, nihil admodum periculi est, si sensim remedium procuretur. Sed Sciauquinense malum vlcus est, à quo pectus & cor ipsum occupatur. illi ratio persuadet, vt primo quoq; tempore medeamur. hinc fit vt te Prouincialis Visitator rogandum iudicauerimus, vt iubeas Sciauquinis Magistratibus aduenas illos quantocius extrudant, & ad suos Amacaum omnino remittant, cuius etiam suo tempore periculis per te labente tempore consuletur. hoc si feceris, næ vitam vniuersæ prouinciæ instaurabis, quæ inde maximum se beneficium accepturam publice proficitur. hætenus senes.

Prouincialis Visitator id temporis cognomento Ciai iactabat,

Et abbat se, ac profitebatur pro rigido & iuris tenacissimo in
 paucis, quæ res cum vulgo formidabilem verendumq; redde-
 bant: Is censuit eam rem accuratè discutiendam, quod com-
 milit sumo Maris Præfecto Cantonienſis Prouinciæ, id munus
 ab Sinis Haitu appellatur, idè quod ad eum exterorum nego-
 tia ex officio referantur. Is porro rem alio quoq; rerulit, ad Gu-
 bernatorem scilicet Metropolis Cantonienſis, à quo dimisso
 diplomate, nomine Viſitatoris Prouincialis inſcripto, Sciau-
 chinus Gubernator iubebatur primo quoq; tempore legitimā
 totius rei diſcuſſionem adornare, & ad metropolim deſtinare.
 Notariorum quorundam opera res erupit, biduoq; ante P.
 Matthæus Ricus monitus eſt, quam in Tribunal Gubernato-
 ris euocaretur, quorum etiam opera exemplar accuſationis à
 ſenioribus inſtituta, & accepti diplomatis accepit. aberat tum
 forte Gubernator, in Pequinenſem enim Regiam abierat, vt
 ſolemanem Regi clientelam tertio quoq; anno præſtari ſolitam
 exhiberet; eius Vicariam Præfecturam gerebat quidam cog-
 nomento Phan Gubernatoris Collega, & idem Patrum per-
 amicus, naturaq; facilis & benignus. Is P. Mathæum accerſi-
 tum monuit, contra ſe ac ſuos à Viſitatore Prouinciali diſqui-
 ſitionem adornari; eam iam conſcius Pater acriter refutabat,
 nonnulla eleuans, pleraq; etiam negans, & maximè collatos in-
 tuitum ſumptus, non ferendam eſſe calumniam, quam vni-
 uerſa ciuitas falſam eſſe, cum opus eſſet, teſtaretur. ad ea re-
 ſpondit Vicarius Gubernator, ſatis ſibi conſtare Patrum vel
 virtutem, vel innocentiam, quam aliquot annorum vſus pate-
 fecerat, idem indigne ferebat importunos illos ſenes in alic-
 nam meſſem falcem immiſiſſe, Sciaquina negotia, quæ illos
 ignorare conſtabat, attingentes. Impetrauit igitur vt P. Mat-
 thæus libello ſeſe ac ſuos à calumnijs delatoribusq; purgaret,
 ſe vero patrociniū illius ſuſcepturum, & quæ ratio veritasq;
 ſuggererent Viſitatori ex fide renunciaturum, iuſſimq; ſecu-
 ro eſſe

Accuſatio con-
 tra ſocios facta
 promouetur à
 Prouinciale vi-
 ſitatore.

Vicarius Gene-
 ralis ſocios
 tuetur, & con-
 ſilio iuuat.

Benevolentia
Lin-si-tau à P.
Matthæo Ri-
cio captatur

ro esse animo è tribunali dimisit. Die insequenti in urbem redierat, externis negotijs expeditus ille, qui Lin-si-tau iam sæpius à nobis est appellatus, totius accusationis plene inscius. Eum P. Matthæus cum socio Almeida officij causa extemplo visitauit, pro tribunali confidentem, & vt eum in hac rerù perturbatione propitium haberet, vitro trigono, in quo varij colores cum voluptate visuntur, quod ille desiderabat appramè donauit. quo ex dono magnam alacritatem præse ruit, tum maxime cum sciscitatus, ecquo pretio apud Europæos compararetur? audiuit paucis nummulis æstimari: quod cum ille putaret ideo dictum, vt facilius acceptaret, fidem suspectam dictis adhibebat asserens, eam rem pro pretio apud omnes æstimandam. itaq; ne largitionem accepisse insimularetur, potius videri voluit emisisse quam dono accepisse. Duos igitur illi aureos, quos reijcere fuisset inurbanum, tradi imperauit. ita nimirum Sinenses Magistratus accusationes in hac maxime cupiditatis nota reformidant. Ex hac visitatione Magistratus prope summi benevolentia comparata est, & P. Almeida Socij statio confirmata. Inde ad libellum concinnandum sese accinxit P. Matthæus, in eo libello cōmemorabat, se cum socijs ante annos summum octo ex Europa venisse, allectumque fama Sinensis Reipublice supra viginti miliariorum milia nauigasse, seque esse tenuem Religiosumq; virum, qui hoc ynum profiteretur, vt supremo numini ritè deseruiret; se porro pro viribus conatum hactenus, vti nemini molestus esset, & Sinensis Reipublicæ leges ad amissim obseruaret, quibus rebus impeditum cum Cantonensium Seniorum inopinata insimulatio deprehendisset, iure se sollicitum perturbatumque fore, nisi eum haberet iudicem, quem omnes iuris tenacissimum, iustitiæq; proclamabant, à quo nihil dubium, quin suam suorumq; innocentiam à calumnia vindicatam esset conspecturus. rogare se igitur vti acerrimè de impositis criminibus

P. Matthæus
Ricis libellū
contra accusa-
tionem concin-
nant.

bus inquireret, & ad Visitatorem Prouincialem omnia quæ comperisset cum fide remandaret. Vicarius Gubernator hoc accepto libello causam legitimè instituit, sed ea vniuersa id spectabat, vt accusator à calumnia vindicaret. probabat enim planè omnia, quæ obiecta fuerant à veritate dissentire, eius causæ instrumentum ad Linsitau detulit, vti ex eius quoque calculo plus acciperet firmitatis. Is nostrorum expectatationi respondit, omnibus quæ legerat confirmatis, sed adiectis sociorum grauib; encomijs etiam superauit. Sub finem huius litis præceptum addidit, quo iubebat libellum hunc vniuersamq; causam, non ad Gubernatorem Cantoniensem, à quo diploma venerat remitti, sed recta in manus Visitatoris Prouincialis deferri, quæ res beneuolentia fuit non mediocris, quæque finem vltimū periculosissimæ calumniæ feliciter imposuit. P. Alexander Valignanus Visitator initio causæ monitus, de re tota plura missæ sacrificia in eum finem litari iussit, & oratione continua Deum fatigari, uti seruos suos ab hoc discrimine liberaret. atq; ita cum felicis euentus laureatæ litteræ ad eum peruenerunt, post debitas Deo optimo Maximo gratias hilariter cum socijs r. m. totam est gratulatus, & vt ægrè Dæmoni faceret, qui Patres susceperat expellendos, alium huic expeditioni (is P. Franciscus de Petris vocabatur) destinauit. De eo non omitam illustre Diuinæ vocationis argumentum. venerat enim Roma recens cum Iaponensibus ad Pontificem Legatis, Iaponensi expeditioni destinatus, ac tametsi Sinensem vineam potius in votis haberet, noluit tamen vnquam eam rem Superioribus exponere, satis certus Deum ipsum, siquidem ex eius nutu ea vota prodirent, se ipso rem ita moderaturum, vti ad exitum perueniret: nominatus igitur incredibili gaudio exultauit, nihil dubius in hanc messem se solius Dei nutu accersitum. ergo primo quoque tempore etiam in Amacaensi Collegio, opera P. Eduardi in sermonem

Linsitau socios
liberat a calu-
mnia cum en-
comijs.

P. Francisci de
Petris vocatio
ad Sinensem
expeditionem.

Sinicosq; characteres caput insudare: erat hic virtutis eximia, & magnam in tractandis hominibus dexteritatem præferebat. Sed ostensus Sinis est tantum, nam in breui consumptus expleuit tempora multa, vt suo loco infra cōmemorabimus.

Quanto cum fructu à Sociis id temporis in Sciauchinenſi Sede laboratum.

CAPVT DECIMVM TERTIVM.

Sciauchinae sedis situs per cōmodum.

SCiauchinae sedis situs vñbus munijsq; nostris, erat per ac-
commodatus; nam neque intra vr̃bis muros assurrexerat, vbi minus libere in vr̃bano tumultu, multorumq; iudicijs Christianae fidei exercitationes suum cursum tenerent; neque ita ab vr̃be aberat, vt extra suburbanum agrum in deserto loco & latrocinij obnoxio delitesceret, sub ipsam vr̃bē in medio visebatur ad occasum, & accedebat percommoda fluminis magni statio, quod domesticum prope limen alluebat, innumeris ex more nauigijs frequens, quod commodam nostris excursionem in Cantonienſem Metropolim bis quolibet anno præbebat, quo socios itare oportebat ad domesticum stipendium, quod è Collegio Amacaenſi mittebatur, quoties Lusitani Negotiatores eo ad commerciorum nundinas ire sinebantur. litteras quoq; & alia ex Europae varijs partibus munuscula eo tempore referebant, & si quando in Amacaenſe Collegium negotia vocarent, eodem flumine, secundo cursu ferebantur. Eadem quoq; statio in aduersam fluminis ripam excursionem rei Christianae, in vicinis pagis, procurandae causa suadebat, quod flumen plerisq; in locis tertiam Leuca partem latum, oculis plane blandiebatur.

Sedes Sciauchinae frequenter.

Concursum quoq; pelliciebat ædis sacrae apud nos erectae nomen. Eo enim colore Magistratus visitationē ad nos suam insigniebant, quos alioqui non decebat in visitandis priuatis homi-

hominibus, ijsq; aduenis suam nimis abijcere maiestatem. Proregia vero duarum prouinciarum sedes, magistratuū continuos catius euocabat, siue cum nouos adirent Magistratus, aut alius eueherentur, siue cum publicæ solemnitates, aut natalis Proregi dies, solita uisitationis officia postularent. Nec pauciores varia negotia ceteriq; casus aduehebant. Hos omnes fama, quæ socios resq; Europæas longè ac latè non sine commendatione diuulgat, in sedes nostras accersebat. nec pauci erant, quibus prior esset ædium nostrarum, quam Proregis uisendi cura. Et nonnullos quidē horaria machina maior illa, quæ vicum prospectabat, & aliæ minores pelliciebant, alios Europeæ picturæ, Iconesue, quosdam Mathematicæ moles, & Geographica tabulæ delectabant. Libri quoq; tametsi alieno Idiomate ex inuolucrorum lepore, auriq; splendore apud eorum libros insolenti obstupescabant. Si quæ porro volumina obijcebantur, quæ chorographicas tabulas, aut architectonicas moles arte pictoria referebant, tum demum rapiebantur, quod ita concinnè regna, vrbes, palatia, turrium moles, pontium arcus, Templorum Maiestatem, tantis locorum interuallis distita, domi prope suæ cum voluptate conspicerent. His accedebant Mulicorum sonorum instrumenta, quorum non suauitate minus quam nouitate capiebantur. His alijsq; id generis & sociorum opportunis collocutionibus paulatim magnā de Europa existimationē conceperunt. aduertebant enim scientiarum nostrarum fundamenta haud paulo suis firmiora, gentemq; vniuersam, & priuatim litteratos satis ab eo discrepare, quod ipsi sibi ad eam diem de ceteris aduenis concepissent, quos vna voce barbaros non appellabant minus, quam credebant. Ceptum igitur inter utrosq; quod reuera reperitur, interlucere discrimen.

Eam opinionem Socij non ad vanam ostentationem, sed in scopum suum collimantes ad sanctissimæ legis nostræ auctori-

Res Europæas
in sociorum æ
dijs admira-
tur.

Existimatio Eu-
ropæ augetur.

toritatem aucupabantur: itaq; de ea sermones miscere oportunè importunè occaperunt. ac tametsi Magnates non facile in aduenarum transibant religionem, nihilo tamen minùs agnitam veritatem plurimi prædicabant, pleriq; admirabantur. sed nec sola veritas seipsam sua luce prodebat, ipsa Religionis sanctimonia in sociorum, vt aiebant, virtute splendebat: Sinæ quippe non sagacissimi solum sunt veritatis inuestigatores, sed etiam eximijs sanctitatis admiratores.

Quotquot ad visendos Patres ventitabant, solitis vrbani ritibus, & donarijs insignes id præstabant; quod satis insolens est, maximè litteratis, Sacerdotes ne dicam aduenas inuisentibus. His porro Socij nostratium rerum manusculis beneuolentiam rependebant, quas ipsi maiore pretio, quam suas (auget enim nouitas rerum precia) cum voluptate & gratia recipiebant. Ex ijs nonnulli quoq; numerabantur, quos non ipsa nouitas curiose, sed salutis cura vtiliter euocabat: ergo nullo non die domus nostra plena erat visitoribus, vicinia lecticis, flumen scaphis. aut Magistratuum nauigijs, quæ sua magnitudine commoditatem præbent, & ornatu spectantium oculis blandiuntur.

Ex frequentatione Magistratuum, aliorumq; Societatis existimatio toto regno creuit.

Ex hac Magistratuum litteratorumq; frequentia legis nostræ sanctissimæ fama, eiusq; præconum existimatio Sciauchinos fines, imò Cantonienfis & Quamsi Prouinciarum fines egressa, vniuerso regno caput euagari: nam cum Magistratus ex alienis semper prouincijs ad Rempubicam gerendam euocentur, ac tertio quoq; anno permutentur, breui fiebat, vt qui res nostras nouerant, eas secum longè latèque deferrent, quod venturis postea in alias regni Prouincias Euangelij ministris viam sensim sine sensu præparabat. Hic notus esse capit, cum è militari esset Tribunali (Pimpithau vocant) ille Sciutagim, qui postmodum in Regiu Nanchienfi munus amplissimum (Scilan appellant) gessit. Hic ille Theno familiariter

vti

vti nostris capit, cum Pucimſi munus gereret, quem deinde Nanchini Proregem vidimus. Hic alius qui deinde Prorege Hoiceu Prouinciam gubernauit. hic ille annalibus nostris ſepe celebratus Sciutaiſo, quem poſt multa in fidem ordinemq; noſtrum merita Dominus Euangelij ſui luce colluſtratum ſibi adiunxit; Ignatius inquam (ſic enim in baptiſmo voluit appellari) noſtros noſcere & colere eſt aggreſſus: nullus erit finis, ſi omnes perſequar, quotquot in ſuprema deinde Magiſtratum culmina è Cantonienſi Prouincia prodierunt, à quibus deinde multum Chriſtiana res accepit vbiq; firmitatis; iſque tum quidem fructus in radice latebat, ſed *ſæ-*licitia deinde poma & gratam fauoris vmbram conciliauit.

Sed neque hic ſtetit primorum annorum non ſpes ſolum, ſed fruges. incipiebat enim in dies magis ac magis meſſis noua luxuriari. nam Neophyti in ædicula noſtra conſtituebant dies ſolemnes vſque ad cornu altaris, frequentia iam cum anguſtijs loci decertante, ijs expleto ſacrificio ſermones de fidei noſtræ rebus appoſiti, inſtituebantur, & poſtremus quidem ſacri fontis apparatus octo ſupra decem numerauit, & ſæpè Deus admirabilibus quibusdam viſis & oſtentis vicinarũ gentium animos ſollicitabat. In altera fluminis ripa degebat neſcio quis, iſ nocturnis horis circum tumulos quosdam obambulabat, & ſiue pannicus aliquis metus, ſiue Dæmon inuaſerit, energumenus viſus eſt remanſiſſe. Ad eum, importuno habitatore liberandum, Parentes Sacrificulos adhibuerunt, à quibus profanis exorcismis & à piëtis ipſorum Dæmoniorum monſtris, quibus ædes oppleuerant, nihil relictum eſt intentatum, ſed dæmoni dæmon infeſtus eſſe recuſauit; ideo procul dubio, vt Chriſtiana lux eo ſe diffunderet; monitus eſt enim Parens à Neophyto quodam, in Europæorum Sacerdotum lege ac numine vim eſſe contra huiusmodi ſpectra certiffimam. euocatus è noſtris vnus rogatur, vti reme-

Laborũ fruſt.

Energumenus
cum familia
Chriſtianam
fidem ſuſcipit.

Ff

dium

dium conclamatae filij salutem ferat: verum noster non facile sibi persuasit iuuenem à Dæmone possideri, ideoq; ab Ecclesiasticis exorcismis abstinuit, indixit tamen, uti reflexas monstrorum laruas debitis ignibus absumeret, recitatis deinde precibus quibusdam, & appensa è collo sacra reliquiarum Theca discessit: vix abierat, cum iuuenis excussio Dæmone conuulsiuit, & in ædem sacram à parente deductus, didicit, in superioris Numinis ditionem ac iura transire, nec ipse solum, sed vniuersa familia beneficio pellecta, Christiana sacra suscepit, rumoremque sparsit parens, filium ab importuno vexatore Christianorum numinis auctoritate liberatum.

*Quidam vnâ
cum fide Chri-
stiana liberos
suscepit.*

Alius quidam & publicum gerens munus, sed infimo fere in gradu, cognomēto Leam, prole ad id tempus destitutus, ille Socijs auctoribus Deum inuocauit, & primo quoque tempore binos filiolos impetrauit, qua re cōmotus, beneficū Numen colere est aggressus, Christi fidē professus, & quos acceperat infantes, eidē reddidit salutari fonte ab originis culpa eluēdos.

Hæc inter tot aduersa sōcios mirum quantopere recrearunt, cum laborum suorum fructus non sperarent solum, sed palparent: nam præter Neophytos quos commemorauimus, qui altius quotidie Christianas præceptiones in aures animosque admittebant, infantes quoque non pauci eluti sacris aquis cælo adscribebantur, futuri suę gentis noui apud Deum Patroni.

*Amacaensibus
utilis fuit sta-
tio Sciauchin-
ensis.*

Sed neque Amacaensi oppido statio Sciauchinensis inutilis fuit. Lusitani quippe ad Proregem certis de negotijs acturi cum subinde venirent, à Patribus iuuabantur: alij quoque naufragi è Cantonienſis maris arena ad Proregem adducti, nostrorum opera liberati sunt, sed multo etiam magis opportuna statio fuit fugitiuis seruis adiuuandis. quotannis enim Amacaensi oppido nonnulli iugo seruitutis excusso, libertatem apud Sinas quærebant potius, quam inueniebant. eos enim fere militum præfecti sibi adiungebant, quod animosio-

res

res illos, & è Lusitanorum consuetudine in armis dexteriores suis militibus agnoscebant: Hi enim fere vel erant Iapones Sinici Regni metus, vel ex Africa Aethiopes, Caphres fere vocantur, aut è Iaua maiore ac minore insulis, & alijs huiusmodi, quos natura ferox & barbara Sinis superiores in armis facit. hi sæpè cum Ducibus suis ad Proregem cum venirent, monebantur, vt ne Christianam fidem è memoria excuterent, multis etiam redditum ad heros suos persuaferunt, & veniam vel fugæ vel criminum impetrarunt. & quoniam nihilo leuiorem apud Militum præfectos, quam apud Lusitanos seruitutem seruiebant, non multo labore redditus persuadebatur, sed maiore procurabatur. qua in re non animis solum, sed rei quoq; familiari Lusitanorum consulebatur, recuperatis sæpè seruis, quorum industria pretium augebant.

Id quoque temporis è Caucincinensi Regno Sinarum vetigali Legati, quod tertio quoq; anno faciunt, cū ex itinere ad Proregem venissent, vt ab eo in Regiam deinde dimitterentur, nostros inuiferunt non semel, qua in re magnam semper beneuolentiam præstulerunt, & apparatus procurarunt: his nostri varios de rebus nostris libros, & maximè Catechismi volumen obtulere, Sinensibus characteribus expressum, quos ipsi cum Sinis communes habent, licet sermone toto cælo discrepent. id ea spe factum est, vt si à nostris aliquando in id Regnum aditus patuerit, iam dispositos his libris animos reperiunt. Aditus porro toties patebit, quoties operariorum copia permittet, & rei familiaris inopia non prohibebit.

Extremus Sciauchinae Sedis labor & Sociorum expulsio.

CAPVT DECIMUM QVARTVM.

HOs tam insignes rei Christianæ progressus in agro Sciauchino, certamq; spem maioris in posterū frugis colligen-

Dæmonis artibus sociorum conatus interturbantur.

de humani generis hostis vidit & inuidit. nouis itaq; quotidie artibus, nouis nocendi vijs, quas nec possum, nec si possem volo sigillatim commemorare, pios Sociorum labores interturbabat, quæq; ipse per se non poterat, ministris suis id accuratè curaturis commendabat. eam ad rem accommodatissimos Sciauchinæ vrbs, ciues, litteratosq; deprehendit, quibus frequens illa Magistratum familiaritas, & ex eo, quod auctoritatem & gloriam pareret, inuidiam quoq; comparauit. Adlaborabant igitur, vt socios noui Proregis aduentu è statione sua exturbarent.

De nostris è statione exturbandis laboratur.

In demortui decessoris locum suffectus ab Rege fuit, Quam-si Prouinciæ vicinæ Prorex. is è Nanchinenfî Prouincia originem trahebat, cognomento Leu, & in defuncti Proregis palatium superstitione metum augente venire prius noluit, quam eo, à fundamentis diruto, noua moles, ingenti ærarij Regij sumptu assurrexisset. arbitrabatur enim in ferili iam loco sinistre sibi omnia processura. interim vero in vicinam vrbs, & Cantonienfî Prouinciæ conterminam secessit. ad eum eò loci Magistratus omnes visitandum de more se subito contulerunt, hos inter Sciauchinorum ciuium caput ac Præfectus ThanSiarihiu vnus esse voluit, de quo dubitari potest, vtrum amicus videri magis, quam inimicus nostris esse voluerit, cum Prorege nouo sermo de Turri recens extructa illatus est, deque Templo quod bene merito sibi Magistratui (de quo supra) nuper extruxissent; & quoniam idem quoque præstiterant non longe ante, vni è defunctis Magistratu Proregibus, honoris cupido facilè in mentem venit, vti à Sciauchinis ciuibz idem se sperare præferret. est autem simile vero, illum amice nobis inimicum, templo futuro locum in statione nostra commodum designasse. quare Sciauchino nostros ex voto suorum ciuium exturbabat. ea coniectura nō vanis indicijs colligi potuit ex eo, quod eo redeunte successit.

Nam

Nam à Prorege ad Linsithau diploma peruenit in hanc fere sententiam: commemorabat, scire se, non ita pridem ex Amacaensi portu sacrificulos aduenas cōplures, Sciauchinum aduenisse, eos cum Lusitanis omnia, quæ in nostro regno geruntur, communicare, nouas quotidie artes moliri, rudiorē plebem suis sermonibus & libris ad se pellicere, quin etiam æ se campanum habere publicè expositum, quod nemine pulsante, horas monstraret, se igitur iubere, vt causa ex iudiciorum forma cognita, eos Amacauum ad suos quam primum amandaret, aut in Xauceanæ vrbis fines in fanum, cui Nansoa nomen est proscriberet; in eo fano supra mille idolorum sacrificulos habitare ferunt.

Hoc accepto diplomate, Linsithau Socios ab vrbis Progu-
bernatore moneri iubet, vt se auctore in id fanum concederent, fore postea Prorege magistratu defuncto uti ab se in antiquas ædes reuocarentur. Verum insistebant Patres, vt obiecta excuteret, & omnia deinde ad Proregem cum fide remandaret, quibus ille ita respondit: de Sociorum innocentia sibi satis superq; constare; nec animi sibi nunc minus esse ad eos tuendos, quam cum à Cantonienſibus Senioribus nuper oppugnarentur: Verum certo sibi constare Proregis hac de re voluntatem, cui repugnando plus operæ quam fructus insu-
mi oporteret.

P. Matthæus Ricius eo ipso tempore celerem nuntium Amacauum ad Visitatorem amandauit, eiq; noui laboris partem, si non patiendi saltem compatiendi dedit. simul addebat sententiam suam, videri sibi nunc quidē tempori cedendum, sedemq; vel in supra nominatum fanum, vel alio quolibet Proregis arbitrato transferendam, neque eundem Proregem irritandum, cuius gratia si nunc quidem non exciderent, sperari posse cōmodam alibi stationem ab eo impetrandam, & facultatem Neophytos subinde reuiscendi, excolendiq;

Lin-sithau iubet socios discedere Amacauum.

P. Matthæus Ricius cedendū esse suadet.

Ff 3

aut

P. Vilitator im-
perat antiquā
sedis defensio-
nem.

aut sedis etiam recuperandæ non omnino fere desperatam. Nihilominus adduci noluit Vilitator, ut eam sententiam concederet: Imperavit igitur ut nulla ratione sedem aliam acceptarent, nedum nostri procurarent, sed antiquam stationem mordicus defenderent, & ubi non possent Amacum repeterent non de fore illis alibi campum, in quo eorum industria liberius ac utilius excurreret. Ex hac maiorum voluntate P. Matthæus causam adornans ad libellos scribendos cepit studiose incumbere. Sociorum vicem Magistratus dolebant, Proregis iniuriam inculcantes; sed erat nemo qui potenti aduersario posset aut vellet obistere.

Vix dum novus Prorex Magistratum inierat, cum homo cupidus eos à populo vexare cepit, à quibus sperabat aliquid emungendum: In his fuere Negotiatores à Cantonienſi Metropoli, qui cum Lusitanis commercia permiscebant. Alius erat etiam ante paucos annos pyratarum dux, qui venia ab superioribus Magistratibus impetrata, domum redierat, & sine cuiuspiam iniuria vitam vivebat homine probo non indignam. Eum novis inquisitionibus terrere cum cepisset, effecit uti adhibitis latrociniorum socijs ad antiquam fortunam rediret, quietis potius desperatione quam fastidio. Adhuc in Hainan ad austrum Insula gemmas piscari ausus est, contra expressam Regis voluntatem.

Ad eum in contermina etiamnum, ut dixi, urbe commorantem P. Matthæus conveniendum sese accingebat. Verum ille ubi audiit Pyratarum classem, ubique omnia infestare, in Cantonienſem Metropolim ad bellum adornandum properabat. Cui Sciauquinum ex itinere advenienti non defuere Magistratus, qui sociorum causam sane amice commendarent, Ac tametsi ita respondit, ut non admodum de ijs sinistram opinionem concepisse videretur, adduci tamen non potuit, uti permetteret Socios in sua statione remanere; Nam illa templi delinea-

delineatio iam altius eius animum occuparat, quam ut cum honoris impotens libido ab intento resiliere permetteret.

In hac vniuersa causa dici vix potest, quantum ab omnibus Magistratibus in causæ nostræ fauorem conspiratum sit. Per eos dies quidam à Regia Pequinenſi Magistratus ad Linsithau scripserant, uti ab Lusitanis negotiatoribus purpureos aliquot pannos coemerent, & ad se transmitterent. Magistratus, ne quam rei gerendæ, & de Prorege bene merendi occasionem omitterent, P. Ricium nominarunt, quem aptiorem Sinis Mercatoribus ad eam rem cū Lusitanis, apud quos amicitia valebat, & auctoritate, conficiendā esse dictitabant. Eum igitur Prorex ingenti nauigio à multis remigibus vehi, vna cū quodam militum Præfecto, & alijs suis palatinis voluit. Amacau ubi peruenit, magna ab omnibus amoris significatione exceptus est, conscijs, quantos cum reliquis socijs labores exantlassent. Opportuna fuit excursio discutiendis multis, quæ muto litterarum commercio non satis tutò agitantur. Conclufum enim contra id quod prius statutum fuerat, uti procuraretur alius sedi figendæ locus, si quidem Sciaquina retineri minime potuisset.

P. Matthæus
Amacau mitti
tur.

P. Matthæus Ricius expeditis ex sententia negotijs ad quæ fuerat à Magistratibus amandatus, quam celerrimè intermissam stationem, resumptis velut ad novos labores viribus animisq; repetijt. Eum Magistratus reuertentem benignè acceperunt, recentiq; beneficio deliniti, nouo fauore tuendum susceperunt.

Iam Proregis Palatij moles habitari poterat, sed prius quam ad eam adueniret habitandā, præcepit aliquoties Magistratib⁹, uti omnino Socios amandarent, ij verò, meliora sperantes, eius aduentum præstolabantur. Venit igitur tandem aliquando Sciauchinum, nec à dimittendis Socijs animum remisit; sed institere Magistratus aduenas illos in extruendis ædibus supra
sexcen-

sexcentos aureos, summam apud Sinas non modicam insumpsisse. quare Prorex suspensus non nihil restituisse fertur. advertebat enim imputandam sibi tam insignem in innocentes iniuriam, quos nihil contra leges peccasse vniuersi Magistratus conclamabant, nec ei admodum arridebat eam summam Socijs restituere, quam ad Templum sibi extruendum etiam nimis esse constaret: denique statuit ut Patres quinquaginta aureis, vel summum sexaginta donati, Amacuum remitterentur.

P. Matthæus
Ricius propo-
sui sui tenax.

Hanc Pro gubernator summam P. Matthæo obtulit: verum ille libere sanè respondit, se Deo sacram ædem minime venditare: neque videri velle suis ita rem dilapidasse domesticam, ut ædes etiam ipsas abligurisse diceretur. Ad hæc, cui videri posse non ineptum mercatorem eum, qui pro sexcentis quinquaginta permutaret. Statuit igitur Diuino plane consilio bonus Pater omnino nihil à Prorege in ædium permutationem acceptare, non ideo solum, quod impare pretio deterretur, sed multo etiam magis, uti ne actionem sedem suam aliquando recuperandi omnino deponeret. Id consilium per commodum fuisse ad conseruandam, vel potius instaurandam expeditionem illam euentus comprobauit.

Matthæus Ri-
cius tertium à
Prorege reie-
cit.

Iterum ac tertio ad Proregis tribunal P. Matthæus accessit, uti coram verbo scriptoq; calumnias obiectas sibi refutaret, ac legis quam diuulgare dicebatur redderet rationem: verum reiectus semper fuit cum hoc Proregis responso, eum indignum Proregis conspectu videri, qui eius dona contempnisset: Spe igitur Sciauchinæ sedis conseruandæ deturbatus, libellos mutare capit, Magistratusq; lacessere, uti ne Sinenſi Regno pelleretur, sed alio quolibet in loco sedem figere sine-retur. nunc Prouinciam Quamsi, nunc Chiansi, vel aliam quamlibet ambiebat. verum Prorex iam atrocior factus, Amacuum

macaum remitti iubebat, nec admittebat alium de hac re sermonem.

Solemne est Prouincialibus Visitatoribus post reuistas Prouinciales causas, & excussis Magistratuum moribus, cum in Regiam Pequinensem Regis de omnibus admonendi causa redeunt, magna pompa & longo comitatu visitatæ Prouinciæ Proregem ex itinere salutare. Prorex non nescius, quam sinistra de se ad eum fuissent iure delata, Sciauchini statuit eum sibi modis omnibus demereri. ergo sub discessum aduerso flumine statuit eum procul ab vrbe conitari: comites erant urbani Magistratus omnes, atque litterati, nec nõ & præsidium urbis militare, quibus omnibus & scaphis flumen, & ripam spectatoribus oppleuerant, variorum quoq; Musicorum instrumentorum sonus, non aures minus quam spectatorum oculos dissona consensione recreabat. è domesticis fenestris pompa omnis à socijs & amicis aliquot spectabatur. cum ecce tibi subito proras obuertunt secundo flumine reuertentes, non sine spectantium admiratione, qui nondum scirent, quopotissimum nouo consilio deferrentur. quid expectas? è regione domus nostræ exscendunt, eam ingrediuntur quotquot aderant: stupore defixi Patres ad eos excipiendos domo egressi, urbanos ritus exhiberi solitos præstiterunt, ædes ab illis spectata est vniuersa, picturæ, horariæ machinæ, vitra & id generis plura: sed nihil æque placuit, vt P. Matthæi musæum, eo maxime nomine, quod illud libris Europæis ac Sinensibus oppleuisset. his spectatis in porticu, quæ flumen spectabat, consederunt: multa de Europa nostra sciscitantes, quibus omnibus, uterq; satisfactum sibi esse, humanissime demonstrauit. inde digressi in Metropolim Visitator, Prorex in suum Palatium se recepit.

Ex hoc tam insigni tantorum virorum fauore non amici solum ac nostri, sed inimici etiam, arbitrati sunt de nostris expellendis

Gg

pellendis

Prouincialis
Visitator pro
more gentis
Proregem salu-
tat.

Prorex cū Pro-
uinciale Visita-
tore domū So-
ciorum ingre-
ditur.

Prorex edicto
Socios Sciau-
quino. discede-
re mandat.

pellendis consilia iam esse mutata: itaq; iam securiores quam alias vnquam metum deposuerant omnem: ideo maxime quod vrbanis Magistratus ipsi quoque omnes gratulatum ad Patres miserunt, monueruntq; nihil vt amplius in causa sua mouerent, dum extrema Proregis sententia pronunciaretur, in tuto quippe iam videri vniuersa. Verum Augusti fere mensis initio inopinatam Prorex è discessu Visitatoris factus audacior ex animi sui sententia potius, quam ex æquo ac bono tulit sententiam, eamq; in fine cause totius adscripsit. ea præcipiebat vrbanis Magistratibus, vt socios vrbe quamprimum pellerent, eosq; in Patriam relegarent, & in ædium pretium aureos sexaginta ad itineris sumptus largirentur.

Progubernatoris erat munus eam rem exequi: Is miseratione permotus, quod licebat, tergiuersabatur, neque tristem nuncium Patribus renunciare sustinebat: verum cum die, nescio quo ad Proregem adisset, ex eo quæsiuit num sententia in nostros lata exitū accepisset; cumq; is negasset, Prorex excauit: Itaq; à Prorege digressus duos Satellitum suorum Præfectos euocauit, & vt in re simili fieri solet, edictum in tabula grandiuscula descripsit, quo edicto Proregis sententiam aduenis Magistratibus renunciari iubebat, & triduum ad Sciauinicos fines egrediendum præscripsit.

P. Matthæus
ad Proregis tri-
bunal causam
scripto tradit.

Hoc inopinato nuncio perturbatus P. Matthæus, ad eius Tribunal extemplo se contulit: ibi Progubernator humanissime Patri causam omnem, vt erat descripta, videndam dedit, imo & exemplar, in quo videre licuit, totius ex ordine negotij euentum. ibi sociorum libelli, Magistratuum responsa, quæ omnia nostris ita fauebant, ut mirum videri posset, legebantur; ad extremum Proregis vltima sententia in hunc fere modum scripta viscebatur.

Tametq;

Tametsi Matthæus Ricus nullo sinistro fine in Sinēse Regnum intrauerit, & ut disquisitiones testantur, nihil in leges peccauerit, non decebat tamen eum tantopere Patrij soli obliuisci, maximè quod ubiq; religiose viuere liceat: In Proregia vero sede omnino non conuenit aduenas diu cōmorari; ideo illum in Patriam remittere, neq; inurbanum, neq; iniustum videri debet. Ad sumptū porro quod attinet, quem in extruenda æde fecit, negari non potest insignem esse vim nummorum: verum cum ij eleemosynæ nomine collati fuerint, eam rem suam iure non potest appellare; ergo ad eam summam, quæ illi in sumptus itineris à Magistratibus datur, aureos quindecim è proprio dari iubeo, & sexaginta confici, atque ita in Patriam suam relegetur.

Responsum
Proregis scri-
pto legitur cō-
tra P. Ricium.

Ita huic sententiæ Progubernatoris respondit Pater, se quod ad nummos attineret, omnibus habere gratiam, sed nec egere ad suos relegatum, nec velle in adium precium quicquam acceptare: ad hæc Progubernator non admodum institit. Quæsiit deinde Pater Matthæus, fieri saltem posset, nec ne, uti alium in locum Prouinciam uē amandaretur, & Socium suum per eum sibi liceret Sciauchini occultum relinquere, cum domestica supellectile: id Progubernator facilius fecit quam posset. Itaque in spem adductus eius rei conficiendæ, supellectilem ita diuisit, ut partem Sciauchini relinqueret, partem una secum efferret, quæ res plus laboris habuit quam fructus. nam & Præfecti Satellitum omnia domo efferri vrgebant, & nauigia discessuris data à Magistratibus in Cantonensem Metropolim, non alio mittebantur. Ergo ad Progubernatorem reuersus intellexit, nihil se præter id, quod Prorex iusserat, habere, nec posse immutari: ergo Socius uterque Amacaum in posterum cogitauit.

P. Matthæus
pecunias re-
iecit.

Nihil hac in re angebat æquè bonos pastores, quam oues

G g 2

ab se

Socij Neophy-
tos desertos lu-
gent.

Neophytis præ-
cepta ante dis-
cessum tradun-
tur.

Sociorum in
discessu
æquabilitas.

ab se suas tantis sudoribus eductas & educatas inter lupos re-
linqui, & sensum auxit concurrentium Neophytorum fre-
quentia, & lugentium eiulatus, qui tales fuere, quales in Pa-
rentis funere ante filiorum oculos exspirantis: deplorabant re-
lictos se sine Doctore, à quo veræ fidei præceptiones audirent;
sine pastore, à quo sacramentorum pascuis pascerentur. qui-
bus Socij tametsi solatio egebant, ipsi dolore dissimulato, so-
latium & spem meliorem ingerebant, hortabanturq; ut fidem
in medio nationis prauæ Christianam retinerent; meminif-
sent eorum, quæ septennio toto didicerant, spondebant et-
iam breui se pacatis rebus reuersuros, & intermissam statio-
nem repetituros: interim Christi Seruatoris imaginem Neo-
phytis reliquerunt, ad quam in cuiusdam Neophyti casa col-
locatam sacri cœtus sacris diebus cogerentur (nam fastos no-
stros P. Matthæus ad Sinenses, qui Lunari cursu labuntur ac-
curatè accommodauit) ijs in catibus iuebantur orationem
instituire, de rebus diuinis colloqui, & alia Christianæ pieta-
tis officia frequentare. inde iussis bono animo esse, moni-
tisq; hanc esse nascentium Ecclesiarum sortem, ut non nisi
laboribus assurgant, eos in certum locum misit suburbanum
ad fluminis ripam, in quo extremum vale mutuo diceretur.

In hoc Socij discessu hoc unum studiosè curauerunt, ut
quoniam per vniuersam vitam reditum erant meditaturi, ne-
minem offensum, beneuolos omnes relinquerent, atque ita
non solum de nemine questi sunt, aut quicquam minati, sed
potius omnes veniam rogabant, si quid forte inconsideratius
in eos aliquando peccauissent. Neque fortasse minæ visæ cui-
quam fuissent inutiles: Verebantur enim fere prudentissimus
quisque, ut huius conditionis viri per summam iniuriam pul-
si, ea quam de Sinenti nunc habebant regno scientia, ad illius
perniciem abuterentur. Verum ubi viderunt eos hac animi
quiete post tot iniurias abire, in admirationem ac misericor-
diam

diam ipsi etiam hostes nostri tenerrimè peruenire. Ipsi dumtaxat Satellitum Præfecti per vim quædam eripere, non vilia tentauerunt; sed ea illis P. Matthæus è manibus excussit, minatus se Magistratus ea de re monituum, qua denunciatione ipsi pauore consternati ab iniuria temperarunt. Neophytos tamen donauit munusculis è domestica suppellectile, quæ minimè efferenda videbantur; nonnulla etiam apud alios deposuit, quæ asseruarent.

Conuasatis iam omnibus, & in nauigia cõportatis, in suburbanum locum, vbi Neophyti præstolabantur Socij discesserunt. Ibi iussis subsistere nauigijs P. Matthæus ad Progubernatorẽ se paulatim contulit, eiq; clauium multitudinem tradidit, gratijs habitis ob beneuolentiam in hac alijsq; sæpè causis exhibitam, quam nulla ex animo deleteret obliuio. Is denuo nummos obtulit; sed eadem constantia, qua prius, sunt reiecti. Tum Progubernator Patrem rogauit, vti ob signata propria manu schedula testaretur, oblatos ab se nummos ab eo reiectos: Quod fecit Pater Proregi q; gratias egit, eumq; rogauit, vti eadem illam, quia sacra Numini esset, ne indignis vlibus sineret profanari.

Progubernatori traduntur clauæ & aguntur gratiæ.

Vicissim porro à Progubernatore P. Matthæus petijt, vti sigillo confirmaret, se ac Socios nulla ex culpa, Sinensi regno pelli, vitamq; ab se religiose actam, vt eo testimonio proscriptionis ignominiam, apud quos opus esset, propulsaret. Id & libenter & luculentè ab eo præstitum, additaq; magna Sociorum encomia Aliud etiam diploma tua sponte Progubernator addidit, quo diplomate caebatur, ne quisquam toto Socios itinere, vel inurbane, vel iniuriè tractaret. Deinde Proregis nomine Cantonien sis maris summo Præfecto imperabat, vti nauigia militèsq; Amacaum vsque suppeditaret.

Progubernator Socios cū testimonio vitæ laudabiliter actæ dimittit,

His ita confectis P. Matthæus ad locum redijt, in quo eum

G g 3

Socius Neophytis valedicunt.

Socius ac Neophyti præstolabantur. hinc iterati planctus & inchoata desideria, quæ cum apposita fuissent, ac breui oratione mitigata, illis Patres faustè apprecati discesserunt.

Vti in Metropolim ventū est, Deo ita res moderante, summus aberat Maris Præfectus, quem dum intra biduum præstolantur, pannum è quo Societatis nostræ sibi vestes conficerent, compararunt, Et Visitatori Amacaum scripserunt aliisque Patribus, se à Prorege Sciauquino pullos, intra biduum triduumue adfuturos, & rei gestæ seriem coram & fusè narraturos.



Secundi libri finis.



DE

DE CHRISTIANA

EXPEDITIONE APVD SINAS

AB SOCIETATE IESV SVSCEPTA.

Liber Tertius.

*Sinenſis expeditio Chriſtiana inſtauratur &
Xaucei noua ſedes erigitur.*

CAPVT PRIMVM.

In Aboribus prope Tantaleis hanc expeditionem minima noſtra Societas eduxerat in eam, quam vidimus altitudinem, vt qui ſaxum ingens in altum euexit montem, cui ecce cum ad apicem parum deeſſet, inconfideratis manibus ſaxū elabitur, & ad montis pedem, vnde prius aſſurrexerat, reperitur, non ſine inſigni eius, qui in eo deſudauerat mœrore ac diffidētia, Verum enim vero cum denuo licuit ſocijs in priſtinam altitudinem aſpirare, (licet ab imo denuo labor inciperet) tanta fuit duorum ſociorum, quibus ea res innitebatur, ſpes, vt omnem præteritorum laborum memoriam abſterſerit. Actis igitur Numini (vt par erat) gratijs, ſeſe ad nouos labores accinxerunt, qua ratione id factum ſit, aggredior enarrare.

In ijs nauigijs, quibus Sciauchino Cantonē aduecti erant noſtri, dum Præfecti maris aduentum ſunt præſtolati, ecce tibi poſtridie quam appulerant, citatis remis celox apparuit, ea nauigium Patrum prora petens, admirationem primo peperit, deinde etiam ſtuporem: nam Proregis nomine illis nunciabatur, vt Sciauchinum ex templo repeterent, nec eius rei cauſam

Sciauchinum
ſocij ex itinere
reuocantur a
Prorege.

Rumor varius
de Sociis reuo-
catis.

causam ex ea celoce quisquam, aut dicebat, aut sciebat. eam rem Socij bene ominatam auide arripuerunt, quippè quod satis intelligerent, se si semel Amacaum repeterent, non facile in regni Sinensis interiora redituros. & quidem si res humanopede metienda erat, omnino noua facultas nostris ingrediendi nulla ratione impetrari posse videbatur: ita nimirum in Sinarum medullas exterarum gentiū metus penetravit. Ergo nulla interposita mora cum ijs, qui eos accersebant alacres Sciauchinum rediere. ibi varios de reditu suo rumores fama spargente reppererunt. Dicebant nonnulli Proregis vxorem idolorum cultui addictissimam, nescio quid somniasse, cuius causa Prorex aduenas Sacerdotes reuocasset: Alij suspicabantur, Proregem pænitentia ductum timuisse, ne aduenæ iniuria pulsi Lusitanorum opera de vlciscendis iniurijs cogitarent. quidquid fuerit, P. Matthæus ad Progubernatorem ductus intellexit, altero post discessum die se Proregi eam rem renunciassè, & sententiam in aduenas Sacerdotes executum; Verum nulla ratione adduci potuisse, vt oblatos nummos acceptarent, quod ex ipsius Matthæi autographo constabat: Ea re audita Prorex obstupuit, & vultu mœrorem præsetulit. cum enim ædem nostram in fanum sibi erigendum designasset animo, non immerito verebatur iniustitiæ notam, quasi hunc ædis eripiendæ prætextū, falso publici boni colore cohonestasset, pulsi aduenis, quos Proreges aliquot alij humanissimè admisissent prius atque tractassent.

Ergo, Deo res ita disponente, Prorex Vicario Gubernatori iubet, vti eo ipso momento celerrimam celocem quāplurimis remis instrueret, quæ aduenas pulsos quam citissimè reuocaret, qui cum aduenissent omnino inducerentur, ne sexaginta aureos reijcerent. volebat enim, quod postea fecit, insculpere marmori, se ædium nostrarum pretium exoluissè, quod marmor ex ædium regione collocauit. Progubernator
igitur

igitur Patrem monebat & hortabatur, uti omnino nummos acceptaret, posse sibi nimiam pertinaciam grande aliquod malum accersire, verum restitit etiam tum; asserens ex causis sæpius dictis minime decere nummos illos recipi, unde sibi omnino certum esse, quod non decebat constanter non pertinaciter refutare. Intulit Pro gubernator: ad Proregis igitur tribunal omnino te oportebit ire. quam denunciationem Pater ita lætus accepit, ut tamen aliquid humani metus ex eo, quod poterat euenire, subreperet.

Admissus est igitur in conspectum à Prorege pro Tribunali confidente, quod tribunal sua maiestate horrendum plurimis esse solet: comitabatur eum interpretis nomine, Sinensis quidam, sed plane Lusitani sermonis imperitus: verum eo tempore nihil admodum interpretis indigebat, & potius in comitem ad aliquam pompam deducebat. Flexis igitur de more poplitibus, & procul aliquanto (quod supremis Magistratibus honoris causa fieri solet) Prorex Patrem ad se quam proxime ad solium suum accersuit, & alacri vultu verbisque beneuolis sciscitatus est, qua nam ex causa, reiectis nummis abscefferit, quos tanta beneuolentia illi obtulerat in itineris sumptus aliquod adiumentum, quin etiam ex eo, quod ipsum ex itinere reuocarat intelligi posse, quam beneuolo fuerit in eum animo, qui eos manu propria offerre voluerit, neq; permiserit indonatum abscedere.

P. Matthæus ad hæc ita respondit: ingentes se pro tam insigni beneuolentia grates agere, verum ad nummos quod attinet se minimè indigere, nam ad suos in Patriam rediens ex itinere Socios, vel amicos reperiēbat, à quibus omnia sibi necessaria liberalissime suppeditabantur. Prorex vero; ut ut res sit, in urbanum est Proregia munera refutare. Ad hæc P. Matthæus; cum me inquit expuleris ex ea sede, in qua tot annos sine cuiusq̃ offensione vixeram, ac sinefarius homo fuissē,

Hh

minimè

P. Matthæus
Ricius ad Prore-
gis tribunal ac-
cessit.

P. Matthæus
Ricius denuo
nummos rej-
cit.

Prorex excan-
descit.

minimè videtur æquum, yti tua munera recipiam, aut ea reg-
ciens habeat inurbanus. Ad hæc Prorex excanduit, & in pe-
des erectus vociferari cæpit inconditè; fierine poterit, aiebat,
ut Prorex aliquid iubeat & minimè audiatur? inde ad inter-
pretem conuersus, totius mali causa inquit, est iste sycophanta,
qui cum hæc ut faceret admonuit: imperauit deinde pertur-
batè ferreas afferri catenas, quæ in interpretis collum inijce-
rentur. Interpret consternatus, facti inuidiam à se remouebat,
asserens Patrem Matthæum dolore sedis amissæ in hanc perti-
naciā deuenisse. Et idem asseribat ille, interpretem omni-
no culpa liberans, in seque recipiens. Tum intrepide monuit
Proregem, ne excandesceret absque causa. Nam si ea erat in
se beneuolentia, quam præferebat, eam non in nummulis ali-
quot patefaceret, sed non cogendum se ad noua pericula in
vastissimo mari sine causa subeunda. Ac si fortasse minus illi
arrideret in Proregis sede sibi cōcedere stationem, se aliò quo
maxime libebat amandaret. Patris responsū non satis fue-
rat Prorex assecutus, Verum quidam Militū Præfectus, qui ad
latus eius stabat, genu flexo Patris sententiā cum fide repetijt.

P. Matthæi ani-
mus intrepidus.

P. Matthæus a-
nimū Prore-
gis placat, ali-
amque sedem
impetrat.

Ea re commotus ad clementiam Prorex, ita respondit:
primam suam voluntatem minimè fuisse Sinensi eum regno
excludere, sed alio amandare, quod ipse nolisset. Perijt tum
Pater, uti in Quamsi vel Quiam si prouincias ire sineretur. Ve-
rum Prorex ideo noluit, quod extra suam ditionem essent il-
læ prouinciæ, Sed in Cantonensi prouincia eligeret urbem,
quæ maximè sibi arrideret, excepta Proregum sede Sciauqui-
no, atque Prouinciæ metropoli, quibus in urbibus aduenas
omnino non decebat commorari. Elegit Pater Nanhium vr-
bem Quian sinensi Prouinciæ cōterminam. Non abnuī Pro-
rex, sed suāsit tamen ut prius in Nanhua cænobium, de quo
supra, concederet, & inde in urbem Xauccanam, tum si ea
loca minus arriderent, Nanhium consisteret. Gratijs ex mo-
re Si-

re Sinensi actis, fronte in solum vsque demissa, Proregem Patrem omnino placauit. Nam is lætus euentu, librorum fasciculum adferri iussit, eoq; Patrem in testimonium beneuolentiæ donauit. Hi libri bella in Pyratam gesta, aliosq; tumultus sedatos à se continebant. Forte fortuna aderat Gubernatoris Xauceani Assessor, qui ad salutandum Proregem aduenerat. Huic Prorex ipse Socios commendauit, quos eò ab se missos assererat.

Sciauquinius porro Progubernator, lætus hoc euentu, Socios uidelicet in Sinensi regno retineri, & in Xauceanam urbem amandari, humanissime diplomatibus instructos, in nauigia imposuit, & Xauceum amandauit. Quin etiã ipse Xauceano Progubernatori commendauit, & ad eum P. Matthæum introduxit. Quo viso obstupuit, & impedito sermone tacuit aliquantùm, tum, ubi se collegit, Sciauchino Gubernatori hæc fere verba dixit: Quid hoc rei est? Ego enim hac ipsa nocte p speciem mihi obiectam videre visus sum Deos aliquos peregrinos, quales in aris nostris videri non solent. plane Visum illud hos ipsos aduenas Sacerdotes voluit designare: deinde ad Patrem conuersus, urbanissimè illum compellauit, & quoties restulit, rebus nostris in vrbe Xauceana postea ex animo semper fauit nam præter cætera, quoties ad suum tribunal itabāt, itabant autem non infrequentes, ijs è domo sua cibum in eam diem subministrabat, & tum quidem voluit eos proprio nauigio vehere, verum quoniam alterum Sciauchini diem sese Patres tenuerunt, vt aureos sexaginta necessariumq; diploma reciperent, neq; ille abitum differre posset, præcessit, & die vno alteroue prius appulit, quam Patres exscenderent.

Expeditis ex animi sententia omnibus, urbanos Magistratus omnes P. Matthæus visitauit, quin etiam ipsum Proregem denuo conuenit, gratiam habiturus nouis beneficijs, à quo exceptus fuit perhumaniter, addiditq; vti lubentes abirent, se

Hh 2

Xauceano

Visio Gubernatori Xauceano obiecta nocturna.

Xauceano Gubernatori serio eos commendasse, ac etiam imperasse, vti de commodò loco prouideret, & sedulo procuraret, ne quis illis molestiam inferre auderet.

Socij Sciauchi
no discedunt.

Dixi superius apud Neophytos, qui nouam Patribus Proregis voluntatem gratulabantur, è domestica suppellectile nonnulla remansisse. eos abeuntibus Socijs, emuli detulerant, quasi eas res subduxissent, & Progubernator omnia exscribi voluit, & in Archiuio suo asseruari suppellectilis seriem, ne quid forte periret, aut Neophytis calumnia ingereretur. Ea igitur omnia cum fide restituta. Sciauchino igitur Assumptæ Virgini sacro die discesserunt, anno humanæ salutis 1589. & in Saucedanam urbem proram obuertentes, in eum locum peruenerunt, vbi fluuius Saucedanus è Borea fluens in magnum sese flumen immittit, Is locus Sanceui vocatur, ac si tres aquas apelles. ibi nauigia mutari mos est alio modo fabricata, vt aduerso flumine nauigari possit.

In hac nauigiorum permutatione, Socij Visitatorem, Amacai tunc commorantem, de rei totius euentu per litteras erudierunt.

Toto hoc itinere nullam omnino molestiam à quoquam pertulerunt, sed tamen in celoce quadam militari, metus fuit, quæ neque diurnis neq; nocturnis horis à Sociorum nauigio discedebat, eam enim omnes pyratice arbitrabantur: verum vbi Xauceum appulerunt, certo constitit, eam à summo maris Præfecto è Cantonensi metropoli missam, vt nostros mandato Proregis eo vsque comitarentur, donec ipsi exscenderent.

Nanho ad fa-
num Socij per-
ueniunt.

Ostiduum ad Boream ab Socijs nauigatur, peruentumq; cum ad locum, unde breui tractu in fanum Nanhoa peruenitur, ibi præstolabatur Sociorum aduentum Xauceani Progubernatoris famulus, cui datum erat in mandatis, vti eos in fanum illud deduceret, & suppellectili suæ locum accommodatum

tum dari imperaret: verum Socij quibus in animo erat, non in suburbano aliquo fano, sed in vrbibus ipsis ad Euangelij propagationem commorari, supellectilem suam nauigio educere detrectarunt, asserentes, se prius Progubernatorem velle conuenire, arridere sibi tamen, si locum fama celebrem videre liceret. eo igitur pergentes, cænobium repererunt in insigni planitie, cincta vndique collibus amænis, quos supra naturæ honores, ars arboribus frugiferis ita vestierat, vt nihil æquè oculis blandiri posse videretur, maximè quod eas cæli clementia ab hyemis nudæ folijs interitu vindicaret: ipsa porro planities orizam, aliaq; legumina confita educebat, riuuli perennis maxime beneficio, qui mediam planitiem irrigabat: in colle quodam præceteris amæno, quem fons aquæ potabilis eximia magnitudine totū rigat, fanum illud, moles pergrandis visebatur, iuxta illud Cænobium, in quo mille Idolorum sacrificulos huius agri Dominos, beneficio & impia pietate maiorum, commorari ferunt. Id originem habuit à viro quodam annis retro plus minus octingentis, quem Lusū vocant. hîc cum ferunt, magna sanctimonix opinione floruisse, quam illi conciliauit asperrima vitæ ratio, hunc enim narrant æterna catena supra nudam carnem cinctum, orizam cribare solitum, & de more conterere leuiter, quantum cænobijs mille iussiceret in victum quotidianum. ex ea catena caro computruerat vsque adeo, vti vermes ex ea scaturirent, è quibus, si aliquis fortasse in terram decideret, ab eo reponeretur, dicente, an tibi deest quod rodas, quid fugere in mentem venit? in eo igitur loco cadauer illius asseruatur, & ei colendo celebre illud fanum est erectum, quo ex vniuerso regno à peregrinantibus concurritur. nam vbiq; ipse resq; eius omnes in magna veneratione habentur. hi dæmonum ministrelli in duodecim diuisi sunt stationes, & vnicuiq; præfectus est designatus, præter eum, qui toti cænobio cum summa potestate præest.

Cænobiū per-
antiquū, eius-
que origo ab
antiquo Cæno-
bita.

Hh 3

Eo

Sacrificulorū
huius cœnobij
mores impij.

Socij à sacrifi-
culis excipiun-
tur cū pompa.

Eo igitur cum Socij peruenerunt, auditumq; fuit, eos à Pro-
rege mitti, ut ibi sedem figerent (quoniam P. Matthæi Ricij fa-
ma iam eo peruenerat) arbitrati sunt eum Archimandritam
designatum, ut dissolutos eorū mores ad cœnobiticę vitę nor-
mam reformaret: ita enim vulgo vivebant eorum pleriq; ut
non solum meretricijs essent moribus implicati, & prolibus
abundarent, verum, quod atrocius est, non pauci latrocinijs
vias infestabant. Sunt porro omnes toto regno Idolorum sa-
crificuli sub Magistratum potestate, non secus atque alius
quilibet è populo, ideo fortasse quod litteratorum secta, idola
non colat, nec eorū mystas pro suis agnoscant. Concilio igitur
cōmunicato inter Superiores statuerūt, nullū Patri locum de
demonstrare, qui quidē incoli posse videretur, nihilo tamē min⁹
solita Sinarum dissimulatione omnes Patri obuiam processse-
re, suis sacrificiorum vestibis insignes, & magnam ex eius ad-
uentu alacritatem sese accipere prætulerunt, & officiose fa-
num vniuersum in eius obsequia detulerūt. exceptus est por-
ro P. Matthæus in eo palatio ac statione, vbi grauissimos Ma-
gistratus, si quando eo deuenerint, excipi mos est, & solem-
ni epulo aduentus illius primo die celebratus, præcipua dein-
de fani loca demonstrata. Erat illud idolis prægrandibus tere
plenum. ea ex ære ac reliquo metallo conflata, vel è ligno cō-
structa erant, & auro pereleganter infecta. & quidem in vna
statione ad quingenta numerabantur. non paucę turres etiam,
& in turribus ara campana videbantur. & quidem ex ijs vnum
è fusili metallo tale erat, quale Socij nullum in Europa se vi-
disse meminerant.

Ipsius quoque Cœnobitæ Lusū ostensum corpus, bitumi-
ne illo Sinarum pellucido intinctum: multi negant idem esse
cadauer, sed tamen vulgo pro eo habetur, & incredibili ve-
neratione asseruatur. in medio quippe fano locus eminet, ad
quem eleganti scala conscenditur, eo in loco quinquaginta
fere

fere lampades appensę, sed non ardebant omnes nisi diebus constitutis.

Hęc Socij spectabant, sed ipsi quoque spectabantur. porro nihil cęnobitis illis insolens æque visum, quam nullum à Socijs cultum suis idolis exhiberi. Nam Sinę, tametsi nullam idolis fidem adhibeant, non tamen repugnant, aut impium arbitrantur coram ijs inclinari. Inter Socios ac Cęnobarum Superiores non male conuenit, nam ij verebantur, ne loci amœnitas nostris nimis arrideret; nostri vero ita venerant, vt omnia sibi certum esset refutare. cum igitur ad collis pedem deuenissent, in quo multis ædibus frequens oppidum visebatur, asseruerunt, se si quidem ibi sedem figere vellent, in oppido potius quam in Cęnobio commoratorios.

Deniq; in Xauceanā urbem nostri ingressuri P. Almeida, narium sarcinis in eam impositis cōscendit, P. verò Matthæus, itinere terrestri, quod erat compendiosius, in ciuitatem cum Progubernatoris famulo contendit, eosq; comitatus est Supremus Cęnobij Archimandrita, vna cum Socijs duobus vel honoris causa, vel ut ex Progubernatore sciret, quę Proregis essent in hac rē mandata.

In ciuitatem ubi deuentum, Progubernator inuisitur. P. Matthæus retulit, nulla ratione fanum illud accommodatum sibi videri. nam & aberat ab vrbe, Litteratis, ac Magistratibus quibuscum uti cum similibus viuere soliti essent: eos quoque cęnobitas, fama erat, homines esse nefarios, apud quos consistere minus tutum arbitrabatur. addidit præterea lege ipsa ac legis voluminibus toto cœlo differre, nec idola, sed vnum cœli ac terrę Dominum venerari. Adhęc obstupuit Progubernator. in animum enim sibi plane induxerat, nullam toto terrarum orbe legem aliam, nullos plane characteres esse, nisi quibus China uteretur, idque ita tenaciter tuebatur, ut persuaderi sibi contrarium nullo modo pateretur, donec P. Matthæus

Xauceum urbem ingrediuntur & Progubernatorē inuisunt.

thæus è manica diurnas preces eduxit, dixitq; has esse nostras vel preces vel litteras. qua re conuictus manus dedit; inter hæc Archimandrita comes superuenit, & eadem suo quoque calculo confirmavit, asserens P. Matthæum pridie, cum per omnia idolorum puluinaria cursaret, nulli, ne ipsi quidem Lusù, cultū vllum exhibuisse. Ad extremum, Progubernator in Patris quoque sententiam venit, olim ab Sinis nullum idolorum fuisse cultum: eam sectam in posteriora sæcula se irrupisse; cui Archimandrita non solum resistere nō est ausus, sed asseruit etiam plus quam peteretur: idola nimirum nullo cultu digna esse, sed à Superiorum temporum Magistris animaduersum fuisse, Religionem à vulgo sine simulacris conseruari non posse, ideoque has icones colendas protulisse. His ab Archimandrita sane acute dictis, statuit Progubernator, nostris aliam in vrbe sedem exquirendam; quod vbi senserunt Socij, maluerunt præsentī fauore, res adhuc in dubio positas stabilire, quam de ciuitate Nanhui incolenda sermonē ingerere. Interim Progubernatoris hortatu nostri, vrbanos omnes Magistratus visitarunt, à quibus in humanitate Sciauchino profecti superati sunt, vel ideo quod Progubernatorem ita cupere intelligerent, vel fortasse quod Sinensium rituum ac sermonis peritiores nostri iam seipsos superabant.

Situs vrbis Xau-
ceanae.

Interim vero dum extruendis ædibus locus eligitur, in aliud fanum, cui Quamhiao nomen est, ex altera fluminis ad occasum ripa iussu sunt se suaq; conferre. Vrbs Xauceana visitur inter duo flumina nauigari solita, quæ hîc in vnum confluent. alterum quod Nanhui urbem ab ortu alluit; alterum quod ex Vquam Prouincia mittitur, spectat urbē in occasum. Urbana vero mania & ciuium ædes in medio agro, quem flumina relinquunt, extruuntur. vnde fit, vt non nimis late pateant, & ad reliquas ædes agrum in altera fluminis ripa vtrunque quarant, ex eo vero, quod occidua ripa frequentius habi-
tatur,

tatur, pons est è nauigijs inter se colligatis: numerat illa vrbs ad quinque familiarum millia, & ferax est inprimis orizæ ac pomorum, piscis etiam carniū atque olerum. verum insalubrior est aer, ac cælum inclementius; nam quotannis ab Octobre medio in Decembrem tertia fere vel quarta pars incolarum tertiana febris corripitur, è quibus morbi vis multos abripit, superstites autem pallore suo periculum diu testantur. Nec benignius cælum est illud aduenis, quam incolis; sæpè enim, qui eò ad conficienda negotia veniunt, paucis diebus conficiuntur.

Cælij inclementia.

E regione fani supra memorati, campus erat ingens, & habitatoribus destitutus, neque nostris vsibus incommodus. eum vt nostri peterent à Progubernatore, eiusdem Curiales Socijs auctores fuerunt: erat enim ager è cænobij bonis, atque ita in Magistratuum potestate. ergo postridie, cum in fanum venisset nostros visitaturus, & de sedis area collaturus, hunc ei campum demonstrarunt, quod mire Progubernatori arrisit, tametsi eius templi Superiores, & incolæ multa causati sint, ne possessione sua exturbarentur, aut alienæ legis præcones nimis vicinos haberent, sed eorum tergiuersatio parum nocuit: Progubernator enim ad Proregem libello retulit, Sacerdotes aduenas in fano Nanhua commorari noluisse, & petere vacuum agrum è regione Xauceani fani, quod est in agro suburbano ab occasu fluminis atque ciuitatis. interim dum responsum expectatur, voluit Progubernator, vt res sine cuiusquam iniuria transigeretur, & à nostris ager ille emeretur tanti, quanti arbitrarètur vicorum eius regionis suburbanæ præfecti, quorum ea fuit maleuolentia, ut quod aureis octo decemue comparari poterat, octoginta & plures exigerent: nimirum ab impijs illis sacrificulis corrupti, & pretij parte, quam inter se diuiderent promissa.

Locus ad habitandum deligitur.

Interim aduenarum Sacerdotum fama ex vrbe primores

Ii

omnes

Socij à graui
morbo liberā-
tur.

omnes euocauit, quos vrbaniores omnino quam Xauchianos repperunt, atque ita cum varijs amicitias contraxerunt: Verum ex nimio visitantium concursu & superioribus molestijs, cum in festi temporis dies aduenissent, uterq; in lethalem morbum inciderunt, omni prope obsequio & ad propulsandam ægritudinem auxilio destituti: Verum cum ad mortem comparati de exitu ac laborum fine cogitarent, Dei plane nutu ad restituendam expeditionem apud Sinas Christianam, præter spem referuantur, ac tandem nullo alio, nisi quod è cælo acceperunt, malorum remedio conualecunt, quo tempore Proregis sententia delata est, qua locus ille nostris attribuebatur: atque ita Progubernator agrum illis tradidit suis diplomatis & auctoritate munitum. Deinde cum è præterita ægritudine vires collegissent, ædium ædificium inchoarunt, nullo profanis cænobitis dato pretio, quod in eo exigendo rationis ac iustitiæ limites excessissent.

Amacai Patres reuocatos auditur. Visitator ad rem Sinicam stabiliendam accingitur.

CAPVT SECVNDVM.

Amacai fama
spargitur Soci-
os Sciauchino
pulsos.

A Macaensis Collegij Socij, quod supra narraui, acceptis à P. Matthæo è Metropoli litteris intellexerant, nostros Sciauchino pulsos, intra biduum triduumue adfuturos, atque ita ut tot fatigatos molestijs ac laboribus, religiose recrearent, cubicula lectosq; ipsos instruxerant, & eos in diem præstolabantur. repertus est tamen ex omni numero Sacerdos vnus P. Ferdinandus Martinez Lusitanus, vir constanti sanctimonix fama, & qui rem Sinicam peculiari amore complectebatur, ac Socios eius vineæ cultores, quibus poterat modis adiuuabat, is constanter asseuerabat (quicquid alij dicerent aut sentirent de Socijs Sciauchino pulsjs) fieri non posse, ut Amacaium

caum illi reuerterentur; quin etiam, P. Francisco sciscitanti causam, cur non aduenirent, respondit: itane tu etiam cum reliquis incredulus esse vis? P. Mattheum nunc quidem minime videbitis, quare stupore interrogantem affecit, nihil iam dubium, quin ille certi aliquid diuinitus didicisset.

Superior ut eam rem elucidaret, famulum domesticum cum litteris misit: qui nostris prius Sciauchini fuerat famulatus, is in Metropolim, imo Sciauchinum usque concessit, nec de Patribus aliud scire potuit, quam à Prorege pulsos Metropolim versus nauigasse. Nec toto itinere quicquam aliud inuestigans est assecutus, atque ita re infecta reperit Amacaum: ea res suspensos Patres reddere incæpit, veritos ne quid ijs illatum mali vel casu vel maleuolentia fuisset, ergo alium solertiores mittunt, iubentq; ne Amacaum redeat, nisi cum ipsis Patribus aut certis nuncijs. is cum Sciauchinum quoque apulisset, nihil aliud potuit expiscari. cum itaq; sollicitè ubiq; & ab omnibus exquireret, forte aut potius Dei nutu incidit in illum ipsum nauarchum, qui pulsos in Metropolim & reuocatos Sciauchinum, ac deinde Xauceum vexerat. Is non solum certa de Socijs retulit, sed quas acceperat litteras à Patribus mittendas Amacaum illi tradidit, quibus acceptis voti compos, eo unde venerat, est reuersus.

Amacaenses, ubi per litteras intellexerunt, Socios nouæ stationis apud Sinas esse restitutos, in gratulationes & gratiarum actiones se se effuderunt. Visitator porro per certum hominem paternis litteris Socios solatus, eos ad novos labores nouis animis inflammavit, monuitque, uti omnino quolibet possent modo suam alibi stationem stabilirent, neq; illam intermitterent, cuius iam in Europam fama ad Pontificem Maximum, & Hispaniæ Regem, ac reliquum orbem Christianum nauigaret, quorum omnium expectationem oportebat, quatenus fieri posset, minimè fallere: sibi enim videri ex Di-

Famuli mittū-
tur Sciauchi-
num inuestiga-
tum de Socijs.

Visitator Soci-
os de noua sta-
tione acquisi-
ta solatus.

uinarum rerū consuetudine post Sciauchinos labores ac sterilitatem, quietem impoſterum & copiam ſucceſſura.

P. Viſitator Socios auxiliares deſtinat.

Non ita multo poſt, Viſitator noſter, ad Sociorum auxilium adoleſcentes duos in ſcholis noſtris Amacaenſibus educatos, magna eorum voluntate ſubmiſit. Nomen vni Sebaſtianus Fernandus, qui etiamnum ſuperſtes eſt; alteri Franciſcus Martinez, de cuius felici exitu prope in cauſa fidei pluribus infra; ij poſt paululum in Sociorum numerum cooptati, probationis annos & exercitia in vrbe Xauceana Sinenſium Religioſorum in Societate noſtra primitiæ, peregerunt. Ab his adiuti noſtri deinde ſtrenuè, multiq; labores exantlati, vti ſequēs narratio docebit. Idem Viſitator Sacerdotes Europæos ex India duos exciuit, Luſitanum vtrumq; , qui Amacai Sinenſium characterum ſtudijs intenti, aquæ motum, id eſt, diuinæ clementiæ Sinæ rei fauentis auram propitiā præſtolarentur, hi deinde poſt annos aliquot in ſuam meſſem ingreſſi, ſtrenuè deſudarunt, quos oportuniore loco nominabo. Rem vero familiarē idem Viſitator ea liberalitate laxauit, ut ad res neceſſarias iam nihil noſtris deeſſe videretur. Interea Patres ædificio extruendo inſtabant, & ob incommoda, quæ in fano patiebantur, opus urgebant. verum ne darent obloquendi cauſam, aut occaſionem Magiſtratibus præberent, in ædibus noſtris conuiuia inſtruendi, quod in reliquis cænobijs ſolent facititare, ideo in hac extruenda ab altera contignatione abſtinuerunt, & fere ad Sinarum morē ædificium compoſuerūt. ædem tamen ædibus contiguam maiorem & meliorē in formam redegerunt; ſperabant enim ſe plures iſtic Neophytos breui conſcripturos: ab Interprete quoq; domi retinendo abſtinuerunt, quod ab ijs parum fideliter Socij obſeruarentur, & foras deferrentur, à quibus etiam negotia omnia docuerat vſus perturbari.

His alijsq; ſimilibus, quæ præteritorū vſus docuerat, aptius con-

concinnatis, breui Patreseo deuenerunt, vt nihil è Sciauchino discessu perdidisse, multum etiam se lucratos esse gauderent, quæ in re viderunt præteritos labores ac molestias à Deo ipso ad maiorem nominis sui gloriam, & expeditionis Christianæ bonum esse procuratas. Interim Visitator noster sese ad Iaponensem nauigationem, yna cum Legatis Iaponijs reductibus ex Europa accingebat: nam Christiana res ibi perturbata, ex Imperatoris persecutione præsentiam illius exigebat: is enim Imperator, Cambaco dicebatur, concepta in rem Christianam, & inde in nostros indignatione, tota Iaponia omnes proscribebat, creptis ædibus, dirutis templis, furebat; quæ omnia in Iaponiam Visitatorem euocabant. Amacaensi discedens Collegio præfecit P. Eduardum, eò maxime quod rerum Sinensium vñu valeret, & eam missionem, cuius adhuc ijs temporibus gubernatio ad Amacaensem Rectorem pertinebat, apte gubernare, deq; necessarijs prouidere, vel eam promouere præ cæteris unus posse videbatur.

Persecutio Iaponica.

*Nobilis Magistratûs filius, Chiutaisò nomine,
Xaucei se P. Matthæi discipulum proficitur, & cum eo in vicinam Urbem à Patre excurritur.*

CAPVT TERTIVM.

CHIUTAISÒ sæpè infra nominandus, filius erat vnus è secundo Magistratuum ordine, Sciansciu vocant, è ciuitate Sciceu oriundus, & ipse quoq; litteratus: eius Parens non sola dignitate celebris fuit, sed etiam quod in Doctorum examine inter trecentos, qui renunciari solent tertio quoq; anno primum locum tenuisset, quod in hoc regno non honorem solum affert, sed magnam etiam in Republica dignitatem. Is deinde ingenij bonitate ac vitæ integritate ad summam inter totius regni litteratos peruenit opinionem, eiusq; libri ab om-

Nobilis quidā
præditiis &
litterati cuius-
dam viri filius,
decocto patri-
monio ad fru-
gem redit.

nibus non sine admiratione legebantur. Hic eius filius, de quo agimus, ceteros quoque fratres suos ingenio superabat, ac si studiorum cursum constanter tenuisset, nihil dubium, quin summa omnia fuisset consecutus, sed in ipso iuventutis flore, cum iam patrum frenum morte illius excussisset, impijs contubernijs dissolutus, in varia se vitiorum præcipitia coniecit, atque inter ceteros animi morbos, Alchimistica insania correptus, patriam hæreditatem sanè opimam, ignis ipsis quibus conflandas opes sperabat, absumentam dedit, atque ita inopiam in patria non ferens, una cum coniuge, ac servis vagari toto regno cepit; parentis amicos quaquaersus inuisurus; à quibus grata illius memoria inductis munera colligebat; alij quoque, ut ab amicis Magistratibus, quod sperabant, illius favore, impetrarent, largitionibus eum sollicitabant, & inopia quæ fere pudorem excutit, illum ab ijs suscipiendis minime deterrebat. Hic vitæ sustinendæ modus apud Sinas à nonnullis adhibetur, non sine iuris ac iustitiæ detrimento.

Profectus igitur Sciauchinū ad Proregem & Linsitū: amicum illum; hunc ciuem suum, summos utrumque Magistratus, verum ab ijs frigide exceptus est. Sciauchini igitur primum in nostros incidit, sed cum ijs temporibus de nostris pellendis ageretur, minus frequens congressus fuit. verum audito eos nunc Xaucei sedem fixisse, ad eos in fanum, quod dixi se contulit, & Progubernatoris favore in eodem canobio cellam unam impetrauit, ut commodius cum Socijs versaretur.

Vir nobilis cō-
suetudinem cū
nostris imit, &
varias discipli-
nas perdidit.

Quodam igitur die solenni apparatu, è Sinensi consuetudine, & donis pretiosis instructus, ad P. Matthæum eo consilio accessit, ut eum patrio ritu eligeret in Magistrum. id ita fieri solet, ut libro primo, cum de ritibus ageremus, dictū est. die insequenti in cellam suam inuitatum epulo excepit, nec quicquam horum reijcere Patri fuit integrum, ne ipsum quidem manus, quod è sericis fere pannis constabat, verum illud

Europæis

Europæis bus egregiè compensatum. ideo, ne arbitraretur Socios cupiditate illectos ad homines docendos accedere. Prima eius vota, tametsi sub initium sedulo occultarit, in Alchimiam ferebantur. Hæc enim opinio, argenti conflandi, de Socijs, nondum erat penitus ex animis hominum excussa; ille verò ex quotidiano cum nostris usu, ab hoc errore sensim liberatus, ad sublimiores scientias animum applicuit & utiliores. ab Arithmetica sumpsit initium, quæ Sinensem longe superat facilitate ac methodo; nam illa tota consistit in lineo quodam instrumento, in quo globuli filis æreis per ordinem inducti, huc illuc ad conficiendos numeros permutantur. quæ res tametsi re vera certa est, errori tamen faciliè obnoxia, & ad paucas latissimæ scientiæ species coarctata. Audiuit deinde Christophori Clauij sphaeram, & Euclidis elementa, quæ dumtaxat primo libro continentur. sub finem, Sciothericas figuras pingere ad horarum discrimina prope omnis generis didicit, & rationem rerum altitudines, ex Geometricis præcepti metiendi sibi comparauit. Et quoniam, ut dixi, valebat ingenio, & in scribendo erat exercitatus, hæc omnia in Commentarios polito sermone retulit, quos cum Magistratibus amicis suis ostenderet, vix credi potest, quantam vel sibi, vel Socijs à quibus se omnia hausisse fatebatur, opinionem deinde cōpararit, quæ enim quæ didicerat, nouitate sua Sinas omnes in stuporem rapiebant, unde ipse dicendo satiari nullo modo posse videbatur. nam dies noctesque audita repetebat, aut commentarios suos figuris Mathematicis ita polite exornabat, ut Europæis non essent ulla in parte inferiores. instrumenta quoque varia ipse confecit, sphaeras, astrolabia, quadrantes, magnetis pixides, sciothericas machinas, & alia eiusmodi magna cum venustate; nec operi materia cedebat, nam ligneis æreisque minimè contentus, argentea plura confecit.

Verum hunc omnem laborem à P. Matthæo non malè collocatum

Arithmetica
Sinensis, in quo
consistat.

Vir nobilis sibi
& Socijs per
Mathematicas
disciplinas o-
pinionem con-
cihauit.

locatum, docuit postea euentus: Sciebat enim à multis eum virum nobilem, qui cæterorum Magisterium affectaret, discipulum aduenæ Sacerdotis effectum, maxime, quod ipse res Europæas omnes, siue legem, siue scientias celebraret, nec Xaucei solum regni prope Sinensis in angulo, sed quocumq; eum fortuna vagum deferebat, nullum ijs de rebus loquendi, nullum laudandi finem faciebat.

In re Christiana instituitur.

Ad rem porro Christianam quod attinet, quo maximè nostri collineabant, nullo non die de ea tractabatur, verum id ut melius faceret, lectiones prophanæ per dies aliquot fuerunt intermissæ, quibus eo volente ex professo de ijs actitatum. Et ut videas, quam serio Sinæ res eas tractent, operæ pretium est audire, quod sequitur. Retulerat in cõmentarium quidquid superioribus colloquijs contra legem Christianam dubij occurrerat, & vacua ad exscribendas responsiones spatia omiserat, idque ita apposite, vt P. Matthæus iure stupuerit; ijs enim commentarijs, præcipuæ Theologorum difficultates ac nodi stringebantur: verum stupor reciprocus fuit: nam vbi dissolutos nodos suos omnes vidit, è quibus quosdam ne solui quidem putauerat, dubitabat quid magis admiraretur, an in rebus difficillimis responforum firmitatem, an eorundem claritatem. ergo conuictus, veritati tum quidem manus dedit, sed in Christi gregem, quod optabat, admissus non fuit. ideo quod legitima coniuge mortua, pellicem induxisset, quam & dimittere, quod filijs careret, & connubio sibi iungere, quod impar esset sanguine, omnino recusaret. ergo dilatus est eius Baptismus, dum quantum lucis ad cognoscendam veritatem habuerat, tantum virium ad amplectendam haberet. sed non sublatus tamen, nam post annos aliquot, cum duos ex ea filios suscepisset, non dubitauit fœcunditatem sanguini præponere, & filiorum suorum matrem legitimam coniugem appellare.

Vir, nobilis Baptismus differtur.

Huius

Huius noui discipuli opera, arctam cum militari quodam ^{Socij familiari} Præfecto è summis, Pimpithau Sinæ vocant, Socij necessitudi- ^{tatem cū viris} nem contraxerunt, nec non cum Xauceanæ Regionis gu- ^{primarijs con-} bernatore, ciue suo, qui recens aduenerat, eandem cum eius assessoribus, & proprio vrbis Gubernatore inchoarunt, sed & vrbanos fines egressi, cū Nanhionè item Gubernatore, quem ipse olim domestici Ludi magistrum habuerat, familiaritatem inierunt, quibus maximè patronis res nostræ prosperæ crescebant, aduersæ protegebantur. Vrbs est vicina, cui nomen Intè est, eius Gubernator præ cæteris amicus nostris esse voluit, quoties cum in Regionis Metropolim venire contingebat, magno apparatu & longo satellitio ex more Magistratuum visendus ad nostros accedebat, & sæpius vt in suam ditionem excurrerent, quæ triduo quatruiduoque aberat, humanissimè inuitauit; verum causabantur nostri Proregis in nos parum propensi voluntatem, cuius auctoritate in Xauceanos fines sese receperant. eo igitur Prouinciam regente, non videri sibi pedem inde efferendum, sed tamen vicit importunitas, vbi sese necessitati adiunxit. nam solito vrbanius cum ad nostros accessisset, institit vti saltem ad parentem suum, qui duos supra septuaginta ætatis annos numerabat, visendum instruendumq; nauigare, ne grauarentur.

Vt vero persuaderet, rem addidit sanè admirandam, & in ^{Prædictio ad-} qua electionis diuinæ vis ad stuporem colligi potest. Nam ^{miranda} huic seni, cum puer esset, coniectator quidam dixerat, se cum ad sexagesimum ætatis annum perueniret, vxorem aliam ducturum: anno vero septuagesimo secundo, ei aduenam quendam occursurum, in quo sita esset felicitas eius vniuersa. Vna igitur vxore contentus vixerat ad annum vsq; sexagesimum, defuncta igitur vxore, secundas nuptias inijt, & vna cum filio urbem gubernaturo in has regiones, vbi deuenit, ipso videlicet anno septuagesimo secundo, aduenæ Sacerdotis famam

K k

ita

ita sensit celebrari, nihil ut dubitarit illum ipsum esse, qui à cōiectatore prædictus in manibus suis haberet sortes suas. ideo filio etiam atque etiam commendarat, uti efficeret omnino, ne ad se Sacerdos aduena venire graueretur, quoniam ipse nō per ætatem solum, sed per regni leges, quo tempore filius gubernabat, intra ipsius palatij fines claudebatur, de quo, memoriam appello eorum, quæ primo libro leguntur.

P. Matthæus
Ricius senem
quendam virū
primarium in
Christiana fide
instruit.

Hic P. Matthæus nihil ultra resistendum ratus, in Domino exultauit, oblatam sibi occasionem senem illum fortasse ad Christum aggregandi. Cum igitur annuisset, præire voluit interim Gubernator, ne diutius cupidum parentem expectatione suspenderet. inde ornatissimū nauigium expedit, quali Magistratus vehi solent, ad Patrem nostrum excipiendum, vna cum necessarijs ad iter sumptibus. adiunxit è nostris sibi vnum, & ipse quoq; Chiutaiso est comitatus, ne incepta cum Magistro studia intermitteret: excepti sunt in idolorum fanō in cellulis, in eum finem preparatis, concurrente ad spectaculum ciuitate prope vniuersa. Ibidem maiore apparatu quam Xaucei, non hæcerat propriæ ditionis sedes, nostri ab eo visitati, ac epulo solemniter excepti, postridie visitationis officium P. Matthæus rependit in vrbanī Gubernatoris Palatio. ibi in Senem incidit venerabilem illum atque perhumanum, à quo noster exceptus est ut è cælo ad felicitatem suam lapsus, neque palatio intra triduum egredi permisit, quo tempore, cum ad rem ventum esset, vaticinium videlicet coniectatoris, ita respondit noster: si quidem ille quicquam auguratus esset, id Deo scilicet inspirante de sanctissima lege nostra dictum videri, quam ut euulgaret ipse ex alio terrarum orbe nauigarat. quamobrem eam, si vellet amplecti, nullam aliam felicitatem huic esse parem, & quoniam senex cupidum se illius audiendæ prætulit, exponere capit Christianæ legis arcana, quare ita captus est, ut salutaribus aquis elui ex templo

plō potuisset, si eius voluntati obsecundare licite nostri potuissent. Verum quod ille senex tunc omisit, alias nunquam recuperauit, nam annos deinde natus octoginta in Nanhien-
si Prouincia apud suos extremum sine baptismo diem clausit. Quanquā narratur eo tempore Deum inuocasse, & æream incunculam Christi Seruatoris, quam à Patre acceperat, cordi admouisse. faxit Deus, uti quæ audiuerat in his angustiis, gratia eius adiuuante prodesse potuerint.

Iam dies aliquot in vrbe substiterat, cum eum Gubernator animi causa ad cauernam amænissimam spectandam deducere voluit. ea intra vrbis fines sita est, & Pelotum vocatur, quam fama celebrat, nec immerito. res est nata, non facta, medio in monte aqua plena, quæ ibi scaturit, abest enim à flumine leucam vnam, & pisce abundat: in eum locum ubi peruenissent, deuenit quoque secundus vrbis Nanhienæ assessor, sed noua dignitate auctus. nam Prouincialis Visitatoris nomine de vniuersa regione illa inquirebat; quare Gubernator eum solemniter excepit. epulo, quod in auroram vsque protractum est, non sine cantu, & choreis, imo & comædia, quæ cum ipso conuiuio finem accepit. Die porro insequenti, cum eo ipso Prouisitatore Xauceum repetijt, nauigio illius exceptus.

His maximè Magistratuum fauoribus res nostræ crescebant, nec ullus è Sciauchinis Magistratibus huc adueniebat, qui non Patres putaret sibi visitandos, quos inter maximè mouit admirationem quintus Proregis filius, & eiusdem nepos, qui illac transire cum numeroso militum comitatu. ij ab urbanis Magistratibus officiose salutati, exscendere ad urbanitatem referendam neglexerunt, & tamen cum vniuerso suo apparatu, magnisq; munerib⁹ ad visendos nostros exscenderunt. Quo maximè factum est, ut Xauceani ciues intelligerent, nostros inde dimissos non pulsos, quos viderent ab

. Kk 2

ipsis

ipsis Magistratibus & Proregia familia tanta ambitione coli,
& humanitate visitari.

*Primus in Xauceana Sede labor, & P. Eduardi
Rectoris in eam aduentus.*

CAPVT QVARTVM.

P. Almeida in
morbum inci-
dit grauem.

PER eos dies quietæ res nostræ hætenus fuerant, beneuolē-
tia potissimū Gubernatoris noui, qui adnitente familiari
nostro Chiutaiso edictum scripserat sanè graue, quo se nostro-
rum Patronum ac defensorem euulgabat, hoc edictum supra
limen voluit legendum exponi. Verum eam quietem noluit
Deus esse diurnam, ut hæc nascens Ecclesia laboribus fati-
gata radices ageret altiores. accidit enim per eos dies P. Al-
meidam Socium grauitè ac periculose cum ægritudine con-
flictari, adeò ut P. Matthæo visum fuerit eum Amacau, alteri
è fratribus nostris commendatum remittere, atque tentare,
ecquod in medicis pharmacis ac cibis nostratibus, quorum
præsidio carebat, remedium inueniret, quo dimisso etiam
tentare voluit, an consentiente Gubernatore posset solitudi-
ni suæ subuenire, alio socio euocato, tum uti per otium liceret
ægro valetudinem, viresq; colligere, tum & maxime, ut ter-
tium in regnum immitteret. designabat enim iam alteram a-
libi sedem, vt securiorem nostrorum redderet stationē, dum
in vnius domicilij fortuna, non tota hæc expeditio consiste-
ret; eam ad rem amicum discipulum adhibuit, vt si quando
commodam cum eo loquendi occasionem fuisset nactus, id à
Gubernatore impetraret.

Vix dum abierat æger Socius, cū ecce tibi procella, è Xau-
ceanis prima defæuijt. nam cum P. Matthæus ciuium animos
eo igne, quem Christus misit in terris, veller accendere, sta-
tuit sub anni redeuntis initium è Sinensium fastorum ratio-
ne, aliquid noui per festos populo dies proponere. Iconem
habebat

habebat eximiam ex Hispania noua dono missam, de qua supra, ea domestici sacelli angustijs haecenus clausa, nondum populo patuerat vniuerso. ergo in ade sacra super aram imaginibus, lucernis, ac cereis exornatam exposuit, quæ res vel pie admodum, vel cum voluptate visebatur, quod vbi in vulgus euulgatum est, concursus undiq; fieri cæpri spectatoribus simul & admiratoribus. verum hanc festiuam ingrata vicinia alacritatem male remunerata est. nam nocturnis horis frequenti lapidatione tectum omne confregerunt: inde sese in vicum abdente, stenebris tecti tamdiu latebant, donec egressi ad impediendam iniuriam nostri, nemine comparente, sese recepissent, tum enim intermissam lapidationem acius repetebant. vnde famuli domestici, exploratis iam latebris ad eos fugandos irruerunt, sed multitudine obruti eos in medium insilientium globum compingentes male mulctarunt vestes etiam nonnullis eripuerunt, nostri porro clamoribus exciti auxiliares aduenerant, sed fuga matura vix à se iniuriam propulsarunt.

Noua lapidū
procella, in pa-
trum domo
defixi.

Id cum familiaris noster Chiutaisō didicisset, omnino iudicauit Gubernatorem admonendum: verum quoniam Patri in votis erat socium euocare, noluit simul duabus postulationibus Gubernatorem fatigari, ne alteram altera impediret. euicit tamen amici sententia, cui necessarium omnino videbatur, in hac insolentia futurarum exempla præfocare: quotidianam alioqui fore iniuriam, & ferè grauiorem.

Die igitur insequenti Gubernatorem conuenit, eiq; narravit, se per eos dies apud nostros commorari, quod ideo dicebat, vt ad se visitandum Gubernatorem domum nostram euocaret, vbi commodior esset de utroque negotio tractandi locus, nec spe sua Iusus est. nam breui ad nos venit familiarum nostrum inuisurus, sciscitanti porro Gubernatori ex nostris, quæ res suæ se haberent, amicus noster iniuriam superio-

Gubernatori
iniuriam Se-
ciorum explo-
rat.

rem exaggerans, retulit, addiditq; P. Matthæum hac iniuria sollicitatum, noluisse tamen consciū fieri Gubernatorem, sed in animo fuisse eam rem tacito silentio concoquere; adhæc Gubernator tantisper obmutuit. Excanduerat enim in iniuriæ auctores acrius, quam credi possit: Vbi vero accersitos famulos saucios omnes conspexit, furorem etiam duplicauit. Ergo edicto proposito vicorum Præfectos sibi sisti iussit, ex ijs quærit, ecquis adeo contumeliosus in aduenas fuerit, quos sub patrocinio suo esse non nescirent; cum negarent id sibi constare, parum abfuit, quin eo ipso in loco vapularent. Verum contumeliosis verbis exceptos, & catenis ferreis in collum ex more iniectis, misit ad eos querendos, qui eam iniuriā intulissent, quos in suum Tribunal nulla interposita mora sibi sisterent puniendos.

His ita compositis quæsiit, alter Socius ex ægritudine vires collegisset, nec ne: hic quoque P. Matthæi discipulus de Socio euocando occasionem arripuit; respondit igitur eum aliò ad meliores medicos & pharmaca confugisse: Patrem vero Matthæum esse solitudine sua solito tristiores, optasse quidem in eius locum aliū comitem euocare, sed pro sua in eum obseruantia iniussu eius id facere refugisse, cui postulatio- ni Gubernator non modo non repugnauit, sed ostendit etiam gratum sibi fore, si alium euocaret.

Duo adolesce-
tes è lapidato-
ribus capiun-
tur.

Sed ad Vicorum ex cubitores redeamus, quos Gubernatoris mandatum mire anxios habebat, non ignorabant enim importunos illos lapidatores primorum eius regionis trans flumen esse filios, à quibus minæ iam exierant, si filios proderent, fore ut aliàs iniuriā vindicarent. vrgebat alia ex parte Gubernatoris metus: certum enim erat, se facti pœnam, nisi veros auctores adducerent, subituros. Interim è domesticis famulis duo incio Patre nostro domo egressi, in fluminis ripa ad pontem nescio quorsum præstolabantur, cū ecce tibi duo

ex

ex nocturnis lapidatoribus adolescentes in eorum manus inciderunt, quos probe agnitos iniecta manu ad excubitores anxios adduxerunt, Gubernatori sistendos. quare ipsi lætiores, (nam invidiam facti minimè sustinebant,) quam adolescentum parentes, à quibus nihil dubium erat, ferenda esse supplicia, & reliquos tormentorum acerbitate prodendos. ergo cum aliud nullum præsidium præsentius occurreret, ad P. Matthæum nocturnis horis magna animi demissione sese contulerunt, adolescentiam causati, filijs suis veniam precabantur, & ne ultra pergeret instabant. P. Matthæus postquā de iniuria modestè questus esset, addidit omnino sibi in animo non fuisse quemquam prodere, vel pœnam exigere; sed alia via id ad Gubernatorem peruenisse, neq; se conscio famulos domo egressos, vel auctore adolescentes ad pontem captos, & inquirentibus traditos, procurarent uti tota res sopiretur, se quoque non actorem, sed si opus esset intercessorem fore: gratijs officiose redditis effecerunt, uti excubitores in Tribunal redirent dicturi, auctores facti nocturnis tenebris ita iniuriam texisse, uti à nemine fuerit depræhensa. Ad hæc ira incensus Gubernator, ex ijs alterum atrociter iussit verberari, alterum in carcerem retrudi, è quo egredi nulla spes esset, nisi proditis auctoribus, quod urgente malo tandem præstiterunt, duobus quos auctores fuisse constabat, ex templo non minatis. quare obstupuerunt omnes, & in fuga salutem quæsierunt hinc inde dilapsi. interim eorum parentes domum nostram frequentes ventitabant, Patrem Matthæum urgentes, uti opem rebus iam desperatis afferret, quod libens præstitit, vel religiosa professione inductus, vel uti in animum inducerent Ethnicæ, ad quos ea res perueniret, legem Christianam non iniuriam rependere, sed etiam ijs, à quibus acceperunt, si opus fuerit, solere prodesse. Effecit igitur apud familiarem discipulum suum, uti suo nomine scripta schedula Gubernatorem

Parentes pro
filijs deprecantur.

P. Matthæi clementia in con-
donanda iniuria.

torem ad clementiam inclinaret; ipse vero secundo ac tertio in Tribunal abiit pœnam deprecaturus, quod denique licet ægrè, impetrauit, sed edictum priore grauius proposuit, quo edicto post rem enarratam uti contigerat, seuerè interdixit, ne ea res à quoquam in exemplū traheretur, fore quippe, si quid alius eiusmodi auderet, vt in nullius intercessione præsidium reperiret.

Porro audito Amacai, facultatem nouo comiti datam, ea Collegij Rector pro se vti voluit, nō ut perpetuus esset P. Matthæi comes, sed huius expeditionis hac occasione Visitator, quod præstitit nullo prohibente, magno utrimq; solatio, nec inferiore rei Christianæ bono. Eo reuerso, tametsi P. Almeida iam à febre liber nondum tuto conualuisset, tamen tantus erat eius ardor ac desiderium intermissam stationem repetendi, ut importune reditum euicerit, ea spe quod videri posset compos factus ex gaudio, valetudinem, ac vires breuius collecturus.

Rector Collegij Amacaensis in itinere comprehenditur.

Verum omitti non debet quid Amacaensis Collegij Rectori in reditu acciderit. nam cum Ansanum peruenisset, ea vrbs diei vnus itinere abest Amacao, delatus est ad Gubernatorem, quod vir externus nulla Magistratum facultate, in Sinenſe regnum introisset. ergo comprehenditur ac dies aliquot retinetur, donec Amacaenses & Xauceani moniti vtrique succurrerunt; nam P. Matthæus ab vrbaniſ Magiſtratibus impetrauit publicum testimonium, quo constabat eum conscijs Magiſtratibus Xauceū venisse, & innocuum esse, nec obstare quicquam quin ad suos Amacai reuerteretur. Verum prius hoc scriptum quam peruenisset, Amacaenses Magiſtratus, qui Sinas Lusitanis permixtos regunt idem testati effecerant, uti Gubernator Patrem dimitteret; sed ut erat natura ferox, & Europæis infensus, famulum vnum Patri comitem dedit, alios duos pro tribunali grauiter casos cum Satellite

lite Xauceum remisit, nec adduci potuit, ut Amacaum ire sinerentur.

*P. Antonius Almeida moritur, P. Franciscus
de Petris ei sufficitur.*

CAPVT QVINTVM.

P ANTONIO ALMEIDÆ supra infirmam corporis constitutionem, vires è priore morbo nondum erant integrum restitutæ. ergo mense Octobri in agritudinem recidit ita subitam & grauem, ut eius in Collegium Amacaense remittendi eripuerit facultatem. Itaq; intra octiduum decimo sexto Kalendas Nouembris diem clausit extremum, in cuius operarij luctu me ipsum, cōmemorata breuiter Viri sanctitate, solabor. Is erat Lusitanus è villa, cui Franchoso nomen est, & ad ætatis annum fere quintum peruenit supra trigessimum, quorum annorum maximam partem in ordine nostro collocarat; & quidem ab ipso Tyrocinio magnum virtutis ardorem & exemplum prætulit. quo factum est, ut magna esset vulgo apud omnes sanctimonix opinione, & valeret gratia quocumq; cum superiores amandarent. E Lusitania magna ambitione missionem Indicam impetrauit eo fine, ut vota sua vel agendi vel patiendi, quibus ardebat, expleret. Porro cum Goam peruenisset, superioribus aperuit, quanto desiderio rei Christianæ in ardua aliqua expeditione procurandæ teneretur: arbitrabatur enim se lautius in Collegijs haberi, & Religiosam frugalitatem delicias appellabat, nec eum sua spes fefellit. cum enim ad hos ignes pares quoque animi dotes ij à quibus regebatur aduertissent, Visitator noster eum in spes magnas (ita Sinensem expeditionem iure appello) euocauit: comitemq; addidit P. Eduardo, qui hoc ipso tempore Collegium Amacaense moderabatur. Hac electione supra spem ita

Pater Almeida
moritur.

Ll

recrea-

recreatus est, ut verbis ab alio nullo quam ab ipso met, qui ea de re nobilem ad Socios scripsit Epistolam, exprimi apte posse videatur. Sileri tamen non debet eius hac de re celebre dictum. cum enim in Amacaensi Collegio inter Socios ageretur, qua ratione in Sinensem expeditionem immittendus esset: (nam ijs temporibus angustior erat rebus adhuc ignaris introitus) ipse modum suggessit, quem ardor ipsi, ne parergus videretur, effecerat. postulabat enim uti se Magistratui cuiuspiam in seruum darent, quod sane fecisset, si per Superiores id ei licuisset. In excursionem vero, quam una cum P. Ruggerio in Cechianam Prouinciam fecit, cum ea optatum finem non esset consecuta, vix adduci poterat, ut sibi redeundū esse persuaderet: Itaque obnixè petijt, uti solus in ea Prouincia remanere sineretur, se rationem inuenturum, qua securus ibi latitaret, nec omnino egredi voluit, nisi expresse vrgentis obediētiæ auctoritate permotus.

P. Almeidae studium orandi.

Orationem & in castigando corpusculo asperitatem ita festabatur, ut Superiori semper inuigilandum esset, ne prudentiæ limites egrederetur. Quævisit ex eo Superior die quadam, ecquas preces voce recitaret, ac reperit eū supra sacerdotale pensum ea precum officia erogare prope omnia, quæ in breuiario precum libello reperiuntur, præter alia multa quotidiana pietatis argumenta: vnde mirum est, quid ei temporis ad studia superesset. indictum igitur uti Sacerdotali penso contentus, studijs reliquum tempus daret, verum sancta pertinacia euicit, uti saltem quotidianum Deiparæ pensum, quod ab infantia fecerat, ad Ecclesiasticam precum formam pendere ne prohiberetur.

Eius omnia colloquia de Deo, deq; rebus pijs erant. qua in re ita erat efficax, ut non ipse minus, quam cæteri eo audito commouerentur. Augustissimi Sacramenti maximus semper fuit cultor, & priusquam sacris initiaretur, habita facultate quoties

quoties poterat diuino illo pane vesceretur, non contentus eo, quod ab vnoquoq; Societatis regulæ exigunt. in Collegijs ab ara, in qua sacrum illud animorum ferculum asseruatur, auelli non poterat, celebranti ministrare, erat illi in delicijs, & reliquas quotquot poterat missas audiebat, etiam cum in hoc regno commoraretur, id maximè in hac ægritudine demonstrauit, habebat enim pro more, quoties non nihil præter ordinem corpusculo grauius afficeretur, sub ipsa missa sacra, Domino suo tenerrimum vale dicere, ac si alias nunquam esset sacrificaturus. In hac sua ægritudine repentina id facere non licuerat, quare satis angebatur, sollicitus igitur de itineris tanti viatico, id ea nocte qua extinctus est ardentissime desiderauit, sed nostris in ædibus nondum id temporis sacrum pignus asseruabatur. Opus igitur erat horas matutinas ad Socij sacrificium expectare, atque ita eo omnes ægri cogitationes ferebantur; nunc Socium monebat, uti viaticum sibi daret, tamen etsi fortasse loquendi facultate destitueretur, quod integris illud sensibus postulasset, nunc in memoriam redigebat, licere per Doctores aurora tempus ita præuenire, ut missa sub eius principium finiretur. Verum enim vero maluit se illi Dominus visendum præbere sicuti est, quam in speculo & ænigmate, ut ita dicā, sub exigui panis inuolucro. prius enim confectus est, quam refici per nocturnas horas potuerit: quod cum ipse aduerteret, omnino voluit in solo collocari, vbi suauissimè cum IESU crucifixo colloquens excessit è vita.

Post sanctissimum illius exitum, in eius scriniolo aliquot commentarioli reperti sunt propria manu scripti, in quos referebat, quidquid per totum diem boni ac mali in animo suo transactum reperisset, ibi prauæ dæmonum suggestiones: ibi spirituales conceptus legebantur, ut omnia vel superiori, vel ei quem à Confessionibus habebat, cum fide renuntiaret. & sanè digna res esset ex his libellis multa vitæ Religiosæ præce-

Studium perfectionis in P. Almeida.

L. 2. pra

Luctus amico-
rum.

pta ad aliorum bonum feligere. Hinc quoque constat, quam infatigabili studio hic Dei seruus ad vitæ perfectioris apicem aspiraret. Eius absentiam nostri omnes talis Socij & operarij desiderio diu deplorarunt, sed certa spe seipsos solati, eum ad huius expeditionis Christianæ bonum in cælo Sinensia negotia tractare, dolorem mitigarunt. Ad eum ex more deplorandum, amici amicè sanè concurrere, sed iidem minime probabant, funebri veste nostros mærorem nullo tempore testari. Verum vbi audierunt, Religiosos nostrates, atque simul sese diuinis obsequijs mancipant, pro mortuis haberi, & hanc mortem, quæ vitæ melioris est ianua, negligere, tum demum Sinensis ingenij facilitate acquieuerunt. Effectum ramen. uti famuli domestici in funebri veste candidati, ut solent, interim incederent, donec illi amicorum concursus conquieuisent. Porro quia Sinis solemne est, arca pretiosa functos honorare, factum est, ut neque offenderet vilitas, neque religiosa parsimonia offenderetur.

P. Franciscus
de Petris P. Al-
meida substituitur.

Ex eo vero, quod sacris in ædibus cadauera humari non solent, ideo quod ab earum deinde ingressu omnes abstinerent, neque Sinensi ex more placeret in vicino aliquo monte nostris deligere sepulturam, feretrum vna cum cadauere Sinico bitumine domi eo vsque asseruatum, donec statueretur quid in ea re Rector Amacaensis fieri vellet. Qui vbi audiuit felicem Socij transitum, extemplo P. Franciscum de Petris priori fere per omnia simillimum, nisi quod viribus superaret, demortuo substituit. Nec facultas ad eum immittendum, vel expectata vel petita. Nam in id tempus incidit, in quo animis occupatis, nemo repugnauit. Prorex enim ille nostrorū expulsor, per eos dies Xauceo transibat, in aulam ad maiorem dignitatem euocatus. Eum P. Matthæus inuisens Socium adhibuit qui recens venerat, & in conspectu ciuitatis vniuersæ. cum hæc fierent, vulgo creditum est, Socium quoq; Proregi notum, quod eum vna visiteret.

Prorex

Prorex P. Matthæum excepit perhumanè, & amicè quæ-
sijt, vti se Xaucei haberet, & quid esset causæ, cur in celebri-
fano Nanhoa commorari minime arisisset. deditis quoque ab
se voluminibus cum donauit in oculis ciuitatis vniuersæ: quæ
omnia ad rem Christianam promouendam non parum value-
runt. eò enim Magistratum amicitia à nobis vbiq; refertur.
Hunc Proregem amici largitionibus cæterisq; malis artibus
altius euexerant: verum proditæ tandem à Prouinciali Visi-
tatore illius multiplices iniuriæ, medio in itinere monitus est,
se se omni officio exturbatum, & quadraginta millibus aureo-
rum persoluendis arario Regio mulctatum, quibus publica
latrocinia compensaret, atque ita in fiscum omnia, quæ secum
deferbat redegerunt, ac ipse eiusq; filij ad extremam inopi-
am deuenerunt, sed neque hic stetit vltix Dei manus. nam
hoc ipso tempore scædum illi vlcus erupit, cui ætas iam in ex-
tremam senectutem inclinata succubuit, & in extremo agone
cum morte conflictans, aquæ scyphum petijt, nec à filiis aut
seruis in diripienda domestica supellectili occupatis, impetra-
uit. atque ita his verbis eiulans, labores, labores, expirauit.
qua morte Deus etiam in hac vita tum cæteras iniurias tum
seruorum suorum videtur vindicasse, in quorum ædibus mul-
ta dæmonum simulachra collocauit, & inscriptionem in sa-
xo incidit, qua constat huius ædis origo, & quid ipse de ea sta-
tuisset: nec procul ab ea ipse sibi fanum extrui fecit, in quo ex
more statuam collocaret.

Prorex Scia-
quinenfis offi-
cio deturba-
tur.

Proregis exitus
vitæ terribilis.

Et quoniam iterum Sciauchini facta est mentio, dicam
quam fama causam expulsionis euulgarit, eam enim vix for-
tasse ventura sæcula extinguent. narrabatur enim insignis fa-
bula, & pro ipsa veritate circumfertur; aiunt enim nostros à
Prorege euocatos, Alchimisticas regulas sibi non esse passos
extorqueri, asserentes, rem tantam minimè per vim edoceri:
qua re Proregem indignatum suis, eos ædibus expulisse, quod

Fama mentiēs
de nostrorum
expulsione.

Ll 3

ipsi

ipsi iniuriam in Prorege vocant, nostros à culpa liberantes. Hæc & similia commenta plura, de Sacerdotibus Europæis, non incertis tantum rumoribus toto regno vagantur, sed etiã scriptis libris omni sæculorum memoriæ commendantur, & vulgo tanta veritatis auctoritate, uti pro mendacijs haberi posse vix in posterum videantur, quæ omnia tamen sunt à professione nostra, quam maximè aliena, non ideo tamen scribuntur à Sinenfibus, vt nobis detrahant, sed ea in re potius nostros suis maioribus, quos in Diuorum numerum retulerunt, æquales profitentur.

*In Urbem Nanhivnam excurrit P. Matthæus
& aliquot ibi Christo aggregat.*

CAPVT SEXTVM.

Negotiator eo
profus fidem
Christianam
fulcipit.

IN NANHIVNA vrbe negotiator quidam è Chiansinensi Prouincia vrbe Taicho commorabatur, Is Cosunhoa vocabatur, & familiam copiosam ad suas negotiationes capitum fere quadraginta sustinebat: erat autem inanum Deorum simulacris addictissimus, in quorum cultum vitam vniuersam abstinentia Sinenfium macerabat, id est, à carne, pisce, ouis, lacte, abstinebat, & solum oleribus, leguminibus, oriza, vel è farina libis quibusdam vescabatur. ad hanc ieiuniorum asperitatem addiderat insignem in procuranda salute, quam in alia vita sperabat, diligentiam. nec in Sinenfium sectarum multitudine repererat vllam, quæ sibi vera videretur. Is ergo nescio, cuius negotij causa Nanhivni in familiarem nostrum Chiu-taïso inciderat, qui his fere annis, eo in oppido frequentius commorabatur, & ibi pellicem suam collocarat. cum igitur die quadam in sermonem de religione incidissent, ex eo didicit Xaucci degere Sacerdotes aduenas è magno Occidente, (sic enim hodie Sinæ Europam appellant) ab ijs verum iter ad con-
confe-

consequendam in cælis æternam felicitatem ostendi, simul monebat, uti eo se conferret, iam ætatem annorum fere sexaginta postulare, uti de altera vita cogitaret. Ergo de rebus nostris sigillatim edoctus, Xauceum venit, & à nostris domi suæ magna beneuolentia exceptus est, vel sua, vel amici, à quo mittebatur causa. Cum igitur quorsum venisset P. Matthæo exposuisset, inuenit plus etiam quam speraret. nam diuina luce perfusus, miro pietatis sensu, altius in animum omnia quam in aures admittebat, & quoties ex Patre audiebat aliquid, quod sibi magis arrideret, assurgebat & genibus flexis frontem solo gratias agens admovebat: et quoniam facilis erat naturæ & mirè affabilis, domesticos omnes arctè sibi deuinxerat. imbutus igitur iam satis legis nostræ mysterijs, sacro fonte præteritæ vitæ maculas expiauit, & Iosephus est appellatus. & quoniam in idolorum secta profanas commentationes quibus utitur decurrerat, sciscitatus est, ecquem haberet fides nostra commentandi modum. quapropter eum P. Matthæus hebdomadis primæ meditationibus è libello B. P. Ignatij exercuit ita feliciter, ut non tyro, sed veteranus videretur. Mensem unum apud nos hæsit, & hæreere volebat, nisi domū. necessarijs negotijs impeditus reuocaretur, abiit tandem, sed bene instructus, & subinde Xauceum repetens, eorum, quæ audierat memoriam confirmabat, & nouis se institutionibus reformabat,

Anno Salutis supra millesimum quingentesimū nonagesimo secundo, per solemnes ieiunij dies, in quos anni Sinensis initium inciderat, Socij munus ad amicum Chiutaiso de more miserunt, quō ille ita affectus fuit, ut ipsemet Xauceum cum alio munere venire minimè dubitarit: Hac occasione usus est P. Matthæus, ut eò quod iam diu ex animo cupierat, excursionem faceret, nam in vrbe hac è Cantonienſi Prouincia in Chiamſinenſem prouinciam discrimen est ac telonium
& fa-

P. Matthæus
Nanhiuni hu-
maniter exci-
pitur.

& fauebat excursioni, vrbi præesse Progubernatorem cum, à quo Xaucei aliquādo fuerat adiutus, simul etiā Iosephi familiam Christo cupiebat aggregare. voluit præire Chiutaiso, uti Progubernatorem moneret, & alijs plerisq; nostros videre cupientibus aduentum significaret. ergo subsequenter deinde Iosephus, & alij exitinere obuium exceperunt, cum adhuc ab vrbe procul abesset. Is domi suæ iam Patri domicilium præpararat, sed euicit Chiutaiso ideo maximè, quod in eius ædes Magistratus Litteratiq; libentius, quam ad Negotiatorem diuerterent. In Urbem deniq; peruentum, & P. Matthæus ad Progubernatorem pergit, à quo excipitur perhumane, & intimo palatio exceptus, longa cum eo colloquia de varijs rebus miscuit. Eo ipso die à Magistratu repentum Patri visitationis officium, eo apparatu acritu, quo Magistratus in suis ditionibus solent visere litteratos. ad eum excipiendum Chiutaiso solemne conuiuium instruxerat. Progubernatoris exemplum secuta est vniuersæ ciuitatis maiestas, vix ut è primarijs quisquam defuisse credatur, cum singulis officium P. Matthæus de more rependeret, non familia solum vniuersa, sed ad spectaculum vicinia tota concurrebat, & excreuit adeo concurrentium multitudo, ut eum sella gestatoria tectum, per vicos gestari oportuerit, quamdiu ea est in vrbe commoratus. neque enim alioqui transeunti patebat locus: sed neq; hoc satis fuit. nam aliqui lecticæ cortinam leuiter aperiebant, alij sequebantur, vti sella egredientem spectarent.

P. Matthæi Ri-
cij zelus anima-
rum in domo
cuiusdam Ne-
gotiatoris.

Dies aliquot Patrem inuitum officiosi ritus & amicorum conuiuia tenuerant, sed sedato iam tantisper nouitatis tumultu, ex ædibus Chiutaiso in Iosephi domicilium commigravit, ubi libentius & fructuosius est commoratus. his in ædibus tamen concursus fuit idem, licet inferior dignitate, superior tamen erat salutis suæ desiderio, & res diuinas audiendi cupiditate. nam solidos dies in ea re P. Matthæus impendebat, vix

vt

vt ei ad necessariam refectionem diuinumq; officium tempus superesset. sed neque nocturnis horis in altam noctē deerant auditores, quos oportebat ipsis in ædibus Iosephi pernoctare. In ea domicilij parte, quæ nostrum exceperat, præter cubicula erat aula quædam, & in ea extructa ara, in qua sub auroram sacrificabatur, & ibidem deinde colloquia de rebus diuinis instituebantur, exhibitis prius ijs Patri ritibus, quos Sinensis urbanitas summos appellauit. & iam quidem Iosephus è Neophyto diuini verbi præco effectus, varia sparserat in fidei nostræ commendationem. ex tota audientium multitudine selecti omnino sex, qui Christo nomen darent, abunde fidei nostræ misterijs instituti, cæteri qui voluerunt, in Catechumenos recensiti, in aliud tempus Christianæ Religionis ingressum distulerunt. His accesserunt filij Iosephi quatuor. maiorem messem hoc nouale promittebat, si domo diutius P. Matthæo abesse licuisset, hoc tamē opportune deinde ad multa cecidit. nam cum deinde nostri in regni viscera penetrarent, semper in his Neophytis ad transmittendum montem illum inter duo flumina medium, subsidia repererunt. Sed ad res Xauceanas intermissa excursionē redeamus.

Xauceanus ager etiam nonnullam frugem dedit. Neophyti enim aliquot per eos dies è tyrannide inanium Deorum ad Christi castra confugerunt, & in eius obsequijs magnū ardorem prætulerunt, ij potissimum, quibus apud nos licuit commorari. certè constat ex ijs vnum verberibus à Parente male mulctatum, adduci tamen minime potuisse, ut prodigiosis dæmonum simulacris, quod ante faciebat honorem exhiberet: alij in fana ingressi clam pedibus manibusque idola truncabant. eam rem vbi resciauit, P. Matthæus seuerè inhibuit, ne quid turbatum ciceret, si cuius inditio proderetur. Sed neque hoc ad eos plane continendos satis fuit: puerulus enim

Feror Neo-
phytorum Xau-
cei.

è domesticis famulis nuper sacro fonte renatus, idolum è fa-

Puerulus Neo-
phytus idolum
clam combu-
rit.

M m

no

no furto subripuit, ac domum detulit, inscijs planè omnibus, sed ex eo quod plagas inferri sibi metueret, præcepti nuper facti violator. cum reliqui dormitum concessissent, in culinæ fornacem clam coniecit: verum quod ex odorifero ligno cōstaret, odore prodebat. ergo è fratribus nostris vnus qui rem domesticam curabat, & ijs horis domum lustrabat, odorem secutus misellum Deum mitioribus in terra flammis ardere comperit, quam quibus apud inferos concrematur. Ea res ad Patrem delecta est, furunculus proditus, sed impunè eius enim vel ætati, vel ardori indulgens pater conuiebat, seque rescisse dissimulabat. alius è domesticis quoque famulis nondum quidem Neophytus, sed Catechumenus tamen, cum deambulatum in vicinum montem cum alijs concessisset, in deserto loco fanum inuenerunt, è Christianis vnus idolum arripiciens fano extulit, & ad Catechumenum conuersus, age ait & Deum hunc tuum venerare, is pudore suffusus, pro veneratione fossam effodit, & ibi mutum numen vermibus absumendum sepelivit. alia huiusmodi multa, sed quod eiusdem fere sint argumenti, omittuntur. Hæc sufficiant ad Neophytorum ardorem, & quos nuper venerabantur Deorum odium declarandum.

Alius idolum
vermibus ab-
sumendum in
terram fodit.

*Nocturni latrones domum inuadunt, Socium
vtrumque vulnerant, & à iudicibus damnati, no-
strorum ope liberantur.*

CAPVT SEPTIMVM.

MENSE Iulio, nocte cōnubia, nocturni latrones armis instructi in ædes nostras irrupere, ad tumultū excitati Socij & famuli, arbitrati sunt inermes furunculos in atrium irrepsisse. Itaq; incautè domum interiorem recluserunt, solo nostrorum conspectu fugituros, & ecce nocturnis delusi tenebris

Famuli & Pa-
trēs à latroni-
bus vulneran-
tur.

bris in medios latrones, famulosrati, sese immiserunt, & quoniam multitudine & armis superiores erant, duos tresue seruos grauitersanè sauciarunt, nec eos solum, sed P. quoque Franciscus securi non maxima in capite vulnus accepit. postquam facibus accensis vidit P. Matthæus, armatæ multitudinî à paucis inermibus resisti non posse, in interiorem domum conatus est se suosq; recipere, sed non latuit res illa prædones, in ianuam enim hastilia transuersa, ne occludi posset, iniectere. Domus porro tota sic ab alijs erat imparata, ut ne fustem quidem potuerint in eo tumultu reperire. Pater igitur qua potuit ingressum tuitus, minis potius quam manibus ingressuros arcebat, sed tamen in altera quoque manu vulnus accepit, qua re sese mature quisque in cellam suam receperunt. ergo in interiorem domum immisi in cellulas ipsas imperum conuerterunt, sed ianuis ac seris prohibiti excludebantur.

Interim adolescens quidam, qui domi nostræ studijs incumberebat, in contignationem ascendit, è qua tabulas & ligna in latrones demittebat, P. porro Matthæus è fenestra in hortulum domesticum exiliens, pedem contorsit ita grauiters, ut in vicum egredi & excubitores appellare minime potuerit. ex eo tamen loco vociferari cepit acrius, & vicinæ opem implorare. Verum ipsi quoque vicini rei totius conscij cum latronibus conspirant, & tamen ea res latrones terruit, nec minus lignorum imbres, qui in eorum capita depluebant. atque ita nulla re direpta discesserunt, & sese in cœnobium vicini fani è quo egressos quoque ferebant receperunt.

Non ferenda visa est ea res nostris omnibus. Itaque eum qui tum ciuitatem regebat, quartum Gubernatoris assessorem matutinis horis de illata ui monuerunt. Is grauiters indignatus eo maximè tempore, quo ipse urbem moderabatur, ausos sub vrbis mœnia latrones vim meditari, cogitare cepit, quaratione reos deprehenderet, ex eo vero, quod vicini accur-

Latrones de-
prehenduntur.

M m 2

recre

rere ad tumultum neglexerant, ratiocinatus est non ineptè latrones ipsos è vicinia prodijisse. aliquot igitur ex ijs accersivit, vnum vero qui proximus erat, tormentis subiecit, impunitatem spondens, si rem prodidisset. ille igitur se ac socios omnes nominavit, quos animaduersum est omnes esse aleatores, & nonnullos etiam Superioris anni lapidatores: Hac rei confessione ipsi ac Parentes grandi metu corrupti, ac pudore suffusi sunt. erant enim ex non ignobilibus familijs aliquot nominati.

Progubernator igitur re comperta imperavit, uti Socij reos solemni formula accusarent, quod reluctantes, fecerunt quidem, sed ita leuiter, ut etiam nihil eos furto sustulisse faterentur: Sub finem etiam accusatorij libelli Progubernatorem rogabant, uti vel ignosceret, vel blandè mulctaret. quia in re omninò à Sinensium iudiciorum cōsuetudine discrepabant: neque enim accusatores crimen augere solum, sed etiam in re simili, multa sibi sublata mentiuntur, accusationem in lucro reponentes. eo libello Progubernator magna virtutis approbatione obstupuit, sed nihilo tamen minus amplius fortasse in latrones infensus, non ferebat viros adeo modestos iniurijs infestari. Ergo ad se omnes, in tribunal vinctos adduci iubet. nam in accusationis leuitate sociorumq; promissione quam deprecatoribus parentibus dederant, spem reponentes: sibi à fuga temperarant. Duo tresue questione torti primo tormento omnia excusserunt. Exciderat forte vni è latronibus, cum vim inferrent, pileus, eum nostri prima delatione Progubernatori tradiderunt. Ergo in iudicio reorum capita omnia ad pileum excussa sunt, inuentumq; uni apprime quadrare, Sinenses quippe pilei angustiores capiti per vim inmittuntur, nec facile alieno capiti coaptantur: ex pileo Reus innotescit, atque ita mille indicijs, & propria reorum confessione cuncta constabant. in reos igitur hanc sententiam pronunciauit,

Rei in tribu-
nal adducun-
tur.

Ex pileo reus
innotescit.

nit, eum qui caput & facti dux fuerat capitali sententia dam-
nauit, reliquos in triremes amandari, aut inter mancipia re-
gia censeri imperauit, cuiusq; penam ex culpa metiens.

Latrones con-
demnantur.

Tota eares Socijs molestissima fuit, indigenas enim exte-
rorum causa plecti ciuibus odiosum, parentes inensos sibi fe-
cisse periculosum, incolas trans flumen à ciuibus intra flumen
latrones appellari, ignominiosum videbatur. Sed ad hæc mo-
lestius erat Socijs, vna cum reis per tribunalia cursare. neque
enim ab vno Progubernatore, sed à varijs Magistratibus eam
rem oportebat excuti, & sententiam confirmari. Id erat por-
ro molestius, quod nōdum vulnera coaluissent, hoc solū non
cecidit importunè, quod ea ex causa Patri Sciauchinum fue-
rit nauigandum, ut Xauceana sententia in Protegia vrbe à
summo quodam Magistratu comprobaretur, quod fecit ille
perfacile, ut confessa, probata, & dilucida omnia videren-
tur. non cecidit inquam ea excursio importune, ad Neophy-
tos illos Doctoribus suis orbatos visitandum, nec sine fructu
res fuit, tametsi enim Xauceum venerant multi & Amacaum
etiam ad Socios inuisendos, & seipsos in suscepta fide stabili-
endos, reliqui tamen maximam partem inculti siluescebant,
infantes aliquot Neophytorum proles sacro fonte originis cul-
pam eluerunt, omnes ad fidei constantiam animati, vires no-
uas spiritali solatio admixtas receperunt.

Reorum actio
permolesta pa-
tribus.

Sentētia Sciau-
quinum, com-
probanda de-
fertur à P. Mas-
thæo.

Sciaquini cum esset, Amacao scribitur Visitatorem no-
strum è Iaponia renauigasse. Nam cum, ut supra dixi, sumus
Imperator nostros proscripsisset, visum est rebus à Visitatore
constitutis expedire uti è Iaponia secederet, ne nouas impo-
tenti tyranno furias excitarent, si resciret eo tempore, quo So-
cios proscribebat, illuc nouos nauigare. Ergo communi Pa-
truū consilio cedens Amacaum se recepit. Is Xauceano casu
cognito, P. Matthæo scripsit, cupere se; siquidem id integrum
esset, cum varijs de rebus ad eam expeditionem spectantibus

M m 3

conue-

conuenire. Et simul tentandum iudicabat, vtrum ab Amacaensibus Chirurgis contorto pedi, qui nondum planè sibi restitutus erat, remedium posset adhiberi, ne per vniuersam vitam trucus claudicaret. Ergo Socijs Xauceum remissis Sciaquino breuiore vtpote via Amacuum nauigauit. Multa ergo vtiliter sane discussa. Pedis vero malum placuit minimè irritare, cum incederet non indecorè, ac solum in longis itineribus morbus recrudesceret.

P. Matthæus
Xauceum redit.

Xauceum redijt tandem, vbi reos in vinculis depræhendit, quorum Parentes cum causam agerent, nusquā nisi cum P. Matthæo in tribunalia concedebant, rati nullum se habere efficaciorē aduocatū, quā eum, qui actor esse debuisset. Inter Sinenſes Magistratus vnus est, qui à miseratione pœnarum nomen accepit: is è tribunali iudiciū, quibus plectenda crimina incumbunt, nomine Reginæ, quæ Regis apud Sinas Mater est emittitur, & in singulas prouincias, quibus singuli assignantur distributi. Horum munus in visitandis reorū ergastulis, è quibus aliquos leuiorū criminum reos eximunt, sententiasq; mitigant. Hinc fit, ut eos Magistratus quamdiu sunt in eorum ditione venerentur & colant. In hoc rei, cum Xauceum aduenisset, spem suam reposerant, sed frustra, nihil enim, adnitentibus licet nostris, impetrarunt. Ad extremam huius sententiæ confirmationem, solus Visitatoris Prouincialis, qui causas omnes postremus reuidet, calculus deerat. Is igitur in Xauceanam urbem cum venisset, à reis serio trepidatum. ille quippe septem octoū Magistratuum sententias reuocaturus vix sperabatur. A desperatione igitur consilium vel vindictam potius mutuantes, reorum propinqui fere ad quinquaginta impio sacrificio, quod simul in quodā fano idolis obtulerant, inuicem coniurarunt, procuraturos se vti Xauceo nostri pellerentur: quam ad rem accusationē in hunc modum adornarūt: Ea dicebant nostros Amacao & Sciaquino

crum-

Coniuratio
contra Patres.

erumpentes, continua cum externis regnis cōmercia miscere, quod erat contra Sinarum leges & statuta, fecisse hic arcem verius quam adem; in qua supra quadraginta, Amacō euocatos, velut in p̄sidio habere; causam pr̄bere Magistratib⁹, uti indigenæ innoxij plecterentur; Esse igitur & regno & vrbi perniciosos, seq; cōmunis boni desiderio permotos, cum mouere ac rogare, uti pellerentur. Et ut urbanos Magistratus sibi conciliarent, libellum prius ad eos detulerunt, rogantes uti fauere ne grauarentur; Visitator enim Prouinciæ similium libellorū disquisitionē solet urbanis Magistratibus cōmendare. Verum ex ijs repertus est, nemo qui eam admiserit; cæteri etiam eos ab ea deterrebant, monitos infelicem exitum habituram: secundus autem Gubernatoris Collega libellum admisit, & fauorem promisit, eorum vota comprobans, ut Progubernatori quem sciebat nostrorum esse fautorem, agrè faceret.

Ab eo P. Mattheus de libello rescit, qui unū alterūque acculātorum amicū accersens monuit, viderent etiam atq; etiam quid agerent, nondum reos extra discrimen versari, nihil esse cur intercessores irritarent, ne in Visitatoris tribunali sese repente in actores transformarent, neque enim se facibus incensis inuasum ita cæcutire, ut non agnouerit inuasores. hac legatione territi, ab incepto destiterunt, & adhibitis deprecatoribus demississime veniam reis, & coram Visitatore Patrocinium precabantur. in iudicium ergo à Visitatore accersitus noster, ut de re tota eum redderet certiore, ita fuit, ut etiam deprecatorum vota superarit. p̄tebat enim, vt in dubia causa in clementiæ partem inclinaret. quo audito Visitator & animaduerso causam hāc actoribus carere, à quibus sibi periculum immineret, maluit vr̄bis primores plerosque, qui deprecatores adhibiti à reorum propinquis fuerant, sibi demereri, quam iustitiæ rigore commouere. Pronunciavit

Sententia le-
nior pronun-
ciatur.

ciauit igitur hos aleatores, sed non latrones appellandos, quos in pœnam singulos iussit ictibus viginti vapulare, ac deinde liberos dimitti. qua sententia reorum propinqui exultarunt, rei quoque minus læti, sed læti tamen, quod & pœna mitiore plecterentur, & grauissima latronum infamia liberarentur, quæ infamia æterna illos eorumq; propinquos ignominia erat contaminatura. Sed neque Socijs sententia displicuit, qui id fere spectabant, ut Ethnicis hominibus Christianæ pietatis lenitas constaret, quæ non vindictam solam de hostibus non repetit, sed quâ potest auertit. Verum ingratiissimi mortalium, hanc pietatis Christianæ demonstrationem Ethnica impietate compensarunt.

Noua accusa-
tio.

Die igitur, qui reorum liberationem est consecutus, omni metu liberi, ad intermissam accusationem coniurati redierunt. nam mortales supra ducetos populari tumultu bacchantes, inconditis clamoribus Visitatorem Prouincialem, qui alia fluminis parte discedebat, appellabant, audiri se de cōmuni bono postulantes: cum ijs ibat secundus Gubernatoris affessor, non nostrorum minus quam Progubernatoris inimicus, qui indignè sanè multitudinis incentor & instigator videri volebat.

Prouincialis porro Visitator, siue iam sciret, quid ab ijs peteretur, neque rem indignam ferret, siue reuera id temporis rem seriam tractare nollet, à tumultuante maximè vulgo propositam, ita respondit. De cōmuni bono postulatio non erat in discessum meum differenda, sed aduenienti mox ingerenda. atque ita eos dimisit, nec adduci vnquam potuit, uti saltem libellum acceptaret. Quantum pudoris ex repulsa ingratæ, tantum exultationis domi è victoria nascebatur. hac enim ipso tempore nostri se ac sua Domino commendabant, ab eo solo auxilium expectantes, à quibus in hoc maximè casu animaduersum est nostros, à Deo Maximo & optimo prote-
gi, cum

gi, cum aduersus externos duos Religiosos indigenæ apud suum iudicem nihil potuerint impetrare.

Hoc eodem tempore Xauceum peruenit ex aula Pequiniensi, è secundo Magistratuum ordine (Sinæ Sciam ciu vocant) Præses rituum tribunalis. Is vrgentibus negotijs in Insulam Hainam, ad mare australe in Cantonienſi Prouincia ſi-
Præſes rituum
tribunaliũ no-
ſtros perhuma-
nè inuiſit.
 tam, patriam ſuam impetrata ab Rege miſſione nauigabat. Et magna pompa filios & coniugem reducebat. Is neſcio, quo referente, magna quædam de externis Sacerdotibus audierat, ac licet ad Viſitatores reuiſendos nunquam exſcenderit, voluit tamen ad noſtros diuertere, quod fecit magnis beneuolentiæ ſignis & pretioſis muneribus inſtructus: totum igitur cum noſtris diem in varijs colloctionibus inſumpſit. Sed nihil æquè illi attriſit, ut illati de Matheſi ſermones, de qua iam Pequini fama narrante, multa inaudierat. Spopondit igitur ſe cum in aulam ex patria rediret, P. Marthæum in Regiam abducturum, uti Sinenſium ſactorum errores, quos ipſi nec negant emendaret, qua ex re magnam quoque ſibi pareret exiſtimationem, quod rei tantæ auctor extitiſſet.

Ad repetendum viſitationis officium, cum ſe in eius nauigium, quod erat perelegans & permagnum cõtuliſſet, ab eo exceptus eſt etiam maiori humanitate, & in altam noctem colloquia producta. Narrabat à Progubernatore ſibi narratum, eos à latronibus noctu inuaſos, ſaucioſq; prope omnes à vindicta ſibi temperaſſe, importuniſq; interceſſionibus effeciſſe, uti rei mortis tritremium ac perpetuæ ſeruitutis libera-
 rentur. Qua ex re, ipſe mirum in modum, legis Chriſtianæ abſolutiſſimam numeris omnibus perfectionem ſuſpiciebat atq; commendabat.

*P. Franciſcus de Petris moritur. P. Lazarus
 Catanæus in eius locum ſubrogatur.*

Nn

CAPVT

P. Francisci
mors, & vitæ
antecæ. ra-
tio.

SUPERIOR è latrocinij orta nostris causa. vix in medio cursu erat, cum ecce tibi Nonis Nouembrib⁹ anno salutis humanæ, millesimo quingentesimo nonagesimo quarto, ex hac mortali ad immortalem vitam, ut speramus, P. Franciscus de Petris euocatus, explens in breui tempora multa. nam acuta cum febris intra dies paucos sustulit. Erat is ex agro Romano ex Abatia Farsa, puerulus Romam missus est ad studia, in Romano Collegio nostro peragenda, in quo in Parthenio sodalitia teneram virtutem perpetuo exerceuit. Societatem nostram cum peteret post Philosophiæ curriculum absolutum, & disputationem de eiusdem Philosophiæ partibus cum approbatione habitam & applausu, in Tyrocinium est admissus. eius semper ingenium ac prudentiam domestici iuxta & externi summè admirabantur. ex Italia venit vna cum Iaponensibus (ut dixi) Legatis, & cum ex Iaponia proram in Sinas obuertisset, à Visitatore designatus, nihil territus Sciauquinis tumultibus, aut frugis faciendæ desperatione, vel cæli inclementia, eiusq; cui sufficiebatur interitu, sed potius spreto aut dissimulato constanter metu in stationem sibi designatam instantius aspirauit.

P. Virgo P. Frā
cisco de Petris
apparet.

Animi demissio maximè in eo elucebat. Paucis diebus ante obitum suum, fratrem è nostris adiutoribus ad constantiam in religione retinendam adhortans, aiebat, se vocem Dei matris ad se loquentis audiuisse, cuius hæc erant verba: *Ingrede-
re agedum filij mei Societatem, & in ea vocatione perseuera:* cum-
que vultum obuertisset conspecturus, vnde oraculum, præter
Dei Parentis effigiem aliud se vidisse nihil. Hæc ille. In hac
porro lethali ægritudine hymnum magnæ Matri sacrum ad
alterum lecticæ latus appendi iussit uti frequentius iteraret.

Dubitari quoq; posse non videtur, quin mortem diu ante præiuderit. nam domi nescio quid sacramenti comparatum fuerat,

fuerat, quod cum ille vidisset, etiam nunc sanus clare prædi-
xit, se minus temporis in viuis fore, quam quantum caro illa ^{Mortem sibi prædicit.}
duraret; quæ res ut erat ipse hilari agendi consuetudine à nostris
in iocum reijcitur. porro cum nondum æger esse inciperet,
dixit illi, nescio quis consumpta nunc est caro, & tu etiã nunc
superstes? negavit ille, & locum in quo adhuc frustum esset de-
signauit. interim vero, aduertentibus nostris, nondum salsamen-
tum plane perijsse, in morbum incidit grauem, ac moritur.
Sub ipsum deniq; ægritudinis initium, cum ex valida corporis
constitutione nostri colligerent, vitam nondum in discrimen
adductam, in lectulo sedens, Patri Matthæo de peccatis con-
fessus est, solito quidem accuratius, tum in pedes erectus, So-
cium amplectitur, dubium an fortasse deliraret. cum Pater
residere & bono animo esse iussit, verum ille lachrymis cum
non nihil indulisset, silentium singultibus interruptum abru-
pit in hæc verba: Ego ægritudinem noui, meq; ea moriturum:
institit P. Matthæus. videne id feceris, & mihi laborem du-
plices in efferendo tuo cadauere, & successore euocando. di-
cebat hoc ex eo, quod P. Almeida nondum domo elatum
esset. nostri enim vt in re noua quid consilij caperent, ignora-
bant, & in re non difficili vanos metus metuebant. Huic ita
respondit æger: nullam inquit nec in efferendo cadauere, nec
in euocando comite, me vita functo, molestiam patieris. &
ita planè accidit. vix enim de illius obitu Amacai auditum e-
rat, cum è Metropoli Xauceum scapham è fratribus vnus ad-
uexit, qua utrumq; cadauer elatum ad communem Collegij <sup>Funus utriusq; Patris Amaca-
um vehitur.</sup>
nostri sepulturam. quæ cum in Amacaensem ripam aduenis-
sent, concursus ab vniuersa ciuitate facti, sese nostris adiunxe-
runt, funus ad tumulum vsque comitati. Panegyricam ad
nostros habuit orationem P. Eduardus Rector, qua plerosq;
ad eandem expeditionem admodum incitauit, confirmans ex
hac ipsa morte illius Ecclesiæ colligi posse incrementum, quæ

in caelestem aulam ad expedienda negotia militans triumphanti sorori soror intercessores amandasset.

Vtérque intra biennium extincti, eos iam Sinensis Philosophiæ libris processus fecerunt, prælegente P. Matthæo, uti scriptiōni reliquum tempus darent, quod deuoratis principiorum spinis iam erat procliuius. atq; ita prope maturos cultores huius agri duos amisimus cum prodesse potuissent, id fortasse gentis huius sceleribus prouocatus Deus ita esse permisit.

P. Lazarus Cataneus Sociiis defunctis substituitur.

Sed sepultis nunc Socijs successorem euocemus: is fuit P. Lazarus Cataneus Italus, qui & ipse quoq; inde ab Europa Iapones legatos fuerat comitatus, & in India huc usque substitit, oræ piscariæ nostrorum sedibus cum Rectoris auctoritate Præpositus, & post inopinum P. Francisci casum in Sinas quoq; amandatus. nam tametsi alij erant duo Socij designati, tamen Theologicis studijs adhuc detinebantur. hic ad cæterorum beneuolentiam & humanitatem non parum videri voluit addidisse. itaque nostri iam in sua statione securi degebāt, quanquam non diuturna fuit sine metu quies, & tamen solus metus non malum fuit.

Nouus Gubernator repentina morte exsinguatur.

Gubernator autem, qui recens aduenerat, & à quo P. Franciscus de Petris habitus veluti ab antecessore euocatus, initio iniri Magistratus incidit in annum illum è tribus vnum, quo anno in Regiam ad solemnem Regi clientelam exhibendum ex officio de more pergebat: eius vicem supplere alterū illum assessorem nostris nō mediocriter offensum oportebat, quem constabat nostros vel vexaturum, vel si posset expulsurum. constabat inquam non è superiore tumultu magis, quam è minis, quas elabi sibi non semel senserat. voluit tamen clemens Dominus hoc metu nostros, & periculō admirabiliter sane liberare. nam cum is infra biduum triduūmue dignitatem esset aditurus, egressus matutinis horis in propriū assessoris

ris secundi tribunal' repentina morte prius expirauit, quam in ædes referri potuerit, cuius morte dignitas ad quartum assessorum nostris. beneuolum, aut potius protectorem deueniebat. ergo creptus hic metus, & Socios & alios plures docuit Euangelij sui præcones in numinis umbra & protectione latitare, & labores ab eo vel auerti, vel semper in meliora commutari.

*In Regiam Nanchinensem P. Matthæus
pergit.*

CAPVT. NONVM.

EX Visitatoris è Iaponia reditu, occasionem sumpsit Pater Matthæus huius expeditionis ita statuendæ, uti & securior, & ad Euangelij Maiestatem amplior redderetur. Nam tametsi iam vile profanorum Ministellorum nomen, quo nostri appellabanur, domo proscripserat, ex eo tamen quod & nostri barbam raderent Lusitanorum Sacerdotum more, & comam tonderent, & cælibes essent, Templum haberent, statas preces recitarent, infami se nomine, & ad res magnas præstandas inepto, sese non poterant liberare. Functionum quippe similitudo, res alioqui diuersissimas, eodem nomine concludebat. Itaque Visitatorem admonuit, omnino sibi è re Christiana videri, si barbam capillitiumq; alerent, ne pro idolorum cultoribus, & quod amplius est, eorundem sacrificulis, quorum hoc est signum ex peculiari eorum instituto, haberentur: Monuit etiam non minus necesse, vlu depræhensum, uti nostri cultu habituq; Litteratos imitarentur, & è bysso vestem haberent vnâ singuli, quam vestem ad visitandos Magistratus adhiberent, sine qua cum litteratis aut magistratibus ex æquo congregari apud Sinas inusitatum. Admonuit deniq; in in aliam sedem statuendam sibi alio primo quoque tempore

P. Visitator de
cernit de habi-
tu Socijs ge-
stando.

Nn 3

commi-

commigrandum : vel ut Xauceani cæli intemperiem , quæ duos breui tempore nobis eripuerat , deuitaremas , vel si hoc minus placeret , uti nostrorum statio in duas sedes diuisa firmior redderetur , neque expeditionis totius fortunæ in domicilijs vnus infortunio resideret.

Patres se accommodant ritibus Sinensium.

Hæc omnia ita rationi consentanea Visitator iudicauit , uti facultatem fecerit , quæ petebantur exequendi , monendumq; de omnibus Præpositū Generalem ac Pontificem maximum in se susceperit. Atque ita Xauceani Patres , omnia sensim in morem inducebant , amicis comprobantibus , quibus gratū fuit , cum nostris ex æquo congregiendi , per ritus etiam suos sibi fieri facultatem , quod cum sacrificulis suis , ut liceat , in morem non erat inductum. Nam tamen si Magistratus atque litterati superiore semper cultu nostros prosequerentur , vel virtutis vel litterarum opinione permoti , quæ duæ res in simulacrorum cænobitis desiderantur , Vulgus tamen cui hebetiores sunt oculi adhæc inspicienda , nihil eos ab reliquis differre arbitrabatur , & magnates nostra culpa prohibebantur ab æquali congressu , ne positos à nobis ipsis profano habitu urbanitatis limites , præter morem suum prætergrederentur. Cum igitur in Magistratuum palatia se conferrent , visitationum ritus è litteratorum consuetudine , quæ à vulgari differt , petentes , ipsos quoq; Magistratus ad eosdem reddendos inuitabāt. Sed eximendus hic est mihi complurium error in Europa , qui nostros arbitrantur ad litteratorum in hoc regno gradum aspirare . neque enim nostri se pro Sinensibus litteratis gerunt , sed Europæis , nemini porro non arridet è Sinis , viros alioqui litteratos , vbi fuerint se pro litteratis gerere , regionis habitum cultumq; imitantes.

Patres pro Europæis litteratis se gerunt.

Quamuis in Cantonienſi Prouincia infame sacrificulorum nomen excutere nondum potuerunt ; in cæteris tamen Prouincijs nostri ab ipsis initijs litteratorum nomen & opinionem feliciter ac utiliter induxerunt.

De

De alia vero sede statuenda quod attinet, anno insequenti, qui fuit millesimus quingentesimus nonagesimus quintus, mense Maio oblata est eius tētanda nō inopportuna occasio, cuius P. Matthæus frontē arripiens, Nanquinum quam celerime nauigauit. Senatus militaris assessor primus, quem Sinæ Scilān vocant, post varias in hoc regno dignitates domum se se priuatus receperat, & in prouincia Quam si multorum sermonibus celebrabatur. Hoc tempore summus Iaponiæ totius Imperator Cabacondono, dicebatur Coria Regnum Sinensi vicinum & vectigale, infestis armis impetere, cui subsidium ferre, Sinensis Imperator exercitu supra mortalium octuaginta millia, statuisset, eos, qui rei bellicæ fama incliti erant, conquirebat: quos inter hunc de quo agimus, in Regiam urbem cum eodem officio reuocauit, quod Proregum dignitatem longo superat interuallo. Huic erat filius annorum fere viginti, qui p̄ verecūdia simulac dolore, in insaniam incidebat, eò quod primo litteratorum gradu in examine excludebatur. Hunc parens uti ad sanam mentem reuocaret, nihil non tentauerat, sed euentu plane nullo: & quoniam eum vnice diligebat, in Regiam secum iam inde à patria, quæ Sciaquino adiacet, deducebat, ubi in mentem illi venit, fore fortasse, uti Patrum quod vnum calī Dominum venerarentur virtute ac precibus posset filius in pristinum statum reuocari. Ergo à militum præfecto, ad se Nauigio Patres vocati, ita excepti sunt, ut stupuerint, quotquot aderant Magistratus. Inde expletis salutantium officijs, multa de Europa nostra, de Christiana Religione plura sciscitatur, E qua in filij casum sermone ex alio in alium lapsus deuenit; obtestatus, ut si quid posset in hac re, ne facere detrectarent. Respondit P. Matthæus hoc negotium tanta temporis breuitate confici non posse, sed cupere se cum filio in Chiansinensem Prouinciam excurrere, ibiq; sperare, ut ad mentis sanitatem reuocetur.

P. Matthæo
Ricio alia se-
dis statuendo
ocasio offer-
tur.

Placuit

Dno flumina
celeberrima.

Ciuitates duæ
negotiosæ
Nangan &
Canton.

Placuit ea res Parenti, & quamprimū Xauceano Gubernatori imperauit, uti diploma sigillo eius munitum Patri ad iter daret, quo diplomate fiebat illi in Chiansinensem Prouinciā excurrēdi facultas, ipse verò præiuit, quem Pater postridie, vna cum Amacaensibus adolescentibus duob⁹ Societatis nostræ tyronibus, & duobus famulis subsequutus est, & assecutus in prima Prouinciæ Chiansi ciuitate, cui nomen Nangan. A Neophytis Nanchiunensibus magnopere adiutus est, ad Montem transmittendum vna cum sarcinis. Mons iste Muilin vocatur, medius inter duo flumina, & utriusque prouinciæ limes, commodum diei vnius iter, celeberrimus fortasse toto regno transitus. nam in eius pede ad Austrum Nanchiuni nauigari incipit flumen, è quo in Cantoniensem Metropolim, & inde in australe mare descenditur ex altera vero montis radice in vrbe Nangan, aliud ingens flumen nascitur, quod Chiansinum & Nanchinum Prouincias aliasq; vrbes permultas lustrat, donec in mare ad ortum deferatur. unde è plurimis huc prouincijs in cæteras trans montem ad Austrum, & vicissim prouincias plurimarum mercium sarcinæ transmittuntur, contra vero quidquid è regnis externis Cantonem petuenit, in eodem itinere in regni penetralia deferatur, & viatores quidem, equis & sella gestatoria baiulorum humeris deportantur, cætera iumentis baiulisq; ad stuporem prope innumeris, die quolibet inferuntur, atque ita negotiosissimæ sunt hæ duæ ciuitates, & tamen tantus ordo, ut breuissimo tempore complurimi mortales cum sarcinistransmittantur. Mons communis est utriq; Prouinciæ, quorum discrimen est ingens porta inter prærupta saxorum extructa. Inuius olim erat, sed ars & vis peruium reddiderunt. Iter vniuersum saxis stratum, & arboribus consitum, hospitijq; ita frequens, ut nocturnis æque ac diurnis horis commeari cōmode possis & secure. neq; enim militum excubiæ vel viatorum frequen-

frequentia latrocinij locum reliquit, sed neque imbres uspiam iter claudunt torrentibus demersum. In montis apice fons aquæ potabilis scaturit. ibidem sanum est perelegans, & in fano præsidium militare. Hinc in utramq; Prouinciam liber est oculis excurrendi locus.

Sed transmissio monte tantisper in Australi diuersorio (hoc enim Nanghan sonat) quiescamus. Habuit hic P. Matthæus magnum spectatorum, & ex vrbe aduentantium concursum, quos Xauceo sparsus rumor euocabat: & euulgatum, cum in comitatum à summo Magistratu itineris admitti, cuius iussu in vnum è nauigijs suis immisus est, donec in urbem Canceu perueniretur. hoc itinere toto in illius ipsius nauigium frequens itabat, & de moribus ac scientijs Europæis, deque sanctissima lege nostra longa colloquia ferebantur, quibus omnibus mire se oblectari, & Patris contubernio gaudere præferbat: nec raro domesticis eum familiariter epulis adhibebat. Verum enim vero tanta fuit obuiorum Magistratuum multitudo, à quibus visitatus obruebatur, ut nunquam hoc itinere toto comodum cum filio colloquendi tempus inuenerit. Hoc igitur ipsius Parentis authoritate dilatum: nec cum eo solum, sed etiam cum reliquis è familia primoribus arctè amicitiae iura contracta, quæ res non parum felicem eius excursionis progressum promouebat.

P. Matthæus
in urbem Canceu
peruenit.

In hac vrbe Canceu Prorex residet Prouinciali Prorege superior. eum quatuor Prouinciarum Proregem vocant: Chian- si videlicet, Fuchien, Cantonis, & Vquàm. non quod illi pareant nominatæ Prouinciæ omnes, sed quia è singulis finitimas regiones duas, id est, Prouincias minores gubernat. Huius Proregis, præter ordinem, constituendi hæc ratio fuit. hic olim locus latrocinij infestus erat, & cum in diuersas Prouincias pateret fuga, non ita facile reperiebantur, aut plectebantur: inter plures enim est rara consensio: ergo Proregibus sin-

Proregis con-
stituendi ratio
in vrbe Canceu.

O o

gulis

Secilanus pō-
pa celebri ex-
cipitur.

gulis binæ regiones ablata, in quas sese latrones recipiebant, & vni tradita, qui militaribus excubijs feliciter sane salutariq; consilio latrocinia repressit: & quoniā Magistratus quorum imperio militares turmæ subsunt, omnes ad bellicū tribunal Pechinense pertinent, hīc exceptus est assessor illius tribu-
lis celebriore apparatu, nam obuiam illi missi supra militum tria millia; ab vrbe cum leucam vnam etiam nunc abesset, ij solemni habitu, vexillis, armis, ac ducibus insignes procedebant, quos inter permixti erant sclopetarij non pauci, qui festa scloporum displosione transeuntē exciperent, & insignem sanè pompam ex utraq; nondum latissimi fluminis ripa explicabant. Cum in urbem peruenisset ille ipse Prorex cum cæteris Magistratibus urbanis, eum visitatione, muneribus, cōmeatu, conuiujsq; cohonestarunt: additæ ad nauigiorum excubias nocturnas, aliquot militum turmæ. sed hoc quod isti fecerunt accuratius ubique factum intelligas velim. tanta est similitum Magistratuum apud Sinas & inferiores veneratio. In hac vrbe flumen è colligatis scaphis pontem patitur, nec nisi semel quotidie transmittendis hinc inde nauigijs patet, postquam vectigalia persoluerunt. Hic P. Matthæus uti liberius incederet, sibi scapham sumpsit, & cætera nauigia sequebatur. Post hanc urbem transmissam, aliud flumen sese huic immiscet, & eius magnitudinem auget, inde in locum deueni-
tur triginta fere miliaribus longum, in quo scopuli multi toto flumine sparsi, frequenti naufragio infamiam comparant. nam aquarum vortices ita rapidi sunt, ut nisi nauarchos habuerint peritissimos, nauigia, fluminis impetu rapta, deferantur ad scopulum allidenda, cum sarcinarum iactura & demersorum viatorum interitu. hic locus ab octodecim torrentibus Sciepa than vocatur. Res sanè mirabilis, in medio continentis vadosum adeo flumen ac scopulis velut acutè præfixis sparsum reperiri.

Locus frequen-
ti naufragio
infamis.

Huius

Huius initio fluminis vadosi fanum est idolorum, in quo nautæ ac viatores solent discriminis feliciter enauigandi fortunam commendare. Hoc fecit ille, qui nauigabat Sceilanus, sed fructu plane nullo. Nam tametsi ipsius nauigiū nautarum multitudine & laborantium industria scopulū elusit, alterum tamen quo vxor & filij vehabantur, nemine licet pereunte al-
lisione diffringitur, propterea quod altitudine sua flumen vad-
dosum nauigium superabat, in cuius supremam contignationem omnes confugerunt. Et quoniam mulierum & puero-
rum erat timida multitudo, miserabiles pereuntium eiulatus in non extremo periculo reboabant. Audijs forte clamorem primus ex vniuersa multitudine P. Matthæus, & accurrens in celocem suam omnes recepit, ipse egressus in scapham descēdit exiguam, quæ ad iter demonstrandum præibat.

Naufragij pe-
riculum.

Hoc infortunio territus Magistratus, Canceum subito misit, qui aliud grandiusculum nauigium vxori ac filijs peteret. Neque gratias ingentes Patri Matthæo agere prætermisit, eumque in sarcinarum suarum nauigium interim misit, dum aliud Canceu adueniret, quod exiguam moram fecit, sed cum diurnis horis venisset, noctem ad mulierum ingressum oportuit præstolari.

Sed neque hic stetit infortunium. nam ad Patrem quoque Matthæum pars magna peruenit. Eius quippe nauigium cum in alueo profundo extra scopulos nauigaret, subita vi ventorum à latere concutitur, cui cum velum obuerti tempori minime potuisset, cessit, ac se reclinans in latus, omnes quotquot erant in flumen excussit. Pater Matthæus in alueum usque peruenit, & cum enatandi artem minimè calleret, in alueo positus se Deo commendabat, satis latus quod in simili causa interiret. Ibi nescio, vnde funem sui nauigij arripiens erigi cæpit, & tandem capite tenus emerit, inde in quodam ligno quod fluitabat inequitans, etiam scrinium suum supernatans.

P. Matthæus
Ricinus cū suis
naufragium
facit.

Oo 2

arripuit,

Adolescens a-
quis submer-
gitur.

arripuit. Et quoniam altum erat nauigium, altera pars ex aquis eminebat, in quam ipse ac plerique conscenderunt. Socium habebat Ioannem Barradas, adolescentem unum ex ijs, quos dixi, is inferiorem fortunam sortitus è flumine nunquam emerit, fortasse in ipso alueo sese nescio, quibus impediuit. nam etiam pueri ac infantes Matrum vberibus admoti cum reliquis euaserunt. Huius socij iactura, qui magnam de futura virtute spem dabat P. Matthæus, ita consternatus est, ut serio dubitauerit, expediret nec ne ulterius progredi. Verum collectis animis meliora de diuina bonitate sperans, sese ad reliquum iter accinxit.

Aliud infortu-
rium.

Magistratus is, qui Patrem ducebat in duorum nauigiorum naufragijs, omnes prope sarcinas suas amisit, & quæ ex alueo vrinatores eduxerunt, iam aquis corrupta laborem elaserunt. Et tamen in his infortunijs meminit ad Socium consolatores mittere de comitis adolescentis interitu, ad cuius funus curandum etiam nummos pro munere submisit. Prosequuti sunt igitur iter in ciuitatem, cui Chiengan nomen est, nobilem sanè & populosam, vbi nocturnus ventus tanto impetu irruit, uti nauigia omnia disperferit, nec discrimen abfuit alterius hic quoque naufragij. Ergo sinistro territus augurio nauigationem omittendam sibi iudicauit, Pechinense iter terrestre aggressurus. neque enim suo sumptu id facturus erat sed regio ex more. nam certis in locis equos, lecticas, baiulos, com meatum, & reliqua reperturus erat. in hac deliberatione de remittendo Patre Xauceum cogitare cepit, ne se ipsum periculo exponeret calumnie, quod inter bellicos tumultus externum hominem in Regiam adduxisset. id vbi sensit Pater, è familia Magistratus duos ad se accersit, & vitrum trigonum, in quo mentiti colores, in vtraque fluminis ripa & in vrbe conspectu magna cum voluptate spectabantur. Dixit igitur cupere se id hero suo donare, sed primum scire se oportere, an cum

co

eo Pachinum usque ire sineretur, alioqui se Xanceum sine vitro minime rediturum. id faciebat uti heri voluntatem ex ijs expiscaretur, qui tametsi scirent, quid ipse statuisset, arbitrati tamen hanc esse gemmam valoris immensi, cum admonendum iudicarunt. Pridie quam discederet, per eos ipsos vitri spectatores. Patri renunciari iubet, se sarcinarum suarum partem, cum famulis aliquot flumine transmittere, cum ijs si vellet licere sibi Nanchinum usque navigare. nec abnuitt Pater, si id cum eius facultate ac diplomate liceret. Ergo eum inuisens vitro trigono donauit, ac nolenti pene per vim ingessit. qua ex re satis se nostris adstrictum prædicabat, nec ullum finem faciebat gratiam referendi. Inde cum de loco agerent, in quem volebat noster conscendere, auctor illi fuit, ut in Metropolim Chiansi Prouinciæ se conferret, habere se eo loci amicos complures, ex eo, quod primariam olim ibi gessisset dignitatem. verum Nanchinum uti ire liceret modeste institit, donec impetraret. ergo vrbis Chiengan Gubernatori dedit in mandatis, uti P. Matthæo in iter publicum diploma daret, quod ipse fecit sane luculenter. referebat enim quanto tempore intra Sinense regnum, & ubi fuisset cōmoratus, facultatem illi faciebat Nanchinum & Cechianum Prouincias inuisendi, monebatque omnes Magistratus, uti ei molestiam inferri non permitterent. discessit igitur Nanchinum versus secure admodum, & sæpe militum manipulo comitatus, eodem quippe cum duobus famulis Scillani vehabatur, & omnibus ex locis obuios habebant milites ac præfectos, ratos eo nauigio, si non ipsum Magistratum, ex eius filijs aliquem vehi. hoc itinere toto raro excendit P. Matthæus, ne quem obicem inueniret. Verum cum in Metropolim supra nominatæ Prouinciæ deuenisset, quæ extremo loco ad Boream sita est eleuati super Horizontem poli, gradu nono supra vigesimum. excendit, seq̃ pro Scillam domestico gessit & cum dubitaret,

P. Matthæus
Nanchinum
proficisci im-
petrat.

Oo 3

quo

quo se potissimum reciperet, ignorabat enim, qua in vrbs regione commorarentur amici quidam, ad quos litteras deferebat, in fanum celebre se contulit, cui à columna ferrea nomen impositum. Fabulantur enim quendam, quem Huiuslin vocant, ante plures annorum centurias huic populo multa profuse largitum, ex eo, quod illum ferunt ex hydrarghyro argentum minimè adulterinum magna copia eduxisset, alijsq; modis plane diuinis hanc vrbe[m] ab immani Dracone liberasse, eumque terra obrutum ad columnam ferream, quæ ibi visitur alligasse, ac deinde in cælum, cum vniuersa domo sua, imo & muribus ipsis euolasse. Huius fani moles plane visenda est, è cuius regione nundinæ sunt perpetuæ, in quibus nihil deesse iudicaris. eiusdem ministri sunt ex ijs sacrificulis, quos libro primo Thausu nominari. ij barbam & capillitium alunt.

Aduenas videndi cupiditas.

P. Matthæus idolum venerari recusat.

Cum id fanum ingrederetur P. Matthæus, magni ad eum concursus facti, & ab ipso nauigio, cæpti, donec in templum perueniretur, aucti sunt: hi aduenam videre, rem ea in vrbe sacram gestiebant, arbitrabantur eum omnes huius idoli celebri fama euocatum, è remotis regionibus aduenisse. Sed vbi animaduersus est nullam simulacro venerationem exhibere, monitus est ab astantibus, id ne facere detrectaret, quod maximi Magistratus factitabant. verum cum hac denuntiatione nihil moueretur, metum iniecerunt, asserentes fore uti graue aliquod infortunium pertinaci immineret, sed ad hæc etiam surdum per vim eum raptare parabant. nisi ex eodem nauigio nescio quis tumultuanti multitudini dixisset, aduenam illum nulla venerari idola, quo audito conquieuerunt. neque enim apud Sinas cuiquam vis in causa Religionis, maxime si externus fuerit, sed in ea re summa libertas, aut potius sectarum perturbatio, quæ tamen ad rem nostram valet non parum. Pater Matthæus igitur, cum aduerteret nullo se fructu multi-

multitudinem maiorem ac maiorem accersere, in nauigium se recepit. denunciauit tamen ijs, qui eum officiosius comitabantur, vna se venisse cum bellici Tribunalis assessore, quem nemo qui ea in vrbe erat, non nosset. Eius famuli heri sui amicos inuenerunt, sed nemo eos pluribus officijs frequentauit, quam Proregis Medicus, à quo multis donati muneribus abierunt.

Vix extra Metropolim nauigatur, cum occurrit viatori-
bus lacus magnitudine sua reliquisq; visendus. in omnibus in-
orbem ripis. quantū oculi assequi possunt innumera sunt op-
pida, Vici, Villæ, Castella, hinc in prouinciam Fuchien, &
inde in mare ad ortum transitus est. inter cetera oppida vrbs

Lacus celeberrimus.

est, cui nomen Nancan, ad pedem montis Liu appellati. in
eo monte varij sunt Anachoretæ, qui singuli ædícula in sua cor-
poris afflictationibus maxime insudant. Ædículas istas tot ef-
se ferunt, quot diebus solaris anni cursus continetur, & inter
prodigia referunt, sereno ubiq; calo semper cum montem
nubibus aut nebulis tegi, atque ita è lacu mons ille alioqui vi-
cinus conspici nunquam potest, cursus huius fluminis secun-
dus est quidem hic etiam Nanchinum nauiganti, sed in hac
latitudine ita piger est, vix ut aduertatur. vnde facilis est velis
inflatis, in quamlibet illius partem nauigare, vbi lacu exieris,
ex Vquam prouincia labitur fluuius ingens, cui aquas ignobi-
les amisso nomine in hoc ipsum flumen immittit. Ergo ob in-
signem eius latitudinem hinc Yamsu vocatur, quod filium
Maris sonat, & multis in locis ad duo triaue milliaria excurrit
latitudo. non vacat ea nauigatio periculo. nam procellis suis
mare Parentem suum imitatur, & ferunt etiam eum, qui in
id flumen inciderit, aquarum vorticibus ita rapi, vt paucis ars
natatoria saluti esse consueuerit. hinc fit, vt Sinæ plerumq; ti-
mide illud nauigent, & frequenter naufragium patiantur. in
eo nauigia prægrandia nauigant, & fortasse naues non maxi-

Mons Liu, ubi varij Anachoretæ.

Flumen Yamsu filius maris.

ma,

mæ, ac tritemes nostrates è mari huc vsq; penetrarent. multis alijs deinde fluuiolis augetur, nec noctu nauigatur, sed in portum aliquem sese cuncti recipiunt; quod etiam facile fieri poterit, quoties procella ingruerit: adhuc vsque lacum, æstus maris noua plenaq; luna perueniunt, alijs diebus aduerti non potest, Nanchini tamen nullo non die sentitur, tametsi aqua potabilis vim salis maris adhuc eludit. Nanchinum ubi peruenisset, in hospitium quoddam suburbanum exscendit, & hic eum assessoris famuli reliquerunt.

*P. Matthæus Ricus Nanchino turpiter eiectus,
in Chiansi Prouincia Metropolim se recipit.*

CAPVT DECIMVM.

Nanchinum
Metropolim
P. Ricus per-
uenit.

Nanchini vr-
bis descriptio.

HÆc Metropolis Nanchinum appellatur, tametsi apud Lulitanos fere, qui famam vrbis nobilissimæ à Fuquianæ prouinciæ incolis acceperunt, Lanchinum appellatur. In ea quippe Prouincia littera N. in L. solet commutari. Alio nomine quatenus est regio, communi eius nomine Intiensu appellatur, ex eo quod Regionis ibi Gubernator sedem figat. Hæc est illa ciuitas, à qua Sinarum iudicio cæteræ totius orbis vrbes non magnitudine minus, quam pulchritudine superantur. Et sanè paucis potest inferior iudicari. Plena enim est maximis palatijs, fanis, turribus, pontibus, quæ tamen omnia ab Europæis generis eiusdem fere superantur, sed in alijs superat. Excellit etiam cæli clementia, soli feracitate, ingeniorum bonitate, morum suauitate, sermonis elegantia, incolarum multitudine, ex omni ordine vulgi litteratorum ac Magistratum, qui postremi & numero & dignitate cum Pequinensibus comparantur, tametsi ex Regis absentia, ipsa æqualitas redditur inæqualis. Atque ita toto Sinarum regno, & regnis conterminis vulgo collatis in vnum omnibus, prima iudicatur.

Hæc

Hæc vrbs trium quoque murorum circuitu cincta est: ^{Regium Pala-}
 primus est Regij palatij sanè superbissimi. Illud quoq; triplici ^{tiū Nanchini}
 muro cingitur in arcis modum, & fossis quas aqua oppleuit in
 gyrum excauatis. Illud intra quatuor aut quinq; Italicorum
 milliariorum circuitum in orbem patet. Et quidem audeo di-
 cere, nullum uspiam Regem palatio superare, non si singula
 cum singulis, sed si omnia cum omnibus comparentur. Hæc
 aliquando alio volumine compræhendemus. Alter murus ^{Murus triplex.}
 cingit ipsum denuo palatium & maximam ac præcipuam vr-
 bis partem, is portis duodecim interrumpitur, eas laminæ
 ferreæ armant, & bellica tormenta è regione intra urbem
 constituta muniūt. Hic murus alter octodecim Italica millia-
 ria suo ambitu complectitur. Tertius murus externus non est
 vbique continuus, sed vbi periculum aliquod imminere pos-
 se iudicatum ars naturæ munitione suppleuit. Eius circuitus
 sciri vix potest. Indigenæ tamen dicunt submissos aliquando
 in equis duos, alterum hinc, illinc alterum discessisse, vtrum-
 que vero in solis occasu conuenisse, ex quo conijcere quilibet
 poterit, prodigiosam eius vrbs vastitatem, maximè quod cir-
 cularis ferè figura cæteris capacissima, reddat arcem laxiorem.
 Intra huius muri ambitum magnæ licet sint hortorum, mon-
 tium, nemorum, & lacuum intercapedines, maxima tamen
 illius pars frequentissimè habitatur.

Præfidiarij eam (quod vix credi potest nisi oculati testes ^{Memorable}
 serio confirmarent) solam urbem milites ad quadraginta mil- ^{præsidium vr-}
 lia custodiunt. Habet polum supra finitorem duobus ac tri-
 ginta gradibus eleuatum, atque ita in medio regno, si Mathe-
 maticam latitudinem spectas, est fere constituta. In illius oc-
 casum flumen mox nominatum præterluit, cuius dubitari po-
 test, vtilitas urbem farciat, an amænitas magis cohonestet.
 Nec solum præterluit, sed inducti locis pluribus in urbem ca-
 nales, nauigijs etiam maioribus in urbem ingressum aperiūt,

Pp

quos

quos maiores arte laborem fatigante effoderūt. Hinc factum est, vt olim totius regni caput fuerit appellata, & antiquorum Regum multis seculis sedes planè percommoda. Et tametsi Pequinum ad Boream ea ex causa, quam libro primo monui, commigrarit, de suo splendore tamen ac frequentia vel nihil amisit, vel si quicquam ei deest, etiam admirabilior olim fuisse iudicetur.

P. Matthæus à
medico nosci-
tur.

Nanchinum
urbem ingredi
tur.

In agrum igitur suburbanum delatus, exscendit P. Matthæus, qui quidem extra tres illos murorum ambitus ita late patet, ac frequenter habitatur, ut altera vrbs prægrandis possit appellari; conspectus est à Medico quodam, amico vnus è filijs Proregis illius Sciauchini, qui nostros expulerat, hic ait; profecto amicus est quinti Leu (nam quintus erat ipse filius & Leu Proregis cognomen) ergo postquam domunculam conduxit, misit ad medicum, qui sciscitaretur, Proregis filius, an resideret Nanchini, nec ne? poterat enim ab eo fauorem aliquem sperare, vt optatum finem consequeretur. Audito eum hic substituisse, inuisit magno vtriusq; gaudio eo maxime adnitente, cum varijs primoribus familiaritatem contraxit, à quibus frequens ad epulas vocabatur, & honore omniq; officiorum genere colebatur, Urbem ingrediebatur non raro, sed sella gestatoria reclusus, tum ne quid rumoris cieret, tum ad aliquam, quæ inter Ethnicos necessaria est maiestatis opinionem: his adde iter ad amicorū ædes plerumq; ita longum, vt robustum viatorem postularet. hoc amicorum auxilio fretus, cæpit agere de collocanda ibidē statione: ad eam rem commemorabat, dudum se in Cantonienſi prouincia vrbs nobilissimæ fama permotum, peroptasse sedem in ea figere, & quod reliquum vitæ supererat, quiete transigere. nam de sanctissima lege nostra euulganda, voluntatem primis semper initijs occultabat. in amicis par erat desiderium, nec ad eam rem obicem vllum causabantur. spondebant etiam per se ac suos

suos auxilium & fauorem: interim vero dum varij modi sedis tuto figendæ in deliberationem vocantur, renunciatum est P. Matthæo, Nanchini degere familiarem quendam suum in Cantonienſi prouincia, nomine Sciutagim, qui non medio-crem gerebat in ea regia magistratum: hunc olim in alio infe-riore magistratu sphaera seu globo cælesti, & clepsydra hora-ria, quæ in hanc diem Sinæ magni æstimant, donauerat, & in eo varia veræ necessitudinis officia expertus erat, & supra bië-nium quidem cum ad hoc ipsum munus incundum Xauceo nauigaret, voluit secum Nanchinum Patrem abducere, eo verò tempore res Xauceanæ id non permittebant. hac re au-dita, & cum Proregis filio communicata exilijt præ gaudio, ratus id se à Deo consecutum, quod quotidianis per eos dies sacrificijs, & diu ante postulabat. Ad eum igitur se contulit in solemnī litteratorum habitu, nec vacuis manibus, quod mul-ti sæpè prospectant.

P. Matthæus
Sciutagin fa-
miliare adit.

Hic, de quo nunc agimus, adeo auarus est, vt domi non frugalem solum, sed prope mendici vitam viuat, & in eo totus sit, vt ex alia in aliam dignitatem euehatur. vnde etiam dein-de Nanchini assessoria Scillanus dignitatem gessit, id est, Tri-bunalis vnus summo Præsidi assessor fuit. Is inquam primò conspectu restitit, attonito similis, ex inopinato Patris aduen-tu, Verum stuporem blandientis munusculi cupiditas abster-sit. cum igitur festiuè excipit, & intromissum etiam ad con-fessum adhibet, sciscitatur causam aduentus, & quā valeat. re-spondit P. Matthæus, vt ei blandiretur, venisse se illius viden-di desiderio permotum, & in eam rem, à bellici Tribunalis as-sessore, patentes se litteras Nanchinum vsq; impetrasse; in vo-tis autem sibi esse stationem Nanchini sub eius protectione & umbra collocare. ea re tantus in miserum irrepsit metus, vt subito in suspiria, elata etiam voce, proruperit, dicebat male se sibi consuluisse, quod Nanchinum venisset, non esse urbem

Sciutagin P.
Matthæo auxi-
lium negat.

Pp 2

illam

illam, in qua externis sedes permitti posset, tumultus inde non paruum imminere discrimen. In eo vero, quod ad se visendum venisset, omnino aberrasse: ceteros inde Magistratus criminationis ansam arrepturos, quasi vero ille Nanchinum aduenas euocasset, P. Matthæus assessoris Pechinensis litteras patentes eduxit, à quo ipse multis dignitatum gradibus superabatur, sed nulla replacari, nulla satis sibi fieri voluit. ergo Patrem remisit, multa causatus se auxiliari nullo modo posse, monebat quoque, ut quamprimum Nanchino excederet, & alio quopiam se conferret, deinde herum ædium, in quas se Pater receperat, in suum tribunal vocari iussit. Nondum domum redierat, & iam infidelis amici apparitores præcesserant. Ergo Pater eam perturbatam reperit, ac metu perculsam, ex eo, quod apparitores illi, ut aliquid emungerent, metum auxerant, asserentes, indignatum in Patrem herum suum, quod Nanchinum appulisset. & sane ipse quoque P. Matthæus non nihil verebatur, ne quid innocens sua causa pateretur.

Hospes P. Ricij ad tribunal vocatur.

Is ergo à Patre Matthæo, dissimulato metu, animatus, in tribunal se contulit, inter spem fluctuans & metum. Eo conspecto Sciutagim Magistratus prope in furorem exarsit, criminabatur eum cum externis commercia miscuisse, quod crimen apud Sinas in perduellione reputatur. causatus est hospes assessoris Pechinensis domesticos, aduenam illum domum suam adduxisse, patentes ab eo litteras ostendisse, quod, ne assessorem offenderet, adduci se passus non est, aut finxit id incredibile sibi videri, & prætulit quod misellum quæstioni subijcere vellet, quasi tormentis expressurus, ecquid commercij cum externis aliorum regnorum contraxisset. Verum prius publicum ad se Notarium sui Tribunalis accersit, cum quo sine dubio prius conuenerat, interrogat, notus ei sit nec ne externus ille, qui ad se paulo ante aduenisset? Notarius erat ex ipsa Cantonienfi prouincia Sciauchinus. Respondit igitur

tur eum sibi probe notum esse: annis superioribus, eundem à Prorege Sciauchino pulsum, pro seditioso habitum, & quod malum aliquod Sinensi regno moliretur. hic velut ad rem nouam vociferari denuo capit dissimulator astutus. planè inquit, morte dignus es, qui talem aduenam domi tuæ exceperis. Verum de re tanta se accurate disquisiturum; qua denunciatione misellus ita expauit, ut toto corpore contremisceret. Verum paulatim placatior fieri capit. omnis enim hic furor eo tendebat, vt ne quisquam arbitratri posset, aduenam illum ab se accersitum. Ergo præcepit vt aduenam, quem hospitio exceperat, Cantonem vsq; reduceret, & à Chiansi Prouinciæ magistratibus fidem publicam exigeret, qua constaret aduenam illum Cantonienfi Prouinciæ restitutum. Sed cum ille inopiam causaretur, neque domo se abesse posse assereret, acquieuit. impetrauit tamen, & ab eo scriptum exegit, quo in se reciperet, se aduenam illum domo eiecturum, in scapham re-nauigaturum immitteret: quod fecit, vt scriptam fidem exolueret. Eiusq; rei testimonium ab illis accepit, qui nauigijs postridie discedentibus ex more præfecti erant.

Sciutagin imperat P. Matthæum è domo eijci.

Hoc infortunio præter opinionem affectus est Pater non parum, quem etsi amici hortarentur, vt Sciutagin imperata negligeret, & vel alibi Nanchini, vel in alio quolibet vicino loco subsisteret: verebatur enim peiora, si aduerso Magistratum flumine nauigaret. statuit igitur eam nondum esse numinis voluntatem, sine cuius nutu hæc ei præter animi sententiam minimè cecidissent. Ergo in Prouinciæ Chiansi pro-ram obuertit. Et capit non aduerso minus flumine quam animo remigare. Sic enim statuit è Prouinciæ illius Metropoli non admodum dissita, rem Nanchinensem posse tractare, & in omnem rei bene gerendæ occasionem intendere, adhibitis in eam rem amicis, maximè quos fecerat, à quibus deinde rebus bene comparatis euocaretur. Ibat mœstus bonus Pater

totum hoc itinere, in memoriam reuocatis tot laboribus & periculis aditis, & quidem nullo operæ fructu, cum illi vota omnia in vanum recidissent. nō aberat à Metropoli Chiansi procul, & totum vnum diem cogitabundus quid faceret absumpserat, qua in cogitatione fatigatus obdormiuit.

Somnium diuinum P. Matthæo obiectū.

In eo sopore videre sibi visus est hominem ignotum, à quo hæc audire sibi videbatur. Itane tu hoc regno vagaris eo animo, vt antiquam religionem extrudas, nouam intrudas? Pater Matthæus, qui vt innox hunc animum suum primis inijs occultabat, respondit: aut te dæmonem esse aut Deum oportet, cui hæc quæ nemini dico, comperta sunt: Minimè sum dæmon, verum Deus. Pater vero Matthæus velut qui eum repererat quem quærebat, ad eius pedes corruit, & lamentabundus in hæc verba prorupit: Si hoc Domine mi votum nōsti, quid est cur adiutricem tantis rebus manum non exporris? Et his dictis ad illius pedes prostratus lachrymis acris, quam verbis loquebatur: tum Dominus eum solatus, dixit: Ego in vtraque tibi vrbe regia propitiusero. Prope totidem verbis, quot olim Beato Parenti nostro Ignatio auxiliarem Dominus Romæ promisit manum. Deinde sibi visus est in vrbem regiam, liberè ac tuto ingredi nullo prohibente. Excusso somno lacrymis nōdum exsiccatis, Socio qui æquè prope mœstus erat, vt eum solaretur, visa narrauit. Visum enim illi somnium illud aliquid habuisse diuini. Et sane per omnia prædictioni respondit euentus. Nam cum annis proximè insequentibus Pequino quoque, re infecta, redisset, in ea Nanquinensis vrbis parte exscendit, quam sibi in somno se vidisse meminerat, Et in ea vrbe ita liberè sedem fixit, vt res inter clarissima prodigia referri posse videatur. Nec de Pequineni sede, quam deinde admirabiliter ac feliciter erexit, quicquam hîc, ne insequentibus suam videar deflorare nouitatem.

P. Matthæus Nanquinum redijt.

In hoc ipso itinere, nactus est amicum quendam Metro-
polis

polis ipsius ciuem, qui conductitias familiaris sui ædes, in quas demigraret, ei designauit. Ergo exscendit ille prius, & submissis baiulis, Patris Matthæi sarcinas in ædes illas exportauit. Gestatoriam quoque sellam exscensuro misit, & ijs in ædibus die insequenti, qui Apostolorum Principibus erat sacer, sacris litauit; quod votis omnibus expetierat, uti eos in eius rei, quam tractabat, tutelares ac patronos adhiberet.

*In Chiamfi Prouincia Metropoli noua
sedes erigitur.*

CAPVT VNDECIMVM.

HVIVS Prouinciæ Metropolis Nancianum appellatur, nō è maximis illis ac portentosis vrbibus, sed celebris tamen toto regno litteratorum multitudine, qui ex ea ad regni dignitates varias euehuntur, in ambitu tamen nihil Cantonienſi Metropoli cedit, sed in comērcio longe est inferior. Gens est frugi & paruo viuere solita. Religioni licet falsæ addicta, complures tamen Sinense ieiunium obseruant. Ex ipsis porro litteratis sodalitium quoddam constat, in quo doctissimus quisque certis diebus de virtutibus assequendis ratiocinatur, & si externam faciem spectas, nihil ad modestam compositionem addi posse iudicabis, verum quoniam veræ fidei lumine carent, errant in ipso virtutis itinere, velut oues pastore destituta.

Nancianū me-
tropolis à lit-
teratis celebris

In eam urbem, postquam P. Matthæus exscendit, aliquot sese dies domi continuit, Deo enixè suum institutum commendans, cum neminem reperiret, quem ad rem suam, cum opus esset, adliberet, medicum illum, de quo supra, sibi statuit inuisendum. Erat ille medicæ artis fama celebris, & vrbis magistratibus, sed Proregi maximè in paucis gratosus: nam præter artis necessitatem, peculiarem in congressu lepô-

P. Matthæus
Medicum ami-
cū adit.

rem &

rem & gratiam habere dicebatur. is igitur monitus, externum quendam, qui cum amico suo assessori Pechinensi venerat, ad eum visendum accessisse, mire recreatus est, sed cum eum vidit, etiam est admiratus oris totius discrepantem à Sinensibus lineamenti conspectum, quem tamen & ritibus Patrijs imbutum, & libris etiam instructum aduertebat.

P. Matthæus
ad habitū Si-
nensem se con-
format.

Vsu iam diu Magistro didicerat P. Matthæus, quā parum ad rem faceret, si se in congressibus externo cultu nimis abijceret. curauit igitur, ut ingressus in hanc urbem modestam redoleret maiestatem. ergo seipsum bombicina urbanitatis veste ad visitationis officia insigniuit, & eum pileū adhibuit, qui à litteratis solet. is non absimilis admodum est ei, quo Hispani Sacerdotes vtuntur, nisi quod altior sit aliquanto. Seruos quoq; domesticos è gossipina talari veste indutos, secum ad visitationes ducebat, & sella gestatoria gestabatur, ipse baiulorum humeris, quæ omnia à tenuibus licet litteratis perpetuo adhibentur, & si ab eo cultu abstinueris, fieri nō potest, ut pro litterato habearis. ita species externa, cum in morem inducta est, pro re ipsa, quam refert, æstimatur. porro cum de litteratis ago, nolim quod aliqui putant, intelligi magistratus. nam ij longe ampliori in publicum prodeunt apparatu: & magistratus quidem omnes sunt litterati, sed non è contra.

P. Matthæus
humaniter ex-
cipitur.

Medicum igitur familiarem suum, hoc apparatu, quod infame sacrificulorum nomen à se propulsauit, inuisendum putauit. is è reculis Europæis munusculum, vbi à Patre accepisset, habuit, quod amicis rei nouitate attonitis, ostenderet. ab ijs exijt fama in urbem vniuersam, aduenisse hominem totius oris compositione visendum. Medicus igitur, ut gratiam rependeret, cōmemoratis libro primo ritibus P. Matthæum ad solemne epulum inuitauit: & vna cum eo litteratos nonnullos, item regio sanguine quosdam, quorum est in hac vrbe ingens

gens multitudo, de quibus infra latior erit dicendi locus. Patris conspectu & congressu magnopere recreati omnes, ei ansam dederunt, ut ansis ad benevolentiam comparatis, de sua statione aliquam ingereret mentionem: prætulit igitur non omnino sibi displicere, si in hac vrbe commorandi occasio præberetur. ea res nulli non placuit, sed Medicus tanta subito cupiditate exarsit, ut vix adduceretur ad credendum, serio & ex animo locutum. & quidem ut negotium propensius faceret, mendacium enim Sinæ specioso prudentiæ vestiunt inuolucro) finxit inquam ab assessore illo Pechineni scriptas ad se litteras, quibus Matthæum multis commendabat, ac rogabat, uti cum in ea metropoli retinere procuraret, ex eo maxime, quod in Prouincia Cantonensi parum commoda valedudine vteretur.

Non hoc solum adhibuit telum, ad stationem impetrandam, sed varijs modis, incolas sibi conciliare procurabat. per multis igitur, qui ad eum veniebant, nonnulla è Mathematicis petita disciplinis, cum audientium voluptate proponebat, Scioterica instrumenta ad horarum discrimina concinnabat; sed nihil æquè admirationem mouit, ut illius memoriæ, quæ ab arte adiuuatur, specimen exhibitum. Ea res litterarum Sinensum studiosis, accidebat gratissima, nam supra omnes nationes, libros integros improbo labore memoriæ commendant, & ut vere dicam, primis studiorum suorum annis, alia re nulla occupantur. Complures characteres è suis nullo ordine depingebant, eos P. Matthæus semel iterumque perlectos, repetebat, eo quo erant scripti ordine, & quod magis stupebant, etiam retrogrado. eam artem ediscere multi optabant, quibusdam velut ægre concedebat, ita omnibus omnia fiebat, ut omnes Christo lucrifaceret.

Interim dum hæc aguntur, incidit in primarium virum, qui Xaucei nobilem gesserat Magistratum, & eidem fuerat

Qq

utcumq;

P. Matthæus
varijs modis
sibi conciliat
incolas.

Ars memoria
di à P. tradita.

utrumque familiaris, hunc igitur à quo per humaniter acceptus est, adhibere statuit ad stationem impetrandam, & recepit ille quidem se procuraturum, uti aliquis è primis vrbis Magistratibus id negotij susciperet, cum Prorege peragendum, sed inuentus est nemo, qui se aduenarum negotio voluerit intricare: interim euocatus est ille ad gerendum in prouincia Pechinensi Magistratum; abiens amico suo litterato cuidam, P. Matthæum commendauit. ei P. Matthæus fidendum ratus potius, quam familiari medico (neque enim illi autoritate admodum valent) datis ab eo consilijs acquiescebat. Auctor igitur illi fuit, ut neglecta magistratuum facultate, in vrbe resideret. eam ob rem ex ædibus media vrbe positis, quas incolebat, in alias migravit extra vrbis muros, non procul ab suis sitas. Celebris iam erat tota vrbe P. Matthæi fama: mutatis igitur ædibus à visitantium turba minimè reperiēbatur. inde variæ suspiciones in vulgus sparsæ, & vani metus, ne quid ab vno aduena Respublica caperet detrimenti. Ea res è triuijs ac vulgo in Magistratuum omnium, ac etiam Proregis tribunalia penetravit. Ergo acriter inquiri cæptum, quo se externus homo recepisset, vnde & quorsum aduenisset.

Prorex de P.
Matthæo iu-
bet inquiri.

Prorex, cui cognomen Lò, nescimus vnde, sed acceptat tamen beneuolā sanē de P. Matthæo relationem. Itaque suspicatus est, cum de externo ageretur, illum ipsum nec alium fore. ergo militum ad se præfectum vocat, qui præerat regionis illius excubijs, in qua externus ille dicebatur cōmorari, iubet uti inquireret, quis esset ille aduena, & vnde venisset? monuit tamen uti vrbane illum & humane tractaret, & ab omni molestia inferenda abstinere, ac die insequenti ad se referret, quid quid reperisset. is igitur ad P. Matthæum visitationis libellum de more misit, & per famulum domesticū renunciari iussit, à Prorege quid haberet in mandatis, se quidem ad eum visendum voluisse venire, sed certis negotijs impedi-

tum

tum minimè potuisse, rogare se vti commodò suo ad se accedere, ne grauarietur. fecit P. Matthæus quo solebat apparatu, & scripto dedit ea, quæ à Prorege petebantur: eo scripto commemorabat, annos se plures in Cantonienſi prouincia, Sciauchini, & Xaucei commoratum; à bimestri vero vna cum bellici Tribunalis assessore, quem nominabat aduenisse: eius facultate Nanchinum nauigasse, & in reditu vires recreaturum in urbem hanc exscendisse, donec in Cantonienſem Prouinciam renaugaret.

Vbi auditum à vicino litterato, & ædium Domino, Proregem de eo inquirere, magnopere trepidatum est, & non inurbanè minus, quam inhumanè vrgebant, vti ea ipsa nocte discederet, imò vim prope facièbant, sarcinas in mediũ vicum educentes, sed neque permittebatur excubitorũ Præfectum qui inquisierat admonere: ac tandem eo res deuenit, ut nisi nostri vim vi repellere pararent, omnino pellerentur.

Prorex viso P. Matthæi libello, intellexit eum ipsum esse, P. Matthæus quem coniectarat, & ea re lætus, Præfecto militum mandat vti eum ad se in tribunal adducat. ibat Pater satis anceps, ac dubius animo tractabat quid causaretur, quod ea in vrbe tantopere substitisset, & nihil minus cogitabat, quam quod inde consecutum est. In Tribunal ingressus, Proregem habuit obuium in aula media (nam ad eum excipiendum è solio descenderat) in genua P. Matthæus proruere parabat, ad eum ritum exhibendum, qui Magistratibus pro tribunali exhiberi solet, sed prohibuit eum Prorex, & ad se accedere iussit. Prorex igitur prior est in hæc verba prolocutus: Dudum equidè cupiui te videre, cuius spargente fama, virtutem ac litteras audieram prædicari, & iam de ea fama nihil dubito, nam ex tuo vultu, & totius corporis compositione intelligo, minimè mihi verba data. nam ipsa per se in te virtus elucet. P. Matthæus vix seipsum ex euentu supra spem inopinato capiebat, & ta-

Proregē adit.

Prorex P. Matthæum alloquitur.

P. Matthæi animi demissio.

Q q 2

metfi

metu tanta encomia mereri se non agnoscebat, exultabat tamen tali tempore, virum huiusmodi eam de se concepisse opinionem, & omnia in Deum referebat, cuius suavis ac fortis providentia se abijciebat aliàs, aliàs erigebat, ut à fine ad finem attingeret omnia, prout eius immensa sapientia disposuisset. Proregi ergo nihil aliud respondebat, quam solemnem Sinarum formulam: quid possum tantum honorem sustinere? quæ verba cum sæpius repeteret, & rubore verecundiam testaretur, mire Proregem in concepta virtutis opinione confirmabat. De itinere deinde cum Assessore multa sciscitatus, omnia sensit cum ijs consentire, quæ de illius infortunijs, multorum sermonibus acceperat. Quærit etiam, ecquem Nanchini convenerit magistratum? ille eum nominavit, à quo turpiter eiectus fuerat, sed hic tacuit tamen. Prorex illius erat familiaris, & gaudere se asseruit, quod cum eo egisset, quem ab integritate fama celebrabat. atque in hunc maxime modum sermone alium ex alio trahente, horam non minus colloqui. sub finem progressus, quærit Prorex, quò in posterum velit navigare? P. Matthæus se in Cantoniensem provinciam reverti dixit: cui Prorex: quidni apud nos, ait, commoraris in nobilissima maximè civitate? Subiunxit Pater: Et sanè si per te mihi liceat, cupio in ea vel maxime commorari. Prorex vero: commorare fodes, id tibi per me licet, atque ita digressus ab eo noster, gaudio exultabat.

P. Matthæi auctoritas & scientia apud Proregem augetur

Vix abierat, cum familiaris medicus ad Proregem de more ingreditur, & illatus de P. Matthæo sermo, Proregis desiderium magis inflammavit. narravit enim Sciotericis eum instrumentis horas, signa zodiaci, & alia multa sine errore demonstrare, artem quoque ab eo sciri, cuius præsidio, unico prope conspectu, integrum libri caput, fidei memoriæ commendatur; de Trigono vitæ stupenda commemorabat; de Europæis libris miras; de omnibus denique nova referebat. ergo Prorex

Prorex voluit horarium indicem sibi concinnari: memoriz quæ ab arte discitur præcepta, sermone Sinensi conscribi, ut filijs suis ea traderet. Trigonum vitrum & cætera nostratia sibi ac toti familiæ ostendi voluit, sed ut vitrum acciperet, quod ei P. Matthæus prope per vim offerebat, adduci non potuit: Sed neq; hortatore medico, qui asserebat eam à P. Matthæo libenter offerri. quin potius aptam ad rem præsentem, historiam ex annalibus suis retulit. Vir inquit olim Religiosus magni pretij gemmam habebat, ad eum cum vir primarius & virtutis Professor diuertisset, homo religiosus gemmam illi offerebat, ille acceptam mox restituit, dicens: Hæc gemma semper erit tua, neq; enim illam alteri dabis, nisi qui se virtutis sectatorem profiteatur. id qui professus fuerit, profecto eam non est accepturus, atque ita semper tibi remanebit. Idem de te dico Matthæe, ac de me profitear. nam vterq; virtutem sectamur.

Hac maxime ratione à Prorege digressus, ad reliquos urbanos magistratus inuisendos applicuit animum, & ex ijs aliquot reperit sibi in Cantonienſi prouincia notos, qui apud cæteros Patrem comendabant. Ipsum quoque medicum, quem videbat Proregi familiarem, nouis muneribus sibi conciliauit, & ita demeruit, ut nullum ille finem Patris comendandi faceret apud omnes, qui eum ad colloquium adhibebant. Magistratus: atque ita cum iam Proregis beneuolentiam in eum fama vulgasset, breui temporis spatio nemo prope ex vniuersa ciuitate repertus est, vir alioqui primarius, qui non P. Matthæum sibi duxerit humanissime inuisendum.

Cum Regis propinquis P. Matthæus familiarisatem contrahit, & cum alijs quibusdam, qui se Concionatores appellabant.

C A P I T . D Y O D E C I M V M .

Q 9 3

In

P. Matthæus à
Regulis in pa-
latium inuita-
tur.

Zodiaci signa
apud Sinas vi-
ginti quatuor.

IN hac Metropoli Nanciana plurimi sunt Regij sanguinis ab
omni sæculorum memoria, & in ijs duo Regum appellatio-
ne, & apparatu degebant, quam consuetudinem vt intelligas,
primum librum repete. Ij (nec enim inferiores cōmemoro)
amicum quoq; habere hominem aduenam nihil dubitarunt;
corum alter Regulus Chiengan, alter Longan vocabatur. &
quoniam neminem, ne Magistratum quidem sua visitatione
dignantur: vterq; primarios Aulæ suæ affeclas preciosis mu-
neribus instructos miserunt, qui P. Matthæum, suo nomine
in palatium inuitarent, quod palatium regia maiestate dignū,
vel magnitudine, vel ædificiorum maiestate, hortorum amæ-
nitate, & reliquo supellectilis vel satellitij apparatu. Primus
nostrum inuitauit, & humanius accepit Regulus Chiengan, ab
eo exceptus est P. Matthæus in aula regia, veste ac diademate
insignito. iussus est confidere, & solita illorum potione vrba-
nitatis indice donatus est, de his supra sæpè; neque enim de-
cet, vbiq; filum narrationis intercidere. remisit etiam Euro-
pæa munuscula, quæ pluris ab ijs æstimantur, & nigro in mar-
more, quod apud Sinas reperitur, horologium horizontale
cum zodiaci signis, dierum ac noctium magnitudine ortus
& occasus in singulos menses hora, initio mensis ac medio de-
scripta cælauit. initium dixi ac medium; nam zodiaci signa a-
pud Sinas quatuor supra viginti numerantur. quæ res tota eo
in regno hætenus inuisa cum voluptate visebatur. nullum e-
nim ipsi sciotericum aliud nouerant, præter illud, quod ab æ-
quatore nominatur. Sed neque hoc ipsum apte nouerant, nisi
in trigesimo sexto gradu eleuati poli collocare. Addidit etiam
Sinensi charactere vniuersi totius globum è circulis cælesti-
bus, spheram, imagines, vitra, & alia huiusmodi Europæ no-
stræ opera. sed his ipse superari se minimè patiebatur. bombi-
cinis enim pannis, argenti pondere varijs, edulijs, munera no-
stra abunde remunerabatur, & ea regijs ritibus & pompa co-
hone-

honestabat. Nihil tamen æquè probauit, ut volumina duo, Europæo more compacta, sed è charta Iaponensi, quæ sanè leuis est, & ita dura, uti dubitare possis, utrum in ea magis admirere. alterum ex his voluminibus geographicas habebat tabulas aliquot, imò & nouem cælorum orbes, quatuor elementorum combinationem, & similia è Mathematicis petita disciplinis, addita erat eorum sermone superiorum explicatio. Volumen alterum, breuem de amicitia tractationem, Sinensi charactere cõtinebat: in eo fingebat P. Matthæus (quod olim Cicero fecit in Lelio) se ab rege interrogatum, quid de amicitia sentirent Europæi, atque ita breui Dialogo congeffit ea, quæ ex varijs Philosophis, sacris Doctoribus, & alijs probatis Scriptoribus, in ea librorum nostrorum penuria poterat collegisse. id opusculum in hanc vsque diem, cum stupore legitur, & magna legentium comprobatione commendatur. Hic liber Europæo simul ac Sinensi charactere scriptus, maiorem pariebat voluptatem. Sed non ita multo post prelo traditus est Sinensi, opera Gubernatoris cuiusdam vrbs è Canciana regione, ac deinde sæpius excusus est in prouincia Pechinensi, Cechiana, ac plerisq; alijs, & eodem semper litterarum applausu, quin etiam alijs in libris à grauibus authoribus citatur, ita super ætatem autoritate excreuit. Et hoc est cæterorum, quæ idem P. Matthæus Sinice scripsit, volumen primum, quo volumine multorum contraxit amicitias, & per ora hominum volitare cæpit, hæc fere cum utroque Regulo gesta. sed Chiengan diutius in amicitia perseuerauit, aut potius ad mortem vsque, imò etiam in filium velut hæreditate transmisit, & quidem quoad vixit parens, frequens P. Matthæum euocabat, & quoties is venerat in conuiuium adhibebat, sellæ gestatoriæ baiulis pretium soluebat, nummos famulis P. Matthæi distribuebat. his enim solent indicijs prodere cum insignem dealicuius aduentu capiunt voluptatem.

Liber de amicitia, Sinensi charactere à P. Matthæo conscriptus.

Nec

Nec authoritatis minus, plus etiam aliquanto dedit contracta cum alio hominum genere familiaritas. ij sunt litteratorum illius vrbs velut satrapæ, qui se in eorum sodalicio veram legem explicare profitentur. Sodalitij caput erat eo tempore septuagenarius quidam, cognomine Ciam: is cum suis sodalibus, de P. Matthæo multa audierat, à familiari nostro Chiu-taisò, qui aliquamdiu ea in vrbe subliterat, postquam in nostros incidisset, à quo tanta fuerant nostri ambitione comendati, vt iure vereretur P. Matthæus ne conceptam falleret expectationem. Hi ergo qui ceteros elato supercilio despiciunt, magna submissione, ad P. Matthæum accesserunt, quibus gratum hoc accidit, audire illum de Sinarum libris aptè differentem, quæque diceret domesticis telis suis propugnantem, & res subinde accidit exigua quidem, sed quæ non exiguam opinionem conciliauit. Ex frequenti Visitatorum importunitate, & eorundem officiorum necessaria compensatione, ita P. Matthæus fatigabatur, ut ab ægritudine parum abesset, ea de re cum amico illorum Capite querebatur: is auctor illi fuit, vt domi se adesse aliquando per ianitorem negaret. Respondit P. Matthæus, id homini, qui virtutem profiteretur, quod mendacium sit, interdici. Gentilis Philosophus subrisit. cui P. Matthæus ostendit Christiana lege prohibitum, non solum mēdacium illud, quod alteri perniciem accersit; sed id etiam, quod inter obsequendum vel iocandum clabatur: eam legem in Europa omnes quidem debere, sed Religiosos maxime, & eos qui se aliorum magistros esse volunt obseruare: quin etiā viros plerumque primores ab ea re velut indigna abhorrere. obstupuit ille legis nostræ sanctitate, & à stupore in laudes erupit, nam vt erat ingenio subtili & exulto, facile ex hac vna re, sanctissimæ legis nostræ puritatem colligebat. inde ad alios eo narratore res alioqui exilis erupit, & instar prodigij narrabatur, P. Matthæum è regionis suæ consuetudine, ac legis præ-

P. Matthæus
veritatis tenax

praescripto, nollemēti: imo cum ea de re in sodalitis sermo illatus esset, dixit is qui audierat, satis planē erit si nos mēti-
turi puduerit, nam ut plane abstineamus, vix puto posse à nobis impetrari.

*Socius P. Matthæo Nancianum mittitur, & à
nostris aedes propria comparantur.*

CAPVT DECIMVM TERTIVM.

PROSPERIS nouæ sedis euentibus delectatus P. Matthæus, So-
cios quoque suorum fecit participes gaudiorum, sed maxi-
me Collegij Amacaensis Rectorem P. Eduardum, à quo velut
superiore suo, Sociorū & sumptuum praesidia postulabat. Mi-
sit igitur ille Nancianum P. Ioannem Soerium Lusitanum, &
cum eo Xauceo alterum è fratribus nostris Franciscum Mar-
tinez destinauit; de sumptu verò per rei familiaris angustias,
non licuit aliud submittere, quam quod in aedes ac sumptus
eius anni domesticos satis esset Impetrauerat à Nanciano Ma-
gistratu quodam interim diploma, ut comitem è Cantonien-
si prouincia euocaret, quo diplomate muniti, nullo prohi-
bente Nancianum deuenerunt, & in transmittendo monte
illo, de quo supra, Neophytorum Nanchiunensium praesidia
repererūt, qui etiam sunt hac occasione à transeuntibus visi-
tati. aduentus comitum, celebritatem Dominici Natalis, anni
millesimi quingētesimi nonagesimi quinti latitia cumulauit.

P. Matthæus
Nancianum per-
uenit.

Ex aduentu comitis motus aliquis in vrbe sentitur. quidli-
bet enim de aduenis suspicari, & loqui fas erat, eos videlicet
aliquid sinistri machinari, & medicum illum, de quo supra, eò
quod nostris faueret, Alchimisticae artis ineptias abijs didicis-
se, sed de his in circulis mustitatum, nullus in publicum tu-
multus erupit.

Pater Matthæus interim, cum Proregem habet beneuolū,
stabiliendam sibi eius auctoritate stationem persuasit. Ergo
Rr cum laborat.

P. Matthæus
de statione in
vrbe facienda
cum laborat.

cum ad Proregem deliniendum munera concinnasset, qualia Regulis cum fere dedisse supra cōmemorauī, ad eum cū libello se contulit, eo libello diploma petebat, quo in vrbe residere, & proprias sedes comparare sineretur. Prorex acceptis donarijs beneuolentiam compensauit: de diplomate rescripsit, vti Gubernator ea de re inquireret, & se redderet certio- rem. Is Guam appellabatur, vir alioqui bonus, sed timidus nimium: ne forte sibi malum aliquod accerferet. Ergo tentauit utrum in agrum suburbanum posset nostros volentes relegare, & locum ijs in profanorum Sacerdotum Cænobio designabat; sed cum locum nostri, ne iterum sese sordido abiectoque nomine fœdarent, & Euangelij cursum sisterent, recusarūt: vnde Gubernator frigidè vt cumq; in nostrorum causa respondit, ac deinde sæpius rogatus, semper tamen diploma pernegauit. Et momento pristinos vrbs vniuersæ fauores abrupit, & prope stationem euertit, ita maiorū exempla efficacia sunt in utramq; partem: adhibitīs demum intercessoribus permittit, vti suo arbitratu urbem incolerent, sed è suo tribunali diploma ne sperarent. Proregi vero ciui & amico suo nō scripto, sed sermone facile satisfecit. Sed neque hic substitit P. Matthæi industria. nam memoriæ, quæ ab locis & imaginibus iunatur, cōmentariolum filijs Proregis dedicatum, detulit ad parentem. cōmentarius hic toto regno deinde euulgatus, à multis in vsum adhibebatur: addidit etiam horologium nocturnum, è polo arctico cōspecturis, ab eo exceptus est solito etiā vrbanius, ac de litteris patentibus ad ædes comparandas respondit, se nondum eas à Gubernatore accepisse, sed prope diem effecturum, vti scriberentur, & reuera cum Gubernatore serio rem illam egit, cui visum est nihil opus esse diplomate, sed satis esse viuæ vocis oraculum. Ergo Patrem admoneri iussit, sibi ædes & agros pro arbitratu compararet, nullo diplomate opus esse, ac neminem fore qui impediat. Idem responsum

Cōmentari-
lus de arte me-
monia Proregi
offertur.

sum Pater accepit à Gubernatore, qui etiam addidit, se suum fore protectorem: petijt etiam Sciotericos horarum indices duos, alterum vt in patriam mitteret, Prouinciam videlicet Cechianam, alterum vt eo in quotidianos vsus vteretur. Ea breui confecta ad eum detulit, qui in muneris remunerationem argenti pondus misit longe sumptibus maius, quod Patri remittere per vrbauitatis leges non licuit. Superiorum enim munera nunquam remittuntur.

Hac igitur impetrata Magistratuum facultate, visi sunt sibi nostri iam posse conuiescere, & quibusdam etiam videbatur fortasse non imerito hunc modum esse tutiorem nam qui diploma scripserat, quolibet motu aut metu territus, subito acerri- mus erat in dimittendis nostris actor; ideo quod auctor haberetur, & totam facti inuidiam humeris sustineret. quotquot vero diploma non scripserant, sine periculo, quod Sciauchini saepe fecerunt, fauere Magistratus, ac nostri quod acius diploma vrgerent, seipsos ipsi de suspitione ac metu inculabant, cum alioqui tutius esset post tot annos intra regnum decursum, pro indigenis, & non pro aduenis sese fidenter gerere.

Ergo hoc iam negotio perfuncti, de alio magis laborabant. De locanda
sede laboratur nam neq; comoda locabantur aedes, nec ad coemendas nummi suppetebant, & tamen vtendum tempore videbatur, ne friggente Magistratuum beneuolentia, impedimentum aliquod suboriretur, & commodae aedes quaedam venales prostabant, tempori & vsibus non inepte, sed loco percomodo, non procul a Gubernatoris palatio, precium quoq; moderatum ferebatur. nam aureis non amplius sexaginta res concludi posse videbatur, & ad conducendam domum ab Superiore quinquaginta receperant. Visum est igitur potius propriam comparare licet angustiores, quam laxius in annum habitare. nihil id obesse, quin post modum maiores aedes per otium quarerentur. ita factum, vt designatum, & in eam quoq; ex templo demigratum.

Rr 2

Deinde

Vicinia querelas deponit contra Patres.

Deinde ad vsus nostros quantum ædificij ratio tulit concinnatur, & ne quid fortasse tumultus oriretur, ita secreto res tota confecta est, vt prius vicinia nostros venisse, quam venire voluisse rescuerit, atque ita designandæ alicui calumniæ tempus eripitur. Vicorum tamen Præfecti ad Gubernatorem detulerunt, & querebantur homines aduenas in suam viciniam demigrasse; quibus Gubernator ita respondit, ut ipsi consentirent: asserebat enim se iussu Proregis inquisitione facta didicisse, P. Matthæum annis supraviginti (augebat nonnihil Gubernator) in Cantonienti Prouincia ita vixisse, vti nemini vquam molestus extiterit, constare sibi eum virum bonum esse, quem inmerito reijcerent, maximè cum Prorex facultatem illi dederit, & in ea vrbe commorandi, & ædes comparandi. ergo quietiores hæc ad viciniam retulerunt.

Magistratus munusculis Europæis donatur.

Catechismus diuulgatur.

Aedibus iam coemptis, P. Matthæus vrbanos omnes primarios Magistratus visitauit, & suis singulos munusculis missis Amacao donauit, sed ita tamen, vt ne in morem inducerentur maiora quam impofterum dare liceret aut deceret. Denique hac in vrbe stationis nostræ rationem Socij vsu doctiores, aptius ad frugem faciendam, quàm in Cantonienti Prouincia fecerant, composuerunt. Hoc ipso tempore Catechismum suum reuisit P. Matthæus, auxitq; & ita concinnauit, vt iam ab litteratis viris profectus videretur. nec vt prius ab infami sacrificulorum nomine, neq; à cultu eo in libro lectores abhorrebant. Atq; ita disruptis prioribus tabulis, recens in vsum introductus est.

Xaucei P. Lazarus Catanens ingenti labore fatigatur, Et alij duo Socij euocantur.

CAPVT DECIMUMQUARTVM.

HÆc Nanciani varijs erum euentis agebantur. interim P. Catanus Xaucei Sinenses in litteras incumbibat, & procurabat

curabat nouo litteratorum habitu, rem Christianā ad exemplum P. Matthæi promouere, eo habitu Magistratus visebat, & ea res ex animi cedebat sententia, rei quæ Christianæ cursus intra solitum alueum ferebatur, sed eum litteratuli nonnulli illius ordinis ex vrbe vicina, regionis tamen Xauceanæ, gens parum exulta, & præ cæteris Cantonienſib⁹ barbara (sic enim reliquo regno Cantonienſes omnes appellantur) eū inquam curſum perturbarunt. nam vespertinis horis cum in domum ſemipoti vellent ingredi, ac prohiberentur, vim pararunt frequenti domum & ianuam lapidatione impetentes. Egreſſi domo ſamuli vim vi repulerunt, & eos in ſcaphas ſuas ad fluminis ripam è regione domus noſtræ redegerunt: ibi adſcitis in auxilio amicis & ciuib⁹ ſuis impetu maiore in eſdes noſtras iruerunt, quibus ſamuli nec cedere voluerunt, nec reſiſtere potuerunt. nonnulli ſaucij vix à Patre tumultū ſedante, ægre in domum recepti ſunt, ſed neq; ipſi inſunes ad ſua redierunt.

Die inſequenti vel iracundia permoti, vel metu rei per vim geſtæ deterriſi, priores ad Gubernatorē accuſabundi concurrerunt. apud eum ingens multitudo in vnū corpus coacta inconditis clamoribus iniuriā à noſtris & vulneta ſe accepiſſe vociferabantur, & in eum modum bacchantes per celebrioris vrbis vicos, obuios magiſtratus appellabant, è quibus pri-
mi duo, in quorum tribunalia deuenerant, accuſationis libellum reiecerant, aſſerentes conſtare ſibi aduenas illos nemini moleſtos eſſe, & ſi quid ipſi ab illis iniuriæ recepiſſent, id iniuria factum ſibi minime perſuadere. non deſuit tamen vnus aliquis tertius, nempe Gubernatoris aſſeſſor, qui priuatā, vt arbitrabatur iniuriā ſibi à noſtris illatā auctoritate publica vlcisci minime dubitauit. querebatur enim noluiſſe noſtroſeius in ædibus, horariam machinam diutiſſimè eius arbitratu detineri: accepto igitur libello, duos è domeſticis ſamulis noſtris in tribunal accerſit, quos inaudita plane cauſa, atrociter in ac-

Socij defenduntur.

R r 3

cuſato-

Vnus è sociis
ignominiosè
tractatur.

Malis occurritur.

cusatorum conspectu verberari iussit: subsequutus est paulo post è fratribus nostris Sebastianus Ferdinandus, vt eos vel rationibus vel precibus tueretur. Verum iuuenes illi cum iudicem sibi propensum nacti essent, etiam in ipsum fratrem nostrum irruerunt, & inhumane raptantes assessori stiterunt, vociferati eum esse à quo iniuriã, & à quo præ cæteris vulnera accepissent. Nec dubitauit, etiam illum inaudita causa verberibus subijcere, & alia insigni ignominia afficere: id fit in hunc modum. Tabula ingens vlnam ac dimidiatam quadrata, foramen habet in medio ad colli ambitum coaptatum: ea tabula, quæ aperiri & claudi potest, collum includit, è qua caput eminet, ita vt tamen ori manus ad mouere non liceat, nec cibum aut potum capere, nisi manibus alienis. fratrem igitur nostrum hac ignominia damnatum, totum eum diem pro foribus palatii stare iussit, cum inscriptione in hanc sententiã exscripta, quod Baccalaureos verberarit. Hoc ignominia genus est in hac gente non infrequens. his peractis tumultuantes remisit.

His malis vti mederetur P. Cataneus, hoc consiliũ inijt. aduertit omnium turbarum causam ædis sacra prætextu capi. Illam igitur sacram in priuatum sacellum transtulit, non eo solum quod cõmemorauit consilio, sed etiam vt se à sacrificii infamia liberaret, & ad hanc ædis destructionem aliud addidit, quod sane fuit opportunum. nam ea omnia, quæ domi nostræ ab amicis cum voluptate spectabantur, sustulit è conspectu: tum vt otiosam multitudinem excluderet, tum maximè vt luctum de iniuria profiteretur. His rebus quietior quidem, sed nondum molestijs liber viuebat. affectum etiam nuper ignominia fratrem è conspectu eripuit, & ad P. Matthæum misit rogans, uti Socios permutaret, quod & factum est. dixi posterius consilium fuisse satis opportunum, cum enim non ita multo post, nonnulli Xauceum Magistratus aduenissent, & cupere se dixissent, aduenas & res Europæas spectare, cum simul

omnes

omnes domum nostram venissent, dirutam ædem, ædes vero nudas conspexerunt. qua re permoti, tertium assessorem, qui cum reliquis venerat incusarunt, quod in eonegotio præcep- & parum iustus fuisset, nec abnuvit ille, sed palam cōfessus culpam querebatur, se à litteratulis illis extra iustitiæ limites præcipitem abreptum. demisse igitur Patrem coram omnibus veniam rogat, & ut eum demulceret ad solemne epulum, quod hospiti- bus Magistratibus exhibebat, in vicino fano cum solem- niter inuitavit, ubi magnam ignominiam maiori honore, quem in eo epulo illi exhibuit, videtur compensasse.

Assessor igno-
miniam hono-
re compensat

Sub idem quoque tempus Magistratus quidam, toti Xau- ceanæ Rēgioni communis Pimpithau vocant, Xauceum de- uenit, & domum nostram magna pompa inuist, Patrem Ca- taneum secum sedere iussit, quod primis temporibus erat per- rarum. quibus officijs, nōnihil iniuriæ priores oblitteratæ Sed nondum ab assessore recedamus. Is attentius excussa, quam inconsideratius fecerat, iniuria, valde veritus est, ne quam crudelitatis notam & inde officij iacturam incurreret. Ergo uti omnia refarciret, sua sponte edictum scripsit, in hanc sen- tentiam rei totius euentum narrabat, & deinde culpam om- nem in Magistellos illos referens, nostros ab omni culpa libe- rabat (magna vis veritatis) inde asperrimis verbis commone- bat omnes, viderent etiam atque etiam, ne quam Patri, ne quam domesticis, molestiam facefferent, alioqui graues pœ- nas se daturus.

Assessor iniu-
riam Socijs il-
latam edicto
compensat.

In hunc fere modum P. Cataneus, absque Socio Sacer- dote in annum Domini nonagesimum septimum commora- tur. nam qui designatus erat illi comes Amacai parum firmis viribus utebatur, & periculosum videbatur in eam Xauceani aeris inclementiam valetudinarium amandare. & alias Visita- tor P. Valignanus Indiæ præfesse ex Præpositi Generalis aucto- ritate defecerat, & solum Iaponiam & expeditionem Sinensem cum

P. Cataneus A-
macaum pro-
ficietur.

cum eodem Visitatoris titulo gubernabat : vnde ex India operarios euocare integrum illi non erat. In hac solitudine & laboribus P. Cataneus grauitur, & prope desperata salute laborauit, eoq; res deuenit, vt Amacaum ire cogeretur, in cuius locum P. Ioannes Aroccia, Lusitanus, vt erat valetudinarius Xauceum mittitur, iubeturq; se domesticis parietibus continere, & rem domesticam tantisper moderari. Interim ex India Visitator aduenit, & P. Cataneo expeditionis Xauceanae Socium P. Nicolaum Longobardum Siculum designauit. quem reuersus in stationem suam P. Cataneus secum abduxit : & quoniam de exiguis viribus P. Ioannes non bene audiebat, eum in Collegium euocabat, alteri cuiuslibet rei applicandum. Verum ille fortiter stationem suam retinuit : & re vera solito firmiter Xaucei quam Amacai vixerat. Ergo mœstus excludi se prima sua, vt aiebat, vocatione, illo maxime tempore, quo confectis studijs inchoare oporteret; hæc omnia Visitatori ita feliciter proposuit, vt cum reliquis duobus omnium votis remanere sineretur, qui iam præcesserant & domum appulerant nullo prohibente.



Finis tertii libri.



DE

DE CHRISTIANA

EXPEDITIONE APVD SINAS

AB SOCIETATE IESV SVSCEPTA.

Liber Quartus.

P. Matthæus secundò Nanchinum redit.

CAPVT PRIMVM.

Patri Visitatori iam Indicis negotiis libero, Sinenſis expeditio in primis cordi fuit, vt eam prius benè conſtitueret, quam in Iaponiam nauigaret. In primis vtu Magiſtro iam didicerat, deſperatam eſſe, ſed & parum aptam ad finem de re Chriſtiana promouenda conſequendum, Legationem, quæ ab Rege Catholico, vel à Pontifice maximo annis ſuperioribus ſperabatur, ad Regem Sinarum deſtinare. Videbat etiam diuinis maxime præſidijs, & Sociorum qui res Sinicas altius iam penetrabant industria, expeditionem illam ſupra ſpem creſcere, & plus indies accipere firmitatis, ſtatuit exiguo illo, quem habebat apparatus tentare, ſi quid in eam rem conferre poſſet dignitatis.

P. Viſitator ſuperiores conſtituit pro re Sinenſi.

Aduertit primum varijs ex cauſis, non ita procliue eſſe, ab Amacaenſis Collegij Rectore, illam expeditionem gubernari, qui negotia præſens intueri, ſed nec intelligere ſatis poteſt, Et vt poſſit tanta locorū intercapedine diſiunctis neceſſe eſt sæpè proximas rei bene gerendæ occaſiones elabi. Statuit ergo vt totius expeditionis Superior ex ijs vnus eſſet, qui in regni penetralibus viueret. P. Eduardum ab eo munere, inclinata iam in ſenectutem ætas excluſit, ne in interius regnum remandaretur. Inter eos porro, qui eam vineam excolebant,

Ss

P. Mat-

P. Matthæus
Riccius Superi-
or expeditio-
nis Sinensis re-
nunciatur.

Munera Nan-
cianum Ama-
cao mitterentur

P. Matthæus cæteros etate, ac rerû usu ex diuturniore in hoc regno mora superabat. Eum igitur totius expeditionis Superiorem renunciavit, & habenas laxavit, uti de tota expeditione, prout ad maius illius bonum videretur disponderet, & novas sicubi spes affligeret, nostrorum sedes collocaret, In reliquis etiam suas ei secum facultates communes esse voluit. Et præ cæteris enixe cõmendavit, uti modis omnibus ad Sedem Pequini figendam adspiraret. Videri enim non aliter securam nostrorum in hoc regno stationem fore, nisi aliquis ab Rege Fauonius fauori afflaret. In hunc finem ea omnia, quæ congerere potuit, Nancianum misit; Deiparæ Virginis iconem ex Hispania missam; aliam quoque Christi Seruatoris effigiem; Et horariam molem non maximam, quæ internis rotis agitata, horas vel dimidiatas, vel integras, nec non & ipsos quadrantes magno artificio, suis interuallis distinctas, sono euulgabat. Eam machinam Claudius Aquanius Præpositus generalis huc in eum finem destinarat, ut sub cuius auspicijs hæc expeditio exisset, eiusdē præsidij promoueretur. Nec dissimilem huic Philippinarum Insularum Antistes ad Visitatorem transmisserat, Sinensi expeditioni profuturam. His addidit, quicquid Amacai corradere potuit earum rerum, quæ ad rem facere videbantur. Ea omnia Nancianum usque transmisit.

Ideo vero, quod non erat libera Amacau nauigatio, Collegij Rectori mandauit, uti nostris ea melle occupatis, de omnibus ita prouideret, ac si eos ut prius moderaretur: eundemque esse voluit Sinensis expeditionis ac Iaponiæ Procuratorem, uti exigeret ea, quæ vel Regis Catholici iussu, vel elemosynæ nomine, ab alijs donabantur, quod sæpè Amacaenses Lusitani & liberaliter faciebant, quorum sane in hac expeditione promouenda pietatem, neque nos decet obliuisci, neque posteros ignorare.

P. Emanuel Diaz
az Collegij A-

P. Emanuel Diaz, dudum è Lusitania venerat, & in India non

non semel Superior fuerat renunciatus, & nunc degebat Amacai, ex eo quod in rem Sinensem propensus videretur, & alias reliquis ad id Collegium regendum dotibus instructus erat, à Visitatore Rector est appellatus eius Collegij, quod erat nobilissimarum duarum Missionum Sinensis ac Iaponiensis Seminarium. P. vero Eduardus Exrector, administrato per annos plures eo Collegio in magna temporum varietate, non ita multo post vitam in Religione nostra sanctissime actam, sanctissima quoque morte conclusit. Is à puero prope Societate inita in Senectutem usque magnum ingenium, & præclaras animi dotes in Doctoris, Concionatoris, ac Superioris officijs continuo exercuit, magna semper omnium vel domesticorum, vel cæterorum comprobatione.

macaensis Rector pronuntiatur.

P. Eduardus moritur.

P. Matthæus igitur pro eo, quod à Visitatore iubebatur, omnem lapidem mouebat, omnia circumspiciebat, ut aliquo tandem modo in Regiam usque penetraret. Prius putauit sibi tentandum Regulum illum familiarem Chiengan, qui proximus in Regio sanguine Regi habebatur. horologium illi & alia nonnulla ostendit, quæ Regi munuscula deferenda compararat, sed demum intellexit, ineptissimum illum esse, ad eam rem conficiendam, modum. Rex quippe non modo suos illos propinquos in nullam Reipublicæ partem vocat, sed ab ijs etiam sibi cauet, à quibus nihil dubitat, si liceret, regnum affectari. atque ita res erat periculi plena, & quæ expeditionem vniuersam, pro eo quod promouere posse sperabatur, fortassis erat euersura Sed neque ipse Regulus regiæ suspicionis conscius, sese voluit ea re immiscere.

P. Matthæus in Regiam penetrare conatur.

Suspicio Regis

Interim auditum est illum Guan, de quo paulò superius dictum est, in Insulam illam Australè, Hainan nomine patriam suam ex aula repetentè, Xaucei nostros inuisisse, & magnam familiaritatè contraxisse, auditum est inquam eum ab Rege Nanchinum reuocari, ut præses esset primi Tribunalis, quod

SS 2

à crean-

Guan præses
primi tribuna-
lis futurus Nā-
chinum voca-
tur.

à creandis Magistratibus Li Pu appellatur, quod Sinicè Magi-
stratum tribunal sonat. Ergo Pater Matthæus P. Cataneum
monuit, uti in eius transitum intentus esset. receperat enim
se cum in Aulam reuocaretur, eo Patres abducturum, ut Si-
nensium fastorum errores ad syderum normam reuocarent,
& alia è Mathematicis disciplinis petita euulgarent. Venit i-
gitur Xauceum, & à P. Cataneo inuisitur: ex eo quærit, ubi P.
Matthæus cōmoretur, eoq; Nancianum metropolim nomi-
nante, exultauit asserens se cum eo ibi congressurum. P. Ca-
taneus obtulit se comitem Nancianum usque, uti hoc negoti-
um aptius inter ambos discuteretur. nec abnuit Magistratu-
um Præses. Ergo commendata P. Nicolao Domo, comitem
adsciuit P. Ioannem, uti Nanciani remaneret. præcesserat il-
le Præses, & eum diurna nocturnaq; nauigatione P. Cataneus
cum assequi laboraret, biduo præcessit, quod spatium tempo-
ris ad rem fecit aptissime. interim enim tota res à Patribus agi-
rata est, atque constituta, & sarcinæ conuulsæ. Visum est igitur
omnibus, uti P. Matthæo se P. Cataneus comitem adiun-
geret. Aduenit interim Tribunalis Præses, quem nostri mu-
nisculo suo, è rebus Europæis instructi visitauit, è quibus o-
mnibus nihil æquè arrisit, ut vitrum illud Trigonum, de quo
sæpè supra. nam cum id Xaucei primo congressu cum nostris
conspexisset, imaginatus est lapidem esse apprime preciosum,
ibat Præses honore letus, quo eum Rex reuocando affecerat,
cum antiquo suo Magistratu, & spe non dubia, quin deinde
Pechinum ad eandem dignitatem accerferetur, è qua primo
saltu in summum Colai munus euaderet. Cum igitur Patres in
mollia fandi tempora incidissent, de suis rebus sermonem in-
iecerunt, Nanchinum ire, Regi munera deferre velle com-
memorabant; voluit is videre regia munera, quæ summopere
placuerunt, & ut rem procliuiorem redderent, asseruerunt ab
eo se præter fauorem sperare nihil, se ac suos, sumptus factu-

Præses Guan-
comitibus So-
ciji Nancianū
venit ad P. Ma-
thæum.

Socij Nanchi-
num se ire vel-
le Præfidi in-
nuant.

ROS.

ros, & in eam rem, quantum opus foret, operæ ac laboris expensuros. Quibus ita respondit, non solum placere sibi uti secum Nanchinum nauigarent, sed Pechinum quoque, quo post mensem ab aduentu suo ire oportebat, ut Regi redeuntis anni Natalem diem gratularetur, qui in decimâ septimam diem octauæ lunæ, quæ apud nos Septembri mense splendet, incidisset, & ei videbatur, non incômodum esse tempus. Regi hæc inuisa munera deferendi.

Ergo P. Matthæus statuit rem, uti apparebat opportunissimam minime negligere. adscito igitur in comitem P. Catanæo, à quo plus auxiliij sperabat, duos alios Socios Nanciani dereliquit, & nauigio conducto, pro se ac suis iter arripuit. Patribus accesserant fratres nostri duo: Sebastianus Ferdinandus, & Emmanuel Pererius, quem ideo fratrem nostrum nomino, quia non ita multo post in Societatem est cooptatus. De his fratribus nostris obiter, & in cursu vnum monebo, nihil mirum videri debere, si illi natione Sinæ Lusitano cognomine appellentur. hi enim in oppido Amacaensi nati, filij sunt Sinarum quorundam, qui vna cum fide Lusitanum quoque cultum volentes induerunt, & nunc sunt Lusitanis similiores quam Sinis, cum vero Baptismum suscipiunt, à Patrino, ut vocant, nomen simul & cognomen accipiunt, quanquam & hi Sinenfis familiæ cognomen non dimittunt, sed eo utuntur solum, cum Sinenfi sermone dicitur aliquid aut scribitur: nos Lusitanum ut notius in Europæo sermone vsurpamus.

In discessu Nostri, temporis angustijs exclusi, amicos minime salutarunt, sed nec Magistratus, ne ab ijs impedimentum aliquod nasceretur, nec de diplomate, ut olim curatum. eius enim Magistratus Societas omni diplomate securior videbatur, imo ex eo itinere Nanciana sedes securior, & vniuersa expeditio multum accepit firmitatis. quis enim est ex omnibus Magistratibus, qui Præsidentem Tribunalis Magistratu-

P. Matthæus
comite P. Catanæo
Nanchinum nauigat.

tuum non vereatur offendere, atque ita omnino cecidit. nam toto tempore, neque Xaucei neque Nanciani contra nostros Mussitatum.

Præsidem Socij in nauigatione Nanchinum versus sibi magis magisque conciliarunt.

Nancio soluerunt nostri postridie eius diei, qui Diuo Præcursori sacer est, octauo salutis anno supra nonagesimum. toto eo itinere, quo nauigatum est Nanchinum versus, Præsidem sibi magis magisque conciliarunt, eius filios atque domesticos munusculis delinierunt, sed maximè gratiam ambierunt eius, quem consiliorum suorum participè ac prope arbitrum faciebat. Vxoris fratrem, qui naturæ bonitate ductus Patribus fuit, quamdiu in viuis fuit, totos dies in Præsidis nauigijs de hoc negotio prospere conficiendo tractabant, & subinde auctor erat Præses ipse, vt ex horarijs machinis Regi altera Palatino altera cuidam ex Eunuchis donaretur, qui eam rem suscipere vellet promouendam. Sed abnuir P. Matthæus alium protectorem huic negotio nominare, nec eam machinam alteri quam illi ipsi donare, qua rem ire captus est, & huic negotio illigatus, nec promissum diu dilatum. nam extemplo illi horologium Socij donauerunt, cuius vsum sensum edoctus, ille ipse cum opus erat moderabatur.

Iapones regnū Coria infestāt.

Nanchinum vbi ventum, omnia formidinis plena repere-
runt. nam Iapones suis finibus egressi regnum Coria infestis
armis impetuerant. id Sinæ quod esset vectigale magno sum-
ptu tuebantur, & exigua spes eo tempore apparebat, Iaponum
impetum retundendi. Ea res effecit, vti nemini satis animi
fuerit, ad Nostros hospitio excipiendos. nam grauibz edi-
ctis nuper cautum erat, ne quis in ædes suas reciperet homi-
nes, qui vel habitu, vel vultu suspicionem ingererēt, quin pau-
cis ante diebus Iaponios exploratores interceperant, qui in o-
mnem partem vagi omnia contemplabantur. ergo æstus ma-
ximos exiguo nauigio male recti superarunt. neque hic suam
Præses auctoritatem interposuit, sed & ipse trepidare cepit,
ne adue-

Socijs & Præ-
sidi metus in-
ijcitur.

ne aduenas adduxisse sibi fraudi esset. P. Matthæus tamen in urbem frequens itabat ad Præsidentem inuisendum, sed semper gestatoria sella reclusus, quanquam non ita regi potuit, quin de eius aduentu monitus fuerit summi militum Præfectus totius regni. id autem nostri eo tempore ignorarunt, & post annos plures ab eo ipso audierunt. narrabat enim se exploratores misisse ad eum intercipiendum, à quibus eum relatum esset eum in Præsidentis palatium itare, ab iniuria abstinuit, vel Præsidentis metu, vel quod nihil esse periculi crederet in eo, quem vir tantus sua familiaritate dignabatur.

Interim de re tota consilium hoc inierant, Regi libellum Nanchinum mittere placebat per eum, qui velut Cancellarij quem vocamus officio fungitur, & libellos Regi destinatos Nanchino transmittit, & iam eum libellum P. Matthæo scripserat insignis litteratus, & aulicis negotijs assuetus, qui libellus cum non prolixus esset, octo tamen aureis vix à scriptore impetratus. tanti litterati Sinenses scriptiones suas solent æstimare. Verum ea res in ventos abiit. nam tametsi Magistratus ille Præsidi esset peramicus, adduci tamen non potuit, ut sese aduenarum libellis immisceret, & ut tergiuersationem consilio cohonestaret, auctor erat, uti Præses ipse nostros Pechinū secum deduceret, eum ibi libellum illum facilius & efficacius Regi traditurum, qua tergiuersatione vel potius repulsa, nostri Nanchini in Præsidentis humeros reciderunt.

Consilium ini-
tur de libello
Regi transmit-
tendo.

*A Nanchinensi Prorege P. Matthæus euocatur,
inde cum nostris Pechinum nauigat.*

CAPVT SECVNDVM.

PRÆSES iam desperans de negotio illo Nanchini conficiendo, nec ausus fidem tot acceptis donis obligatam frangere, omnino statuit Nostros in Aulam secum abducere, & nego-

*Præses Socio-
rum negotiū
seriō tractat.*

negotium illud de munere Regi offerendo, adhibitis Eunuchis amicis suis, omnino tentare; verum quoniam illum iter terrestre arripere oportebat, ut ad certam diem Pechinū Regi sex Tribunalium nomine gratulaturus diem Regis natiuitate latum perueniret: sarcinas suas flumine trans mittebat domesticis duobus cōmissas. monuit ergo nostros, ut simul eodem nauigio veherentur, & vbique se pro domesticis suis gererent. id nauigium non male refert triremim nostram, quam à nauigandi celeritate Sinæ nauem equestrem vocant. in ea uti liberius nauigarent nostri, stationē vnā precio conducere, quam communi cum famulis Præsidis contineri maluerunt, & ea statio Patres ambos cum reliquo suo comitatu commode capiebat.

Inter sarcinas suas & Regia munera ingenti tabula expressam totius orbis descriptionem deferebant, quam characteribus Sinicis & breuibus commentarijs exornarat P. Matthæus. ea tabula Præses recreari solebat auidius, quod in ea vniuersi vastitatem non valde descriptam cerneret, & tot regnorū nomina diuersorumq; rituum nouitatem legeret, & ut eam velut terræ faciem altius imprimeret, in eam conspiciendā studiofius ferebatur. Præses igitur initio cum Nanchinum aduenit, è Sinenfi ritu maximi ad eum Magistratus concurrerunt, nouam aduenienti aut potius antiquam dignitatem gratulati, sed ut gratulationes vacuæ esse non solent, eas muneribus cohonestabant. Degebat eo tempore in vicina vrbe diei itinere Nanchinensis Prorex Præsidi peramicus. Is inquam nō in Regia Nanchinensi, sed alibi residebat. nam tametsi Prorex erat, inferior tamen Præsidi & alijs in Regia Magistratibus permultis censebatur. Inde fit ut Nanchini Proreges considere nolint; sed alio se conferunt, vbi Superiorem nullum habeant Magistratum. Is igitur olim ab alio quodam Nanchinensis Prouinciæ in vrbe quadam Gubernatore Geographicā terræ
super-

superficiem, quam P. Matthæus Sciauchini olim primam ediderat, & quia ea mirificè recreabatur, inculpi marmori prægrandiussit in Vrbe Luceù, & simul addidit elegantem inscriptionem illius operis encomium, quam inscriptionē ille quidem fecerat, sed auctoris primi nomen P. Matthæi videlicet in marmore reticuerat. inter cætera igitur quæ ad Præsidentem misit munera, vnā ex ijs descriptionibus velut à se cūsis transmisit. libri primi memoriam appello, cum de Typographia ageretur, ibi legitur, quā arte Sinæ, ea quæ marmori sunt inculpta exprimant potius quam imprimant. Præsides igitur cum aduertisset hanc orbis delineationem satis similem illi esse, quam P. Matthæus secundam ediderat, eo accersito dixit: Neque nos, inquit, vniuersa orbis delineatione carebamus. nam ecce tibi à Nanchinensi Prorege vnā accipio satis illi similem, quā à te excusam conspexi. Verum facile P. Matthæus fœtum suum parens agnouit, & narrauit hanc ipsam descriptionem primum à se Sciauchini editam, & amicis distributam huc etiam penetrasse. quare Præsides mirè lætus, hoc etiam opus ex eo pluris fecit, quod vir tantus vniuerso regno celeberrimus tanti æstimasset: Hic enim Prorex Sciaù cognomine his quidem temporibus paucos habuit famā pares, quæ illius ingenium sanè viuax, & ingerenda Republica dexteritatem ambiciosè celebrauit. & quidem ex ijs, quæ de eo cum publica munera gereret constanter narrantur, nihil illi videtur mendax alioqui fama temerè affinxisse. atque ita ex hac ipsa dignitate anno proxime insequente in Assessore Tribunalis vnus, Scilam vocant, Pechinum est euocatus. Porro cum in Prouincia Vquam à Regium quendam Eunuchū populo grauitè ferente, periculose tumultuatum esset, Rex ad eum tumultum sedandum sua sponte nullo suggerente, hunc ipsum Sciaù nominauit, quod fecit ille feliciter quidem; verum postea rebus prosperè gestis æquo fidentior à propin-

Prorex ad Præsidentem muneri loco mittit Geographicā descriptionem

Proregis Sciaù ingenium, & dexteritas.

Proregis integritas.

Tt

quis

quis Regijs in eadem Prouincia crudelissime fertur enecatus.

*P. Matthæus
opera Præsidis
in Proregis fa-
miliaritatem
venit.*

Sed ad rem redeo; Præles amico Proregi cum de munere scripto gratias ageret, monuit eius descriptionis Geographica auctorem apud se domi commorari, eo consilio, ut secum Pechinum concederet. ea re audita Prorex extemplo Militum Præfectum cum litteris ad Præsidentem legat, & enixe rogat, uti extemplo operis auctorem ad se mittat, dudum in votis sibi fuisse cum eo congregari, sicubi occurreret, quod eius celebri fama ad eum videndum vrgeretur: simul gestatoriam sellam, & baiulos mittebat, equos etiam & baiulos alios ad eius sarcinas aduehendas addiderat. Eo etiam nunc tempore cum Proregis legatio aduenit, P. Matthæus cum Socijs ac Sarcinis in triremem illam Præsidentis transierant, die insequenti discessuri. Verum auctore Præsidente Proregi negari non potuit, quæ petebatur P. Matthæi excursio, sed neq; videbatur nostris, uti hanc elabi sibi sinerent occasionem necessitudinis cum celeberrimo viro contrahendæ. Ergo P. Cataneo dedit in mandatis, uti præiret, se postea per dispositos equos facile triremem affecuturum. Ipse igitur sella gestatoria vectus, cum duobus famulis ad Proregem pergit, & comitem itinere toto habuit eum Præfectum militum, à quo fuerat accersitus.

*P. Matthæus
cum Prorege
colloquiū in-
stituit.*

Proregem igitur noster & Sinensibus ritibus & munusculis Europæis salutauit, quæ ipse libens, ut in re noua fieri solet accepit, sed Patris conspectu magis recreatus, nullum finem faciebat cum eo colloquendi. colloquijs materiâ dabant mathematicæ disciplinæ, & variæ de Europa quæstiones, quæ omnia mire comprobauit, unde decem totos dies eum apud se prope per vim retinuit, ut colloquendi cum eo cupiditatem exhauriret. detulerat secum P. Matthæus, ut de Regijs muneribus sermonem ingereret, quædam ex ijs, quæ Regi destinarat, inter quæ effigies fuit illa sanè nobilis Christi Sernatoris vitro pellucido & strijs eleganter ornata; eam igitur cum Pro-
regi

regi visendam in eius cubiculo detexisset, primo conspectu attonito similis substitit, deinde vtraq; manu striatas, quibus tegebatur valuas occludens, vultum auertebat. non intellexit P. Matthæus quorsum, & arbitratus est, cum effigie visa exhorruisse: dixit igitur: effigies hæc alium nullum nisi cæli ac terræ Dominum repræsentat. Cui Prorex, nihil inquit dicto opus est, seipsam quippe loquitur, non esse mortalis cuiuspiam imaginem. sed non est conueniens locus iste ad imaginē Numinis exponendam. Habebat ipse in Superiori domus parte, qua liber in cælum aspectus patebat, sacellum perelegans, in quo sacello ex litteratorum institutis cælo venerationem exhibebat. in id sacellum tribus portis aditus patebat: vna in Austrum, in Ortum altera, tertia in occasum ferebatur. in eius ambitu Porticus erat cancellis apte distincta, ultra cancellos hortulos ambiebat, & fruticum florumq; conspectu oculos euocabat. Eo igitur in Sacello à Curialibus suis erigi Aram voluit, & in Ara cercos & odores incendi imperauit, supra Aram collocata Christi Seruatoris effigie, Ipse sumptuosissimis officij sui vestibis indutus accessit, & debitam venerationem solitis, & sæpe cantatis hoc volumine ritibus quarto repetitis exhibuit, inde ad imaginem per otium contemplandam accessit, sed ita tamen, vt non ex opposito, sed ad latus venerabundus adstaret, atque ira multum temporis in ea spectanda consumens, auelli non posse videbatur. Idem reliqui deinde domestici eadem veneratione præstitere. Et quotidie ad eam repetitis ritibus ijsdem pari semper veneratione redibant. vnus porro ex eius cubicularijs in turribulum perpetuos ignes & odores Hero imperante curabat.

Prorex effigie
Saluatoris ve-
neratur.

Per eos dies omnes Prorex primarios viros, ac Magistratus ad prodigiosæ imaginis spectaculum admittebat. eos inter Præses fuit Ludilitterarum Prouinciæ Nanchinensis, qui deinde Pechini P. Matthæo fuit peramicus, & tandem Prouinciæ Fu-

Prorex Magi-
stratus ad spe-
ctandam effi-
giem Saluato-
ris inuitat.

Tt 2

chianæ

Prorox P. Mat-
thæum hono-
rificè à se di-
mittit.

Flumen Nan-
chinèse maris
filius dicitur.

Flumen flauū
magnitudine
celebre.

chianæ Prorex nominatus est. Noster etiam in hoc sacello to-
tum diem, vel officio diuino recitando, vel aliter orando,
quantum licuerat consumebat, & Deo pie gratulabatur ho-
nores illi ab Ethnicis etiam hominibus exhibitos. Cupiebat
quidem Prorex diu P. Matthæum apud se retinere, vt mathe-
maticas aliquot machinas extrui curaret, verum ex eo, quod
reſcierat Socios Pechinum verſus diſceſſiſſe, facultatem Patri
fecit abeundi, & abeanti magnum argenti pondus in itineris
ſumptus dedit, quod in tenuitate noſtra non fuit importunū:
ſed vtiliora etiam fuerunt, quæ dedit rem tantam aggredien-
ti monita, cuius ipſe difficultatem minime diſſimulabat, &
ſententiam ſuam exponere, eam rem euentu ſuo carituram.
Inde in ſellageſtatoria diſmiſſum ad flumen vſque deducendū
curauit, ibi celocem conſcendit vna cum eo, quem è ſuis cu-
rialibus elegerat, vti Patrem tam diu comitaretur, donec fuiſ-
ſet Socios aſſecutus: id fuit in vrbe, cui nomen Chingan. vnde
reuerſus ille, id Proregi renunciavit. Idem iſte Prorex, poſtea
Pechini gloriari apud alios Magiſtratus ſolebat, quod eam
Chriſti Seruatoris iconem, quæ Regi fuerat oblata, tot die-
bus intra Palatium ſuum habuiſſet.

Flumen illud Nanchinèſe, quod maris filium dicere me-
memini Iansū Sinice apoellari, Nanchinum vſque in Boream
vergit, inde nonnihil in auſtrum reuertens, magno impetu
in mare incurrit: quadraginta fere miliaribus, ex eo Nanchi-
num præterfluit. vnde ut in Regiam Pechinenſem flumine a-
ditus pateret, ex hoc in aliud flumen, Sinarum Reges, præ-
grandem riuum deriuarunt, id flumen flauum appellatur,
quem colorem aquæ ſemper turbidæ inuexerunt. Et hoc eſt
Regni Sinenſis alterum magnitudine & celebritate flumen,
quod extra regnum ad occaſum naſcitur, è monte, qui Cun-
lun appellatur, quem montem vero ſimilibus coniecturis col-
ligitur, eum ipſum eſſe, vel alium minimè remotum, è quo
Ganges

Ganges creditur scaturire. Id flumen à prima sua scaturigine lacum efficit, quem à constellationibus appellant. inde in Sinarum fines penetrat in Prouincia, maximè ad occasum, cui Sciansi nomen est, & iterum è Borealib⁹ muris in Tartarorum terras egreditur, deinde regreditur etiam ad Austrum, & Superiorem, è qua venerat Prouinciam, inde aliam, cui Sciansi nomen est, lustrat, & aliam, cui nomen est Honan deinde irrigat: post in ortum flectitur, & non procul à filio maris in Orientalem Oceanum influit. è Boreali Regione fluminis magni, quod Iansu vocauimus. Fluius hic nihil Sinicas leges veritus, è Barbaris Regionibus egreditur, & velut odium vlciscens, quo Sinæ aduenas prosequuntur, illuionibus perpèrè magnam regni partem fœdat, & alueum pro arbitratu mutat, cum plenus est arena, quam voluit. Huic designati magistratus, aut illius spiritui (spiritus enim multis rebus præficiunt) varijs ritibus litant; turbidos vero fluctus nonnisi intra mille annos semel serenare fingunt. vnde Sinense diuerbium est, si quando rem infrequentem explicant: cum flumen flauum serenabitur. vnde qui hoc fluuiò feruntur, oportet aquam in multos dies conseruare, dum lutum & arena subsidat: cuius non minus tertia parte intet fæces computatur. Ante huius fluminis ingressum & egressum riui reperiuntur, qui Pechinum com meatum deferentibus nauigijs, transitum præbent: ea nauigia ad decem millia dicuntur excrefcere, & solum è quinque Prouincijs Chiansi, Cechiano, Nanchino, Vquam & Sciantum mittuntur. Hæ quippe Prouinciæ Regi annuum vectigal oriza, frumentoq; pendunt: Reliquæ vero decem, argento numerant. Præter hæc nauigia alia innumera occurrunt Magistratum perpetuo euntium ac redeuntium, alia quoque permulta priuatorum negotiatorum: Priuati tamen negotiatores ex Hiansu flumine in hos riuos ingredi prohibentur, sed ij soli nauigant, qui intra Riuum ipsum ad Boream

Riui ex flumine flauo manantes.

Tt 3

habitant.

Aqua valuis li-
gneis contine-
tur.

habitant. id fit, ne immensa nauium multitudo transeunti-
bus aditum præcludat, aut aliquod Regiæ Pechinensi malum
moliatur, & tamen ita immensa est nauigiorum multitudo,
vt sæpe dies complures præstolari transitum, aliæ alijs præpe-
ditæ naues cogantur, maxime certis temporibus, cum aquæ
penuria in canalibus laboratur, cui vt mederentur, multis in
locis valuis ligneis aquam continent, quæ in pontes etiam vsu
duplicato instruuntur, hæc deinde valux pleno riuo patefiunt,
& nauigia aquæ currentis impetu deferuntur, atq; ita in aliam
ex alia cataractam magno nautarum labore nauigatur, & fa-
stidiosa itineris tarditate. Inde labor etiam crescit, quod in-
tra riuui angustias rarò nauigantibus venti fauent. vnde funibus
fere nauigatio promouetur, quin etiam non raro accidit, vt in
egressu cataractarum, vel ingressu, cum laborantes aquæ vor-
tices inuoluunt naues, demergantur: verum Magistratum
aut Primorum nauigia, machinis è ripa ligneis, in aduersas a-
quas attrahuntur, idque regijs sumptibus, itinere toto facti-
tatur, & in hoc quidem riuo ad nauigationis vsus concinando,
in annos singulos anni, vt arithmetico vocabulo vti liceat,
millionem expendi nihil dubitatur. Ea res stupori fortassis e-
rit Europæis, qui è Chorographicis tabulis intellexerint, iter
fore in aulam Pechinensem breuius atque expeditius, & sine
sumptu, si mari nauigetur, sed maris & Pyratarum metus ita
in Sinarum animos alte penetrauit, vt in aulam comineatum
mari deferendum pro maiori incommodo putent.

Inter Nanchi-
nū & Pechinū
ciuitatū mul-
tudo.

Hoc itinere toto permultæ & celeberrimæ ciuitates oc-
currunt trium scilicet Prouinciarum Nanchinensis, Sciantū,
Pechinensis, & præter vrbes, tot sunt ad ripas oppida, pagi,
ades, vt dici possit totum illud iter habitatum. hinc fit, vt nullo
in loco desit nauigantibus recens cōmeatus frumenti, orizæ,
carnium, piscium, pomorum, olerum vini, & rerum huiusmo-
di. quæ vilissimo pretio distrahuntur. hoc eodem riuo in Re-
giam

giam ligna, trabes, tabulae, columnae, (nam lignea solum Sinæ in pretio habent) ad opera Regia devehuntur eo potissimum tempore, quo Regium Palatium arserat, & è tribus partibus duas ignibus absumptas commemorabant. atque ita toto itinere nostri crates immensa trabium, inter se colligatarum, lignorumque cæterorum reperiebant, quas multa mortalium millia ingenti sudore protrahebant, & vix intra diem vnum, quinque sexue miliaria promouebant. & quidem è Prouincia Suscuen, quæ abest ab vrbe Regia longissime, vix intra biennium, & sæpè intra triennium huiusmodi crates appellebant. vnde quælibet columna ex illis prodigiose magis ad tria aureorum millia singulae excresebant, & è cratibus vnam, quæ longissima visa est, obuiam habuerunt, quæ in longum ad duo miliaria extendi iudicata est. Ipsi quoque lateres ad Palatij Regij molem, nam Sinæ latericium opus lapideo præferunt, hoc itinere vehébantur à mille quingentis passuum millibus delati, & permulta sunt nauigia, quæ alium vsum habent nullum, nec diurnis aut nocturnis horis à nauigatione conquiescunt. & quidem hac nauigatione huius generis tanta multitudo occurrit, vt non vni palatio, sed vrbi non minimæ extruendæ sufficere posse videretur.

Ligna apud Sinas in pretio sunt, ad ædificia.

Lateritiū opus lapideo præfertur.

E prouincijs etiam australibus, ad Regem anno quolibet, ea omnia mittuntur, quæ in sterili Pechinensis Prouinciæ solo desiderari posse creduntur: poma, pisces, oriza, quin etiam bombicini operis vestes, panni, & alia sexcenta, & singulis dies præstituta est, qua die nisi appulerint, ij qui vehendis illis præsunt, grauibz pœnis mulctantur. In his nauigijs, quæ supra equos vocari diximus, præsunt semper Eunuchi Regij, qui summa celeritate octoni semper aut deni nauigant. per hunc riuum æstate solum transitus est, quo tempore apud Sinas flumina fere ripas exeunt, ideo fortasse, quod eo tum demum tempore niues è montibus, è quibus illa flumina oriuntur,

Pechinense solum sterile.

Riuus æstate solum nauigabilis.

tur, colliquescant. per æstiuos igitur calores in itinere minimum menstruo, & plerumq; bimestri, quæ deferuntur edulia procliue erat ante corrumpi, quam Pechinum peruenirent. ideo omnia eius generis admixta glacie refrigerant. & quoniam illa ipsa glacies paulatim æstu dissoluitur, omnibus ijs in locis per quæ similibus nauigijs est transitus, ingens glaciei copia in hos usus asseruatur, & transeuntibus pro nauigantium arbitratu distribuitur, atq; ita res omnes velut recentes in Regiam vsque deferuntur.

Eunuchi nauigiorum stationes vendunt.

Horum nauigiorum Eunuchi stationes vacuas viatoribus vendunt, & pretium in proprium lucrū referunt. Sinæ quippe indignum putant, munera, quæ ad Regem mittuntur, in vnum nauigium cuncta conferre, sed ad maiestatem pertinere putant, si quamplurimis nauigijs Regiæ res transmittantur. Rex etiam alia ex causa id fieri non abnuir. cum enim innumera prope nauigia Regijs rebus onusta Pechinum sine iusto pondere nauigent, occasio præbetur negotiatoribus, spe lucri merces suas in vacuas naues, non maximo pretio inferendi, quæ res soli fertilitatem forte superat, indigentiam tollit, minuit charitatem, vnde dici potest Pechini nihil nasci, sed nihil deesse.

Socij ergo nostri, tametsi in eadem cum Præsidis domesticis essent naui, stationem tamen sibi peculiarem pretio cōduxerant, qua in nauigatione, propter æstum ingentem, multos dies toleratum, alius post alium prope omnes ægritudine graui laborarunt, verum diuino auxilio tandem omnes sub finem sunt in pristinae valetudinis statum restituti. Nauigantes igitur tandem riuo egressuri in Sciantun provincia flumini non facto sed nato occurrerunt. id flumen excurrit prope Pechinum, vsq; ad arcem, quæ Tien sin vocatur. huic Pechino aut è Tartarea potius occurrat aliud flumen, quod pari deinde passu fluens, communes aquas immittit in mare, vel potius

tius sinum illum, qui est inter Coriam ac Sinas, postquam vno simul die concurrerunt.

In hac arce nouus erat, & extra ordinem Prorex, ex eo, ^{Ad arcem Tientium perueniunt.} quod Iapones infestis armis, vt dixi, Coriam inuasissent. ab eo Prorege classis ingens in Coriæ subsidium parabatur, vnde totum illud flumen bellicis nauigijs, plenum militari tumultu personabat. per medios cuneos nostri nullo prohibente transierunt, ac denique in portum aut ripam potius Pechinensem appulerunt, quæ ripa etiam tum itinere diei à Pechinensibus muris distat. & tamen ad muros vsque, ingentem riuum arte deriuarunt, ne tamen nauigiorum multitudine oppleatur, non nisi regias sarcinas ingredi sinunt, reliqua baiulorum humeris, vel plaustris ac iumentis in urbem deportantur. ^{Pechinum urbem Regiam ingrediuntur.} Dies quo tandem Nostri primum in urbem Regiam penetrarunt, lætior fuit, etiam ipsius festiuitatis auspicio, incidit enim in Peruigilium eius diei, quem Ecclesia Virginis Natali consecrauit. Sed neque nos hic gaudium nostrum dissimulare licet aut decet, cum iam in oclusum, tot sæculis Regnum fidei Christianæ Præcones, per tot maria denique penetrarint, & se primum in Urbem Regiam intulerint.

Primaria quæ in hoc itinere transeuntes nostri emporia ^{Emporia præcipua,} illustrauerunt, hæc fere numerantur. E Prouincia Nanquinensi Iamichea, in eleuati poli supra finitorem gradu dimidiata supra secundum ac tricesimum. Hoainingan in quarto supra tricesimum, non toto Siuceu, in dimidiato supra quartum ac tricesimum amplè dimensum. E Prouincia Sciantum, Zinim in tricesimo & quinto gradu duabus tertijs gradus portionibus superadditis. Lincin in septimo ac tricesimo duabus quoque tertijs gradibus partibus superadiunctis. E prouincia denique Pequinensi; Tiencin in nono ac tricesimo gradu atque dimidiato: Pequinum in quadagesimo gradu peramplo. E quo ^{Error Mathematicorum.} conuincuntur erroris, qui sola imaginatione ducti, Pequinum

Vv

in

Iter è Metro-
poli Cantone
Pequinum.

in quinquagesimo gradu statuerunt. Nunc vero iter è Cantoniensi metropoli, quæ biduo abest ab Amacaensi portu Pequinum usque, per stadia Sinensia dimetiar, quorum quinque milliarium; quindecim leucam faciunt. fluminibus igitur itinere instituto, quod iter fere nostri faciunt, E Cantonensi Metropoli Nanhiumum 1170. Inde Nancianum 1120. hinc Nanquinum 1440. Deinde Pequinum 3335. quæ in vniuersum collecta summam colligunt 7065.

Pechinensi negotio frustratentato Nostri Nanchinum reuertuntur.

CAPVT TERTIVM.

Situs vrbs Re-
giæ Pequinen-
sis.

Magnitudo.

Latitudo mu-
rorum.

IN hoc Regiæ Ciuitatis ingressu, iniuriam illius maiestati facerem, & lectori desiderium ingererem, nisi de ea pauca præfarer. Sita est igitur Regia hæc vrbs in extremo regno ad Boream, nec abest à nobilibus illis contra Tartaros muris, nisi centum miliaribus. magnitudine & vicorum compositione, ædificiorum mole, munitionibusq;, à Nanchino superatur quidem, sed vicissim superat incolarum multitudinem, militum ac Magistratuum numero. ad Austrum duobus muris cingitur, altis ac fortibus, quorum ea est latitudo, vt facile curren-tes equos duodecim simul capere possit, nec alter ab altero impediatur. constant illi ex opere lateritio, nisi quod in pede saxi ingentibus tota murorum moles insistit, medijs in mænibus pro latere confectam terram iniecerunt, & altitudine quidem non parum superant eos, quibus Europææ vrbes assurgunt. ad Boream vno non amplius muro ambitus continetur. In his mænibus nocturnis horis à militum turmis, non minus vigilatur, ac si omnia bello arderent: diurnis ad portas Eunuchi excubant, aut excubare se dicunt. nam reuera vestigalibus exigendis incumbunt, quod alijs in vrribus fieri nequaquã solet.

Regium

Regium Palatium, intra interiorem Australis Regionis ^{Regium Pala-}
murum confurgit, penè pro vrbis portis, & inde in Borealem ^{tium.}
vsque murum excurrit. vnde videri potest vniuersam urbem
occupare. nam reliqua ciuitas ex vtroq; Palatij latere diffun-
ditur. angustius est aliquanto Palatio Nanchinensi, sed angu-
stias amœnitate ac splendore compensat. Nanchienſe quippe
ex absentia Regum, instar cadaueris anima destituti indies
corrumpitur: Pechinense vero ex eorum præsencia magis ma-
gisq; exornatur.

Vrbis vici Pechini per pauci lateribus aut filice strati sunt. ^{Vrbis vici.}
vnde dubitari potest, quo maximè tempore molestior sit in-
cessus. nam hyems, lutum, æstas puluerem, utrumq; molestif-
simum incedentes æque fatigat. & quoniam in ea Prouincia
pluit infrequenter, tota in puluerem terra dissoluitur, quem
si ventus licet non maximus excutiat, nullus domi locus est,
quo non ille penetret omnia fœdaturus. ex hoc incommodo
remedium quærentes, morem inuenerunt alibi, vt arbitror
insolentem. nullus est enim è quolibet ordine, qui pedibus ^{Pechinenses}
aut equo incedat sine velo è pileo ad pectus vsque pendente, ^{velo contra}
& faciem contegente, quod ita comparatum est, vti raritate ^{pulueres vtun-}
sua ab oculis penetretur, non tamen à puluere. id quoque ve-
lum aliud habet in ea vrbe percomodum, quod non nisi quan-
do volueris, agnoscaris. vnde ab innumeris salutationibus li-
ber, quo quisq; voluerit apparatu molestiam minuit, ac sum-
ptibus parcat. cum enim apud Sinas intra vrbes equitare minus
magnificum habeatur, & sella gestatoria vehi, sit satis in ea vr-
be sumptuosum; licet sine nota minuere apparatus. ea quo-
que consuetudo nostris cecidit opportune; nam inter bellicos
tumultus, externos homines per vicos cursare, fuisset impor-
tunum. ergo hac vsi consuetudine, nemine aduertente, libe-
rè quò res exigebat velo tecti commeabant. Vix alibi familia-
rius est, luto ac puluere necessitatem inducente, quo vel alijs
etiam

Muliones ses-
siores præsto-
lantur.

etiam iumentis insidere, quæ passim in truijs portisq; vrbis ac Palatij pontibus ac fornicibus frequentioribus sessiores præstolantur, & paucis obolis diem totum sessorē suum vehunt: Et quoniam incredibilis est vrbis frequentia, muliones plerumq; iumenta fræno circumducunt, & viam aperiunt; ij quoque peritissimi sunt vicorum, nec fere est quisquam è Primobus, cuius ædes ipsi minimè norint, & prostat etiam cōmentarius, in quem vrbis Regionum, vicorum, platearum, nomina omnia referuntur fidelissime, nec equos solum, sed sellas vbiq; gestatorias ac baiulos reperis, qui magistratuum salutatores ac reliquos viros fere primarios gestare gestiunt. quam pretij plus satis exigunt, quam Nanchini aut alibi conuevit.

Lignorum penuria.

Vrbs abundat rebus, vt supra dixi omnibus, sed fere importatis, nec in hac vrbe ita commodè viuunt, nisi ab ijs quos copia frugaliter viuere minimè cogit. ligna tamen in focum maxime defunt, sed eam rem compensat bitumen illud (nec enim aptius nomen inuenio) è terræ visceribus effossum, quale apud Eburones in Belgio, & alibi videmus, quo incenso in culinam focus extruitur, imo & in hybernis frigoribus, quæ asperiora sunt, quam ipsa poli vicinitas postulat, commodissime lignorum penuriæ, illius copia subuenitur, vnde fere solent lectos opere lateritio ita construere, vt subtus inanes secretis fistulis calorem admittant, quo è foco nouo hypocaustorum genere subtus lectos aspirat, & quidem nihil opus est totam noctem ignem illum fouere, diutissime quidem perseverat. Et ea lectorum ratio per omnes Borealiū Prouinciārum Regiones obseruatur.

Sinæ Boreales.

Sinæ Boreales, natura hebetiores aliquanto & minus acuti Australibus, sed militari virtute longe superant. ita sunt enim res humanæ compositæ, vt seipsas vicissim superent atque superentur. Hoc nostrorum in hanc urbem Regiam aduentu

uentu constare denique certo capit, quod iam diu opinati fuerant, hoc regnum illud ipsum esse, quod magnū Cataium ^{Magnum Cataium.} apud aliquos auctores appellatur, & hanc urbem Pechinēsem Regiam esse illius, quem magnum Can vocant, qui nunc est Rex Sinarum. quæ vrbs ab iisdem Cambalu nominatur. Id ne cui incredibile videatur, probare nunc aggredior. Ac primum quidem inditium, quo in eius rei coniecturam diu incideramus, ex eo collectum est, quod illi ipsi auctores, qui de hoc vastissimo Regno Cataio alijsq; Sinarū Prouincijs scripserunt, asseriebant illud ad hanc mundi plagam Persicis Regnis ad Orientem adiacere, & Persidem quidem latius nunc extendo, quam ea, quæ nunc Persidis nomine insignitur. eas enim omnes Regiones complector locorum immanitate vastissimas, quæ in Asia ad Sinenſes vsq; terminos Persicum sermonem admittit, ad Austrum vero à Tartaris videri: Et quoniam in Sinarum regno frequenti inquisitione nihil de vastissimo regno audiebamus, fieri nobis minime posse videbatur, vt res tanti momenti à vicinis omnino regnis ignoraretur, & è maximo imperio nullam neq; belli, neq; cōmercij memoriam per tot secula reperiri. De hoc eodem Cataio legebamus, illud à flumine Chan ab ortu in occasum vsque peruadi. Chian porro lingua Sinica flumen maximum sonat. alij enim fluuij Cho appellātur. illud porro flumen suspicamur esse, quod filium maris appellauimus. in hodiernam quippe diem Iansuchian appellatur. legebamus præterea ad austrum regna nouem; sed ad Boream eo in regno reperiri, quæ planè cū quindecim Sinenſis regni Prouincijs non numero solum, sed ipsa quoque re conueniunt. Sunt enim hæ prouinciæ regna etiam vasta quindecim. aliquas enim ex illis vniuersam Italiam nihil est dubium magnitudine superare. Ad Austrum quoq; ex his nouem sitæ sunt, sub eo nempe flumine, quod modo nominaui: Ad Boream vero sex supra flumen illud ipsum numerantur.

Regni Catai
amplitudo.

Tartari confines
Pechinensibus.

Regna quindecim.

Duo Turcæ ad
Regem Sinarum
perueniunt.

rantur. Indicium etiam ex cuiusdam auctoritate clarius accipimus. anni sunt plus minus quadraginta, hoc scilicet quo scribimus millesimo sexcentesimo octauo, ex quo Pechinum ex Arabia Turcæ duo aut Mahomerani saltem perueniunt. Illi terrestri semper itinere ad Sinarum Regem leonem adducebant, auditum alias à Sinis animal, sed visum infrequenter. hi ab Rege excepti sunt perhumane, & Magistratu quodam donati supra regium stipendium, quod etiam in filios & vniuersam progeniem propagarent: id factum ad Leonem quamdiu vixit, moderandum, & ne in Patriam redirent res nouas in Sinarum regnum molituri. hoc ipso tempore cum nostri Pechinum aduenerunt, superstites erant ambo. ad eos P. Matthæus vnum è fratribus nostris misit, ut aliquid earum rerum ab ijs expiscaretur, quin etiam cum secundo nostri in hanc aulam redierunt. ipse P. Matthæus cum illis est sæpè congressus, è quibus clarissimè constitit, regnum illud, in quo tum viuebant, magnum Cataium, & urbem ipsam Cambalu appellari, nec ea de re vel tantillum dubitabant, aut aliud se ex itinere Cataium reperisse vel audisse cōmemorabant. Idem ex alijs quoq; è Perside aduenis auditum à nostris sæpius ac sæpius, nec vnquam ea de re variatum.

Quin etiam ex ipsis Sinis ingesto à nostris sermone, illud quoq; nomen ab ijs auditum reperimus, ac tamen ab externis hominibus Sinarum regnum ita appellatur, nominis tamē origo partim è Sinensi sermone, partim è Tartaro deducta dubitari vix potest. Sinæ quippe scriptis libris, quoties Tartaros nominabant, Lù dicunt, & Septentrionis plagam Pà. nec solum Pè. Tartaris vero Cam, à nobis magnus redditur: quam vocem ne ipsi quidem Sinæ ignorant: & quoniam eo tempore, quo se Tartari in Sinarum regnum intruserunt, Rex Tartarus sedem Pechini fixit, ideo Campalu appellauit. & quoniam apud varios P. consonans in B. cōmutatur, ideo Cambalu capit

Rex Tartarus
Pechini sedem
fixit.

cepit appellari. quanquam Sinæ qui consonante B. ferè carèr, etiam nunc Canpalu pronuntiant. inde plane apparet, Marcum Paulum Venetum eo tempore in hoc regnum penetrasse, quo Tartari Sinis imperitabant, & fortasse cum illis ipsis eo penetrasse. Eius deinde cōmentarijs Europæ, Sinarū Regnum innotuit eo nomine, quo Tartari utebantur, Cataium videlicet & urbem Regiam Cambalu appellantes. & si quis vrgeat fortasse latius Catai fines à Marco Paulo protendi, quàm Sinarum hodie pateant, id vt sit verum, quia nondum excusli, nihil obstat, quin vicinas Tartarorum Regiones communi nomine ad Boream paulo latius appellarent. Hoc tamen tempore nulla extra muros Sinenses Regio reperitur, quæ Cataium vocitetur.

Sinarum regnum innotuit.

Lusitani postmodum huius regni famam, Chinæ nomine in Europam amandarunt, desumpto vt arbitror ab Siam incolis nomine. Urbem vero Regiam cōmuni cum Sinis nomine Pechinum appellarunt. vnde nihil mirum, Cosmographos nostros nominum discrimine permotos, duo regna distinxisse, & quidem ita contigua, vt alterum sine altero cognosci nullo modo posse videretur. Has certissimas vt videbatur coniecturas P. Matthæus in Indiam Europamq; trāsmisit, nec tamen fides illi tunc satis adhibita, donec alia ratione ita constitit, vt iam ne in dubium quidem possit reuocari, quod infra suo loco fusè narrabimus.

Chinæ nomen in Europam transmissum.

Nostri mox vbi Pechinum ingressi sunt, in Præsidis illius cuius auctoritate venerant aulā se contulerunt. is enim itinere terrestri non exiguo temporis ac vitæ compendio iamdiu aduenerat. excepit eos intra Palatij fines habitatione non incommoda, nec eos abesse voluit, eorum consuetudine delectatus, cepit igitur ipse nostrum negotium cum Eunuchio familiari cōmunicare. Is recepit se rem tantam pro virili curaturum, & in eum finem Socios videre ac regia munera voluit.

Socij Pechini à Præside excepti.

Ergo

Dei Parentis
effigies cōfir-
gitur.

Socij pro Iapo-
nensibus ha-
bentur.

Ergo ad dictam diem Præses & Eunuchus ad ea spectanda in nostrorum stationem se cōtulerunt: ab Eunuchō P. Matthæus exceptus est perhumanè, eo nimirum ritu qui adhiberi solet in prima illorum visitatione, quos dudum videre gestierunt. inde simul omnes in eadem mensa sunt familiariter epulati: Hæc igitur vidit: horariam machinam, Christi Seruatoris ac Dei Parentis imagines, Graucimbalum Sinis hætenus inauditum, vitra trigona duo. & Dei quidem Parentis effigies, cum in terram exponeretur, baiulorū iniuria in tria fragmenta dissiluit, sed ea res, quæ illius valorem in Europa sustulisset, apud Sinas etiam auxit. nam fragmentis denuo inter se compositis, antiquitatem cepit ubique venerandam hac ratione redolere, vnde pluris etiam habebatur quam si integra viseretur. Eunuchō ac cæteris spectatoribus mirè omnia placuerūt: sed tamen audierat ille nostros argentum verum ex viuo conflare, eam rem ipse cæteris præferebat: Sciebat enim id Regi gratum imprimis fore; ita humanam cupiditatem nullæ opes satiant, vt sint quales sunt Sinarum Regis prope imensæ. Ergo vbi vidit nihil ea de re à nostris ingeri, respondit; videri sibi his ex causis, Regi de aduenis sermonem minimè inferendū, eo maxime tempore, quo paries pene proximus bello ardebat, & è Cōria quotidianis rumoribus crebrescebat, multos mortales bellicis congressibus interire, & Iapones omnino in Sinarum regnum velle penetrare. & quoniam ipsi omnes vno nomine aduenas vix distinguunt, arbitrati eosdem vel prope eosdem esse, hinc fit vt nostros pro Iaponibus haberent. ipse quoque Præses ea re & amicorum consilijs monitus, periculosum cepit iudicare externis eo tempore negotijs implicari. re igitur desperata, secum nostros Nanchinū reducere meditabatur. Verum Patribus visum est rem nondum esse desperatam. ne itaque tot labores ac sumptus in vanum contulissent, mensem vnum, post Præsidis discessum, Pechini sunt cōmorati

ratū in conductis ad eam rem adibus. Præses enim ad certam diem vrbe Regia egredi per leges tenebatur, qui enim ad Regias huiusmodi gratulationes in Aulam veniunt Magistratus, intra mensem Pechinensibus muris egredi, & ad sua munia redire compelluntur.

Amacaensis Collegij nouus Rector P. Emanuel Diaz, nummos in itineris, sumptus necessarios submiserat, ac deinde cōiectans Socios Pechini fortasse inopiam passuros, syngrapham misit, qua scribebat, eos aliam summam Pechini exacturos pro ea, quam receperat quidā Negotiator Amacai, sed mentitum fuisse Negotiatoris nomen, qualem nullum eo nomine Pechini repererunt, euentus ostendit, id alias etiam iterum accidit: ac tametsi Amacai nostri pecuniam receperunt, ideo tamen hic eam rem infero, vt constet; id negotiandi genus Sinenſium mercatorū fidem excedere, & toto regno passim esse inusitatum. Abierat iam Præses Sociorum protector, & nostri varia in finem suum moliebantur, sed plane frustra. nam familiares omnes, vel P. Matthæi vel Præsidis amici, Magistratus, Nostros in ades suas nedum ad colloquium admittere voluerunt, licet scriptas à Præside ad promouendum negotium litteras obtruderent. tanta est aduenarum ubique formido. ergo tandem visum Nostreis, eam rem frustra tentari, & nondum horam aduenisse, qua Deus optimus maximus vellet eam vrbe Euangelij sui radijs illustrare. atque ita priora consilia damnantes, Nanchinum repetere statuerunt, & in aliam occasionem sua vota differre, maximè quod minus tutum videbatur, inter bellicos tumultus infortunium aliquod præstolari, quo iam erectæ sedes periclitari, & huic erigendæ ianua in posterum posset præcludi.

Ergo ad reditum cōmodum nauigium exiguo pretio conduxerunt. nam in reditu vacuæ naues, quolibet naulo viatores vehunt. Nauigij cōmoditatem Nauarchi tenuitas fecit incō-

Xx

modam,

Socij ad congressum non admittuntur.

Socij Nanchinum redeunt.

Socij linguæ
Sinicæ danto
peram.

Musice peritia
non parum cō-
ducit ad lin-
guam Sinen-
sem.

modam. armis enim plerisque socijs Nauticis carebant. unde
Linsinum usque urbem menstruum iter fuit. Sed neque tem-
pus illud male collocarum; nam à Patribus Sinensium voca-
bulorum index in ordinem redactus, adiutore maximè fratre
nostro Sebastiano Sinensis linguæ apprime perito. alia quo-
que multa concinnarunt, quibus in posterum nostri faciliore
methodo patrium sermonem ediceret. nam aduerterunt ex
eo quod Sinense idioma vniuersum è solis vocibus monosylla-
bis constet, ad multiplicandos earum vocum sonos accentus
nonnullos & aspirationes ab Sinis inductas, quarum rerum ig-
noratio perturbationem tantam afferebat, vt neque intelligi
possent loquentes, aut intelligere. Instituerunt igitur accen-
tuum virgulas ac notas quinque, quibus intelligerent nostri,
quo quæque dictio accentu efferretur. tot enim ipsi accentuum
varietates esse aduerterunt. ad eam rem contulit P. Cata-
neus non parum. ille quippe artis musicæ peritus, cum dictio-
nes in aures sonis assuetas admisisset, facilius accentuum va-
rietatem internoscebat, & sanè ad hunc sermonem ediscen-
dum, iuuat non parum aures musicis sonis nonnihil assuefe-
cisse. eum igitur scribendi modum, qui tum à duobus antiquis-
simis Socijs institutus, reliqui hodieque obseruant, ne si quisque
pro arbitrato scripserit, magna perturbatio ingeratur, & alteri
alterius scripta prodesse non possint. iuuat etiam Nostros non
parum in Sinicis libris ediscendis P. Matthæi quam in Tetra-
biblium Sinense scripsit, latina paraphrasis, suis etiam com-
mentariolis illustrata. De Tetrabiblio illo, primus liber cum
de litteratorum gradibus agit, consulatur.

*Hyeme prauenti Nostri in flumine hybernant. P.
Matthæus itinere terrestri Nanchinum re-
petens, tertiam sedem erigit.*

CAPVT

CAPVT QVARTVM.

Sinenses omnes fluuij in Borealibus plagis sub ipsa hyemis initia ita gelu concrefcunt, vt nauigijs peruadi minime possint, ac plaustris etiam fidum transitu præbeant. Et quoniam nostri serius paulo soluerant, & tardissimè nauigabant, in flumen concretum inciderunt, & nauigandi tempus in veris principia necessario præstolandum. Lincinum vrbs est è maximis, & commercio celebris in paucis, ad eam enim non prouincialia solum mercimonia, sed è toto quoque regno peruadunt. Ea res frequentiam facit vndique commeantium.

Socij hyberni
recoguntur.

Lincinũ vrbs.

In hac temporis necessitate, Patres angebat temporis maximè iactura, quam per hybernos menses mora inutilis faciebat, & itineris suscepti negotia tantopere interrompebat. Ergo inito consilio visum, vt Pater Matthæus cum famulis duobus ad australes regiones terrestrè iter arriperet, tentaturus an Nanquini aut alibi nouam sedem posset stabilire. Socius cum fratribus ac sarcinis, dum se vis hyemis remitteret, ibi præstolaretur, & per apertum glacie soluta flumen, Nanquinum repeteret. Et quoniam Chiutaisu familiaris ille Xaucei discipulus, sæpe olim & mutuis colloctionibus, & deinde litteris, P. Matthæum ad se in patrium solum euocarat, vt sedem ibi perpetuam stabiliret, statuit sibi eo eundum, vt in nobilissimo emporio Succu vocant, vota sua Deo Duce tentaret, quam ad rem omnino illi facere plurimum videbatur, eius vel amicitia, vel auctoritas, quem hætenus fidum præ cæteris amicum reperisset.

P. Matthæus
aliam Sedem
stabilire. Succu.

Ergo per mediam Sciantum prouinciam penetrans, Siuceu & Yamceu nobilissima emporia lustrauit. quanquam hyberna frigora iter interturbabant sæpè, ac laborem augebant; verum mira facilitate quaquaversus iter nullo prohibente instituens seipsum solabatur. Ergo transmissio Yamceu flumine,

Xx 2

in

Artificioſum
quod ſam plu-
ſim genus.

Suceu' omniū
nobiſſimum
in China em-
porium.

in Cinchiamſu regionis illius metropoli in effoſſum arte ri-
uum ingreſſus eſt, quo riuo in emporia nobiſſima Suceu, imo
& in metropolim uſque Cechianæ prouinciæ. Hamiceu nau-
gatur. Hic riuus ideo, quod a uſtrallor. nullò tempore concreſ-
cit, adeò ſubinde anguſtus eſt ut nauigiorū multitudi-
ne oc-
cupatus, neque gradiendi, neq; regrediendi faciat facultatem,
quod hīc P. Matthæo contigit. Ergo alium inuenit itineris
proſequendi modum, ijs in locis non infrequentem, facilem
etiam & non incommodum. Plauſtrum eſt vnius non amplius
rotæ, ita conſtructum, ut vni in mediò plauſtro conſidendi, ac
velut equitandi, alijs etiam duobus è lateribus fiat locus. Auri-
ga plauſtrum retro ligneis vectibus vrget, ac promouet, non
ſecure minus quam velociter. atque ita breui Suceu peruenit.

Nobiſſimum hoc Emporium vnum eſt ex ijs, de quibus
eſt Sinenſe diuerbium; quod in celo Beatorum ſedes, hoc in
terra Suceu & Hanceu nominatur. eſt enim è principibus &
celeberrimis huius imperij locis; ſiue ſplendorem, ſiue opes,
ſiue copiam, ſiue frequentiam, & quidlibet aliud ſpectes. tota
extructa eſt vrbs hæc in placido aquæ potabilis flumine,
quod fere ſoli vento paret fluctus commouenti, quod flumen
ſi volueris, apte fortasſe lacum appellabis. Per eam igitur totam
vti Venetijs, vel aqua, vel terra comineatur, ſed in hoc Vene-
tias ſuperat, quod aquæ potabilis uſu potius, quam maris ſale
perfruatur. vici omnes & ædificia, ut apud nos fieri ſolet, pi-
neis trabibus in flumine defixis inſiſtunt, merces Luſitanæ,
Amacao & quælibet aliæ, ab externis regnis importatæ, maxi-
mam partem in hoc emporio diſtrahuntur. illi enim in reli-
quas regni vrbes frequentiſſimum eſt, quolibet anni tempore
commercium, atque ita nihil eſt, quod deſiderare poſſis ſi vo-
les comparare, vnica vrbs porta in terreſtre iter patet, in reli-
quis aditus non niſi nauigijs patet. innumeri ſunt paſſim pon-
tes, magnifici ſanè. & qui atatem ferunt, ſed in anguſtis illis
riuis

rius non nisi in arcum vnum assurgunt. Butyri & lacticio-
rum nusquam alibi tantus usus. ex oriza quoque vinum nul-
libi præstantius, & vnde in reliquum regnum Pechinum vsq;
importatur: vix biduo abest à mari. munitissima vrbs est, & ^{Succu caput}
totius regionis, quæ vrbes octo numerat, caput. hanc tuitus ^{regionis tota?}
est olim pertinacius è Principibus quidam, cum is qui huius
Regiæ familiæ truncus est, Sinense imperium, pulsus Tarta-
ris, inuaderet. ideo velut rebellis ciuitas in hanc vsque diem
inane tributum pendit. nam dimidiatam omnium, quæ ter-
ra fert pendit portionem, inde fit, quasdam in hoc regno Pro-
uincias minus pendere simul duas, quàm quantum hæc Re-
gio sola Regi vectigalis exoluit. vniuersa quippe Regio suæ
Metropolis auctoritatem secuta, Regi pertinaciter æquè re-
stiterat. in hanc etiam vsq; diem frequenti præsidio seruatur,
& in ea præsentior est semper, quam alibi rebellionis metus.

Aberat tum forte Chintaiso, sed non procul in vicinam ^{Sociorū ami-}
urbem Taniàn nomine cōmigrarat: ab eo exceptus est incre- ^{cus.}
dibili humanitate, qua maiorem ne in Europa quidem è fami-
liarissimis amicis, & addictissimis potuisset expectare. Hospi-
tabatur in quodam Idolorum Canobio, satis angustè: lectum
ipse suum, licet renitenti Patri, cessit: ipse alium in ipso solo si-
bisterni iussit. Exitineris laboribus & incōmodis, in ægritu-
dinem incidit Pater Matthæus, & ita vteò in loco moriturus
videretur, sed tantis obsequijs ab amico suo affectus est, vt in-
tra mensem, quo tempore ibi substitit, vires ita recuperarit,
vt robustior sibi, quam prius videretur. Hæc obsequia P. Mat-
thæus tum alijs munusculis, tum vitro trigono remuneratus
est; illud ipse in Cantonienfi Prouincia summopere expetie-
rat, ac pretio etiam comparare tentarat: coigitur nunc in pri-
mis recreatus fuit, & vt illi vitro adderet maiestatem, in argen-
team thecam reclusit, & aureas catenulas in extremis nodulis
illigauit, addidit etiam elegantem in eius encomium scriptio-

P. Matthæus
à Chintaiso
humaniter ex-
cipitur.

Vitri trigoni
mira assuma-
tio.

Xx 3

nem,

nem, qua probare nitebatur, eam gemmam fragmentum esse materię illius, e qua cęli constant. his ornamentis multorum cupiditatem incitauit. nam non ita multo post quingentos aureos in pretiũ vnus aliquis dicitur obtulisse: verum ille tum quidem vendere renuit. tamen si maximę optaret, ea solum ex causa, quod non nesciret, id generis vitrum, inter munera regia computari, verereturq; ne emptor P. Matthæum misso ad Regem vitro pręueniret, & eius deflorata nouitate minoris ab Rege haberetur, postmodum tamen vbi oblata Regi munera rescivit, aucto etiam aliquantulũ pretio, tum demum vendidit, eaq; summa, multa debitorum nomina dissoluit, & nouis apud Socios nominibus amicitię ideo illigatus, beneficium semper agnouit.

Cum eo porro negotia sua pertractans, opem suam liberaliter detulit, asseruitq; se perpetuum Patris comitem fore, donec ijs in regionibus aliquod ex animi sententia domiciliũ statuisset. aduertens igitur P. Matthæum, ab eligenda sede in Patrio Succęu emporio non solum non abhorre, sed etiam vtcunque propendere, non ex eo solum, quod ipsa soli commoditas, & frequentia inuitaret, sed etiam, quod amici Patrium solũ esset, à cuius propinquis viris nobilibus ac primarijs amicitię iure sperare poterat, quidquid ab amicis speratur. ergo familiaris noster cum viris nobilibus ac prudentibus consilia sua communicans, auctore quoque P. Matthæo statuit, Sedem Nanchini sperandam, sed neque tentandam. varias afferebant causas, sed hanc maximę, quod in tanta Magistratum multitudine, quantam Nanchini esse constat, sperari vix poterat, vt omnium beneuolentia in nostrorum patrocinium conspiraret, atque ita facile futurum, vt ex ijs vnus aliquis nostris infensus, eos suis sedibus cum ignominia exturbaret: Hęc omnia incōmoda Sucęi cessare putabantur. ergo ad eam conficiendam censuerunt, opus esse vt ad primi Tribunalis

De Sede figenda
Sucęi agitur.

bunalis Presidem illum inquam itineris nuper Socium nauigarent, ab eoq; litteras ad Suceanos Magistratus expeterent, & ab alijs etiam Magistratibus amico nostro peramicis, quibus litteris negotium nostrum procluius redderetur.

Eo tempore Sinensis anni principium appetebat, incommodum ad negotia tempus, dum omnes amicis salutandis, muneribus mittendis ac remittendis, conuiujs instruendis essent occupati. visum est igitur otiantibus negotia minimè obtrudenda, ipsi verò ad publicam illam celebritatem peragendam in urbem Cinchian nauigarunt, qua in vrbe nemini non erat notus noster Chiutaisò, & quod idem erat ipse P. Matthæus. nullo enim in loco, in quo aliquam diu constitisset, neglexerat illius famam euulgare. Ergo ad vtrumq; magni concursus vrbanoꝝ Magistratuum facti, sed neque ceteri vrbis primores defuerunt. expletis igitur, ac tantisper sedatis alacritatis publicæ tumultibus, vterq; Nanchinum cogitabant. P. Matthæo Gubernator ingens nauigium obtulit publico sumptu, quod Magistratibus fieri solet, vt Nanchinum nauigaret, nec renuit, securitatis causa ratus id esse opportunum. Nanchinum igitur sexto february ultimo sæculi quingentesimi anno deuenerunt, nec opus fuit antiqua illa circumspetione, nullo enim prohibente pedites in hospitium deuenerunt. id fuit in Cænobio ingenti, cui nomen Cinghensù. in eo cænobio magna est hospitiũ frequentia, qui in conductis stationibus, ideo commorantur, quod in ipsius ciuitatis centro extructum sit, ea in vrbe alia omnia in melius mutata repererunt: certis enim nuncijs iam percrebuerat, Iaponios Coria pulsos, non sine damno in patriam re nauigasse, ipsum vero Imperatorem Cambaco extremum diem clausisse, cuius cõsilia de Coriano regno ac Sinensi occupando Sinas, gentem imbellem, tantopere terruissent. neque hoc solum metu liberi exultabant, verum etiam quod ærario Regio, sublati extra ordinem

Anni principium eiusq; festiuitas retardat negotiũ Patrũ

Nanchinum redeunt.

Iaponij Coria pulsij.

Nanchinensis status mutatus

ordinem sumptibus, in posterum parcebatur; Sinarum quippe exercitus fere ad centum millia militum recenserebat. Repertum erat Pater varios de se rumores, sed benivole tamē sparsos: eum Pechinum auctoritate Præsidis nauigasse, ut Regi preciosa munera deferret, ac tametsi nihil effecerat, id tamen omnes in Coriani bellumultus referebant, qui si alio quolibet tempore idem tentasset, facile audiendus credebatur: horarias machinas videre gestiebant omnes, eo maxime stupore defixi, quod seipsa tintinnabulum pulsari diceretur. De imaginibus, de Graucimbalo, ac reliquis mira sparsa erant non supra fidem solum, sed etiam supra modum.

P. Matthæo auctoritas conciliatur apud Præsidem.

Præsidis favor erga P. Matthæum.

Eo igitur in Cœnobio, à veteribus amicis visitatur, inde post dies aliquot ad Præsidem utriusque peramicum itum fuit, is ubi audiuit Patrem Matthæum solum tot terras lustrasse, nullibi obicem iniectum fuisse, in conductam iam per se domo habitare, ab amicis frequenter visitari, mire latatus est hoc prospero rerum euentu, adnitente maxime Chiutaisò, qui plenus ut solebat ore in Patris Matthæi laudes se effudit, aiebat eum scientijs, quas in Sinarum regnum intulerat, litteratis omnibus oculos aperuisse, quos ad eam diem ignorantia clausos habuissent. His ex causis eum ab omnibus expeti, & ubique retineri, noluisse tamen quicquam sine Præsidis auctoritate, quem protectorem adlegerat, de se rebusque suis statuere.

Ad hæc eum Præses hortabatur, uti Domum Nanchini pretio compararet, eam urbem multis ex causis esse commodam, & aëris clementia nobilem, nolle se ut alibi, quam in suo conspectu subsisteret, ut præsentem semper eum favore complecteretur, neque expectato responso, duos è curialibus suis Nanchinensis urbis peritos euocat, iubet, uti venale domum Patri conquirant. hanc Præsidis propensionem, maluit silentio differre, quam repulsa excludere, tametsi aduersari videretur deliberationi iam prius constitutæ. Vix dum domum redierant,

dierant, cum ecce tibi Præses ipse sequitur, ad visitationis officium utriusque rependendum. eam porro visitationem ritibus omnibus omisso nullo, & maximo, quo incedere solet apparatu, cohonestauit. In Aula verò cum consedisent, Profanus Cænobij Archimandrita, vir inter idolorum sacrificulos summus, ad solitam potionem offerendam accedit, & tribus æquè ingenua prouolutus, vasculum offert, eum honorem Præsidi exhibere tenebatur, velut supremo fanorum moderatori. Præses Patrem inuitauit, uti biduum triduum in suum Palatium reciperet; cupere se, uti luna plena, quæ illius anni prima erat, ignes è puluere tormentario admirabili arte fabricatos, ab suis noctu conspiceret; ingeniosissimas quoque lucernas in eam, & proximas noctes concinnatas. pleniluniū quippe primum his ad alacritatē publicam ludicris spectaculis celebrari solet, nulla ne suspicione quidem superstitionis. nec renuit P. Matthæus, nec urbanè poterat. exceptus est igitur à domesticis officiosissimè, eaq; spectauit, quæ sine stupore spectari non possunt. Nanchinenses quippe in his artificijs regnum superant, & orbem, ut arbitror, vniuersum.

Ignes ingeniose excitati spectantur.

Vbi auditum fuit, P. Matthæum à Præside visitatum, tum deniq; Magistratum Nanchinensium maiestas vniuersa concurrat, & ne visitati quidem plurimi officiosè præuenerunt. tres solum ex omni multitudine numerabo. Præses tribunalis quod à criminibus puniendis nomen accepit: inde eiusdem Assessor, ac præterea quæsturæ Regiæ, quod secundum est tribunal, summus Præses, hi quatuor, adnumerato primo ac summo Visitatore, præter officiosissimos ritus, digna tantis viris munera, magno apparatu submiserunt. quos subsecutus est, qui paucis post annis summum Colai munus Pechini gessit; hi omnes P. Matthæum vrgebant, ut Nanchini subsisteret, ades coëmendas offerebant, & ipse per omnes vicos ac Magistratum palatia palam nemine vel obloquente, vagabatur.

Magistratus Nanchinensis honorè & stationem deferat P. Matthæo.

Y y

Hic

P. Matthæus
visum agnos-
cit diuinum.

Hic quoque redijt in memoriam P. Matthæo visum illud nocturnum, quod Nanchini, cum primum venisset, turpiter eiectus habuerat. cum enim urbem ingressus ex hoc itinere fuisset, agnouit illam ipsam esse, quam in somnis illi Dominus ostenderat, cum per eam liberè vt sibi videbatur incederet, quod tum accidit non sine illius admiratione, quod vicos agnosceret, & palatia quæ non nisi somnians inspexerat, atque sum demum sibi persuasit planè id visum fuisse, non somnium, quale à rei alicuius cupidis effingi solet, persuadere quoq; sibi cepit, ex hac prodigiosa animorum mutatione, quam is qui corda hominum moderatur effecerat, diuinam esse voluntatem, vt Nanchini & non alibi consideret, cui cedere debent omnino mortalium rationes, neque enim est consilium aduersus Dominum. Cutaissò, vbi à P. Matthæo rem intellexit in sententiam illius concessit, damnatis prioribus de alia sede consilijs.

P. Matthæus
viro litterato
& Mathematico
commenda-
tus.

Vivebat eo tempore Nanchini, celebris quidam litteratus è Prouincia Chiansi oriündus, is parentem habuerat olim Proregem, & bis in Licentiatorum ordinem fuerat admissus, ideo quod prima eius nominatio propter quasdam cum Collegis rixas irrita pronunciata fuisset. Is Nanchini gratia valebat plurimum apud Principes Magistratus, ijs enim ipse scriptiones varias componebat, quod fieri solet vel in amicorum funere, vel in gratulationibus, eorundem uic discessu, quales apud nos essent orationes, aut poëmata, quibus ipse scriptiõibus opes magnas comparabat, & multa à Magistratibus largitione sollicitatus impetrabat. præterquam quod etiam Magistratuum filijs Sinenses libros legebat. idem de tribus Sinarum sectis (de quibus libro primo) ratiocinabatur, & sermonem miscebat, vt aiebant, appositè. Idem filium habebat, cui litteraria non admodum feliciter studia succedebant. vt eum igitur famæ traderet cõmendandum, hanc artem cõmentus est: fecit vt
nescio

nescio quis ingens de Mathematicis rebus volumen scriberet, quem ferebant earum rerum esse peritissimum: id volumen ipse deinde filij sui nomine in lucē emisit. Verūm ne Chiutaisō, propterea quod P. Matthæo patrocina-retur, aliquid de fama filij minueret, voluit ipsum P. Matthæum inuidenti Mathematico commendare. ergo die quadam in eius ædes monitum deducit, & ex itinere cum obuios habuisset familiares quosdam totius rei conscios, subridens, dixit: Ouiculam annis pluribus educaueram, eam nunc alteri fruendam trado: cum porro in congressum admissi fuissent, eo sermonem traxit, vt diceret se nequaquam venisse vt Nanchini cōmoraretur, sed solum vt veterem amicum comitaretur, & sedem illi firmam in his conterminis vrbibus aliquam inueniret, quo facto se vnde venerat rediturum. Et quoniam iudicaret, Nanchini esse neminem, cui ea res tutius commendari posset, obsecrare se etiam atque etiam, vt P. Matthæi patrocinium susceperet. Ex eo inopinato congressu & colloquio tantam cæpit voluptatem, vt seipse non caperet. ad eam rem tamen vbi se collegit, omnem se promisit lapidem moturum, & sane luculentius etiam fecit, quam dixerat. inde multis confirmare aggressus est, non esse alium Nanchino locum aptiorem: cui cum vterq; obijcerent, Nanchinensem Regiam in aduenas esse timidam satis atque suspicacem. Erratis inquit ille. nam Suceū emporium mari prope adiacet, & vectigalibus obrutum innata etiam propensione facile in tumultum erumpet, aut erumpere credetur. nunc vero Nanchini Superiorū mensium extinctas suspiciones vnā pacem & Reipublicæ quietem vbique personare. Nanchini etiam ipsam Magistratuum multitudinem potius auxilio, quam discrimini fore. si enim vnum contigerit è Magistratibus aduersari, non defuturos in præsentiam amicorum turba patrocinatores decem. extra regiam vero cæteris in emporijs singulos prope Magistratus Re-

Nanchini sta-
no offertur.

ges esse, facilius est enim paucos, quam plures in vnus perniciem conspirare, qua secundaratiocinatione dissoluebatur alterum de Nanchino argumentum, quod instar dilemmatis vtrinque poterat retorqueri.

Negotium P.
Matthæi per a-
lium virū pri-
mariū pro-
mouetur.

Verum nemo hoc negotium promouit magis, quam ex admonitoribus Regijs, Coli vocant, qui Cioselinus vocabatur. is quoniam contigit per eos dies alium ex eo Magistratu nullum Nanchini comorari, quos decem minimū octo esse oporteret, omnium vicem subibat, & erat in magna apud omnes veneratione, habebatur etiam insignis in Ethicis Philosophus, & quidem in characteribus effingendis (quæ res apud Sinas plus quam Europæos æstimatur) ita excellebat, vt paucæ ad exemplar regulæ, illius manu conscriptæ, in ipsa Nanchinensi vrbe Iulium, vt vocant, nummum in pretium exigerent, alibi vero & post annos aliquot, eius etiam non parum valor excreuit. libros scripserat, quibus omnes ad virtutem hortabatur, sermones præterea habebat in quodam litteratorū cœtu, is denique Præsidis amici opera & aliorum comendatione, cepit quoq; cum alijs pluribus P. Matthæum admirari, ex admiratione, videndi cupiditas tractandique exarsit, & in intimam familiaritatem libellus, quem de amicitia Pater scripserat eum inuitauit. Cum igitur in graui quodam consessu de P. Matthæi statione ageretur, hæc dicitur prolocutus. Constat externum hunc hominē, in Cantonienſi & Chianſi Præuincijs diu commoratum, quid obſtat igitur, quin etiam Nanchini cum tot alijs commoretur? Saracenos notabat, qui iam à Tartarorum tempore remanserunt, & pro indigenis computantur.

P. Matthæus
statuit Nan-
chini commo-
rari.

His igitur maximè auctoribus, P. Matthæus diu anceps, tandem statuit omnino commorari Nanchini, & commodo in loco ædes quarere, & magni aliquando domicilij prima jaccere fundamenta. ex hac enim vrbe, velut in amplo nouali fi-
dei

dei, sperabat reliquas quoque sedes nostras magnum nomen accepturas. De ædibus autem coëmendis pro habitatione nihil aggreditur, vsque in aduentum P. Catanei, quem Lincino expectabat.

Præses etiam Sociorum patronus, audito quanta P. Mathæum Magistratus omnes beneuolentia complecterentur, maiores in posterum animos in hoc negotium adhibuit, & in ea re alij ab alijs decepti, omnes ad fauendum conspirabant. arbitrabantur Magistratus, Præsidi cordi esse, nostrorum stationem. hinc fiebat, vt in Præsidis gratiam illam promouerët, Præses Sociorum patronus, habitationem offert. idem de Magistratibus sibi Præses effinxerat: qui Assessoris sui vacuum habitatore Palatium obtulit, quod Pater, vt rem suo iudicio nimis honorificā reuult, eò quod facile dare nonnullis potuisset ansam obloquendi, & perniciem aliquam toti negotio adferre. Commodas igitur ædes conduxit, & ex Assessoris Palatio supellectilem necessariam Præsidis auctoritate vtrendam accepit, dum ipse accommodatam coëmendis ædibus compararet, nec in his decreuit concursus, sed accreuit, siue multitudinem spectes, siue multitudinis nobilitatem, ea-que indies magis magisque augebatur. Hæc omnia fuse Nanzianum ad Socios scripsit mire ancipites, quid ijs demum factum esset, cum nullas hætenus, ex quo discesserāt litteras accepissent. ex hac sede omnem Sacrificij apparatus, & quem in sua tenuitate potuerunt, in sumptus subsidium amandarunt.

Habitatio re-
cusatur vt ni-
mis magnifica

Ex Mathematicis disciplinis magna Nostris auctoritas Nanchini accrescit.

CAPVT QVINTVM.

NON fuit vna diuini Numinis ad se adducendos in longa sæculorum serie ratio. Ita neque cuiquam mirum videri debet, si hanc escam piscibus in sagenam concludendis, nostri

Yy 3

obie-

Scientijs Euro-
peorum Sinen-
ses uti pharma-
cis salutaribus
capiuntur.

Opiniones Si-
nensium varie
circa res Ma-
thematicas.

obiecerint. qui enim Physica, Mathematica, Ethica ab hac Ecclesia remouenda duxerit, non satis nouit ingeniorum Sinen-
sium nauseam, quæ salutaria pharmaca non nisi his illita condimentis admittant. Nulla igitur alia re P. Matthæus vni-
uersam Sinen-
sium Philosophorum turbam in stuporem æquè adduxit, quam Europæarum scientiarum firmissimis rationi-
bus confirmata nouitate. Nunc enim auditum primum post tot sæcula, terram rotundam esse; habebant enim velut pro
primo principio, vetus quoddam axioma: Cælum rotundum, terra vero quadrata. Sciebat nemo, centrum in eius medio
grauia omnia ad se corpora vel euocare, vel sua propensione lapsu recipere; vniuersam in ambitu superficiem habitari; An-
tipodes homines hominibus sine lapsu consistere; cui rei in-
tellectu annuente, imaginatrix facultas multorum nondū ac-
quiescit. Hactenus inauditum lunæ defectionem posita inter solem ac lunam terra prouenire; in cuius explicationem ab-
surda commenti, grauius ipsa luna deficiebant, inter quos ex-
positores, dixere nonnulli, Lunam Soli oppositam, præ stupore lumen amittere. Alij solem ipsum in medio perforabant, asser-
ebantq; lunam huic foramini Solis oppositam, lucem ab sole recipere non posse. Nouum fuit, solem vniuersum terræ
globum magnitudine superare. quanquam id ut crederent a-
liqui se facilius adduci permiserunt, ideo quod etiam ab anti-
quis regni sui Mathematicis in librorū monumentis scriptum esse constabat, Sole ab ijs dimento supra mille miliaria in Ma-
thematicis instrumentis reperisse. Sydera vero ipsa, quæ nostri oculi ita exiguo spatii metiuntur, vniuersam terræ super-
ficiem excedere, id demum paradoxum videbatur. Nondum intellectum, sed ne dictum quidem è solida materia cælos con-
stare, stellas in eo fixas consistere, non erraticas vagari, decem cælorum orbis numerari, alium alio inuolui, diuersis motibus ferri. Excentricos enim & Epicyclos Sinarū ingenijs sub hac
initia

initia minimè obtrudebat. Polum in varijs locis pro Climatū varietate variè supra horizontem & infra eleuari vel deprimi. Ipsam dierum etiam ac noctium extra Aequatorem inæqualitatem nondum agnoscebant.

Iam quoq; primum exposita est Geographica totius vniuersi facies: siue illa in globi ambitu, siue in plana superficie pingeretur. terras nondum viderant meridianis, paralellis, gradibusq; distinctas: æquatorem, tropicos, polum vtrumq; zonas quinque ignorabant: ac tamen si plerisque ex his circulis in cælo aut cælesti globo in Mathematicis machinis ductos inspexerant, hos tamen in terras translatos nondum spectarant. non alias vnquā astrolabium super inductis laminis multiplex, & ad singulas regiones accommodatum; non sphaeram terræ globulo, vel vt in aëre suspenso conspexerant, non polos duos mobilem alterum, alterum immobilem somniarant. qua ex re magnum ipsi lumen consecuti, in planetarum motus intenderunt. sciotericum horizontale in plano, vel declinans ad parietes, aliaq; huius generis infinita, ne fieri quidem posse credebant. Sed nihil æquè stupebant, vt signa zodiaci, quæ ipsi duplicant quatuor ac viginti in sciotericis apte descripta, & ita vt ne punctum quidem stylus vmbrae index, à linea eius dici, quem suis characteribus scriptum legebant, discrepare. obstupere quoq; quadrantibus nostris, & alijs modis turrium altitudinem, puteorum aut vallium profunditatem, itinerum longitudinem facillime mensurari. Ars quoq; numeratoria scriptis exprimi posse videbatur mirum. ipsi enim certo, de quo supra, instrumento, incommodius utebantur.

Ex Geographica descriptio. ne Sinenses magnum lumen acceperunt.

Hæc porro ita incredibilia, vbi audiebant certissimis rationibus fidem etiam è pertinacibus exigere, ex vno clarè confirmato de cæterorum veritate nihil dubitabant. hæc paucis initio cōmunicata, breui in omnium litteratorum mœstra penetrarunt. vnde colligi liquido potest, quanta Europæ nostræ auctoritas

Europæ mag-
na authoritas
accessit apud
Sinās.

Error Sinarum
circa elemen-
ta.

De quatuor e-
lementis à Pa-
tre disputatur.

authoritas accesserit, quam in posterum à cæteris regnis segre-
gantes, Barbaram æstimasse pigebat, & in posterum pudebat
appellare. Sanè omittere non possum, quid è nostris cuidam
post annos plures acciderit: recens ex Europa venerat ille, &
adhuc sermonis ignarus, interpretem in congressus adhibe-
bat: contigit eum dies fere viginti in ædibus grauiissimi Do-
ctoris iam Neophyti cōmorari: is vt erat sciendi cupidissimus,
magnam eius temporis partem cum eo conterebat, philoso-
phiæ nostræ ac Thēologiæ materias, ordinem, sententias ex-
piscabatur: ad quæ cum noster ita respondisset, vt sibi satisfa-
ctum fateretur, die quadam in hæc verba prorupit: Nunc sa-
nè pudet me hic tibi adstare. Noster verò subridens, quæsiit,
quorsum in hæc verba prorupisset: quod arbitrer ait te in ea,
Sinās omnes, ac me priuatim classe numerare, in quam nos
Tartaros exleges ac Barbaros redeimus: cum noster id mo-
deste negasset, ait: id aliter fieri posse vix credo. ibi enim video
vos incipere, vbi nos terminamus. eloquentiæ studium nota-
bat, quod eos in senectutem vsque occupatos tenet, cum id à
nostris in puerili prope ætate ediscatur. sed hac digressionē
perfuncti, in viam reuertamur. In Sinarum scholas nullo irre-
psit fundamento, præter id, quod antiquitas ipsa tandem rui-
tura defodit. elementa quinque numerari, nec de ea re apud
eos dubitare fas est, aut disceptare. elementa verò sic nume-
rant; metallum, lignum, ignis, aqua, terra, & quod intolera-
bilis est, alterum ex altero nasci affirmant. Sed neq; aërem,
quia non vident, agnoscunt. vbi enim nos aërem, ibi vacuum
esse volunt. quod si de cerebro suo dicerent, non obstinatē
pernegarent; nihil tamen P. Matthæus antiquitatis maiesta-
tem formidauit. quatuor enim elementa è totidem qualitati-
bus contrarijs nata pronunciauit, quæ nec plura esse vel pau-
ciora, sed nec esse posse confirmauit. vbi vero de singulorum
locis egit, tametsi de tribus inferioribus non admodum repu-
gnarunt,

gnarunt, incredibile tamen illis visum, ignem sub ipso caelo situm, altissimam elementaris mundi partem occupare. Sed neque hoc igne cometas ardere, & eas exhalationes, quæ stellæ cadentes appellantur. cometas enim ipsi in stellarum numerum referebant. De his igitur P. Matthæus cōmentarium Sinicè scripsit, quo commentario elementorum quinque vanitatem exufflauit, & nostrorum quatuor veritatem stabilivit, loca sua singulis assignauit, & etiam suis figuris illustravit. Hic cōmentarius quide arreptus est, ac sæpè ab illis ipsis recusatus, & eodem quo supradicta omnia applausu exceptus. his alijsque inuitati nonnulli, se P. Matthæo imbuendos tradiderunt, hortatore maxime Chiutaisò, qui iam ex discipulo factus erat Magistellus. Litteratus ille, quem supra dixi, veritus ne ab eodem ipsius splendor extingueretur, discipulos ex suis duos tradidit Astronomiæ Sinensis non imperitos; è quibus alter erat ille ipse auctor voluminis, quod filij nomine prodierat: his additus est tertius, qui ceteros etiam ingenio superabat. Is venerat missus à Philosopho celeberrimo Magistro suo Collegij Pechinensis Regij, quod Hanlin vocatur, litterato: illi habentur velut litteratorum Regni medulla, & in id admissum esse, inter summas dignitates computatur. sed de his primo libro. Degebat is fortasse per eos dies in vrbe Prouinciæ Nanchinensis, à Regia fere quatruidui: iam longo studio assecutus erat, nihil in Mathematicis Sinarum disciplinis solidi reperi-ri, & iam diu eas ad scientiæ firmitatem ac methodum, sed frustra reducere nitebatur. Is P. Matthæo discipulum per litteras commendauit eumq; vt in Mathematicis suo loco instrueret, enixè rogauit; Naturæ erat is ferocioris, sed breui tempore ad humanitatem traductus est, illudq; Pythagoricum v-
surpauit, *αὐτὸς ἔφα*. Ille idem, seipso, nullo Magistro, primum Euclidis librum assecutus est, & identidem à P. Matthæo demonstrationes Geometricas exigebat, quod cum Pater ni-

Discipuli Ma-
thematicis eru-
diendi tradun-
tur P. Matthæo

P. Matthæus
discipulos in
Mathematicis
instruit.

Error circa so-
lem & lunam.

Astrologorum
imperitia.

mis otiosum, & discipulis operosum iudicaret, eius votis, libris Sinensi idiomate editis, factum satis. Inter docendū discipulis etiam Sinis studia sua de sanctissima lege nostra euulganda declarauit, nihil opus esse aiebat ille discipulus idolorum sectam confutare; videri sibi satis esse, vt Mathematicas disciplinas euulgaret: hi enim impiæ sectæ Magistelli, non solum se Theologos tot cōmentis infames, sed Philosophos etiam & Mathematicos videri voluerunt. Solem noctu sese intra montem abscondere asseruerunt, cui etiam nomen Siumi affinxerunt: quem aiebant in mari radicem habere, viginti quatuor miliariorum millibus, sub aqua profundam; & cum ad ipsas maiorum syderum defectiones accessissent exponendas, somniarunt numen quoddam Holochan nomine, solarem efficere eclipsin, solem ipsum manu dextra tegendo; lunarem vero, lunam læua manu occultando, & sanè non id vni accidit, vt è Mathematicis disciplinis idolorum sectæ depræhenderent vanitatem, sed alij quoque ita ratiocinantes discebant. His discipulis maximè adiutoribus, Scioterica multa, & varia, quæ distribueret, concinnauit; quin etiam excudit non paucas eorum formas, quibus omnium magnatum ædes oppletæ: omitto distinctas circulis cælestibus sphaeras, & vniuersam terræ superficiem in globum redactam, aliæque per multa.

Non Pechini solum, sed & in hac Regia, Collegium est Mathematicorum Sinensium, nobilius illud ædificiorū mole, quam Astrologorum peritia. nam fere ingenium tenue, scientia tenuiore. nihil enim aliud faciunt, nisi quod fastos & ephemerides suas ad antiquorum calculos reuocant, ac si forte euentus calculos fallunt, dicunt, ita quidem, vt ipsi supputarunt, rem regulariter euenturam, prout ipsi prædixerāt: sed hunc aberrantium siderum casum, aliquam e cælo in terras significationem præmonstrare, quam ipsi deinde pro arbitratu

tratu fingunt, errorifucum obtegentes. Hi autem non nimum P. Matthæo credebant, veriti nimirum, ne dignitatem illis eripere conaretur; hoc tandem metu liberati, amicè Patrem à quo aliquid discerent visiterunt. cum ad eos reuiscendos accessisset, rem sanè nouam & opinione sua superiorem spectauit.

Mons est ad vnum ciuitatis latus intra muros sublimis, in summo monte, Area in latum patet, contemplandis syderibus aptissima, in Areæ ambitu ædes sanè magnificæ à Collegis habitantur. Ea in area, qualibet nocte oportet ex ijs vnū excubare, & caelestia omnia phænomena, vel Cometas, aut incensos in suprema aëris Regione ignes obseruare, de quibus deinde Regem exactissimè moneant, & quid vnàquæq; res portendat, exponant. In area visuntur opere fusili machinæ mathematicæ, sua vel magnitudine, vel elegantia visendæ: quibus sanè simile quippiam Europa rota nec vidimus nec legimus: ea iam annos prope ducentos & quinquaginta, imbres, niues, ac reliquam aëris inclementiam ita patiuntur, vt nihil omnino de pristino splendore amiserint. ea non ingrata digressionem; oculis vt potero, narrando subijciam, ne desiderium lectoribus iniecisse, nec videar sustulisse.

Mons sublimis contemplandis syderibus aptus.

Machinæ Mathematicæ visendæ quatuor

Mathematicæ igitur hæ machinæ maiores erant quatuor: Prima visebatur ingens globus, suis meridianis gradatim parallelisq; distinctus: huius globi ambitum tres viros amplecti minime potuisse iudicatum est: in immani cubo item ex ære super axem suum insistebat: in Cubo porta erat exigua, sed quæ intrando sufficeret ad ipsum globum, cum opus esset rotandum: in eius externa superficie sculptum omnino nihil, non stellæ, non regiones, vnde apparet aut nondum fuisse finitum, aut studio ita relictum, vt globi caelestis ac terreni vicem obtineret. Altera machina erat ingens sphaera; non angustior diametro, quam quantum spatij vtriusque manus ex-

Prima machina.

Secunda.

tensione completur, passum geometræ vocant. Horizontem habebat & polos: circuloꝝ porro vicem subibant armillæ quædam duplices, inter quas, quod vacuū erat spatium, sphaeræ nostræ circulos repræsentabat; hæ omnes in trecentos sexaginta quinque gradus, & minuta pauca diuidebantur: in eius medio terræ globulus nullus videbatur, sed tubus quidam ad instar sclopeti perforatus, quem quaquaversum voluere, & quolibet in gradu ac eleuatione statuere facile erat ad explorandas eo tubo, velut pinnulis solemus, stellas quashbet artificio sanè non inepto. Tertia machina erat Gnomon altior duplo superioris machinæ diametro, statuta in ingenti marmore ac prælongo ad Borealem plagam: Tabula autem lapidea canalem habebat in ambitu, vt aqua in eum canalem imposita exploraretur, esset saxum in plano nec ne, & stilus eo modo, quo in horologijs ad perpendiculum collocatus. credibile est Gnomonem hunc ideo extructum fuisse, vt eius ope solstitiorum & æquinoctiorum vmbra ad amussim notaretur. nam ideo saxum ipsum ac stilus in suos gradus distribuebatur. Quarta deniq; & omnium maxima stabat machina quædam è tribus quatuorue Astrolabijs ingentibus iuxta se positis; & singula geometricum passum, qualem descripsi, in diametrum ferebantur: nec illis deerat linea fiduciæ, vel alio nomine halhilada: sed neque dioptra. ex ijs vnum æquatorē in meridiem inclinatum referebat alterum, quod cum superiore crucem referebat, in septentrionem & Austrum Patri visus est esse meridianus, tametsi in gyrum voluebatur: alterum erectum stabat ad meridiem, quo circulus verticalis forte intelligebatur: sed hic quoque, vt quemlibet verticalem demonstraret, rotabatur: & hæc omnia gradus ita distributos habebant, vt in singulis ferreos nodulos prominentes haberent, vt etiam noctu manuum fide gradus ipsi sine luce palparentur. Tota hæc astrolabiorum machina in area quoque
plana

Tertia.

Quarta.

plana è marmore cum suis in gyrum canalibus statuebatur. In singulis autem his instrumentis, Sinicis characteribus exponebatur, quid vnaquæque res denotaret: adscriptæ quoq; erant quatuor ac viginti zodiaci constellationes, quæ signis nostris duodecim duplicato numero respondent. Verum in his error erat vnus; quod omnia in sexto gradu supra trigessimum poli eleuati statuerentur. Vrbs quippe Nanchinensis in gradu iacere trigesimo secundo & quarta gradus portione, certius est, quam vt in dubium possit reuocari. ac videntur fortasse hæ machinæ ideo factæ, vt alibi collocarentur, sed ab aliquo deinde rerum mathematicarum minus perito, nulla habita ratione loci inibi collocatas. Spectauit etiam P. Matthæus post annos aliquot similes Pechini machinas, aut easdem potius, ita nihil aliæ ab alijs discrepabant, nihil vt dubium videatur, ab eodem fufas artifice: & quidem eo tempore fufas constat, quo Tartari Sinis imperitabant. vnde non temere coniectare possumus, eas ab aliquo externo perito disciplinarum nostrarum fuisse confatas.

Sed tempus est vt à machinis regrediamur. Magistratus P. Matthæus eo tempore maximus P. Matthæum rogauit, vti Geographi- rogatu Magi- cam vniuersi descriptionem olim in Cantonienſi Prouincia stratus Geo- culam reuideret, & fusioribus cōmentarijs locupletaret; vel graphicā vni- le se denuo illam publicis palatij sui tabulis sculperet, & in pu- uersi descri- blico ponere spectandam: fecit quod erat rogatus, & auxit ptionem facit etiam proiectionem maioribus tabulis ad intuentium commoditatem exprimendam, errores correxit, addidit multa, vti ne pigeret renouasse. mire placuit hoc amico Magistratui, & mox publicis sumptibus sculptores adhibuit eximios, ipse vero eleganti proœmio opus auctoremq; laudauit. Hæc recusio fama ac numero Cantonienſem superauit: eius ex hoc regni centro in reliquas partes exemplaria distributa, quin etiā à nostris Amacauim, & in Iaponiam amandata, ad quorum

Zz 3

normam

normam alia alibi inculpta narrantur: ex ijs vnū in Sinarum regno peruenit ad eum, qui tum Prorege Cuiceū moderabatur prouinciam. Is P. Matthæo iam tunc è Cantonienſi Prouincia notus, idem opus alia methodo ſuſcepit recudendum: descriptionem illam anguſtiori proiectione coarctauit, & in librum retulit; omnia quæ legerat regna in quinque vniuerſi zonas diſtributa; & ſingulis regnis proprias commentationes, quæ ſimul omnes in laxiori deſcriptione legebantur attexit: idem quoque operis auctorisq; encomia ſuſè præfatus auctoritatis ſuæ partem, quam litterarum opinione, ſcripſitq; libris compararat, in opus ipſum ſcriptoremq; deriuauit: quæ omnia fuerunt eius meſſis, quam videmus, herba & naſcentis Eccleſiæ fundamenta.

Nanchini viri Primores P. Matthæi familiaritatem ambierunt.

CAPVT SEXTVM.

Volebat in hac Regia Deus optimus Maximus ſpes magnas altè defodere; id vt clarius intelligatur, ingratus diuinis eius operibus viderer, ſi prætermitterem, quos ad eam rem inuſitados forte modos euocarit. attingam hoc igitur capite Magnates illos, qui eo tempore P. Matthæi congreſſum ambierunt; nec tamen eam rem exhaurire ſtatui, ne propoſitæ breuitatis limites in re non magna transgrediar. Taceo primum ſummos ſex Tribunalium Præſides, qui nihilo quam Pechini minus, excepta Regis præſentia, qua ſuperant Pechinènſes, ſuæ prouinciæ negotia moderantur; tres alios, de quibus nihil hætenus, nominabo. Dignitas eſt quædam hæreditario iure in primogenitos tranſmiſſa, ab ipſis belli Ducibus, qui Tartaros expulerunt, ij Quocūq; appellantur, quorum poſteriores filij honoribus omnibus ab Rege, ſed infra primogenitum coho-

Primores viri
bis Nanchinē-
ſis P. Padeunt.

cohoneſcantur; unde ſit, vt nunc ſeculis ſenſim labentibus in
 numeroſam familiam excreuerunt: ac tameti nihil omnino
 publici muneris attingunt, niſi forte militares præfecturas, ha-
 bent tamen non minimam dignitatē, & optimi ſtatus honorem
 & liuere ſoli nobilitatem Europæam repræſentant. Sed de
 his plura ſupra, hæc ad memoriam vellicandam repetita. hu-
 ius familiæ caput Nanchini eſt vnum, cuius eſt viſendus appa-
 ratus; quoties eum egredi domo contingit, ſella geſtatoria o-
 cto baiulorum humeris exportatur; hortos, palatia ſupellecti-
 lem, regia omnia poſſidet: is die quadam P. Matthæum in æ-
 des ſuas inuitauit, ſed primum patruum ſuum ad eum inuiſen-
 dum miſit, adeuntem excepit in horto totius vrbiſ amænissi-
 mo, eo in horto, prætermiſſis alijs, quæ ſpectari nec fortalle
 legi poſſunt ſine voluptate, vidit arte factum è varijs marmo-
 ribus impolitis montem: is in ſpeluncas affabre excāuatus; cu-
 bicula, aulas, gradus, piſcinas, arbores, & alia plura continebat;
 in quibus ars cum voluptate certabat. hoc ideo faciunt, vt æſti-
 uos æſtus, ſi quando ſtudijs inſudant, vel conuiuijs inſtruunt,
 ſpeluncarum frigiditate fallant. augebat lepōtem figura in la-
 byrinthum tendens: nam tametiſi non latiffimam arcem oc-
 cuparet, duas tamen trēsue horas omnia circuire volentes de-
 tinebat, & inde alia porta patebat egreſſus. Erat hic nobilis
 ſed adoleſcens, cui ſatis fuit ex Europæis rebus audita nōnulla
 ſpectaſſe.

Hortus totius
 vrbiſ amænissi-
 mus.

Alter qui ſeſe in P. Matthæi familiaritatem ingeſſit, erat
 Nanchinenſium militum omnium præfectus, qui etiam aliam
 obtinebat dignitatem, proximo infra ſuperiorem gradu, ea
 Heu appellatur: hic arctiorē cum P. Matthæo amicitiam inijt,
 & eum ſæpius ſolitis ritibus, congreſſu, & conuiuijs excepit,
 è cuius amicitia nōſtri ſecuri nō parum erant futuri. hic enim
 pro munere vrbiſ excubias, & ſecuritatem curat, & hic ille
 ipſe eſt, qui nuper cum Nanchini eſſet, P. Matthæum interer-

pere

pere conabatur, nisi cum amici Præsidi auctoritas detrahi-
set, ut supra narraui.

Regi fit fausta
precatio.

Tertio loco mihi nominandus est Eunuchus è maximis,
qui cum auctoritate non minima Nanchinensibus Eunuchis
præstet, quorum aliquot millia censentur, idem Regis Palatio
præsidet, & urbanis omnibus portis, quin etiam militaribus
lustris, vna cum maximo, de quo dixi, præfecto: alia quoque
publica negotia attingit non pauca; & auctoritatem quoque
magnam maximo proficitur apparatu: is erat prope decrepi-
tus, & pro Eunuchorum Sinensium more parum urbanus. er-
go parum urbane P. Matthæum excepit. nam eius curiales mo-
nuerunt, uti certum honoris titulum illi daret, qui celsitudini
nostræ videtur proxime respondere, eam quoniam noua res
est, exponam. Regi quoties loquuntur, precari solent decies
millies mille vitæ annos his tribus syllabis; van van siù, & hoc
est idem ac si maiestatem voces, cæteris in Palatio Regijs pro-
libus aut Reginis mille annos inferiore titulo precantur. Eu-
nuchorum verò arrogantia tanta est, ut sibi mille annos velint
optari, & poplite flexo salutari, Verum hic P. Matthæus re-
fugit. neque enim sine summorum Magistratuum offensione
poterat plus Eunuchis, quam illis deferre, sed tamen honora-
tus. usus bonum Patrem edocuerat, apud Sinas, cæterosq; in
Oriente Gentiles, non negligendam esse aliquam intra ratio-
nis limites maiestatem; Ingressus est igitur & solito ritu Eunu-
chum salutauit: inter loquendum vero, quoniam Eunuchus
obsurduerat, adstabat illi ad latus vnus aliquis, qui Patris illi
verba in aures intonaret, & is immutans honoris titulum mil-
le annos pro arbitratu iterabat: quibus rebus quam conten-
tus extitisset, magno munere, quod Patri obtulit, est testatus,
Pater autem illud respuit, & Trigonum vitrum à se petatum
negauit, & in posterum ab Eunuchi congressu abstinuit. satis
tamen hoc fuit, ut Eunuchi reliqui Patrem venerarentur, sci-
returq;

returq; tota vrbe tres illos vrbis Primates in aduenæ Nanchini statione consentire.

Eodem tempore, Nanchini habitabat patrio in solo quidam, qui primum in Doctorum renunciatione locum fuerat assecutus. ea res per se maxima dignitas est, alijs enim ipse Reipublicæ muneribus exturbatus, domi priuatus degebat, sed eo tamen, quo decebat apparatu, & omnium veneratione. Is in concionatorem trium sectarum, quas apud Sinas esse diximus, degenerarat, & iam magnam earum cognitionem profitebatur. habebat domi suæ celeberrimum eorum templorum canobitam, qui publicis quæ gesserat muneribus sponte abdicatis exsariem ralerat, & è litterato, infrequenti apud Sinas exemplo idolorum Minister euaserat. & quoniam reuera Qui iam è litteratis idolorum minister factus. virerat Sinensibus disciplinis probe eruditus, & ad scientiam septuaginta annorum senectus accesserat, magnam ea re famam, & discipulos plures aggregarat, nouæ quam ipse comminisceretur sectæ professores: uterque P. Matthæum magno honore affecit, sed maxime apostata litteratus omnes egit in stuporem, qui audierunt illum visitando præuenisse, solus ille, cum in litteratorum catu de lege nostra acriter disputaretur, tacuit legem nostram veram esse confirmauit, Patri denique in flabello epigrammata duo eleganter sane conscripta dedit, quæ ipse quoq; postea in Epigrammatum suorum libellum retulit: de hoc apud Sinas more memini me libro primo Epigrammatis honorantur. tractare. Hæc epigrammata quæ P. Matthæo ac Socijs honoris causa scripta sunt, in magnum volumen excreuissent, nisi modestiæ Christianæ fuisset consultum.

Alij quoque duo dignitate, sed fama tamen nihilo inferiores ad eum visitandum deuenerunt. ex ijs vnus se ad annos ætatis trecentos peruenisse fingeat, quorum magnam partem, ne mendacij coargueretur, extra regnum se collocasse dicebat: & quoniam Sinæ magnates ad vitam protrahenden-

A a a

dam

Sinæ in produ-
cendis annis
ætatē delirant

hendam intenti prope delirant, nihil admodum de rei veritate laborantes, hunc hominem magna ambitione sequebantur; ex eo quod prolixioris vitæ præcepta discipulis suis prælegebat. is ergo ad Patrem etiam primus venit, uti se quod adieiebant congressu cum Mathematico summo nobilitaret; is iactabat se non è cælo, sed è terra Sinensi Geologia futura prædicere. de qua etiam consule librum primum. Alter è duobus minus quidem impudenter, sed tamen & ipse fingebat. nonagenarium enim, cum vix sexagenarius videretur, se esse prædicabat. nouerat etiam incurabiles fere morbos curare, & qua arte nescio, sed in eo tamen genere certis auctoribus de eo mirra narrabantur; hic erat prioris Socius, & alter alteri famam, vel è vita longiore, vel ex artis medicæ præceptis colligebat. Illi P. Matthæum ubiq; prædicabant, & asserebant se illi in scientia planè cedere, vnde venit aliquibus in mentem suspicari: P. Matthæum fortasse etiam in aliquot sæcula vixisse, sed eam rem secretis ex causis dissimulare. similes enim nugas, de aduenis potissimum vultu non nihil à se discrepantibus, facile solent suspicari.

Confutio Litteratorū Principi musica exhibetur.

Hoc eodem tempore omitti non debet res quædam, quæ fortasse ab Europæis quæri solet, de Sinarum videlicet harmonia. Solemne in diem quendam Confutio Litteratorum Principi sacrificium parabatur, si sacrificium appellari potest, quod ipsi non ut Numini, sed ut Magistro offerunt. sacrificium ideo vocatur, quod id nomen apud Sinas latius pateat. In id ergo sacrificium solemnē musica exercebatur, ad quam pridie sacrificij probandam summi Tribunalis Præses amicus euocabatur, ut videret, an in sacrificium posset adhiberi. inuitatus est P. Matthæus: nec abnuir, maximè quod sacrificium non esset. concentum hunc curabant Litteratorum Sacerdotes, Tansù vocant, & in aula vel potius templo Regio, quod Deo Cali Domino extructum est, musici concentus experimentum

tum fiebat. P. Matthæo locus cum Præsidis filijs ad spectandū est assignatus. prodire cœnobitæ velut sacrificaturi in vestib⁹ sanè pretiosis: ij post exhibitos Præsidi solitæ venerationis ritus, tum ad pulsanda quilibet instrumenta se accinxerunt: è quibus erant ex ære campano tintinnabula, pelues, alia è saxo, è pelle quædam velut tympana, è fidibus nonnulla, tibiæ inflabantur, & organa quædam, in quæ ventus non follibus, sed ore insufflatur: quædam alia brutorum figuram referebant, & bacillis in eorum dentes adactis, ex inani ventre sonū reddebant. hæc simul omnia pulsabantur, eo concentu, quem fingere sibi quisq; potest. neque enim alia erat, quam nō concors, sed discordia discors. nec ipsi Sinæ planè pernegant. doctissimus enim quisq; fatetur, simphonix concordiam veteribus notam, posterioribus sæculis excidisse, & sola instrumenta sine arte remansisse.

Musica discors

Verum Regium quoque Templum spectari debet. nam vere Regium est; siue magnitudinem spectes, siue operis maiestatem. Sub Urbem extructum est in nemore, aut potius pineto, muris cincto, quod in ambitu duodecim miliaribus Italicis patet. Totum fere templum exceptis muris opere latericio è ligno constat: in quinque naues distribuitur: duobus vtrumque ordinibus columnarum, quæ ligneæ ac rotundæ duorum virorum amplexum excedunt, & crassitiem altitudo intra simmetriam non fallit: supra cælatum est egregie rectum, & plane mauratum, ac tametsi ducentis iam annis erectum est, neque Rex Nanchini sacrificet aut resideat, vix quicquam tamen de primo splendore deperdidit: in medio templo locus est eminentior è marmoribus pretiosissimis, in eo loco duplex est Thronus; marmoreus vterque: in altero Rex sacrificaturus sedet, alter inanis ei, cui sacrificat relinquitur, vt ne dedignetur assidere. exterioris templi peristilia elegantissimis meandris exornata: ac ne aues in eo nidificarent,

Templum regium.

Aaa 2

aut

Aræ extra tem-
plum.

aut omnia fœdarent, fenestræ omnes ferreo filo in retis modum solis radijs solum patebant. id solemne est fieri in vniuerso Regis palatio. Templi portæ omnes æreis laminis inauratis obductæ, & laruis elegantibus ex eadem materia exornatæ. Extra Templum è marmore rubro plures erant aræ, quæ solem, lunam, stellas, & Sinicos montes referebant, lacus etiam quidam mare repræsentabat: quare dicuntur innuisse, Deum qui in eo templo colitur, reliqua condidisse, quæ extra templum statuuntur, ne ea quis pro numine veneretur. Huius nemoris arbores, propositis pœnis grauissimis nefas est cædere, etiam rami quemlibet, vnde permagnæ sunt & antiquitatis testes. In ambitu templi variæ sunt cellæ, quæ olim fuisse Thermæ dicebantur, in quibus Reges sacrificaturi, & reliqui Ministri lauabantur.

*P. Matthæus Riccius cum celebri sacrificulo de
lege nostra disceptat.*

CAPVT SEPTIMUM.

Habitus Patri-
stheus.

VTebatur, vt supra dictum est, habitu litteratorum P. Matthæus, sed eorum maximè, qui se legis prædicatores appellant. habitus est sanè modestus, & pileus nostro non absimilis, in crucis quoque formam constructus; nec se habitu solum, sed multo magis colloquijs se diuinæ legis præconem prædicabat. totus enim erat in vtraq; simulacrorum secta confutanda. Litteratorum vero sectam non solum non perstringebat, sed laudabat etiam, eiusque Principem Confutium commendabat: qui quæ de altera vita nescierat, tacere, quam comminisci maluisset, & legis suæ præcepta ad vitam recte cuique constituendam, & familiam, regnumq; ex æquo & bono gubernandum direxerat. Hic vestiendi procedendiq; modus in externis visus est planè nouus, sed qui magnopere à
littera-

litteratis approbaretur. externi quippe ad hanc diem omnes, qui ex occasu in Sinarum regnum penetrarant, omnes inquam, à litteratorum placitis, ipsoq; Confutio discedentes, in simulachra celebranda ferebantur. & hac de re frequens erat inter magnates sermo, illum in omni congressu verum litteratum appellabant; qui vnum Deum veneratus, verum cultum, mentitis Dijs colendis fœdare nollit, quod pleriq; faciunt apud Sinas hoc tempore litterati.

Eo ipso tempore florebat Nanchini septuagenarius quidam senex, ex urbanis magistratibus, magna litterarum ac virtutis opinione: ad eum velut ad oraculum plurimi è varijs partibus concurrebant, & se in eius disciplinam tradebant, è quibus ille millenos numerabat: is aperte repudiatis litteratorum institutis, vanos Deos venerabatur, & venerandos prædicabat: & quoniam concursus undique fieri solitos non ferebat, certos quolibet mense dies designarat, quibus audire & auditum volebat: reliquis diebus ne auocatus quidem comparebat. hic cum P. Matthæo congredi desideravit, & adhibito vtriusq; familiari Chiutaisò effecit, ut libens ad se veniret. sperabat enim eum se posse diuino auxilio ad Christi fidem aggregare. ergo primo congressu de religione sermones illati, & quidè primo prope argumento extorsit, ut diceret, sectam idolorum similem esse malo, partim putri partim sano; accipere se quod in eo sanum esset, & putre repudiare: qui aderant eius discipuli ex tam liberali Magistri concessione, pudore suffusi sunt. ipse etiam stupore affectus est, inuenisse se hominem, qui sectam idolorum ita acriter impugnaret.

Solemne erat eo tempore, solito acrius litteratos in varia sodalitia cogi, ut inter se de Ethicò disciplinis, & virtute sectanda conferrent. is de quo modis agebatur, sermonem suscepit, & eruditissime, ut solebat, sed ex idolorum secta tamen Confutium litteratorum Principem confutauit. Aderat forte

Senex quidam
litteratus cum
P. Matthæo de
lege nostra, di-
sputat.

è publicorum operū Tribunali grauiſſimus litteratus, & idem in grauiſſima dignitate conſtitutus, non tulit litteratum in Conſutij dedecus Idola propugnare, ſed grauiſſe excandefcens, vociferabatur; rem omnino ferendam non eſſe, in hoc omnium & Sinenſium, & Litteratorum cœtu hominem, & litteratum eo dementiæ perueniſſe, vt Conſutio repudiato idola propugnaret, quorum cultum conſtabat è regnis externis adueniſſe: quod ipſum, inquit externus ille litteratus Matthæus Riccius admirari ferebatur, quem etiam aiebant Conſutij doctrinam prædicare, & idolorum deliriâ impugnare, quæ iam dudum ipſi aduenæ è ſuorum regno exterminaiſſent. Hic qui loquebatur nondum P. Matthæum aut conuenerat, aut viderat: vnde mirum eſt, cum de eo ſic palam prolocutū. His auditis, idolorum propugnator erubuit, ſed diſſimulato pudore ſubiunxit: ſe cum eodem aduena collocutum, & videri ſibi nondum de Sinicis rebus probe edoctum: paulatim inquit placitis melioribus erudiemus: atque ita diſſoluto cœtu ſinguli ad ſua redierunt, non ita multo poſt cum ignoraret etiam tum P. Matthæus ea, quæ in ſodalitio contigerant, inuitatus fuit ab idolorum propugnatore ad conuiuium inſtantifimè. nam Sinæ vt ſupra dictum eſt, controuerſias ſuas fere inter pocula dirimunt. ne ſuæ ſtationi ſtabiliendæ obicem opponeret, cauſatus eſt occupationes, & alia permulta, quæ omnia inuitator reiecit, & importunis legationibus euicit, etiam auctore Chiutaiſò, vt P. Matthæus non potuerit, ſine inurbanitatis nota amplius repugnare. Iuit igitur & quidem ad diſceptandum comparatus; ipſe quoq; inuitator ſemel victus, cum ſibi diſſideret, celebrem euocauit idolorum ſacrificulum, qui multis alijs quos in diſcipulos adlegerat, præſſe dicebatur: præter quos alia quoque illum laicorum multitudo ex vtroq; ſexu Magiſtrum appellabat. Is Sanhoi vocabatur, multum à reliquis huiusmodi cænobitis diſcrepans, quos ſupina rerum ignoratio

P. Matthæus
inuitatur ab i-
dolorum pro-
pugnatore.

Alius cænobi-
ta litteratus
inuitatur.

ignoratio infames reddit: Hic enim litteris operam dederat accurate, & insignis erat vel philosophus, vel orator, ac Poëta, idem reliquas sectas præter suam alte imbiberat.

Vbi P. Matthæus aduenit, iam aderat euocatus cænobita multis litteratis stipatus, atque interim, dum reliqui veniunt, viginti & eo plures exhibitio de more ritu confederunt. Assedit Patri sacrificulus, & magno supercilio superbiam, vili laceria tegens prætulit, velle se cum Patre de Religione congregi. cui P. Matthæus in hunc modum est prælocutus: Prius ait quàm in arenam descendamus, aueo ex te scire, quid sentias de primo principio cæli ac terræ, ac cæterorum conditorum, quem vno verbo Cæli Dominum appellamus. Respondit ita laceffit: non equidem nego hunc cæli ac terræ moderatorem reperiri, sed eum nihil admodum habere maiestatis aut Numinis. nam & ego inquit, & alius quilibet illi æquales sumus, neque vlla in te illi cedimus. & hæc ita perfrecta fronte dicebat, vt etiam aliquid esse amplius videri vellet. Quasi Pater ex eo; ea facere posset nec ne, quæ cæli Dominum fecisse constaret? nam hoc necesse videbatur; annuit ille, & se terram & cælum posse condere. Age, inquit P. Matthæus Prunarium huic simile fac sodes, aderat enim tum forte prunarium cum prunis candentibus: hic vociferari cæpit, indignum esse vt hoc ab eo fieri postularet: cui altius etiam tollens vocem respondit: indignum esse promittere, quod non possis. ad clamorem cæteri concurrerunt, & quærebant, ecqua de re disceptarent. Chiutaisò rem retulit, & visus est P. Matthæus non iniqua postulasse. Instaurata denuo disputatione, cæpit Profanus Mystes chimæræ suæ principium magnæ circum locutione proponere. quærit vicissim ex P. Matthæo Mathematicas norit disciplinas nec ne, senserat enim eum pro insigni Astrologo prædicari: respondit noster, ea de re se aliquid asscutum. tum ille, cum inquit de sole ac luna differis, in cælum conscen-

Litteratorum
confessus ad
disputandum.

Disputationis
principium.

P. Matthæus
explicat re-
sponsum suum

conscendis, an illi ipsi planetæ ad te descendunt? neutrum inquit Pater, verum cum quippiam videmus, speciem quandam rei visæ efformamus in ipsa mente nostra, & si forte de re visa loqui aut cogitare placet, mentem nostram introspicimus, & ab ea receptas imagines ac species exigimus. hic velut victor gaudio exultans in pedes erigitur. Ecce tu inquit novum solem, novam lunam creasti, & eadem ratione quidlibet aliud creari potest, quo dicto superciliosus resedit, velut re iam clarissimè probata conquiescens. Pater vero exponere aggressus est speciem illam non esse solem ac lunam, sed solis ac lunæ imaginem, atque inter utrumq; quantū sit inquit discrimen, quis non videt? & quidem si nullo sensu solem ac lunam percepissem, nec ipsam etiam speciem elicere potuissem, ac longe minus ipsum solem ac lunam condidissem. In speculo probabat intentum, in quo solis ac lunæ imago spectabatur, si ex opposito statueretur. ecquis porro est ita hebes, ut dicat, speculum solem ac lunam creare posse? hac expositione adstantes visi sunt magis, quam Cœnobita, recreari qui deinde causæ suæ bonitatem in clamore statuens, occultare nitebatur ignorantiam. eò res devenit, ut tandem inuitator ipse vereretur, ne quid alteri inurbanè in alterum elaberetur: ergo auctoritate sua litem diremit, & Cœnobitam alio adduxit, eo consilio, ut è disceptatione in posterum cessaretur.

Quæstio pro-
ponitur de hu-
mana natura.

Interim venerant reliqui ad convivium evocati, & singuli singulis in mensis, quæ erant proximæ, assederunt. primum locum occupare iussus est, quod externus esset P. Matthæus, in medio convivio colloquentes inter se litterati, discutere cœperunt celebrem apud Sinas litteratos quæstionem de humana natura, quid sentiendum? ipsa seipsa bona sit an mala? an neutrum. aiunt enim si bona est, unde malum quod ex ea nascitur? si mala, unde bonum quod sæpè operatur? si neutrum est, unde nunc benè nunc male seipsa facit? & quoniam logi-
cæ præ-

ex præceptis carent, morale bonum ac naturale confundunt distinctione uti nescientes, item natura ingenitum vel acquisitum perturbant, de natura verò originis culpa corrupta, de quæ diuinis auxilijs & gratia, ne per somnium quidẽ audierunt. vnde in hanc vsque diem Philosophi de hac quæstione certant, & adhuc sub iudice lis est. de qua eo die integrũ horarũ spatium problematicè disceptarunt, totum illud tempus siluit P. Matthæus, & à plerisq; iudicatus est huius quæstionis subtilitatem ne allecurus quidem, & tamen pleriq; optabant, quid posset in hoc enodando nodo experiri. igitur cum velle se loqui modestè prætulisset, conticuere omnes, intentiq; ora tenebant. tum P. Matthæus disputata vtrimq; magna memoriarũ felicitate repetijt. quæ res in stuporem egit vniuersos: tum ait: Nihil dubium esse potest, quin cælum terraq; Dominus optimus in immensum vsque debeat iudicari, & si natura humana adeò infirma est, vt de ea dubitetur, bona sit an mala, eamq; dixerit Magister Sanhoi, non ita multo ante hominem esse cum illo numine cæli ac terræ conditore, hinc aperte conficitur, dubitari quoque de Deo posse, bonus sit an malus. assidebat P. Matthæo litteratus quidam è Licentiatorum ordine, cui cum argumentum attulisset, ne ab aliquo fortasse minus fuisset intellectum, idem copiosius & eloquentius retulit: tum ad Cænobitam conuersus, subridens dixit: quid adhuc respondes? ille vero risu ac supercilio eludebat. Verùm instittit P. Matthæus ac ceteri, vt ratione potius, quàm nutu satisfaceret. tum ille nescio, quod è sectæ suæ somnijs diluuium narrare cepit, sed cum P. Matthæus interturbauit, dicens: inter nos ratione non auctoritate agendum, cum alter ab altero legis professione discrepemus, nec alter alterius libros pro veris admittat: potuisse se quoque è legis suæ voluminibus multa proferre, sed hodie ratione, quæ apud omnes vna est, res erat dirimenda: nec ideo tamen ad respondendum aggreditur, sed

P. Matthæus
euoluit quæ-
stionem.

Bbb

varijs

varijs acutisq; sententijs in idiomatis lepore fundatis tergiuer-
 fabatur, ita vt victus tamen videri noller, & cum multa garri-
 ret, probare intendit eum, qui bonus esset, posse quoque ma-
 lum esse: vnde Deum nec bonum nec malum esse concessit.
 tum P. Matthæus apto ad ingenium simili institit, solem ita
 clarum esse, vt obscurus esse non possit, ex eo quod innata illi
 claritas esset. ea res magnam apud omnes vim habuit, quoni-
 am substantiam ab accidente non separant. Ad extremum alia
 multa dicta, probataq; sed videri sibi solus ipse victus noluit,
 apud reliquos enim etiam conuictus iudicabatur, quibus ita
 P. Matthæi rationes placuerunt, vt in multos menses, huius
 disceptationis fama, congregantibus inter se litteratis, collo-
 quendi materiam daret. Hic error ex idolorū secta deprom-
 ptus, Deum & reliquas res omnes ex vna eademque esse sub-
 stantia, non sine magna Numinis iniuria, sensim etiam in li-
 teratorum scholas irrepfit, & videntur sentire, Deum esse ani-
 mam vniuersi, & velut vnā magni corporis mentem. Ipsius
 quoque qui inuitauerat discipuli frequenter postmodum ad
 P. Matthæum recurrerunt, quibus ita satisfactum, vt errorem
 deposuisse viderentur, quem vt etiam reliqui deponerent, cō-
 mentariolum P. Matthæus scripsit, & in Catechismi caput v-
 num inseruit: eum commentariolum legerat, postea ex disci-
 pulis eius, qui conuiuium instruxerat quidam, & ait: qui hæc
 negauerit hunc quoque solem clarum esse negaturū putem.
 huius disceptationis fama ad animum Præsidis peruenit, qui
 deinde victoriam ipsemet est gratulatus, nec ille solus, sed alij
 plures, quibus iam barbaræ, vt arbitrabantur legis placita non
 barbara videbantur, & illi quidem Patri gratulabantur, ille
 vero Deo gratulatus, quod legis suæ paulatim
 in Sinensi Regia iaceret fun-
 damenta.

Error grauis.

P. Matthæo de
 victoria fiunt
 gratulationes.

Ex Hy.

*Ex Hybernis Nostri Nanchinum incolumes ap-
pellunt, & ades commodè comparantur.*

CAPVT OCTAVVM.

CORIANO bello exhaustum Regis ararium, procurabat
eidem ipse Rex instaurare. fama est in Sinensium Regno
argenti ac auri fodinas esse complures, sed aiunt si forte metal-
la illa humanæ cupiditatis irritamenta effodiantur, tot ad præ-
dam concurrere prædones, vt antiqui Reges eas clauferint &
vetuerint in posterum aperiri: eas porro ararium vacuum non
ferens, simul effodi iussit, & antiquas leges effringi, imposuit
præterea tributum nouum, vt in omnibus Prouincijs, è cen-
tum duo, penderent merces omnes distrahendæ: id tolerabi-
le fuisset, Si Rex ad hoc tributum exigendum Magistratus ad-
hibuisset, sed maluit Eunuchis fidere, è quibus duos tresue
primarios in singulas Prouincias amandauit, quos alij comita-
ti sunt auctoritate magis, quam cupiditate inferiores, Eunu-
chis maioribus laxatæ habenæ, & è Magistratuum manibus
qui eas moderabantur ereptæ. Impotens hominum genus ac
barbarum sine litteris, pudore, misericordia, quibus cum ac-
cessit superbia, quæ vitiorum portenta orientur? ergo semiti-
ri quos cupiditas immanes reddiderat, intra paucos menses
Regnum vniuersum perturbarunt, & tristiores faciem quam
cum Coriano bello premeretur induxerunt; hoc enim exter-
num erat; illud vero, intrinsecum & maius malum metu. ple-
na erant omnia impostoribus, plena falsarijs, plena latronibus,
nec aliud vulgo credebatur esse Telonium, quam infame la-
trocinij nemus; & ararium ipsum publicum, cui Rex Eunu-
chorum fide consulebat, expilabatur. Eunuchi vero fodinis
deputati non in montes, sed in opulentas vrbes ferebantur, &
sicubi vir aliquis copiosus habitare diceretur, ijs in ædibus ate-

Tributum à
Rege imposi-
tum.

Eunuchorum
cupiditas Reg-
num pertur-
bat.

Bbb 2

bant

bant argenti fodinam reperiri, deq; domo euertenda & effodienda cogitabant, ac miselli ad aedes conseruandas. magnum argenti pondus Eunuchis coacti donabant: nonnullæ ciuitates etiam ac Prouinciæ de certo argenti pondere cum Eunuchis conuenerunt, quod Regi velut è fodinis expressum penderent, hac enim se ratione ab eorum importunitate liberabant, his populi vexationibus, rerum omnium pretia excreuerunt, & è pretio penuria in cruduit.

Rex de importunitate Eunuchorum monebatur.

Non desuere tamen, nec sibi nec Regi Magistratus, frequentibus enim libellis monuerunt, primum quàm indignè: populus haberetur, quàm euidens esset vbique tumultus periculum; nec periculum solum, iam enim quibusdā in locis: eruperat: & quia Rex silentio suo omnia eludebat, liberrimis. & acerrimis libellis eum reprehendebant, quin etiam ausi sunt aliqui, extra vrbes Regias Eunuchorum iniurijs obistere. Verum Rex ea esca delinitus, quæ diè qualibet in palatiū ab Eunuchis inferebatur, statuit hoc negotium acriter persequi, Syndicorum Regionum libertatem, & eorum qui Eunuchis obstebant audaciam, atrocibus pœnis reprimebat; multi ex ijs dignitatibus exturbati, multi annos plures in vinculis Pechini detenti sunt, & hoc Regiæ auctoritatis calculo Eunuchi grauius insolēcebant, & pronius in latrocinia ferebantur.

Rex Eunuchos defendit.

Metus nostris & Præsidi iniicitur.

Hæc ubi Nanchini increbuerunt, valde veritus est Pater Matthæus, & cum eo primi Tribunalis Præsces amicus noster, vt Nostri qui Lincini in hybernis erant, in alicuius ex ijs harpijs ungues inciderent, & iam Præsidi videbatur fieri omnino non posse, vt inde Nostri quorum sarcinæ magno in pretio habentur, ab Eunuchis intacti auolarent. sed cum dissimulato metu P. Matthæus solabatur; monebatq; quantam in imaginibus suis conseruandis, Deus optimus maximus potentia suæ demonstrationem esset exhibiturus. Ergo cum post multos hybernorum & itineris menses appulissent, obstupuit amicus

cus Præses, vbi audiit, eos nihil tulisse aduersi, sed ne periculum quidem rescivisse. Eam ergo rem inter prodigia referens, fidei nostræ in posterum suspicere cæpit vim, & Numinis providentiam, de quæ ea sæpius audire. cum voluptate voluit, & adduci quidem facillè potuit ad eius veritatem cognoscendam, sed non eque ad eius sanctitatem amplectendam. nam ab ea domestica cum impedimenta, pellicum amores, auertebant.

Socij ex hyber-
nis Nanchinū
incolumes per-
ueniunt.

Nostri porro Nanchini cum exscendissent, & stationis nostræ ibi statuendæ, spem supra spem inaudissent, omnium laborum obliiti in Domino exultabant, maximè cum viderent P. Matthæum ea in vrbe ex qua pulsus semel fuerat, & aliàs delituerat, nunc ab omnibus coli & pro prodigio celebrari. eos excepit insolito gaudio P. Matthæus in ea domo, in qua conducto habitabat. Iam ædes plures ad coëmendum inspexerat, nec tamen omnino placuerant; & angebat vehementius, quæ ratione à Magistratibus diploma figendæ stationis, & ædium coëmendarum impetraret. iam enim longo usu assècutus erat, se hoc ipso quod peteret repulsam ex eo passuram, quod ex Magistratibus nemo se libens externorum negotijs implicaret, & hac ratione in controuersiam vocabat, expediret nec ne Nanchini aduenam commorari.

Verùm utrique incommodo insignis Dei prouidentia subuenit. is enim qui nuper in litteratorum sodalitis P. Matthæum hætenus ignotum deprædicarat, tandem ad eum visendum accessit, paucis prius diebus quam nostri appulissent, defunctus solitis ritibus & humanitatis indicijs, post varia quæsiit; vellet nec ne ædes aliquas ad stationem firmam comparare, hoc enim inaudisse se asserebat. cum P. Matthæus annuisset, id subiunxit, quod sine admiratione legi non potest: nuper inquit erexeram Palatium publicis Tribunalis mei sumptibus ad domicilium Collegarum, sed ecce tibi extructum

Domiciliū spe-
ctis infestum
Socijs em-
dum offerunt

Bbb 3

pro

pro Collegis Dæmones, & nescio quæ spectra occuparunt, nec in eo cuiquam licet impune commorari. conatus sum illud vendere inferiore sane pretio, sed inuentus est nemo, qui vellet cum ijs spectris colluctari. Si ergo nihil sibi à spectris timeret, ea enim erat fama sanctitatis, per se licebat ut emeret, nec de pretio laboraret, permittere quippe se ut de eo suo statuat arbitratu.

Sensit P. Matthæus Diuinam manum, ergo ita respondit: Ego ait, Deum cæli ac terræ moderatorem veneror, cui non dæmonia minus, quam cætera omnia subduntur: sperare se de illius bonitate fore, ut nihil à dæmonijs eius iniussu pateretur: habere se quoque secum Christi Seruatoris effigiem, ad cuius conspectum dæmones solemne erat aufugere, ideo si visibus suis Palatium illud arrideret, se nihil dæmones veritutum. quo responso accepto, illum Visitator Leuteu vocabatur, ad visitandum Palatium adducit, & reperit illud P. Matthæus opinione sua, quam reliquas ædes cōmodius. nam & in eminentiore situ ciuitatis fluminis illuuiationem eludebat, erat in primario totius vrbs vico, cuius latitudo fere in iactū lapidis extenditur. Regis palatium, Magistratum tribunalia circumcirca conspiciebat, Cubicula, aulæ, decem fere nostris sufficiebant: nouum erat ædificium, & quod in annos plures consistere posse iudicabatur: è vico ad alterum vicum longitudine sua penetrabat, & habebat in vtrumque egrediendi commoditatem. Cum igitur id publicorum operum Tribunal venderet, domus Magistratum auctoritate comparabatur, de quo nostri non minimū laborabant. ergo nihil à nostris dubitatum, quin hæc habitatio nobis à Deo fuisset comparata. interim appulit P. Cataneus cum Socijs, quorum sententia iudicatū est, eam oportunitatem minimè negligendam, & cum pretium Nostri, ipsius venditoris arbitratu definiendum reliquissent, ipse qui iam intimè familiaris haberi volebat, exegit eius fere pretij

Domus à Socijs emitur.

pretij dimidium, quod in extruendo consumpserat: & quoniam nostris pretium omne deerat, libens in annū integrum se dimidiatam partem dilaturum recepit, atque ita non amplius triduo res vniuersa concluditur, & in eam nostri sese subito contulerunt. Tum misit venditor publicum venditionis instrumentum, & edictum addidit supra limen affigendum, quo edicto vetabat, vt ne quis eos ab ædium emptarum possessione prohiberet, vtrumq; sui Tribunalis sigillo communiuit, cuius firmitate nostri stationem suam fortiter ac suauiter Deo disponente confirmarunt. Hinc etiam amicitiam Nostri huius Tribunalis sibi conciliarunt, cui non ingratum fuit, dimidiam pretij partem recuperare, postquam desperauerant vniuersam.

Re tota hunc in modum fere confecta, P. Matthæus ad amicum Præsidentem instrumentum, edictumq; detulit, qui plane obstupuit, eam rem tanta breuitate ac facilitate cōclusam: nec indoluit eius intercessionem ac fauorē minime opus fuisse, sed vbi postea intellexit, importunos habitatores demones inquam, Dei seruis cecidisse, longe magis diuinas vires & opportuna præsidia prædicabat. qua enim nocte nostri in ædes nouas commigrarunt, ad aram in aula erectam preces ad eam rem aptas recitarunt, ac deinde lustrali aqua vniuersam domum præeunte Christi Seruatoris effigie consperferunt, & diuinæ bonitati visum est, ad fidei suæ incrementum spectra omnia in perpetuum diffugerent. cui enim omnia seruiunt, is eos in eam domum immiserat ad habitationē nostris præparandam, idem quoque post consilij sui euentum emisit. Ea res celebris fuit vrbe tota, è qua deinde in regnum peruenit vniuersum, & sanctissimæ fidei nostræ magnum nomen dedit. constabat enim prope vniuersis, habitationem in eo Palatio tentasse Magistratus grauissimos. ex operum publicorū Tribunali, & ad eiiciendos habitatione occupata demones nihil
ab ido-

ab idolorum ministris fuisse relictum intentatum, & etiam nunc in muris & columnis vulnērū cicatrices apparent, quas ritu suo furentes Exorcistæ in dæmones intentabant, nec tamen his omnibus quicquam profecisse narrabantur. nemo enim dies paucos etiam à molestia liber fuit, ipsis qui passi fuerant testibus luculentis. cum autem rescitum est, ad Sociorum ingressum malignos illos spiritus abiisse, diuini tanta res: numinis potestati attributa, in cuius se tutela nostri esse prædicabant: & quidem ea de re cum venditor ipse die quadā loqueretur, P. ipso Matthæo audiente asseruit; in ædibus extruendis ritum omnino nullum, ex ijs quos Sinæ superstitiosè adhibere solent prætermisum. Verum nunc demum se causam assequi, cur eas dæmones occupassent: P. Matthæi Deus dæmonibus mandauit, vt præter eum neminem ijs in ædibus sine-
rent commorari.

Hoc negotio ex animi sententia perfuncti, alio non parum angebantur: Promiserat P. Matthæus viris non semel grauissimis, se munera Regi destinata monstraturum, sed verebatur, ne ob nimium spectantium concursum, ansam præberet alicuius tumultus aut sinistrae suspicionis. Demum postquam se in partes omnes verterunt, nihil aptius visum, quam vt aliquorum dierum laborem singulis inuicem sibi succedentibus, dies integros demonstrare, ac deinde ex euentu consilium caperent in futurum. Moniti ergo munera Regia tandem appulisse, ex templo adfuerunt, sed longam desiderantium expectationem rerum nouitas ita superauit, vt multis è stupore laudandi facultas eriperetur, neque videndo posse expleri viderentur. Hi alios & alij plures euocarūt, tandem cum nostri iam vltra ferre non possent, fores occludebant, sed vim spectaturi parabant, protestati primum, eam vim non ab inurbanitate, sed ab admiratione prouenire, multis importunitatem excusabant, & labori condolentes veniam postulabant,
miras

Concursus spe-
ctantium res
nostras Euro-
pæas.

miras interim Europæ laudes, & vel artis, vel Religionis encomia congerentes.

P. Lazarus Cataneus Amacaum petit: Nanchini veroprimitia Neophytorum baptizantur.

CAPVT NONVM.

REBUS in hunc maxime modum constitutis, quiescere No-
stri non poterant, nisi quod Nanchini Deus perfecerat, id
denuo Pechini tentarent: id in annum insequentem destina-
bant: eos spreto parum felici superioris expeditionis euentu,
hæc fere permouebant: vsu didicerant, qua ratione superio-
ris anni, si quæ fuerant errata corrigerent: tempus ex pace di-
uersum, Magistratum fauor creuerat, ac denique tandem
intelligebant, nisi quispiam ab Rege fauoris ventus afflaret,
Nanchinensem ac cæteras sedes extinguendas; fama Regio-
rum munerum longè lateque excurrerat, fieri omnino non
posse videbatur, vt ea res ad regias aures, quopiam Eunucho
narratore non aliquando perueniret, è quibus multi eunt ac
redeunt Pechinum: hinc vero simile videbatur, Regem rerū
nouitate permotum, eas parum vrbane & sine Sociorū aucto-
ritate ac desideriorum utilitate petiturum. videbatur ergo
præueniendus & arctius Rex obligandus. hæc causæ persuase-
runt, vti P. Cataneus Amacaum renaugaret, præsens euen-
tus rei commemoraret, à Socijs consilium in re tanti momen-
ti postularet, & inde necessaria in sumptus aucheret, regium
munus re quapiam augeret, & obligatam ædium pretio fidem
exolueret. & quoniam nullus videbatur spectatorum, de qui-
bus nunc agebatur, finis fore, visum est, vt horariam machi-
nam P. Cataneus Nancianum efferret, imagines vero & tri-
gonum vitrum visum est Nanchini apud vnum e Regijs admo-
nitoribus amicis deponere: is Sciofcelin vocabatur, tergiuer-

Pechinū Socij
adspirant.

P. Cataneus A-
macaum rena-
uigat.

Munera apud
amicum depo-
nuntur.

Ccc

fatus

satus est ille nonnihil ex imaginum veneratione, verum vrgentibus Socijs, id ex eo, quod iam esset Regi destinatum, ad cum ex officio pertinere, tandem cessit. vt ergo constaret omnibus, eas res iam domo nostra exportatas, solemni pompa per publicos vrbis vicos omnia decenter in eius palatium deportantur, ille imagines excepit venerabundus, & in loco decenti collocatas perpetuis odoribus è Sinensi ritu colebat; eas ille quidem amicis paucis spectandas dedit, sed inferiorum ordinum turma magnatum ædes vix suspicit, ex ea re mox Domi quies, è tumultu sedato P. Cataneum comitatus est Nanchianum vsque è fratribus vnus, eius reditum ibi præstolaturus.

Fama ædium
coemptarum
Amacau per-
uenit.

Iam peruenerat Amacaum Nanchienſis domicilij recens erecti fama, quam magna gratulatione Noſtri ac Luſitani celebrarunt, aduentus tamen P. Catanei confirmauit, & auxit gratulationem, cum narrantem audirent, ædes non ſine prodigio coemptas, magnatum fauorem ſupra ſpem, & etiam ſupra fidem, niſi ab oculato teſte audiretur: vna res eo tempore lætam his nuncijs urbem angebat, nauim è Iaponia reducem auditum erat ſoluiſſe, nondum audiebatur appuliſſe: ea vehabatur P. Aegidius de Matta eius vice Prouinciæ iterum Procurator; eam nauim auditum eſt, deinde trifti naufragio periſſe, nec è vectoribus vel vnum enataſſe. ex huius nauis commercio vniuerſæ ciuitatis fortuna pendet: vnde difficile videbatur tria domicilia ſuſtinere, Nanchinenſium ædium perſoluere pretium, itineris Pechinenſis ſumptum facere; verum has rerum anguſtias P. Emanuelis Rectoris magnanimus animus laxauit, qui eo tempore in latitudine cordis, vt ita dicam, ambulare minimè dubitauit. Tantum ergo corraſit, quantum ad omnia ſatis eſſet, addidit etiam permulta inter amicos diuidenda, & quidem in Regium munus horologiũ aliud grandius miſit, quod etſi longe minoris eſſet, quam quod habebat minus,

Munera pro
Sinenſibus co-
parantur.

minus, habebat tamen aliquam è magnitudine maiestatem, & augebat apparatus. submissa est etiam effigies Deiparæ, quam Divus Lucas pinxisse fertur, grandiusculam illam Roma transmissam, aliquot etiam trigona vitra, specula, undulatam vestem, carbalinos pannos, arenarias capsulas horis metiendis, vasa vitrea permulta, quæ res initijs maxime necessariae sunt, & negotiorum rotas, ut mollius fluant, inungunt, organa etiam concinnabantur, sed quod tardius aduenerunt, Nanchini asseruantur. Socium etiam addidit P. Cataneo P. Didacum Pantoia, qui è Prouincia Toletana missus in Iaponiam, Amacai nauigationem præstolabatur, is designabatur Nanchini remansurus, aut P. Matthæo comes Pechinum abiturus. P. etiam Cataneus seipso multa procurauit, calices duos, libros complures, & alia nonnulla.

Interim Nanciani Socij Sinensum litterarum studijs insudabant, & tamen P. Suerius etiam initas amicitias fouebat, & nouas contrahebat. adnitente igitur Regulo Chiengàn, de quo multis supra, admissus est ad Eunuchum Principem ab Rege nouis vectigalibus exigendis præfectum, hic obtulit se P. Matthæum ad Regi munera sua deferenda inducturum, & cum ea res secura videretur, Regulus ipse diploma misit, quo illi ab Eunuchis facultas fiebat, Nancianum ad se veniendi: monebatur etiam, ut munera sua deferret, quibus visis, ipse Eunuchus ad Regem libellum securo posset destinare. noluit Deus hunc nunciū peruenire, nam seruus ex itinere nusquam apparuit, ac licet alijs litteris deinde fuerat euocatus, tardè tamen & nonnisi postquam principium rei aliter dederat, omnia peruenerunt. & sane iam Nostri Eunuchi noti esse ceperant, nec ab ijs videbatur infidum hominum genus similibus negotijs admouendum. gratijs igitur Regulo actis, & per eum Eunuchis significabat P. Matthæus, se alia ratione rem non amplius integram inchoasse.

Ccc 2

Non

Non ita breui tempore sese Amacao P. Cataneus expediebat, & ne illius mora fidem de pretio ædium frangeret, ad diem constitutam persoluendo cambij litteras misit, id agente Sinensi quodam mercatore; sed fictæ litteræ fictum Nanchinensis negotiatoris nomen, fictus locus iam secundo Nostros admonuit, uti à simili contractu cessarent, ac licet nunc etiam nummos à falsario receperint, fefellit tamē P. Matthæus fidem, quam ædium venditor expectabat. ea res molestissima Patri accidit. nam in sumptus domesticos facile reperiebat, qui pauciores nummos mutuos daret, sed in hac summa fœneratores in auxilium videbantur adhibendi. Hæc Patris consilia sciuit, unde nescio, venditor, & moneri iussit, uti de pretio nihil laboraret, se facile & Collegas in P. Catanei reditum promissionem dilatuos. his ergo curis liberatus, intendere cepit in aliam rem longe sibi gratiorem.

Nobilis quidā
senex primus
Nanchini Baptis-
mum suscepit.

Iam diu constabat P. Matthæum ac Socios Christianæ legis euulgandæ causâ in hoc regnum nauigasse. ergo iam aliqui nostra statione audaciores facti, non horruerunt peregrinam exquirere veritatem. primus ac præcipuus huius Regiæ Neophytus fuit senex quidam septuagenarius, cognomento Cîn; nobilis in primis, & Nanchini natus: habebat enim quandam militarem præfecturam, quales paucæ apud Sinas reperiuntur, quæ à maioribus accepta in filios ac nepotes propagatur: Idem habebat filium egregie pro gradu suo eruditum, & qui in militarium Licentiatorum examine, quod tertio quoque anno in qualibet Prouincia instituitur, tertio primum locum obtinuerat, quæ dignitas est in eo ordine longe maxima, & iam Nanchini præfecturam gerebat militarem. insignis fuit huius senis conuersio ad fidem. nam res necessarias apprimè edoctus, magno pietatis sensu baptizatus est, & in baptismo Paulus appellatus. filius non ita multo post Parentis auctoritatem secutus, Martini nomen habuit: illum vniuersa deinde
Senis

Senis familia, viri ac fœminæ, & alij etiam propinqui subsecuti sunt. Et hæc sunt Nanchinenses primitiæ, quæ in hanc usque diem Christianæ pietatis frugem ferunt. Imaginem à P. Matthæo acceptam, sacello primum domestico, deinde strijs elegantibus cohonestavit. eò subinde Nostri ad Missæ sacrificium peragendum, & familiam instruendam ibant. fœminæ quippe ab Sinis arctè asseruantur. erexerat ad sacelli latus Socijs celebraturis cubiculum sane commodum, in quod secedere, & quiescere, cum vellent, liceret, exhausti potissimum longa colloquutione & domesticorum instructione. quo tempore vanis simulacris serviebant, id accurate ab ijs factitabatur. ergo imaginem Christi Servatoris cum elegantissimis idolis permutarunt, & domum nostram, sportam plenam amandarunt: ea P. Matthæus Amacuum prima spolia Nanchinensi Tyranno detracta transmisit, quæ spolia magnam nostris gratulationem, & Deo grates elicuerunt.

Filius Patrem
secutus cum
reliqua fami-
lia.

Nolim prætermittere, qua ratione P. Matthæus siue Nanchini, siue deinde Pachini, suauiter res fidei nostræ ingerebat, & ijs auctoritatem cum audientium voluptate comparabat. quoniam in congressu de Europa nostra, ut fit, nunquam non sermones ingerebantur, habebat in promptu orbis Christiani consuetudines, pia eiusdem instituta: cōmemorabat Nosocomia, Xenodochia, pupillorum expositorum receptacula, montes pietatis; sodalitia charitatis, misericordiæ; à quibus viduæ inopes, in vinculis detenti iuuabātur: ad hæc variarum varios Religionum cætus institutos ad suam & aliorum salutem procurandam, dies festos venerando, Deo, pijsque rebus audiendis, deputatos, ne fortasse in Religionis cura Christiani siluiscerent, eorundem elemosynæ nomine largitiones aureorum sæpè in pauperes, & alios vsus plurimorū addebat, his in singulis vrbibus & oppidis Antistites, Parochos, ut puram putamq; Religionem sine errore conseruarent libros, qui

P. Matthæi ratio
ingerendi
res fidei, mores
Europæorum
docendo.

Ccc 3

prode-

prodeunt in lucem reuideri, ne quid inutile, ne quid bonis moribus aduersum euulgaretur; restitutiones rerum inuentarum, aut etiam cuiquam per iniuriam creptarum: Et quod à plerisque in immensum prædicabatur, sed paucis imitatoribus, nemini ab ipsis Regibus, ad infimum quemque licere vagam in domesticas pellices libidinem exercere, sed vna singulos vxore contentos esse, nec eam repudiari posse vnquam, tametsi filijs careat: Connubia etiam non à pueris, sed in ætate sufficienti contrahi. Maximè porro illis placebat, vnum supra Reges etiam Religionis caput reperiri, è cuius nutu res omnes sacræ dependebant; non nasci, sed è virorum doctorum, prudentium, piorum, senum cætu deligi, qui omnes à prima ætate Deo dicati, castitatis voto obligati sanctimoniam profitebantur. Ab eo deinde magna integritate prudentiaq; Catholicæ Ecclesiæ cætum gubernari. Pontificiam hic nostri dignitatem tuto inculcant, neq; enim suspicionis est periculum, quod esset in Regia dignitate. Et sensim animos præparant futuræ aliquando legationi, quam si rex Sinarum prior aliquando mitteret, maximum inde Sinensis Ecclesia caperet incrementum. Et quidem libris scriptis, & quotidianis congressibus, id apud Neophytos, & etiam Ethnicos complures, effecerunt, vt iam Romanum Pontificem, Christi Vicarium, Ecclesiæ caput, demississimè venerentur, & altissimè suspiciant eum, qui ex vniuerso Prælatorum cætu ad summam illam euectus est dignitatem. Hæc maximè leguntur in Cosmographi- cis tabulis, in quibus ad urbem factæ annotationes, hæc omnia monendi commodam occasionē præbuerunt. Eam quoque de orbe Christiano opinionem auxerunt nostri, adscriptis Ethicis persæpè sententijs, nostro etiam charactere ac sermone, sed quem Sinensis expositio mox sequeretur. eas vel in flabellis ex more, vel in folijs describebant, vt deinde ad ædium parietes affixæ legerentur.

Expedi-

Pontificē Ro-
manum com-
plures veneran-
tur.

*Expeditionem Pequinenſem Noſtri denuo
aggrediuntur.*

CAPVT. DECIMVM.

NANCHINVM tandem aduenit cum Socijs P. Cataneus, & inſtructus, vt ſupra: qua ex re nihil dubitauit P. Matthæus, alterum in vrbeſ Regiam, impetū facere, & inſignem, qui aduenerat, non negligere apparatus. primum igitur Magiſtratum quorundam animos recens aduectis munuſculis deliniuit, vt ab ijs diplomata & commendatrices litteras acciperet: conſilium quoque ſuum cum Chiutaiſò, qui Nanchino quidem abierat pridem, ſed ad certa negotia reuerſus, domi noſtræ tunc commorabatur, & cum eo, cui dictum eſt, ab eodem velut æmulo P. Matthæum commendatum; vtriſq; viſum eſt, hoc negotium nulla ratione absque alicuius Magiſtratus è ſummis facultate tentandū. Tres igitur conſilium petiti ad Regium admonitorem Sciocelin, conſilij cauſa perrexerunt. huic omnino neceſſarium videbatur Regi munera deferenda: quoniam de ijs longe lateq; ſparſus rumor increbuerat; ac de facultate quidem publico diplomate conceſſa nihil opus eſſe, vt anxie conquirant, ſe libenter, & ex officio daturum, vbi Pechinenſe flumen diſſoluta glacie ſeſe aperuiſſet, nihil optatius præſenti negotio accidere poterat. id enim ex eo tribunali procedebat, ad quod ea res omnino pertineret. Munera regia
concinnantur
& cohoneſtan-
tur. optabat quidem P. Matthæus, ſed non ſatis audebat petere, ne amico moleſtiam, ſibi repulſam accerſeret. ergo ea promiſſione læti, ceperunt noſtri munera ſua concinnare, & Regio, ornatu cohoneſtare: maximè verò neceſſarium videbatur, horariam machinam capſula includere; illam inquam grandiorẽ, quæ nuper aduecta erat. minor enim iam Nanciani Thecam inuenerat perelegantem è ligno calato ac deinde inaurato: ſed neque Nanchinenſes voluerunt ſuperari: intra colum-

Machina horariorum.

Draco Symbolum Regis.

Auxilium Præfidis.

P. Cataneus cum Socijs Nanchini remanet.

Socij Pechinū cum suppellectile necessaria nauigant.

nas quatuor statuebatur machina: vtrinq; ad componendum horologium elegantes valuæ aperiebantur, indicem horarum cubitalibus litteris Sinicè inscripserunt, Aquila rostro suo horas indicabat, & capsulam tegebat: cælatum in fornicem tectum, strijs & peristilijs, alijsq; foliorū ac florum, imo & Draconum cælaturis insigne. Draconem enim Reges pro symbolo elegerunt, & ab alio adhiberi, nisi à Rege & Regia familia non potest: cuius domus & supellex vniuersa, aut sculptos, aut cælatos, aut pictos acu, aut colore ostendit. opus illud visendum etiam in Europa fuisset. nam accesserant è Sinica Sandaracha & auro splendor, prout operis ratio exigebat.

Aberat tum amicus Præses: abdicato enim ex Regis facultate Magistratu, in Patriam remigrarat, ex eo, quod ab amulis prohiberetur per solitos honorum gradus ascendere: sub discessum tamen litteras reliquerat, ad amicos in Regiam, quibus nostrorum negotia commendabat, & iam aperiente se vere, promissis stetit Regius admonitor; diploma enim scripsit omnino è Nostrorum voluntate, & addidit ipse alijsque plures, vel in sumptus itineris munera, vel in negotij euentum litteras ad grauissimum quemq; Pechini Magistratum. P. Cataneus interim iussus est Nanchini remanere, iam amicis notus, aptusq; ad eam sedem promouendam: Socium accepit P. Didacum, & alios è fratribus duos; Sebastianum atque Emanuelem: Nanciano euocauit etiam P. Ioannem, P. Soërij Socium. res enim Nanchinensis non facile sine comite poterat promoueri. interim P. Soërius solus remansit, dum nouus Amacao comes mitteretur.

Eo tempore Pechinum nauigabat Eunuchus quidam, qui bombicinos paños sex ferè nauigijs (quæ à celeritate, equi vocantur) deuehebat; ex ijs nauigijs vno vecti sunt Nostri, electis cameris duabus, quæ Nostros non incommodè caperent vna cum sarcinis suis, & omni prope suppellectile, ad nouam sedem instru-

instruendam: quin etiam sacrum omnem apparatus, & facelli ornatum deferebant. Hæc nauigia ab Admonitore Regio, qui diploma dederat, mittebantur. Eunuchus igitur ille ipse Socios commendauit, & Pechini iussit eidem, vt Eunuchis maioribus commendaret: recepit ille se facturum, & plus etiam fecit quàm promiserat. toto quippe itinere Nostros humanissime habuit, nec adduci vnquã potuit, vt naulum reciperet, & gratis in admonitoris Regij gratiam nostros deuenit, sed non tamen sine fructu: intercessore quippe P. Matthæo, Sciocelin humanitatis præmium ei concessit quiddam, quod pluris erat, & studiose ambierat. Hos omnes Regij admonitoris fauores Nostri munusculis ipsi gratissimis cõpensarunt: sed nihil æquè æstimauit, vt triangulare vitrum, quod apud eum nostri deposuerant. in eo enim se pretiosissimam gemmam habere arbitratus est. ipse quoque abeuntibus Nostris non spernenda munera remisit: sed supra omnes se Paulus & Martinus Neophyti alijq; nuper additi extulerunt.

Soluerunt Nostri Nanchino anno sæculari sexcentesimo, decimo quinto Kalendas Iunias, & hac quidem nauigatione liberrime se gesserunt, & varios ubiq; Magistratus visiterunt, qui visitationis officium admiserunt. Id Eunuchus fiebat adnitente, qui obuios quosque amicos suos ad visendos nostros & munerum nouitatem alliciebat; nec nulli etiam seipsis excitati fama veniebant, imo ne celarunt quidem, quo maxime sine Regi munera & Pechini confidere cuperent. nam de fidei nostræ capitibus, multa quotidie cum varijs philosophabantur. Eunuchus etiam quotidie humanitate creſcebat, non Nanchinenſi solum beneficio obligatus, sed præſenti quoque recreatus. Nostrorum enim fauore cataractas in primis trans mittebat, ad quas huiusmodi nauigijs longæ neſtuntur moræ, ex multitudine nauigiorum impeditis. nam commeatum naues ac Magistratuum præire solent, quarum sæpè tanta est

Socij Nanchi-
no soluunt an-
no sæculari.

D d d

multi-

multitudo, vt quatriduum & sæpè amplius transitus expediretur: id Eunuchus præeundi ius seipso procurabat. nauigiorum enim nauarchos ad regia munera visenda inuitatos rogabat etiam, vt eorum voluntate nauigium suum facillè transmitteret, quod illi in gratiam Nostrorum facillè concedebant. Ea res Eunuchum semper hilarem intra vrbauitatis limites continebat.

P. Matthæus
cum Prorege
in vrbe Scian-
tium rem per-
tractat.

In vrbe quadam Prouinciæ Sciantum Prorex est, qui nauigijs omnibus præest, siue commeatum in Regiam ferant, siue aliud quidlibet: huic subsunt Magistratus quamplurimi, qui ex officio curant, ne vrbi Regiæ desit cōmeatus. Eo tempore Prorex erat è Prouincia Sciansi, in idolorum sectam & res futuræ vitæ satis propensus: is de fidei nostræ rebus iam è filio suo inaudierat, qui cum P. Matthæo Nanchini familiariter congressus fuerat, adnitente amico quodam suo, qui Liciu vocabatur, & tum forte ille ipse Liciu in ea vrbe cum Prorege morabatur. Vrbi nomen est Zinm. P. Matthæus igitur pro amicitia cum eo appulisset, misit ad eum, qui significaret, cupere se cum ipso loqui, & de Pechinensibus negotijs conferre. Vir enim prudens publice habebatur, & negotiorum aulicorum peritus. habitabat porro in ædibus Proregi Palatio contiguis, & Proregi erat ita familiaris, vt ad quotidianos cōgressus aperta in pariete porta communes ædes cum palatio suo Prorex fecerit. Is ergo audito Patris aduentu, extemplo Proregem admonuit, qui nuncio lætus gestatoriam sellam, & baiulos misit, qui Patrem officiosè inuitatum in Palatium deportarent: nec P. Matthæus id renuit: quo cum peruenisset, Proregem cum Liciu familiarissimè inter se congregantes inuenit, à quibus exceptus est perhumanè, & auditus per otium: multa de Europa nostra, de alterius vitæ rebus, quas audire cupierat commemorans: inde in nauigium redeuntium dixit Prorex: Matthæe (cum Sinensi pronomine honorifico

Proregis Liciu

rifico Sithai compellans) ego etiam in Paradysum ire cupio: innuens se non vniuersam felicitatē in honoribus ac opibus, sed in æterna salute collocare, cuius causa intelligebat, hos ab eo labores omnes sustineri. vix bene in nauim redierat, cum ecce tibi magnus in vrbe tumultus auditur (is erat ē Satellitio Proregis, qui maxima pompa longioris moræ impatiens, ad Nostorum nauigium veniebat) obstupuit Eunuchus, nauigiorum Præfectus, & alij, quotquot in portu rem adeo nouam conspiciebant. Nullū omisit Prorex vrbauitatis ritum, munus ipse obtulit, & cæteros ritus obseruauit: inde omnia vidit ipse, & eius Aulici cum ingenti stupore, nec auctelli a spectando poterat, sed & eum subsecuti sunt alij ex vrbe Primores. P. verò Matthæus die insequenti ad eum solemnitus inuisendum redijt, munus Proregium Europæis reculis remuneratus est, quibus nouitas pretium auxit, vt non impares viderentur. Totum illum diem domi retentus est, & familiari epulo cum filijs & amico Liciū exceptus, tanta beneuolentiæ significatione, vt P. Matthæus sibi non in extremo orbe apud Ethnicos, sed in Europa inter familiares ordini nostro addictissimos degere videretur: libellum, qui vt Regi offerretur iam Nanchini scriptus fuerat, videre voluit, & cum nonnulla displicuissent, ipse accuratè alium concinnauit, & à domesticis librarijs eleganter describi curauit: addidit etiam litteras Pechinum plures, quæ plus aliquanto quam Nanchinenses profuerunt.

Mira Ethnicorum humanitas erga P. Matthæum.

Proregis vxor in somnis per eos dies viderat Numen quoddam cum duobus ē latere pueris, & Prorex viderat in nauigio nostro Deiparam effigiem cum puellulo Iesv, quem D. Præcursor venerabatur: arbitrata est igitur eam rem suo somnio significari, & à marito impetravit, vt pictorem in nauim mitteret ad eam effigiem, quàm genuine posset efformandam: Sed quoniam in care Sinæ pictores sunt admodum infelices,

Somnium vxoris Proregis.

Ddd 2

veritus

Effigies Deiparae Virginis ad Proregem mittitur.

Liciū seipsū interimit.

veritus est P. Matthæus, ne ad deformandam venisset, & fortè habebant eiusdem imaginis exemplar ab adolescente quodam domi nostræ non infelicitè expressum: illud exemplar ad Proregem mittitur, à quo excipitur magnificè, & promissio additur, se cum vniuersa familia Dei Matrem ac Filium veneraturum. Abeunti comitem addidit è sibi subditis Magistratum, qui Proregis nomine quibusdam in locis angustioribus, per Leucas complures Nostrorum nauigium præ ceteris promoueret: quæ res iter Nostrorum sanè breuius effecit. E quidem cum redijt P. Matthæus, nauigium reperit procul à portu, quo se Eunuchus iubente contulerat, postquam concurrentium multitudo, & prope tumultuantium insolentia prævidendi cupiditate ultra tolerari non posse videretur. Optauerant & iam designauerant nostri, hanc in se Proregis humanitatem primo quoque tempore remunerari, vtrumque in fidei nostræ rebus instruere cupientes. nam per temporis angustias & nauigantis Eunuchi celeritatem, id impetrari nunc non potuerat; nam fere vterque intra triennium excessit è vita: Prorex quidem nondum abdicato Magistratu; Liciū vero Pechini seipsum adacto in fauces ferro iugulauit. nam cum in eum eiusque libros, Magistratus nescio quis, peracrem Regi libellum obtulisset, rescripsit Rex, vti compingeretur in vincula, & opera quotquot scripserat cremarentur. Ille igitur aduersariorum fabula factus, publice plecti refugit: aut quod professuserat discipulis suis raro apud Sinenses exemplo ostendere voluit, se nullo mortis metu perturbari: atque ita aduersarios suos de ignominiosa morte sollicitos ea cura liberauit.

Quæ Nostris in Arce Thiensin contigerint.

CAPVT VNDECIMVM.

EX ijs Eunuchis vnus, quos ad emungēda vectigalia potius, quam

quam exigenda, Rex miserat is Mathan vocabatur, & Linci- Eunuchus cru-
delis exactor
vectigalium.
ni emporio celeberrimo habitabat, in eum populus & milita-
ris ordo impetu facto, iniurias repetierat, incendio Palatij, &
morte domesticorum: nec ipse meliorem fortunam sortitus
fuisset, si non in eumentito habitu furentes fefellisset, & tamen
nondum in eo plus poterat metus, quam cupiditas. nihilo e-
nim mitior euasisse ferebatur.

Cum igitur Eunuchus nauigiorum Prefectus, cō appu-
lisset ad exactorem Mathan se contulit, armatis manibus non
ferro sed donis: iterum ac tertio admissus non est, ex eo quod
munera infra recipientis cupiditatem iudicasset. urgebat de-
signatum in Regiam perueniendi tempus, in quo si moram
traheret fortunarum detrimentum, ac etiam vitæ periculum
fortassis erat aditurus. ergo solita Eunuchorū fide, amicitiam
cum Nostri initam nihil moratus, statuit eos in exactoris vn- Socij ab Eunu-
cho Nauarcho
produuntur.
gues immittere, vt seipsum expediret, atque ita in socijs Nostri
cum Eunuchis quibusdam exactoris Curialibus rem confecit.
significauit ijs vno, è suis nauigijs, aduenas quosdam vehi, qui
qui preciosa rerum planè nouarum ad Regem munera depor-
tabant: posse si voluerit Mathan Eunuchum ex hoc negotio
ab Rege gratiam inire, & vt fidem faceret, nihil opinantibus
nostri, Eunuchis imagines & horarias machinas magna dissi-
mulatione monstrauit. hic ad herum suum lati nuncij recur-
rerunt, & præter illa quæ viderant, alia etiam nihil dubium
esse, quin ferrent pretiosiora: nihil necesse fuit incitatum cu-
puditate animum multis verbis inflammare. misit igitur subi-
to, qui renunciaret, velle se regia munera spectare.

Sensit P. Matthæus imminere periculum. ergo subito con- P. Matthæus
periculum co-
natur auertere
fert se ad Cantoniensem quendam sibi olim notum Sciauchi-
ni: & deinde amicitia renouata Nanchini: is in ea vrbe Magi-
stratum gerebat, cuius erat in vicinas omnes vrbes potestas
per ampla. ab eo igitur consilia & auxilium petit. Dudum

Ddd 3

ille

ille P. Matthæum præstolabatur, & iam dies non paucos in portu famulum habebat, qui eius aduentum renunciaret. ergo cum ad Palatij ianuam peruenisset, eius famulus ad Herum excurrit, asserens eum, quem expectabat aduenam aduenisse. induxit igitur illum in intimum Palatium velut hospitio excepturus: ubi vero audiuit Eunuchum Mathan, suis è negotijs ac muneribus immiscere, indoluit multum, & ait; ne speres te ex eius manibus intactum euadere. nam hoc tempore Eunuchi regnant, & eos Rex prope solos in consilium adhibet, nec maximi Magistratus eorum iniurijs resistere valent, nedum aduena intentatam poterit iniuriam propulsare, auctor tamen fuit, ut libens Eunuchis cuncta monstraret, gratias ageret ex favore; sic enim minus malum fore sperari poterat. procurare quippe ab eo se alicuius auxilio eripere, sine fructu tentari poterat sed non sine periculo perfici. & re vera consilium fuit hominis amici & prudentis.

P. Matthæus
in tutela esse
Magistratus
noletur.

Nondum egressus erat Palatio, cum ad eum aduenit citato cursu ab Eunuchis ipso nuncius, ire se in nauigium Nostorum, uti quamprimum eo se referret: amicus ad hæc ita respondit: Hero, inquit, tuo renuncia, te P. Matthæum hîc reperisse, nec nisi eius iussu me illum dimissurum. qua in re voluit ostendere, non omni illum auxilio destitutum, qui talium Magistratum beneuolentia fulciretur. & sane Diuinum fuit inuentum, intelligi ab Eunuchis, P. Matthæum in huius esse tutela. nam ex omnibus vrbis Magistratibus, hunc vnum verebatur, quod sæpè transeuntes è suis manibus rapuisset ea prudentia, ut integritatem redderet minus odiosam. unde fiebat, ut in omnium esset ore illius integritas, cui ut gratam se præberet ciuitas, postea templum erexit, in templo statuam, & honorificam inscriptionem apposuit.

Nauigium Eu-
nuchi magis-
tratus.

Eunuchus iste præter Palatia ac templa à se erecta, nauigium extruxerat maximum, in quo Regem ipsum nihil piguisset

guisset nauigare, tot cellas, cameras, aulas, & alia commodissima extruxerat, Ex immortali ligno calatae erant varijs meandris fenestrae, ac porticus, & suis locis omnia splendenti sandaraca illita, vel auro splendebant. eo nauigio vehi per hoc flumen solebat, & in eodem ad nauigium nostrum aduectus est. hic ei P. Matthaeus occurrit, & ab eo exceptus est insigni urbanitate ac beneuolentia. primum multis verbis se obtulit, uti suo fauore ad Regem munera penetrarent: deinde ut commodius omnia spectaret, singulatim omnia in nauigium suum deferri iussit, omnia illi mirum in modum arriserunt, afferenti, Rege dignum & Sinensi Rege munus esse, imagines venerabundus salutauit, & in genua prouolutus, ibique promisit Virgini, se illi in Regio Palatio locum inuenturum, & Patribus se libellum quamprimum Pechinum missurum. Nimis multum spondebat, ut ex animo loqui videri posset, ijs maxime, qui Eunuchos nouerant, & hunc praeter ceteris, teste fama, impudentem. Respondit P. Matthaeus ingentes agere se gratias, pro fauore delato, sed eius labori parcere, maxime quod Pechini multi & grauissimi Magistratus, eam rem perficiendam susceperant. verum ille subrisit, iactans e Magistratibus esse neminem, qui aequè gratia valeret apud Regem. libelli inquit, mei à Rege die insequenti, quo traditi sunt, rescribuntur, ceteris Rex aut nihil, aut tardè respondet. hic iteratis gratis promisit P. Matthaeus, eius nomine, cuius imaginem fuerat veneratus, fortunae melioris fauores, si hoc suum negotium promoueret. His ita confectis dimissus est Eunuchus Sociorum nauarchus, & ita dimissus, ut nullo pretio perfoluto facile patuerit eum proditoris praemium, inuinitatem accepisse. Post mensem Eunuchus Mathan in arcem Thiensin nauigaturus erat, ut inde sex mentium vectigal Regi transmitteret. ergo quoniam volebat eo secum nostros abducere, sarcinas omnes in praegrande nauigium e suis transferri imperauit. in

Munera petuntur ab Eunuchis ad Regem deferenda.

P. Matthaeus reculat munera committi Eunuchis.

Eunuchus Mathan nauarchus Sociorum in suum nauigium perit trans flum.

quo

Puer Sinenſi
pretio emptus
Socijs donat⁹.

quo Noſtri præſtolari iubebantur, dum menſis laberetur. Eunuchus qui Patres aduexerat lætus diſceſſit, & Noſtris pro munere puerum dedit, quem Nanchini pretio compararat, eum ideo ſe dare aiebat, quod politiffimè loqueretur, & P. Didaco Nanchinenſis linguæ puritatem poterat inſtillare.

P. Matthæ⁹ ab
Eunuch⁹ Ma-
than inuitatur
ad epulum &
ſpectacula.

Volebat Eunuchus Mathan regia munera in palatium ſuum deferre: ſed hîc noſtri modeſte reſtiterunt, aſſerentes horarias illas machinas facilè corrumpi, niſi quis eas perpetuo concinnaret; ſacras vero imagines apud ſe retinere velle, vt eas venerarentur, & coram illis res ſuas cæli Domino cõmendarent. Eunuchus ad hæc nihil admodum inſtitit, ſed potius Noſtris munus eduliorum & comæatus ad iter tranſmiſit. Amicus quoque Magiſtratus ille, ſæpè ad noſtros in nauigium veniebat, & amicos ſuos euntes ac redeuntes ſecum adducebat; quare & alijs, quaſi in omni ſerimone commemorabat, de maximorum Magiſtratu in Noſtros fauore, frænum ſane iniecit Eunuchi cupiditati, ne dicam, crudelitati, ab eo enim timeri poterat, vt noſtri vitam ſimul cum ſarcinis amitterent. Ad Noſtros igitur cohonestandos potius adiecit animû. nam die quadam P. Matthæum in ſuum palatium, intra urbem ad ſuum conuiuium euocauit. aderant Eunuchi plures è maximis. & ſane ſi ſplendorem ſpectes, dignus fuit quolibet ubiq; magnate, inter epulandum exhibitæ comædiæ, inducti funambuli, præſultores, geſticatores, & huiusmodi farinæ fæx, qua ipſe domum oppleuerat, & eos ad alacritatem procurandam alebat, ac ducebat denique in bonis dies ſuos, nihil attentus, quid in puncto futurum. & quidem huius generis ludos, nec in Europa, nec in India, ubi ſane ſunt admirabiles, quicquam ſimile videre ſe meminerat. Ex ijs vnus tres cultros grandiores, duobus palmis longos, in aërem proijciebat, alterum poſt alterum, ac diutiſſimè illos capulo recipiebat nullo vsquam errore. alius in ſolo iacens, ſupra humeros pedes erexit, &

Mimi ac geſti-
culatores.

xit, & cum ijs vas pragraunde fictile arripuit, & in aërem proiecit, & deinde hinc & hinc reuoluit, quod manibus ipsis facere perdifficile videbatur, idem cum tympano fecit ac mensa quatuor pedum alta & grandi, exhibita quoque est comædia nutibus solis laruatorum gigantum, splendidissimo habitu, Comædia ex Solis nutibus. nec ex ijs quisquam loquebatur, sed alius quidam è theatro ea omnia pronuntiabat, quæ ab vnoquoque dici res postulabat. Verum nihil admirabilius fuerit puero, qui postquam politissimè saltasset, velut in terram lapsus, in ea posuit manus, & inter eius pedes, exiliit alius è gypso puellulus affabre concinnatus, qui manibus pro pedibus vtens eosdem saltus, quos vnus fecerat, admirabili arte imitabatur, inde in terram quoque lapsus, ipse cum viuo puero colluctari cæpit admirabili artificio, quo vtrumq; viuum iudicaret. Admirandum pueri saltantis spectaculum.

Cum iam discedendi tempus aduenisset, Mathan Eunuchus libellum scripsit, & Patri legendum dedit. is erat in hanc fere sententiam scriptus. Inter nauigia quæ Lincino transibant, vno vectam aduenam quendam, Matthæum Ricium nomine, quem addebant Maieitati suæ munera quædam deferre, cum quod vir bonus videretur, iuuare voluisse, ac ne forte quippiam illi infortunij in tanta nauigiorum multitudine eueniret, nauigium illi vnum è suis dedisse, & bene stipatum in arcem Thien sin amandasse, ibiq; responsum præstolari, quod rogabat vti quamprimum mitteretur. hunc libellum Eunuchus iisdem ritibus misit, qui à Magistratibus mitti solet, de quibus libro primo scribitur. ergo cum hoc & alijs libellis famulum suum dimisit, & ipsi simul cum eo Patres nauigabāt in arcem vsque Thien sium. cum Nostri quatuor milites nauigabant, qui eos noctu denique obseruarent. hoc solemne est, quoties libellus mittitur, ne, qui deferret, fugere possit, aut cuius causâ deferretur, si milites additi non fuerint. Nuncius Regius in vinculis nauigat fide præstita, se minimè fugituum.

Ecc

Non

Non ita multo post in eam arcem Eunuchus aduenit. interim libelli responsum moram faciebat. volebat enim Rex id negotij rituum Tribunali de more demandare, sed quia gratiam ab Rege nullā hac ratione Eunuchus iniuisset, eius intra palatium fautores adnitebantur, vti Eunuchus ipsi ea res committeretur, quod tandem ita factum est.

Responsum re-
gis magna cū
pompa legitur

Vbi ergo responsum aduenit, Arcis illius omnes Magistratus ab Eunuchis sunt euocati, & ij ad audiendum Regis responsum in Damascena veste purpurea, cum reliquis dignitatum insignibus adfuerunt: ille vero pro tribunali magna pompa Regis libellum ac responsum legi iussit, eo præcipiebat Rex, vti secundo libello indicaret, quæ munera externus ille deferbat. primo enim libello ita se gesserat, ac si ignorasset, ne sine Regis auctoritate in Regia munera inquisitile videretur. P. igitur Matthæum in tribunal, quo habitu rei solent, euocauit in Gosippina veste, & populari pileo, qui rotundus est: tum ex more eum flexis genibus audire regia mandata imperauit, tum coram omnibus iussit, vti sua manu scriberet, quæ ad Regem munera detulisset, quorum ipse dominium accipiens, ea in suum palatium transportauit. vrgebat etiam vti aliud, si quid haberet adiungeret. ergo ad sacras effigies, & machinas horarias, Trigona vitra, & breuiarium Romanum elegantissime compactum, addidit clauicordium, & orbis Theatrum Ortelij. Misit ergo libellum alterum, sed responsum non quale volebat accepit. tunc formidare cepit, ne quid sibi hac ratione mali creasset, ac poenitere, quod huic se negotio intricasset. & quanquam initio P. Matthæus ad eum velibat, vel ab eo vocabatur, postea tamen eum à congressu suo exclusit. Appetente hyeme, ne concreto flumine arceretur, reditum parabat, sed primum Nostros omnes intra arcem in Idolorum Cænobium transtulit, & eo sarcinas omnes, quæ superfuerant deferri iubebat, excubias addidit militares nocturnas

nas ac diurnas, non intra domum solum, sed etiam in ambitu. Hic degebant Nostri. cum ecce tibi ex improviso venit ipse, magistratu maximo comitatus, è militari senatu, quem Pinpithau Sinæ vocant, qui cum P. Matthæus iam necessitudinem arcte contraxerat. Eunuchus vero secum fere bis centum totidem latrones adduxerat, & Patri vultu ad iram composito dixit: Pechino ad se scriptum, cum gemmas habere pretiosas complures, quas ne Regi daret, occultabat; Addidit etiam semonitum, quod domi Sociorum multitudinem absconderet. Negavit omnia P. Matthæus, & eius ipsius oculos testes appellans. is vero sarcinas omnes in atrium educi iubet, & quotquot aderant prodire, tum arcas & scrinia singula referans, omnia per otium lustrabat, & eam iniuriam furore, & rerum perturbatione atrociorē faciebat, ita ut qui aderat Magistratus condolentiam significaret. ad singula, quæ nondum viderat furens Eunuchus querebatur, hæc omnia sibi subducta, quidquid placebat arripiebat, & in altera parte referuabat. sed tandem ubi vidit nihil earum rerum reperiri, quas ipse sibi finxerat, supra furorem pudore accensus, vnde mitigari debuerat, auxit iniuriam; sed ex omnibus nulla re magis, quam Christi in Cruce pendentis effigie visa excanduit: criminabatur id spectrum ad Regem criminibus tollendum, ptocul dubio constructum, cui enim videri possit, eam rem usum aliquem habere alium, quam beneficiorum imposturam? Interim P. Matthæus indignū putabat homini furenti, hoc admirabile mysterium ingerere: nullo enim fructu id facturus apud eum, qui etiam clara innocentiae testimonia criminabatur, ac longe minus incredibilia admisisset: dixit tamen vrgenti, hanc esse effigiem hominis in lege nostra sanctissimi, qui hoc atrox mortis genus ad multorum salutē elegisset, in cuius beneficij memoriam eum à nobis pingi & sculpi solere. Pinpithau tamen dixit, neque id sibi videri decens, hominis in hoc miserabili

Ecc 2

statu

Eunuchus iniuriosè P. Matthæum tractat

Eunuchus sarcinas Sociorū perlustrat.

Eunuchus effigiem Christi in Cruce pendente in criminabatur.

P. Matthæus tuetur honorē imaginis Christi.

statu memoriam conseruare. Eunuchus omnino nihil admittebat, sed plectendos plane vociferabatur impostores. Vbi tamen alias huiusmodi depictas effigies inuenerunt, minus alieni esse cæperunt, vt crederet id Religionis causa, non veneficij asseruari. Iustratis iam omnibus, vterq; consedit: & vtrumque Socium etiam iusserunt assidere. Acceperat Eunuchus inter reliqua, thecas sacrarum reliquiarum duas; alteram in crucis modum, alteram in libri figuram, vtramque ex ebano confectam: acceperat etiam argenteum calicem, quo augustissimum sacrificium nostri peregerant, ac primum reuifens ea, quæ seposuerat, restituit Eunuchus argenteorum nummorum sacculum, quo sacculo aurei fere ducenti ad itineris sumptus asseruabantur, & id ea verborum significatione fecit, ac si donasset. latronum hoc est beneficium, qui dare se putant, quæ non rapuerunt, & tamen Nostri, quia nihil æque desperauerunt, pro restitutis nummis gratiam reddiderunt. sacrarum etiam reliquiarum thecas P. Matthæus, sed frustra repetijt: in Calice vero multum institerunt asserentes, in eo se cæli acteræ Domino sacrificium offerre; rem apud nos ita sacram esse, vt ne tangi quidem ab ijs possit, qui non ad eam rem fuerint peculiari ritu consecrati: quo audito sacrilegus cum manibus contrectans, ait; quid ais; tangi non posse, cum me tangentem intuearis. apud impios enim est posse quod licere. Non tulit P. Matthæus impudentiam, sed accenso persimilis, nummorum loculos accepit, & eos ad Eunuchi pedes abiciens, dixit: propè cum lacrymis; accipe sodes æquale argenti pondus, aut quantum voles, & sacrum mihi vas restitue. qua re commotus Pinpithau dixit, Hinc videas licet, cum non pretium, sed sacrum vas exigere, cum duplum offerat argenti pondus, ego illi restituendum arbitrarer. Ad hæc Eunuchus mollior factus, calicem loculosq; restituit. His ita confectis, ad priorum munerum seriem addidit, quæcunque seposuerat, quæ non

Latronum beneficium.

P. Matthæus Calicem cum lacrymis restitit ab Eunuchis.

non minus quadraginta titulis exscripta sunt. nam seposuerat ^{Eunuchus Sociorum munera in ararium arcis recludi iussit.} undulatam vestem, Gosippinum ex India pannū, vasa vitrea, sciotericos & arenarios horarum indices, & huiusmodi nonnulla, ea omnia in ararium arcis recludi iussit, præter horariam machinam grandiore, & Deiparæ effigiem, quam venerarentur. eam effigiem Nostri in ara, in qua quotidie litabant, collocarunt. Deinde Lincinum reuersus est Socijs in arce relictis, & custodibus attributis, à quibus tamen quo vellent ire minime prohibebantur. Inuenta sunt à Nostri deinde nonnulla deesse. e loculis subduxerant paucos nummos furunculi, furum maximus Eunuchus etiam sibi nonnulla selegerat, & amico Magistratui palam dederat, sed tamen omnia illa fuerunt opinione ac metu pauciora.

Hoc rerum euentu satis ancipiti Nostri, non solum veriti sunt, vt quod Pechini sperabant, minime impetrarent, sed etiam valde metuerunt, ne quidquid hætenus perfectum fuerat vnus diei ruina laberetur. ergo humanis auxilijs destituti, ^{Socij ad diuinam opem confugiunt.} Diuina inspexerunt. sacrificijs quotidianis, orationibus prope continuis, corporis afflictationibus nunquam intermissis, Diuinam clementiam implorabant, vt tot animorū salutem, in hac vt videbatur expeditione sita, minime negligeret. Iam annus ad exitum inclinabatur: nec vlla Pechino spes affulgebat. Scripsit igitur P. Matthæus litteras Lincinum binas: vnas ad Eunuchum, ad Pinpithau alteras. famulum domesticum itinere terrestri misit, flumen enim coaluerat, qui responsum referret. ijs litteris ab vtroque petebatur. vt nouis libellis responsum regium educeretur, iam se multum temporis loci incommoditate & frigore faugatos, responsum præstolari. Hæc ad Eunuchum. ab amico vero ad hæc impetranda fauorem, vel ad noua tentanda, consilium litteræ postulabant. famulus noster Eunuchō pro Tribunali sedenti, litteras reddidit, sed exceptus est iniuriolis ab eo verbis, etiam in Nostros coniectis.

Ecc 3

ctis.

Nuncius ab Eu-
nuchis indignè
tractatur.

Consiliū Pim-
pithau.

Humana præ-
sidia frustra tē-
tantur.

Stis. impotentissime ergo absque responso pugnis & calcibus è tribunali extruditur. amicus vero noster litteras pro Tribunali palam accipere ac remittere dubitauit, clam tamen in Palatium suum reuocato nuncio dixit: Res nostrorum nullum posse peiorem statum formidare. Eunuchus enim libellum in eos meditabatur, Socios delaturum, quod beneficijs Regi interitum fuissent machinati, eum rumores hos tota vrbe sparsisse, multa in Socios sæpè debacchātem, dixerat etiam se omnes ad suos compedibus & catenis onustos remissurum. hæc seruo dixit, & scripsit etiam, uti se auctore de vita in tuto collocanda dispicerent, fuga Cantonensem Prouinciā repeterent, & Sarcinarum iacturam in lucro reputarent, quotquot haberent in Cruce affixi hominis effigies, in puluerem, & si fieri posset in nihilum redigerent, si hoc forte minus arderet, libellum Regi per amicos Pechini Magistratus darent, & ab eo in Patriam redeundi facultatem postularent.

Hoc responso, præter opinionem atroci, intellexerunt Nostri, se maius opinione discrimen incurrisse, & è duobus amici consilijs postremum eligentes, Sebastianum fratrem nostrum Pechinum amandarunt, inscijs custodibus nostris, qui non admodum seuerè munus suum exercebant. deferrebat is litteras vel P. Matthæi, vel Nanchinentium amicorum, & litteras donis armauerant, sed omnia hæc humana præsidia frustra tentabantur. statuerat enim Dominus rem tantam se ipso perficere. omnes igitur ab irritando Eunuchis refugiebant, Nostri auctores erant, ne libellum dare tentarent Regi, nihil eum eo tempore nisi Eunuchis auctoribus moderari; optimum factu putabant, si Eunuchum ipsum placare aggredierentur, etiam ipsarum quas iam spe deuorarat, sarcinarum iactura. Pechinum detulerat frater noster litteras, de rei totius euentu ad Socios, ut eas inde, nam ex arce non poterant, destinaret, quod fecit, & hac ratione vbique Nostri re audita,
Diuinam

Diuinam opem acius implorabant. Ex fratris Nostri reditu, intellectum est à nostris, nullam in humanis præsidijs, nullam in industria propria spem superesse. ergo nihil ultra tentare, certi vnā in Diuina ope fiduciam reponentes, cogitatum suum in Domino iactauerunt, & ad euentum omnem, mortem etiam ipsam in hac causā tolerandam, sese accuratissimè, magnoq; gaudio compararunt.

Nostri ex improviso Pechinum ab Rege cum suis donis euocantur.

CAPVT DVODECIMVM.

Vix nostri auxilia humana dammarant, ac se totos Diuino patrocinio commendarant, cum ecce tibi Dominus, qui hoc vnum præstolari videbatur, ex improviso subuenit, & tot feruorum suorum, qui vbique hanc expeditionem Deo commendabant, orationes exaudiuit, effecitq; vt Rex plane ex inopinatō rescriberet, vti Pechinū statim cum donis suis properarent, Magistratus illis è rituum tribunali ad securitatem adderetur, & excusso ab eodem tribunali negotio, scripto libello Rex ex integro moneretur. Repentinū illud post sex menses toros, nullo dato nouo libello rescriptum, vnde prodierit, Nostris nondum plane constitit, sed credendum est Deum, qui Regum corda manu tenet, hanc ad animorum salutem suo nutu promouendam, per seipsum nouitatem procurasse. narratur enim, Regem die quadam se solo superioris libelli recordatum, subito exclamasse, vbi est inquam, vbi est illa campana, quam seipsa pulsari fecerunt, & ab aduenis ad me allatam, nescio quo libello significatum. huic Eunuchus ille respondit, qui perpetuus est Regis eomes, Si nondū tuo rescripto libellus Eunuchi Mathan expeditus est, quī fieri poterit vt aduenæ absque tua facultate in urbem Regiam ingrediantur? quo dicto, Rex allatum libellum, vt supra subscripsit.

id

Socij à Rege
Pechinum euo-
cantur.

Socij post aru-
mnas & labo-
res respirant.

Socij recupera-
rant suas Sarcin-
as.

Mathematici
libri P. Mat-
thæi etiam re-
cuperantur.

id rescriptum, citatis equis Lineinum Eunuchis transmittitur, is tamen inuitus extemplo in arcem misit, qui nostris Regia munera, quæ in ærario adseruabantur, cum fide restitueret. & quoniam flumine concreto nauigare nondum poterat, iussi sunt arcis Magistratus equos & baiulos publico sumptu dare ad sarcinas Pechinum usque deportandas. lætissimis his nuncijs Nostri post tot labores respirare cæperunt, & gratijs Deo actis, omnium immemores incommodorum, quæ hic narrari non facile omnia potuissent, nouis animis sese ad iter accinxerunt, receptis igitur sarcinis suis, è sacris thecis sacra fragmenta noctu subduxerunt, & in eorum locum è terra sancta, lapillorum fragmentis vacuas cellulas oppleuerunt, ne qua fortasse facta mutatio conijci posset: & hæc aliquando ad Christianorum manus reuersa, fraudem parerent inscriptiones enim tolli non placuit, rei gestæ serie in scripto in easdem Thecas recluserunt.

Sed in hac rerum nostrarum restitutione, omitti non debet insigne Diuinæ prouidentię argumentum: nam calumniam ab Eunuchis in Nostrorum extremam forte perniciem conflata, Deus optimus maximus in utilitatem conuertit. inter alia quæ secunda rerum nostrarum illustratione Eunuchus seposuerat, Mathematici libri omnes numerabantur, quos undique P. Matthæus corrauerat, vñ futuros, si forte Rex eum ad recudendos Sinensium factorum errores adhiberet. Regni legibus antiquissimis, quarum tamen hodie vsus exoleuit, capitalis pœna proponitur ijs, qui præter Mathematicos Regios, huiusmodi disciplinas didicerint, aut docuerint. id ex eo factum est, quod arbitrentur eum, qui Siderum motus norit, facile posse prosperioris fortunæ coniunctione cognita, Regnum occupare. Hos igitur libros Eunuchus exactor inter munera regia noluit asseruari, sed in arca separata reclusit, cū hac inscriptione: Hos libros Eunuchus Mathan vectigalium Regiorum

Regiorum exactor reperit inter sarcinas aduenæ cuiusdam Matthæi Riccij nomine, & quoniam huiusmodi libri, regni legibus interdicuntur, hic eos asseruari curauit, donec Rex peculiari libello monitus statuatur, quid ijs fieri velit. ea de re nihil Nostri rescierant, sed in sarcinarum restitutione cum libri deessent, eos ab arcis magistratibus repetierunt, qui hac de re Eunuchi consilium nescientes, eos quoque reddi voluerunt: & missus est Deo ita volente Minister, qui quod legere nesciret, nihil admodum de arcæ inscriptione laborauit. Cum deinde Eunuchus sexto de more mense ad vestigalia transmittenda in arcem redisset, nostros vna Pechinum dimisit, arbitratu libros illos minime restitutos, sed ubi post discessum, libros illos minime reperit, grauitur arcis Magistratus inculcavit, & commentus eos à Rege priuatim postulari, remisit eum ipsum seruum, qui tradiderat, vt quam celerrime nostros assequeretur, librosque repeteret, sed is Eunuchi metu pœnas à se repetendas veritus, ex itinere aufugit, neque de nostris assequendis laborauit. Eunuchus postea rebus in meliorem statum reuocatis, male metuebat, ne ab ijs dato libello accusaretur, quod si fecissent Nostri, & querelas de eo deposuissent, facillime futurum fuisset, vt Regis gratia excideret. itaque in posterum de libris mirum silentium, Nostrique eo metu liberati, etiam habuerunt, vnde Magistratibus harum rerum cupidis satisfacere, & non pauca deinde Sinensi sermone donarent.

Arcis Magistratus in iter equos octo, & baiulos triginta assignarunt, quotidie quaqua transirent, equi & baiuli permutablebantur, & Nostri Magistratuum Palatijs excipiebantur, & splendide nullo sumptu vefcebantur, quin potius maxima veneratione ab omnibus colebantur, quod eos hac ratione viderent ab Rege accersitos: Pechinum igitur peruenerunt Si-

Socij Pechinū
perueniunt.

nensi anno exeunte, Ianuarij quatto ac vigesimo, anno post secularem primo, quo die appulerunt in quodam Eunuchorum

Fff

rum

rum palatio, sub urbem excepti sunt, ubi sua munera concinnantes, & omnium seriem texentes, ea in diem insequentem præpararunt, quo die magno apparatu ac tumultu, per urbem omnia in Palatium inferuntur, vna cum reliquis, quæ Mathàn Eunuchus transmiserat. Vbi Rex imagines conspexit, obstupefactus, exclamauit; Deus viuus est iste: ac tametsi modus est loquendi apud Sinas vsitatus, verum tamē nescius profitebatur, & id nomen in hanc vsque diem, ijs imaginibus adnexum perseuerat. Nostros vero appellant, qui Regi Deum viuum obtulerunt. verum Rex à stupore etiam in pauorem transijt. misit enim earum conspectum non ferens, effigiem Deiparæ ad Parentem suam, quæ Dijs mortuis nimis affecta, ipsa quoque Deum viuum sustinere non valuit. ea enim viuacitate territa, iussit eas in thesauro suo hætenus asseruari, & nonnulli etiam Eunuchorum fauore, Magistratus ad eas spectandas admittuntur: retulerunt Patribus Eunuchi, Regem ipsum imagines singulas veneratum, thus etiam & alios odores incendisse. reddat illi Deus pro honore gratiam, suæ tandem aliquando fidei luce perfuso. Minimam Christi Seruatoris imaginem, opus plane rarum, à Præposito Generali transmissam, ipse sibi reseruauit, & in aula sua primaria collocauit. Hæc ab Eunuchis accepimus, nec fidem exigimus aliam, nisi quam Eunuchis dare cuilibet placuerit. Cum ad spectandam horariam machinam grandiorē Rex peruenisset, quod nondum esset concinnata, horas nec pulsabat, nec indicabat, ergo iussit, vt quam citissimè Patres nostros euocarent, quod citatis equis factum est, & Nostri quoque perpetuo equorum cursu eò contenderunt: quatuor murorum ambitu Palatium cingitur vniuersum: in priores duos diurnis horis liber cuique patet ingressus, soli excluduntur idolorum sacrificuli, qui Cæsariem radunt, & mulieres omnes: in reliquos duos intimos præter Palatinos Eunuchos, ingreditur nemo, & nocturnis quidem

Munera Patrū
à Rege visun-
tur.

Rex aspectu sa-
crarum imagi-
num in stupo-
rem versus.

Rex veneratur
imagines.

Patres ad Re-
gem vocantur.

quidem horis soli Eunuchi & milites recluduntur. Nostri in
 secundum ambitum, nec ulterius penetrarunt. ibi in atrio
 quodam à conferta multitudine, quæ ad spectaculum concur-
 rerat horaria machina spectabatur, eò Rex Eunuchum è ma-
 ximis, qui perpetuò Regi assistunt, & magnam prudentiæ o-
 pinionem habet, missus est ad nostros excipiendos: is Licin ^{Socij in Pala-}
 vocabatur, qui benignissimè Nostros & humanissimè Regis ^{tio Regis no-}
 nomine excepit. is è Socijs quæsiit, quo fine hæc Regi mune- ^{mine excipiu-}
 ra detulissent, à quibus ita responsum est: esse se aduenas è ma- ^{tur ab vno ex}
 gno Occidente (sic enim Europam nostram Sinæ vocant) vi-
 ros Religiosos cæli ac terræ moderatoris veneratores, qui nihil
 è terrenis rebus vellent, nullum munus, nullam compensatio-
 nem petere nec sperare: quam rem admiratus Eunuchus, ex-
 cepit per lubenter: ad horarias vero machinas quod attinet;
 inuentum esse magnorum artificum, ad horas siue nocturnas
 siue diurnas nullo cuiusquam labore cognoscendum; eas e-
 nim seipsis æra campana numerabant, & indice quoque om-
 nia horarum spatia demonstrari: verum opus esse vnum ali-
 quem designare, qui machinam moderaretur, quæ res ita fa-
 cilis erat, vt biduo aut summum triduo doceri posse sperarēt.
 Hæc Eunuchus ipse ad Regem mox detulit, qui extemplo
 designauit Eunuchos quatuor è Palatino Mathematicorum
 Collegio (nam intra ipsum palatium Eunuchorum Ordines, ^{Eunuchi Re-}
 vt foris Magistratum, numero tamē minore diuisi dicuntur) ^{gis nomine do-}
 quibus etiam iniunxit, vt intra triduum in aulam ad se instru- ^{centur a Patre}
 menta deferrent, & eorum ex officio curam gererent. hinc ^{Marthæo mo-}
 factum est, vt Nostri toto illo triduo intra Mathematicorum ^{derari horolo-}
 stationem recepti, diu noctuq; hebetiores Eunuchos edoce-
 rent: ab ijs habiti sunt Nostri honorificè & splendidè, & in
 sumptus omnia liberalissimè suppeditabant, Eunuchi Ma-
 thæn exactoris protectores: ideo forte ne quid ab ijs pro-
 fectum in exactorem querelatum ad Regem perueniret.

Fff 2

nam

Regis Seucti-
tas in Eunu-
chos.

nam cōstanti rumore credebatur, Nostros violentis ab eo largitionibus fuisse vexatos, quod tamen reuera falsum erat, atque ita misero exactori nihil artes suæ valuerunt, sed potius ingens argenti pondus expendit, ut huius negotij vanum rumorem suffocaret. quatuor horariarum machinarum præfecti continuo exercitio, quantum satis erat, didicerunt, & ne quid accideret, omnia in commentariolos retulerunt. nam in aliquo coram Rege hallucinari, nihil erat minus, quam se in præsens vitæ discrimen conijcere. aiunt enim Regem in Eunuchos ita scire, ut sæpe leuibus ex causis eius iussu spiritum inter verbera expirent. Itaque primum omnium Sinicis litteris omnia rotarum, clauorum, ferramentorum nomina exegerunt, quæ omnia Sinicè P. Matthæus nouauit, nam sicubi res defunt, verba quoque deesse consueuerunt.

Socij Regis
nomine de Eu-
ropa interro-
gantur.

His tribus ac permultis deinde diebus, varios Eunuchos Rex ad Nostros mittebat, qui de Europa nostra varia, prout ipsi occurrebant, sciscitarentur; de moribus, de feracitate, de architectura, de vestitu, de gemmis, de connubijs, ac funere, deque Regibus nostris, & ipsis etiam Socijs multa querebantur, imo iam ad Regem ridicula etiam minutaq; referebantur, quæ Eunuchi ex Nostrorum contubernio notauerant, quoties biberent, quoties vescerentur, quantum cibi absumerent, & alia huiusmodi, quæ otioso ab otiosis referebantur: impetrarunt etiam ab Eunuchis Nostri, ut Rex intelligeret, Pechini se viuere ac mori cupere, nec aliud ab Rege quicquam expectare, quod opportunissimum fuit ad hanc rem ex animi sententia conficiendam, eo maxime tempore, quo magistratus, ut mox dicitur, eos amandare statuerant.

Eunuchi So-
ciorum nomi-
ne à Rege mu-
nerantur.

Nondum finitum erat triduum, cum Rex de horarijs machinis quærir, eas ex tempore ad eum detulerunt, & ita placuerunt omnia, ut mox Eunuchis honorē stipendiumq; auxerit, quo utroq; læti ad Nostros redierunt, ideo maxime, quod ex
ijs

ijs duo in hanc vsque diem quotidie ad Regem ingrediuntur ad horariam minorem machinam temperandam, quam nullo vnquam tempore patitur à conspectu suo remoueri, & in eo spectando audiendoq; insignem præfert voluptatē. hinc illi Eunuchi magni esse cæperunt, apud omnes quippe nationes à Palatinis Regi assistere magni fit, & studiosè ambitur, quod apud Sinas etiam supra reliquas nationes optari solet, nam cæteri eos verentur, qui cum voluerint, possunt bene vel male, vno verbulo, amicis vel hostibus, prodesse vel nocere.

Machina grandior in Palatio locum nullum reperit, in quo descendentia pondera, commodè rotas voluerent: hinc anno insequenti illam ad operum publicorum Tribunal remisit, ac turrin extrui iussit è ligno perelegantem, ad exemplar à nostris delineatum, & quidem opus erat sane Regium, nam materiam superabat opus, varijs cælaturis, porticibus, sandaraca oblitis, & auro sanè affabrè, in quo Sinæ nihil cedunt Europæis, & in eam turrin nec non maximam, aureos trecentos supramille, Tribunal illud expendit, quæ summa ex operum vilitate aliquanto maior est, quàm videatur Europæis: eam Turrin ligneam statui iussit, extra secundum murum in horto quodam peramæno, vbi aliæ quoque res magni pretij visuntur, & eo non infrequenter animi causa Rex ipse se conferre narratur, eò etiam viri persæpe graues penetrant, & magna sua voluptate, hoc cum alijs rebus sane visendis, spectant Europæ monumentum.

Turris pro machina horaria sumptuosa extruitur.

His à Rege spectatis, tantam ex nouitate cæperat voluptatem, vt non munera solum, sed ipsos quoq; præsentatores videre summopere cuperet: nec satiebatur ijs, quæ à narratoribus Eunuchis referebātur: verum ne captam annis iam pluribus consuetudinem sese ab omnium conspectu, præter Eunuchos ac pellices subducendi, interromperet, nec pluris aduenas, quam Magistratus suos facere videretur, cupiditatem

Regis cupiditas Patres videndi.

Fff 3

ineptæ

Effigies Patrū
depictæ ad Re-
gem mittuntur.

Nomen Iesv
explicatur.

Typus Palatij
offertur Regi
perent.

ineptæ solitudinis pertinacia refrēnavit: misit tamen ad co-
rum stationem, quos habebat pictores excellentissimos, in-
tra Sinensis tamen picturæ limites, & utrumq; è nostris inte-
gro ad se corpore depictum, quam maxime genuinè fieri pos-
set, afferri iussit, & sane id fecerunt non admodum infelice-
ter, eorumq; effigies extemplo ad Regem introductæ, quibus vi-
sis dixit: hoc ei hoc plane isti sunt Saraceni. nam qui è Perside
in regnum adveniunt, de quibus infra pluribus, Nostris tota
oris compositione & barbæ densitate sunt Europæis similio-
res plane, quam Sinis: verum qui astabat negavit Eunuchus
esse Saracenos: suilla enim vescuntur. tum Rex scire voluit,
quibus Reges nostri vestibus uterentur, & num aliquem Re-
gij palatij typum attulissent: prius verbis non facile poterat ex-
plicari, & suggessit, nescio quis è domesticis, in sanctissimi Ie-
su nominis effigie, quam angeli, homines, & infernis pœnis
addicti venerantur, Regum ibi nostrorum effigiem videri, nec
Regum sed Pontificis, Imperatoris, Ducum vultus vestesque
spectari, & ea res etiam ansam dabat Patribus explicandi, cuius
hoc esset nomen, quod Christiani Principes omnes ita vene-
rarentur, eius nempe qui calum, terram, Tartarum ipsum nu-
tu moderatur, quod etiam ille ipse venerari ne refugeret. Hæc
breui expositione à P. Matthæo concinnata, simul cum ima-
gine ad Regem delata sunt: & quoniam non satis assecutus est
imaginis exiguæ, ac subtilioris lineamenta, maximè suis um-
bris, quas ignorant Sinæ, distincta, iussit, uti à Regijs pictori-
bus alia maior & additis coloribus pingeretur, quod factum
est extemplo, & Nostris fere triduum intra Palatium hæc ex-
causa detenti, atque ita Regi demonstrata sunt & exposita,
quæ à Nostris coram non poterant explicari. De Palatio quod
quærebat etiam traditum. habebant enim Nostris forte tunc
Hispanici Palatij, cui à D. Laurentio excuriali nomen est, ex-
pressum elegantibus typis & tabulis pluribus exemplar: Ve-
rum

rum rescitum est à Nostreis deinde, Eunuchum quod explica-
re se posse diffideret, eas tabulas sibi reservasse, solum obtulit
aliam effigiem Palatii ædis D. Marco sacra, & totius illius aræ
apud Venetos, vna cum Reipublicæ illius insignibus, & retu-
lerunt Eunuchi Regem subrississe, cum audiit, Europæos Prin-
cipes in supremis contignationibus habitare, visum est enim
hoc illi descensu ascensuq; perincommodum, nec sine pericu-
lo, ita suum cuiq; pulchrum facit inolita consuetudo.

His per aliquot dies ita confectis, Nostri iuxta palatium
in conductis ædibus habitabant, & aderant perpetui comites
Eunuchi Mathan familiares, maxime duo, qui eius omnia ne-
gotia procurabant, & Regis nomine libellos scribebant, Re-
gis rescriptum circa Nostrorum negotium expetentes, verum
paulo post ad nostros venerunt Regis nomine Eunuchi qua-
tuor, ex eorum numero, qui musica instrumenta, quæ fidi-
bus pulsan-
tur, coram Rege personant. Hi sunt Mathematicis
longe superiores. nam huius generis instrumenta pulsare, est
apud Sinas in primis honorificum, quorum intra palatium
Collegium est satis opulentum: hi Regis nomine petebant, vt
clavicordium pulsare docerentur, quod Nostri cum reliquis
Regi obtulerant: ergo P. Didacus ad eos ibat quotidie, è dis-
cipulo tumultuario factus Magister. nam iubente P. Mathæo
in eum finem à P. Cataneo bene perito didicit, quantum satis
esset. nam in hac arte Sinæ nihil habent admodum absolutum
suis numeris: nec solum pulsare, sed etiam discordium fidium
concordiam didicerat temperare. & priusquam ad docendū
veniretur, solitis ritibus Nostros licet renitentes, in Magistros
elegerunt. obtestati, vt in docendo cum diligentia patientiam
adhiberent, neq; moleste ferrent, si rem hæcenus inauditam
tardius arriperent, quos ritus Magistris exhibuerant, eosdem
ineptè sane clavicordio præstiterunt, vt eo ac si res viua esset
propitio vterentur. Nostri quotidie apud illos splendido epulo
exci-

Musici Regij
docentur a P.
Cataneo Re-
gis nomine.

excipiebantur, & ab Eunuchis in posterum grauissimis visitabantur. unde paulatim vniuerso Palatio noti esse cæperunt, quæ Eunuchorum familiaritas & beneuolentia in hanc vsque diem constantissime perseverat.

Socij conatur
se liberare ab
Eunucho Ma-
thàn vestiga-
lium exatore.

Cupiebat P. Matthæus ex importunis Eunuchi Mathàn vnguibus iam diu seipsum expedire. nam designauerat homo cupidissimus, si fortasse Rex, se adnitente, ingentem aliquam summam nostris in muneris remunerationem obtulisset, in partem per fas ac nefas venire, ac Nostros in Australes Regni Regionem remittere: quare Nostrorum vota in vanum cadebant. ergo voluit summum rituum Præsidentem, cui Rex id negotij postremo rescripta commiserat, visitare, sed id ab Eunuchis prope custodibus impetrari non potuit: quin etiam à visendis cæteris amicis prohibebant, & è domesticis suis habebant vnum perpetuo qui excubaret & comitaretur. Verum artificio fefellit custodem: misit enim in posterum P. Didacum in Palatium, ad edocendos clauicordijs discipulos, addiditq; illi comitem è fratribus nostris vnum, ipse P. Matthæus domi remanebat, donec cum P. Didaco Eunuchorum famulus discessisset, in cuius absentia, prout inter eos conuenerat, amicos visitabat; litteras Nanchino allatas tradebat; & nouas amicitias procurabat: quæ res opportunissimè cecidit ad remedium infortunij, in quod Nostri paulo post inciderunt. ex omnibus

Socij iuuantur
à summo Tri-
bunali Magi-
stratu.

nemo ita iuuat vt Magistratus è summo Tribunali grauius, is quod summa integritate urbem non maximam gubernasset, saltu, non gradibus, in hunc prope apicem dignitatis euasit, & quidem nihil honoribus immutati mores, pristinam integritatem reseruabat: & quoniam eius dignitas in Magistratibus, vel reiiciendis, vel eligendis versabatur, omnibus erat ex metu venerationi. Non satis constat, quo auctore rescierit ille P. Matthæum aduenisse, rescijt tamen, & prior ad eum visitandum vrbanius accessit, satis admiratus est P. Matthæus

hanc

hanc viri tanti humanitatem, ergo sub discessum ex eo querit, qua ex causa prior ad eum visendum, qui ignotus erat, venisset. Respondit ille, ex eo, quod certis auctoribus audieram, esse te virum eximium, à quo vera quadam bene viuendi institutio propagatur. repens urbanitate, creuit & mutuo deinde congressu magis magisque confirmata est amicitia. idem cum alijs fecit. & est res notatu dignissima, quod ex ijs ad quos Nanchino litteras attulerat, repertus est plane nemo, qui vel tantillum fauerit, ac plerisque etiam eum in congressum minime admiserunt, veriti, ne quod ex aduenarum commercio sibi malum paterent. voluit hinc Deus Opt. Max: Socios docere, quam fragiles sint hominum industriae. nam si in Exactorem Eunuchum minimè incidissent, si ab eo libellus Regi datus non fuisset, non solum verosimile, sed certum est, ab alio nullo Regi libellum offerendum, ne cum aduenis commercij suspicionem ingereret: quod si euenisset, plane Nostri, ut prius, erat re infecta redeundum. Hæc cum Nostri rei euentu didicissent; gratijs actis, ut par erat, didicerunt, etiam è diuina manu pendere.

Clauicordij pulsatores Eunuchi, vnica cantilena contenti erant, & ex ijs duo iam iniiores, quod erat satis, didicerant, sed alij alios præstolabantur, vnde plus impensum temporis, & supra mensẽ ea res prorogabatur, institerunt admodum, ut in Sinensem sermonem eas cantilenas verterent, quæ clauicordio pulsabantur. hac igitur occasione P. Matthæus octo descriptiones edidit, de materijs Ethicis, ad virtutem & bonos mores inuitantibus, eas aptis sententijs è nostris auctoribus illustrauit, & clauicordij cantilenas appellauit. ita deinde placuerunt, ut à plurimis litteratis expeterentur, & excriberentur magna sententiarum approbatione. Ut autem omnibus fieret satis, (asserebant enim Regem hac occasione moneri, ut Regnum suum è virtutis præscripto moderaretur) Europæo

Ggg

& Sinen.

P. Matthæus
sententijs can-
tilenas illu-
strat.

& Sinensi charactere hoc opusculum Carminum descriptum,
vna cum alijs rebus typis mandarunt.

*Nostri à rituum Magistratibus comprehensi, in
Arcem Legatorum retrusi sunt.*

CAPVT DECIMVM TERTIVM.

Officium Ma-
gistratus rituum
Tribunalis.

Socij iubetur
comprehendi.

Lictores in do-
mum irum-
pant Sociorum.

INTER plurimos, Tribunalis rituum, Collegas, in diuersa munera distributos, vnus est Magistratus, qui Legatis ab externis Regnis aduenientibus præest; siue ille obsequiũ clientelare, siue tributum, siue quidlibet aliud muneris afferant: præest idem palatijs, aut potius castellis duobus, quibus aduenæ, ex quo Regiam ingressi sunt, excipiuntur. Magistratus hic, habet quoque plurimos Collegas, quorũ Præsides eo tempore è Fuchiana prouincia oriundus erat. Is vbi rescisset, nostros ab Eunuchis Mathàn introductos, sua Regi munera obtulisse, nec quicquam ad Tribunal suum de more retulisse, tulit id pergrauatè, & furorẽ quem in Eunuchum exercere non poterat, in nostros, tametsi innocentes, retorfit. Ergo quatuor Satellitum Præfectis iubet, vt iam diligentissimè conquisitos in tribunal suum adducant, ac tametsi non nesciebat munera iam ad Regem penetrasse, edicto tamen suo, quo Nostros comprehendi imperarat, fingeat ea se omnia ignorare, quasi vero post datum libellum, sese Nostri fuga subduxissent, id faciebat, vt atrocior Nostrorum culpa videretur. Nostri interim nihil opinantes, rescriptum Regium suspensi præstolabantur, quod sperabāt fore, postquam fidicines Regios, quod satis erat docuissent; cum ecce tibi die quadam, decem & plures in domum lictores irrumpunt, iubentes, vt quamprimum ad Præfecti sui domum properarent, habere eum, quæcum ijs agat: arbitrati sunt initio Nostri, commentum esse aliquod nebulonum, qui ab externis quippiã emun-
gero

gere sperarent, vnde tergiuersabantur: verum illi extemplo funes in fratrum Nostrorum collum iniecerunt, vnde intellectum est à nostris, id reuera publicum esse mandatum, atq; ita satellitij Præfectum conuenerunt. Is mandata Legatorum Magistratus exposuit. neque Nostri repugnarunt. nam datis iam suis muneribus, Magistratum opera sperabant, se posse Eunuchorum importunitatem excutere. ergo Præfectus in crastinum eos proprijs in ædibus comprehendit, clauibus fores exterius occludens, adhibitisq; contra fugam excubijs. rescijt hoc Eunuchi Mathàn procurator, & extemplo aduolans feras effregit, & minis excubias in fugam coniecit, hoc maxime commento, quod vim illatam aduenis, multaq; furto sublata criminaretur, inde in tutiorem locum Nostros deducere, & legatorum Præsidem negligere volebat. Verum Pater Matthæus repugnauit, tamenli diceret Eunuchus, eos auctoritate Regia detineri, & in Palatium quotidie euocari asserebat, effecit igitur, vt vterq; in Præsidis tribunal, die insequenti pergerent. Ingressus est igitur Eunuchus Tribunal prior, & Regis nomine monuit. vt ne hoc negotium attingerent, quod Eunuchus Mathàn erat commendatum, minatus est etiam, dato se libello delaturum Satellites, eorumq; Præfectum, quod aduenis multa per vim rapuissent. Ad hæc Præses audita Collegarum sententia, respondit: se nostros, vt vt esset, minimè dimissurum, sed secundum leges in aduenarum arcem eos omnino esse recludendos: & cum nihil proficeret Eunuchus, a-

Socij coram
Tribunali ex-
aminantur.

P. Matthæus
respondet.

nera adhibuisset: Noster iam egregie comparatus, ita respondit, ut ne ipsi quidem haberent, quod ulterius criminarentur: narrabat etiam vim sibi ab Eunuchis factam, quam quotidie, ne maximi quidem Magistratus, nedum aduenæ, poterant effugere: hætenus porro se in palatio Regio perpetuo ab ipso Rege occupatum, noluisse tamen in hoc tribunal venire, sed ab Eunuchis custodibus prohibitum, nullatenus potuisse; Ad hæc hominem, qui multos iam annos varijs in Prouincijs intra Regnum, nullo prohibente vixisset, & alias etiã in Regiam aduenisset, non videri pro aduenæ, sed indigena tractandum, ac se videri posse ab ijs legibus immunem.

Præses mitior
factus ex respo
so P. Matthæi.

Palatij aduenæ
rum descriptio

His rationibus conuictus Præses, molliorem se deinceps præbuit: iussit Nostros bono animo esse, ac nihil vereri, seipsum Regio libello, breui responsurum & Regiam voluntatem significaturum: solum dixit, quod nostros pupugit, nolle se, uti Pechini residerent, interim tamen se in aduenarum arcem conferrent, curaturum se, nihil ut illis ibi deesset. Palatium hoc vtrumque vastum, muris cingitur, & portis multis occluditur, nec nisi peculiari fauore, Sinis ingressus permittitur, aduenis vero egredi, non nisi negotijs confectis, cum ad suos remittuntur, licet: nisi forte cum in præsidis sui Tribunal, aut in Regium palatium euocantur. cellulae sunt in eo palatio multae. nam sæpè contingit, è vicinis regnis Sinarum Regi vetigalibus, aduenas supra mille numerari, sed has cellas verius dicas ouium caulas, quam humanis vsibus coaptatas. porta, sedes, scamna, lectus, supellex denique nulla est. Hinc oritur, quod reliqui populi, præter Sinas, Oriente toto in ipso solo sedent, vescuntur, pernoctant, & non legatorum apparatu, sed lucri spe huc trahuntur, ut muneribus suis, Regiam remunerationem, quæ pro tanti Principis dignitate, longe superior esse consuevit, eliciant: tum hac summa Sinicae merces coëmunt, & in patriam redeunt, magna lucra reportant, ideo

ideo quod ex quo in Sinarum Regnum pedem inferunt, sumptus omnes ex arario publico; in eorum usus depromantur, & nihil aliud in his legationibus, aut potius negotiationibus, Sinæ spectare videntur, quàm ut vicinas nationes, in officio contineant; atque ita nihil admodum curant, quid muneris Regi ferant: nam viderunt Nostri inter Regia munera ense dari, aut potius ferri fragmentum, in incude malè cusum, cui etiam ligneum capulum in ipso castello, securi concinnarant, & huius generis erant malè materiati thoraces, è filis stuppeis inter se colligati, equi etiam qui cum Pechini aduenirent, macie interibant; & cum similes nugas hi barbari ferant, sumptus tamen in tanto itinere faciunt immodicos. nam Regius splendor magis, quam Legatorum obscuritas attenditur.

In id Palatium Nostri à Magistratibus commendati, lautius omnino cæteris habiti sunt: nam in eam Palatij stationem abducti sunt, qua Sinæ Magistratus, cum eò veniunt, excipi solent. in ea lecticæ, culcitæ, & stragula vestis è sericis utrumque pannis, sedes & reliqua supellex in hunc modum. famuli quoque semper Nostros præ cæteris venerabantur, isque fauor quotidianis creuit incrementis. Vbi auditum est, Nostros in eam arcem dimissos, amici Magistratus atque Primores, impetrata facultate, subinde nostros visebant: ipse quoque Præses, ubi Nostros nosse, amicis narratoribus cæpit, præ cæteris eos aduenis ita coluit, ut reliqui obstupescerent. ipsi enim Præsidentem non nisi flexis genibus alloquebantur. Nostri etiam in cõfessum & conuietum admittebantur. cupijt etiam uti Mathematicas sibi machinas struerent, qua re eum ad novos fauores obligarunt, in eo loco Nostri sacellulum concinnarant, & quotidianis sacrificijs, sua Domino negotia commendabant.

Interim dum Nostri huius Palatij finibus continentur, ab occasu venêre Saraceni quidam, quibus Europa, India, Persia,

Ggg 3

Mogo-

Saraceni cum Mogores, Armusia, imo etiam Hispania & Veneti ex nomine munerib' ad- noti erant, hi ad Regem adferebant, marmoris pellucidi frag- ueniunt. menta, quæ ab Sinis supra quam dici potest, æstimantur, ipsi Fuscè vocāt, & inter Nostros certatur hodieq; , sitne Iaspis an Saphyrus, aut fortasse neutrum? Præterea adamantis frag- menta, & cæruleum colorem, afferebant etiam ex ipsis regni terminis Reubarbarum intra ipsos muros coemptum, ideo Reubarbarum Pechini distra- quod Regijs sumptibus ad id deferendum plaustra præberent- hitur. tur, illud Pechini distrahebant obolis duobus libram pendentes, quales apud Italos baiocchi vocantur. Ab his quoque Sa- racenis iterum Nostri confirmati sunt, Sinense Regnum ab Sinense regni Cataium ap- ijs Cataium appellari, & Regiam urbem Cambalù, nec in vni- pellari confir- uerso terrarum orbe, quod quidem ipsi scirent, Cataium ali- matur. ud reperiri. vnde primis litteris nostros in India & Europa monuerunt, vti Geographicas tabulas emendandas curarent; quæ extra Boreales Sinarum muros Catai Regnū statuebant; & si forte Marcus Paulus Venetus opponitur, quod in vrbe Cambalù innumeri pontes reperirentur, fortasse vrbs illa nūc contractior est, nec tamen ita paucos numerat, quin hodieq; decem millia possint recenseri, è quibus nonnulli permagni & elegantes supra flumina; riuos, lacus, & lacunas, quæ super stratis vicis occultantur. Omnibus his aduenis, commeatus è publico copiosè præbetur, isque splendidior esset; nisi mini- stri plurima furto interuerterēt. sub discessum varia illis con- uuiua instruuntur, & semper aliquis è primoribus regni, ea co- honestat, pro Regnorum à quibus mittuntur dignitate. in his Legati ad latus assident ei, qui Regis nomine illos excipit, qui ritus apud Sinas inter obsequia clientelaria numeratur. His adduntur comædiæ, cantus, instrumenta musica, & præter epulas carnes varij generis crudæ, quas legati ad suas cellulas remittunt, sed eas arcis famuli, velut harpasti, ludo rapiunt, vnde legati per eos dies ad res suas tuendas armati incedunt:

conui-

conuiuia hæc nostris minimè exhibuerunt, ex eo quod huius tribunalis ordinem seruare neglexissent: verum amici nonnulli procurare cæperunt, vti quoque Nostris instruerentur, & cum nihil admodum repugnarent. si P. Matthæus largitione conuiuiorum curatores delinire voluisset; verum respondit se largitionem non malè collocatam putare, vt similibus conuiujs abstinerent.

Postquam in hanc arcem Nostræ iam triduo retrusi fuerant, in Regium Palatium euocati sunt, vti Regio tribunali eosdem ritus exhiberent, ac si Rex in eo consideret. id fit in Atrio lato quidem, sed haud paulo longiore, in quo ad triginta millia virorū contineri posse videntur. & sane splendidum est opus ac Regium: in eius extremo camera est altissima, sub qua ianuis quinque prægrandibus, in ipsam Regum stationem penetratur: in ea Camera solium est Regium, vbi quotidie ferre ad audiendos subditos, & Regni negotia expedienda, excipiendas etiam legationes, vel magistratuum ob dignitates acceptas Regem venerantium ritus considebat. Verum ex quo Rex iste solitarius se ab omnium conspectu subduxit, ad eius thronum vacuum inanes ritus exhibentur. Et quoniam hoc regnum vastissimum est, nullo non die, multi aliqua ex causa Regi gratulabantur. In hoc Atrio superbis vndique molibus cincto, ad portarum excubias, milites ad ter mille pernoctant, præter cæteros, qui foris in circuitu excubant, in speculis iactu lapidis inter se distinctis: in singulis etiam portis singuli sunt elephantes, ad quinque portarum custodiam, qui ad hoc Regium tribunal euocantur, ad palatij portas ante lucem præstolantur, & mox vbi illucescit, elephantes ac milites emittuntur. admittuntur vero qui ad Regiam gratulationem adueniunt, ij in habitu peculiari rubei coloris, manu eburneam tabulam gestantes, palmos duos longam, digitos quatuor latam, ad os tegendum prodeunt, & inde suos ritus regio throno ex-

Socij è custodia Palatij ad Regium euocantur.

Regium palatium.

Ritus ad thronum Regis vacuum exhibentur.

Milites & Elephantes excubant.

Rituum obser-
uatores.

Socij causas
sui aduentus
aje.iunt.

no exhibent: hi sunt inclinationes & solitæ genuflexiones, sed ita per otium factæ, vt non exiguo spatio temporis perdurēt, & ne quis error fortè irrepat, à rituum præfectis primum exercentur, qui nostris designati sunt Sinæ quidam Saraceni origine velut habiti pro nostrorum ciuibus. Hi etiam Nostros comitati sunt, velut assessores, nec vnquā desunt rituum obseruatores, qui minutorum etiam errorum pœnam exigunt. è rituum magistratibus, quotidie præest vnus aliquis, qui elata voce proclamat, quando flectendum, quando erigendum, quando cætera facienda. Eo ipso die supremum Tribunalis totius Præsidentem P. Matthæus visitauit, ac libello suo monuit, esse se apud suos litteratum, & ideo litteratorum habitu aduenisse, vnde ipse quoque Præsides & Collegæ eum, quo ritu litterati solent, exceperunt: promisit etiam summus Præsides, se intra breue tempus Regi libellum de suis negotiis per amice missurum. In Palatium reuersi, ad eius Præfectum deducti sunt, suos illi quoque ritus exhibitori, quibus assurgens inclinatio- ne profundissima respondit, adiunxitq; se hūc nemini ritum ex aduenis exhibere; tamen si legatus fuerit apud suos è regni primoribus; toto eo die varij ad Nostros Notarij veniebant, alij alia interrogantes. quidā etiam quid aduentu suo spectassent, sciscitabantur ipsius Præsidentis nomine. visa est Nostris hæc interrogatio, vt erat, iuridica. ergo statuerunt clarè ac dilucidè quid spectarent, aperire. dixerunt igitur ac scripserunt, venisse se missos à Superioribus suis, vt vnus Dei cali terræq; moderatoris legem prædicarent; munera vero Regi detulisse, obseruantiam, quam illi tot annis huius Regni habitatores debent, protestaturi; nihil porro se quicquam spectare aut sperare, nec publicum munus, nec munerum compensationem, vnum dumtaxat se cupere, vt Pechini vel alibi pro Regis arbitratu, quod iam tot annis fecerant, liceret commorari. Hoc accepto responso, Præfectus doctrinam sibi quam prædi-

prædicarent, ostendi petijt. ad eum igitur miserunt Ecclesiasticarum precum breuiarium perelegans, & quidquid de fidei nostræ rebus hætenus editum Sinice loquebatur, ea omnia præter volumen nostrum, sibi retinuit.

His ita confectis, ab eo libellus Regi datus est de rebus nostris, & quoniam iam intellexerat, Nostros Magistratum beneuolentia niti, & Sinica negotia loogo usu penetrare, graui-
Libellus Regi offertur de rebus Sociorum.

ter inhiuit, propositis etiam minis, ne quis Notariorum, libelli exemplar nostris daret, & tamen nostri omnia illius capita rescuerunt. primum querebatur acriter de Eunuchothàn, quod contra leges externorum negotia, rituum tribunali peculiaria tractasset, hinc de nostris etiam, quod Eunuchorum opera contra easdem leges Regi munera derulissent. oportebat enim aduenas non sine Proregis illius Prouinciæ, qua patet ingressus, diplomate in Regiam penetrare: videri tamen sibi aduenis rerum Sinensium imperitis condonandû, ac munus etiam compensandum. P. Matthæo permittendum iudicabat, honoris causa Magistratum insignia, addendos etiam vtrique Socio pannos bombicinos nescio quot, & supra hæc omnia munus vniuersum Regiè persoluendum; deinde in Cantoniensem Prouinciam remissi, magistratibus tradendi videbantur, vt ibi sedem figerent, aut ad suos renaugarent. Ita Palatii Præfectus Nostrorum impensis in Eunuchum Mathàn Magistratibus odiosissimum, accusationem dicebatur adornasse.
Libelli oblata sententia.

Ex Eunuchis rescitum est, Regem indignissimè tulisse, cum audijt Nostros à rituum tribunali comprehensos, ac dixisse: quorsum hos homines oportuit comprehendi, an fortassis latrones habentur? Verum sine videamus, quid ijs facturus sit aduenarum Præfectus: atque ita libellû hunc vbi redditus est, seposuit, quod idem est ac si rescriptum negaret, & tamen in re simili solemne est Regi extemplo rescribere, & om-
Regis fauor erga Socios.

H h h

nia

nia Præfecto committere, uti faciat prout ex legibus & antiquo ritu faciendum iudicavit. Credi vix potest, quantum ea res pupugerit huius Tribunalis Magistratus: & quod erat, iudicatum est ab omnibus, id in Nostrorum gratiam ab Rege factum: imo nihil dubitatum; quin id agentibus Nostris per Eunuchos familiares ideo procuratum: quod Præfectus eo libello de Nostris quereretur, & quod eos in aduenarum arcem compegisset, & ignominiosum P. Matthæo fuisse, qui tot iam annos in hoc Regno cum Primoribus versatus, nemo non videbat. In posterum igitur Nostris à Præfecto lautius habiti sunt, qui etiam illis potestatem fecit, contra leges Palatii, eundi ad amicos visendos, quos maximè vellent. hac igitur facultate impetrata, amicos adiit P. Matthæus consilium auxiliumque petiturus, & id multi pro virili præstiterunt, sed extulit se supra ceteros is, è primo tribunali vir gravissimus, qui P. Matthæum visitatorem habuerat, volebat etiam habere conuiuiam, eum horas ternas quaternasue colloquendo detinebat, quæ res Præfectum Palatii in stuporem rapiebat. Mensis interim labitur, neque libelli rescriptum apparet. Secundum igitur libellum concinnat à priore longe diuersum, in quo de Eunuchis nihil, de Nostris non modo non malè, sed etiam perhonorificè loquebatur: aiebat eos inusitata urbanitate Regem persecutos; seipsis, nulla Regum suorum auctoritate in Regiam peruenisse, munera pretiosa nouaque detulisse, augebat etiam prioris libelli compensationem, cuius Nostris exemplar habuerunt. Nec sanè displicuit: vnum solum creditum est Regi displicuisse, quod Pechino semper Nostris excludebant. nolebat enim Rex eos abire, sed neque contra leges detinere, nisi à Magistratibus rogaretur. Eunuchi etiam horariae machinae præfecti adnitebantur, uti nostros retineret, infortunium quippe veriti, si ea machina nullo moderatore abetrasset. Lepidum est, quod cum fecisse narrant, ne eo priuaretur. Regis

Parens

Lepidum Regis factum.

Parens Regina, audierat ad Regem tintinnabulum esse delatum, quod seipsum pulsaret, Ita enim eam machinam vocant Sinæ. Id à Rege petijt per Eunuchos ad se mitti spectandi gratia. Rex veritus ne illius cupiditate capta parens illud expeteret, & negare esset inurbanum, Machinæ illius Præfectis mandat, vti silentium illi laxatis rotis imperarent, atque ita muta machina spreta est à Regina, & ad filium remissa.

Sed ad rem redeo. Non defuerunt sibi nostri, quin Ritu Socij. stationē per rituum Magistratus virgēs Magistratus monerent, vti libello suo stationem nostris in Regia permitterent, id vnum suo iudicio Regium rescriptum impedire. Verum illi obstinatè renuerunt, afferentes, id admodum Regni sui legibus aduersari. Vnde cum tertium libellum ac alios plures deinde scripsissent, singulos nostris magis magisq; beneuolos, nullum ab Rege vnquam rescriptum extorserunt, quod hi libelli semper ea clausula caruissent. Vnde re iam desperata, circumspicere P. Matthæus cepit, posse amicorum opera nunc se ac suos ex his incommodis & ignominia etiā quali quali educere. Eam rem cum rituum Magistratib⁹ multi tentarunt, sed vnus tandem euicit ille, de quo modo è primo Tribunali Magistratus. Quippe cum ad Palatij Præfectum die quadam perrexisset, eum grauiter increpuit, quod nondum nostros ex hoc ergastulo in urbem eduxisset. Et cum ille respondisset, P. Matthæum Eunuchos in rem rituum Tribunali propriam adhibuisse, accensus ira respondit amicus Noster: Quis nescit, exactorem illum aperta latrocinia exdesque perpetrare, quis tamen est ex vniuerso Magistratuum ordine, cui satis animi ac virium sit ad eius vim reprimendam? Et tu quereris, aduenam vnum illi minime restituisse? Quibus dictis abiit, iram secum efferens in eum, cui Magistratum contulerat, & eripere si vellet, poterat. Quod Palatij Præfectus male metuens, in inferiori post multos sub eo gradu constitutus, subito ad P. Matthæum misit, qui moneret, vti quam-

H h h 2

primum

Potestas in vr-
be cōmorandi
Socijs conce-
ditur..

primum libello dato peteret, sibi fieri in vrbe cum suis com-
morandi facultatem, causareturq; morbum, & pharmacorum
medicorumq; ea in arce ad cætera incommoda penuriam. Li-
bellum rescripsit ille, amplam faciens in vrbe, vbi maxime vel-
let, in conductis ædibus commorandi potestatem. Quatuor
etiam famulos assignauit, qui domum suam quinto quoque
die eundem illū, quo prius fruebantur, ferrent comineatum:
Orizam scilicet, carnes, saleem, vinum, olera ligna: Et famulum
addidit, qui in limine semper paratus esset ad quidlibet aliud
procurandum. Eo euentu lati nostri ex his angustiis erepti,
grates potenti Deo retulerunt. Et si quam famæ fecerant ia-
cturam, in hanc arcem retri, recuperata iam contra leges
ipsas libertate sarcierunt.

*Nostrorum statio in Vrbe tandem post libellum
à nostris Regi datum confirmatur.*

CAPVT DECIMVM QVARTVM.

Socij libellum
dant Regi.

EGRESSI Nostri nihil antiquius habuerunt, quam vt effi-
cerent, ne quo vnquam tempore redire cogerentur, sed
quam liberrime possent, in vrbe rem diuinam procurare ag-
grederentur, id auxilio rituum Magistratum impetrare ni-
tebantur. hi enim nunc toties repulsa fatigati, volebant, vt
vt esset, huic negotio finem dare. adhibuerunt etiam in eam
rem regionum libellorum reuiforem P. Matthæo peramicum:
huic Nostri libellum dederunt accurate sane conscriptum,
quo commemorabant, se Sinensis Regni nobilitate ac fama
excitos, huc ante annos plures nauigasse, & in eo ita vixisse.
vt omnium sibi etiam primorum amicitiam conciliauerint,
anno porro superiore, in Regiam eo consilio penetrasse, vt è
reculis suis concinnata munuscula Regi darent, inter quæ pri-
mas obtinebat Christi Seruatoris effigies, ad pacem toto Re-
gno

gno conseruandam, & prosperam Regiæ familiæ fortunam euocandam, idque cupiebant esse amoris sui in Regem & obseruantia munimentum, se nihil emolumenti spectare, ex eo quod viri essent Deo dicati, calibes, sine filijs ac nepotibus, quibus alendis rei familiaris angustia laxari solent, postulare se tantum, vti locum vel in ipsa Regia, vel alibi designatum Rex ipse nominaret. Libellus hic eodẽ euentu datus est, nec redditus, ideo procul dubio, quod eam rem per leges ad tribunal rituum remitti oportebat, cuius iam sententiam Rex nouerat; nolle scilicet nostros in Regia retinere: verum rescripti vicem subierunt priuata Regis responsa, ad Nostros ab Eunuchis principibus delata: degerent securi Regia in vrbe, neque in posterum de Australibus prouincijs, aut patria repetenda sermonem ingererent, id ipsi Regi minus gratum fore. Hæc responsa Nostri pro rescripto habuerunt. ergo Diuino auxilio de omnibus victores in Domino exultabant, nec habitare Nostri permissi sunt solum, sed ex arario etiam publico stipendium quarto quoque mense pendeatur, quod in singulos menses aureos octo superabat, qui prouentus in ijs regionibus non ita exiguus est, vt Europæis apparet.

Verè dixit ille; Cum fueris felix, multos numerabis amicos. nam quotquot prius sese à nostrorum amicitia subduxerant, tanto se vrbs applausu, & frequentia prodiderunt, vti dubitari minime possit, quin etiam amplitudinem Diuina bonitas laxatis angustijs in Euangelij campum aperiret. Præfectus tandem aduenarum ipse quoque accersito P. Matthæo in Tribunal dixit, & dixit urbanus omnino quam solebat. licere sibi ipsius tribunalis auctoritate, quamdiu, & vbi vellet, in Regia vrbe commorari: Pechinum vrber vastam esse, quæ aduenam vnum supra cæteros habitatores posset admittere. In dies igitur, maximè facultate hac euulgata cõcursus ad Nostros crescebant, & amici augebantur, paucos è multis attingam,

Responsum
Regis.

Cõcursus ad
Socios obtenta
comorandi
potestate au-
getur.

Familiaritas
cum summo
Magistratu
Cholao, con-
trahitur.

gam, ne series longa similitudine fastidium pariat. Primo loco nominari debet is, qui supremum dignitatis apicem ex vniuersa Magistratuum maiestate conscendit: id genus officij Sinæ Cholao vocant, & eo tempore vnicus eam gerebat dignitatem. ad hunc P. Matthæus visendum aspirauit, & vt ingressum faceret molliorem; Europæa muricula tulit, è quibus nihil æquè stupuit, vt sciotericum concauum ex ebena affabrè concinnatum. exceptus est non congressu & confesso solum, sed etiam conuiuio, multa de rebus nostris, sed maxime de orbis Christiani moribus, cum voluptate audiebat: & cum illato sermone dixisset P. Matthæus, connubia inter duos dumtaxat etiam è Regibus ipsis contrahi: ad grauissimos, qui aderant, Magistratus conuersus, ita dixit: Nihil ultra querendum arbitror de eo Regno, in quo ea est nuptiarum sanctitas, ex hoc vno sciri potest, quam rectè cætera gubernentur. Remisit ille ad Nostros munus, in quo nostrum longe superauit, aureorum fuit amplius quadraginta, è bombicinis pannis ac pellibus pretiosis. filio deinde Nostri munus suum rependerunt, & is arcta deinde cum Nostris necessitudine Parentem suum semper beneuolum octo & amplius annos in eadem muneris maiestate conseruauit; quæ res incredibilem nostris auctoritatem peperit, & in quolibet casu stationis nostræ confirmauit firmitatem. Ad hanc rem pertinet, quod P. Matthæus si non prædixisse, saltem ante annos plures coniectasse narratur. cum enim Sebastianus ille Frater noster, qui hæc Patris comes spectabat, olim in Cantonienfibus molestijs quereretur, nihil admodum se frugis facere, nec sperare melius sibi videri, vt in Iaponiam, vel alio quo spes vocabat, nauigarent: Cui P. Matthæus ita respondit: Sile, inquit, non satis intelligis, quid dicas: ego certè, si per rapras difficultates, & principiorum impedimenta spectarem, aliò ad densum nemus perfugiendum aspirarem, & quidem de spe quod ais,

non

P. Matthæi pia
prædictio.

non ita desperata est: quin tu sis visurus ipse, nos cum Chola-
is confidentes, & id frater noster illè, qui hodieq; viuit, narrat,
sæpè magna sua, vel cæterorum voluptate.

Per eos dies Nanchino aduenit, ad negotia priuata criminū
Tribunalis assessor, idem P. Matthæi familiaris, & qui mathe-
maticus haberi veller. eius opera P. Matthæus cum eiusdem
Tribunalis summo Præsidi, qui postea euectus est ad idem mu-
nus in senatu militari, familiaritatem contraxit. idem etiam
Nostri amicum fecit assessorē primi Tribunalis, cuius est ma-
gistratus toto regno nominare. (Hic Fon cognominabatur)
vbi euectus est in summum Præsidem rituum Tribunalis, cui
Nostri subsunt Nostrorum in vrbe stationem confirmauit,
omnium maleuolorū etiam spes euertit; iussit etiam, vti No-
stris in numerata pecunia, & oriza Regium stipendium solue-
retur. nam sæpè ministrorum culpa è comæatu multa sub-
ducebantur; & sæpè alieno tempore transmittabantur, quo
factum est, vt ea summa in singulos menses, aureis non minus
sex pluris esset, quo subsidio Nostri tanto interuallo à suis dis-
iuncti, familiam non incōmode sustinebant, præter hanc Re-
gij comæatus vtilitatem, constabat etiam omnibus, Nostros
Regis voluntate in Regia commorari, quos videbant ex æra-
rio publico sustentari. Ea fama toto regno sparsa est, addito
etiam, vt solet, supra veritatem officiosè famæ mentientis in-
cremento.

Post Cholaum sequitur proximus primi tribunalis Præses, Familiaritas
cōtrahitur cū
primo tribuna-
lis Præsidi, &
alijs.
à quo Tribunali Magistratus omnes, vt sæpè dixi, nominan-
tur, is iam ætate prouectus erat, eo tempore è Prouincia Ho-
nan: qui etiam vltro P. Matthæum nec semel euocauit, dele-
ctabatur in primis rebus ijs, quas in altera vita formidamus,
aut speramus, sed officij ratio, hominem à diuturnioribus col-
loquijs, & salute procuranda diuertebat. De his quæ P. Mat-
thæus cum hoc Præsidi ratiocinabatur, post annos aliquot
capita

capita duo in librum inseruit, quem deinde commentat^r est, unde reb^r ipsis è colloquentis dignitate, dignitas accrescebat. cum alijs etiam duobus rituum tribunalis assessoribus euentu non absimili necessitudo conuenit: ex ijs alter P. Matthæo narrare solebat, se habuisse in Prouincia Cantonienſi fratrem, quem asſerebat fuisse Christianum, nec adduci potuisse, vti certis diebus carne vinceretur. hac ex causa is Christianis rebus libens fauebat, sed nondum fratris exemplum sequebatur. Idem rescijt fortasse litteratum quendam celebrem, nonnulla in legem Christianam, & P. Matthæi Catechismum, libro cuidam suo inseruisse, auctoritate sua effecit, vt expungeret, aliaque substituit, quibus contrarium dicebatur. quam rem nostri ex eo nunquam, sed ex alijs rescire potuerunt. Alij duo Nanchinensium Tribunalium Præsides, quoties in Regiam veniebant, cum nostris Pechini familiariter versabantur, & Nanchinum reuersi, cum Socijs beneuolentiam familiaritatemq; conseruabant. Ex his Sinensis Reipublicæ luminibus, facile videas, quot alijs, primi ordinis viri, in amicitiam Nostrorum venerint.

Regis beneuolentia singularis erga Socios

Eo ipso tempore, horaria machina aliquantùm aberrauerat, fortè in Eunuchis non satis erat ingenij, aut etiam animi ad eam moderandam: ergo de voluntate Regis, illud in domum nostram ad reparandum detulerunt. Biduo igitur tri-duòue, vbi hoc innotuit, magni ad nos facti concursus, id forte Rex rescijt, & in posterum illam machinam efferri vetuit, sed cum opus esset, nostros in Palatium venire voluit, quæ res, magnam beneuolentiæ Regis erga nostros conceptæ opinionem opud omnes concitauit. Ne autem toties Eunuchi ab Rege Nostros admittendi peterent facultatem, statuit; vti quotannis quater in eam rem, sine alia facultate, possent euocari, qua occasione non quater solum, sed quoties volunt admittuntur, Socios deducunt, qui recens adueniunt, magna liber-

libertatē. Eunuchorum enim familiaritas ac beneuolentia, mutuis visitationibus & congressibus in dies augebatur. Cum Nostri etiam amicē agebant Regum propinqui, aut Regina- rum plures, qui tametsi magno apparatu in publicum prode- unt, ex eo tamen quod nullam Reipublicæ partem attingunt, cum Europæis in eodem gradu comparati, longo post eos in- teruallo relinquuntur: Alij quoq; complures militum Præfe- cti, vrbisq; Primores, ita vt ex omni dignitatum ordine nul- lus ordo defuisse videretur. Et quidem his initijs vulgus ta- met si non infimum, Domus nostræ limen aspicere vix aude- bat, donec Nostri primo nouitatis strepitu compresso, rem Christianam aggressi sunt, maiori libertate, tum enim con- stare cæpit, nulli ne infimo cuiq; domum nostram claudi, vt ex ijs plures Christo denique aggregati. Et quidem priuatim P. Matthæus notatus est à Nostri, hoc suum institutum semper retinuisse, vt inter tot occupationes, nunquam plebeium ali- quem reiiceret, sed cum eo velut data opera diutius vrbanius- que confabularetur. Ex hoc vno intelligi potest, quantū No- stri fuerint frequentati. Nullo anno P. Matthæus frequentius ad conuiuia vocabatur, quā isthoc, quæ sine offensione graui- sima negare non potuit. nemini hoc displicebit, nisi qui Eu- ropæa conuiuia cum Sinensibus eadem esse crediderit: sed sæ- pè dictum est, conuiuia hæc ad res serias etiam tractandas in- stitui, nec in ijs epulas nisi forte leuissime contingi, & non ni- si à pransis frequentari, & tamen Nostri paulatim eam conui- uiorum frequentiam temperarunt, vt iam non nisi grauiissi- mis ex causis, & perrarò euocentur. Principia omnia hanc inferunt libertatem, maximè ijs in Missionibus, in quibus to- tus operæ fructus consistit in demerendis ijs, à quibus oportebat ita dubiam stationem confir-

Conuiuiorum
frequentiam no-
stri tempera-
runt.

Iii

Amici-

Amicitia Nostrorum cum viris duobus grauissimis arētissimè, & fructu contracta.

CAPVT DECIMVMQVINTVM.

Vir litteratus
Fumochàn.

EX eorum numero, qui magnam rei Christianæ priuatimq; Nostris auctoritatem conciliarunt, duo fuere. alter eorum Fumochàn vocabatur, celeberrimus eo tempore in litteratorum ordine, & Nanchinensis Prouinciæ in vrbe Fumiàm natus: is à puero Idolorum sectam persequebatur, & iam primum litterarum gradum assecutus, librum scripserat, in quem antiquorum testimonia coniecerat, quæ de vno Numine cæli ac terræ Moderatore quippiam cōmemorabant, & hæc ipsa testimonia nouis notis illustrauit: In Doctorum deinde numerum adscitus, post varia in Regia Pechinensi publica munera, demum in prouincia Vquàm officium gerere iussus est, quod Iauli appellatur, quo in munere ea integritate se gessit, vt non ab auaritia solum alienus, sed boni quoq; publici, & iustitiæ tenax haberetur, maxime vbi de viduis ac tenuibus causæ tractarentur. Eo ipso tempore Eunuchi è Regio palatio velut stygiæ quædam furia eruperant, ad exigenda vectigalia; effodiendas auri argentiq; fodinas, aut verius ad plebem diuexandam comparati, præ cæteris vero ferox habebatur ille, cui Prouincia Vquàm obtigerat, & ad ferociam Nobilitas & gratia periculosa contentione accesserant. & Magistratus quidem, cui honores ac nummi communi bono potiores erant, Eunuchis blandiebantur, & ad omne malorum genus fræna laxabant: non defuere tamen, qui hunc torrētem sistere, vel suis viribus, vel libellis, quibus Regem liberrimè obiurgabant, fidelissime conati sunt. Hos inter, ea quidem Prouincia primas tenuisse visus estis, de quo nunc agimus. Is enim vbi vidit, non satis virium sibi esse ad Eunuchi vim comprimendam, tribus libellis accuratissimè scriptis, Eunuchum accusauit.

Eunuchorum
rapacitas & ferocitas.

cusauit. sed neque ille sibi defuit, & vnico libello, quo perdu-
ellionis accusatorem criminabatur, & Regionum mandato-
rum perturbatorem appellabat, effecit, vti Rex Magistratu ^{Fumochan sal}
exutum, vinculisq; constrictum in Regiam euocaret, vbi Re- ^{so accusatur}
gis iussu vir tantus asperrime vapulauit, & in arctissimam cu- ^{& in vincula}
stodiam retrusus ab amicorum conspectu & congressu arce- ^{conijcitur.}
batur.

Hunc Regis furorem tulit ille sanè moderatè, & ea re ce-
lebritatem auxit nominisq; sanctitatem: nec dubitauit ipsa
Prouincia eo ipso tempore propugnatorem suum miris mo-
dis cohonestare. Primum enim libris multis commemorauit
omnia eius in Rempublicam bene facta; imaginem quoque, ^{Prouincia suū}
quod fieri poterat, genuinam exprimi ac diltrahi iussit per ^{Propugnatore}
Prouinciā vniuersam, vti priuatim à singulis pro Diuo cole- ^{Fumochan co}
retur: publica etiam templa crexere aliquot, & ad statuam in ^{honestat.}
ara collocatam cereos odoresq; perpetuos incendebat, ma-
gno omnia applausu & beneuolentiæ significatione.

Inaudierat ipse in ea Prouincia P. Matthæum Nanciani &
Nanchini fama esse celebrem; opes suas in publica commoda
profundere; cogitarat etiam vnum è suis discipulis P. Mat-
thæo in disciplinam tradere. quoniam autem id temporis Pe-
chinentis expeditio vrgebatur, re infecta discipulus ad Magi-
strum retulit, aduenam illum litteratum Pechinum nauigasse.
ergo cum in vincula traheretur, nondum deposito Rei
publicæ commodorum consilio, discipulum ipse ad P. Mat-
thæum adducebat. vix aduenerat ille, & vix Nostri ex adue-
narum arce disceslerant, sua iam libertate donati, cum disci-
pulus ille aduenit, consilij sui rationem exponit, & P. Mat-
thæum solitis ritibus ac donis in Magistrum deligit. ad Fu-
mochan igitur P. Matthæus subito contendit, priusquam in P. Mattheus
custodiam traderetur: vnam horam fere congressi, tanta subi-
to necessitudine coaluerunt, vt a plerisq; crederetur plarium ^{Fumochan co}
miserationem ^{concessit.}

annorum contubernium intercessisse, triennium tenuit hæc amicitia, quamdiu in vinculis detentus est, quam litteris mutuisq; officijs vtrunque fouebant, in seijs Nostri de amicitia commentariolum P. Matthæi recudit viri tanti proömio illustriorem, tabulas deinde Typographicas, postquam quot exemplaria volebat expressa fuerunt, ad Nostros misit: neque hunc solum, sed quotquot habere potuit, Nostrorum tractatus, in quibus neque sumptui parcebat, neque à Nostri immoderatè fortasse commendandis abstinerebat. Ipse quoq; primus P. Matthæo classici Doctoris titulum, quem ad auctoritatem legi diuinæ conciliandam repudiare fas non erat, assignabat; eiusdem Catechismum auctiorem & illustriorem recudebat, in eoque legis Christianæ institutum euehebat, tantum idolorum cōmenta deprimebat. & quoniam ipse in his angustijs iam fidei Christianæ præceptis imbutus, baptismum suscipere non poterat, domesticos omnes præmisit, quotquot sua libertate fruebantur: & interim quotidie Christi Seruatoris imaginem, quam à Nostri accepit venerabatur.

P. Matthæus
titulum classi-
ci Doctoris af-
sequitur.

Illustre Chri-
stianæ legis te-
stimonium.

Apologum ad
legis Christia-
næ cōmenda-
tionem accom-
modatur.

Nec omittendum videtur illustre per eos dies, de Christiana lege eiusdem testimonium. Miserat, vt dictum est, P. Matthæus ad eum Catechismi sui quaterniones reuendendos, sed eo consilio, vt eius animum potius quam stilum mutare intenderet: respondit ille; placere sibi omnia, ac etiam petere, fieri sibi facultatem eius excudendi: verum nondum P. Matthæus vltimam manum sibi videbatur addidisse: ergo rescripsit, fœtum hunc adhuc præcoccem, à lucerna maturitarem expectare: Verum ille institit acute sanè, & ad legis Christianæ cōmendationem appositè, Apologum fingens in hunc modum. Aegrum quendam morbus pertinax ad extrema deduxerat: venit forte nescio quis, qui se cum pharmaco vitam dare posse sponderet, agedum aiunt amici, fac quod facis, præsens enim periculum, non promissa, sed facta exigit: ille vero: ibo inquit

inquit domum, & polito sermone & charactere eleganti pharmacum conscribam: Nos, aiunt illi, pharmacum, non characterem sermonem tuum volumus. Haftenus Apologus: quem ille deinde ita exponebat. Aeger ille Sinense regnum est, quod harum rerum ignorantia per tot saecula perditè laborauit: tu vitæ pharmacum habes, & præsentis periculo sermonis elegantiam præponis: vide quàm id facias ad publica commoda accommodatè: Hæc ille, & plura in hanc fere sententiam. Triennium igitur totum, ubi carceris angustias animi sui amplitudine laxasset, demum innumeris libellis ad eum liberandum Rex ipse fatigatus, priuatum in patriam remisit. E vinculis ereptus, triduum totum Pechini licebat nec amplius commorari. eo tempore tanti fuerunt gratulantis Regiæ concursus, ut ad eum sacris aquis eluendum, temporis nihil superfuerit. ne tamen P. Matthæus hanc prædam sibi elabi pateretur, conuentum erat inter utrumque, ut alibi in ædibus suburbanis ea res conficeretur: verum litteratus quidem vinculorum libertatisque Socius monuit, omnino periculosum videri, causas in eos quærenti Regi dare: Nanchini socios degere, à quibus elui posset. nec displicuit in firma ætate & valetudine consiliū. & tamen P. Matthæus, cui tempus in vrbe Visitatores eripuerant, abeuntem diu persecutus, de fidei nostræ rebus instruxit ac dimisit, infortunium, quod deinde contigit nihil plane metuentem. moniti sunt tamen Nanchinenses Socij, uti ad eum Christo aggregandum primo quoque tempore properarent, sed mors velociori cursu præcurrit, & paucis diebus correptum ægritudine abripuit. faxit Deus, uti de vitæ præteritæ culpis indolenti, votum pro Baptismo censeatur.

Fumochàn è carcere dimittitur.

Mors baptismum præcurrit.

Alter, ut supra dixi, litteratus Lingosòn appellabatur: sed eum in posterum Leonem nominabo, ideo quod post annos aliquot, id nomen sacris vndis ablutus sortitus fuerit. Leo igitur è Prouincia Cechina Hanceu Metropoli natus fuit: & quo

Alter litteratus Leo, familiaritatem cum P. Matthæo contrahit.

Opuscula varia Mathematica a Leone litterato industria P. Matthæi edita.

tempore nostri Pechinum appulerunt, in operum publicorum tribunali graui munere fungebatur, & magna ingenij laude in paucis numerabatur. Annis iuuenilibus, superiorem ausus fuerat totius regni Sinensis descriptionem, & quindecim prouinciarum tabulas exactè sanè in lucem edere, & arbitrabatur, ijs propè finibus vniuersum orbem contineri. Cum deinde in Geographicam totius terræ superficiem à P. Matthæo editam incidisset, miratus est, quam sua exigua essent, cum vniuerso comparata: & vt erat acri ingenio, ex ipsa compositione, si nondum rei veritatem, veritatis tamen similitudinem iam conuictus agnoscebat. Ergo arctissimum necessitudinis vinculum cum Nostis eo fine nexuit, vt Cosmographiæ præcepta, quantum per publica negotia liceret, assequeretur. Primum eius in hoc genere opus fuit, hanc vniuersæ terræ faciem, quam maximis posset finibus explicare. nam cum ita excudit, vt in quadrū viri altitudinem superaret: Eam Sinensi, vt alibi dictum est, more eleganter complicant, & cum volūt explicant, valuis quibusdam ligneis affabre concinnatam. recudendū opus auxit P. Matthæus Regnis, locis, notis, ad margines de sole, stellis, alijsq; in quibus orbis Christiani fides ac mores coaptata locorum occasione scribebantur. Huic operi varia litteratorū proëmata splendorē addiderunt, Hæ tabulæ cum ab artificibus sculperentur, clam in seijs nostris duplices tabulas exararunt, atq; ita bis, vno tempore prodijt opus gratissimum: quod etiam nondum satis fuit ad emptorum vota explenda: vnde alius quoq; Neophytus tabulis octo maiorib⁹ vniuersam amplitudinē coarctauit. atq; ita iam tertio in hac Regia spectare capit. Nec alias Mathematicarum disciplinarum partes Leo reliquit intactas, quin potius struendis machinis curiales suos omnes occupabat: ipse vero magnam Gnomonica P. Clauij partem deuorauit: de Astrolabio tractatū didicit: ac etiam ipse vnà sibi sane accuratū confecit, & vtramq; artem

in

in commentarios retulit, eleganti ac dilucido sermone: & inducendis quidem lineis mathematicis ac figuris nihil omnino nostris cedebat Europæis. Astrolabium duobus tomis ediderat, quorum exemplaria Romam ad Præpositum Generalem, Patremq; Clauium Magistrum quondam suum P. Matthæus gentis primitias misit: in Arithmetica Practica Sinice vertenda, quam Latinè P. Clavius ediderat, Magistrum suum feliciter adiuuit, nulla quidem re omiffa, quam in eo opusculo legimus. Alia opuscula complura idem Sinis legenda dedit. Ex his mirum, quàm de Nostri litterarum opinionem conceperit, quàm famam in omni sermone sparserit, quàm varios in Nostrorum amicitiam pellexerit. sed non in his rebus stetit P. Matthæi industria. Hæc potius esca fuit, ad eum piscem in sagena includendū. ergo ipse accuratissimè fidei nostræ rebus instructus, sacrum baptismi fontem sitiebat, sed Nostri accuratius hominē dispicientes, demum intellexerunt. eum polygamix nexibus implicari, & cū pellices haberet procul in patria domo, de ea re nullus sermo, sed neq; suspicio nostris irperserat. Ergo plus habuit lucis ad cognoscendam, quam animi ad amplectendā veritatē. interim tamen Religionē Christianam pro vera agnoscit & prædicat, & plerosq; hortatur, vti eā amplectantur, nihilo minus quam si inter Neophytos censeretur: nec pauci ex eius familia Christianā hætenus fidem sunt amplexati, & inter Neophytos ardentiores numerantur. In Patriam deinde reuersus est, quod Magistratus magnitudine in inferiorē aliquāto gradū excidisset, vitæ liberioris & intemperantioris aliquando notatus, quod Magistratum dignitatem dedecere iudicaretur. ibi litteris frequentibus Nostros conueniebat, P. Matthæi Catechismum excudit suo sumptu, & distraxit inter amicos, populūq; emendum permisit; nondum tamen fidem, quam ita promouebat, profitebatur. illū enim

Dominus extremo P. Matthæi fœtui, vt infra dicetur, re-

seruauit.

Insigni

Leo fidē Christianam agnoscit.

*Insigni dedecore pereos dies notata simulacrorum
secta Nostros imminenti periculo liberauit.*

CAPVT DECIMVM SEXTVM.

Fama euulga-
tur Patres ido-
la infectari.

Celebris quidā
litteratus cum
P. Matthæo
congregatur.

HAc tantorum Magistratum, tamque frequenti necessitudine paulatim euulgari cepit, venisse nostros ad legem nouam euulgandam, quæ veritati similis vna videri vellet, nullius sectæ commixtione fædata, sed præ cæteris idolorum sectam infectari, non verbis solum, sed efficacius & latius scriptis cum magna veritatis specie voluminibus. & tametsi litteratorum secta nihil cum idolis commune habet, prout in antiquorum libris habetur, non pauci tamē litterati sectæ suæ in multis deficientis pertæsi, simulacra etiam his temporibus colere ceperant. Ex ijs quidam è Regio Collegio Hanlîn celeberrimus litteratus, in hac secta sectanda ita delirauit, vt vxore dimissa, legis huius in cælibatu perfectionem profiteretur, & secum exemplo pernicioso multos trahebat in ruinam, allectus nimirum, vt pleriq; illa secta, quæ de altera vita fabulatur. is inquam non facile vulgi sermonibus credens, voluit ex libris, quos P. Matthæus Sinice loquentes prodiderat, doctrinæ nostræ placita non solum legere, & excutere firmitatem. habuit enim illos libros à Palatij aduenarum Præfecto, sed etiam cum P. Matthæo congregari, cuius firmissimas rationes supercilio, modicoq; risu eludebat: commentarios etiam P. Matthæi ipse adhibito alio doctore & magistratu, ex Senatu militari refutationibus notauit, marginesq; oppleuit omnes: & alter quidem atramento, alter vero rubeo colore, ad vtriusq; notarum discrimen, suas adnotationes distinxerunt: ac licet multis in locis comprobarent ea, quæ de labilis æui contemptu, de voluptatum vanitate, ac cæteris dicebantur, nihil tamen minus, quoties in sectam idolorum impingebatur, acriter sanè P. Matthæum cæterosque Europæos litteratos culpa-

culpabant; quibus id maximopere displicebat, quod diuinum Numen assereret ab anima nostra quippiam esse diuersum, in quo primarius blasphemorum error versatur, qui naturæ auctorem cum ipsa natura confundunt. & hæc ille quidem non culpauit solum, sed scommatis etiam excepit, solem hunc esse hac orbis vniuersitate maiorem: ita ille ex Collegio Regio atratus notator atramento pingebat. alter euocatus ad censuram, rubeo colore minus tristis vrbanius scribebat, pleraque comprobabat, coniectis etiam in auctorem encomijs; sed ut amico faceret satis, nostram opinionem cum simulacrorum commentis conciliare frustra nitebatur. His etiā accessit alius è supremis Aulae luminibus, idem quoque litteratæ sectæ gentilitijs sordibus fœdatus: qui cum audisset Nostros in simulacra iniurios multa dicere ac probare, elabi sibi passus est minas quasdam in supremum Numen iniurias. dixit enim, si quidem cæli Dominus in cælo potens est, idola quoque nostra in terris possunt multa, notans scilicet idolorum propugnatores.

Verum imminentibus his grauibz sane procellis, Deus ^{Vindicta diuina in idolorū sectatorem.} Optimus Maximus, aduersus quem non est consilium, vultus sui serenitate subuenit: suos enim nostrosque hostes momento repressit. id ita accidit: e Regio Collegio notator ille abdicatione Magistratu crinem rasit, & in sacrificulorum ordinem se recepit, dumque totus in famam fertur, discipulos conscribens, libros edens, litteratæ sectæ principes confutans, simulacrorum præcones prædicans, subita Dei manu sistitur: cum enim Pechino instaret iam vicinus, vbi à multis rei nouitate permotis expectabatur, vnus è Regijs admonitoribus ac tyndicis libellum scripsit acerrimum, quo desertorem illum grauitèr sane accusabat, sed maxime peruersam eius doctrinam notans, petebat; vti & libros exuri palam, & ipsum plecti pro meritis imperaret. Rex ita rescripsit: In Regiam victus adducere-
tur, & typographicæ illi omnes tabulæ eriperentur. venit igitur

Kkk

tur

turnon timidè solum, sed & ignominiosè: cuius sensum arguebat annorum supra septuaginta grauis ætas. ergo in ipsis vinculis seipsum cultello iugulauit, doctrinam infamem infami morte claudens: nec enim, vt ait ille, poterat fato nobiliore mori.

Litteratorum
secta defendi-
tur.

Occasionem Regij rescripti, ad Litteratorum sectam tuendam, minimè neglexere Magistratus, sed supremi Tribunalis Præses, alio libello Magistratus ac litteratos accusauit, qui repudiato Confutio Principe suo ac Magistro, alienam hæresim, magno totius Regni malo, sequerentur. permisit Deus in huius Regni bonum, vt hunc libellum ita remiserit rescriptum, quasi Christianus aliquis responsa dictasset, tametsi idolorum sectatores sparserant, Regem ad idola transisse, & propria manu doctrinam quandam, vt ipsi vocât, descripsisse: quod si falsum est, constat tamen eius Parentem, Reginas omnes, Eunuchos etiam, ac Regis propinquos in hanc sectam coniurasse. rescripsit igitur in hunc modum: Si Magistratibus placet, simulacrorum esse mancipia, pudere illos debere, cum insignia Magistratuum induunt: abirent si vellent in desertum, vbi Canobitas Idolorum cultores viuere oportebat. Hoc Regis rescripto, audacior factus Præses accusator, statuit vtilissima toti regno ea de re Senatus consulta; maxime præscripsit ludis litterarijs & examinibus, vbi litterarij gradus conferuntur, his enim ille præest, vt si quis in inscriptionibus suis, de idolis quicquam, nisi forte ad ea confutanda scripsisset, hoc ipso excluderetur ab omni gradu litterarum. His renouari cepit aula, & regnum vniuersum. Idolorum enim propugnatores tristitiam vultu ac pudore loquebantur: nec defuere, qui non ferentes ignominiam, sua sponte priuati se in suas eedes receperunt, quos inter numerari debent tres illi, qui de Nostreis accusandis conspirant. neque hic Diuina manus stetit: nam id temporis in Regia, quam plurimi prophani Canobitæ magna

gna nominis celebritate versabantur, non plebem solum, sed & primores multos, imo & Reginas in Palatio adhibitis internuncijs, in errorem inducebant, ab Eunuchis ditioribus largitiones multas corradabant, templa extruebant, idola fundebant, & discipulorum multitudinem post se trahebant.

Nullus hoc tempore celebrior erat Sene quodā, qui Thacon vocabatur, alius verò illi ferè par: vtrumq; Reginae quædam in Magistros elegerant, & summa quidem Regina ipsius Thacon vestem quotidie venerabatur: quoniam neque illa egredi Palatio, neque idolorum minister ingredi per leges poterat. idem etiam sperare dicebatur, se ab ipso Rege in Magistrum eligendum. Vir erat non eruditus minus, quam astutus & vaser, qui vt de sectis omnibus nouerat, ita se singulorum defensorem pro tempore gerebat; cupiebat ille quidem P. Matthæum conuenire, sed volebat vt prior visitaret, & quod nonnulli Magistratus faciebant, sibi flexis genibus loqueretur: hæc renunciari P. Matthæo iussit, cuius hoc fuit responsum: nihil se ab illo discere velle, quod si à se quicquam vellet, venire ipse ne grauaretur. oportet enim nostros omnē cum hoc infami gente necessitudinem vitare. Incredibilis erat impostoris huius superbia (quid enim aliud in dæmonum ludo didicisset) nec eam vltius viri cordati tolerabant, sed acerrimo in eum odio concepto, ad eum perdendum anhelabant. ergo in eum è Syndicis Regijs nescio quis libellū scripsit, sed huic Rex responsum nullum dedit. creuit ex eo hominis arrogantia, vt iam sibi persuaderet, esse se Palatinis ita earum, vti hostium suorum maleuolentia, iam sibi superior esse videretur.

Canobire cui:
usdam astutia
& superbia.

Non ita multo post libellus infamis in Regem Reginas, & alios quosdam incerto auctore prodijt: eo perstringebantur, quod Principi iam inaugurato Regnum eripere, & in alterum Regis filium transferre statuisent, quem constat Regi esse

Libellus infamis in Regē & Reginas.

Kkk 2

longe

longe cariorum. prodijt ille velut libellus à Syndico sine nomine ad Regem missus, & excusus fuit, sparsusq; tam secreto, vt ad hanc diem nihil de auctore certi constiterit. Rex eam rem indigne ferens, prope in furorem actus est: inquiri iussit acerrime, & ea res facta est ex Regis voluntate, præter ius fasq; exquisitè multi tormentis veritatem exprimere iubebantur; & quodlibet, vt tenue esset indicium, nullo prope delectu, pro re comperta vrgebatur: cum necdum prodiret auctor, de Regijs Magistratibus Rex quotidie querebatur; remissos nimis in hac re compellabat, & sane misera per eos dies erat huius vrbs facies. nullo enim non die permulti in vincula deducebantur innocentes, neque quisquam è domo exire audebat, neq; ea de re miscere sermonem, vbiq; enim exploratores Regia promissa collocarant. In suspicionè facti profani maxime Sacerdotes vocabantur, atq; ita præcipui quique in vincula retrusi sunt. Eos inter Thacòn comprahendi iussus est. quorum cum scripta explorarentur, & scrinia euoluerentur, certi nihil hac de re compertum est, alia tamen immania scelera feruntur deprehensa. nam ex ijs vnus repertus est supra duodecim pellices alere, insignis professor impurissimi cælibatus: multi conuicti sunt, quod secretis largitionibus publica munera suis sectatoribus impetrassent, id exturbatis dignitate Magistratibus regno constitit vniuerso. Thacòn vero quibusdam litteris, de hoc ipso Rege indigna scripsisse, compertus est; ijs in litteris Regem inculabat modestè parum, quod idola noller venerari: imò & Parentem suam minus obsequiosè tractaret, quod crimen apud Sinas infame esse solet in paucis. De his admonitus Rex, rescripto iussit, vt ex legum præscripto plecteretur. Senatus autem qui pœnas scelerum exigit, hac facultate, malevolentia in eum cõmunis fræna laxauit: ergo ita vapulauit, vt in vincula elatus prius emiserit spiritum, quam vincula induerit. Post obitum omnibus ex eo fabula fuit,

Cenobita Thacòn
con idolorum
sectator dat
pœnas, & alij
sacrificuli.

fuit, quod vanus ostentator corporis sui neglector videri vellet, & tamen inter verbera dictorum immemor contra corporis dolores, non ab simili ceteris mortalibus eiulatu certauerat. Iussu deinde Magistratum, iussus est exhumari, ne quis fortasse dolus simulata morte, irreplisset: vix enim credebatur, cum prima verberatione perire potuisse. Reliqui etiam sacrificuli ceterorum criminum poenas, pro rei atrocitate luerunt: omnes tamen Regia eieci, sectæ suæ ignominiam partim secum eduxerunt, partim in vrbe reliquerunt. Alter vero sacrificulorum Coryphæus, Hancian nomine, in Cantoniensem Prouinciam ab Regia remotissimam relegatus est, & quod in Xauceanis oppidis magnam sibi venerationem comparasset, in extremos illius Prouinciæ fines postea retrusus est. Ille vero qui in Deum contumeliosus, ei solam in cælis tribuebat potestatem, didicit etiam experimento proprio, in terris eum quoque dominari. Nam maximo quem gerebat Magistratu, insignibus, & litterario gradu in perpetuum exturbatus est, quod in libelli disquisitione contra Regem editi, ex eius propinquis nescio quis inculatus fuisset, quanquam conuinci nulla ratione potuisset.

Sacrificulorū
Coryphæus re-
legatur.

Alius Magistra-
tu exturbatus.

Libelli autem infamis confessionem, tormenta litterato cuidam homini nefario expresserunt, qui iam diu, repudiatis studijs, & Magistratus, quem gesserat cum integritate, varijs se criminibus laxarat, & nouis artibus opes, & quæ mortales ambiunt, sibi per fas nefasq; comparabat. In eum igitur atrox statuitur & exercetur sententia. Ad palum alligati corpus mille sexcentis frustulis ita laceratur, vt tamen ossibus & capiti inclementer parceretur, vt proprijs oculis fædam lacerationem conspiceret supra doloris sensum cogereretur: tum denique per otium laceratus ceruicibus amputatis vitam laborantem excussit. Quod apud Sinas ignominiosum habetur in primis, ex eo quod à membrorum diuisione magnopere ab-

Author infamis libelli ple-
ctitur.

horreant. Eius caput ex astantibus, nescio quis arripuit, & sparsis in fuga obolis Apparitores insequentes elusit. Credibile est, illi præmium à propinquis propositum, qui caput in sepulturæ Societatem cadaueri vniendum efferret, & ignominia quæ parata erat, eriperet. nam alibi ad spectaculum erigendum ferebatur.

Idolorum veneratio elanguit

Sed ad simulacrorum causam redeo. ea tot præiudicijs damnata, tot ignominijs affecta, tot protectoribus orbata, ita elanguit vt vimbram, legi Christianæ, quod sperabat facere non potuerit, sed detractis honorum frondibus, quibus tot iam annis in Regia luxuriabatur, lucem aperuerit, & crescenti locum cesserit vel inuita. Eam rem non pauci vel Neophyti vel Ethnici, præter nostros varijs in locis ab eo factam Numine prædicabant, cuius placita sanctissima in Regia tum primum cæperant euulgari, ne nondum patiens Euangelij plantæ primis persecutionum turbinibus tolleretur.

In Xauceana Sede quid hætenus gestum sit.

CAPVT DECIMVM SEPTIMVM.

Status Xauceanae Sedis.

LONGA tandem aliquando, cum Socijs peregrinatione, recreati, ad australes Socios interuifendos occasionē conuertamus, ac primum Cantonienſis prouinciæ in Xauceana Sede statum intueamur. In ea Sede P. Nicolaum Longobardum Siculum vna cum Fratre nostro Francisco Martinez reliquimus: ibi ſolus Sacerdos annos aliquot ſubſtitit, cum ad eum nemo per id tempus poſſet, aut deberet penetrare, & tamen nouus & ſolus, magnam rei Chriſtianæ meſſem in Eccleſiæ horrea congeſſit: quam ad rem adiuuit non parum, earum rerum fama, quas in vtraque Regia geſtas eſſe narraui-
mus nam ea vt fieri ſolet in rebus ſecundis, omnium Magiſtratu-
uum

trum tribunalia nostris aperiebat, & fauorem conciliabat, in quo vno secundum Deum Euangelij euulgandi commoditas securitasq; consistit. atque ita sese Neophytis adiunxerunt. Viri aliquot Principes, ac Matronæ, quod ea in vrbe ad hanc diem fuerat inauditum. P. Nicolaus igitur cum aduertisset, à Nostris tot iam annos, cum vrbis vix quicquam esse perfectum, excurrere statuit ad suburbanos, vti experiretur, an is qui non multos sapientes, non multos nobiles elegit, sese tenuioribus maiore cum fructu aperiret. ea res capit amovante secularem vltimo, post eam festiuitatem, quæ Apostolis orbis peragratibus Petro ac Paulo sacra est, & pagus primus non procul ab vrbe, Michia vocabatur, ex hac etiam in adiacentes excursum, cuius excursionis per annos cōtinenter aliquot hæc fuit fere ratio.

Mittebat prius è Neophytis aliquem in locum, qui suum populo aduentum denunciaret, moneretq; vt præparatis animis concionatorem ex occidente remotissimo expectarēt. Primum igitur vbi aduenit aduentus sui causas explicuit, ad mensam ante se positam, vti vnum Numen cæli terræq; moderatorem venerandum persuaderet, extra quam Religionis veritatem salus nulla reperiebatur: tum decem Diuinæ legis capita pronuntiabat, & breuissime exponerebat. His peractis, dicebat, habere se effigiem illius, qui hanc legem hominibus dederat primum; deinde eam imaginem in mensa vel alio loco ad venerationem accommodo, cum cereis & odoribus statuebat, hortabaturq; omnes, vti eum venerarentur, quem hæc imago referebat, & promitterent, se idola Deorum simulacra, non Deos, in posterum repudiaturus: quam ad rem non admodum reluctabantur, inducti vel legis nostræ sanctissimæ fama, vel infiræ gentis facilitate Numen quodlibet venerandi. His ita peractis Christianæ doctrinæ compendium in quosdam diuidebatur; neque enim satisfieri poterat omnibus.

Hæc

Excursio in adiacentes vrbis pagos, & ratio docendires fidei.

Actus Christianæ
legis incun-
da.

Hæc cum exponerentur ad confertam multitudinem, ignis adeò incipit ardere vehementer, ut in ipsam urbem eruperit, & quamplurimos ad amorem legis Evangelicæ accenderit. Primus quidem actus sollemnis Christianæ legis incundæ fiebat, cum in catechumenos recensebantur: in hunc modum fiebat. Super aram collocatur legis Christianæ compendium, qui ad eam ediscendam admissus est, coram ara solitis venerationis ritibus Christum Seruatorem ac Magistrum veneratur, & compendium ex ara capiens, domum redit, & interim dum eluitur sacris aquis, ad eam sacrificij partem admittitur, ad quam Catechumenos admitti mos est: inde dies permultos catechisticis prælectionibus imbuuntur, donec baptismo deputatus dies adueniat, quo rite peracto, precarios globulos, imagunculas ex ære penfiles, sacre ceræ particulas, velut spiritualis militiæ arma suscipiunt: eam rem permulti summa celebritate palam celebrabant. nam è baptismo domum redeunt tympanorum ac tubarum festo sonitu deducebantur à Neophytis, imo & à propinquis Ethnicis eo ritu, quo fieri solet cum quis à Magistratibus accepta noua aliqua dignitate reuertitur: & quidem eam rem paulatim Dominus ita promouit, ut intra primum triennium supra trecentos Christo sint aggregati: qui numerus in his vel initijs, vel difficultatibus pro maximo haberi debet. De his peculiaria quædam seligam, neque enim in historiam omnia referenda.

Conuersio cuiusdam
Senis ad fidem Christianam.

Non silentio prætereundus, qui primus vocanti Deo manus dedit, vir annorum septuaginta, aliàs sæpè frustra ad salutem inuitatus, ob imperitiâ legendi ac memoriæ imbecillitatem, quibus paulatim improbo studio tandem superatis, Saluator vocatus est, alijsq; ætate consimilibus author fuit, ut eandem Religionem profiterentur. hanc ab idolis defectionem reliqui, maximè quod sodalitij capita fuisse constaret indignè tulerunt. ergo magno numero & impetu in eorum domos irruerunt,

ruerunt, propè minaciter sciscitati, quæ esset hæc nouitas, quæ de ijs ferebatur: ab his responsum, se iam vnum cæli ac terræ Dominum venerari, nec quicquam posthac habere vel- le commercij cum infernis monstris, quæ sectatores suos in cruciatus sempiternos pertrahunt: institerunt acriter, vti me- minissent, nomina sua in Sodalicij tabulas relata, neque pro- digarent tot obsequia Dijs suis delata: sed hi constitère sibi, & per eos licere dixerunt, nomina sua & obsequia, si vellent, è tabularum inmemoria eradere: sibi iam certum esse, vnum De- um venerari, cæterarum sectarũ cultus repudiare. minaban- tur illi Deos suos breui vindices ad futuros. Arque ita victores Neophyti monitores importunos ab se ablegarunt. Interro- gatus est ex illis vnus, num quid ex iniurijs odij remansisset: miserationis inquit ille aliquid, ex eo quod errare illos con- fter, ac nescire quid faciant.

Hi constantia sua, se in officio continuerunt: alter etiam euentu præter ordinem à Domino adiutus, Iuuenem stre- nuum idolorum veneratorem ab ea mente deduxit: neque il- le rationibus consilijs sũe cedebat: vrget Neophytus, vti saltem legis Christianæ commentarium euoluat, ac postmodum sta- tuat de illa, prout vellet. nec renuit iuuenis: verum humani generis hostis eum initio statim terrere statuit, ne vltius rem vrgeret: ergo accepto libello manibus ita subito contremuit, vt concussum legere minimè posset: casu territus Neophyto librum restituit, & manus tremere cessarunt: id cum vrgente Neophyto iterum ac tertio fecisset, coram alijs aliquot, & no- minatim Parente sua, eodem semper euentu factum est, vt tremerent accipientis manus, restituentis tremere cessarent: vnde Parens prodigio territa, ne quid filio peius accideret, Neophytum rogauit, vti filium ad concionatorem magni oc- cidentis deduceret, contra importunum hostem remedium aliquod petiturus: tum Neophytus offerri sibi cõmoditatem

Alterius con- uersio.

Filius rogatus Parentis ad Pa- trem nostrum deducitur.

LII

ratus,

ratus, ad Parentem etiam Christo adiungendam, à qua licet multum reuente, impetrauit, vt omnia idola, etiam vnico paruo, quod ob amorem filij retinere volebat, eijceret è domo, & Neophyto domum deferenda traderet. tum Neophytus propria illi manu Christianæ legis commentarium tradit, nec vnquam in posterum vel manus tremere, vel quicquam aliud extra ordinem euenire sensit. Filius igitur vna cum Parente in Catechumenos recensiti, postquam per otium Christianæ legis mysteria didicerunt, denique Christo sunt aggregati.

Alterius mira
conuersio.

Nihilo mihi videtur inferior diuinæ electionis effectus, quem modo subiungam. Neophytus alius amicum suum eam deduxerat, vti sacræ Doctrinæ compendium acciperet; verum vbi de tradendis idolis actum est, adduci non potuit, vt ea tam inurbane tractaret: redijt igitur ad amicum, & doctrinæ sacræ compendium dolenti Neophyto restituit, & iam redibat domum mœstus cum in Ethnicum incidit familiarem suum, cui tristitiæ suæ partem communicans, rei totius narrauit euentum: ille vero secretis iudicijs Dei permotus, qui nouit qui sunt eius, doctrinæ compendium legit, & cælesti luce illustratus, assensit extemplo, & nihil differens, quod bene cæperat, Neophytum in ædes suas deduxit; & videbis nunc, inquit, quam serio id agam, quod statui: exturbatis igitur è maiestatis folio simulacris, pro ara sportam dedit, & omnia in ædes nostras amandauit, significans hæc pro fidei suæ pignore præmittere, donec confecto negotio quodam, in quo morę erat periculum, ipse ad eam ediscendā adueniret. Aberat porro ab ædibus nostris quinque amplius leucas.

Mulier cum
vniuersa fami-
liæ conuersa.

Neophytus alius ad Patrem nostrum accessit die quadam questus de vxore sua etiam tum Ethnica, quod vnum ex idolis communi incendio destinatis, subtraxisset, à quo in partu pariendi facilitatē sperarat. Iussit Pater subtracto idolo Choi-
mæ,

ma, Deiparae effigiem substitui, & vxorem recitare septies
quotidie orationem Dominicam, & salutationem Angelicam
in memoriam septem eiusdem festiuitatum: vxor tandem
mariti authoritati cessit: adueniente partu, filium enixa est
insolita facilitate, & ne dubitari posset, cuius id praesidio eue-
nerat, partus ipse in diem incidit Virgini in Templo praesen-
tatae sacrum, quo euentu nihil dubitauit Christi fidem vni-
uersa familia amplecti, & peculiari cultu virginem venerari, &
quidem is erat, vt vnus saltem singulis sabbathis e familia veni-
ret ad sacrificium in Virginis honorem celebrari solitum, & ad
id cohonestandum semper aut odores, aut cereos, aut quip-
piani aliud, qui venerat, afferebat.

Ex ijs omnibus, attingo paucissima, ne similitudo radiuin-
pariat. nunc de pueris pauca. Puellulus annorum nondum
sex in puerili iurgio ab Ethnicis coetaneis alapam acceperat.
is memor eorum quae audierat, cum oratio Dominica expo-
neretur, dixit: ego vobis dimitto, sicut mihi Dominus dimi-
sit: post aliquot dies eum etiam inuicior eiusdem sororecula su-
perauit. nam cum similiter a fratre patientiae suae iam imme-
more alapam accepisset, illa iisdem verbis plane respondit:
quae re puer miro rubore suffusus est, vbi vidit se a sorore in-
uiore superari. Alia puella Agnes nomine nondum bene quin-
quennis supra aetatem Christianae pietatis officia coluit: Die
quadam Ethnici explicata supplicantium pompa, simulacrum
quoddam deferabant, cui nomen Yncon, quod propriae te-
nebrarum Principem sonat: hoc illi monstrum ad auertendam
caeli inelemtiam circumferebant, & cum ad eam Regionem
peruenissent, in qua Pater Agnetis habitabat, ad eum hono-
randum, quod esset vir priuatus, in eius domum idolum im-
mittere procurabant: verum puellula ceteris minime aduer-
tentibus, ad ianuam accurrit, atque in hunc modum prote-
stata dixisse fertur: Nos Christiani sumus tenebrarum Prin-

Condonandae
iniuriae exem-
plum in puero
& puella.

Puella quaedam
publice idolo-
rum ciuitat ve-
nerationem,

cipe non indigemus, ubi Deus habitat, ibi malignos spiritus habitare vel cæli inclementiam esse non oportet: atque ita discesserunt. Aliàs etiam cum vrgerent Ethnici parentem, uti in supplicationis alterius sumptum, quæ idolo Vici protectori parabatur, aliquid conferret, ipse primum illis Decalogi præceptum legendum dedit, quo id facere prohiberetur: sed nihil admittentes vim parabant: accurrebat tumultum Agnes, & vociferantibus se ingerens dixit; eos qui cæli dominum adorarent, nihil in obsequium simulacrorum conferre posse, & veritas ex infantis ore profecta, vim habuit, ad importunos idolorum procuratores comprimendos: dixerunt enim, nunc demum sibi constare, id Christiana lege illicitum, quod puella in ea ætate, quæ fraudis capax non est, id ita constanter affirmaret: Ex his fidei ætatisque præludiis facile constat, quam ad fidem nostram suscipiendam sinæ sint comparati, cum in hoc nascentis Ecclesiæ vere his stolculis fructum deinde portendant.

Agnes puella
tumultum, se-
dat.

Hoc etiam tempore faminarum salus quæ pro desperata habebatur, à nostris primum cæpta est aperiri, hoc vero de illis dici potest, etiam viros sæpè in pietate superasse. ea res constare poterat exemplis pluribus, nisi mox illustre testimonium daturæ essent duæ tresuue matronæ nobiles, de quibus mox alia occasione agendum.

Nec in pagis solum Euangelii lux diffundebatur, sed in urbem etiam tot iam annos prope desperatam, eiusdem radii penetrarunt: ubi è plebe non solum multi oculos aperuerunt, sed è prima nobilitate; siue litterarium gradum spectes, gestosque magistratus, siue opes & familiæ dignitatem. ex omnibus duos solum commemorabo; qui se supra cæteros extulerunt.

Duo è magi-
stratu fidè sus-
cipiunt Chri-
stianam.

Horum alter Ciùm vocabatur, qui post litterarium gradum renunciatus erat nescio ubi magistratus, sed nondum cum

eum gesserat: is annos complures cum nostris agebat, donec anno supra secularem primo statuit omnibus se remoris expedire, & ad Christianam libertatem aspirare: eius præscripto mater & auia primum, deinde ille cum fratre suo, sacro fonte abluti fuerunt, mater nomen Mariæ suscepit, auia verò Anna obtigit. nec diu distulit filius domesticum exemplum: nam Augusto mense ineunte Christo nomen dedit magno pietatis sensu, & Neophytorum gratulatione: cum eo filius ipsius fere decennis Christo aggregatus est: patens Georgius, filius, Virtus est appellatus, nec minore pietatis ardore cœpta profectuebantur, cæteris exemplo præibant, & palam se Christianos profitebantur, quare mirum quantam sanctissimæ legi nostræ talis familiæ auctoritas celebritatem dederit, neque hic stetit in nobili Neophyto pietatis exemplum. cum enim post dies paucos demortui fratris filius in ægritudinem incidisset, tanto studio animi salutem illi procurabat, ut corporis immemor esse videretur: verum adolescentis parens mirè simulacris addicta, salubria de filii salute consilia, ne in aures quidem admittebat, verum à patre admonitus, uti cum ipso iuvene ageret, neque parentem curaret, nam elui facile illum posse, etiam illa nihil sentiente, dum omisiss aliis ritibus, quæ solum necessaria sunt, exhiberentur: nec difficile fuit ab ægro consensum impetrare. Patruus igitur eum instruit, P. vero Nicolaus velut visitationis officio perfungens, adolescentem baptizauit, & permisit clemens Dominus uti vita spiritualis corporis imminentem interitum propullaret. ex ea enim ipsa hora quotidianis incrementis in vitam ac salutem reuocabatur. stupori fuit res omnibus, sed parenti maxime, quæ tandem fraudem edocta, qua salus rediisse credebatur, ex admiratione legis illius, cuius vis ab animo in corpus redundaret, in imitationem plectta est, atque ita Annæ ac Mariæ matronis adiuncta, Paulæ in baptismo nomen accepit. Præcæteris

Zelus D. Georgii Neophyti erga fratris filium.

Trium marro-
narum nobili-
um feruor in
fide suscepta.

Anna se semper in studio pietatis euexit, domi ædiculam ex-
struxit, eo consilio, vti subinde missæ sacrificium impetraret,
quoniam Sinensium faminarum captiuitate domi retinebatur,
& ornatus ædiculæ, qui ex pietate prodierat, ipsam quoq; pro-
debat pietatem: visum est illi parum decere, vti ædiculæ vicin-
a esset: eam ergo deturbauit, & alio transtulit. hæ tres ma-
tronæ certis temporibus pias de Christianis rebus collocutio-
nes instituebant, quin etiam vt augerent numerum, vicinam
euocabant, quam audierant in eandem legem transiisse, neq;
illas deterrebat vicinæ ignobilitas, quæ apud Sinas non facile
permiscetur, quin etiam rusticas ex agro suburbano mulieres
iam fidei communione pares, nihil ab ignobilitate impares es-
se arbitrabantur: eas igitur in colloquium, in congressum, in
conuiuium etiam admittebant, nec erat qui culparet, sed po-
tius comprobaret Christianæ modestiæ argumenta. in nego-
tijs denique domesticis nihil inconsulto P. Nicolao aggre-
diebatur: denique huius familiæ exemplum in alias multas in
vrbe serpsit, & mirum quantæ subito animorum commotio
urbem vniuersam excitauit.

Alterius de Ma-
gistratu con-
uersio.

Alter de quo dicere statui, celebrior etiam, supe-
riore habebatur, cognomento Pheu: is & litteris & propin-
quitate splendore prudentiæq; fama pene Xauceanus Cato
habebatur: ille in publicis negotijs omnibus primus, aut in
primis urbem sibi deuinxerat: sternendis vicis, extruendis
põtib; idolorum fanis faciendis vel reficiendis: cum Domi-
nus potenti manu sibi tandem aggregauit anno supra seculam
rem tertio, quo die D. Hieronymi festiuitatem proponit Ec-
clesia. annos iam fere vndecim ita cum Nostis, quorum con-
suetudine delectabatur, ita egerat, vt tamen nihil de sua sa-
lute cogitaret, quibus elapsis ignis Diuini scintillas, quæ sub-
inde expirabant, se sensisse narrabat, quatuor igitur annos ea
deliberationis alternatio perdurauit: prima illi desideria è
congressu

congressu quodam cum P. Nicolao incidérunt: mirabatur quorsum in vicinos pagos tanto labore suo excurreret: cui responsum; etiam nunc nescis, quo consilio spontanei exules è patria huc nos ipsos relegauerimus? aduertere ciues in dies magis ac magis veritati aures oclufisse: video nŕiquis forrasse per vicos ac pagos suæ salutis cupidus esse velit? hoc enim scias velim, mortalium animos apud Deum pares esse, nec ea discrimina reperiri, quæ sibi homines ipsi finxerunt: Hæc verba Deo feriente, cor hominis fauciarunt: & asseribat, nunquam horum verborum memoriam se in posterum depositurum. Eo ipso tempore in Pechinensem aulam illi nauigandum fuit, & quoniam P. Matthæo notus erat, exceptus est à nostris perhumanè. Vidit ipse, quantum à primarijs Magistratibus haberentur Nostri, quos à Xauceanis ciuibus prope sperni sciebat, & opus illi fuit, vti ad Magistratus conueniendos Nostrorum fauorem imploraret: vnde excussit umbras illas, quas externum nomen attulerat postquam vidit Christianæ rei in aula Pechinensi splendorem, deinde in patriam redux fideliter sparsit, quæ ibi collegerat, & magnam rebus nostris auctoritatem conciliabat. P. Nicolaus reducem identidem cohortabatur, sed contra nitentem duo maximè impedimenta mouebant; vnum erat de Diuina providentia, quam videret legi suæ, si sua erat, aut opitulari non posse aut nolle. Difficultatem alteram homini suus fastus effungebat: neque enim facile Sinicis ritibus abijcere se volebat, vti aduenam eligeret in Magistrum. Hæc ille duo repugnandi capita Lucæ Neophyto cuidam amico suo aperuit: sed ille vtrumque nodum ita dissoluit, vti tandem dederit manus. quod enim ad primum attinebat; litteratorum sectæ Principem commemorabat obtreçtatorum quoq; malevolentiam euadere minime potuisse: meminisset quoque à suis Philosophis scribi, eum qui à Deo ad res magnas eligitur: prius varijs casibus exercen-

dum:

dum: de altero vero nihil esse quod repugnaret, neque enim Socios solere pro sua modestia se pro Magistris gerere, aut solitos ritus admittere, sed eos vni Deo mortalium Magistro dumtaxat exhiberi. Eum diem latus habuit cum Neophyto litteratus, & conuiuium cum eo protraxit in concubiam noctem, alia nulla re in colloquium admissa.

Die insequenti vna cum Luca suo, domum nostrā venit, extremam Patri deliberationem suam declaraturus; quæ res quo diutius optata, eo alacrius audita. Imbutus est igitur, & suo tempore baptizatus, Stephani nomen inuenit, è P. Nicolai voto, qui eam rem nouerat, si se Christo aggregasset: huius ad Christum conuersio multorum sermonibus in vrbe celebrata est, & iam percrebuerat, nihil de ea lege dubitandum. quam Xauceanus Cato tot annos excussam admiserat: atque ita fructus ex ea re speratus cultores minimè fefellit.

Incendium re-
stauratur.

Eo ipso tempore res accidit, quæ Christianæ legis sanctitas, & nouitiorum inter se amor eluxit. forte à Neophyti domo cæperat incendium, & is in mediō nationis prauæ viciniam habebat omnem sibi ex desertis simulacris infestam, ac tametsi subuenire facile potuissent, inter se tamē conspirantes abstinerunt: Sinamus, aiēbant, canes hos, qui Deos suos deseruerunt, ardere: atque ita tota domus arsit, exceptis solis habitatoribus, in fuga salutē consecutis, maxime vicini Neophyti concurrerant quidem, sed serius: verum quod facere non potuerunt, abunde compensarunt. nam singuli quæ poterant in extruendas ædes contulerunt: Hi nummos, lateres alij, quidam ligna comportabant, alij operas sustinebant. nam stipendium ipsi quod essent Neophyti, nō admittebant, denique multi supellectilem comportarunt vniuersam, itaq; iam videri poterat, quod ait ille Poëta, incendisse suam domum. nam & melior & instructior assurrexit, & quod incendium absumpserat, charitatis flamma reparauit.

Hæc

Hæc in vrbe: sed & in pagis cum numero pietatis ardor ex-
 crescebat. cuiusdam pagi incolis, cui nomen Cin Cùn, visum ^{Pietatis ardor}
 est ædem centum Neophytis, tot enim numerabantur, ^{in pagis elucet}
 iam denique extruendam. adhibito igitur in consilium Patre
 nostro, aream capacem elegerunt, & magna celeritate ædem
 ad rectum euexerunt: in ea, anno quo supra Aprilis vigesi-
 mo, primum sacris operarus est P. Nicolaus, eo quo maxime
 potuit apparatu: Sacrificium subsecuta est oratio de discrimi-
 ne inter Christianorum ædes, & profana simulacrorum fana:
 ea perorata, sese in genua concio tota prouoluit, Deo præ-
 sens beneficium gratulata: nominati sunt etiam quatuor ædis
 ac rei Christianæ Præfecti: Aes campanū ad cætus adiectum
 est, & præter aquam lustralem copiosam ad Neophytorum
 morbos, & cæteros casus præsentissimum fere remedium, sa-
 croscultos adiunxit ad solemnes dies internoscendos. Hæc
 excursio præter Neophytos, Ethnicos quoque attigit: è qui-
 bus baptizati plures & in tyronū numerum adscripti, omnes
 quotquot concurrerant permoti discesserunt.

Hoc ipso tempore in aliam agri suburbanam partem fidei
 quoque fama penetrauit: eam detulit Neophytus quidā Ma-
 rius nomine, qui cum ad amicos suos eo se contulisset, de re-
 bus nostris sermonem ingessit, & permouit multos, sed maxi-
 me senem quendam Pagi totius primarium, is præpeditus va-
 letudine, quod per se non potuit, per filium ac propinquum
 alium fecit: hos enim misit, ut ad se Patrem inuitarent, & si-
 mul ad iter iumenta, cæterumq; misit apparatus. Iuit eo P.
 Nicolaus, cum eo ipso Mario; vix aduenerat, cum bonus se-
 nex in varias quæstiones erupit acutas sanè, & pro tempore
 accommodatas: bis quoque disputatum est cum alijs solem-
 nius: Senex tandem cum vniuersa familia baptizatus est, &
 Pauli nomen accepit. His occupationibus cum detineretur
 P. Nicolaus, ecce tibi alius nuncius aduenit: æger quidam

Mmm

duabus

duabus ex hoc loco leucis baptismum petebat: iam enim ali-
as Patrem conuenerat. Iuit quamprimum, ne hæc animula
perderetur, sed & reliquos ita inuenit comparatos, vt non
prius inde discesserit, quam triginta probe instructos eluisset,
quos inter verula quædam numerata est, cui Dominus in eam
horam visus est vitam protraxisse, mox enim à suscepto Bap-
tismo ipso senio confecta, in alteram, vt sperari potest, ac me-
liorem vitam euolauit.

*Quibus per eos annos laboribus Xauceana
sedes fuerit agitata.*

CAPVT DECIMVM OCTAVVM.

Consilium de
sede Xauceana
permutanda.

Xauceana se-
des stabilitur.

APertum erat ostium magnum & euident, vt ait Aposto-
lus, sed aduersarij quoque multi. & quidem P. Visitato-
ris consilium erat, cum Xauceo ad sedem nouam instituen-
dam P. Matthæus discessit, nostris alibi tuto stabilitis, Xauceana
sedem extinguere, vel ob aëris inclementiam, vel ob cō-
tinuas propeturbas, vel propter ipsam frugis faciendæ despe-
rationem: Verum his rebus ita constitutis, cum laborum fru-
ctus affulsisset, qui supra narratus est, re denuo in deliberatio-
nem vocata, nemini visum est, vel ob aëris inclementiam, vel
ob turbas imminentes spes tantas profundere. itaque confir-
mata denuo nostrorum statione, facta sunt, quæ supra com-
memorauimus. Ex hoc porro capite colligere licebit, quantas ar-
tes hostis humani generis ad hæc euertenda principia inuene-
rit, & quanta maiore potentia Dominus hæc impostoris in-
uenta discusserit.

Nulla res alia æque rem vniuersam disturbabat, vt præli-
um à sanctissima lege nostra implacabile in vanos Deos insti-
tutum: quàm enim facile est Sinis persuadere, vt Deum cæli
Dominum pro supremo Numine venerarentur, ita difficile
est

est ab iisdem impetrare, uti simulacra omnia de solio Maieſtatis exturbent, nulloq; ea honore dignentur. non enim ferunt simulacra hæc ne inter ipsius quidem Dei ministros posse numerari, & eo cultu coli, quo à nobis Diui nostri solent. tametsi tot sæculis gentilitatis tenebris fuerint inuoluti, eo tamen dementiæ non peruenerunt, ut in numinibus, criminū suorum patrociniū, uti fabulantur Poëtæ, vellent reperire; sed de ijs maximam partem vita narratur, vera sit nec ne nihil attinet, Ethicis virtutib⁹ mire concatenata, atq; ita suspicientes alioqui legis nostræ veritatem, ex æquo atque sanctitatem, volebant tamen à maioribus traditam Diuorum suorum memoriam retinere. Difficultatem auget peculiaris in hac gentilitate consuetudo; neque enim solum interdiciendæ sunt ijs, qui ad legem nostram adspirant, publicæ in fanis venerationes, quod alibi satis est, sed cum singulis domibus colluctandum, uti penates ac lares suos, cum quibus natus est quisque & educatus, & quos pro suis tutelaribus habent, ex oratorio detractos ablegent, & indignis, ut arbitrantur modis, tractent, reperti sunt permulti, qui ne fumum quidem aut cinerem illorum ferebant, ne dicam ut ipsi domesticis ignibus damnarent, sed in flumina demergerent, numquam amplius emerſuros. hæc tamen omnia non parerga solum Ethnicis, sed etiam ab omni humanitate aliena videbantur.

Difficultas auertendi Sinas à suis simulacris.

Cultus idolorum differt apud Sinas à Poetarum fabulis.

Inter cæteras difficultates est illa non minima, quod in Supplicantium pompa vicinos omnes vrgeant, ut in simulacra quæ circumferunt, sumptus conferant, quam difficultatem Neophyti ferè euicerunt, præter cæteras grauem molestiam passus est hoc tempore P. Nicolaus. Sinæ inter idola sua numerant quoddam, cui nomen Hoaquan imposuerunt, ideo quod mortalium oculis præesse fabulentur, atque ideo tertium illi oculum in fronte statuerunt. hoc monstrum die quadam ingens turba per urbem circumgerebat, eò consilio, uti

Idolum Hoaquam monstrum Socijs molestiam attulit

Mmm 2

stipem

P. Nicolaus
iniquam pe-
tionem re-
mit.

stipem ad extruendum illi fanum compilarent: in ædem nostram denique deuentum, & ad honorandum domus herum, qui libentius hoc honore caruisset, idolum in atrium importarunt, priusquam impediri possent, tumultu euocatus Pater accessit, & quæsiit ex ijs, ecquid vellent: pupugit eos acriter primum, hunc Argum suum minime salutatum: nam cæteris in ædibus, in quas immittebatur, mille ritibus, cereis, odoribus, nummis etiam excipi solebat. Verum quoniam venerant petitori, primam hanc inurbanitatem dissimularunt: inde expositis suis postulatis, hoc responsum acceperunt: placere sibi hanc indolem pietati addictam; sed ex animo condolere, eos in eligendo Numine aberrare; se. qui vnum cæli Dominum veneraretur, à simulacris quolibet modo colendis prohiberi: hic erupit soluto silentio popularis insolentia; vrgebant enim incōditis clamoribus, vt daret quod petebatur. Hanc supplicantium pompam ducebat litteratus quidam, qui se nostrorum amicum esse volebat: ille igitur P. Nicolaum amicè hortabatur, vt multitudini cederet, meminisset, aduenam se in aliena terra constitutum, & quoniam is ita locutus fuerat, vt facile posset à multis exaudiri, contentiori etiam voce respondit Noster: se ad opera publica, sternendos vias, reficiendos pontes, semper liberaliter, quoties fuerat rogatus, contulisse: verum in idolorum gratiam, ne festucam quidem à se sperarent, ex eo, quod id æquè legi suæ repugnet, tali ratione parū aut multum dare. Sensit litteratulus non ex avaritiæ sordibus negari: cæpit igitur inepta distinctione litterem velle componere. Age, inquit petenti populo, & nō idolo, da quod petit: sed neque hoc admisit Noster, non ideo solum quod illicitum arbitraretur, sed vt licitum cuiuspiam videri posset, expediebat semel Nostros ab his molestijs in perpetuum expedire. Itaq; postquam varia dicta responsaq; sunt, denique vim inferre minime ausi, cum suo se oculorum caco curato-

curatore extra ædem nostram se receperunt, & mille diras imprecati, secum pudorem & repulsam extulerunt. Ex his colligas velim, quantis molestijs Neophytos afficiant, stipem alias pendere solitos, cum ab ipsis externis, quos lege discrepare constabat, ita acriter exigent. hæ difficultates, quas dixi, communes vbique sunt ac fere perpetuæ, peculiare aliquas & breuiore tempore, in posterum commemorabo.

Ibat P. Nicolaus in vnum è Pagis ad colligendam aliquot mensium messem, verum zizania succreuisse deprehendit: ea inimicus homo adhibitis duobus litteratulis rusticæ huius Academiæ Magistrellis superseminarat: hi enim cum audissent, discipulos è suis quosdam, se inconsultis Christianam legem suscepisse, ita excanduerunt, vt ignominiosè multa in legem nostram sanctissimam, eiusq; præconem effutiuerint, & furem auxerunt, ex quo Patris aduentum audierunt. His renunciari iussit, venisse se comparatum, vt rationem eorum, quæ dixerat, daret, idque palam coram omnibus, quibus placuerit interesse: sed illi nihil minus quàm veritatem sectabantur. itaq; ab ignominiosis nominibus inertiam suam incusantes, popularem tumultum ciebant, vt in foro libellum scriberent omnes, quo externum idolorum expugnatorem apud vrbs proprium Gubernatorem accusarent, cuius est proxima in suburbanos vicos & ordinaria potestas. Ad hunc tumultum sopiendum, vsus est P. Nicolaus animi constantia, misit, qui eis renunciaret, vt adderent in libello, eam à P. Nicolao doctrinam euulgari, quam ille ipse Magistratus, ad quem destinebatur, tali die, viderat, laudarat, approbarat; eandem quoque esse, quam reliqui Magistratus vr bani legerant, & auctoritatis suæ calculo confirmarent. hoc nuntio in vanum omnia recidere. qui enim concurrerant Magistratus audientes, ab accusatione periculosa se subdixerunt. ergo per otium & opinione liberius res Christiana procurata est, quæ etiam excur-

Tumultus contra P. Nicolaum excitatur.

M m m 3

sum

sum in nouam stationem magno quoque fructu, licet nocturnis semper horis in hunc pagum Noster rediret. his Magistrelli euentibus fracti, sese in ludos suos litterarios taciti receperunt.

Nobilis quidā
Neophytus So-
cios a periculo
liberat.

Cum P. Nicolaus ex hac excursionē, se in domum recepisset, perturbatam contra se reperit urbem vniuersam: recentibus enim litteris nunciabatur, P. Matthæum ac Socios itinere Pechinensi ab Eunucho Mathan progredi prohibitos, in vinctis retineri: conclamatum iam de rebus nostris esse, & Socios vel morte plectendos, vel in perpetua vincula detrudendos, minimè dubitabant: Verum hanc nubeculam dissipauit aduentus ex aula Neophyti nobilis, quem modo commemorauī. is enim per eam ipsam urbem, in qua nostri detenti fuerant, sese transisse narrabat: quia verò nondum erat Neophytus, valdè mirabatur, quorsum hoc acti hominis in crucem triste spectaculum nostri circumferrent, è qua prætextum nocendi Eunuchus acceperat, sed frustra. Hic itaque Neophytus Georgius suo nos sermone ab hoc periculo liberauit. Idem cum fratre suo & alio propinquo, magno apparatu domum nostram ingressi sunt, ex quo rumor percrebuit, se Christianam fidem velle profiteri. quæ res promulgata aduersarios fregit, Senioresq; obseruatores compescuit. neq; enim illi contra hos fautores, quicquam tentare audebant. hinc Nostri maiore cum libertate captum Euangelij cursum sunt prosequuti. Non ita multo post Prouincialis Visitator aduenit, qui assessores acceperat viros tales, à quibus nihil admodum timere periculi sibi Nostri videbantur. alter enim Xauceanæ urbis erat Gubernator, amicus ac Nostrorum familiaris: is cum à P. Nicolao die quadam legis nostræ præcepta decem accepisset, miratus est absolutissimam numeris omnibus sanctitatem, ac virtutis apicem altè suspexit, asserens, eum qui hæc obseruare velit, Magistratum gerere nequaquam posse.

hoc

hoc responsum palam pro tribunali dictum, æmuli nostri non nesciebant, & simul spem nocendi artesq; deponebant. de altero Visitatoris assessore nihil P. Nicolaus inaudierat, resque illi nostras inauditas arbitratur, sed iam ille in aula Pechinensi nostros viderat, & familiariter aliquoties cum P. Matthæo congressus erat: ille vbi Xauceum aduenit, audiuitq; P. Matthæi socium ibi degere, munus eduliorum splendidum sibi eo ipso tempore ab urbis Gubernatore transmissum, ad nostros maxima cum pompa per celebriores urbis vicos miserat. Visitatus à Socijs multa de P. Matthæo rebusq; nostris retulit, ac plura, cum ipse visitationis officium rependeret, inter cætera commemoravit, se cum Socijs omnibus egisse, & duo maxime notasse: singulos eadem interrogatos eodem tenore respondere. vnde constare arbitratur, eos vnam sequi veritatem: alterum erat, quod nullo in congressu de Deo suo meminisse omitterent, vnde ipse iudicabat, eosdem Deo suo plenos, in alios hanc plenitudinem velle refundere. His igitur Magistratuum fauoribus hostes nostri, metu territi, ne nocere quidem tentarunt, ne periculum in seipsos deriuarent.

Beneuolentia
alterius assesso-
ris erga Socios

Nec diu tamen destiterunt, sed qui mordere non poterant, cæperunt oblatrare: aiebant magni Occidentis legem quatuor foliculis contineri: facile apparere barbaram esse, Idolorum vero ingentia volumina eloquētissimè scripta, precandi formulas, energumenos liberandi verba solemnia, quis non iure non suscipiat? Hæc quoties cum Neophytis congredebantur, ingerebant: quibus nihil aliud responderi poterat, nisi plura esse sanctissimæ legis commentaria, sed nondum per nostrorum paucitatem ac sermonis infantiam breuissimo tempore in Sinicum sermonem transire potuisse. Verum hæc frigide & gratis dicta criminabantur; Ad extremum Neophyti opprobriis fatigati, libellum supplicem, nouo ritu
ad

Lex Christiana
contemnuntur.

Pij libelli con-
tra opprobria
eduntur Sini-
co caractere.

ad P. Nicolaum detulerunt, ab eo petebant, ut legem, quæc-
uulgabat, similibus opprobrijs eximeret. Nondum eo perue-
nerat ille, continuis occupationibus auocatus, uti ad scriben-
dum animum applicaret. verum ne filios suos reiecisse, & le-
gis opprobria neglexisse videretur, aggressus est opuscula quæ-
dam Neophytis mire accepta, quibus obrectatorum ora ob-
duravit: adiutorem adhuc adhibuerat Sinensem litteratum,
quo ex more Nostri Magistro utebantur. Hæc opuscula fue-
runt primum precum libellus, ad varios casus instructus, offi-
cium etiam funebre ac sepulturæ, Sinicis characteribus ex-
pressum, sed latino sermone nihil, nisi quantum lingua tulit,
immutatè: ea res Neophytos, tametsi nihil intelligerent, ma-
ximè recreavit: idem etiam in Europa factitari videmus ab ijs,
qui Diuina officia recitant latino sermone, tametsi illius im-
periti: hoc enim persæpe faciunt non sine sensu pietatis: addi-
dit deinde confitendi de peccatis & latebras conscientie excu-
tiendi formulam, ac denique Deiparæ Virginis opera nonnul-
la admiranda, & Diuorum aliquot vitam & virtutis præscripto
traductam, ac prima fuit celebris illa D. Damasceni narratio
de Barlaamo ac Iosaphat. eodem etiam tempore alij è So-
cijs alia opera scripserant: & quidè vtilissimus habebatur ille,
libellus qui eo tempore à P. Ioanne Xóerio Nanciani prodijt,
quo instruere intendebat eum, qui ad Christianam legem aspira-
bat: cum libellum Pater in lectulo potius quam in musæo scri-
psit, nam lentis febribus correptus conquiescere nesciebat,
donec exilis vitæ lucerna splenderet, breui enim plithisi ex-
tinctus est. Nihil de P. Matthæi Catechismo, nihil de sacris
fastis dico, qui tamen eo tempore opportunè prodierunt. his
igitur ac similibus opusculis iam Neophyti, insultatoribus ob-
sisteabant.

Calumnia spar-
gitur de Neo-
phytis Sciau-
chincalibus.

Nondum destitit humani generis hostis inuidia. Nam
per eos dies mira celeritate fama totam urbem peruascerat. No-
stros

Nostros Sciauchino antiqua sede pulsos ac omnes, qui Christianam legem susceperunt, pœnas dedisse. Verum hic rumor Neophyti cuiusdã aduentu Sciauchino subito euauit. Non absimile fuit iuuenis cuiusdam inuentum, qui Sciauchini Parentem habebat in publico Magistratu: Is Xanceo transiens, de nostris dixit: hos aduenas oportet illos esse, qui ante aliquot annos Sciauchini turrim extruxerāt, & in speluncis subterraneis horrenda flagitia committebant, quos deinde deprehensos fuga sibi consuluisse narrabatur. Verum in eadem Prouincia sub eodem ipso Prorege, prope in Sciauchinæ urbis conspectu, fugitiuos latitasse, cui credibile videri potuisset, maximè quod vix cuiquam ignotum esset, Nostros ab ipso Prorege Xauceum missos, eius diplomate munitos ad eum extruxisse: vnde hæc in tenebris orta lux veritatis facile discutiebat. Amplius nocuit, quod nunc subiungo. Histriones nescio qui venerant Amacao, & in Xauceanis nundinis multa pinxerunt ac finxerunt, quidquid Sinæ in Lusitanis horrent, & in tabulis fœde depictum viscebatur: & omisis ijs, quæ de habitu breuiore ad risum commouendum proposuerant, dicam, quid in Christianæ legis professoribus culparunt: Primum homines gladio accinctos, in Templis precatorios globulos decurrere; imitabantur eos, qui altero poplite flexo Deum venerarentur; in alijs litigantes ac digladiantes referebant; permixtas etiam viris fœminas, quod Sinæ summopere horrent, criminabantur: hæc omnia vel in pictis tabulis viscebantur, vel ab histrionibus spectanda præbebantur. quid non ibi dixerunt, quid omiserunt, quod in legis Christianæ opprobrium cedere arbitrabantur. Verum non tantum potuerunt abiectissimi homines Christianæ legis auctoritatē deprimere, quantum eo ipso tempore Deo iniurias resarciente, Magistratus omnes urbani ad vnum extulerunt, & notatum est à multis, eo ipso vico ac loco, vbi histriones in Christi legem oppro-

Alia columna
reprimatur.

Histrionū
calumnias pictu-
ris ostensa.

Nnn

bria

bria congefserant, paucis post diebus P. Nicolaum grauissimo Magistratui occurrisse, eumq; sella gestatoria descendentem, solitos vrbauitatis ritus expleuisse; alium eodem loci Patrem in medium vicum honoris causa deduxisse.

Haftenus leuia commemorauimus, grauius est omnino, quod sequitur, nec à Nostreis rescitum prius, quam Deo causam nostram agente, res tota compressa esset, ne arbitraremur fortasse aliquid ad medendum industriam humanam at-
rulisse. Xauceana sedes, vti supra commemoratum est, in area vicini fani assurrexerat: ea res dudum sacrificulos pungebat, sed ad Magistratum auctoritate deterriti, intra stomachum iras continebant, & quidem toto eo tempore, quo nostri minus cum idolis egerant, quam in hac Neophytorum turba nunc agebatur, ferre vltra non potuerunt, idolorum suorum fumum ac nidorem, quem ex vicinia ventus in fanum deferre poterat, aut fama rem minime secretam non patiebatur ignorare. Ergo cum alijs multis coniurati, libellum in Nostros scripserunt, eumq; ad Progubernatorem hominem largitionum cupidissimum, qui hoc negotium haud grauatè suscepit. Venerat forte Magistratus quidam sane grauis, quorum ordo à Sinis Tauli appellatur, eum certis temporibus solemne est concionem euocare, & populum vniuersum ad virtutem exhortari, qua cohortatione perorata, Progubernator ad oratoris genua se prouoluit; ibi dicere capit; externos quosdam Sacerdotes huius fani aream vsurpare, cætus tumultuantis plebeculæ cogere consueuisse, petere se, vti hunc Reipublicæ metum eriperet. hoc ipso tempore rei totius insciji nostri domesticum facellum exornabant, rati quod euenit, ipsum Tauli in reditu Nostros inuisurum. iam enim secundo P. Nicolaus illum conuenerat. Quid igitur eum respondisse arbitraris? cui videri poterat in aduenarum fauorem Progubernatorem verecundia ac pudore suffundendum? sed hæc eius sunt

Socij propug-
nantur ab Ora-
tore Tauli.

sunt opera, qui hominum corda moderatur. dixit igitur coram vniuerso populo; cōstare sibi hos magni Occidentis prædicatores (ita enim sæpè Nostros vocant) viros probos esse, in eo situ ex Proregis facultate ædes suo sumptu extruxisse, nemini molestos esse, nec à Magistratibus aut popularibus quicquam postulare: quod ad cætus hætenus commemoratos, nemini mirum videri debere, si viri probi per tot annos amicos plures ac familiares sibi conciliassent. Obmutuit ad hæc Pro- gubernator, & pudorem vultu præferens, exhibito ritu se ad latus cum reliquis Magistratibus recepit occasione ex nostro negotio sumpta, Magistratus ipsos in hunc modum exhortari capit. Meminisse nos oportet, quod beneficijs è calo donati sumus, cum præ cæteris litterarum & honorum gradibus fruamur; hæc nobis officia Rex tradidit, vti plebem suo nomine gubernemus, ne igitur rem indignam vel celestibus vel Regiis beneficijs aggrediamur, ne innocentes largitionum cupiditate persequamur, id enim certo nobis constare debet; male parata male dilabi, neque nobis neque posteris nostris profutura. Hæc & similia vbi perorasset, concionē dimisit, q̄ nihil eque mirata est, quam ita luculente aduenarū patrociniū ab eo susceptum contra eum maxime Magistratū, qui primas in vrba Republica gerebat. Egressus igitur fano patrocinator Tauli, domum venit cum vniuerso Magistratuum & pene totius populi comitatu: cum excepturus in vestibulo prodijt P. Nicolaus in eo habitu, quo litterati solent. Miratus fuit & supra spem humanitas, quam ipse quoque Pater admirabatur: nondum conscius eorum, quæ in fano contigerant. ingressus est in tenuem nostram bibliothecam, & librum accipiens digito monstrauit, quid sibi veller explicari. Respondit P. Nicolaus, id esse diploma, quo facultas ab eo Magistratu fiebat librum edendi, cui ea res incumbit: eam enim esse Europæis consuetudinem, ne qui errores aut ineptiæ contra

Orator Tauli
dicie ad Magi-
stratus.

Tauli Socios
inuisit.

Nnn 2

bonos

Tauli prote-
ctor Sacellum
intrat.

bonos mores euulgentur. ille ad accusatorem nostrum conuersus, is enim erat proximus, quanto ordine omnia in ea Republica geri certum est, quæ hanc circumspeditionem in edendis libris solet adhibere. E bibliotheca in sacellum deductus est, sed nescio cuius maleuolentia subducta clauis, ianuam aperiri non sinebat. misit ad fenestram, sed neque illa recludi potuit. iam abibat ipse Tauli, verum veritus P. Nicolaus, ne ea res æmulis occasionem daret spargendi. Nostros ibi nescio quid occultasse, quod oculis illius subtractum vellent. instituit, uti tantisper expectaret: neque enim velim, inquit, te abire nisi spectato sacello, quod in tui gratiam exornaui: vim igitur fieri iussit, & feram ipsam excuti, quod ille humanissime actis gratijs compensauit: ingressus est igitur, & vidit omnia, ac denique post exhibitos imagini ritus, & varias quæstiones, quas breuitatis causa omitto. discessit. Satis est intelligi eas omnes eo spectasse, uti cuncti intelligerent, & Nostrorum maxime delator, quam iuste in fano causam nostram suscepisset. De subducta clauē ostendit quantum sibi displiceret. qui ergo eam surripuerat, ne deprehenderetur, in hortulo nostro inter herbas abiicit, ubi deinde reperta est, domo digressus, diu etiam questus est, mirari se, reperiri nonnullos, qui virtutis ac legis professores maxime aduenas vexarent: & hæc ita commemorabat, ut à plurimis audiretur. digressis iam omnibus, gratulatum amici venerunt de tam insigni protectore, ac narrarunt adhuc nescijs, quid in fano contigisset. Diu deinde durauit hæc hominis amicitia, imo accusator ipse varijs officijs accusationis iniuriam resarcire deinde conatus est: Pechinum etiam cum se postea contulisset, Nostros familiariter inuisit, & P. Mattheo narrauit posteriora officia, sed de accusatione mirum utrimque silentium: neque enim reiiciendus erat, qui ex accusatore amicus fieri velle videbatur.

Nondum humani generis hostis artes suas, nondum maleuolen-

leuolentiam deposuerat: forte siccitas erat diuturna, & terræ ^{Terræ siccitas.} fruges in periculum vocabantur. Multa erat in vrbe supplicatio, indictum ieiunium, interdictum per dies aliquot macellum, ante singulas ædes cerei odoresque ab idolo quopiam imbrem eblandiebantur. Ipse infimus & peculiaris oppidi Gubernator vna cum senioribus è populo pedibus habituque vulgari certis in regionibus è caelo genu flexo & inclinato sepius corpore, imbrem pluuiam postulabant. Sed incallum omnia. nam etiam ipsi sacrificuli nihil choro perpetuo à surdis idolis ^{Postulatur pluuià à Monstro Loca.} audiebantur. Damnatiss igitur simulacris vrbanis, celebre quoddam in eo casu monstrum ex agro suburbano in urbem aduexerunt: Monstro Locu nomen erat. Circumfertur simulacrum, adoratur, donatur, sed eodem, quo Socij, euentu obsurduerat. Vnde prouerbium plebi natum: Locu iam senuit. In pagis etiam suburbanis eadem pietas impia feruebat. In Neophytorum pago quodam, Ethnici vetulam cōiectatricem consuluerunt, quid hoc rei esset, quod à nullo suo Numine audirentur: Illa respondit; Indignatam Quonyn (Deæ ^{Anus consultur.} nomen est) tergum sibi quotidie amburi: notabat Neophytos idola sua concremant. Ergo hoc responso velut oraculo non secus in Christianos incensi sunt, quam si proprijs manibus fruges omnes incendiissent. Ergo coniuratum est à multis fore uti Patrem si denuo reuerteretur, è medio auctorem maiorum publicorum tollerent, & vna Mariam Neophytum, qui prope perpetuus erat Patris Nicolai comes. Audiit hoc ab Neophytis Pater, & vna cum Mario aduolauit, ne martyrij spem abijceret, aut Neophytos in hoc tumultuantium discrimine positos metu deseruisse videretur. Venit igitur & inuenit quotidianis Neophytos disceptationibus laceffitos vicissim hostes animosè laceffere. Aiebant quæ se ab incendio eripere non potest, vnde aquas habebit ad imbrem depluendum, quas si haberet vsura illis videbatur ad incendium à suo

Nnn 3

corpore

corpore restinguendum, ac si fortasse nobis non pluit, quid-
ni vobis subuenit, aut ijs in locis, vbi Neophytos incendiarios
miseræ Deæ nullos esse constabat. Ita Neophyti cum Ethni-
cis ludebant, pluit denique ad agrorum satietatē, & vna cum
siccatate restincta est sitis sanguinis Christiani. Coniurati si-
luerunt, imò iam mollius loquebantur licere cuiq; quam ma-
ximè velit legem sequi. hinc mutationem fecerat audita iam
Tauli in fano sermocinatio & suscepta rerum nostrarum pro-
tectio. Tantum valet in vtramq; partem moderatorum aucto-
ritas, quam experimur à Deo huic Ecclesiæ nouellæ suauis pro-
uidentia his initijs procurari, nec eam tentari finit supra vires,
sed paulatim facit cum tentatione prouentum.

Nanquinenſis Eccleſiæ progressus.

CAVTV DECIMVM NONVM.

P. Cataneſi la-
borum fructus

Paulus primus
Neophytorū
ductor dem-
obit extremū.

NVNC tandem tempus monet, vti alterius Regiæ Nanchi-
nenſis domicilij ſtatim perlutremus. in eo noſtri Sacer-
dotes duo reſidebant, P. Lazarus è Nanciano euocatus, P. Io-
annes Roccia. P. Cataneus benè capta fouit & auxit, amici-
tias Magiſtratum iniuit, Neophytos non paucos Chriſto ag-
gregauit. in his Pauli primi Neophyti filium Martinum nomi-
ne, vxorem etiam, ac familiam denique vniuerſam. Inde A-
macaum valetudinis curandæ gratia eſt reuerſus. Idem vtrius-
que rei ſtadium, qui ſucceſſit Socius accurate promouit: at-
que ita primo biennio Neophyti ſupra centum excreuerant.
eo ipſo tempore diem extremum obiit Paulus, Neophytorum
Nanchinenſium ductor, annos natus quatuor ſupra ſeptua-
ginta: is magnam ſalutis ſuæ ſpem dedit, maxime ardore illo
incredibili rei Chriſtianæ, quoad vixit, promouendæ. Sole-
bat enim optare aliquot vitæ annos, ex quo Chriſto nomen
dedit, eo ſolum nomine, vt exemplo ſuo & auctoritate non-
nullos

nullos ad imitationem permoueret: nec minus, quam Xau-
 ceanæ Matronæ, de quibus supra, domesticum sacellum per-
 elegans extruxit, ad domestica sacrificia feminis celebranda:
 addidit etiam ad latus cubiculum, quo se celebraturus è No-
 stris Sacerdos reciperet: vix ædiculam finierat, cum Dominus
 illum ad se senili morbo percussus, euocauit: & tamen effice-
 re non potuit ægritudo, quin primo, quod ibi celebratum est
 sacrificio interesset. eo in morbo de peccatis confiteri omni-
 no voluit, & id non semel, & qui primas in baptismo tulerat,
 primus quoque pœnitentiæ in ea ciuitate sacramentum obi-
 uit. Inde magna animi tranquillitate diem extremum clausit.
 Filius eius Martinus Parente non fuit inferior: in ea etenim
 regia primus vetitos Christianis legibus in funere procuran-
 do ritus omisit, nihil hominum obloquiaveritus, ac solum ijs
 vsus est, qui sunt è more Christiano: & quidem magno alio-
 rum exemplo. Et reuera non pauci defuerunt obrectatores,
 qui eam rem ex suo quisque sensu criminarentur; prius quam
 funus efferret, (nam Sinæ suorum cadauera diutius aliquan-
 do domi retinent, vt supra sæpius dictum est) ab importunis
 hortatoribus, sese heroico sanè facinore liberauit. primus e-
 nim ausus est, publica inscriptione, fidem Parentis, ac suam
 profiteri: nam loco publico statuit schedulam legendam, qua
 significabat, Parentem suum repudiatis idolis, Christi fidem
 amplexatum, extrema suæ voluntatis significatione vetuisse,
 ne ad suum funus simulacrorum sacrificuli, vel quidquam ali-
 ud, quod eam sectam redoleret, admitterentur: se igitur Pa-
 rentis sui fidem sectari, & extremam exequi voluntatem, Do-
 mi quoque nostræ, & eos dies optimo leni Ecclesiastico ritu
 parentatum est, qui ritus Neophytis eos primum spectanti-
 bus, magnopere placherunt. Redijt deinde recuperata tan-
 tisper valetudine P. Cataneus, & insigni, quam attulerat Dei
 Parentis æligie, cui etiam sacellum nouum concinnauit, Neo-
 phyto-

Filius parenti
 suo parentis
 ritu Christi-
 no.

phytorum feruor accreuit; sed eo ipso anno eadem oppres-
sus ægritudine, denuo Amacaum renaugauit.

Conuersio eu-
iusdā illustris.

Venio nunc ad illustris conuersionis per eos dies in hac
Ecclesia nouella exemplum. Senex quidam annos natus octo
supra septuaginta, è regione domus nostræ habitabat, milita-
rem olim præfecturā moderatus, in filium hæreditatē omnem
transmiserat, is explorata Christianæ legis veritate per famu-
los, facile acquieuit; Filius natu maximus, cum ad simulacra
tradenda ventum esset, vehementer repugnauit, se iam fami-
liæ caput ab ipso parente constitutū, familiam q, velle suo mo-
do moderari. Longum inter vtrumq; fuit certamen, ardor
tandem fidei & gratiæ parentis euicit. ergo sumptis animis
die quodam seruis duobus iam Neophytis & accersito vni è
Nostris mandat, ipso filio præsentē, vti quotquot erant domi
miserorum Deorum simulacra in pyram apud Nostros extru-
endam exportarentur. Obstupuit spectaculo filius, & paren-
tis auctoritatem reueritus, vim afferre non est ausus, sed om-
nem tamen furoris impetum iniuriarū multitudine in ser-
uos euomuit, quæ duobus spolijs onusti, contumelijs ac idolis,
dorum nostram cum ipso sene peruenerunt: ibi damnatis in-
cendio incendiarijs, eo maiore solatio sacras baptismi aquas
admisit, quo eas cupiditate ardentiore expetiuerat; filius quo-
que tandem remittente se vi furoris Nostris conciliari voluit,
sed salutem tamen suam non admisit. Alius per eos dies cog-
nomento Ciū, elutis per Baptismum maculis, in grauem in-
ciderat morbum, vbi vitæ suæ videret imminere periculum,
per confessionem etiam peccata post Baptismum commissas
expiare voluit, & Eucharistiæ se Sacramento munire, vxori
præcipiens, vt sepulturam ritu Christiano perageret, effecit-
que ipsa vna cum famulis vti in eandē secum fidem conspira-
rent. Hac omnia cum magna Neophytorum admiratione fa-
cta sunt.

Mira alterius
conuersio.

In

In pagis etiam vicinis Christiani nonnulli adiuncti sunt, Matrona quædam Marthæ officio fungitur. ædícula extructa apud primarium Neophytum, cuius ædiculæ curam illius vxor sola suscepit, & eam nitidam splendidamque conseruat. eò Nostri quandoq; ad Missæ sacrificium excolendosq; Neophytos illos itabant, & tanta cura Neophyti euocabantur, vt omnes conuenirent, nec hæc solum officia, verum etiam quæ olim Martha Christo Domino exhibebat, eidem illa cognominis, similia Nostri charitatis officia exhibebat.

Anno insequente rei magnæ principium datum est. nam in hac domo Paulus ille præclarissimum huius Ecclesiæ lumen Christo adiunctus est, de quo multa lectorem sperare iubeo, hunc enim Deus elegit ad huius nascentis Ecclesiæ ornamentum. Natus erat in vrbe Scianhai octidui fere à Nanchino intra eandem prouinciam: erat is litteratus insignis, ingenio admirabili, & innata indolis bonitate. ille in litteratorum secta maximè desiderauerat, quod illa maxime reticet, de vita altera, & immortalis animi statu (neque enim apud Sinas vlla secta immortalem animum planè negat) Nulla secta apud Sinas immortalitatem animi negat. audierat, ex idolorum somnijs multa de cælesti gloria ac felicitate commenta, sed vt erat acri ingenio, nesciebat, nisi in ipsa conquirere veritate. Anno igitur 1597. in Licentiatorum examine Pechini renunciatus erat primus; qui locus habet annexam secum maximam dignitatem; sed tamen minus fortunatus fuit in Doctoratu consequendo, quam ille repulsam inter beneficia Dei numerabat, & suæ salutis causam assueuerat. cum enim vnicum filium haberet, veritus merito fuisset, ne familia interiret, à quo natura Sinæ abhorrent supra modum, sed vna cum fide, bona illi omnia deuenerunt: posteritas aucta est Nepotibus è filio duobus, & proximo examine Doctor est renunciatus. Anno quarto post Licentius gradum adeptum in Doctorum numerum erat cooptatus, sed infortunio maxi-

Ooo

mo

Litteratus ille
Paulus mirè à
Deo visione
SS. Trinitat. il-
lustratur.

Num somnijs
habenda fides.

mo excidit: eo quod pro trecentis scriptionibus vnā incau-
tè superaddidisset, quod legibus erat vetitum, atque ita supra
modum mœstus in Cantoniensem Prouinciā secessit, ne re-
ditum quidem ad suos ferens. ibi Xaucei primum iuxta Nostros
incidit, & P. Caraneum, qui tum ibi confidebat, allocutus est,
imaginem Christi Seruatoris salutauit: Nanchini deinde an-
no seculari P. Matthæum conuenit, ac de rebus fidei nostræ,
de qua iam inaudierat, cæpit miscere sermonem, sed ita per
transennam, quod in patriam properaret, vix vt aliud tum
audiuisse credatur, quam Numen id quod nos profiteamur, re-
rum omnium primum esse principium. Verum Deus eum per
seipsum voluisse videtur illustrare. augustissimum enim illi
sanctissimæ Trinitatis mysterium per quietem adumbratum
est. in Templo quodam tria sacella conspexit, in primo figu-
ram vidit vnius, quem ab astante Deum Patrem audiit appella-
ri; in secundo effigiem spectauit alterius cum Regio diadema-
te, illum audiit Deum filium nuncupari: vtramq; figuram in
vtroque sacello iussus est venerari: in tertio nihil vidit & nihil
veneratus est. fortassis enim noluit Deus optimus maximus
eum columbæ specie, qua Spiritum sanctum significamus, ad-
huc Ethnicum hominem offendere. nullum enim apud Sinas
Numen colitur, vlla in secta, nisi humana specie effictum,
huic deinde Nanchini cum Trinitatis mysterium enucleare-
tur, meminit quidem somnij, sed siluit tamen, quod alia oc-
casione audisset à Nostreis, somnijs fidem non habendam. post
multum tamen temporis cum Pechini narraret P. Matthæus,
multa Deum olim seruis suis in somnis renunciasse; quæsiit ex
P. Matthæo, liceret nec ne quibusdam somnijs fidem adhibe-
re, & tunc narrauit magna exultatione, quod commemora-
tum est. Sed ad eius conuersionem ad Christum redeo. An-
no supra sæcularem tertio Nanchinum iterum ad priuata ne-
gotia redijt, & P. Ioannem Roëcia visitauit: in ædem admif-
sus,

sus, Dei parentis effigiem veneratus est, & nonnulla de fidei
 nostræ capitibus inaudijt, quibus subito ira affectus est, ut om-
 nino eam amplecti statuerit, atque ita totum eum diem ad no-
 ctē usque magna animi contentione & gratulatione præci-
 pua fidei nostræ capita percepit: Domum retulit Christianæ
 doctrinæ compendium, & P. Matthæi Catechismum manu
 scriptum, nondum enim in lucem ea editio prodierat, no-
 ctē integram hos duos libros perlegit, & nihil non placuit,
 die igitur insequenti redijt, & iam Christianæ doctrinæ com-
 pendium memoriæ commendarat. Rogabat P. Ioannem, uti
 ad harum rerum explicationem sese accingeret, & quam ma-
 ximè posset celeritate (nolebat enim sine baptismo domum
 redire) quo eum exeuntis anni angustia reuocabant. P. Ioan-
 nes ut experiretur, serio loqueretur nec ne, dixit; opus esse,
 ut octiduo toto semel saltem domum veniret quotidie ad hæc
 audienda: Verum ille, non semel inquit, sed secundo: quod
 etiam præstitit accuratissimè, ac si forte domo abesset P. Io-
 annes, Magistrum adhibebat, aut è fratribus vnum, aut è stu-
 diosis nostris, à quibus res Christianas audiebat. per otium i-
 gitur instructus, eo ipso die baptizatus est, quo patriam repe-
 tijt, unde binas statim litteras scripsit, quibus facile ostende-
 bat, quam altè Christianæ legis mysteria imbibisset. Paucos
 post menses Nanchinum redijt, denuo recudendus, & recto
 itinere domum nostram venit, ne quemquam alium prior sa-
 lutasse videretur. Itaque Pater eum domi nostræ excepit, &
 dies minimum quindecim retinuit, magno domesticorum
 solatio, & hospitis fructu, quotidie missæ sacrificium audiebat,
 & multa quærebat, uti nihil de Christiana fide ignoraret. Pœ-
 nitentiæ quoque Sacramento frequentando instructus, quo-
 ties ad nos redibat, idem magno suo solatio iterabat. maximè
 id fecit, cum Pechinum ad tentandam denuo Doctoratus a-
 leam rediret. sed tunc veniebat cum exultatione, portans ma-

Paulus littera-
 tus itie extimi-
 us sacro fonte
 abluitur.

nipulos suos, duobus enim litteratis & alijs aliquot amicis suis persuaferat iam in patria, vti Christiana sacra complecterentur, & iam abdicatis idolis, sacras orationes eo Magistro didicerant, & non ita multo post baptismo simul omnes eluti fuerunt.

Miraculum de miraculi speciem videtur habuisse. Extra primos Nanchinen-
quodam egro sis vrbis muros iacebat æger, sex totos annos membris omni-
qui & corpo- bus dissolutis; in eam vrbis Regionem forte P. Ioannes con-
ris & animi sa- cesserat ad alios Neophytos visitandos. misit æger, qui ei re-
nitatem acce- nunciaret, velle se fieri Christianum: accurrit latus nuncio
pit.

Claudam hoc caput breui narratione rei cuiusdam, quæ
Noster, Christianæ doctrinæ compendium tradidit: didicit
æger, instructus est, baptizatus est per otium, & suo tempore
eo lauacro non animus solum, sed & corpus salutem inuenit.
nemo fuit ex vniuersa illa vrbis regione, qui non eam rem pro
Diuino prodigio celebraret, sed maiore tamen applausu, quā
fructu. nam omnes illius regionis incolæ perpetuo ieiunio se-
se idolis astrinxerant, & in ea secta tuenda hoc hominum ge-
nus pertinax habetur in primis.

*P. Emanuel Diaz ab Amacaensi Rectore in Si-
nensem expeditionem mittitur.*

CAPVT VIGESIMVM.

IN IAPONIA Insula, quæ vna cum hac expeditione
vice Prouinciam Societatis nostræ constituit, diem suum
obierat P. Petrus Gomez. Propræposito Prouinciali, cui suf-
fectus erat P. Franciscus Pafius, olim in hanc ipsam expeditio-
nem missus ex primis, quam deinde collecto iam dudū amo-
re, magno semper studio promouit. P. quoque Visitator A-
macaum miserat in eius Collegij Rectorem P. Valentinum
Carualium, & quoniam vacabat P. Emanuel Diaz Exrector,
& apud

& apud Sinas nostrorum paucitas in quatuor domicilia dispersa vix consistebat, eiusq; superior P. Matthæus necessario in aula detinebatur, longissimè à reliquis domicilijs, ad quæ non licebat excurrere, multa necessario indecisa remanebāt. Accedebat, Nanciani periculoso morbo sensim cōfici P. Xœrium, ideo missus est ad visitanda tria illa domicilia magis ad Austrum, sed sub ipso P. Matthæo missionis Superiore, sine cuius arbitrato nihil statueret, hac visitatione perfunctus, iubebatur P. Xœrium interim comitari, dum quid noui statueretur. Hanc electionem P. Emanuel ita accepit, velut cui funes ceciderunt in præclaris, magnopere enim afficiebatur ad hanc expeditionem, & eam Amacaensis Rector studiosè promouerat, nihilo minus reliqui Socij in eius aduentu exultarunt, & communibus litteris ad Visitatorem scripserunt, ne qua ex causâ sibi tantus operarius tolleretur.

In his sedibus multa erant, quæ nouus Visitator, non satis tuto statuere poterat, nisi prius communicasset cum P. Matthæo consilia, multa igitur cum P. Cataneo in deliberationem vocabat, & in sua commentaria referebat, quæ deinde cum P. Matthæo conferret. ea igitur ex causâ posteaquam singula domicilia lustrauit, Pechinum est euocatus, quod perutile fuit, ad res domesticas in commodiorem ordinem redigendas. flumine vectus est nullo prohibente, adhibito in socium Fratrem nostrum Iacobo Niua natione Sina, sed apud Iapones nato, qui apud Nostros in seminario artem pingendi non mediocriter fuerat assecutus, quem inde ab Iaponia P. Visitator huic expeditioni destinarat: & postquam se aliquot annos nobis probasset, in Societatem est cooptatus. Duos menses P. Emanuel Pechini substitit, & constitutis cum P. Matthæo permultis, in Australes nostrorum sedes redijt. Nanchino Nancianum ibat P. Caraneus eo consilio, quo prius non semel iuerat; verum Xaucei substitit, ybi paulo melius habere se sensit.

P. Emanuel visitat aliquot domicilia apud Sinas.

P. Emanuel Pechinum nauigat.

Pechini res
Christiana pro
mouetur.

Nonnulli con
uerſi ad fidem.

Nobilis litte-
rari conuerſio.

ſit. Iam Pechini P. Matthæi ſocius P. Didacus Sinenſem ſer-
monem didicerat, imò & characteres ipſos accuratè. ergo ab
utroque capta Chriſtiana res promoueri, fideiq; noſtræ capi-
ta inculcari, quibus faciles aures cuncti, animum vero aliqui
etiam præbebant, nec ij ex infima gente, ſed fere litterati, quos
inter repertus eſt vnus, cognomine Chò, qui vxorem habe-
bat ſororem, primariæ huius Regis coniugis; quod tamen ſi
non tanti eſt, quanti apud Europæos, habet tamen etiam ſi-
mul cum opibus non exiguam dignitatem. In his etiam nu-
merandi ſunt filij duo protomedici Regij, quorum alter iam
primum inter litteratos gradum erat aſſecutus. Ludi Magiſter
etiam quidam Præſidis vnus Tribunalis propinquus, & alter
eiusdem Præſidis nepos, qui prius à Patruo legis noſtræ ſuſci-
piendæ facultatem impetrauit, & videbatur præſentire non
diurnum fore legis recens à ſe ſuſceptæ laborem, tantus erat
in eo ſuſcipiendo ardor. nam intra menſem recenti etiam nūc
innocentia puram, vti ſperare fas eſt, animam exhalauit: ma-
gnum fuit eius deſiderium, quod vna cum eo magnæ ſpes in-
terijſſent. His adde memorabilem cuiusdam litterati nobi-
lis ad Chriſtum conuerſionem. Filius erat Magiſtratus non
inſimi, & ipſe in Bello Coriano militum turmam duxerat, eo-
que munere bene geſto ab Rege ſibi ac poſteris ſtipendiū im-
petrauit, non ita facilis fuit huius victoria: erat enim Ethnicis
erroribus perditè intricatus, præcipuè ſuperſtitioſis illis è ſtel-
lis & naſcentium ortu prædictionibus, verum edoctus eſt, in
his ſæpè dæmonum artem ad fallendos homines immiſceri,
ne ſi nihil ſuccederet, hi ritus omnes pro ineptijs, vt vere ſunt,
haberentur. tandem igitur velut excuſſo graui ſomno ad res
Phyſicas ac Metaphyſicas deductus, oculos aperuit veritati,
& accuratiſſime inſtructus, quo die ſancti Apoſtoli Matthæi
gloriam celebramus, in Chriſtiano fonte renatus eſt, anno ſu-
pra ſæcularem ſecundo, Paulus dictus eſt. nos cum Li Paulum
hæc-

hactenus vocabimus, adiecto cognomine, ne cum altero Paulo, de quo nuper, confundatur. nam vtriusque frequens erit vtcumque sermo: Vix alius fuit his initijs, qui ardentius Christianam pietatem sibi coleret, vel studiosius in alijs promoveret: De eo dicam pauca, nam cui non erit gratissimum, has huius noualis primitias, & velut precoces fructus praelibare? bibliothecam habebat fane copiosam, ad quam expurgandam, triduum totum ab eo nostrisq; consumptum; libri sacris legibus vetiti, in fauillam auolarunt, & omnes prope de hac coniectandi arte praecepta tradebant, ac fere manuscripti, & ideo cariores, aut labore aut sumptu. partem in eius atrio, partem domi nostrae exussimus, idque eo auctore factum est, vt pluribus constaret, in melius mutatæ Religionis propositum, ne importunius vt olim ab Ethnicis ad antiquas nugas euocaretur: è Neophyto subitus, vt Sinæ solent factus est diuini verbi præco: Parentem suam, vxorem, filios, magistrum, seruos, ancillas, familiam deniq; Christo adiunxit vniuersam; idque intra breue tempus. è famulis repertus est vnus, cui cum ab Hero vehementius suaderetur, vti cæterorum exemplum sectatus, Christi fidem amplecteretur, desperate pertinax iurauit, inusitato quodam sacramento, se id nunquam præstiturum, & in sacramenti confirmationem digitum sibi vnum amputauit, & in ignem abiecit, sed tamen seruilè pertinaciam herilis industria peruicit: cum seruo varijs blanditijs agebat, secum varijs corporis afflictationibus & frequenti flagellatione à Deo serui salutem exorabat, ille demum vtroque victus, vna cum vxore conserua pertinaciæ pertæsus, tandem aliquando manus dedit. neq; domesticis solum finibus sese inflammatum eius studium tenuit; nam ad amicos, & alios quotquot poterat penetrauit, & si quid minus faciebat, id inde fiebat, quod nimis auderet, nec tamen omnia in nihilum recidebant, maxime quod nemo erat, qui non mutatos in
melius

Libri Ethnici
cremantur.

LiPaulus è Neophyto factus
diuini verbi
præco.

melius mores admiraretur, & breuius exemplis quam verbis promoueretur. in idolorum sectis longo studio multa deprehenderat, quæ nostris aperuit, & valuit ea res non parum ad errores apposite confutandos: Sacerdotes nostros non solum venerabatur, sed fratres etiam & alumnos, imo & seruos, & quidquid domi erat, id pro sacro habere videbatur: Domi suæ priuatam ædiculam elegantissimè concinnauit, eò Nostri subinde ad Missæ sacrificium instruendamq; familiam ventitabant: misit domum filium, qui consultò edisceret eos ritus ac preces, quæ à sacrificij ministris sciri oportet, & cum primum ipse in æde nostra publica sacris operanti ministravit, domestica celebrans fuit, qualis apud nos esse solet, cum aliquis primum sacris operatur.

Actus pœnitentiæ Neophytorum.

Formula contritionis ante Baptismum.

Ante admittendas in caput sacri Baptismi aquas inductum est à Nostri, uti Neophyti actu aliquo peculiari de peccatis conterantur, id faciunt nixi genibus ante aram, præeunte, si quis nondum satis exercitatus habetur, vno è nostris: ex ea consuetudine natum est, uti aliqui maxime litterati, sua sponte domi scriptam hanc peccatorum detestationem, ac velut fidei protestationem, secum legendam adferrent & sane plerasque oportuisset in hunc locum referre, quæ fortasse non sine magno pietatis sensu, ut à nobis audiri, ita ab Europæis legi posse iudicantur: sed ad euitandam in re eadem similitudinem, hoc loco vnicam Li Pauli attexam, de quo nunc agebamus, è qua reliquas licebit per facile coniectare. hæc igitur ita se habet: Ego discipulus Li Paulus toto animo & accurata sinceritate suscipere volo sanctissimam legem Christi, unde quantum licet animi oculos sursum ad celi moderatorem erigo, cum quoque precor, uti aures suas ad me audiendum adijcere ne dedignentur. Fateor igitur, me hac Regia Pechinensi natum, nunquam præteritis annis quicquam de diuina lege inaudisse, nec in homines sanctos ac perfectos eius præcones incidisse, unde

vnde ego in omnibus vel operibus, vel sermonibus diurnis æ-
què ac nocturnis horis errabam, vt homo cæcus ac demens,
nuper diuina miseratione fortunatissimè incidi in eminentes
absolutissima perfectione, & claros homines ex Europa, Mat-
thæum Ricium, & Didacum Pantoya, ab his accepi ac didi-
ci sanctissimam Christi legem, & admissus sum ad eius imagi-
nem Diuinam videndam atque venerandam: hinc cognosce-
re capi Patrem meum cælestem, eiusq; legem quam ad orbis
salutem dedit. Quid igitur, audebo non ex animo ad eam le-
gem venire, eamq; sequi & obseruare? Verum considero me
ex hoc ipso tempore, quo natus sum, ad hanc trium & qua-
draginta annorum ætatem, in huius legis ignoratione iacuisse,
vnde euadere non potui multos lapsus, in varia scelera & er-
rores incidi, quamobrè supremū Patrem rogo, vti liberaliter
sua mecum pietate & clementia vtatur, & deleat condonetq;
vniuersa, male parta, fraudes ac errores, impudicitiam ac sor-
des, temeraria verba, prauaq; alijs nocendi desideria, imo
quodlibet aliud crimen, seu graue sit aut leue, siue patratum à
me consulto, aut inconsulto; nam spondeo me ex hac ipsa ho-
ra in posterum post acceptam magna veneratione sacram a-
quam peccata vitaturum, meque ipsum emendaturū, eumq;
veneraturum, ac eius legem seruaturum, fide adhibita vniuer-
sis, quæ illius sancta lex docet, & omni studio collato in de-
cem eius præcepta obseruanda, à cuius studij obseruatione
cupio, ne punctum quidem aut momentum cessare, antiquos
mores prauos, & huius seculi errores abiuro, & quidquid mi-
nus conforme est sacris Diuinæ legis institutis damno, idq; in
perpetuum, nulla re simili vnquam reuocata. hoc vnum te
pie Pater & clemens rerum omnium effector rogo, vt quoni-
am hæc sunt vitæ melioris initia, & Tyrocinium legis auditæ,
nec adhuc satis capio, quæ sunt in lege tua subtiliora & perfe-
ctiora, vti velis intellectum mihi largiri ad eas res penetran-

P p p


das,

das, ad quas hominum vires pertingere non possunt, ut deinde tuo fauore res intellectas, in opus redigere sine vlla intermissione fortiter possim, uti ab erroribus & fraudibus liber viuens ac moriens, breui pergam ad fruendum tua in cælis præsentia: interim rogo ut hac lege suscepta, facultatem mihi facias eam euulgandi, ut faciunt serui tui per orbem vniuersum, & hominibus omnibus persuadendi, uti eam amplectantur. Magna veneratione te obtestor, ut hoc votum meum respicias, quod ex animo tibi conceptis verbis offero, uti à Diuina tua maiestate audiatur. Hæc autem erat subscriptio: In

Regno Tamin Anno Vanlie Regis trigesimo,
octauæ lunæ die sexto.



Finis libri Quarti.



DE

DE CHRISTIANA

EXPEDITIONE APVD SINAS

AB SOCIETATE IESV SVSCEPTA.

Liber Quintus.

*E Iaponia reuersus Amacuum Visitator huius
Expeditionis res componit.*

CAPVT PRIMVM.

Res Christiana Sinensis quatuor iam Domicilia So-
domicilijs continebatur, itaque disposita erat, ut ciorū quatuor
vniuersum Regnum, quantum latissimè ab austro
in Boream patet, amplecteretur. nam ab ortu in
occasum vix dum nostri penetrarunt. Hic igitur rerum status
paucis annis ex Regiæ sedis firmitate ita stabilitus est, vt iam
nūc in reliquis, Christianam legem videas efflorescere, ignem
semel accensum latius indices serpere, multos Neophytos pa-
lam, nemine prohibente, fidem suscipere, ædes nostras, sacri-
ficia, conciones, ac reliqua sanctissimæ Religionis Christi ex-
ercitia, consens omnibus fieri, in ædem nostram Ethnicos
quoslibet, etiam litteratos, Magistratusq; grauissimos adue-
nire, Christi effigiem venerari. Hæc igitur Visitator ac cæte-
ri Socij cum aliquot annorum lapsu confirmata inaudissent,
perpensis huius Regni legibus ac moribus, mutationem hanc
esse viderunt dexteræ excelsi: ac tæ ab ijs non solum gratiæ fue-
runt, quod tandem aliquando Sol ille Diuinus, tot seculorum
tenebras dissipare cepisset, verum etiam certatim non pauci
ad eam vineam studiosius excolendam sese accinxerunt. è
paucis his nostrorum sedibus breui fama in quindecim pro-

E paucis sedi-
bus fama So-
ciorū in quin-
decim provin-
cias emanauit

Ppp 2

uincias

uincias emanauit, & eundo vires capiens excreuit, vt solet supra veritatem, imo etiam Regni fines egressa, varijs vijs sparsit, quæ optata sunt quidem, sed nondum ad hanc vsque diem perfecta. in Europa enim celebrabatur, Sinarum Regem fidem Christi amplexatum, facultatem cuiuslibet factam eandem amplexandi, & Euangelij quaque versus euulgandi. Itaque varij ex alijs ordinibus sacris hispanica nauigatione per Insulas Philippinas Religiosi ad auxiliarem nobiscum manum conferendam accurrerunt, sed nondum porta ita latè patuerat, vti eam fama mentiebatur.

Visitator Amacum nauigat ad rem Sinensem stabilendam.

Socij in Sinas destinantur.

Visitator è laponia rerum magnitudine permotus, Amacum renaugauit: vt è proximo hanc expeditionem componeret, deque necessarijs subsidijs ei prouideret. visa enim res est Iaponensem spem longe superare: nulloque alio tempore post Apostolorum in orbem vniuersum excursionem, peculiarem aliquam expeditionem rei Christianæ causa susceptã, maioris fuisse momenti. Vix appulerat, cum ad res exponendas coram, Patrem Emanuelem euocauit, & Patrem quoque Matthæum volebat, si ab Regia diuelli potuisset. Audito igitur Visitatoris aduentu, P. Emanuel vnà cum P. Cataneo Amacum properat, à quibus Visitator omnia, summa animi lætitia, supra opinionem intellexit, statuitq; omnibus, quibus potuit præfidijs, rem tantam promouere: vno verbo concessit, quidquid à Socijs petebatur, & omnia ei videbantur exigua modestaq; Sociorum postulata. quoniam vero maxima erat operatorum penuria, qui difficillimum sermonem edicerent, ac tandem rem ita arduam, quo altius possent, eucherent, primum omnium Patrem Emanuelem in suscepta expeditione confirmavit, eoq; excepto alios octo magnis dotibus præditos, qui tunc Amacai degebant, nominauit: plures alios in aduentum Indicæ nauis, quæ Socios aduectura erat, promisit. sed non erat hæc vna magni eius animi cura. nam ad

Nostro-

Nostorum sustentationem necessarij sumptus erant conqui-
rendi: quod enim ab Rege Catholico stipendiū Nostri pen-
di iuebatur, id sæpè Ministri in alias Reipublicæ necessitates
conuertebant, neque oportebat his initijs Neophytos graua-
ri Apostolico exemplo. quanquam in Neophytis minus erat
periculi quam in Ethnicis, à quibus dici procliue erat, Socios
in Europa tenues ad Sinensem copiam nauigasse, & vt stipem
emungerent, varias fabellas confinxisse. Ergo computatis sin-
gulorum domiciliorū sumptibus, reperit, in ea rerum vena-
lium vilitate, in victu vestituq; aureos triginta pro singulis suf-
ficere annuatim. Statuit præterea, vt in posterum Iaponensis
Procurator, qui tum Amacai confidebat, rem Sinicam cura-
ret, fecit etiam facultatem aliquos in Societatem Nostram a-
dolescentes Sinas Amacai educatos admittendi; adiunxit alia
permulta in templorum ornatum & domesticam supellecti-
lem, & ad solita cum amicis, magistratibusq; munuscula. nec
pauca corraferunt etiam P. Emanuel ac ceteri Socij eleemo-
synæ nomine ab Lusitanis negotiatoribus, quibus hæc nostra
expeditio semper cordi fuit. multa etiam disputata, quæ ali-
quam habere difficultatem videbantur, & deinde insigni pru-
dentia decisa sunt. Et vt liberius hæc expeditio gubernari pos-
sit, P. Matthæo rerum Sinicarum iam perito vniuersam tra-
didit administrationem, eumq; ab Amacaensis Collegij Re-
ctore dependentia exemit.

P. Matthæo re-
rum Sinicarū
administratio
traditur.

His rebus ita constitutis, nominati socij sese ad expeditio-
nem accingebant, sed subitum infortunium rem omnem si-
non exturbauit, saltem non mediocriter interturbauit. per
eos dies Amacaensis oneraria in Iaponiam iam iamq; solutura
à pyratis Batauis, qui hæc maria iam aliquot annos infestabāt,
intercepta est, & quoniam cum vniuersis mercibus expilata
est, magnam in Amacaensi oppido rerum omnium egestatem
inuexit, sæpè aliàs enim dixisse me memini: in hac oneraria

Oneraria na-
uis à Pyratis
intercipitur.

Ppp 3

totius

Noui coloni
Socijs in Sinas
nauigant.

Socij ab Eunu-
chis vectigaliū
exactoribus
vexantur.

totius oppidi spes & opes nauigare. nullus vrbe tota ab hoc infortunio intactus fuit, nostra vero Societas priuatim incredibilem iacturam fecit: iam enim in onerariam illam imposita fuerant Iaponensis expeditionis præsidia. Visitator noster his casibus affluens nihil animo cecidit, ac tametsi non cum operatorum numerum, aut necessariorum sumptuum apparatus misit, quem ante destinarat, cum P. tamen Emanuele tres alios Sacerdotes destinauit, & quod satis esset ad præsentes angustias laxandas, familiaris rei subsidia subministravit. ex his nouis colonis P. Bartholomæus Tedeschius Xaucei cum P. Nicolao Longobardo remanere iussus est: quibus deinde accessit P. Hieronymus Rodericus Lusitanus. Nanchinum autem nauigauit Socius P. Rocciæ futurus, P. Petrus Riberius. his deinde postmodum accesserunt alij duo, P. Alphonsus Vagnonus Pedemontanus, & P. Felicianus à Silua Lusitanus. Rector vero P. Emanuel Nanciani eo consilio substitit, vt inter tres sedes illas sibi subiectas medius commoraretur. cum his etiam venerat P. Galpar Ferrerius, qui Pechinum ad duos Socios tertius amandatus est. P. Cataneus Amacai detentus est, vt & valetudinem curaret, & Sinarum, qui eo in oppido cum Lusitanis negotiantur, animos ad Christi Religionem inclinaret: id vt melius fieret, eum habitum retinuit, quo Nostri in Regni penetralibus vtuntur. In hoc Sociorum ingressu non defuere quidem in Telonijs impedimenta, sed ea solum de sarcinis, quas aduehebant, quarum vectigalia Eunuchi solito seuerius exigebant: verum fratrum nostrorum industria res ita compositæ sunt, vt optari in Europa melius multis in locis vix posset. Præ cæteris vexatus est P. Galpar Ferrerius, dum Pechinum nauigaret ab Eunucho nauigij Praefecto, qui sarcinas nostras in ripam per vim, medio in itinere cyciebat, nisi paucis aureis, quos ipse hac iniuria emungere parabat, placatus fuisset. In Regiam denique peruenit, sed ecce in portu nau-

tu naufragium subuersa naus sarcinas omnes nostras in flumen excussit, quarum pleraque perierunt, & iactura supra ducentos aureos fuit, quæ in his angustijs rem quoque domesticam strictius coarctauit. inter cætera periit insigne ex inaurato striatoq; ligno imaginis ornamentum, & alij sacri apparatus. hanc fortunam inuexit ingens aquarum eluuiò, ex incrementibus imbribus eo anno præter ordinem, quæ ipsi quoque Regiæ permagnum attulit detrimentum: nam plurimas ædes secum abduxit flumen extra suos fines vagum, quibus reficiendis Rex sane liberaliter aureorum centum milia ingenos distribui è suo ærario iussit. iam exscenderat P. Gaspar, & solus cum sarcinis ac famulis remanserat è fratribus nostris Sebastianus, hi nonnulla tamen ex aquis eripuerunt, & plura seruassent, nisi nauis ipsi ferociore flumine alia multa furto subducta demersissent. creptum est tamen magno Dei beneficio sacrum bibliorum volumen octo tomis à Plantino typis excusum, & eleganter concinnatum: id Cardinalis sancti Seuerini Socijs in expeditione Sinensi occupatis dono miserat. arca cum alijs quibusdam seruabatur, quæ diu in flumine natavit, & nauarum quorundam cupiditas fecit, vt enataret: verum ubi aperta libros prodidit, quos minimè legebant, eos haud grauate fratri nostro restituerunt, exigua largitione sollicitati: & Dei quoq; beneficio ita enatauit, vt vix sacræ volumina aqua tetigerit. exceptum est à nostris ac Neophytis magna pompa ipso die Virginis in cælos assumptæ, sub missarum solemnia. qui enim illud gestabat, ab Acolyto incensebatur, & deinde in mensam impositum genibus flexis singuli sunt deosculati, gratiæq; Deo redditæ, quod illud mille periculis per tot maria è recenti naufragio eripuisset. plures quoque ad id videndum domum nostram adueniunt, & typorum maiestatem admirati, dicere solent; insignem sine dubio eo volumine doctrinam contineri, quam homines tanto studio concinnarunt.

Naufragium
in portu Pechi
nensi, & sarcina-
rum iactura

Sacrum Biblio-
rum volumen
naufragio ere-
ptum cohone-
statut ritibus.

narunt. Neophytis auctoribus Nostri sua furto sublata recuperare tentarunt, & ad eam rem amicus ille noster Fumo Càn, qui in vinculis adhuc detinebatur, eam rem in se suscepit, cuius auctoritate Nauarchus ac nautæ cæteri comprehensi sunt. & quoniam amici Magistratus, latrunculos vrgebant acrius, Nostri commiseratione permoti, ab ulteriori inquisitione destiterunt, & amicus hac moderatione legis etiam Christianæ pietatem prædicabat. Scrinium tamen quoddam cum sacris reliquijs restitutum, & alia nonnulla minoris momenti, quæ conatum non plane irritum reddiderunt.

Quanta legi Christianæ dignitas è libris P. Matthæi hoc tempore excussis accesserit.

CAPVT SECVNDVM.

Litterarum in hoc regno studia, cum ita florent, vti libro primo commemoratum est, pauci apud eos omnino reperiuntur, qui non ea studia plus minus degustarint, imo quod huic Regno peculiare est, satis constat sectas omnes scriptis potius voluminibus, quam habitis ad populum sermonibus fuisse euulgatas; cum enim ipsi à cætibus cogendis abhorreant, ad hoc significandæ rei nouæ refugium recurrerunt. ea res nostris nihil nocuit. nam apud gentem libris legendis addictissimam, nescio an efficacius lecta per otium persuadeantur, quam si à Nostreis minus semper facundis in sermone peregrino ad populum è loco Superiore exponeretur. quod non ita intelligas velim, quasi diebus festiuis ad Neophytos sermones omittantur, sed de Ethnicis loquor, qui libris scriptis alliciuntur, & priuatis deinde colloquijs perpoliuntur. E vulgari igitur librorum legendorum studio euenit, vti nullo negotio rei Christianæ capita memoriæ commendent, domi suæ libros pios legant, propinquis amicisq; communicent, quæ
res

Sinæ in legendis libris multum occupantur.

res à Nostreis animaduersa, omnes omnino ad litterarum studium inflammavit. ac tametsi longa sit ac molesta commentatio, tamen assiduitate & ingenio, Diuina benignitate adiutis, labores ac molestiæ omnes vtiliter collocari videbantur, maximè quod alias sit res admirabilis, & orbi reliquo plane inusitata, quod liber quilibet editus non solum per quindecim vastissimas huius regni Prouincias cum fructu percurrat, sed ab Iaponensibus etiam atque Corianis, imò & Caucincinensibus, Leuchicis etiam & alijs Regnis intelligatur, non secus atque ab Sinis, tametsi sint inter se sermone toto cælo diuersi, quod ideo fit, quia characteres hieroglyphici singuli res singulas designant. & si in hunc modum totus orbis conspirasset, poteramus scriptis characteribus animi nostri sensus ijs aperire, quibus cum loqui sermonis varietate prohibemur.

Hoc litterarum Sinensium studium, primus omnium tempore P. Matthæus inchoarat, qui postea in ijs, quæ ipse didicerat, confirmatus, cum litteratorum admiratione, qui nondum externum legerant, à quo quippiam discere potuissent. Hoc igitur capite ea res consulto tractatur, ne posterius nesciant, quantum in hac vna re subsidij positum esse iudicetur, & qui hæc legerint Europæi, non male in hac ingeniorum fertilitate sua studia collocata arbitrentur. Cæpit igitur P. Matthæus, vt supra dictum est, à Cosmographicis & Astrologicis præ-

Libri à P. Mat-
thæo Sinice
conscripti.

ceptionibus. & quanquā nihil admodum rari attulerit, quod non è triuio litterati in Europa norunt, apud eos tamen, qui

Qq q

rum

rum animi affectionum moderatione, tractatus breuissimos quinque supra viginti composuit, quos sententias Sinæ appellarunt. hoc opusculum ab amicis lectum, priusquam lucem videret, ita probatum est, vt incredibile illis videretur, apud externas nationes, quas ad eam diem barbaras omnes arbitrati fuerant, ita recondita aptaq; inueniri potuisse, & certatim omnes ea exscribebant, ipse vero Fumocàn, de quo sæpe supra, cum exemplar vnum accepisset, typis mandauit, accepto in operis laudem eleganti proëmio, quo cōfert hoc opus cum alio simili ab idolorum sectarijs olim edito, cui nomen à duobus supra quadraginta paragraphis impositum est: neque cōfert solum sed ita præfert, vt litteratos omnes inuitet ad id legendum, & vanitatem virtutis superstitiosis coloribus adumbratæ cum veritate illius, quæ è Christianis fontibus hausta est, suo iudicio conferant, calculoq; confirmant, videantq; vtrum opusculum priuatis commodis accommodatius, & publicæ rei vniuersim vtilius esse iudicetur. huic proëmio aliud addidit Paulus noster, & opusculi finem epilogo clausit, vnde magna huic operi auctoritas ab vtroque accreuit; legi vero Christianæ tanta, quantum sperare par erat à viris tantis, & priuatim à Paulo nostro, qui fuse laudanda illius acceperat instituta, & seipsum ea non solum probare, sed etiam amplexatum profiteretur.

Catechismus
à P. Matthæo
castigator edi-
tus.

Eo ipso tempore incommodo cuidam occursum est non mediocri. prima compendij doctrinæ Christianæ scriptio à nostris adhuc imperitijs prodierat interpretū fide concinnata: ea res Nostri ex quo oculos aperire cæperunt, satis trunca visa est, itaq; P. Matthæus accurate opusculum reuidit, auxit, & damnatis cæteris, hoc vnum euulgauit. Doctrinæ Christianæ amplior tractatio scripta quidem erat, sed nondum excusa, quam P. Matthæus ita concinnarat, vt Ethnicis potissimum eam accommodaret. Neophyti enim catechisticis præle-

prælectionibus quamdiu sunt Catechumeni, & frequentioribus cohortationibus, postquam Christo aggregati sunt, satis instrui posse videbantur. Itaque argumentis e lumine natura nobis indito erutis, tota res magis quam sacrarum litterarum auctoritate nitebatur. his enim iter complanabatur ijs mysterijs, quæ à fide pendent, ac scientia diuinitus reuelata. Non deerant etiam ex ipsis Sinarum voluminibus antiquis, quæ ad rem nostram facere videbantur, testimonia, quibus opus vniuersum non ornabatur solum, sed etiam apud credulos rerum suarum lectores confirmabatur. in hoc etiam volumine sectæ apud Sinas euulgate omnes confutabantur, ea excepta, quæ ab lege naturæ orta, Confutatio Principe maxime declarata est, eaq; litteratorum secta nuncupatur. hanc enim, ut apud antiquos iacet, vix in paucis merito reprehendas, ita in errorem vix incidit homo parcissimus ea dicendi, quæ non satis scire se arbitrabatur. hanc igitur sectam Nostri ad suas partes trahunt, & solum ea dicunt addenda, quæ post ipsum Confutium contigerunt, ipse quippe annis supra quingentos Christi Seruatoris in terras aduentum præcesserat. vnde aptè videtur mihi Doctor Paulus in omni confessu respondere: quoties enim interrogatur, in quo potissimum lex Christiana sita sit, quatuor syllabis aut dictionibus rem totam aptè definit: Ciue sò pu giu: id est; Idola resecat, Litteratorum legem supplet. In hoc igitur tractatu hæc fere continentur; primum probatur vnum esse principium ac Numen, à quo omnia orta sunt atque gubernantur: hominis animum esse immortalem: prauis actionibus pœnam, præmium bonis parari: & hoc in altera vita maximè: animorum pythagorica transmigratio Sinis familiaris confutatur: ad extremum de Deo etiam homine perutilis ingeritur tractatio: inuitantur postremo Sinæ omnes ad eam legem: quæ hîc perstringitur potius, quàm exponitur, ab nostris expetendam; hoc opus maximè necessarium

Doctrinæ capi
ea quæ in volu
mine P. Mat
rhæi continen
tur.

erat ad res nostras breui tempore in Regnum vniuersum immittendas: & quoniam obiter etiam tangebantur multa, quæ sæpè à Nostris quæri solebant; ingestaq; velut pro condimento curiosa nonnulla ad alliciendum lectorem, legi fere solebat non sine voluptate: hac etiam ratione satisfiebat assidue postulationi eorum, qui de lege nostra quippiam audiebant: nam solebant librum aliquem petere, in quo hæc ipsa otiosius legerentur: cum occupatis etiam Magistratibus breuiore colloctiones hoc libello supplebantur, quibus semper plus otij erat ad legendum, quam ad colloquendum, ex insita maximè legendi propensione.

Volumen P.
Matthæi idolorum
sectatores pupugit.

Ea res idolorum sectatores, quibus in re vanissima propugnanda arma desunt, grauiter pupugit, à litteratis quoque nihil periculi nobis imminere posse vidimus, quos pudebat propriam professionem refutare. Itaque inuentum fuit plane Diuinum, vt haberet etiam suos fides nostra propugnatores, aduertisse Nostros initio litteratorum placita nihil admodum cum Christianorum lege pugnare: ne si omnes omnino sectas confutarem, auctoritate obruti ac multitudine silentio perpetuo damaremur. Hæc igitur tractatio iam quartum, etiam ipsorum Ethnicorum opera, varijs in prouincijs lucem aspexit. Fumohàn ille litteratus suis sumptibus excudi exemplaria multa voluit, quæ deinde Nostris tradidit, vt ea gratis, cui maximè vellent donarent: eam vero nūmorum summam, quam ad eam rem contulit, scripsit Nostris debere se restitutionis nomine, quod olim nescio, quid à quodam accepisset eo nomine, vti aliquod ei obsequium præstaret, videri autem sibi, nullum aliud opus vtilius facere se posse, quam si legis sanctissimæ tractationem in quam plurimos euulgaret: hæc fecerat etiam tunc Ethnicus, quid eum facturum arbitraris, si vita ei annos aliquot in Christiana Religione concessisset.

Aliud P. Matthæi opus, quod paradoxa nuncupauit, non paucio-

pauciores habuit obrectatores, quam superuis; ideo quod multa contineat, quæ Sinis noua & hætenus inaudita morum præcepta; hæc fere sunt: Moris cōmentationem continuam ad vitam recte instituendam prodesse quamplurimum: Vitam hanc continuam esse mortem: in ea præmium operibus nostris, ac pœnam debitam non omnino persolui, sed in aliam reservari: Difficile esse, sed vtile silentium, loquendiq; parcitatem; Cuique opus esse actiones suas excutere, seque ipsum de male actis plectere: hæc & similia plura varijs rationibus, sententijs, apophtegmatibus similibus, & exemplis confirmata; citatis ad eam rem Philosophis ac sanctis Patribus, & ipsis sacrarum scripturarû libris mire placuerunt: & auctoritatem huic libro conciliauit, singula paradoxa singulis colloctionibus inducta cum grauissimis Magistratibus, cum quibus olim P. Matthæus de his ipsis materijs copiosè tractarat. Porro si quod in huius operis laudem præmia edita sunt à celeberrimis viris, in vnum opus compilarentur, longior esset præmiorum lectio, ipsius commentarij, de quo agitur, lectione. in his præmijs non vtilitas solum huius lectionis commendatur, sed Europæa ingenia, librorum multitudo, lex Christiana, summis laudibus extolluntur. Nostri vt illud euulgarent, quamplurima exemplaria hinc inde submittebant, & hoc maxime modo munusculorum obsequia solitis temporibus obire consuevit: amici quoque nostri typographos domum nostram mittebant, vt exemplaria sibi excuderent in familiares quoque suos euulganda; primam huius operis editionem ita primus annus exhaustit, vt anno proxime insequenti bis recusus fuerit; In Regia Nanchinensi semel, ac iterum in Nanciana Prouinciæ Chiansinensis Metropoli.

Huius operis lectione vnus è grauissimis Magistratibus in Regia Pechinensi, qui Tauli nuncupabatur, mirificè captus est: domum is sua sponte venit, mirantibus nostris rem in eo

Qqq 3 viro

viro insolitam; nemo enim ad eam diem erat tam prope tam proculq; nobis, vt ait ille de Nouio. postquam P. Matthæus cum eo confedit, ita exorsus est: Tūc es huius voluminis auctor, & volumen protulit. modeste annuit P. Matthæus, se in eo concinnando pro modulo adlaborasse. Tum ille. Operis huius scriptorem, inquit, oportet virum esse plane sanctum: ego vero nec soleo. nec vnquam volui, viris sanctis obrectare: ergo condones mihi velim superiores inimicitias, quas futura posthac familiaritate cōpensabo. inde ad alia digressum est. Hæc ille. Alij vero non pauci sæpe dicebant, nihil à simili externorum genere sibi timendum: qui enim hæc studia sectantur, fieri non posse, vt mali quippiam publicæ rei moliantur.

*Paulus in Philosophico, Martinus in Militari
Senatu, Doctorum gradus assequuntur.*

CAPVT TERTIVM.

ANNO supra sæcularem quarto, in Regiam Pechinensem venit Paulus noster, iam Sinenfis diu Licentiatus, vt supremi Doctoratus aleam in publicis examinibus denuo tentaret: venit quoque Nanchino Martinus, eundem gradum in Militari Senatu ambiturus: hi erant ex optimis primarijsque Neophytis fere lumina è Prouincia Nanchinensi, quibus mire placuit stationem Nostris ea in Regia stabilem constitutam esse, & rem Christianam felicibus auspicijs procedere. His quoque nihil magis erat curæ, quam Sociorum ædem sacram frequentare, animas per confessionem expiare, & se diuino epulo reficere, id sanè, quoties Paulus fecit, lachrymas nec ipse, nec qui aderant, tenere potuerunt. Neuter eorum ante susceptam Christi fidem, supremum hunc gradum suscipere valuerat, nunc verò, auxilio diuino freti, cum in arenam descendis-

Paulus & Martinus Doctores renunciantur.

scendissent, peculiari decertandi more, vterque in proprio Senatu Doctor est renunciatus. Martinus porro, Cuius cognomento, paucis post mensibus praefectura Militari donatus est in Prouincia Cechiana, & sex deinde mensibus vix elapsis, in aliam maiorem dignitatem Nanciani euectus est, nec ita multo post, prope ad summa euasit, ita vt non per solitos honorum gradus ascendisse, sed saltu exilisse videretur. Cuius Paulus in Doctoratus renunciatione non obtinuerat è primis locis nomen, ideo ex huius Regni consuetudine, oportebat illum extra Regiam non infimos gerere Magistratus, & deinde paulatim ad maximos aspirare. Verum Diuina prouidentia, quae eum ad rei Christianae praesidium in vrbe Regia elegerat, inuenit modum, vti Pechini retineretur, & supra spem in maxima dignitate collocatus,

Renunciatis igitur trecentis & octo Doctoribus Regno: aliud examen instituitur ad eligendos Litteratos Regios: qui in Collegio consideant, quod Hanlinien appellatur: ex toto vero numero, quatuor fere supra viginti dumtaxat renunci-
antur, electi scriptionis (vt in reliquis gradibus) bonitate: hi sunt maximi toto Regno Magistratus, & si quando ad Rempublicam euocentur gubernandam, semper in apice dignitatum primo saltu collocantur: de his libro primo plura dicta sunt. Nolebat hanc aleam subire fortunae suae desperatione Cuius Paulus: Verum cessit denique Sociorum ac Neophytorum precibus, memor se has dignitates, non nisi ad rei Christianae bonum optasse. in hoc igitur examine meliore fortuna
usus, quarto loco renunciatur, quod illi cessit perhonorifice, ac Nostris incredibilem laetitiam conciliauit: nondum trutinatum finis. hi enim quatuor, ac viginti non ita renuntiantur, vt statim è Regio Collegio censeantur; sed solum vt ius habeant, ad eum ingressum procurandum: postquam aliquo tempore sub Collo summo Magistratu exercitati, extremam
aleam

Litterati Regij
renunciatur.

Paulus inter
litteratos regi-
os censeatur.

aleam certantis cum Minerua fortunæ tentarint: ex his enim quatuor & viginti, duodecim, summum quindecim eliguntur: hæc examina plura sunt, & in singulos menses instituta, in quibus ipse semper renunciatus est vnus, & non rarò primo loco. id quoniam sæpè accidebat, ne commilitonum inuidiam in se concitaret, & prima omnia præripere velle videretur, ab examinibus in posterum abstinuit (hoc enim est cuique liberum) & ea modestia commilitonum animos sibi deuinxit. nec quicquam de sua deperdidit dignitate.

Paulus parentem ad fidem Christianam conuertit.

Securus igitur nunc de sua & Collegij Societatis in vrbe Regia statione, vires omnes cōtulit ad Socios fouendos, remque Christianam promouendam: insuper raro pietatis exemplo ac vitæ sanctimonia Neophytos omnes in imitationem, Ethnicos in admirationem rapit, à quibus viris Principibus sæpè dicitur, quis est qui possit Ciù Pauli vitæ sanctimoniam exæquare: Parentem suum annorum supra septuaginta in Regiam euocauit eo consilio, vti Christo prius nomen daret, quam extremum diem clauderet, & tandem ab eo impetrauit non sine labore, vel suo vel nostrorum, vti eiuratis idolis suum agnosceret conditorem, quod oportune cecidit in ea ætate, vix enim sesquiannum, baptismo superuixit. Hæc de Paulo nunc satis, postea suo tempore plura commemorabuntur.

Li Pauli feruor in frequentatione Sacramentorum.

Hæc igitur Pechinensis Ecclesiæ incunabula paulatim in infantia educebantur: ad quã rem non solus Ciù Paulus adiunabat: sed alij quoq; Neophyti, quib⁹ Ciù Paulus in Sacramenti Pœnitentiæ frequētatione facē prætulit. Filius eiusdē, & q^{ui} magis mirere, vxor eum secuti sunt. & sanè in hac mulierum solitudine res perdifficilis habebatur, & in Regia quidem Pechinensi huius difficultatis cuspidem hæc, de qua nunc agimus, prima perfregit: cupiebant etiam sacro tandem epulo refici: sed ad æstimationem ex dilatione concipiendam No-

stri

stri in ea re concedenda solent esse tardiores : causabatur ergo qui huic familiae erat à Confessionibus, oportere primum saepius poenitentiae Sacramentum iterasse, ne quid in animo criminis in hoc tanto hospite recipiendo resideret : ergo Li Paulus ne diutius differretur; non solum celebrioribus, aut etiam Dominicis, sed etiam feriatis intra hebdomadam diebus, quotidiana peccata poenitentiae Sacramento expiabat eo consilio, uti Confessionum numerum adlegaret : & longitudinem dilationis hac frequentatione amputaret : Denique tantis votis ultra negari non potuit caeleste cōuiuium, Paschalis celebritas nominata est, quo die tantam fudit vim lachrymarū, ut Neophytis circumstantibus pietatem inflammaret : inde quoties celebrius aliquid Ecclesia cōmemorandum colit, idem iterabat : pridie vero quam sacro epulo reficeretur, Ecclesiastico ieiunio corpus macerabat, & die quoque insequenti ad beneficij memoriam ieiunium repetebat : exploratores habebat nescio quos domi, è quibus omnia, quaecunq; nostri faciebant expiscabatur, uti ipse imitaretur : itaque quoties domi ieiunabatur, aut aliquid aliud fiebat, id omne Li Paulus domi suae faciebat. iam de sacra peccatorum indulgentia inaudierat, ergo multis precibus aliquid huiusmodi impetrauit, & quoniam legebat in formula ei omnia peccata condonari indulgentia Pontificia, qui Ethnicum aliquem ad fidem conuertisset, dici vix potest, quantum ex ea referuenti iam desiderio ardoris accreuerit : nam huius sacri lucri cupiditas eum velut adauctis calcaribus, vrgebat ad currendum, totos igitur dies ipse hanc praedam venabatur. mirum quanti sacri Chrysmatis in Confirmationis Sacramento vñtionem peroptaret, & vix se continuit, quin ea ex causa ad Episcopum Amacaensem quatuor mensium itinere se conferret : & fecisset omnino nisi Nostri Familiae detrimentum in octo mensium absentia veriti dissuasissent : maximè quod

usus Sacramēti Poenitentiae initio frequentior quā sacrae communionis.

R r r

relieto

relieto iam per Christianas leges attis suæ lucro, nō admodum rei familiaris copia redundaret: interim necessarijs familiæ negotijs oportuit eum ad vetulam Parentem redire in Prouinciā Vquam: vbi legis nostrę sanctitatem quibus potest euulgat, & iam aliquot intrusit celo, dum vel moribundos infantes eluit; vel in eodem discrimine constitutos adultos instruit, ac deinde necessaria vel materia, vel forma peracto Baptismo vitæ melioris ianuam aperit: frequens ad nostros scribit, & miro desiderio tenetur adis sacræ reuiscendæ: sed eum decrepitæ parentis obsequia retinent: id enim non sine scandalo & impietatis infamia apud Sinas omitti potest.

De amico nostro Ligotsū quamquam nondum Neophyto pauca subiungam. Anno Superiore renunciatus est Præses examinis in Prouincia Fuchiana, quo Licentiati in Metropoli renunciantur: in ea Prouincia fere sunt celebriores totius Regni litterati: ea res illi fuit perhonorifica, & cum huius examinis euentum de more scripto volumine persequeretur, nescio qua occasione de Europæ nostræ litteratis magnifica scripsit encomia: postmodum in Prouincia Sciantū aliam iussus est gerere dignitatem: abiens Nostros maiorem supellectilis Palatij sui partem dedit, & siquidem per Nostrorū paucitatem licuisset, aliquem e Socijs secum abducebat. Et vt videas amice lector, quanta integritate Sinarum Magistratus administrantur, nolo nescias hunc ipsum, de quo agimus, paulo post officijs maioribus excidisse, & in officiolum quoddam deiectum triennio latuisse ea solum ex causa, quod in cōniuijs frequentibus leuitatis nimix fuisset accusatus, & ludo latrunculorum plus æquo deditus fuisse diceretur, triennio durauit tanti viri abiectio, qui postmodum est ad summa euocatus.

Hoc ipso anno Magistratus è toto Regno præcipui ad clientelarem Regi obedientiam præstandam tertio quoq; anno aduenc-

Integritas Ma-
gistratus apud
Sinas.

aduenerant. Itaque per eos dies, quibus in Regia licet commorari, non sine maximo labore per vicos inceditur: eam occasionem Nostri minime neglexerunt, ut aliarum urbium, in quibus Nostri resident, Magistratus & Negotiatores, quorum maximus erat concursus in Regia sibi deuincirent: qua in re prope maximus est Pechinensis domicilij fructus, ut arbor videri possit, sub cuius umbra reliqui recreantur. Hic non defuerant, qui apud grauissimos Magistratus de Nostri obloquerentur, doloris maxime sensu permoti, quod idola sua male a Nostri haberi legissent: Verum eam causam dissimulantes publicam quietem prætexebant, quam fortasse hac nouæ legis prædicatione Nostri perturbare niterentur, dum adiunctos sibi legis communione complures tandem aliquando ad rebellionem sollicitarent. Hi obrectatores viri Primarij dicebantur; plebi enim vix contra nostros mullitare sine fructu licet. Verum Socij Diuini Numinis & amicorum quorundam patrocínio tuti aduersariorum conatus fregerunt.

*Quid superioribus annis in Sede Nanciani
gestum fuerit.*

CAPVT QVARTVM.

IN hac Sede prope trienniū solus Sacerdos P. Ioannes Soë-
rius confedit, & graui ægitudine afflictatus, quæ tandem in
febrim phthysicam degenerauit; ad hanc illius ægitudinem
accedebar, aliud Christianæ rei promouendæ impedimentū:
propinquorum Regionum multitudo, qui fere suis opibus &
illiberali otio insolebant, tanta tamen fuit huius Patris sancti-
tas, & supra vires ardor, ut rem planè difficilem supra spem
euexerit. Neophyti ferè fuerunt è vulgo; pauci viri graues
Christi fidem per eos annos admiserunt: in ijs tamē fuit octo-
genarius quidam senex, primum litterarum gradum consecu-

Impedimentū
rei Christianæ
promouendæ.

R r r 2

tus:

Infans aqua lu-
strali aspersus
patri suæ con-
versionis cau-
sa fuit.

rus: is inusitato feruore rem Christianam arripuit, & vt erat scribendi bene peritus, multa composuit de Christianæ legis institutis, quæ à Nostreis audiebat: & vt Litteratos alliceret, mirum quanto studio librorum suorum testimonia, quæ Christianæ legi fauerent corraferit. inter eos etiam infans fuit, qui cum nasceretur parentes in ædibus contiguis habitabant: eum parens domum in vlnas tulit baptizandum: Sed Patri visum est id minus tutum esse, cum vterque parens à suis erroribus auelli nollent, ne tamen eos hac sua in Deum pietate fraudaret, aqua lustrali infantem aspersit, & Deo super aram oblatum Ioannem appellauit: filium igitur parens arbitratus est esse Christianum, & cum ædes mutasset, post annos septem eum in ædem nostram reduxit, gratias acturus Deo, quod è graui ægritudine admirabiliter in spem vitæ fuisset reuocatus, cum enim iam à sensibus abalienatus nullam spem vitæ daret, visus est sibi videre Dei parentis cum puerulo ad se venientis Maiestatem; eum puerulus repetito nomine in clamabat, qua voce velut euigilans habere melius cæpit; nemini è domesticis dubium visum est, quin ea ipsa esset, cuius apud nos imaginem sæpè conspexerat, & puerulus fidem fecit, à propositis duabus Dei Parentis imaginibus eam elegit, quæ à D. Euangelista Luca depicta fuisse perhibetur. declarauit igitur redeunti P. Ioannes, infantem olim minime fuisse baptizatum, se vero nunc, id facere paratum, si reciperet, nullo se vnquam tempore filium ad simulacra veneranda inducturum: annuit ille quidem, sed diem aliquem bene ominatum è Sinensibus fastis vt ad eam rem negligeret eligendam impetrari non potuit; ergo infantem domum reduxit, die tamen insequenti promissis stetit, & filio baptizato ipsi quoque doctrinæ Christianæ tractationem domum retulit, vt ad eandem fidem sese compararet. Hic pusillus grex Neophytorum egregie Christianæ pietatis officia persequabatur: Missæ sacrificium frequenta-

quentabat, dubia sua exponebat, ab Ethnicis ritibus in funere religiosissimè abstinebat, & palam se Christum confiteri profitebatur: quæ res multum valebat ad fidei Christianæ famam euulgandam.

Pereos dies Neophytus nescio quis, vrbe egressus ad sua negotia; domum ingressus est Ethnicici cuiusdam, qui in summo Aulæ capite, quæ Visitatores recipit, Idola sua de more colloçarat; sedem Neophytus forte ita statuit, vt simulacris terga verteret: Monitus est ab Hero domus, ne hanc iniuriam Dijs faceret: cui Neophytus; Deum, inquit, vnum veneror, & idola nihil vereor, seque ipsum & simulacra signo Crucis muniens in media aula sedem statuit: & simulacris humeros etiam rectius obuertit: dissimulauit amicus (neque enim Sinæ admodum ardenter suorum idolorum honorem procurant, vt ideo velint amicis molesti esse) cum deinde ad reficiendum corpus ventum esset, volebat Ethnicus fereula tantisper coram simulacris statuere, quasi qui faustam appreciationem ab illis exigeret; verum Neophytus intulit hoc si feceris, ego appositos cibos plane non attingam, omisit igitur & hunc ritum, ne hospiti molestus esset: atque ita Neophytus bis victor de inanibus Dijs triumphauit. huius ipsius Neophyti vicina quædam cum abesset, Maritus coniectatorem consuluit, vt de illius reditu aliquid intelligeret: Domum reuersa cum responso videtur ipsum dæmonem retulisse. nam subito correpta furore nihil dubij reliquit, quin ab opportuno hoste potius quam hospite possideretur: vix defuit è prophanis ritibus ac exorcismis vllus, qui non ad eum expellendum adhibitus fuerit: sed nimirum ille noluit suis artibus pelli: Neophytus autem sese ingessit recitata prius Deiparæ corona, tum magna fide dæmonem increpuit, quod vicinā illius domum, in qua Christi Seruatoris esset effigies, suam intelligebat, ausus fuissent vexare: tum signo salutari Crucis in eam expresso,

Cuiusdā Neophyti feruor contra idola.

Dæmon exire iubetur à Neophyto.

multis

Rrr 3

multis iniurijs affectum demonem exire iubebat: Ad hæc omnia energumena & loquax aliqui possessor obmutuit, similia plura, lustralis aquæ vsu fides Neophytorum frequenter operabatur: ea ne sim longior quàm par est omittenda iudicauit.

P. Emanuel
Visitator rem
Christianam
promouet.

His prosperis rei Christianæ principijs superuenit P. Emanuel, qui ex ea sede Australia domicilia nostrorum tria moderabatur, & vnâ cum Socijs P. Ioanne ac Fratre nostro Paschali, qui non ita multo post Societatem ingressus est, hanc vineam excolere solito accuratius inceperunt. Cessit primus labor ita feliciter, vt anno insequenti supra secularem quinto Neophytorum numerus in duplum excreuerit, & iam ducentos excedebat, in quibus etiam litterati nonnulli ac Regij propinqui numerati sunt: ex his regijs hominibus (ita enim à Sinis Vanfû vocantur) primus in Nostrorum familiaritatem incidit, adnitente socero suo Paulo Baccalaureo Neophyto, de

Primus è Re-
gio sanguine
Christi vene-
tor.

quo supra: is per otium rei Christianæ mysterijs imbutus, eod die baptizatus est, quo Hispanienses Ecclesiæ expectationis partus festiuitatem celebrant: Iosephus appellatus est, & primus è sanguine regio Regis Regum Christi apud Sinas venerator, ea propinquitas regia, ne quem tallat Europæa consuetudo, minor est haud paulo, quam apud Reges nostros; habet tamen suas immunitates, opes, dignitatem, tamen si nihil publici muneris omnino attingat. Hunc frater minor ætate secutus est, statuitq; in eandem cum Iosepho fratre religionē conspirare, Nostri autem eius baptismum differendum esse arbitrati sunt in diem Epiphaniæ sacrum, narrantes, eo ipso die Regulos tres, è remotis Regionibus ad venerandum IESV puellulum recens natum aduenisse, cui narrationi ita respondit: si hi tres fuerunt, efficiam vt simus quatuor, nominabat igitur alium fratrem minorem & Consobrinum suum, filiolum vero, quem secum adduxerat P. Emanuel tradidit, vt eum pro suo haberet, & rogauit, vt eodem nomine puellulus Em-

Tres è regio
sanguine fidē
Christianam
proficiuntur.

manuel

manuel videlicet vocaretur, quod etiam factum est, eaque appellatio à puero usurpata, Ethnicis etiam propinquis in usu erat. tres vero reliqui adulti in eum diem fidei nostræ capitibus imbuti, solemni apparatu sunt baptizati, & trium Regum nominibus nuncupati: Melchior primus, alter Gaspar, tertius Balthasar appellatus. horum exemplum deinde secuti sunt Iosephi vxor, & alij vtriusq; sexus propinqui: hi matrem habebant viduam ac vetulam, & mirum in modum idolis colendis addictam: nam in eorum venerationem, iam continuo decennij ieiunio, carne, pisce, ouis, ac similibus Sinenſi ritu abstinerat, ac solum leguminibus, oleribus, oriza, & alijs è farina eduljis vescabatur: eam filij sollicitarunt ad eiurandam profanam superstitionem, nec vanus fuit labor: profanum quippe ieiunium interrupit, & miseros Deos, incendio damnatos domi nostræ ardere voluit, ac simul precatorios globulos, quos ipsa compellatis inanum Deorum nominibus decurrebat: misit quoque, nescio quod diploma, quod ad Regem Inferni destinatum sacrificuli impostores ipsi vendiderunt, ea lege, vt ab eo benigne exciperetur, & pœnas si quas meretur, euitaret: id inferni directorium appellatur. huic Nostri meliore permutatione pro profanis sacra remiserunt, Christi Seruatoris effigiem, Deiparæ sacrum sertum, & pro ieiunio, quod ægrius illa dimiserat, Ecclesiasticum permiserunt, Dei vero præcepta, viam esse non ad infernum, sed ad cælestem Regem, à quo bene actorum præmia suscipiunt Christiani. eam igitur domi suæ frater noster ita instruxit, vt tamen, ne arctam solitudinem mulierum violaret, minime videretur. nam ex aduerso portæ cuiusdam tapete interiecto colloquebantur. & quidem Catechista noster vnâ se instruere arbitrabatur, sed cum Baptisino destinatus dies aduenit, sex omnino prodierunt, filia cū Nepote, & aliæ quatuor earum pedissequæ: hæc omnes de auditis interrogatæ, ita aptè responderunt,

Mater trium
Regum vna cū
filia, Nepote
& pedissequis
baptizatur.

Inferni directorium.

derunt, ut nihil opus fuerit baptismum ultra differre: tantus porro fuit earum feruor, uti nullum ritum, nam fere à contactu abhorrent, nullam vñctionem exhorruerint: expleto Baptismo, Missæ quoque sacrificium in eleganti Oratorio ad eam diem comparatum, volentibus celebratum.

Christi Seruatoris effigies traditur sculpenda.

Nomen IESV & MARIAE super liminibus domorum collocatur.

His omnibus crescebat indies fidelium multitudo, ut eos iam ædis nostræ angustiae non caperent, diuisi sunt igitur in tres cuiuslibet hebdomadæ ferias, ne simul omnes conuenerent: festis tamen diebus solemnioribus simul omnes venire permittebantur. Solent Neophytis, quo die sacro fonte abluuntur, singula singulis imagines dari; & præ numero iam domesticus Thesaurus exhaustus erat: neque enim abundant illa, quæ tantis terræ ac maris spatijs deuehuntur. ergo Nostri coacti sunt Christi Seruatoris effigiem indigenis sculptoribus in lignea tabula sculpendam dare: neque enim in lamina ærea id Sinæ norunt: adiuncta est brevis expositio, qua scribebatur Deum figuræ expertem nostram tamen suscepisse cum forma naturam, & legem sanctissimam è cælis orbi attulisse: id necessario fiebat ex eo quod nuda inanum Deorum simulacris oratoria oportebat sacris imaginibus opplere, ne ab Ethnicis spectatoribus nimis nuda Religio nostra aut sine numine esse videretur: solent etiam Sinæ supra domus limen renouatas anni redeuntis initijs nescio quorum spirituum imagines collocare: in earum locum successerunt insculpta quoque singulis tabulis augustissima IESV ac MARIAE nomina, quæ simul ædium patrocinium suscipiant, & Neophytorum fidem protestentur. imo habet hoc etiam priuatum commodum, quod Nostros Neophytos visuri hoc signo Neophytorum domos internoscant. his recreati sunt non parum, quod nihil iam Ethnicis inferiores esse viderentur: neque Nostris ea res minori solet esse solatio, cum inter Ægyptiam multitudinem Dei populum agnoscunt velut agni Paschalis sanguine in limine delibutum.

Quid

Quid in Xauceano Domicilio hoc ipso tempore ageretur.

CAPVT QVINTVM.

CÆptam, vt superioribus capitulis narratum est, rei Christianæ propagationem P. Nicolaus in vrbe atque agro suburbano acriter persequatur, atque etiam partam Christo multitudinem accuratè excolebat: De hoc postremo prius agendum. Pænitiæ Sacramenti vsus stuporem multis & admirationem attulit asserentibus, cuiquam mortali occulta sua crimina reuelare, videri supra vires mortalibus, à natura datas. Hebdomadæ quoque sacratiore feriali sexta mirum, quanto pietatis sensu Crucifixi adorationem peragerent, post auditam de Christi tormentis appositam ab Ecclesiaste nostro cohortationem. Itaque iam instructi Xauceani Neophyti, in varijs disceptationibus ab Ethnicis sollicitati, superiores euadebant: eadem quoque constantia varias ab æmulis contumelias, & quæ acrius sentiuntur, damna tulerunt moderatè: neque enim humani generis hostis ab hoc opere interturbando conquiescebat: Ministrum habuit per eos dies acrem sacrificulum illum cèlebrem, de quo narratum est supra, eum è Regia Pechinensi proscriptum in Cantonienſi Prouincia iussum exulare: venerat enim ad numerosum illud Cænobium, Nancuà vocant, quod abest ab vrbe vicesimo non amplius lapide: cum fama celeberrimum permulti etiam exulem venerabantur, ac fouebant, & quotidie complures in eius transibant disciplinam, quibus fortunæ fauoribus elatus, ex huius fecis more, magno apparatu, insoleſcebat: audierat forte de rebus nostris multa minutius, quam nostri arbitrabantur: non nesciebat id à Socijs spectari ac sperari, fore vt aliquando inanium Deorum secta collabasceret. statuit igitur periculo præſenti auctoritate sua occurrere: verum iudicauit congregien-

vsus pænitiæ.

Veneratio Crucis Christi.

Sacrificulus exul insoleſcit iterumque relegatur.

S s s

dum

dum sibi primo cum P. Nicolao, uti exploraret, quale hominum illud genus esset, quod spes suas ita sublimiter erigeret: sed nolebat, pro sua modestia ad hominis externi visitationem sese abijcere, quam miris artibus procurabat, sed frustra, stulto secundum stultitiam suam responsum est: neque enim decet in hoc regno verbi diuini præcones ullam cum abiectissimis & impurissimis hominibus vitæ communionem affectare. Venit igitur tandem desperatione primæ visitationis adductus, inimicitias amico vultu tegens: arbitrabatur ille vulgari Sinarum opinione delusus, Barbarum se hominem ac litterarum nescium reperturum: sed ubi sensit eum derebas, vel infra, vel supra naturā aptè differere, ne à doctiore confutaretur, hanc inuitationem, ut quæcunque à P. Nicolao audiret, ea omnia diceret nihil à suæ sectæ placitis admodum discrepare: displicuerunt tamen acriores in Deos suos Philippicæ in nostrorum voluminibus conscriptæ, & ulturum se minabatur. Verum Diuina bonitas eo nos etiam metu liberauit. cum enim sibi securus videretur, ac torus esset in adiungendis discipulis, fanis extruendis, Cænobitis sustentandis, noua ab Rege proscriptio deuenit, uti in extremam Sinensis Regni Insulam ad Austrum. Hainan nomine, relegaretur.

Calumnia spargitur in nostros.

Hoc labore perfuncti Nostri, etiam resq; Christiana vniuersa grauius discrimen adierunt. Ad vrbis enim gubernatorem deferre batur, præcipi nempe legis Christianæ legibus, uti maiorum suorum imagines illius sectatores concremarent, quæ res uti impia est, ita etiam habetur à Sinis atrocior, quam ab Europæis. huius rei nescius P. Nicolaus illum ipsum Gubernatorem visitabat, & is nostros statuerat non plectendos, sed solum admonendos, calumniam enim illam ipse veram esse sibi persuaferat: hortabatur igitur, ut ab ea re abstineret, quæ homini externo malum ingens aliquod posset accersere, quem in alieno Regno decebat minus esse insolentem. P. Nicolaus rationem facti sui reddens, minime negauit,

quidquid in simulacra ausus fuisset: eam enim legem etiam ex ipsis litteratorum placitis arbitrabatur extinguendam. aderant in hoc congressu pro tribunali nempe complures; de maioribus tamen hac iniuriæ efficiendis pernegavit, præceptum etiam de parentum honore allegans: inter utrumque grauis orta disceptatio, nec breui tempore: ac tamen si noluit victus videri Gubernator, non est ausus tamen Euangelij cursum inhibere. ea re Neophyti mire confirmati sunt, quod dicerent Doctores suos ipsam etiam pro Tribunalibus non erubescere veritatem. Per eos dies venerat nouus Tauli, qui Xauceanam & Nanchunam Regionem, supra ceteros Magistratus moderabatur. ergo ne Regionis nostræ Praefecti cum similibus querelis præuenirent, statuit ipse ad eum visendum præire, & simul donauit inter cetera munuscula Catechisticam P. Matthæi commentationem Pechini recens editam. audierat forte ille ipse de P. Matthæo nouus Tauli, deque ingressu in Regiam, de Magistratum ac Regis fauore, quæ omnia pro tribunali Patri narrauit: detentum videlicet eum à Rege in Regia, ætatis Regij sumptibus sustineri, è maximo quoque colli, & condolere videbatur illius sortem, quod à reditu in Patriam prohiberi videretur. Verum P. Nicolaus intulit, Socium suum Pechini lubentem detineri, nec Patriam suspirare, aduentus enim ipsius ac ceterorum sociorum consilium ex hoc ipso volumine satis constare, quod ipse in ea ipsa Regia excudisset. Recreatus est nouus Tauli Patris conspectu atque congressu, & eius humanitatis præfectis nocendi spem eripuit, ratus quod euenit, eum rerum nostrarum patrocinium suscepturum.

Non tamen ea res satis fuit, vt vicini fani sacrificulos omnino perterreret: cum enim aduertissent Neophytorum multitudine Parochialium suorum numerum, & quod inde sequebatur, ipsiq; acrius sentiebant, lucra imminui: effecerunt, vt eorum Archimandrita ad P. Nicolaum prohibendum acce-

Sss 2

deret,

Nouus Tauli
socijs patroci-
natur.

deret, quod fecit ille domi nostræ precibus primum ac tandem minis, sed æque vtrumque risu ac ludibrijs excepit, Magistratum fauore subnixus.

Socij publice à
Neophytis ex-
cipiuntur.

In hunc ipsum annum inciderat P. Emmanuelis cum tribus socijs reditus, cum id à Neophytis rescitum esset, certatim permulti scaphas conscenderunt, & ijs iam adhuc remotis occurrerunt, sed ita vt tympanis ac tubis publicam lætitiā declararint, ac etiam varijs edulijs nauigantium nauſeam recrearint, eaque pompa domum nostram claro die, multis ad spectaculum concurrentibus deduxerint. ea res vt stuporem Ethnicis, ita Nostris lætitiā ingentem conciliauit, ac nullum Deo gratulandi finem facientes mirabantur, eo in Regno tot sæculis ab externis impenetrabili, nunc publico apparatu Euangelij præcones admitti nullo prohibente: sed ea libertas paucos annos tenuit. nam res Cantonienſes graui tumultu perturbatæ, nondum ad hanc diem serenitatem pristinam aspexerunt, ac fortasse nos ipsi, dum nimis laxauimus, strinximus priores angustias: permultos dies in hoc domicilio Neophytorum visitatione ac muneribus recreati, de discessu cogitarunt. relictus est è quatuor vnus P. Nicolao futurus comes, reliqui tres in Regni penetralia nauigarunt, & discessus nihilo inferiore Neophytorum pompa publicè cohonestatus est.

P. Nicolaus li-
berius rem
Christianam
prosequitur.

Auctus Comite, qui rem domesticam curaret, P. Nicolaus liberius sese in rem Christianam effudit, & vicinas omnes in suburbanis villis Ecclesias visitauit, confirmauit, auxit, maxime apud senem Paulum, apud quem satis habuit quod ageret instruendis Catechumenis, ac sacro fonte eluendis; enodandis etiam dubiorum nodis, qui subinde inter colloquendum absente Nostro inciderant, quæ dubia etiam ad memoriam scriptis in aduentum Doctoris commendarant, tantaq; erat boni senis, rerum nostrarum discendarum cupiditas, vt nunquam

quam auelli posset à Nostreis, si quando Tyrones suscepissent imbuendos. Neque apud illum stetit fructus. nam hinc euocatus est ab eiusdem propinquo, qui decimo aberat lapide: & quoniam is, qui nostrum euocarat, vir erat apud suos celebris, & natura ad pietatem propensus, commodorumq; publicorum Procurator, visum est apud eum tentare, si vspiã latius sese fides propagaret. iuit igitur comite ipso Paulo, & magnam reperit eorum multitudinem, qui ad spectandum audiendumque concurrerant. ingressus igitur in aulam, vidit in Oratorio inter Idolorum simulacra supra quinquaginta insignem Dei Parentis imaginem cum puerulo IESV, quem D. Præcursor venerabatur; neque erat, qui de hac effigie aliud sciret, nisi esse Dei Parentis ac Reginae supra ceteras eminentis: solatij plenum & admirationis P. Nicolao fuit huiusmodi spectaculum. tum enim sibi videre videbatur ad litteram lilium inter spinas: eam deinde constitit depictam fuisse ad illius similitudinem, quæ inter munera regia deinde adnumerata est. hac igitur occasione narrare cæpit P. Nicolaus Dei hominis augustissimum sacramentum, ac vniuersam D. Præcursoris historiam, quæ narratio audita est magna omnium voluptate, maximeq; placuit audire, quod è Parentis vtero Præcursor in Virginis uterum nescio quibus oculis penetrasset, & viso Domino exilisset: inde ad reliqua fidei nostræ mysteria longa oratione deuentum est, atque omnes hospites domestici ita permoti fuerunt, vt ex templo simulacris eiuratis Christo profiteri statuerint. ergo subito in Idola furore correpti, ad vnum omnia è solio maiestatis exturbarunt, & in excitatum in atrio incendium deportarunt: inde oratorio ipso sacris orationibus emundato, solam Deieiusq; Parentis ac Præcursoris effigiem statuerunt, & ad aram sacris vestibus, quas secum detulerat, ornatam, iussit vti prostrati de impensis Diuinis honoribus ijs quibus impendi nefas erat veniam postularent, atque in pos-

P. Nicolaus ex
imium fructū
in aula cuius-
dam viri cele-
bris fecit.

Rrr 3

sterum

sterum unum rerum omnium conditorem ac moderatorem veneraturos receperunt. In hac ipsa Aula, dum de fide nostra peroraretur, adfuere forte tres sacrificuli è vicino fano ac Carnobio, quod utrumque Vaginus hospes, ita enim vocabatur, extruserat, cum ijs longa fuit disceptatio, sed non tulerunt tenebræ lucem: ergo placuit etiam omnium iudicio, nullam in ea lege suscipienda se moram facturos, ubi Rex ad eam publicam fecisset facultatem. his prosperis rei Christianæ curibus Paulus senex magnopere exultabat: cum vero sacrificuli abirent, eos Vagini vxor cōsecuta grauitè reprehendit, quod cum externo domi suæ minus urbanc contendissent; denique paucis primo huius excursionis Baptismo decem & octo Christum in Baptismo professi sunt, à quo exclusus est Vaginus ipse Polygamiae vinculis nondum expeditus: cum enim filiis careret, quod apud Sinas infelicitatis est non minimæ genus, persuaderi nondum primo congressu potuit, ut spem posteritatis saluti aternæ postponeret.

Octodecim
Christum pro
fessi.

Senis nonage-
narij conuer-
sio.

In alio etiam pago, cuius Neophyti extructa iam æde solitum fidei cursum tenebant, Christo sunt aggregati nonnulli, quos inter scripto dignus est nonagenarius senex, qui iam quadriennium totum, ex quo P. Nicolaus eo penetrarat, legis nostræ prælectiones, ne in aures quidem admiserat, pertinacem exigens senectutem in suis erroribus: ex eo enim quod idola non coleret, assererat se nullius criminis sibi conscium videri, & huius innocentiae præmium ita longam assererat esse senectutem. adductus est denique hortatoribus filio ac Nepotibus, uti Christianam susciperet Religionem, sed Baptismum ipse post tres menses differebat, ut maiori celebritate pararetur: hoc ei Dæmonis artes persuaserant, non facile ferentis hanc ex vnguibus prædam sibi eripi: sed constantia pertina- ciam vicit: asseruit enim se P. Nicolaus minime discessurum: nisi postquam cum vitæ præteritæ maculas salutaribus aquis piallet.

expiasset. factum est igitur tandem ex omnium voto, & Antonius appellatus inter dies paucos ipso senio defecit, cuius vitam eo usque diuina benignitas conseruauit, donec eam meliorem in morte reperisset.

In alio Pago mulier quædam in ægritudinem inciderat: ad eam Sacerdos noster euocatus eo consilio, uti aqua lustrali conpersam (illius enim vim fama vulgauerat) in uiuentis spem reuocaret: neuter votis suis excidit, conpersa conualuit non animo minus quam corpore. & una cum marito alijsq; pluribus, posteaquam idola ignibus damnarunt; sacris vndis fuit abluta: ergo simul omnes supra triginta vno sunt Baptismo expiati, & in Xauceano domicilio, cõputatis vrbis atque suburbanis quadraginta supra centum eo anno Christo sunt aggregati. verum hunc felicissimum rei Christianæ cursum grauis e Metropoli orta in Nostros procella, penè in perpetuum stitit, de quo suo loco fusè. res enim est annalibus dignissima, & in qua Diuinæ prouidentię indicia elucent luce meridiana clariora.

Res Christiana Nanchinensis belle procedit, & amicus noster Chiutaisò Christo aggregatur.

CAPVT SEXTVM.

HOc tempore in Nanchinensi Domicilio è Nostris quinque debebant; Sacerdotes quatuor, & frater noster vnicus: hi cum alumnis ac famulis familiam vtique numerosiorem solito constituebant, ideo qui præerat P. Ioannes cõemptis ædib' vicinis nostras laxauit angustias: tres igitur sacerdotes vnã rem curabant, litterarum Sinensium studijs incumbentes; non igitur pro nostrorum numero messis fuit, quod eam soli duo procurarent, & quidem domesticis negotijs satis superq; distenti; nam Nostri P. Ioannis prælectiones quotidianas audiebant,

diebant, & Frater noster Neophytos fere populares excole-
 bat: non pauci tamen Christo nomen dederunt: inter quos
 Chiutaisò Pa-
 trum amicus
 Ignatius appel-
 latus, & Chri-
 sto aggregatus
 una cum filio.

diu desideratus amicus noster Chiutaisò, de quo supra sæpè,
 quem in posterum Ignatium appellabo: huic nostri omnes, &
 res Christiana Sinensis adhuc Ethnico multum debebat: nam
 magna pars earum rerum, quæ in Cantonienſi & Chianſinenſi
 prouincijs perfectæ ſunt, ei debentur. Nanchinenſis vero ſe-
 des ab eo maxime ſecundum Deum conſtituta eſt: ſecunda
 etiam in Regiam nauigatio à Noſtris inſtituta eo maxime ad-
 nitente: hæc omnia in nos beneficia iam diu Socij, quibus po-
 terant modis, remunerabantur. Duæ res illum retardabant
 à fidei Chriſtianæ profeſſione, Pellex nimirum è qua filios du-
 os ſuſceperat: deinde idolorum placita, quæ in lucem edere
 cogitabat, vt inde ſibi ſamam venaretur. alia vero ad fidem
 noſtram pelliciebant, cognita legis noſtræ veritas ac ſanctitas,
 quam ipſe in omni conſeſſu prædicabat, amor quem ſentie-
 bat ſibi à Noſtris verbis factisq; deferri, hæc igitur omnia eum
 hinc inde fluctuantem nullo loco animo conſiſtere permitte-
 bant, & opportune hoc ipſo tempore cum filio natu maximo
 annorum iam quatuordecim Nanchinum venerat: eum igi-
 tur vt Chriſtiana ſacra ſuſciperet, volens Noſtris dedit, sæpè
 confirmans, iam diu ſibi conſtare, extra legem noſtram ne-
 mini ſalutem obtingere poſſe, nec Chriſtianum fecit ſolum,
 ſed reliquis alumnis adiungi optauit, in ea ipſa lege, quam ſu-
 ſceperat educandum. ea res gratiſſima Noſtris cecidit, vel Pa-
 rentis amicitia debita, vel adoleſcentis vtilitati profutura:
 Matthæus igitur ex grata P. Matthæi recordatione auctore Pa-
 rente nuncupatus, apud Noſtros & Sinenſes litteras & Euro-
 pæam maxime pietatē ediſcebat: idque maximo emolumen-
 to ex adoleſcentis induſtria & labore, quod Parens ac reliqui
 propinqui multi ac nobiles in beneficio à noſtris accepto re-
 ponebant.

Per

Per hos ipsos dies Nanchinum missus est nescio, quæ ex causa frater Noster Franciscus Martinez Ignatio per familiaris, dum in Cantonienſi Prouincia ſimul cum Noſtris habitaret: eum igitur, cum etiam nunc poſt tot annos Ethnicum reperiſſet, magna libertate, quam amoris ſignificatio leniebat obiurgauit, quod nondum vagam illam viuendi conſuetudinem, & in repugnando Diuinæ vocationi pertinaciam aliquantùm dimiſiſſet: magnam vim habuit Deo intus operante hæc aſperior Fratris noſtri cohortatio, & quidem tantam, vt denique vocantem Deum audire non vltra derectaret. ergo nihil deinde tergiuerſatus, Doctrinæ Chriſtianæ tractationem legendo repetijt ſolito attentius ac intentius, eo perlecto nihil vltra diſtulit ſacri fontis poſtulationem. Pellicem in legitimæ vxoris locum delegit, idola omnia vnà cum tabulis, è quibus cudebantur, & bibliotheca, quæ profanæ ſectæ dogmata continebant, ignibus uſtulanda ad nos miſit, fecit quidquid ſponſoderat cumulatè, & quidem tanta die quadam eloquentia coram Neophytis pluribus idola confutauit, vt dubium fuerit omnibus lætitia ſtuporem nec ne ſuperaret. eius Baptiſmo diſta dies eſt, quæ Virgini ab angelo ſalutata dedicatur, & inciderat eo anno fortasſe in ſextam illam quadageſimæ feriam, qua Euangelium de Lazaro in vitam excitato recitatur: eo die Frater noſter Franciſcus ad Neophytos perorauit, & orationis capita tribus eo die myſterijs illuſtri ita diſtribuit, vt primum de Deo ageret homine, deinde ob ſextam quadageſimæ feriam de Domini tormentis, ac denique de Lazari ſuſcitatione diſſereret: aderat Ignatius, & orationē ſuſcipiens, ipſe ſibi Lazari hitoriā applicauit, idque fecit eo ſacundæ pietatis ſenſu, vt cum in audientes transfunderet.

Priusquam ad Baptiſmum ſuſcipiendum accederet, proſtratus humi ſolum fronte quater magna doloris ſignificatione cepit: hic enim ritus ab ijs apud Sinas adhibetur, qui erra-

Ritus quatiendi fronte ſolū

Tt

ti

Ignarius fidei
protestationē
edit.

ti veniam solent postulare, tum protestationem fidei suæ palam recitauit, eamq; scriptam socijs tradidit fidei suę monumentū: eam hic quam fidelissimè fieri poterit, latine reddam, tametsi sciam, non eam habiturum leporem, in habitu externo, quam in patrio videtur præferre. Chiù Ignarius, anno quem cieù vocant, natus secundæ lunæ, die sexto (quod in annum cecidit millesimum quingentesimum quadragesimum nonum, mense Marcio) in vrbe Ciancieù Regionis Succù prouinciæ Nanchinenſis in Regno Tamin (ita Sinæ suū regnum vocant, vt alibi dictum est) Ego omni veneratione, & intima scelerum meorum pœnitundine ductus, cupio veniam à Deo postulare, vti salutarem mihi aquam suam ad ea eluenda donet; gratiamq; largiatur ad sacrosanctæ legis ingressum. perpendo me hominem annorum quinquaginta septem tanto tempore oculos habuisse, nec Diuinam legem spectasse, aures nec Diuinum nomen audijſſe, sed contra sectam Scechiâ (nomen est idoli maximi) sum secutus, tametsi intelligerem rationi eam ac veritati repugnare: eamq; longe latèque propagauit, quæ culpa mea maxima est, & immensum propè peccatum; quod sine dubio imam barathri profunditatem mercebatur: annis superioribus fortunatè sanè incidi in veritatis Magistros è magno occasu venientes, Matthæum Ricium, ac Lazarum Cataneum, vna cum eorum comite Sebastiano Ferdinando: Hi mihi primum res Diuinas manifestarunt, & nunc iterum incidi in Ioannem Roccia, & eius Socium Franciscum Martinez, Hi me in olim auditis confirmarunt, quibus Doctoribus intellexi cælum, terram, mortales omnes, ac cæteras res vniuersas à Deo factas, eidem subditas esse oportere: nullam aliam sectam aut legem consonam esse veritati; scelera omnia à solo Deo per eius ministros condonari: ab eo item solo cæli gloriam ijs conferri, quorum de peccatis dolor verus fuerit & efficax: & quoniam his medijs hominem credo à Deo

gratiam

gratiam ac cætera beneficia posse impetrare, Deum obtestor, uti me hac veritate ita imbuat, ut eam opere exequi liceat, & illius Diuinum Numen constanti animo & stabili venerari, meque ad eius sacra præcepta moresq; conformem. Ex eo ipso die quo Baptismi fontem accepero, qui sordes animi omnes expurgat, in posterum spondeo, inanium Deorum sectam eiusq; placita, rationi aduertantia, me ex animo stirpitus euulsurum: obseruaturum etiam, ne quo modo cogitationes ac vota, in immodicam rei familiaris cupiditatem, & huius vniuersi vanitatem, & res falsas ac temerarias pronius deferantur: obediā Patri superno, & me ad rectum ipsius legis iter conuertam, & noua sensuum custodia, naturæ lumen à Deo mihi inditum, ad pristinum splendorem, pro virili reducam: à me ipso initium faciens, & in cæterorum commoda accepta bona deriuans. Ad fidei Christianæ capita quod attinet, tametsi in singulis mysterijs eorum magnitudinem non assequat, tamen ex animo me subijcio, credoq; omnibus, quæ in ijs continentur, ac Spiritum sanctum obtestor, ut hæc mihi sua luce declaret. Nunc igitur ex quo recens credere incipio, cor meum est instar spicæ teneræ ac fragilis; quam obrem Reginam Dei Parentē deprecor, uti interius animos ac vigorem conferre ne dedignetur, apud filium suum Deum intercedens, faciatq; uti hoc animi mei propositum constans ac stabile nunquam vacillet: aperiat animi mei facultates, & cor mundum clarumque impetret, uti veritatem admittat, atque retineat rationem: os meum aperiat ad Diuinam legem, toto nostro Regno euulgandam, uti nemo sit, qui non veri Numinis legem agnoscat, eiq; subdatur.

Hac ita solida huius litterati ad Deum conuersione, omnes merito in Domino exultarunt: ipsi Ethnici magnam illius legis opinionem conceperunt, quod viderent Ignatium, qui idolorum sectam, tot annis propugnasset, ciurasse.

Tit 2

Neque

Insignis pueri
conuersio ad
fidem.

Neque reliquis Neophytis suam laudem subtrahamus. hi enim omnes, quoties res ferebat, magnam ardoris sui significationem exerebant: quæ quoniam quotidiana sunt, & in reliquis domicilijs sæpè cantata, sine iniuria omittuntur, vtarbitror; sed non insignis Pueri ad Christi fidem conuersio, qui iam litteris primam operam dabat, Filius vnus è Regijs admonitoribus ac Sindicis, quæ dignitas inter grauissimas computatur. Is cum Pechino Nanchinum veheretur, multum habuit sermonem de fidei nostræ mysterijs cum Li Pauli, compendium eius doctrinæ memoriter didicit, ac tandem Baptismum impetrauit.

Magistratum amicitiam conseruauit P. Ioannes & auxit: nec nihil illa profuit varijs in casibus, sed maximè contra Regionis illius, in qua nostri commorabantur, præfectos: hi enim apud Magistratus efficere conati sunt, vti Nostri nocturnis excubijs suo inter vicinos ordine inuigilarent, aliaq; onera subirent ab instituto aliena. Hac de re monitus P. Ioannes, Magistratum quendam amicum nostrum extemplo admonuit, qui negotio in se suscepto allocutus est superiorem Magistratum apud quem effecit, vti sententiam ex legum præscripto in fauorem Nostrorum pronunciaret, & eos in perpetuum his oneribus eximeret, quod essent litterati & externi; id perfectum ex animi nostri sententia luculente. atq; ita Nostri inimicis prope agentibus, quod petere reformidarant, impetrarunt.

*Pechinensis Domicilij res gestæ: Domus coempta,
Euclides Sinicè editus.*

CAPVT SEPTIMUM.

Nondum stabilita Pechinenfi sede, Nostri in re Christiana procuranda remissiores studio erant, ne qua forte nouitatis

uitaris suspicione sua vota disturbarēt, sed impetrato eo, quod maximè cupierāt, libera scilicet in Regia, habitatione, nihil ultra conceptos spiritus distulerunt, sed vires omnes in id cuius causa venerant contulerunt: ad laborabant tamen, vti potius Neophytorum ardore, quam multitudine principia cohonestarent, ad eam rem iuuit his initijs Ignatius Ludimagister, quem supra diximus Christo aggregatum. hic enim pueros sibi in disciplinam traditos, non Christiana pietate minus, quam litteris imbuebat: Christi Seruatoris imaginem in ludo propositam omnes venerabantur: ac tametsi non omnes legi nouæ acquiescerent, omnes tamen eius legis capita audiebant. Michaëlem quendam, ita deinde vocatum, rudioris ingenij non permittebat de Christi fide suscipienda tractare, siue ut eius desiderium incenderet, siue quod arbitraretur, eum ad res Diuinas nondum per annos aptum esse. Verum vespertinis horis domo egressus die quadam fulgure ictus aut territus, semianimis in terram lapsus est: eo in lapsu puer narrat se vidisse Deum spiritibus plurimis cinctum, ex eoque hæc verba audiuisse: ego illi vitam nunc quidem condono. Domum relatus est, & collectis tantisper viribus, magistrum in clamat. venit ille, ac recitata oratione semel Dominica & salutatione Angelica, Michael repente conualuit, & hæc quæ dixi, Magistro narrauit. qua ex causa Mater eum Deo obtulit, & Christo iussit volentem aggregari. ipsa deinde secuta est, hodieque Christianæ pietatis retinet institutum. his quoque temporibus Neophyti illustri exemplo aliquot in Christi gregem pellexerunt. Neophytus nescio quis homicidij aliorumq; criminum delatus erat falso: Iudex fauore ac largitione corruptus ab accusatore dicebatur: ei Neophyti tanta diligentia succurrerunt, ut propinqui non cessarent admirari: denique pronunciata est sententia, sed parum in Neophytum æqua: plus enim largitio potuerat, quam hominis innocentia. sed in re

Puer quidam
fulgure ictus
vocem Dei au-
dit.

Neophytus in-
nocens mira-
bili modo a
mortis suppli-
cio liberatur.

T t t 3 despe-

desperata Dominus etiam seipso cum Neophytis adiutoribus conspirauit. cum enim is qui sententiam tulerat, inferior Magistratus ad superiorem sententiam confirmaturus perrexisset; ait ille se ipsa nocte in somnis vidisse nescio quem, cuius os habitusq; imaginem illam referret, quam externi Litterati sua in æde venerantur: nouerat enim ille nostros, & iam ædem imaginemq; spectauerat, ab illo visum se audire hæc ipsa verba: Quidni subuenis cuidam ex Ecclesia mea oppresso? ergo lectam in Neophytum sententiam extemplo antiquauit, eumq; innocentem declarauit, accusatorem vero falsitatis conuictum acerrima verberatione plecti iussit.

B. Virgo Neophyto cuidam apparet.

Senis octogennarij conuersus.

Neophytus alius graui molestia oppressus in morbum incidit periculosum & grauem. ergo pœnitentiæ causa Sacerdotem nostrum euocat, eiq; narrat, vidisse se nobilem matronam cum infantulo in habitu candido, qualem nos nullam ibi habebamus. eam ipse credebat esse Dei parentem ac puerulum IESVM: dicebat igitur matrona: sudorem huic exprimite, ego enim illum sanum volo: sudor copiosus, imminens vitæ periculum extemplo excussit. Sacerdos noster vt se confirmaret, sciscitatur, nihil ne dubij in fidei rebus reperiat, cui respondit ille; quidni credam, inquit, cum ille ipse Deus ad me videndum ac iuandum accesserit: cum igitur breui vires collegisset, in ædem sacram venit, & vniuersi temporis ex quo Christi fidem profitebatur peccata à memoria repetens confessione generali expiauit, idque sua sponte fecit nullo hortatore. Verum hoc ipso tempore nescio an alius aliquis maiore lætitia Socios affecerit Christo aggregatus, quam senex quidam annorum octoginta & duorum: is erat Negotiator copiosus aris potissimum ac metallorum venditor. cum igitur ad Christi fidem aspirasset, complura Deorum suorum simulacra ære inaurato splendida Nostri misit, addidit etiam libros profanæ doctrinæ Magistros: instruitur, baptizatur, Fabius

bis appellatur: ac deinde triennium fere vitæ superstitis admirabili animi moderatione iacturam bonorum ab æmulis procuratam tolerauit, tametsi abesset ab æde sacra tertio fere lapide, ac varijs negotijs distineretur, nullo die festo Missæ sacrificium neglexit. Deniq; in lethalem morbum incidit, qui supra annos eum afflixit, de peccatis confessus magno ardore sacrum ad iter viaticum expetebat, sed neque domi loco conuenienti celebrari poterat, neque pro maiestate per vias deferri: solabantur igitur illum Socij necessaria peccatorum confessione perfunctum, posse sine viatico, quod legitime impeditus minimè susciperet, caelestem gloriam introire: Desiderium autem Christi videndi, ingrauescente morbo, ita creuit, vt in aulam Sociorum deferri voluerit, vbi exclamasse capit: date mihi Diuinum corpus. hoc eius facto nostri stupuere, & moribundum senem in lectum vicini cubiculi detulerunt, interim vero, dum quiescit non nihil, augustissimum Christi corpus ad eum deferendum, qua fieri potuit pompa, comparatur: totum iter quod ex æde in cubiculum Sacerdoti tenendum erat tapetibus insternitur; Neophyti singuli cereos manibus gestantes longum supplicantium ordinem explicuerunt: Ad conspectum Domini sui bonus Fabius visus est reuixisse: nam elata voce exclamauit, se æmulis suis, à quibus iniuriam acceperat, ex animo condonare, & suorum criminum veniam suppliciter à Deo postulare, corpore Christi munitus, & sacro oleo inunctus post dies aliquot animam suo conditori reddidit, vxor Catechumena funebribus ritu Christiano persolutis, fidem quoque Christianam amplexa est.

In hac regia sexennium totum Nostri in conductis ædibus habitarunt, non sine graui vel incommodo, vel sumptu ex frequenti permutatione, quæ varijs ex causis, sed maximè fiebat ideo, quod nullibi aptum ædi sacre locum Socij reperirent. & eodem tempore tot infortunijs Amacaensis fortuna concussa est,

Eucharistia cū
pompa ad æ-
grotum defer-
tur.

Numerus So-
ciorum Pechi-
ni.

Alia domus v-
sibus Sociorū
accommoda-
tior emitur.

Visitantium
multitudo.

est, ut Visitatori quod maximè volebat, nunquam integrum fuerit, hanc sedem, in qua tantum erat huius expeditionis pondus, pro voto stabilire: & tamen ad ædes coëmendas, quæ his initijs nostris vsibus satis essent, aurei quingenti sufficiebant: hoc igitur tempore sacerdotes è Nostris Pechini tres omnino commemorabantur, & nuper in Tyrones admissi erant adolescentes duo natione Sinæ, in Amacaensi oppido nati: his accedebant Alumni alij duo, qui non secus ac Nostris ipsi educantur: præterea domestici, famuli, quos omnes conductæ domus angustia vix capiebant. neque enim sumptus ad maiores ædes Pechini cariores aliquanto suppetebant. ergo cum Nostris circumspicerent, si quid venale esset vsibus nostris accommodum, audierunt in optima urbis regione, ac prope medio in situ inter Magistratum ferè tribunalia venalem domum prostare, quæ sua amplitudine Nostris caperet, nec pretij magnitudine deterreret. nam vetustior erat aliquanto, & fama erat, spectris nescio quibus obnoxiam, Sinicisq; ritibus infelicem haberi. ergo adhibitis in consilium amicis, maximè Ciù Paulo, non consilium solum, sed etiam auxilium nūmorum inuenerunt. ergo illis ipsis agentibus intra triduum res tota concluditur, & Nostris anno quinto supra secularem Augusti vigesimo septimo, in ædem nouam commigrarunt, & in ea primum sacellum elegans, ac per amplum concinnarunt: hac re sedes Pechinensis magnopere stabilita est, & Nostris laxius aliquanto habitantes Tyronibus à domestico tumultu remotiorem locum designarunt. eam rem non ceteri Socij solum. sed ipse quoq; Visitator magnopere comprobauit, ac dissoluendis debitorum nominibus & coëmendæ suppellectili sumptum misit: postmodum tribus in superiori contiguatione cubiculis, in inferiori totidem domus aucta est, & Nostris in aëre liberiore respirarunt. Domus enim vniuersa intra parietes socios reclusa, nec super vnam contiguationem

tionem assurgens, quales fere sunt Sinarum ædes, nihil præter calum ipsum murosque spectabat. cum nouis ædibus creuit etiam concurrentium, nosque visitantium ex omni ordine hominum multitudo. Eius rei laborem, spes fructus aut ipsa fruges solatur. Itaque oportet fere vnum aliquem è nostris dies totos in Aula quæ Visitatores excipit confidere, atque ita nihil opus est Nostris ad fidem euulgandam per urbem vicosque cursitare, sed sua sponte permulti veniunt, & quidem interrogati, cuius rei causa, plerumque respondent duabus syllabis Linchiaù: ac si dicas, accepturus doctrinam veni. ac tametsi nonnulli etiam rerum nouarum cupiditate alliciantur, nihil tamen refert, quocumque modo Christus annuncietur, & magno solatio est, quod non è vulgo: sed è prima nobilitate ac litteratorum Magistratumque maiestate concursus constent. vnde si uetus è simili gente collectus, quo latius diffunditur eo diuiniore esse censetur.

Coempta igitur domo, contractus instrumentum misere Nostri ad grauissimum in eo munere Magistratum, vti cum contractum suo sigillo confirmaret, constaretque Nostros in vrbe Regia è Magistratum voluntate ædes coëmisse, sed adhuc vna cura premebat, annos enim ferè quinque nemine tributum domus exigente, siluerunt, & ob id ad tribunal vocati, rationem reddituri. cur tot annos domestico sese onere nondum liberassent. veritus est P. Matthæus, ne supra debitum vectigal multam etiam lueret tarditatis: ergo scripta ad amicum suum Magistratum schedula, qui erat etiam illi familiaris, cui regionis nostræ reuidendæ à Tribunali cura fuerat demandata; ea schedula petebat, vti efficeret apud familiarem suum, ne homines externi & apud suos litterati vulgi oneribus subijcerentur. fecit & ita, vt non solum nihil de præteritis annis quereretur, qui inquirebat, sed scripto diplomate Nostros in perpetuum immunes declarauit, domumque nostram e tri-

Patres immo-
nitatibus do-
nantur.

V V V

butorum

butorum regionum cōmentarijs expunxit. ea res magni momenti fuit, non ipsa tantum tributi liberatione, sed quod eo diplomate publica fiebat externis hominibus facultas in ea regia commorandi, visa etiam nostris est quodammodo ades nostra sacra in hoc totius regni capite, Ecclesiasticam libertatem consecuta.

Excursiones in
pagos vicinos.

Non ita multo post oblata est Nostris opportuna commoditas in pagos quosdam regionis Pantinfū Prouinciæ Pechinensis excurrendi, triduo fere ab vrbe regia distantes. ea excursio facta est eo duntaxat consilio, vt fides nostra latius vagaretur. nec spem fefellit euentus. primis annis Neophytorum numerus centum & quinquaginta superauit, ac deinde paulatim annuis incrementis sese magis ac magis propagauit.

Volumen de
scientijs & Eu-
clide Sinico
idiomate.

Eo quoque tempore res fieri capta est, quæ tamen si primo aspectu ab instituto aliena videatur, vsu tamen Magistro constitit non parum ad institutum profuisse. Cui Paulus Doctor id vnum videtur agere, vt editis iam voluminibus de fide ac moribus aliquot, aliud etiam de scientijs Nostris velut prægustatorium ferculum preponeremus, in quo simul nouitas cum euidencia decertaret, de varijs igitur scientijs nostris actū est, sed nihil eo tempore ita placuit, vt Euclidis elementorum volumen: ideo quod Mathematicæ apud Sinas disciplinæ æstimatedur quidem supra cæteras fortasse nationes, sed practicè omnia fere proponuntur, nec à proponentibus demonstrantur. vnde licuit cuilibet sua, quæ non probaret somnia comminisci: Euclidem vero constabat Geometricas suas propositiones ita proponere, vt etiam pertinaces conuincantur. Ergo ad P. Matthæum in hoc opere iuuandum designatus est amicus Pauli Licentiatus quidam, qui eodem cum eo tempore eum fuerat gradum consecutus, ad vltiorem gradum adspirare ex Sinarum legibus ei non licebat. Idem P. Didaco prælectionem è libris Sinensibus quotidie exponbat, & domi nostræ

nostræ uti liberior esset congressus, commorabatur. Verum cum eo Licentiatò tentata res minus feliciter succedebat: iam enim Doctorem Ciu Paulum P. Matthæus monuerat, neminem nisi acuto ingenio præditum hoc opus posse vel assequi, vel ad optatum finem perducere. Itaque Ciu Paulus, opera & studio P. Matthæi, quem aliquot horas quotidie prælegentem audijt, adeò profecit, ut quod iam fuerat assecutus, sermone quam limatissimo expoliret: ergo annuo spatio sex primos elementorum libros dilucido politoque sermone Sinensi donauit. neque enim in eo idiomate defunt vocabula, quibus scientiarum nostrarum omnium termini expræsentantur. volebat ille quidem ad reliquos Euclidis libros pergere, sed hi soli sufficere P. Matthæo visi sunt ad institutum. hos igitur sex in vnum volumen redactos, Ciu Paulus dupbus elegantissimis præfatijs exornauit: alterum P. Matthæi nomine, auctorem huius libri antiquissimum declarabat. eius etiam Commentatoris P. Clauij Magistri sui meminerat, cuius demonstrationes ac notas saltem præcipuas Sinensi sermone donarat, vsum etiam horum problematum ac theorematum aperit, & alia nonnulla è Mathematicis deprompta disciplinis. Altero præfatio Ciu Paulus id vnum agit, ut Europæas scientias litteratosq; commendat. Huius voluminis exemplaria typis excusa ingentem Sinensibus admirationem attulerunt, eorumq; fastum non parum deprefferunt: ad eum porrò librum intelligendum multi se in P. Matthæi disciplinam, alij Ciu Pauli tradiderunt, & sane adhibito Magistro nihilo quam Europæi nostri difficilius assequuntur, & magnopere demonstrationum acumine delectantur.

Moritur interea Ciu Pauli senex parens, & ob id illum regia sede oportebat egredi, & domi triennio priuatum residere, quo triennio vnus è Nostris Nanchino ab illo abductus familiaris, ciuiumq; suorum salutem procurauit. In funeris appar-

Apparatus funebris in morte parentis Ciu Pauli.

ratum (exclusa omni rituum superstitione) magnam exhibuit maiestatem, & in solo feretro extruendo è pretiosa Cedro & incorrupta aureos supra centum & viginti expendit. In æde quoque nostra Cænotaphium illi extruximus è panno damasceno nigro. nam tamen si candidus color à Sinis habetur luctuosus. nos tamen in Ecclesiasticis ritibus consuetudinem retinemus Europæam. Cænotaphium cohonestabant cerei vnde quaque complures, & varij odorum fumi, sumptum quoniam Parenti honorando filio subministrante: his ita comparatis, in solemni Neophytorum cætu ecclesiastica officia celebrabatur: ipse asperrimo habitu indutus è Canabino panno crassiore ex more assistebat: inde Missæ sacrificium pro fidelibus vita functis, quæ potuit celebritate, peractum est, & ea re Neophyti mire alacres, quod alias nondum similem cõspexissent apparatus, ac fortasse nescirent, tam insigni à Nostreis pompa virorum grauium funera procurari: abiit tandem Doctor Paulus ad suos cum Parentis cadauere cedrino feretro incluso, quod in Patrium sepulchrum erat illaturus: abiens palatij sui suppellectilem vniuersam Nostreis vtendam reliquit, donec expleto luctu ad munus suum se referret.

*Pater Alexander Valignanus Visitator & primus
expeditionis huius fundator moritur Amacai.*

CAPVT OCTAVVM.

P. Alexander
Valignanus co-
natur rem Si-
nensem stabi-
lire.

Optabat ætate iam inclinata Visitator rem Sinensem quàm optimè posset, ante obitum constituere. habebat enim longo tot annorum vsu incredibilem erigendarum missionum inter Ethnicos experientiam. ideoq; tentabat ipse in Sinense Regnum ad visendas Nostrorum sedes penetrare, & coram ea videre, quæ per litteras fuerat assecutus. nam idem est in hoc negotio, quod in oculis nostris quotidie experimur, quos
opor-

oportet sæpè falli, si de rebus longe positis voluerint iudicare. P. Cataneum sibi Socium designarat iam comperto, quam exiguo fructu rem apud Sinas Christianam Amacai tentasset, sed ne quid in ea re discriminis adiret, expeditio vniuersa, maximè quod vir tantus non nesciri poterat, annos plures in Iaponia commoratus, quam inter ac Sinas odium est plus quam vatinianum, & inimicitia supra capitales. scripsit igitur ad socios omnes intra Sinense regnum eorum hac de re sententiam consiliumq; exquirens. varia fuerunt non sine causa Sociorum sententia. P. Matthæus nihilominus & alij quidam periculum, si quod esset rei tantæ commodis posthabentes, eum omnino euocarunt. Ut igitur ea res tutius fieret à varijs Magistratibus adnitente maximè Ciù Paulo, diplomata varia impetrantur, quibus P. Cataneo iam noto ac Socijs liber in Sinense regnum reditus permittebatur: imo tanta fuit amicorum consensio, vt etiam per vniuersum iter ex arario publico sumptus suppeditari iuberentur: nauigium publicum quoties flumine, equi tres & baiuli sex, si terram iter institueret placuisset, eum hoc diplomate Frater noster Franciscus Martinez in Cantonensem provinciam ad Socios adducendos nauigauit, & iam itinere toto sumptus è publico ei subministratus est diplomate quod habebat ostenso, & quoties magis placebat, pro quotidiano victu nummi numerabantur.

Ad hoc iter Visitator noster multa in huius expeditionis vsum adferebat, & designarat aureos minimum mille ad singula domicilia deferre, vt agros aliquos coëmerent in eo ipso regno, ad necessariam Nostrorum sustentationem inchoandam. maximo enim incommodo, nec minore periculo annuus Nostris Amacao mittebatur commeatus, & omnino certum est, maximam partem Sociorum in hoc regno firmitatem inde pendere: si coëmpis bonis stabilibus Sinæ sibi persuaserint, nos ad reditum in patriam quippiam contra se mo-

lituros minimà aspirare. & si hæc summa Europæis exigua videtur ad sedem vnâ stabilendam, scire tamen oportet, ex huius regni copia rerumq; vilitate sufficere vni domicilio, si huius summæ duplum in coëmendas possessiones effuderint. volebat igitur Visitator quod amplius non poterat, hanc Nostrorum sustentationem in annuo prouentu inchoare.

Visitator P. Valignanus moritur.

Interim dum hæc acriter comparantur, Socij q; ad Visitatorem suum excipiendum præ gaudio gestiunt, in lethalem morbum incidit, qui vitâ eius ipse q; nostras breuissimo tempore amputauit. Exeunte igitur Ianuario anni supra secularem sexti, cum nouem supra sexaginta sanctissimè decurrisset, ad laborum suorum præmia in cælum, vt speramus, euolauit. Hic repentinus casus Christianis expeditionibus Iaponensi ac Sinenfi cecidit per importunè. illâ enim ille promouerat, hanc etiam nostram crexerat: vtramq; rara beneuolentia, & continuo multorum annorum labore: sentiebant omnes se tali præsidio nudos inter tot pericula, & rerum omnium angustias derelictos: & notatum est nescio quo secretiore Dei iudicio, duos viros sanctissimos, B. Franciscum Xauerium, ac Visitatorem Alexandrum Valignanum, in huius regni ingressu diem suum obisse, priusquam quod designauerant, exequerentur: id etiam tertio notatum est post P. Matthæi obitum. nam P. Franciscus Papius alter Visitator in eo ipso procinctu anno millesimo sexcentesimo duodecimo diem clausit extremum. Faxit Deus vt ea res huius gentis peccatis exigentibus minimè fuerit impedita, sed eo consilio à Deo permissa, vt in cælum supremi Regis aulam eos ad se euocaret, qui efficacius ex eo loco rem Christianam promouerent, vbi eos plus posse, nec minus velle constaret. Moriens igitur Visitator facile ostendit, quanti hanc expeditionem faceret. nam loco suo tres alios utilissimos operarios immisit, & quæcunque iam comparauerat, eo destinauit, solum quæ de annuo prouentu destinaret,

narat, varijs impedimentis disturbata, infecta remanserunt. in his quæ missa sunt, variæ sunt Ecclesiasticæ vestes, imagines, & alia huiusmodi, quibus viuens utebatur. ea omnia apud nos asseruantur, tanti Patris apud posteros nostros gratissimum monumentum..

*In Cantonensi Metropoli graui tumultu in No-
stros excitato Frater noster Franciscus Martinez
occiditur.*

CAPVT NONVM.

His ipsis quibus hæc scribuntur annis, Holandi pyratæ In-
diam Orientalem latrocinijs infestare ceperunt: res ali-
quot annis eis cecidit è sententia, ideo maxime quod Lusita-
næ naues ad hæc vsque tempora armatæ contra indigenarum
insultus, non contra vim Europæam nauigabant. Indi quip-
pe minoribus nauigijs sicubi hoc faciunt pyratæ exercere:
hi Lusitanarum nauium moles ne tentabant quidem, sed ere-
pto maris dominio vbique fere facultatem nauigandi à Pro-
rege, vel eius nomine à Præfectis exigunt. hæc naues inermes
prope, si quando in Batauos aut Anglos pyratas incidebant, fa-
cile inermes armatorum prædæ subiacebant: quanquam an-
nīs deinde posterioribus, ex quo Europæo se more munie-
runt, iam diu nihil effectum est ab illis, sed potius ipsi damna
multa pertulerunt. Pyratæ nauigationis spolijs elati, arces
etiam Lusitanis eripere tentarūt; Malucensem, Malacensem,
& Mosambicenam, sed quo euentu nemo nescit, nec ad meum
pertinet institutum: etiam Sinense regnum ingredi, sed fru-
stra tentarunt, immemores vt arbitror non exiguitatis suæ so-
lum, sed tuti etiam apud suos diuerbij, qui multa complecti-
tur, male stringit. in Prouinciam igitur Fuchianam, quæ ad
Aulianam in extremo angulo Orientem versus ad mare adia-

Holandi In-
dianæ latroci-
nijs infestant.

Holandi Sine-
se regnum in-
gredi tentant.

Fuchiana Pro-
uincia,

ect

cet appellentes in eapodem figere sunt conati: magna promittebant, siue ab lucro mercium inferendarum, siue ab Iaponijs Lusitanisq; Amacao, & Hispanis è Philippinis insulis expellendis: quasi vero, Regni Sinenfis potentia à Batavis lacunis auxilium expectaret. vbi senserunt promissis grandibus paruum haberi fidem, ad minas etiam ac puerilia tetrimenta displosis bellicis Machinis refugerunt: Verum æquè vtrumque à Sinis reiectum: ipsi vero cum vim profuturam desperarent, Malacam versus redeuntes, in Reguli Patanæ portu consederunt, à bellicis expeditionibus domandoq; Sinarum Imperio ad pyratricam artem antiquam redierunt. nam ad fretum Singapurum angustijs celebre Sinicas onerarias Lusitanorum in Indiam à Sinis renauigantes præstolabantur. Et quoniam Amacaense oppidum iam minis inuasent, ac spe deuorarât, Amacaenses nullo præsidio rekti, murum extruere in Colle Amacaensi Collegio proximo in arcis modum inchoarunt, ac eodem tempore cum ædes nostra fortuito incêdio arsisset, denuo erigebatur: vtrumque Sinæ impedire conati sunt, ædes tamen ipsis inuitis assurrexit: Arx tepescente pyratarû metu intermissa est. E Regione Collegij scopulus erat potius quam Insula, sesquimiliaris fere ambitu: cum scopulum Nostri iam ab omni sæculorum memoria desertum, ad honestam Collegij recreationem & ædiculam extruendam occuparant: id nimirum Sinæ arbitrati sunt à Lusitanis ad arcem contra se extruendam occupari. Ergo dissimulato tantisper furore, tempus commodum explorarunt, quo tempore Lusitani omnes in templa conuenerant; ipsi Magistratus, qui Amacai Sinas regunt militares illi, & ex infimo prope ordine, ausi sunt tamen in Insulam illam nauigare, & armata manu, nec opinantes cum fratre nostro seruos domesticos obruere: Domum igitur exiguum illam quidem incenderunt, & cum in sacello D. Michaelis imaginem reperissent, eam indignissimè lacerar u n

Amacaenses se
mununt.

Sinæ occupât
Sociorum do-
mum Amacai
& incendunt.

rarunt. Frater noster nisi Iapones famulos cohibuisset facile vim imbecillium Sinarum repulisset: sed noluit damni exigui causa turbas excitari. Victores igitur Sinæ sese in oppidum receperunt, ac tametsi fumus incendium prodidit, ipsique ex oppido spectantes Lusitani incendendas Magistratuum ades iudicarent, cohibiti sunt tamen à Socijs, & sese in domos suas receperunt. Ex ijs Magistratibus erat vnus origine ac professione Saracenus: nam ex Tartarorum reliquijs multi in core- Saracenus qui
dam malorum
incentor. gno remanserunt, qui post quartam generationem pro indigenis habiti, ne à literarijs quidem gradibus publicisque munij prohibentur. Is malorum incentor erat, & imaginis Christianæ legis odio lacerator: iam se Lusitani in domos receperant, cum ecce tibi frater noster clam imagine Lacera de re tota superiorem admoniturus exscendebat, laceram demum imaginem Lusitanorum serui conspicati, furorem diutius minime tulerunt, sed concursu facto in Magistratuum ades irruerunt, & Saracenum illum male mulctatum etiam in Collegium nostrum capillitio passio & liuoribus foedum adduxerunt, eum Nostri vrbs Præfecto Lusitanisq; auctoribus domum suam remiserunt: res deinde tota cum vicini oppidi Ansani Gubernatore compositæ tumultum compefcuit. Nostri Insulare mansit ea lege, vt quoniā hoc esset Regis Sinarum solum, Nostri Regiū ibi nomē esse litteris aureis inscriptū Sinicè pateretur.

Exasperatis in Amacaenses nonnihil Sinarum animis, alia res accidit longe periculosior, quæ expeditionē Christianam vniuersam, imo & oppidum Amacaense Sinensēq; commercium in apertum discrimen adduxit. ortæ fuerant in Ecclesiastico quodam negotio inter Sacerdotem quendam secularem & Religiosum, nescio quæ discordiæ: Religiosus iniuria affectus Rectorem Collegij nostri Conseruatorē appellauit, ideo quod sede vacante Episcopatus moderator Sacerdoti, qui iniuriam fecerat aperte faueret: Ex hac lite vrbs in duas partes

X x x

factio-

Tumultus cau-
sa falsò persua-
detur Sinis.

In Metropoli
omnia metu
& tumultu re-
plentur à Sinis

factionesq; diuisa est, atque ita vt sine dubio misera esset oppidi facies, cum in Ecclesiastica lite secularibus prope armis certaretur: ea pars quæ Episcopatus Moderatori fauebat infirmior erat, quam vt vel iure vel iniuria victoriam speraret: ergo homines nefarij dum moderatori nimis fauere volunt, eo, vti credibile est, nesciente, pænè cum aduersarios perdere volunt seipsos Remq; publicam euerterunt, nauim ipsam qua vehabantur perforantes. Persuadent igitur nimium credulis in hac materia Sinis, hunc ciuitatis tumultum inde nasci, quod P. Lazarus Cataneus, qui etiam tunc Amacai in Sinensi habitu residebat, totius Imperij Sinici Tyrannidem affectaret: cum ab Lusitanis Ducem ideo nominatum, quod itinerum peritus esset, & vtramq; iam Regiam peragrasset, classem in eius auxilium breui venturam, non ex India solum, sed ex Iaponijs quoque Insulis: interim Socios qui intra regnum commorantur, iam permultos in suas partes traxisse, qui huius tumultus euentum præstolantur. Amacao in Cantonensem quoque Metropolim libello scripto, hæc fama emanauit. Quid non audet calumniatorum maleuolentia & liuor, qui etiam propria pericula spernit, vt procuret aliena.

His in oppido Amacaensi euulgatis, Sinæ omnes in metropolim aut in patriam refugerunt, & omnia metu tumultuque repleuerunt: ea indubitata planè visa sunt. nam & arx nuper extructa, & templum nostrum pro arce alia habita est: tumultus etiam ob scopulum illum excitati, rem plane credibilem aptissimis coloribus effingebant; pauciora gentem suspicatissimam terruissent: admonito igitur Prorege, Prouincia Cantonensis tota, terra marique delectus faciebat, in metropoli ædes omnes extra muros dirutæ supra mille fuisse perhibentur, non sine insigni vulgi iactura, commercium omne cum Lusitanis interdictum, commeatus in oppidum Amacaense inuehi prohibitus, ipsæ Cantonienfes portæ calce & lapidi-

lapidibus obstructæ, quaparte Amacaum spectant, diurnæ ac nocturnæ vigiliæ auctiores pro muris dispositæ, edictum litteris cubitalibus propositum, quo edicto gravissimis pœnis interdicebatur, uti nemo Amacaensem aliquem domo exciperet, observeretq; maximè Sacerdotes illos externos, qui medio in capite raso capillitio circulum gestant: ex ijs quippe vnum nomine Cotienieu (sic enim P. Cataneus à Sinis appellabatur: ipse enim Lazari significationem pro Sinensi nomine acceperat Diuinum scilicet adiutorium) Regnum affectare: cum pleriq; P. Matthæum esse arbitrabantur, in Sinensi utique regno notiozem, hac igitur ex causa Cantonienfis metropolis bellico tumultu ardebat, imo res ipsa datis libellis ad Regem penetrauit, quibus deferebantur ij, qui murum & arcem extrui permiserant, ea res Pechini molestissima simul & periculosissima nostris accidit; sed Cantonem redeamus.

Hæc ubi Amacaenses Lusitani, qui rem gerebant publicam senserunt, legatos in metropolim amandarunt, qui omnem à se accusationis inuikiam remouentes postulabant; ne solito com meatu priuarentur, eo maximè tempore, quo pyratum insultum formidabant: nulli credibile videri, se iam tot annos pacatiores eo maximè tempore conspirare, quo iam fere triennium, Indicis nauibus destituti, in extremam prope inopiam, ac vrbs solitudinem deuenissent: permissum est igitur Sinis Negoriatoribus, uti redirent Amacaum, sed eo maximè consilio, ut certiora de sparso tumultu referrent: res igitur accuratius excussæ, veritatem aperuerunt, & ne tumultus quidem somnium apud Amacaenses extare. ergo populus dirutas sine causa ædes suas lamentabiliter querebatur, & summus maris Præfectus, Haitaui vocant, ad laborabat, uti persuaderet, non sine causa ædes auctoritate dirutas fuisse. sciebat enim ingens sibi malum imminere, si forte rei veritas in Regiam perueniret.

Lusitani Amacaenses com meatum postulant per legatos.

Xxx 2

Hoc

Franciscus Mar-
tinez Nancia-
no euocatur
Amacaum.

Franciscus mo-
netur ut fugi-
at.

Franciscus pro-
ditur & com-
prehenditur.

Hoc ipso tempore Visitator, ut paulo ante narraui, ad ingressum in Regni interiora se accingebat, & ad se deducendum Fratrem nostrum Franciscum Martinez Nanciano euocaret: ergo ille in Metropolim Cantoniensem tametsi tertiana vexaretur, sprete ægritudine, nauigauit. cum igitur aduenit, turbata omnia reperit, & de morte Visitatoris accepit litteras, dubius igitur quid ageret ad Collegij Rectorem scripsit Amacaum, vellet nec ne redire vnde venerat, an iter incæptum proseguere Amacaum usque, hoc enim à Patre Nicolao Xauceana sedis superiore in mandatis acceperat. Interim Socios Xauceanos monet imminere grauem aliquam procellam expeditioni vniuersæ, ex ijs quæ in metropoli reperisset. consilium alijs dare, sibi sumere nesciuit. Monitus fuit ab amicis non semel ut se in locum aliquem tutum reciperet, eò quod facile resciri queat, eum Amacai natum; ille verò innocentia sua & Diplomatis munitus adduci non potuit, sed cum reliquis Neophytis, quantumuis cum febris confligaretur, maioris hebdomadæ cultum diuinum celebrauit. Interim ad eum visendum inter reliquos venit Neophytus quoddam, nunc verius desertor Cantonienfis ciuis: hic ut nummulos aliquos emungeret, terrere fratrem nostrum cæpit, sed spe sua exturbatus, fratrem nostrum detulit ad vnum è maris custodibus, asserens eum esse Catanei affectatoris Regni exploratorem, arbitratus est miles iste, se præmium à Magistratibus velut re graui deprehensa accepturum: ergo de ædibus deque exploratore certior factus, rem ad Progubernatorem urbis (nam aberat Gubernator) retulit: exploratorem quendam scilicet Amacaensem certis in ædibus cum alijs aliquot socijs latitare: hoc nuncio mirè lætus, arbitratus est posse summum maris Præfectum ac reliquos, qui se huic negotio immiscuerant, Magistratus, liberari ab hac populari calumnia, quod nempè sine causa multorum ades diruisset. ergo eo ipso momento

mento apparitores duos misit ad fratrem nostrum ac Socios comprehendendum: iuerunt illi equites armis militibusque cincti, uti res grauior appareret: repertus est bonus frater in lectulo cum febre, conflictans: cum igitur lectulo assurgere iubent, & omnibus domi repertis iniiciunt vincula: aderat forte Patruus alterius fratris nostri, cum duobus pueris eiusdem propinquis: aderant etiam famuli duo, quos secum Franciscus noster adduxerat: inde referunt in commentarium quidquid domi repererant, eius ianuam clauē ac sigillo muniunt, ne quis ea quæ repererant exportaret. Sparsit fama subito Sacerdotem externum, qui venerat exploraturus, esse comprehensum, & tanti concursus repente facti sunt, ut per vicos transiri ægrè posset: tenebræ rem horribiliorem reddebant, multis enim facibus incensis collustrati, & militum tumultuantium clamoribus euulgati ducebantur.

In Pro gubernatoris palatium abducti, nulla præuia inquisitione, quæstioni subijciuntur omnes. Id ita fit: ligneis vestibus duobus non sine maximo doloris sensu pedum calces cōstringuntur, ac deinde malleis contusi vestes, pedes ipsos percutiunt. In hac atrocissima quæstione, frater noster patientissimus obmutuit, non sine omnium stupore, qui scirent cæteros magno eiulatu dolorem solere testari: ipse vero Socios exhortabatur, uti meminissent se lege Christiana à mendacio prohiberi, viderent etiam atque etiam, ne quæstioni cederent, ac tormentis. Iniquus deinde Iudex quærit à Francisco quis sit, & quorsum in eam urbem venerit: respondit se Xauceon non Amacao venisse, & Magistratuum grauissimorum litteras secum habere testes, cuius causa venisset: eas ad se extemplo deferri iussit, quibus lectis satis dubius fuit, quid ageret: cæteris seorsim interrogatis, idem omnino reperit, parumque abfuit, quin liberum dimitteret, veritus Magistratuum, quorum erant litteræ, indignationē. aderat forte accusator, &

Franciscus cum Socijs quæstioni subijciuntur.

Puer examinatur.

Xxx 3

magni

magni referebat eum probare, quæ dixerat: ergo tartareo plane inuento, quærit ex altero è pueris. Franciscus Pharmacum aliquod coëmisset nec ne? Ea vox quæ Pharmacum apud Sinas significabat, puluerem quoque tormentarium innuit, si addideris syllabam vnam, quæ sclopetum significat, puluis enim tormentarius Sinicè sclopetorum pharmacum appellatur, Ciunhiò videlicet. & quoniam frater noster æger pharmaca coëmerat, annuit coëmisse; tum accusator voce elata; Ecce, inquit, puluerem tormentarium dicitur coëmisse; nam pharmaco aliam vocem addidit, quæ sclopetum significat. Hoc audito Frater noster, ac ceteri puero annuerunt, ne quicquam falsi pronunciaret: Id Iudex aduertit, omnes scilicet cum de puluere audierunt, permotos fuisse, & suspicionem prope iam excusam reuocauit, omnino ratus aliquid inter eos latere. ergo puerum ad se propius euocat, & quærit quale tandem esset illud pharmacum: puer intulit ad ægritudines depellendas; tum iratus Iudex, quasi cæterorum nutu sententiam mutasset, tormentum aliud innouauit, adstrictis inter digitos arundinum frustis, quare territus, sclopetorum pharmacum fuisse confirmauit. Hac re iam, ut videbatur, cōperta, impunitatem puero promisit, si omnia enarraret: Puer vero uti seipsum eriperet veris falsa permiscuit, ex interrogantium voluntate dixit, cum esse Societatis nostræ Religiosum, Amacao venisse, eo sclopetum multa misisse, & alia bellici apparatus armamenta. His auditis Iudex fratris nostri pileum è capite detrahi iussit, uti videret, num sub capillitio tonsuram gereret clericalem, & eam gerebat, quod minoribus ordinibus esset initiatus. ergo de re tota nihil in posterum Pro gubernator dubitauit. Subridens igitur fratri nostro dixit: si adhæc perpetranda venisti, quorsum hæc Magistratum grauius morum diplomata? cum noster etiam nunc pernegaret, dixit Iudex: lux crastina omnia deteget: & in vincula eos seorsim singulos abduci imperauit.

Die

Puer vi tormē-
torum falsum
dicit.

Die igitur insequenti Fratris nostri sarcinulas ad se ferri iubet, ibi litteras Europæo charactere, librosq; nostrates, vestes etiam interiores è Lusitano more reperit: quæ omnia eum iam nihil dubium acrius confirmarunt. ergo Amacao venisse certus, diplomata omnia falsa iudicauit: in quam rem propèsum accusator impulit, asserens Fratrem nostrum celebrem magum esse, qui se adstantiū oculis eum vellet eriperet, quoties in eius conspectum aqua deferretur: caueret igitur etiam atque etiam ne aquam videret, atque ita dies multos in vinculis incredibilem sitim passus est, donec paucis ante obitū diebus in vinculis aliqui misericordia permoti, clam aquæ paululum obtulerunt.

Franciscus pro
Mago habetur

Horum omnium quæ inuenerat certiore reddidit Pro- gubernator Architalassum, à quo iussum est, vti sibi omnes sifterentur, abducti sunt eo matutinis horis, & in publico vico ad vespertinas vsque, aduentum Magistratus præstolati sunt. concursus erat ingens ad exploratorem conspiciendum. agnitus est ab amicis quibusdam Frater noster, sed Apparitoribus prohibentibus ad colloquendum admissi non sunt. vix dum Architalassus in tribunal venerat, cum re inaudita iussit atrocissimè singulos solitis fustibus verberari, pueris exceptis: quos ætas huius pœnæ impatientes sine morte reddebat. permouebat omnes miserabilis Fratris nostri facies, quem longa ægritudo & superiora tormenta mortuo similiorem, quam viuo referebant. Architalassus deinde Progubernatoris examini fidens, seque hac ratione à populari calumnia liberans, sententiam capitalem in fratrem nostrum, & alios duos patrum puerorū, & Ignatium è famulis prouectiorem pronunciauit: famulus vt perduellionis socius; patruus quod hospitio perduelles excepisset hac pœna damnati sunt. Cum hac sententia in vincula reducuntur, vbi noctem totam cum maximis doloribus conflictatus saucius, & suo sanguine infectus,

Franciscus &
Socij sistuntur
coram Archi-
talasso.

Sententia fer-
tur capitalis.

ctus, magna tolerantiæ significatione transegit, & ad solatium compedes ac manicas pedibus, ac manibus gestans, mouere se tantillum prohibebatur: die insequenti ad Pro gubernatorem reducitur denuo excutiendus: hortatur igitur vt iam deprehensus omnia aperiat, alioqui se illum in altero crure brachio-ue ideo cruciaturum, vt Pro regi alterum relinqueret ad tormenta. Respondit Frater noster Franciscus, esse se professione Christianum, Deum vnum ab infantia venerari, In Societatem IESU cooptatum, Matthæi Ricij, qui Pechini degebat, discipulum esse: abstinuit enim à Xauceanis Socijs nominandis circumspèctè, ne fortasse quod in eadem essent Prouincia euocarentur: se adnitente Magistro suo hæc Magistratuû diplomata impetrasse: nihil finxisse: nihil adulterasse. Hac eius confessione Pro gubernator irritatus, eum denuo verberari iussit non dissimili atrocitate, quam qua altero die vapulasset: sed iam frater noster ferendo non fuit, nam vulnera vulneribus addita, primis eum ictibus semianimem reliquerunt, veritus ergo Pro gubernator, ne inter verberationem moretetur, quæ res sine dubio ei Magistratum eripuisset, ab vltiori verberatione abstinuit, & eum tabulæ impositum in vincula, quam celerrimè remisit. In carceris ingressu bonus Frater Spiritum Deo reddidit, nullo humano solatio adiutus, sed credibile est, diuina illi minime defuisse. Id in Martij postremum diem incidit, anno supra secularem sexto, ea ipsa hora, qua Christus Seruator noster in Crucis tormentis expirauit. Annum ætatis agebat tertium & trigessimum, ex his quindecim domi nostræ Deo famulatus magnopere se Nostris Neophytisq; probauit: eum Socij nostri certatim optabant: orationi deditus erat impense, vnde credi potest, eum hoc crudelissimo mortis genere expurgatum ex templo celestibus gaudijs fuisse donatum. Magistratus vbi de illius morte audierunt, carceris Prefecto iniungere, vt eo in loco terræ mandaretur, à quo

Franciscus iterum verberari iubetur.

Franciscus in carcere verberatione euocatus Spiritum Deo reddidit.

à quo facile à cæteris internossi posset. si forte de eo Prorex
velut exploratorum capite aliquid sciscitaretur. ergo extra
muros humo mandatus est cum illis ipsis vestibibus manicis at- Franciscus se-
pelitur.
que compedibus, in quibus Spiritum emiserat. & videtur id
Deo permittente factum, ne Dei seruus Diuinis officijs &
communi sacri cœmiterij sepultura careret, quod deinde ca-
dauere Nostris restituto factum est, insigni pompa, vt infra
diceretur.

*Cantonienſi tumultu ſedato P. Catanens cum al-
tero Socio ad ſtationem ſuam intra regnum redijt.*

CAPVT DECIMVM.

ADmonitus (vti diximus) de hac Luſitanorum Amacaen-
ſium rebellione, iniunxit ſummo militum Præfecto Can-
tonienſis metropolis Sompin vocant, vt ex vniuerſa Prouin-
cia coacto milite ad expugnandum Amacense oppidum ex-
templo proficiſceretur: verum ille ſane prudenter iudicauit,
neque tantos ſumptus temere faciendos, neque incertam re- Exploratores
Amacaum mit-
tuntur.
bellionem certo bello perſequendam. Itaq; exploratores mi-
ſit Amacaum, qui pacata omnia retulerunt, niſi quod urbem
in duas factiones inter ſe diuiſam nunciabant, quod ipſum a-
crius etiam perſuadebat nihil eos rerum nouarum moliri. his
nuncijs populus à Progubernatore & Architalaſſo tumultus
auctoribus etiam vehementer abhorrebat, Progubernator
vero ex Franciſci morte metu concepto, Ignatium noſtrum
famulum alia perduellione conatus eſt inuolucere, vera illa qui-
dem ab Idolorum Miniſtris in Xauceana Regione intentata,
ſed quæ nihil ad Ignatium pertineret: id vbi minus è voto ceſ-
ſit, carceris Præfecto iubet, vti omni eum alimento interdi-
cat: ſperabat enim ſe cum Deo crudelitatis & iniuriæ in fra-
trem noſtrum inditium omne ſopiturum: Verum è concapti-
uis

Yyy

Xaucei domus
Sociorum lu-
stratur.

nis aliqui clam ei subministrabant, quod ad vitam sustentan-
dam satis esset, donec Xauceo nostri subuenirent. Scripsit et-
iam ad Xauceanum Gubernatorem, uti domi nostræ explo-
raret, num quid armorum bellicie apparatus, apud nos de-
litesceret: fecit ille, & nihil isthuc fuit repertum, nocturnas
etiam circum ædes nostras excubias adhibuit, mirantibus no-
stris, quod ad eam diem nihil de fratris nostri vinculis, de mor-
te minus inaudierant: sed non latuit diu ea res, certis nuncijs
Amacai tumultuatum, & externorum Sacerdotum explora-
torem comprehensum nunciabatur: huius tumultus caput &
Dux P. Cataneus nominabatur, qui tanto tempore Xaucei
fuerat comoratus. Hoc rumore ciuitas vniuersa trepidauit,
& Neophyti omnes nostri amiciq; Ethnici à Nostrorum con-
gressu abstinerunt, veriti ne pro perduellibus haberentur.

P. Nicolaus ad
Proregem li-
bellum mittit.

His auditis P. Nicolaus statuit omnino ad Proregem ip-
sum ipsemet pergere, rationem facti redditurus, & Francis-
cum nostrum liberaturus. Sed ex consilio amicorum libellum
per negotij curatores misit, qui eo ipso tempore traditus est,
quo Architalassus ad hæc ipsa negotia aduenerat. Prorex iam
certior factus, Franciscum nostrum in tormentis expirasse, &
Amacaensis tumultus nebulam dissipatam, dissimulauit, & li-
bello minimè respondit: non tamen inutilis fuit hæc innocen-
tiæ nostræ significatio. nam cum Architalassus in Metropo-
lim redisset, grauitèr questus dicitur, quod in re tanti mo-
menti parum consulte processisset, illum enim, quem verbe-
ratione mactauerat, satis constare, exploratorem Amacaen-
sem nunquam fuisse, sed Europæorum Sacerdotum discipu-
lum, qui volentibus Proregibus Xaucei comorabantur. Missi
Procuratores dato libello, in metropolim ire pertexerunt, ut
aliud libellum Magistratibus, qui hac de re cognoscebant of-
ferrent, sed cum fratrem nostrum iam obiisse reperissent, ad
cæteros captiuos rebus necessarijs, auxilijsq; promissione re-
creandos

ereandos, sese ad carcerem contulerunt: hi reuixisse sibi visi sunt, dum rem desperatam ad spem reuocari sentirent.

Hic maximè status erat rerum nostrarum in Cantonienſi prouincia ita desperatus, vt grauius nullum discrimen expeditio vniuerſa ad eam diem adijſſe videretur: ſed non diutius Diuina manus auxilium diſtulit: Miſit enim reducem è Regia Magiſtratum ſumum ex ordine, quem Tauli vocant, qui rem vniuerſam ita compoſuit, vt de eo dicere ſoleret P. Nicolaus, qui tumultus pòdus vniuerſum è vicinia ſuſtinebat, cum ſemper viſum ſibi angelum cælo miſſum ad rem Chriſtianam ſuo loco denuo ſtabiliendam: id factum eſt in hunc fere modum. Ciau Tauli è Regia redibat nouis honoribus auctus, & in antiquis confirmatus: Nam in metropolim mittebatur Architalaſſi munus adminiſtraturus, ideo quod auctoꝝ huius imaginariæ rebellionis, cum eiſci metueret, miſſionem petierat & impetrarat: nouus igitur Architalaſſus magnam Pechini cum noſtris neceſſitudinem contraxerat, & cum P. Matthæo nominatim. vbi is igitur Xauceum appulit, pro veterè amicitia à P. Longobardo viſitatus eſt, ab eoque humaniſſimè exceptus: multa eo narrante pro tribunali de P. Matthæo audiuit, de quæ reliquis in Regia ſocijs, ab eo ſe ſciotericum horarum indicem accepiſſe dicebat, cuius vtendi modum ediſcere cupiebat. Viciffim narrat ei P. Nicolaus falſæ rebellionis rumorem, fratris noſtri mortem iniuſtiſſimam, ac cæterorum in Metropoli vincula: auxilium ab eo petijt, & ne quid excideret, prolixiore libello memoriam confirmauit. Promiſit omnia ſe facturum accuratè, quod eorum innocentiam probe comperiſſet: noluit tamen eum ſecum in Metropolim abducere; ita enim ſauere volebat, vt tamen iudiciorum morem vellet obſeruare: nihilo tamen minus P. Nicolaus paulo poſt ſubſecutus eſt, vt Fratris noſtri cadauer recuperaret, ſed quoniam nondum maturam rem eſſe vidit, accepto à Luſitanis,

Ciau Tauli
rem Chriſtianam
ſtabilire
Xaucei.

qui ad nundinas venerant, annuo commeatu, Xauceum reuerfus est.

Tauli nouus
Architalassus
iubet Amaca-
ensem statum
explorari.

Nouus igitur Architalassus cum in Metropolim peruenisset, turbata omnia reperit, nondum sedato apud suspicacissimos homines metu: ac tamen iam rei totius ordinem satis certo fuerat assecutus, finxit tamen se aliquid de Amacaensi rebellionem suspicari, uti omnia iuris forma cognita componeret. misit primum Xauceum ad urbis Gubernatorem diploma, quo inquiri iubebat, qui nam essent Longobardus, Cataneus, Franciscus & Ignatius. Urbis Gubernator, qui nouerat illius cum Nostri amicitiam, instituta perfunctorie inquisitione omnia misit, quæ ad Nostrorum innocentiam declarandam profutura videbantur: Amacaum idem Architalassus militum Præfectum virum sagacem misit, qui res Amacaenses exploraret. Ille, cum eo aduenisset, P. Cataneo renunciari iussit aduentum suum, ab eoque facultatem petijt exscendendi, cupere se cum certis de rebus in ipso Collegio nostro alloqui: arbitrabatur enim illum non Nostri solum, sed etiam urbi præesse vniuersæ. Respondit P. Cataneus, nullam exscendendi Sinas petere solere facultatem, ac si petenda esset id ad se minimè pertinere: simul subsecutus est nuncium, eumque in Collegium nostrum abduxit, ubi exceptus est ab omnibus, quæ fieri potuit humanitate: nihil è Collegio vniuerso fuit, quod non ipse videret: & cum in Bibliothecam deductus esset, dixit Cataneus: hæc sunt arma, quibus ego ad Sinense Regnum adspiro; cum in scholas, hi sunt milites, quibus Regnum vestrum expugnabo: intellexit igitur Nostros viros esse Religiosos, qui suam aliorumque salutem curarent. Inde deductus est ad videndam urbem vniuersam; nulla fuit familia Religiosorum, nulla Xenodochiorum vel Nosocomiorum domus, quam non ipse lustrauit. Ergo in Metropolim reuerfus, alia omnia quam quæ sparsa fuerant, nunciauit, maximeque P. Cataneum aliosque Socios commendauit.

Ergo

Ergo his auditis nouus Architalassus causam vniuersam à Progubernatore ad quartum Assessorem vr̄bis reuocauit, cui omnia superiora maximè displicuisse constabat. causa igitur cognita renunciauit, quanta iniuria Nostris facta fuisset ac fieret: quam perturbate omnia ab Architalasso & Progubernatore administrata fuissent. Nouus igitur Architalassus in Tribunal suum accusatorem, qui præerat Maritimis in Metropoli excubijs cum reliquis captiuis adduci iubet, ac primum Accusatorem compellans, hæc pronunciauit: Accede hominum sceleratissimè, qui iniustissimâ Francisci Martinez mortem insidiosissime procurasti, ac ceteros sine causâ tanto tempore vexatos detinuisti, nunc è cælo vindicta in caput tuum redit. Vbi puluis tormentarius, vbi sclopeta, vbi ceteri bellici apparatus? Itane tres pueri Regno nostro perniciem moluntur: Si quod fecisti spe lucri fecisti: nunc ego tibi promeritis omnia persoluam: & quidem nunc ad Proregem ibis, qui sit te merita verberatione minimè confecerit, ego vti id efficiam, te hic præstolabor. Ad hæc accusator obmutuit, & solum quatiens dimissa fronte Sinenſi ritu veniam postulabat. Inde ad Assessorem causæ cognitorem deductus, nihilo audiuit molliora: Interrogatus etiam, qua ex causâ maleficiû hoc commentus esset; Respondit: id se fecisse in Progubernatoris gratiam, qui omni arte procurabat populo probare, non vanû fuisse tumultuantium Lusitanorum metû. Deniq; omnes ad Proregem ducti sunt, sed Nostriam liberi ideo mittebatur, vt ab eo iniuriæ sibi factæ pœnas de Accusatore repeterent. ac nemini dubium videbatur, quin à Prorege cognita causâ extremo supplicio plecteretur, verum largitione propinqui cuiusdam Proregis intercessionem, & cum ea vitam impetrauit: verum vti in metropolim rediret animi satis non habuit, quin potius vna cum eo propinqui eius omnes sponte sua exularût, sparsusq; est rumor eo adnitente, quasi diem suum obijsser, qui

Nouus Tauli
causam socio-
rum pro tribu-
nali propug-
nat.

Accusator So-
ciorum veniã
postulat & vnã
cum propin-
quis exulat.

qui ex eo creditus est, quod nusquam haftenus appareret.

Architalassus
& Progubernator
muneribus
suis priuantur

Annus insequens de Magistratibus omnibus ex more inquirebat: hac inquisitione Architalassus & Progubernator, hac ipsa ex causa alijsq; malè factis, muneribus suis exciderunt, & inepti per vniuersam vitam ad Rempublicam gerendā declarati sunt. P. vero Cataneus Amacai audiens rem ita feliciter compositam, misit in Metropolim libellum, quo impositis sibi calumnijs respondebat, referebat etiam diploma sibi à Præside Tribunalis cuiusdam Nanchino missum, vti in eam Regiam reuerteretur, & si quidem per eum liceret, velle se de suis rebus in eo ipso Metropolis Tribunali reddere rationem. hoc libello recreatus est Architalassus, & ad eius finem ita subscripsit: Innocentia tua sole clarior est, rem omnē probe comperi, nihil est, quod in Metropolim venire labores re iam iudicata, nec erit quisquam qui hac de causa tibi sit molestiam illaturus: Inde edictum publicum proposuit, quoad verbum P. Catanei libellum & suam subscriptionem retulit: iussitque populum quietum esse ac securum, falsa esse omnia, quæ de Lusitanis & Cataneo sparsa fuissent. Hoc edictum locis publicis affixum duos menses refigi vetuit.

Innocentia P.
Nicolai declaratur.

P. Nicolaus cū
Socio transitu
prohibiti diploma obtriment.

Iusserat Visitator ante mortem, vti ad stationem suam, cum alio reuerteretur, is erat P. Sabatinus de Vr̄tis Italus: Ergo visi sunt composito nunc tumultu secure posse introire; atq; ita in conductā scapha Xauceum nullo prohibente peruenerūt: secum deferebat P. Cataneus libellum, & Architalassi rescriptum. Extemplo in vteriores Prouincias transituri, Nanhium nauigarunt, ibi cognitus est P. Cataneus ab hospitiorum præfecto, qui per montem transitum illum celebrem interdixerunt, asserentes, priora contra eum edicta nondum reuocata; nec satis fidebant, nondum audito Architalassi rescripto. Ergo Xauceum iterum redierunt, ibiq; Architalassum ipsum iudicem reppererunt, à quo P. Nicolaus patentes litteras petijt,

petijt absoluti à calumnia Catanei, & impetrauit; auditoq; ibi Cataneum degere, cum in diem insequentem in suum tribunal euocauit; nec tamen res illa nostris periculo carere videbatur, ex eo quod Architalassus eum edicto publico in diem insequentem ad suum tribunal euocabat, asserens, eo se die Catanei causam excussurum. iuit igitur bonus Pater ad omnia comparatus: vix in conspectum venerat, cum iudex ad eum recreandum vultu hilaritatem præ se ferens leni risu interrogauit; an Sinarum Regnum tandem aliquando occupasset: tum nonnulla de Iaponibus, qui Amacaum aduenerant, & de Æthiopibus Lusitanorum seruis quæsiit: de Iaponibus ita respondit, eos procella aduectos commiseratione humana exceptos fuisse, sed ex templo in Iaponiam remissos. De seruis dixit eos, si quid Sinis inferrent molestiæ, id vel in scijs, vel inuitis heris factitari. Ad extremum approbavit eius consilium de Amacaensi oppido relicto, vbi obtrectatores habuisset totius calumniæ inuentores. Rescitum est à Nostris deinde, eum ad Proregem scripsisse, se Cataneum vidisse, & innocentem declarasse, & rem omnem Amacaensem compositam reperisse. His ita confectis, Prorex de re tota Regem libello longiore admonuit, & falsos rumores aperuit, imo rationibus permultis probauit sane dilucide, Amacaenses Lusitanos neque velle, sed nec posse quicquam in Sinense Regnum machinari. hunc libellum nostri legerunt, & Lusitanæ scriptum ad Socios Amacaum remiserunt.

Hoc diplomate muniti Socij duo iter suum pacatissime cōfecerunt, & Nanciani litteras P. Matthæi Superioris repererunt, quibus P. Cataneus Nanchini confidere, P. Sabatinus Pechinum nauigare iubebatur. Facta est etiam P. Nicolao ab Architalasso facultas cadaueris Francisci repetendi. ergo in Metropolim se contulit, & cadauer accepit agnitum ex ipsis vestibus, & vinculis, quibus honestus potius, quam onustus

terræ

Francisci Xan-
cei honorificè
sepelitur.

terræ fuerat commendatus. relatus est igitur Franciscus Xau-
ceum, & persolutis Ecclesiastico ritu iustis à Neophytis æquè
ac Ethnicis amicis solito ritu complorabatur: quæ res cōmo-
de cecidit, vti intelligerent omnes, eius ac cæterorum inno-
centiam à grauißima calumnia liberatam: deniq; primo quo-
que tempore Amacum ad communem Nostorum sepultu-
ram relatus est. atque hunc finem habuit Cantonienfis tu-
multus ille ita sedatus, vt profuisse potius, quam in posterum
nocere posse videretur. sed nondum laborum finis: eo ipso
tempore Noltri Xaucei duplex discrimen adierunt.

Alia in P. Ni-
colaum falsa
accusatio.

Vrbis infimus Gubernator ac Præses vir erat cupidus, &
miris artibus vndecunque poterat largitiones per fas nefasq;
corradebat; eo vel auctore vel dissimulatore accusatio falsa in
P. Nicolaum libello secretiore, nocturnis horis in atrium cō-
iecta fuisse dicebatur; eo libello quatuor Regionis, in qua No-
stri commorabantur, Præfecti numerabantur, qui commis-
sum à P. Nicolaio adulterium cum muliere ex ea Regione asse-
rebant. Mōitus est Noster se hac de causa in tribunal euo-
candum; præuenit igitur & petijt etiam atque etiam, vti hac
de re inquireret, & pro rei veritate sententiam pronuntiaret.
Euocati sunt Præfecti in libello nominati, vt accusationem
pro sua recognoscerent. Hæc fictæ omnia agi ab homine cu-
pidissimo dicebantur, vti largitionem aliquam ad præsens pe-
riculum propulsandum emungeret: quod nuper fecerat cum
sacrificulo quodam, qui idem crimen, criminisq; pœnam
nummis redemerat. Euocati igitur Præfecti, negant similem
accusationem à se conscriptam, nec vllis vnquam tormentis
aut verberationibus adduci potuerunt, vt aliud enunciarent:
imo in tormentis dixerat quidam, se si tam ingenti calumnia
innocentem affecisset, neque se posse, neque posteros suos
cælestem vindictam euadere. Illa ipsa mulier criminis, vt aie-
bant, consors, tormentis cedens, falsa quidem est crimē cum
alijs

P. Nicolai in-
nocentia de-
prehenditur.

alijs aliquot commissum, sed semper se Sacerdotē externum vel vidisse, nel nouisse pernegauit. Ergo ad P. Nicolaum cupidus homo tapē submittebat, qui nummos exigeret pro innocentia suā declaratione: noluit tamen Pater, ne obolum quidem vel dare, vel promittere, ne quam ē simili largitione criminis alicuius labem non alias facile eluendā admitteret: quæ res Neophytis Ethnicisq; permultis innotuit, non sine admiratione constantia. ergo vbi spem largitionis amisit, pronunciauit denique sententiam in hunc modum. Multabantur Præfecti certa pecuniæ summa, quod accusationem à se scriptam pernegassent. De P. Nicolao referebat, cum & hac calumnia liberum, & quolibet alias crimine magna integritatis fama semper vixisse: quæ sententia Nostri Deo gratulandi causam dedit, cuius opera periculosa rei Christianæ calumnia fuisset eius præco liberatus.

Alius labor huic deinde non ita multo post successit. Venerat sedato Cantonienſi tumultu Xauceum ē Metropoli nescio quis militum Præfectus: eo narrante persuasum est vicinis nostris, urbana trans flumen Regionis urbem vniuersam nostra causa in eiuidens fuisse discrimen adductam. ergo hinc coniurationis occasionem sumentes, libello scripto ab eo ipso Architalasso Cantonienſis causæ iudice postularunt, vti Nostro ea vrbe pelleret, quorum causa toties urbana trans flumen Regio vexabatur: à Magistratibus sæpè multata, nuperimo tumultu concussa, nulloq; ad eam diem commodo recreata. tametsi iudex intelligeret, quanta iniuria postulatio hæc scripta esset, & quam bene meritas legibus pœnas criminum suorum luissent, edictum tamen illis dedit, quo iubebantur obseruare, num quisquam alius Amacao Socius recens adueniret, neque sineretur in alias prouincias penetrare: quod si fecissent, omnes tum sua sede pellerentur, atque ita conquieuerunt. his permoti Socij sedem hanc tandem aliquando

Alia calumnia
contra Socios.

Zzz

relin-

relinquendam alioque transferendam iudicarunt. Nam Cantonienſis tumultus ſuperior pleroſq; à Noſtris auerterat, aut Neophytis languorem excitarat, & vicinia vniuerſa non diu quietura iudicabatur, eo tamen tempore Noſtri, ne pelli viderentur, nihil mouendum cenſuerunt.

Ex India Cataium Luſtraturus mittitur è Noſtra Societate Benedictus Goëſius Luſitanus.

CAPVT VNDECIMVM.

Sinarum Reg-
num Cataium
olim dictum.

P. Nicolaus
Pimenta Cata-
ium excolere
adlaborat.

Sociorum litteris, qui Mogoris Regiam incolunt, auditum eſt in India de celeberrimo Regno illo, quod Saraceni Cataium vocant, cuius iam olim nomen auctore Marco Paulo Veneto notū fuerat Europæis, ſed aliquot deinde ſæculorum memoriæ ita exciderat, vix vt eſſe crederetur. ſcribebant Patres illi Catai Regnum illud ad ortum ſpectare, Borealiorem aliquanto ipſo Mogorum Regno: in eo fidei Chriſtianæ cultores reperiri multos, templa, Sacerdotes, ritus, perſuadebāt. Ergo P. Nicolaus Pimenta Luſitanus Indiæ Orientalis Viſitator moueri cæpit cupiditate gentem illam Sociorum Noſtrorum opera excolendi, maxime quod pronum eſſet coniectare gentem à ſuo capite tantis locorum ſpatiis diuulſam in errores aliquos incidiffe. ergo de re tota Pontificem Maximum Regemq; Catholicum cenſuit admonendum, Regis iuſſu Indiæ Prorex (qui tum erat Arias Saldagna) habebat in mandatis, vti hanc expeditionem è Viſitatoris præſcripto, ſumptu ac fauore proſequeretur, quod ille pro ſua in fidei propagatione & nominatim in ordinem noſtrum propenſione præſtitit cumulate. Ad eam rem igitur Viſitator explorandam, fratrem è Noſtris vnum delegit Benedictum Goëſium nomine, Luſitanum, virum apprimè Religioſum ac prudentem, qui ex longa, quam traxerat in Mogorum Regno moram, ſermonem Perſicum

Perficum exacte callebat, & Saracenorum mores omnino penetrarat, quæ duo necessaria videbantur ei, qui hoc iter tentandum suscepisset.

Audierant Nostri quidem è P. Matthæi litteris è Sinarum Regno Regiaq; transmissis, Cataium alio nomine Sinense regnum appellari, quod iam supra varijs rationibus confirmatum est: sed quod hæc cum Sociorum Mogorensium litteris pugnarent, dubitatum est primo, & deinde à Visitatore in Mogorensium Sociorum partes inclinatum: asserebatur enim in Cataio Saracenos complures reperiri, de Regno Sinensi credebatur ineptissimam sectam minimè penetrasse, & negabatur in eodem regno vllum esse Christianæ legis ab omni seculorum memoria vestigium: hæc quia Saracenis auctoribus, qui oculati testes hæc se vidisse narrabant, credita sunt certiora: visum est igitur Regnum illud Sinensi continuum etiam nomen suum vicino concessisse, atque ita negotium proficui visum est, siue ut omnis dubitationis scrupulus eximeretur, videreturq; num ex ea parte compendiosiore via commercium cum Sinis institui posset.

Cataium regno Sinensi visum est continuum.

De Christianis porro, qui apud Cataium, id est Sinas, ut infra videbitur, reperiri certum habebatur, Saraceni vel more suo mentiebantur, vel certis inditijs delusi hallucinabatur. cum enim ipsi nullam venerarentur effigiem, & in Sinarum templis multas viderent non absimiles specie, qua Deiparentem Diuosq; nonnullos pingimus, arbitrari potuerunt, utramque Religionem in vnum conspirare: videbant cereos ac lampades aris imponi, profanos illos Sacerdotes penè sacris vestibus, quas pluuiaria libri nostri rituales vocant, indui, supplicantium pompam explicare, canere ad eum fere modum, quo in Ecclesia canitur ex D. Gregorij instituto, aliaq; similia, quæ demon ineptus sacrorum imitator & honorum Diuinorum affectator eò transtulerat: his omnibus igitur addudi

Saracenorum error circa legis Christianæ professores.

facile potuerunt Negotiatores maximè Saraceni, vt arbitrentur, hos esse Christianę legis Professores.

Benedictus Armenij Christiani habitum instituit.

Benedictus noster igitur hac ratione iter suū instituit, Negotiatoris Armenij Christiani habitum imitatus, nomen accepit Armenio ex more Abdula, quod Dominum significat, & addit, Isai, quod sonat Christianum: accepit etiam à Rege Mogorū, Achabar nomine, Sociorum amico præcipue verò ipsius Benedicti, varia ad Regulos varios diplomata, qui vel ei vestigales vel amici esse sciebantur. ergo pro Armenio habitus est, quibus transitus liberior datur, à quo prohibitus fuisset, si pro Hispano haberetur: varias secum merces detulit, tum vt seipsum illis distrahendis sustineret, tum vt Negotiator haberetur. merces erant ex India Mogorisq; Regno permultæ, sumptum subministrante indico Prorege, & etiam ipso Achabar adiuuante: Adhibiti sunt illi à P. Hieronymo Xauerio, qui missioni Mogorensi iam multos annos præest, Socij duo natione Græci, locorum periti; eorum alter Sacerdos erat ad Benedicti solatium, & hic Leo Grimanus vocabatur, alter negotiator erat nomine Demetrius: His additi sunt quatuor famuli natione primū ac professione Saraceni, postea vero Christianis adiuncti. Verum hos omnes in Regia Mogoris altera Laodr nomine, inutiles sibi dimisit, & Armenium vnum nomine Isaac, in hac ipsa Regia coniuge & filijs auctum substituit. hic præ cæteris omnibus fidelis fuit, & perpetuus totius itineris Achates. Discessit igitur à superiore suo Frater noster, vt ex eius litteris patentibus constitit, anno supra secularem tertio Ianuarij, mense die sexto.

Benedicti Socij.

Benedictus discedit à Regia Laodr.

Anno quolibet, Mercatorum comitatus ex hac Regia instituitur in alterius Regni Regiam, quæ proprium Regem habet Cascar nomine appellatam: simul omnes iter institunt, vel mutui auxilij causa, vel vt se à latronibus tueantur. numerus fuit fere ad quingentos magno iumentorum Camelorum

rum & curruum numero. E Regia igitur Laòr discessit per
solemnēs ieiuniorum dies, ipso anno, & menstruo itinere de-
uenerunt in urbem Athec nomine, etiam tunc in Prouincia ^{Athec.}
Laòr sita. post dies fere quindecim flumen transmiserunt la-
tum, quantum sagittæ tractus excurrit: id transmittitur naui-
gijs ad Negotorum cōmoditatem. Ex altera fluminis ripa
dies omnino quinque substitit, admoniti de latronibus
magno numero imminetibus: deinde post duos menses in
aliā urbem, cui nomen Passaur perueniunt: ibi dies viginti ^{Passaur.}
ad necessariā quietem substitit. postmodum in aliud
oppidum exiguum tendentes, obuium habuerunt peregrini-
um quendam Anachoretam, ab eo intellexerunt, triginta
dierum itinere urbem abesse, nomine Capherstam, in quam ^{Capherstam.}
Saracenis aditus minimè permittitur, aduētes vero capite
puniuntur, Ethnici tamen Negotiores minime prohiben-
tur ingressu urbium, sed à templis tamen excluduntur: narra-
bat illius Regionis indigenas omnes non nisi atratos ad tem-
pla procedere, agrum esse feracem, & vix copiam reperiri.
Fratrē noster Benedictus eo propinante, vinum esse proba-
uit, nostrati simile: quæ res uti apud Saracenos corū locorum
est insolens, ita suspicionem ingessit, eam Regionem fortasse
à Christianis habitari. in eo loco ubi peregrinum illum repe-
rerunt, viginti alios dies substitere. & quoniam latrocinij in-
festum iter ferebatur, à loci Domino milites quadringentos
ad comitandum acceperunt. hinc diebus quinque supra vi-
ginti in locum cui Ghideli nomen est deuenire. toto hoc iti- ^{Ghideli.}
nere impedimenta & sarcinæ ad pedem montis vehantur:
Negotiores cum armis ex ipso montis apice latrones explo-
rabant: Solent enim transeuntes saxi obruere, nisi quis ex
ipso monte vim vi propulsarit. In hoc loco tributum à Nego-
tioribus penditur, & latronum impetu facto, multi mortales
sauci, vix vitam sarcinasq; tuiti sunt. Benedictus Noster fu-

Locus à Latro-
nibus infestus.

Zzz 3

gam

Cabul empo-
rium.

gam in syluas arripiens euasit, sed nocturnis horis redeuntes sese à latronibus subduxerunt. post alios dies viginti Cabul tenuerunt (ea est vrbs, emporium frequens, nondū extra terras Mogoris regno subiectas) eo in loco Nostri totos octo menses substituerunt. namē Negotiatoribus aliqui de vltiore itinere cogitationem deposuere, & reliqui sua paucitate deterriti, pergere non audebant.

Soror Regis
Cascar in Ne-
gotiatorū co-
mitatum inci-
dit.

In hoc ipso emporio incidit in Negotiatorum comitatum soror Regis Cascar, per cuius Regnum in Cataium transitus erat necessarius: Rex dicitur Mahamet Can: eadem erat domini Corā alterius Regis parens: ipsa vero Agehanem vocabatur: Age, prænomen est, quo Saraceni eos cohonestāt, qui peregrinandi studio ad impostoris cadauer sese Meham contulerunt: illa enim impię Religionis causa tanto locorum interuallo Mecha redibat, & necessario sumptu ad iter destituta, à Negotiatoribus auxilium expetebat: addita promissione, se omnia cum fide ac fœnore liberalissimē reddituram, cum in suum regnum mercatores deuenissent. visa est Fratri nostro non omittenda occasio, vti alterius regni sibi Regem deuinciret, iam enim Mogorica diplomata expirabant. ergo mutuos illi ē distractis mercibus aureos ferē sexcentos dedit, qua liberalitate, quod etiam in contractu fœnus respuisset, vinci se minimē passa est: nam deinde marmoris illius apud Sinas nobilissimi fragmenta restituit, qua merce nulla alia est Cataium petentibus accommodatior.

Alter ē Socijs
Benedicti re-
uertitur.

Ciaracār.

Hinc itineris instituti molestijs cedens, reuersus est Leo Grimanus Sacerdos: & Demetrius eius socius in ea vrbe substitit Negotiationis causa. abiit Frater noster cum vno Isaaco Armenio in cæterorum Negotiatorum comitatu. iam enim accedentibus alijs tuto sibi pergere posse videbantur. prima vrbs quæ obuia fuit, Ciaracār vocatur, quo in loco magna est ferri copia hinc molestiam passus est insignem Benedictus noster.

ster. nam in his extremis Mogorum regni finibus diploma Regium negligebatur, quo diplomate immunis ab omni vectigali haecenus iter fecerat: inde post dies decem in oppidum exiguum deueniunt, Paruam nuncupatur, & hoc est vltimum Mogorum Regis oppidum. Paruam oppidum. Post quinque dierum quietem, in altissimos montes, iter est diebus viginti in Regionem, cui Aingharan nomen est, deueniunt: post alios quindecim Aingharan. Calciam tenuerunt. Gensest huius Regionis capillitio barbaque flaua instar Belgarum, qui hanc Regionem varijs in pagis incolunt. post dies decem obuium habuerunt locum quendam Gialalabath appellatur: hic Bracmanes vectigalia exigunt Gialalabath. ipsi à Rege Bruarate concessa. post dies deinde quindecim Talhan deueniunt: vbi mentem vnum substituerunt Ciuili Talhan. tumultu deterriti. nam ex rebellione Calcienfium populorum itinera minus secunda ferebantur. hinc in Cheman Chemân. pergentes, sub Abdulahan Rege Samathan, Burgauia, & Bacharate, aliorumque Regnorum conterminorum oppidum est exiguum, cuius Praefectus ad Negotiatores misit, qui moneret intra muros sese reciperent, extra non satis tutum esse à tumultuantibus Calcienfibus: verum Negotiatores responderunt: velle se tributa pendere, & nocturnis horis iter suum persequi. Verum oppidi praefectus plane inhibuit, asserens rebelles Calcienfes equis haecenus carere, quos si comitatu rapuissent, ijs ipsis acius populaturos & oppido maiorem molestiam procuraturos: tutius videri, si vna cum suis vim Calcienfium propulsarent, vix dum ad oppidi muros aduenerant, cum nunciatur, Calcienfes aduenire: quo audito Praefectus vna cum suis gloriosus fugam arripuit. Negotiatores in hoc discrimine Negotiatores ex Sarcinis arcem excitant, & spoliantur. subitam à sarcinis velut arcem excitant, & in eam magnam vim saxorum intulerunt, quæ vsui essent, si quando sagittæ defecissent. id cum Calcienfes reperissent, Legationem ad Negotiatores mittunt, nihil esse quod vereantur, se itineris comites

mitēs ac defensores futuros: neque enim fidendum tumultu-
antibus arbitrabantur. ergo communi consilio fugam arripi-
endam iudicarunt, hoc negotiatorum consilium nescio quis
ad rebelles derulit. ergo impetu facto dimissis sarcinis in sil-
uam vicinam sese receperunt, interim latrones ē sarcinis quid-
quid placuit eduxerunt, deinde euocatos ē filius negotiato-
res, latrones ipsi intra vacuos muros cum sarcinis reliquis abi-
re permiserunt. Benedictus noster nihil prater equum amisit,
quem tamen etiam postea cum gossipinis pannis permutatū
recepit. Intra muros degebant illi non sine ingenti metu, ne
fortasse à rebellibus omnes impetu facto mactarentur. Verum
eo ipso tempore ad rebelles misit Dux quidam ē maximis, no-
mine Olobet Ebadascan, Bucharatis Regione fratrem suum,
qui minus Culcienses rebelles adegit, vt Negotiatores libe-
ros abire permetterent: sed toto eo itinere varie à latrunculis
commeatus cauda carpebatur. & quidem in Benedictum no-
strum, cum non nihil substitisset, quatuor latrunculi ex insi-
dijs eruperunt, quorum ipse vim elusit in hunc modum: cri-
puit capiti Persicum pileum & in latrones coniecit, hi de pi-
leo harpasti ludum exercentes spacium fratri nostro dederūt
adactis equo calcaribus sagittarum istum præcurrendi, seque
reliquo comitatu adiungendi. post octiduum pessimo itine-
re in Tengi Badascian perueniunt, Tengi iter molestum so-
nat, est enim angustissimum, & non nisi singulis transitus pa-
tet in altissima magni fluminis ripa: huius vrbs Incole vna
cum cohorte militum, quæ comitabatur, in negotiatores in-
siluerunt, & erepti sunt Fratri nostro tres equi, quos deinde
munusculis redemit; decem dies hic substitere, & diei itine-
re Ciarcianar tenuerunt: hic dies quinque imbris detenti
sunt in aperto campo, & supra cæli inclementiam iterum à la-
tronibus inuaduntur. hinc post dies decem in Serpanil deue-
nerunt, sed desertu, locus erat, mortalibus omniq; comitatu
destitu-

Latrunculi 4.
Benedictū in-
uadunt.

Badascian vr-
bis incolæ in
Negotiatōres
exumpunt.

Ciarcianar.

Serpanil.

destitutus; in arduum montem conscensum, cui Sacrichma nomen est, in hunc montem euadere non nisi robustiores equi potuere, reliqui longiore sed faciliore itinere perrexerunt. Hic fratri nostro è iumentis duo levis pedibus claudicabant, & famuli labore fatigati eos dimittendos iudicabant, sed demum reliquos consecuti sunt. viginti dierum igitur itinere in Provinciam Sarcil deuenientes, pagos ibi multos vicinos repererunt. Biduum ad reficiendos equos subsistunt: inde post aliud biduum ad pedem montis, cui nomen Ciecialith perueniunt, cum multa niue conspersum dum conscendunt, plurimi mortales frigore obriguerunt, & ipse Frater noster ab extremo periculo parum absuit. nam sex omnino dies in hac niue tenuerunt. Denique in Tanghetar, quæ est Regni Cascâr, delati sunt: ibi è ripa magni fluminis in aquas cecidit Armenius Isaac, & horas octo totas semianimis iacuit, verum denique Benedicti auxilio ad se redijt, & post alios dies quindecim Iaconich oppidum tenuerunt, & eiusmodi fuit iter, vt Fratri nostri sex equi labore interierint. post dies quinque comitatum præueniens noster Benedictus solus in Metropolim præcessit, quæ Hiarchan appellatur: ex ea equos milit subsidarios, & focijs de necessarijs quoque prouidit, qui non ita multo post incolumes cum sarcinis & mercibus Metropolim tenuerunt Nouembrimense eodem anno supra sæcularem tertio.

*Reliquum itineris Cataium vsque quod Sinarum
Regnum esse compertum est.*

CAPVT DVODECIMVM.

HIARCHAN Regni Cascâr Regia celeberrimum estemporium, vel negotiatorum cõcursu, vel mercium varietate. In hac Regia finem accipit Cabulensium Negotiatorum comitatus

Aaaa

mitatus

Rex Cascar
vendit Præfe-
cturam comi-
tatus Cataium
vsque

Negotiatio in
laspide.

Dux species
laspidis.

mitatus : & inde instituitur nouus Cataium versus, cuius co-
mitatus præfecturam Rex multo pretio vendit, ac Præfecto
Regiam in Negotiatores omnes per iter vniuersum commu-
nicat potestatem : is priusquam coalesceret annum spatium
fuit. ad iter enim periculosum ac longum non nisi multi con-
spirant, nec annis singulis adornatur, sed ijs tantum, quibus in
Cataium Regnum norunt iam se esse admittendos : nulla est
negotiatio pretiosior frequentior hinc in hoc itinere toto, quam
fragmentorum pellucidi cuiusdam marmoris, quod Iaspi-
nos vocabuli ponuria solemus appellare : hæc fragmenta Re-
gi ferunt allecti magnitudine pretij, quam Cataiensis Rex esse
arbitratur è sua dignitate : quidquid Regi minus placet, libe-
rum est in priuatos distrahere ; lucro tali, cuius spes tantos la-
bores sumptusq; bene collocatos putat, ex eo marmore va-
riam suppellectilem concinnant ; vasa, vestium & zonarum or-
namenta, quæ frondibus ac floribus affabre insculptis sanè non
exiguam referunt maiestatem : ea marmora quibus plenum est,
hodie regnum, Sinæ Tuscè vocant, & duplex est eius marmo-
ris species : altera pretiosior, quæ è flumine Cotàn, non pro-
cul à Regia educitur, eo fere modo, quo gemmas vrinatores
piscantur, & instar silicis crassiorum educi solet : altera spe-
cies inferior è montibus eruitur, & in saxa maiora diffinditur
in laminas duabus fere vlnis latiores, quæ deinde ad iter ac-
commodari solet : abest mons iste ab hac regia dierum vi-
ginti itinere, & Canfangui cascio, id est, mons lapideus appel-
latur, quem verisimile est eum esse, qui eodem nomine in
geographicis descriptionibus huius regni quibusdam nuncu-
patur. eruuntur hæc fragmenta labore incredibili, vel loci so-
litudine, vel marmoris duritia, ad quod tantisper emollien-
dum ferunt extracto desuper igne luculento domari : huius
quoque eruendi facultatem magno pretio Rex alicui Nego-
tiatori vendit, sine cuius facultate toto contractus tempore
ceteris

ceteris negotiatoribus effossio prohibetur. cum eò tenditur, annuus ad operarios alendos deferretur conuictus: neque enim breuiore spatio ad exulta hominibus loca reditur.

Frater noster Benedictus Regi visitationis officium impendit (dicitur is Mahamethin) gratus fuit delato ex munere, nam horariam machinam è collo pensilem, vitrea specula, aliaq; Europæa derulit, quibus Rex ita recreatus est atque delinitus; ut datorem in amicitiam patrociniumq; suum receperit. Non aperuit initio Noster, velle se in Cataium proficisci, sed solum de Regno Cialis ad ortum huius regis ingressit sermonem, & ad iter illud diploma Regium impetrauit, adnidente maxime filio peregrinæ illius Regina, cui aureos sexcentos mutuos dederat, arctam etiam cum Palatinis varijs necessitudinem contraxit.

Benedictus Regem inuilit Mahamethin.

Sex menses abierant, cum ecce tibi Demetrius ex antiquis Socijs vnus, qui Cabuli substitit aduenit, cuius aduentu Benedictus noster & Isaac Armenius gesserunt, sed breue gaudium fuit: nam ipsius Demetrii causa breui Noster aliquod adiit discrimen: eo tempore ex Regis facultate Imperator ludibundus appellatus est è Negotiatoribus vnus, cui ceteri Clientelaria obsequia & etiam dona ex more deferébant, tergiversabatur Demetrius ne sumptum faceret, & quoniam huic licet rebelles in vincula trudere, vel etiam verberatione plectere, parum ab utroque abfuit Demetrius: verum rem vniuersam sua prudentia composuit Benedictus noster, & intercessione supra munusculum veniam impetrauit. Aliud etiam grauius periculum fuit, nam cum in domum latrunculi irrupissent, Armenium vinculis constrictum adacto etiam in pedus fetto à clamore prohibebant. Sed, è tumultu à Fratre nostro Demetrioq; auditi fugam rapuerunt. Abierat ad recipiendos mutuos nummos ad Parentem Reguli Quotàn Benedictus, aberat illius Regia itinere dierum decem, & eundo re-

Demetrius Benedictum assentitur.

Benedictus occisus falso sermone proclamatus.

Aaaa 2

deun

deundoq; menstruum spatium effluxit; Eo spatio sparsere Saraceni de morte Benedicti falsos sermones, aiebant enim eum à Sacerdotibus suis interemptum, ideo quod impostoris Prophetæ suæ nomen inuocare detrectasset, & iam hi arcani Sacerdotes Cacifces vocant, Eum velut ab intestato ac sine hærede mortuum, suis fortunis spoliare aggrediebantur, quæ res Demetrio Armenioque satis molestiæ intulit, dum se se tuerentur, vterque Benedicti Socij mortē quotidiano luctu prosequiebantur, vnde postmodum ex eius incolumitate gaudium duplex fuit. redibat enim cum preciosiore marmore cumulate restitutus, inde ad gratias Deo referendas multa in egenos elemosynæ nomine distribuit, quod suum institutum ipse toto itinere liberaliter retinebat.

Benedictus Mahometem inuocatur.

Die quodam confederat cum alijs Saracenis epulo reficiendus, ad quod eum Saracenus quidam euocarat, ingressus est nescio quis armata manu furens, & stricto in pectus mucrone iussit, vti Mahometis nomen inuocaret: Respondit Noster, in vniuersa lege sua nullum hoc nomine inuocari solere, quod ideo omnino facere detrectabat: ei ab astantibus subuentum, & furens ille domo extruditur, hoc ipsum de intentata morte, nisi Mahometem imploraret, sæpe ac sæpius accidisse narratur, sed eum Deus in itineris finem liberauit. Alio die quodam ab ipso Rege Cascâr euocatur præsentibus legis impurissimæ Sacerdotibus atque litteratis: Litteratos Mullàs vocant, interrogatus, quam legem profiteretur. an Moysis, an Dauidis, an Mahometis, & in quam partem se verteret Deum oraturus? Respondit noster, se IESV legem profiteri, quem ipsi Isai vocant, & ad quamlibet partem orando conuerti, quod vbique Deum esse constaret, de hoc vltimo responso magna inter eos orta disceptatio, ipsi enim ad occasum obuertuntur. Demum conclusum est ab ijs, nostram quoque legem bonam posse videri.

Interim

Interim comitatus futuri Negotiatorum Præfectus renunciatus est ex indigenis quidam Agias nominatus: Is quoniam de Fratre nostro audierat, virum esse cordatum & negotiatorem utcumque copiosum, eum domum suam ad celebre epulum euocauit, in quo præter fercula Musici gentis more contentus minimè defuerunt, sub epuli finem rogauit, uti se in hoc itinere Cataium vsque comitaretur, nihil magis optabat Noster, sed vsu Magistro didicerat tractare Saracenos: itaque rogari se voluit, ut optimis legibus gratiam facere non acceptare videretur, ad id igitur impetrandum Rex ipse à Præfecto adhibetur. Is enim Benedictum rogauit, ut Caruan basa, id est, Comitatus præfectum comitaretur recepit se facturum, sed ea lege, Si patentes litteras in vniuersum iter daret. Hac re offensi sunt prioris comitatus Cabulani socij: nolebant enim eius absentia priuari. nam multitudinem iam sæpè necessariam dixi. Monebant illum, ne indigenis fideret: Gentem peruersam hac arte fortunas eius omnes vitamq; deuorasse: Causatus est noster Regis se auctoritate permotum, comitatus Præfecto promissum dedisse, à quo non esset integrum resilire. horum negotiatorum metus non erat vanus; ex ipsis enim indigenis asseriebant permulti, tres illos Armenios quos à legis similitudine confundebant, vix egressos vrbis muris ab itineris Socijs mactatum iri. Ergo Demetrius hoc metu territus, iam secundo ab vltiore peregrinatione destitit, & hortabatur etiam Fratrem nostrum, uti retrò se referret: verum, eum à se repulit asserens: nullo vnquam tempore se ab obediendo mortis metu deterrendum, maximè eo in negotio, è quo maxima Dei gloria sperabatur; indignum sibi videri spes multorum irritas mortis metu truncare: Archiepiscopum Goanum, Proregem ipsum sumptu facto fraudare: sperare se eius auxilio rem perfecturum, cuius patrocinio huc vsq; perduxerat, quod si mines ex animi sententia cederet, vitæ libenter in hac causa positorum.

Ad :

Ad

Benedictus se
comitem addi-
cit Præfecto
comitatus Ca-
taium vsque.

Iter instituūt.
Cataium ver-
ses.

Loca saxosa.

Benedictus iu-
betur saltare à
Regis Nepore

Equus incolu-
mis seruatur.

Ad iter igitur accinxit sese, & equos decem sibi ac Socio sarcinisq; suis comparauit: alterum iam domi habebat. interim abierat Negotiatorum Præfectus domum suam ad iter sese comparaturus, quæ aberat ab Regia quinque dierum itinere. Ex eo loco Nuncium misit ad fratrem Nostrum, uti quamprimum iter arriperet, & exemplo suo cæteros Negotiatores vrgeret. fecit libens, anno supra sæcularem quarto, medio fere Nouembri, peruentum ad locum Iolcè nomine, vbi vetigalia pendi & Regia diplomata reuideri solent. Hinc Hancialix alceghet, Hagabateth, Egriâr, Mesetelec, Thalec, Horma, Thoantac, Mingieda, Capetalcòl Zilan, Sarc Guebedal, Canbasçi, Aconsersèc, Ciacor, Acsù, vigintiquinq; diebus hæc omnia loca peragrarunt, iter fuit molestum, vel saxorum multitudine vel arenæ sitientis inopia.

Acsù oppidum est Regni Cascâr, cuius Præfectus erat Regis Nepos, annorum duodecim. Is iterum Fratrem nostrum euocauit, qui puerilibus eum donis prosecutus, saccarum & similia donauit, exceptus est ab eo perhumanè, & cum solemnibus esset coram eo saltatio, rogauit Fratrem nostrum, uti gentis suæ more saltaret, quod fecit ipse, ne rem tantillam Regi negasse videretur, Parentem quoque huius Reguli inuisit, eiq; diploma suum ostendit, quod magna veneratione admissum est, huic muliebria munuscula dedit Crisallinum speculum, gosippinum ex India pannum, & alia huiusmodi. Euocatus est etiam à pueri Moderatore, qui publica negotia administrabat. In hoc itinere ex iumentis nostri Negotiatoris vnum in flumen rapidum incidit. nam cum nescio quo fune impeditos haberet pedes, diruptis vinculis in alteram fluminis ripam euasit, sensit hanc iacturam Benedictus, & inuocato IESV nomine equus seipso ad cæterorum Societatem incolumis renatauit, cui beneficio grates è præsentis periculo ereptus Deo retulit. In hoc ipso itinere desertum decurritur, cui

cui Caracathai nomen est: id terram nigram Cataiensium sonat, ideo quod ferant, Cataienses ibi diutius commoratos: in hoc oppido quindecim dies cæteros Negotiatores præstolati sunt: inde tandem discedentes in Oitograch Gazò, Casciani, Dellai, Saregabadai, Vgan, ac deinde Cucià deueniunt, oppidum etiam exiguum, in quo ad reficienda iumenta mensum integrum substituerunt: nam & itineris molestijs, & marmoris pondere hordei; inopia propè vires amiserant. Hic è Nostro quæsitum est à Sacerdotibus, quid esset causæ, cur per solemnis apud se ieiunij dies minime ieiunaret, id faciebant spe largitionis, vti relaxationem impetraret, aut multam persolueret: non exiguus fuit vim prope inferentium, vti in fanum suum ire cogeretur. hinc Abeuntes post quinque & viginti dierum iter in urbem Cialis peruentum est, exiguam illam quidem, sed bene munitam. Hanc Regionem moderabatur Regis Cascari filius illegitimus, qui audito Fratrem nostrum cum Socijs aliam legem profiteri, terrere illum cepit, asserens audaciorem æquo fuisse alienæ legis professorem in has regiones penetrasse: licere enim sibi illi vitam fortunamque eripere, sed lecto diplomate placatus, & accepto munere etiam amicus fuit. Nocte quadam diu Dynasta de lege ac secta sua cum Sacerdotibus litteratisque disceptabat, & subito illi in mentem venit Benedictum nostrum euocare: missa igitur equo eum in palatium inuitauit, & quoniam alieno tempore id fecerat; is qui primum parum benignè cum excepisset, vix dubitarunt eum ad mortem euocari. ergo à Socio non sine lachrymis auulsus, ipse ad mortem comparatus obeundam, hortabatur Armenium Socium, vti idem animosè præstaret, vt si forte præsens periculum euaderet, Socios de sua morte redderet certiores. Benedictus igitur in Palatium ingressus, iussus est cum legis Mahomeranæ Doctoribus disceptare, & eo inspirante, qui dixit: Dabitur vobis in illa hora quid loquamini,

Garacathai.

Cialis Regiam
perueniunt.Benedictus à
Rege vocatur
ad disputandum

tam

Benedictus à
Rege humanè
tractatur.

tam aptis rationibus Christianæ legis veritatem confirmavit, ut ad turpis silentij metas deuenirent. Regulus Fratrem nostrum semper tuebatur, quæcunque diceret approbans, denique conclusit Christianos esse veros Misermanos, quæ vox fidelem sonat, adiunxit etiam maiores suos eandem legem professos fuisse: disceptatione finita, solemnem cum epulo excepit, & eam noctem intra palatium pernoctare iussus est: dimissos die postero iam tardius, ita ut iam Isaac de eius reditu desperaret: Reperit eum collachrymantem, persuaserat enim mortem certissimam tardius redeuntis. In hac urbe tres omnino menses subistere. neq; enim Negotiatorum Præfectus abire non nisi cum copioso comitatu voluit, quo enim numerosior est, eo Præfecto quæstuosior: hac igitur ex causa minime permittebat, ut quisquam præcederet. Frater noster moræ longioris tædio & sumptuum magnitudine prouocatus, ad discessum aspirabat; ergo nouis donis delinitum Dynastam induxit, uti sibi faceret eundi facultatem: impetrauit illo inuito Præfecto ac Socijs, inter quos in posterum interrupta familiaritas fuit.

Benedictus de
statu Sociorū
Pechinensium
docetur.

Iam abire parabat ex oppido Cialis, cum è Cataio superioris comitatus Negotiatores rediere. hi ut solent legationem mentiti in Cataiensem Regiam penetrarant, & quoniam in eodem cum Nostri aduenarum palatio Pechini fuerāt commorati, de P. Matthæo ac Socijs miranti Nostro se pro Cataio Sinas reperisse, certissima nuncia retulerunt. Hi Saraceni erant illi ipsi, de quibus libro superiore scriptum est, eos eodem tempore intra palatium idem trimestri fere spatio cum Nostri cōmoratos: narrarunt igitur Nostros Regi obtulisse horarias machinas, Clauicordium, pictas imagines, & alia huiusmodi ex Europa: eosdem in ea Regia à maximo quoque coli, & veris falsa coniungentes, dixerunt Nostros cum ipso Rege sæpè collocutos, & sociorum vultum satis aptè pingebāt, sed

sed nomina ignorabant; nam è Sinarum more Nostri aliud nomen superinducunt; addiderunt etiam ad fidem acrius exigendam schedulam à Nostri scriptam sermone Lusitano, quam è famuli cubiculum verrentis sordibus eripuerant ad rei memoriam, vti ad suos reuersi, narrarent eam gentem, quæ hoc vtitur caractere, ad Sinas penetrasse. his nuncijs cū Socio Noster satis recreati sunt, nihilq; deinde dubitarunt Cataium à Sinenſi Regno solo nomine discrepare, ipsamq; Regiam à Saracenis Cambalù appellatā Pechinum esse, quo priusquam abiret ex India sciuerat Sociorum litteris Nostros cogitare.

Abeuntem Regulus suis litteris securitatis causa persecutus est, & cum de illius nomine ageretur, qua ratione vellet inscribi, quæsit vellet ne Christiani nomen apponi. Volo, inquit ille, nam hoc Isai nomine appellatus vniuersum iter huc vsque decurri, cum eodem certum est terminare. Audiit hoc fortè è Saracenis Sacerdotibus senex venerandus, qui ereptum capiti pileum in terram abiciens, exclamauit: Ita plane oportet, hic fidelis est legis suæ obseruator; nam ecce in tua ipsius præsentia, qui aliam legem profiteris, & in cæterorum conspectu nihil dubitat LESVM suum confiteri. Nostri aliter plane se gerunt: nam vna cum Regione Religionem mutare perhibentur: Inde ad Nostrum conuersus, eum inusitato honore persecutus est. Ita splendet etiam in tenebris virtus, & ab inuitis etiam hostibus honoratur. Abijt igitur tandem cum socio suo & alijs paucis, & diebus viginti iter in Puciàn eiusdem Regni oppidum promouerunt, vbi humanissimè ab loci Præfecto excepti, necessatio ex eius domo commeatu honorabantur. Hinc, in Turphàn munitam urbem præuenientes mensē vnum substitērūt. Inde in Aramuth: hinc in Camul munitum quoq; locum deuentum est: hinc, alium mensē se ac iumenta refecerunt, quoniam intra regni Cialis ditionē sunt habiti

Benedictus palam Christiani nomen sibi apponi petit in litteris patentibus.

Puciàn oppidū

Turphàn,
Aramuth,
Camul.

Bbbb

per huma-

perhumanè, cuius in hoc oppido termini claudebantur. E. Camul diebus nouem ad Boreales illos Sinensis regni muros deuenerunt, ad locum, qui Chiaicuon appellatur: ibi dies quinque supra viginti Proregis eius Prouinciæ responsum expectarunt. Ergo tandem intra muros admissi diei vnus itinere in

Societ. urbem Societū ingressi sunt, vbi de Pechino multus sermo, aliisq; iam notis nominibus, omni deniq; scrupulo Fratrem nostrum exemit, nihil in posterum dubium Cataiense regnum à Sinensi, vt modo dixi, solo nomine discrepare. Quidquid

Locus à Tartaris infamis.

Cialis inter ac Sinensis regni terminos iacet Tartarorū incursionibus infame est; ideo Negotiatores magno per hæc loca metu procedunt, interdum enim explorant è vicinis montibus, sitne aliqua Tartarorum excursio, ac si securum iter iudicent, nocturnis tenebris silentioq; tuti ire pergunt. varios in itinere Saracenos misere mactatos reppererunt, quod soli pergere minimè dubitassent, quanquam raro Tartari indigenas ipsos

Tartarorū ratio viuendi.

mactent, asserentes eos esse seruos suos ac pastores, quibus arietum greges, & bouum armenta eripiunt; sed neq; frumento, neq; oriza alioue legumine ipsi vescuntur, dicentes hoc iumentorum esse non hominum pabulum: sola igitur carne vesci solent, nec ab equis, mulis, aut Camelis abhorrent, & tamen fama est eos diutissimè viuere, & ferè annorum centum excedere senectutem. Saraceni populi, Sinis ex hac parte contermini, imbelles sunt, & à Sinis nullo negotio subijci possent, si Sinæ de subijciendis sibi nationibus laborarent. In hoc itinere nocte quadam Benedictus equo excidit, præeuntibus socijs nec aduertentibus, eoq; casu semianimis in terra iacebat;

Benedictus semianimis inuenitur.

& iam comitatus in hospitij locum deuenerat, cum sentitur abesse Benedictus, Eum socius Isaac per obscuram adhuc noctem quærens minimè reperiēbat, donec vocem sensit, quæ Iesv nomen inuocabat, eius sonum secutus, Benedictum repperit, qui iam de assequendis socijs desperarat: dixit igitur, quis

quiste Angelorum huc adduxit, ut me periculo eximeres imminenti, adiutum igitur Armenius ad hospitij locum deduxit atque recreauit.

Fratri Nostri Benedicti mors intra Sinense regnum, postquam ad eum excipiendum è Nostri unus Pechinensis aduenisset.

CAPVT DECIMUM TERTIVM.

AD occidentalem Sinensis regni partem, qua in Boream fluitur, celebres illi muri finiuntur, & spatium erat ducentorum fere milliariorum, quo spatio Tartari muris exclusi, sæpè in Sinarum regnum excurrentes tentabāt ingressum, & etiam nunc, sed minore periculo tentant: extructæ sunt enim ad retundendos eorum impetus vrbes duæ munitissimæ & ad præsidium milites in suas turmas distributi selectiores deputantur, habent proprium supra se Proregem, & alios Magistratus, quibus à Regia duntaxat imperari potest: in altera harum urbium Prouinciæ Scensi, Canceu appellata residet Prorex cum reliquis præcipuis Magistratibus: altera Socen appellata, proprium habet Gubernatorem, & in duas partes distributa est: altera Sinæ (quos hinc Saraceni Cataios vocant) altera Saraceni cōmorantur, qui è regno Cascar, & similibus ab occasu Negotiationum causâ conueniunt: ex ijs multi, quod redire nolint, iam vxoribus & filiis illigati prope pro indigenis habentur, ad eum fere modum, quo Amacai in Prouincia Cantonienfi confident Lusitani, sed in eo differunt, quod Lusitani suis legibus viuunt, & proprios habeant Magistratus: Saraceni à Sinis gubernantur, à quibus nocturno tempore intra urbem suam clausi proprijs muris continentur, ac in reliquis nihil ab indigenis differunt, eorum Magistratibus per omnia subiecti. Lex est, eum qui annos nouem ibi substiterit,

Muri contra Tartaros.

Vrbes duæ contra Tartarorum impetus.

Saraceni Sinarum subiecti legibus.

Bbbb 2

ad

ad suos redditum prohibendum. In hanc urbem fere ab occasu Negotiatores adueniunt, qui legatione ficta, septem octoꝛe regnorum antiquis cum Sinensi regno pactis impetrarunt, ut sexto quoque anno duo supra septuaginta legatorum nomine Regi tributum pendant, marmor illud pellucidū adamantum fragmenta, cæruleum colorem, & alia huiusmodi nescio quæ inde, in aulam sumptu publico, euntes, sumptu quoque publico reuertuntur, vectigal est honorarium potius, quam utile; nam nemo carius hoc marmor comparat ipso rege, qui ab externis quicquam gratis accipere contra magnitudinem suam esse arbitratur; & quidem ita regio sumptu excipiuntur, ut omnibus in numerum adductis, certum sit eos die quolibet supra necessarios sumptus à singulis singulos aureos in lucro reponi. Hinc fit, ut certatim à pluribus hæc legatio ambiatur, & magnis à Præfecto Negotiatorum, ad quem nominatio pertinet impetretur, cum tempus legationis aduenit publicas Regum suorum litteras effingunt, quibus Sinarum Regi clientelare obsequium deferunt. Similes legationes è varijs regnis admittunt Sinæ è regnis Caucinciño, Siàn, Leuchicè, Coriano, & ab aliquot Tartarorum Regulis non sine incredibili ærarij publici sumptu, quibus artibus ipsi Sinæ (qui fraudem minimè ignorant) Regem suum ludunt, adulandi studio, quasi vero Sinensi regno vectigal orbis penderet uniuersus, cum è contrario verius ijs regnis à Sinis tributa pendantur.

Vectigal Regi Sinarum à Negotiatoribus quale pendantur.

Benedictus peruenit in urbem Sinarū Soccū

In urbem Soccū Benedictus noster exeunte anno supra sæcularem quinto peruenit, & quod satis diuinam prouidentiam prodit, ex itinere longissimo copiosus peruenerat: iumenta tredecim, famulos quinque stipendio conductos, pueros duos in seruos coëmerat, & ipse preciosissimū præ cæteris marmor afferebat, quæ omnia aureis bis mille quingentis æstimatedicuntur; supra hæc viribus integris non ipse minus quam

quam socius Isaac utebatur. In hac vrbe in alios incidit Saracenos è Regia reuersos, qui & ipsam audita de nostris cõfirmarunt, & alia non supra fidẽ solum, sed etiam supra modum hyperbolicẽ addiderunt, à Sinarum Rege nostris quotidie argenteum stipendium, non pendi, sed certo mensuræ genere dicebant effundi: ergo mox Pechinum ad P. Matthæum litteras scripsit, quibus eum de suo aduentu commonebat: has litteras tradidit Sinis quibusdam, verum quoniam Sinense nostrorum nomen ignorabat, & Regionem in quo cõmorabantur, Europæis quoque characteribus eos inscripsisset, qui deferebant, in Nostros incidere minimè potuerunt: alias addidit anno insequenti sub Paschalem celebritatem, quas detulerat è Saracenis nescio, quis ex vrbe illa fugitiuus: neque enim ipsi vel egredi vel ingredi iniussu Magistratuum permittuntur: his litteris itineris sui rationem & causam cõmemorabat, rogabatq; vti modum quærerent Nostri, quo se huius vrbis ergastulo eriperent, & Saracenorum consuetudinẽ cum suauissimo Sociorum contubernio permutare, cupere se in Indiam nauigatione redire, qua via solent Lusitani. Iam dudum superiorum ex India litteris de instituta profectioe nostri redditi fuerant certiores: Itaq; quotannis eum expectabant, & si quando negotiatorum mentito legationis nomine comitatus in Regiam deueniret; de eo Nostri inquirebant diligenter, sed ad eam diem nihil certi fuerat inauditũ, siue nominis ignoratione: siue quod reuera superiorum annorũ legatis ignotus esset: magnã igitur his litteris Socij Pechinenses conceperunt voluptatem: hæ in exeuntem annum dimidiato ferè Nouembri redditæ fuerant: actum est ex tempore de mittendo ad eum è socijs vno, qui quolibet modo eum in Regiam adduceret. Verum id consilij deinde displicuit: ne externus externo plus noceret quam prodesset: ergo missus est ex Alumnis vnus, qui nuper in Societatem cooptratus Tyro-

Benedictus ad
P. Matthæum
scribit litteras

Vnus è Socijs
ad Benedictũ
mittitur in Si-
nas adducen-
dum.

Bbbb 3

cinium

cinium nondum incæperat, Ioannes Ferdinandus dicebatur, iuuenis insigni prudentia & virtute: cui huiusmodi negotiũ tuto committi posse videbatur; additus est illi Socius earum regionum peritus Neophytus quidam, accepit in mandatis vti Benedictum, ac socios in Regiam omni arte adducendos curaret, quod si Magistratum excubiæ falli, aut facultas impetrari minimè posset, ipse cum Fratre nostro remaneret, datisque litteris denuo socios admoneret, non defuturos ex amicorum favore modos eum adducendi.

Satis importuna videbatur huiusmodi peregrinatio, quo maximè tempore vis hyemis maxima in ijs regionibus esse solet, aberat enim fere quatuor mensium itinere ab Regia Pechinensi oppidum illud, in quo substiterat Benedictus, & tamen P. Matthæus iudicauit, nihil vltra differendum, ne diuturniori tempore anceps de Nostorum statione dubitaret, & opportunum sanè consilium fuit: si enim dies paucos moram traxisset, in viuis Benedictum minimè reperisset: additæ sunt ad eum P. Matthæi litteræ quibus monebatur, qua ratione iter suum tuto instituere deberet, ad eum etiam reliqui socij duo scripsere, fusc de rebus Nostris in ea Regia cupidum huiusmodi rerum commonentes.

Benedictus noster in hac vrbe interim plus aliquantùm à Saracenis patitur, quam in itinere tolerarat, & ob annonæ caritatem, quæ est in ea vrbe, marmor suum vilius propè dimidiato distrahere cogebatur. corrasit igitur aureos mille supra ducentos, è quibus magnam partem æs alienum dissoluit, ex reliqua æris summa familiam vniuersam anno toto sustinuit. Interim negotiatorum comitatus cum suo Præfecto peruenit. Hic in conuiuiis excipiendis labente tempore eo angustiarum redactus est vt mutuato viuere fuerit tandè coactus: & quoniam in septuaginta duorum legatorum numerum adlectus erat, aliquot marmoris fragmenta comparauit: & libras centum in terra

terra occultauit, ne Saracenorum insidijs pateret: etenim sine hoc marimore ab itinere Pechinenfi fuisset omnino exclusus.

Ioannes Ferdinandus Pechino exijt eiusdem anni Decembris vndecimo: & ecce tibi nouum in itinere infortunium. E Metropoli Prouinciæ Sciansi, quæ Singhan appellatur, aufugit famulus, & mediam viatici partem secum extulit. Inde tamen aliorum duorum mensium itinere in urbem Soccù magno labore peruenit, anno supra secularem septimo, Martio exeunte. Reperit Benedictum nostrum morbo lethali lectulo afflictum, qui superiori nocte, somnionem an viso incertum, didicerat, die insequenti è Nostri vnum Pechino aduenturum, qua ex causa socio Armenio dederat in mandatis, vt in forum pergeret, nescio cuius rei coëmendæ causa, quam distribueret in egenos, Deum obtestatus, ne hoc somnium spem eius eluderet. Armenias in foro nescio à quo admonitus, Socium Pechino aduenisse, eiq; ostensus est Ioannes Ferdinandus, qui Armenium subsequutus Fratrem nostrum Benedictum Lusitano sermone salutauit, è quo agnoscens quod erat, litteras accepit, & eas sursum erigens solatio plenus ac lachrymis in canticum, Nunc dimittis, erupit; videbatur enim iam sibi quæ habuerat in mandatis executus, peregrinationem suam terminasse: litteras deinde legit, & totam eam noctem apud se pectori adnotas retinuit. Quæ dicta quæsitæq; fuerint facilius erit conijcere, quam sermone longiore prosequi. ergo Ioannes Ferdinandus ad eum iuuandum applicuit animum, vt tentaret vtrum recuperatis viribus iter aggredi posset Pechinense, sed vires vna cum Medico aptisq; pharmacis defecerant, & aliud adhiberi malo remedium non potuit præter cibos Europæo more conditos, quos illi Ferdinandus præparabat, atque ita diebus ab eius aduentu vndecim Benedictus expirauit, non sine suspitione instillati à Saracenis veneni.

Vnus è Socijs
Pechino ad Be-
nedictum pro-
ficiscitur.

Benedictus die
suum obit.

Habebant

Saraceni Bene-
dictum spoli-
ant.

Benedictus se-
pelitur.

Benedicti Elo-
gium.

Habebant illi perpetuos excubitores ad ea rapienda, quæ morienti superfuissent; factum est hoc ab ijs immanissimè, & in hac iactura nullius rei maior census fuit, quam perijisse itineris diarium, quod minutissimè conscripserat, huic volumini Saraceni admodum inliabant. ex eo quod debitorum chirographis in eo scriptis multi cogi poterant ad soluendum, quod indignè rapuissent. Mortuum idem Saraceno ritu sepeliendum volebant, sed Ferdinandus importunos Sacerdotes exclusit: & ipse feretro impositum loco nitido, & ad corpus deinde reperiendum accommodato sepeliuit: Vterque deinde, Armerius inquam cum Ferdinando pia rosarij recitatione, quod rituales libri deessent mortuum prosequuntur.

Benedictus Goësius natione Lusitanus (visum enim est aliquid de eo Elogij loco commemorare) Vir erat ingenio acri, & animi magnitudine præditus, primo in Societatem ingressu ad missionem Nostrorum in Mogoris regnū volens amandatur: in ea expeditione multos años strenue Socios adiuuit, & ipsos etiam Saracenos, Ethnicos, Neophytosq; pro instituti sui ratione promouit: vulgo amabatur ab omnibus, & tamen si Sacerdos non esset, æstimabatur tamen ab animi prudentia cæterisq; dotibus vel paribus vel innatis: hinc etiā Mogoris Regis intimus amicus fuit, & cum legationem Goam ad Proregem adornaret, vna cum legato suo Benedictum etiam legati nomine ablegauit. Huic Regi animus erat ad Indiam sibi subijciendā, verum sua prudentia dici potest Benedictus hoc cum potentissimo Rege bellum auertisse: Paulò ante obitum per litteras Nostros Pechini admonuit, ne Saracenis fiderent, neque hoc iter tanquam inutile & periculosum tentarent. Celebre est etiam inter nos, quod ad viri sanctimoniam declarandam spectat, tot iam annis peccata confitendo expiare nō licuit, en morior, inquit, Sine hoc solatio, & tamē q̄ Dei benignitas est, nihil me conscientia præteritorū annorū arguit, q̄ quidē alicuius esse momenti videatur. Tar-

Tartarea plane consuetudine inter Negotiatores illos in-
 ualuit, ut morientium in itinere Negotiatorum bona inter o-
 mnes diuidantur, hac ex causa Benedicti Socium Isaac vinxe-
 runt, mortem minati. nisi Mahometem inclamasset. Ferdi-
 nandus autem dato libello ad Proregem in vrbe Canceu, sta-
 tuit Isaac liberare: Prorex libellum subscripsit, imperans uti
 Soceu oppidi Gubernator causam ex æquo bonoq; iudicaret:
 & patrum adolefcēti suum cum demorui bonis restitueret.
 Initio Gubernator Ferdinandi fauebat, sed coniuratione fa-
 cta Saraceni ferè quadraginta Iudicē largitione corruerūt,
 effeceruntq; uti verbera Ferdinando minaretur, & in vincu-
 lis etiam triduo detineret: nec tamen ab incepto destitit, sed
 cum deesset ad litem persequendam sumptus, vestes, quibus
 carere potuit, diltraxit omnes, & menses quinque in hoc ne-
 gotio detentus, ad colloquendum tamen cum Armenio pro-
 hibebatur linguæ Persicæ ignoratione; neque enim ille Lu-
 sitanè vel Latinè loqui poterat: In Tribunal vocati Ferdinan-
 dus, Orationem Dominicam recitabat; Isaac vero Benedicti
 Goësi nomen repetebat, & aliquot Lusitana vocabula pro-
 nunciabat, quem sermonem cum nemo intelligeret, arbitra-
 bantur Iudex, eos Cantonienſi sermone colloqui, seseq; mu-
 tuo intelligere: tandem tamen Ferdinandus Persicè loqui di-
 didit, duorum ferè mensium spatio, atque ita cum Armenio
 colloquendi facultas in posterum suppetebat. Si quando Sa-
 raceni obijcerent, oris lineamenta ita discrepare, uti sine du-
 bio hic Saracenus, ille vero Sina esse proderetur. Responde-
 bat Ferdinandus; parentem suam Regni Sinēsis indigenā fuisse,
 & se ab ea oris totius similitudinem accepisse, nihil tamen
 æquè Iudicem permouit, quam quod die quadam pro Tribu-
 nali dixit Ferdinandus, eum Saracenæ legis inimicum esse ca-
 pitalem, cuius si esset professor, suilla certè abstineret, & pro-
 ferens è manica suillæ carnis frustum, vterque non sine adstan-
 tium

Isaac à Sarace-
 nis inhumanis
 finē tractatur

Isaac & Ferdi-
 nandus in Tri-
 bunal vocatur

Ferdināus se
 legis Saracenę
 inimicum pro-
 fitetur.

Cccc

tium

Sententia pro
Ferdinando
pronunciatur.

tium ritu Saracenorumq; explosione suillam comederūt, quare visa ipsi Saraceni in Armenium expuentes, è Tribunali abcesserunt, causamq; desperantem reliquerunt, asserentes Armenium illum ab impostore Sina delusum, neque enim Isaac aut Benedictus toto itinere suillam carnem comederant, ne Saracenos comites offenderent: id si aliquando fecerant, occulte fecisse credebantur: his permotus iudex pro Ferdinando sententiam tulit, & omnia quæ Benedicto superfuerant, restitui iussit: nihil tamen aliud repertum est, præter marmoris fragmenta, quæ terræ fuerant commendata, quo vendito debita dissoluta, & ad iter Pechinense viaticum conflatum: nondum tamen satis fuit ad immodicos tot mensium sumptus. mutuos igitur aureos viginti sumpserunt, & in pignus nonnulla, quæ superfuerant fragmenta reliquerunt. Tandem aliquando sollicitis iam de re tota Socijs vterque superuenit, & mixtis mœtori gaudijs mortem Benedicti luxerunt, Armenio libertatem gratulati sunt: eumq; vti vnum è Nostreis exceperunt (monuerat enim Benedictus se ab eo toto itinere fidelissimè adiutum) Pechinum attulit Ferdinandus Crucem inaurata in charta eleganter depictam, quam solam inter Saracenos illos Benedictus detulerat, tria etiam trium Regum diplomata Cascar, Quorèn, & Cialis, quæ in Pechinensi domicilio ad memoriam asseruantur: Sunt etiam litteræ P. Hieronymi Xauerij patentes, cum alijs eius ad iter mandatis, item Archiepiscopi Goani Alexij Menesij, & eiusdem Hieronymi ad Socios Pechinenses litteræ, quas dederant, satis certi Cataium Pechino non longe distare, duo Regna contermina arbitrati.

Isaac Pechinū
peruenit.

Mensem vnum Armenius Isaac commoratus Pechini vna cum schedulis quibusdam Benedicti & memoriæ fide P. Mattheum de his omnibus monuit, quæ tribus his capitibus narrauimus: deinde solito Nostrorum itinere Amacuum remittitur,

titur, vbi exceptus est à Nostreis amicisq; maxima humanitate: inde conscendit nauim in Indiam rediturus, quæ nauis à pyratis Batauis in freto Sincapurano intercepta, Armenium reclus suis spoliatum in miseram redegit seruitutem: Verum à Malacensibus Lusitanis redemptus, iter in Indiam captum profecutus est, vbi audita vxoris suæ morte, ab vltiore ad Mogores itinere abstinuit, & in oppido Indiæ Orientalis Ci-aul nomine substitit, hodieq; cum hæc scribuntur, est superstes.

Nanciani grauisissimus in Nostros tumultus exoritur.

CAPVT DECIMVM QVARTVM.

ANNO supra secularem sexto, & qui proxime secutus est rei Christianæ progressum minimè inhibuit Nanciani, vel P. Soërij morbus magis ac magis ingrauescens, vel P. Emmanuelis in Sinensi sermone infantia. nam hæc omnia suppleuit improbus Sociorum labor, adiutus maximè Fratris nostri Paschalis industria: nam hoc biennio supra ducentos antiquum Neophytorum gregem anserunt, & vulgo insignem in pietatis exercitijs ardorè præferebant. Itaq; in ea metropoli Christianæ legis nomen mirum in modum euulgatum est. Interim desperata iam P. Soërij valetudine, visum est eum Amacaum ad aërem permutandum morboque medendum amandare, verum in irritum omnia ceciderunt: Augusto enim mense anni eiusdem mortalem hanc vitam cum alia commutauit, annos natus vnum supra quadraginta, è quibus tres ac viginti in Societate vtiliter collocarat. Conimbricæ in Lusitania tyrocinium inijt, eoq; vix dum expleto, Indicam missionem impetrauit, ac deinde expeditioni Sinensi designatus est: annos amplius decem in Nanciana sede rem Christianam procurauit, magno virtutum Religiosarum exemplo, quo fiebat, vt

P. Soerius diē claudit mortē.

ab omnibus vulgo pro viro sancto haberetur, multa tulit, fecitq; annis etiam aliquot, quibus è Societate solus in medio Ethnicorum degebat: à vicinis, alijsq; maleuolis sæpè domesticis angustijs ad extremam inopiam redactus: eo enim, quod submittebatur, contentus: nunquam questus est, aut annonā augeri postulauit: magnus fuit apud Neophytos doloris sensus, quem etiam permulti lugubri veste assumpta sua sponte testati sunt.

Domus alia
emittitur.

Anno septimo supra secularē Augusto mensē, alia domus capacior & commodior aureis mille, operā P. Emanuelis, cōempta est, eò quod prior nimis esset angusta, & aquæ eluui-
nibus pateret. Verum vbi Nostri sese ad migrandū accingunt, oritur subito grauis in Nostros tumultus: nam litteratuli aliquot Baccalaurei Legem nostram euulgari non satis æquè ferebant, rem scripto libello deferunt ad Pimpitau Gubernatorem, qui vrbanijs negotijs omnibus aduigilat: ab eo parum feliciter auditi sunt. Respondit enim: si lex illa quam euulgat, vobis minus probatur; nolite amplecti, nondum enim audio illos vim intulisse. Si cōempta domus magna est, in eam nihil expendistis, neque ipsi lutum vobis vestrum eripient. Hoc responso insolentiores facti ad gubernatorem huius metropolis proprium sese cōtulerunt: is iam annos plures Pechini cum P. Matthæo arctam inierat necessitudinem, Lū cognomento: acceptum igitur libellum seposuit, nec adduci potuit à Notarijs rescriptum vrgentibus, vt quicquam responderet: sed neque hanc repulsam tulerunt moderatè. Sub mensis initium præcipui Magistratus vna cum Baccalaureis in Philosophi sui templum publicè conueniunt, hanc opportunitatē nacti, noua luna exhibitis in fano ritibus, non diuinis illis quidem, sed ciuilibus: ex ijs vnus, cæterorum nomine, maximum, qui aderat, Magistratum, Pucinsù vocant, ita compellauit: Monemus externos esse in hac Regia Sacerdotes, qui inauditam
in hoc

Tumultus in
Socios oritur
grauis.

in hoc regno legem proponunt, ac domi suæ magnos vulgi
catus cogunt. Ab hoc remissi sunt ad propriū Magistratum,
qui huius Ludimagister est, & Tichò appellatur, Iussit ille li-
bellum scribi, recepitq; se effecturum, vti pellerentur. eo ipso
die scriptus est, & à septem supra viginti subscriptus: alterum
exemplar Ludi sui Magistro: alterum supremo Magistratui
tradiderunt: huius erat hæc fere sententia: Matthæum Ri-
cium, Ioannem Soërium, Emmanuelem Diaz, & alios quos-
dam homines è Regnis Occiduis externos, & in Regem per-
duelles, in quinque Prouincias distributos, continuum inter
se cōmercium habere, & per flumina passim latrocinari, ad
corradendas, quæ in populum effundantur, largitiones. Eos-
dem à Magistratibus & primaria nobilitate, militumq; Præfe-
ctis sæpè visitari, cum his fœdus ictum esse ad mortem vsque,
ab his doceri nullo honore prosequendas maiorum imagines,
quæ res in posteris præcessorum amorem exstinguit, ab alijs i-
dola perfringi, templâ iam vacua relinqui, & miseros Deos
nullo patrociniō iuuari. Eos ipsos primum in angustis sedibus
habitasse, nunc vero alias capaces atque magnificas coëmis-
se, legem ab iisdem tartaream prædicari, rude vulgus in fraudem
induci, in eorum domum perpetuo coire, eamq; legem vr-
banos muros egressam per pagos, & oppida vicina euagari:
hac ex causa omnes in his regulis falsis ita detineri, vt neque
studiosi litteris incumberent, neq; artifices opus suum cura-
rent, neque coloni terram subigerent: neq; feminae ipsæ do-
mestica negotia curarent: Urbem vniuersam perturbatam, &
cum initio centum huius legis professores duntaxat numera-
rentur, nunc ad viginti millia excreuisse: eos certas imagines
distribuere, nescio cuius tartari aut Saraceni, quem dicebant
esse Deum, qui ad mortales instruendos liberandosq; è cælo
venerat, ab hoc opes, bonamq; fortunam dumtaxat dari pos-
se, quibus promissis plebecula pelliciebatur: eos esse orbis

De Socijs pel-
lèdis tractatur

Summa libelli
contra Socios
scripti.

Cccc 3

contra-

contagionem, iustumq; esse metum, ne tandem extructis templis rebellarent, quod añis superioribus in Fuchiana & Nanchinenſi Prouincijs dicebant accidisse: eos igitur commodis publicis Regniq; conſeruacione permotos, ad antiquas leges factas rectasq; conſeruandas hunc libellum adornasse: poſtulantes totius prouinciæ nomine, vti dato Regi libello hi externi omnes publica morte complecterentur, aut Regni finibus pellerentur in deſertam aliquam maris inſulam relegati. hæc erat libelli ſumma, ſed magna ſacundia conſcripti, allatis etiam librorum ſuorum teſtimonijs, quod hi litteratuli ſatis norunt ad perſuadendum accommodare texere. Vterque libellum ita ſubſcripſit: Prohibeatur legis Chriſtianæ dilatio: Externi ſacerdotes vrbe pellantur, ſi ita Gubernatori, cauſa diſcuſſa, videatur, de quo nos oportebit admoneri: quotquot huius Regni negotia ſe noſſe arbitrabantur, nihil plane dubitarunt, quin minimum ex ea metropoli pelli Noſtros oporteret. Itaque amici complures remedium deſperantes ab auxilio ferendo ſibi temperarunt: ſed nihil ea res Socios perturbauit diuinæ prouidentiae nixos, cuius in alijs periculis præſens numen ſenſerant adſuiſſe. Maximus labor penè fuit in ſtatuendo, quid in re graui primum tentarent: amicis plerisq; videbatur interceſſorem quærendum, qui largitione delinitus ſententiam Magiſtratuū fauore ſuo reuocaret. Verum P. Emmanuel libellum quo ſe purgaret adornauit, in cuius epilogo Magiſtratus etiam atque etiam obteſtabatur, vti eam rem accuratè diſcuterent, & deprehenſam culpā ex legum præſcripto plecterent. Libellum hunc Gubernator & ludi etiam Magiſter ſuſceperunt: Supremus vero Magiſtratus poſteaquam diu Noſtros genibus flexis in reorum habitu tenuiſſet, tandem in hæc verba erupit: Quid eſt, inquit, cauſæ, cur Baccalauorum odio permoti minime vrbe diſceditis? quænam lex eſt illa, quam euulgatis? quid mali perpetratiſtis? quorū maiores

P. Emmanuel
Apologiam adornat.

iores venerandos prohibetis? quorsum imaginem tartari colitis? unde vobis sumptus ad illas ædes tanti? aliaq; similia parum urbanè obiecit. Ad hæc respondere, adhibito Fratre nostro interprete, aggressus est. Tradidit illi doctrinæ Christianæ compendium, ostendit inter legis Diuinæ præcepta, primum secundum Deum honorem parentibus iniungi: Verum ille nihil nec audire, nec accipere voluit, sed prætulit omnia se falsa arbitrari. hac repullâ res magis ac magis desperata videbatur. ergo Nostri ad orationum, sacrificiorum, corporisque afflictationum remedia sese acrius retulerunt: Iam Aduersarij victores triumphabant: iam de suppellectilis nostræ distributione inter se iurgabantur, & ne sibi deessent, nouis libellis & accusatoribus accensum ignem acrius inflammabant; Urbis primores ad vrgendos Magistratus incitabant, ex ijs Magistratibus inferioribus ad quos noui libelli deferebantur, dixit vnus velut adulandi studio: nihil opus est excutere, vera sit illa lex nec ne: sufficit illam ab externis euulgari, vt antiquanda iudicetur: se quidē simile hominū genus exterminaturū fuisse, nisi ad superiores magistratus libelli peruenissent. ^{Gubernator} Gubernator igitur, quem amicum esse satis constabat, aduertens pleraq; ^{Sociorum cau} ^{sam tuetur.} in accusatione contenta, aperram inuoluere falsitatem, Ludimagistrum admonuit, sciret nec ne Emmanuelem Socium esse Matthæi, quem in Regia maximus quisque colebat, & ærario Regio propter data munera sustineri constabat; Socios iam annos duodecim ita Nanciani vixisse, vt nulla de ijs querela, quæ vera esset, aut contra leges audita sit: videret etiam atque etiam maturius, quid in hoc negotio statuendum: Ad hæc Ludimagister respondit: cupere se, vt Gubernator ipse singula excuteret, & ad se deinde referret. Idem à supremo Magistratu auditum imperatumq; & opportune quidem ille ipse, cum primum P. Matthæus Nancianū venit, Gubernatoris munus administrabat, & figendæ ea in vrbe sedis Pro-

regis

regis auctoritate fecerat facultatem: deinde per varios honorum gradus sensim in hac metropoli peruenerat ad summam dignitatem: Publica Nostrorum repulsa prudenter ab eo facta fuerat, ne personæ fauere videretur, sed deinde, quod ita statuisset veritati, nolebat etiam litteratorum postulationes omnino reiicere, quorū etiam olim ludimagister fuerat.

Hoc eodem tempore, ex Accusatoribus nonnulli, iam de victoria certi, per Neophytorum domos Christi Seruatoris imagines conquirebant, & duas trēsue sacrilegè lacerarūt, ideo moniti sunt à P. Eūmanuele Neophyti, vti eas tantisper furentium oculis subducerent, nec in prima aula de more asseruarent: non negari hac ratione fidem, sed sacrilegorū iniuriam propulsari: sufficere quod publice suas coronas gestarent, imo neque ad hoc etiam Christianis legibus adstringi. Excusso igitur libello, & libelli apologia, pro Tribunali litteratos ipsos examini subiecit, & Nostrorum patrocinium suscipiens, ipse seipso calumnias refutauit: ait constare sibi externos illos probos viros esse, in ea domo Socios duos, non viginti quod aiebant, numerari. Responderunt illi Sinas illos esse externorum discipulos: tum Gubernator, quid est quod ab indigenis nostris timeamus? nescitis fortasse Matthæum Ricium ab omnib⁹ Pechini coli, regio stipendio ali? qua fronte extra Regiam Magistratus eos eijcient, qui in regia commorari permittuntur? annis iam duodecim in hac vrbe pacatos commoratos. Præcipiam, inquam, ne magnas illas ædes comparent, ne populus eorū legem sequatur. Deinde pro tribunali Nostros humanissimè admonuit, quibusdam in vrbe displicuisse, quod ædes illas coëmissent, videri sibi angustiores posse sufficere: de legē minimè prohiberi, vt eam ipse cum suis obseruet, sed ne eam indigenis traderet: Nostri enim inquebat, improbi sunt, ac tametsi initio legem vestram sequantur, postea tamen obtrectabunt: similia dixit complura, quæ

Gubernator
pro Nostris
sententiam
dicit.

quæ omnes in fauore reposuerunt. deinde cum Collega suo colloquens, pro tribunali dixit in hunc modum: Lex quam euulgat, rectæ rationi consentanea est: ipse quoque vitam legi suæ consentaneam viuit: sed ideo quod externus est, nullo patrocínio tectus, ausi fuerunt illum Baccalaurei accusare Supremus quoque Magistratus Ludimagistrū monuit, ne quicquam contra Eñanuelem statueret, iam denique constare libellum vniuersum Baccalaureorum fuisse commentum, inuentumq; ad largitionem emungendam. Nancianam gentem vulgo maleuolam esse, permitteret, vt ædes suo coëmeret arbitrato: iam enim olim se, cum Gubernator esset, Matthæo Ricio ædium coëmendarum fecisse facultatem.

His auditis nescio qui Regij propinqui, quos decoctis bonis nobilitas fecerat insolentes, P. Eñanuelem præstolabantur, vt è Tribunali exeuntem male mulctarent, ac deinde ad diripiendam domum se conferrent: sed hoc vltimo Gubernatoris responso territi, nihil supra minas addiderunt: Ad extremum post dies paucos scripta est pronunciataq; in hunc ^{Edictum Ma-} re modum sententia, Magistratus summi ac Ludimagistri ^{gistratus sum-} sigillis quoque munita, & in edicti morem publice pro vrbani-^{mi.} portis proposita. illius hæc erat summa: Se examinata P. Emmanuelis ac Sociorum causa comperisse, eos Sinensis Regni fama permotos, ex Occidente aduenisse, iam annos plures in hoc Regno nulla maleuolentiæ significatione vixisse, posse iuxta legis suæ ritus viuere, sed nō equè placere, rudē plebeculam rerum nouarum cupiditate cæli Dominum venerari, in externorum disciplinam transire, quod indignum videbatur. Ex Poëtæ etiam auctoritate id videri, ex altis arboribus in obscuras valles descendere: ex eare malū aliquod Reipublicæ creari posse, nisi omnes publico edicto monerentur, ne ab antiquis sacrificijs degenerantes in externos ritus transirent: hac ratione posse in publicam perniciem cætus cogi, ipsi etiam ex-

Dddd

terno

terno nocituros: Sc igitur illius Regionis Gubernatorem superiorum Magistratum iussu P. Emanuelemonuisse, vt à peruertenda plebe, & in externam legem inducenda abstineret, domus maioris pretium venditor restitueret, ipse aliam minorem pro statu suo sibi compararet, vbi quiete quod hactenus fecerat viueret: ad hæc monita obseruanda Emanuelemonuisse, ideo Præfæctis Regionis præcipere, vt inquirerent, quinam illius numinis imaginem apud se retinerent; eamque eriperent, nec sinerent indigenarum quenquam in externorum transire disciplinam: neque cætus etiam orationis causa permitterent, quod si contra fecissent, omnes seuerissimis pœnis plecterentur, ipsiq; Præfæcti, si remissiores forent, eiusdem criminis rei haberentur. Addidit ad hæc in suo edicto Ludi Magister, ne sineretur rude vulgus eam legem suscipere, & supralimen domus Nostræ inscriptio legeretur, qua prohiberentur Nostri frequens habere cum indigenis cōmercium.

Edictum in fa-
uorem socio-
rum.

Hac sententia Nostri, quod peius metuerent, satis alacres fuerunt: habita etiam fuit ab omnibus, in fauorem scripta sententia; & legis Christianæ cursum impeditum perfunctoria visa est prohibitio, ne litterati plane neglecti viderentur; quoniam Nostri, vt postulabant, vrbe minime pellebantur, maxime quod apud Sinas legem mutare non habetur in graui crimine, neque hæc prohibitio grauib; pœnis neglecta puniri solet, & ita Neophyti facto suo demonstrant, nam quo prius ardore solebant ad sacrificia coire, Tyrones Christianæ legis adducere, minimè destiterunt, imo etiam aliquid supra solitum addidere, nam ne primis diebus edictum Nostri neglectisse dicerentur, Neophytos in tres intra hebdomadam dies diuisere, ne Dominico omnes conuenirent, sed cepærent illis ipsis diebus non secus ac Dominicis conuenire, nec imperari potuit, ne metum aliquem prætulisse viderentur: imo cum Præfæcti Regionis aliquos terrere aggressi essent, largitionis

nis eliciendæ causâ, intrepide respondebant: esse se Christianos & scripto nomen suum tradebant, vt ad Magistratus deferretur, nec fuit vnquam vllus ex ijs accusatus.

Quod in cæteris Ecclesiarum persecutionibus accidere solet, id in hac expeditione Christiana, & priuatim in hac ipsa sede notatum est accidisse. nam immissæ, Deo auctore, ad fidei Christianæ incrementum semper sedato tumultu plus aliquanto, quam pacis tempore persecutiones attulerunt. Contendebant aduersarij, Nostros vrbe pellendos, & ecce firmiter nostrorum statio confirmata est. nam primo P. Matthæi ingressu, ne ipsius quidem Proregis autoritate facultas domus coëmendæ scripto à Gubernatore potuit impetrari. In hoc euentu, tum ipse Gubernator, tum alij duo supremi metropolis Magistratus Nostrorum stationem, & domus coëmendæ facultatem publico scripto cõcesserunt: vnde nulli videtur in posterum futurus animus, vt de ea in dubium reuocanda audeat mullitare: accedit etiam ad diuinæ gloriæ incrementum notatum à plerisq; legis diuinæ præcones in Numinis esse clientela; & in Magistratum, qui sunt Numinis Vicarij patrocinio velut vmbra recreari. Intellectum est Nostros, non ita Magistratibus ignotos, vt litteratuli coniectabant: nesciebantur vulgo de Magistratum in Regia fauore permulta, nunc etiam pro tribunali cantata sunt: & sanè non minimum fuit prouidentia Diuinæ indicium, Cantonienſes calumnias in hanc Metropolim nondum penetrasse. Si enim auditum fuisset, P. Cataneum è Socijs vnum rebellionis Amacaensis caput declaratum, maleuolorum audacia creuisset, amicorum decreuisset. Iuuat etiam non parum quædam in libello aperte falsa obiecta fuisse: hæc enim veris aut verisimilibus auctoritatem suam detraxerunt, quod Nostros dicerent à Magistratibus nobilibusq; visitari, non satis cohærebat cum rerum nouarum machinatione, cum latrocinij, falsaq; doctrina. P. Mat-

Persecutio-
nes sunt incre-
mentum Ec-
clesiæ.

Dddd 2

thæum

Neophytorū
feruor.

thæum & P. Soërium nominarunt, alterum sciebant Magistratus Pechini viuere, alterum pleriq; audierant iam viuere defuisse: hac etiam persecutione latius legis nostræ sanctissimæ nomen sparsum est, & Nostorum consilium de ea euulganda omnibus patuit. plurimi deinde rei nouæ cupiditate incensi ad eam audiendam accesserunt, quæ si fortasse non ab omnibus suscipitur, fere tamen probari solet. Neophytorū porro feruor indies mirum in modum creuit, & iam in Accusatores libellus apologeticus Nostri inscijs scriptus erat: eum P. Emanuel repugnantibus eripuit, ne importuno tempore quicquā inconsulto tentarent: multi inter se agebant, quid respondendum si Magistratus fidem eiurare mandarent: nonnulli etiam socijs, si forte pellerentur, substitui gestiebant ad rem Christianam vel fouendam vel promouendam. Nunquam in tribunal itabant Nostri, quin ad ianuam improuiso Neophytorum circulo cingerentur: ex ijs aliqui, si mora trahebatur, cibum potumq; deferebant: Ingressum Nostri faciem à ianitoribus impetrabant, & denique vt verbo dicam, nihil quod ad officium veri Christiani filijq; pertineret, omiserunt.

Imaginē Christi
sibi nonnulli
venerandā
dari postulant.

Pronunciatam sententiam ad Nostros duo tresue Magistratum ministri detulerunt. & quoniam de more aliquid nummorum illis erat dandum, in eorum locum postularunt imaginem sibi Christi Seruatoris ad eam venerandam dari, tametsi ipsa quam ferebant sententia grauib; pœnis interpositis, imagines huiusmodi prohiberet. dicebant enim se velle fieri Christianos: sed cum Nostri dare recusarent, forte eo ipso tempore artifex quidā aliquot suis strijs exornatas domum afferebat: illi vnā per vim rapuerunt, nec alio expectato munere abierunt: ex ijs vnus intra paucos dies æger baptismum petijt, impetrauit, & intra dies quinque expirauit. Summus ille Magistratus ad alium in Prouincia Cantonensi maiorem cuectus est, abeuntem P. Emmanuel in nauigio visitauit, & munere

munere prosequutus est, gratesq; rerulit, ob impensum in superiore causa fauorem, inter cetera P. Matthæi de Christiana doctrina volumen dedit, & cum aliquid legisset, adstantibus Magistratibus dixit: quam falso dicuntur hi parentum honorem perhibere, cum in suæ legis præceptis contrarium legatur; iussit Nostros de sua statione securos, iam Ludi Magistrū de innocentia rescuisse. Gubernatorem in protectorem nostrum nominasse; deinde ut munus repēderet, aureos aliquot obtulit, quos P. Emanuel reiecit obstinatè, sed ille per vim interpreti accipiendos ingessit, quos non oportebat pertinacius reijcere. Ex his constare arbitror, res nostras sedato tumultu in hac metropoli fuisse meliores, & id amici agnoscen-
tes, magna frequentia gratulati sunt, asserueruntq; tantum Magistratuum pro externis in Litteratos indigenas fauorem nullo pretio comparari potuisse.

Summus Magi-
stratus eue-
hitur.

Nanciani exantlato labore gesta.

CAPVT DECIMVM QVINTVM.

PRæcipui libellorum & accusationis authores, credi vix po-
test, quantā ex repulsa infamiā sustinuerunt, omniū erant
vulgo fabula, digitoq; notabantur insignes Litteratuli, q; ab
homine aduena fuissent publicè superati: alij, q; nihil emūxif-
sent, alij, q; in ædiū venditione arbitrati, non fuissent euocati.
Pudebat eos, & omnē affinitatē in edicto publico nominari.
Ille ipse Ludilitterarij Magister ijs velut calumniatorib⁹ infen-
sus, prope gradum litterarium eripuit, ergo uti se apud omnes
purgarent libellum ediderunt, quo huius negotij euentus scri-
bebantur, omnes in eo legebantur libelli, Magistratuumque
rescripta: cum in vrbis primores sparserunt, & in aliquos quo-
que Magistratus, eiusq; ad nos quoque exemplar submiserūt:
stilus erat ac scriptio huiusmodi, ut à litterato quopiam cele-
bri

Litteratuli Ae-
cusarores inf-
amia notantur.

Dddd 3

bri

Litteratuli se
libello edito
infamiae notā
delere conan-
tur.

bri concinnata videretur: eo volumine hanc quoad fieri pote-
rat famæ labem eluebant, in primis probare nitebantur, se
nullo priuato commodo adductos, sed Reipublicæ incolumi-
tati seruientes, & patrias leges propugnantes aduenas impu-
gnasse: commemorabant, quantis calamitatibus iam inde à
Sinensis imperij primordijs aduenarum hominum commer-
cium Rempublicam afflixisset: eos patria consuetudine non
nisi reclusos, arcibus & ergastulis retineri, non permitti, quo
velint instar indigenarum vagari, & minus aliquanto vulgi
Magisterium affectare, & vt inuidiam augerent, asserabant;
Nostros regni sui magnitudinem supra Sinensis Imperij am-
plitudinem euehere, nec instar cæterorum externorum sub
eius immensitate submitti: imitatione enim Regni sui, quod
magni splendoris appellant, Nostros etiam Europam nostram
magnum Occidentem appellare; ex eo quod Sinarum Impe-
rator cæli filius nuncupetur, Deum suum cæli Dominum no-
minant, res suas tantum euehentes, quantum à Parente ac
Domino filius superatur: Eos etiam annos ab alio nescio quo,
quam à Sinarum Regis inauguratione numerare: Characte-
res, quibus discipulorum suorum ædes contra spiritus malignos
tutantur (augusta IESU ac MARIÆ nomina notabant)
similes omnes esse arcui, sagittis, securibus, & alijs bellicis in-
strumentis, quæ sine dubio prælagia sunt malorum: Inde con-
cludebant omnino periculosum esse, gentem huius generis ap-
ud se liberam retinere: neque vlli iure mirum videri, quod
Prouinciam suam huiusmodi peste purgare laborassent: id
antiquiores fecisse sæpe litteratos, erutaq; ex annalibus histo-
riarum monumenta referebant: Nascenti malo occurrendum
prius, quam à tempore vires capiat medicinam respuendi. In
operis epologo furorem vniuersum in P. Emanuelē euome-
bant, Canem, Lupum appellabant, eius ventrem infortunijs
calamitatibusq; plenū pronunciabāt, aliaq; contumeliosa in-
temperantius addiderunt.

Visum

Visum est Nostreis silentio potius rem sepelire, quam scripta apologia crabrones irritare, Deus enim non multo post, ^{vindicta diuina.} duos mali incentores inopina morte vindicauit. Eodem quoque tempore extincti sunt e tribus litteratorum legis prædicatoribus duo, quorum erat indigna professione sua simulatio: cum Nostreis enim etsi familiarissimè agerēt, accusationis tamē ignem accendebant. Alij etiam aliquot varijs malis infortunijs, quæ afflicti materiam Ethnicis ipsis dedere diuinæ manus agnoscendæ, quæ furoris sui fulmina in electa calumniosè capita vibrassent.

Cum ampliores ædes Nostri coëmissent, veteres distraxerant ea lege, vt ex ijs emigrarent, cum in nouas immigrassent: ^{Difficultas ædium comparandarum oritur.} verum vt erat e propinquis Regijs nobilitate sua insolentior, qui emerat, ante constitutum tempus supellectilem in ædes Nostras immiserat, & de ijs emittendis importune laborabat: quo tempore Nostreis nemo accusatorum metu deterritus, vel ædes vendere vel elocare volebat. Sub idem tempus septem e Nostreis nouo concursu aduenerant, & res eo res deuenit, vt Nostreis prope in hospitium publicum fuerit emigrandum, sed tandem ex amicis vnus ædes quas habebat vacuas, angustiores illas quidem, sed pro tempore accommodas Nostreis est mutuatus, recuperato denique non sine labore ædium, quod iam persoluerant pretio, aliam conquirebant, quæ non satis apta reperiebatur, & Nostri iam præsentis mali sensu litium ubiq; periculum formidabant, ac tandem coëmpta est domus vna sane capax, sed quia à duobus possidebatur, multorum annorum litem illa nobis præbuit.

Eo ipso tempore alix quorundam factiones de Nostreis impugnandis oriebantur, quarum edicto quodam, Diuini Numinis prouidentia, quamprimum finis est impositus. Sed neque ille ipse annus infructuosus fuit. nam Neophytos ceteris addidit sexaginta. Eadem in vrbe Senem quendam, qui
supremum

Aemuli nostro
rum senem
quendam in
suas partes de-
ducere conan-
tur.

supremum Colai munus diu gesserat, opibus & reliquo appa-
ratu celebrem in partes suas æmuli nostri deducere conati
sunt: idq; hac arte tentabant. Celebre illud fanum, de quo su-
perius plura, forruitis ignibus arserat, ad reparandas flamma-
rum iniurias electus est senex ille vel auctor vel adiutor: cuius
auctoritate aureos supra decies mille corrasa stipe compilarūt.
Hæc dum corraderentur, Neophyti legis suæ sanctitate se ab
impio sumptu excludebant: id etiam fecisse dicuntur Ethnici
nonnulli legis Diuinæ professionem mentientes: inde aucto-
ribus litteratis ad Colaum questuri sese contulerunt exacto-
res: quibus ille; eleemosynæ nomine collata sponte, non per
vim corradi debere, nemini ergo molestiam facesseret. Cum
ijdem de P. Emmanuele sermonem ingessissent, deque lege
noua seminari cæpra questi essent, respondit: constare sibi le-
gem esse sanctam, eiusq; præconem virum probum: nec Sini-
cis legibus litteratorum admodum repugnantem; cumq; ex-
ternum esse vrgerent: quid est, inquit, quod vobis ab vno ex-
terno in hac vrbe timeatis, cum constet in vtraque regia tot
Saracenorum millia impune commorari, & ad litterarum ho-
norumq; gradus admitti? Cum eo, opera Reguli cuiusdam,
amicitiam Nostri contraxerunt, cumq; ad obitum vsque res
Christiana, multosq; alios proceres delectabat.

Sacellum ador-
natur & aperi-
tur.

Toto hoc tempore Nostri ab æde sacra publicè aperi-
enda studio abstinerunt, ne Magistratuum edicta neglexisse
dicerentur, placuit etiam explorare, quales vicinos habere-
mus, interim domus sacellumq; postmodum referandum con-
cinnabatur, aras duas erigi placuit, in sacellis singulis singulas,
alteram Christo Seruatori; Deiparæ alteram dedicarunt: eam
deniq; anno supra secularem nono, magno apparatu Neophy-
torumq; concursu, sed Ethnicorum tamen maiore aperue-
runt, ipso Dominici Natalis die: ornatus Europæo more cō-
cinnatus, sua nouitate Sinarum oculis blandiebatur: vtramq;
aram

aram lampades duæ, nocturnis æque ac diurnis horis splendent, & oleum à Neophytis certatim subministratur, cum nouo sacello, nouus Neophytorum ardor & insolens in fagenam nouorum pilcium conuenientium multitudo, & magno feruore pœnitentiæ sacramentum frequentabatur: si cui vero cœlestis epuli communio fiebat, is ad Christianę pietatis apicem sibi videbatur peruenisse: ad sacrificium etiam multis non Dominicis solum aut festiuis diebus, sed profestis etiam quotidiani concursus erant.

Neophytorū
feruor.

Geographicam orbis descriptionem à P. Matthæo

editam Rex ipse intra palatium recudi iubet, & Pechinensis

Ecclesia nouis incrementis augetur

CAPVT DECIMVM SEXTVM.

ANNIS proxime superioribus frequentes Nostri in Palatium uel euocabantur, vel sua sponte ad uisendos Eunuchos itabant, maxime si quando, ut dictum est aliâ, horaria machina peccasset. Cum die quadam eo se contulissent Pater Mathæus ac P. Didacus, Collegij Mathematici Rectorem satis perturbatum nuncio quodam Regio inuenerunt: Petebat Rex duodecim Geographicę descriptionis exemplaria in serico panno excusa, in sex tabulis per maximis, quod opus erat P. Matthæi non ita multo ante ab amico Magistratu ligotzum editum, iubebatur is à P. Matthæo tabulas postulare, quoniam ipsius ibi nomen uelut auctoris legerant, id ad regem peruenerat ab Eunuchis ipsis Regi oblatum, quod à Nostri nuper acceperant, itaq; placuerat, ut uellet in filios ceterosq; intra palatium propinquos singula singulis exemplaria distribuere, ut ijs palatinas aulas implerent, spectarentq; cum uoluptate. Hoc opus Nostri, ne Regi ad eam diem offerrent, deterriti fuerant vano metu, ueriti ne fortasse non creditam or-

Rex petit Geo-
graphicam de-
scriptionem.

Eccc bis

bis amplitudinem Sinensis imperij contemptum arbitrarentur, quam ipsi orbem vniuersum appellabant hactenus, & credebant: verum contra res accidit. Rex enim, quo valet iudicio ac solertia, non est arbitratus, posse Regno suo à veritate iniuriam inferri. Dixi supra hanc editionis formam bis excusam fuisse, neutrius tamen tabulæ apud nos remanebant: nam alias Ligotzum secum extulerat, aliæ Typographorum in nobili illa fluminis eluuiione perierant, ea res Mathematicos Regios angebat: ne Rex minimè voti compos factus indignationem in Eunuchos conuerteret, neque satis credebant tabulas Nostris deesse, sed nescio quo fortasse prætextu celari arbitrabantur, donec quatuor Eunuchis domum visitantibus ipsa, quæ aquis superfuerant tabularum fragmenta monstrata sunt: alias tamen ostenderunt à Li Paulo euulgatas ampliori etiam descriptione, nam octo tabulis vniuersa constabat. Sed Regi sex tabulas petenti octo ingerere formidarunt. ergo Nostris alias intra breue tempus sese sculpturos receperunt, eo consilio ut rei Christianæ sæpius occasione quaesita ingererent mentionem: ea editio tota mēstruo spacio confici poterat. Huius rei scripto libello Regem admonuerunt: sed nostrorum labori sumptuiq; pepercit. iussit enim, ut intra palatium ad superiorum exemplar, tabulas recentes concinnarent, quod etiam perfectum est eo ipso tempore, quo de hoc ipso opere varia varijs loquebantur: atque in dubium reuocabant ibi conscripta sculptaq; ideo maximè quod contra simulacrorū ineptias non pauca legerentur, & Christianæ fidei capita non sine stomacho à quibusdam audirentur: speramus aliquando fore, ut vel Rex ipse, vel è successoribus vnus aliquis è spectata tabula lectisq; ad eam commentarijs in cupiditatē veniat de hac ipsa lege inquirendi. hoc saltem spectaculum interim Sinenses animos deprimat, dum Regni sui vastitatem Orbis vniuersi angulum non maximum conspiciunt.

Inte-

Interim amicus noster Ligotzum ad Gubernatoris vrbani dignitatem in Prouincia Pechinensi fuerat post humile officium, q. gesserat, reuocatus, & is dum negotia & officij litteras in Regia expedit, à Noltris auelli non posse videbatur, de Christiana lege multa didicit, de rebus Mathematicis multa, ex Euclide maximè, quem nondum Sinicè loquentem audierat stupueratq;: propè vniuersos id temporis è satellitio suo ac familia Christianis sacris imbui permisit, hortatusq; est: ex ijs duo eius propinqui iuuenes litterati Christianā legem solito ardentius arripuerunt, id fecerant vel ingenij bonitate diuino lumine collustrata, vel viri tanti auctoritate permoti, cuius de lege nostra continuus erat sermo, asserentis, extra eam nullibi salutem reperiri, quam ipse laudabat magis quam amplectebatur veritatem; Ex ijs vnus Michael appellatus, in idola prius propensissimus fuerat, ab incunabilis enim frequentis recitatione, & profana ieiunatione, alijsq; sacrilegis ritib⁹, impia parentum pietate fuerat educatus; hunc ferunt mox in lucem editum in hæc verba prolocutum: Ego ex hac familia non sum, sed ex tali quam nominabat profanorum Sacerdotum propinquitate: id Dæmonis opera factum credi potest, si quidem verum fuisse arbitramur, vti puerulus in ea propensius educaretur. Is iam diu statuerat post relictum ex se filium in aliquod eiusmodi Cænobitarum scilicet lustrum recipere: sed auditis lectisq; legis Diuinæ capitibus, falsam non pertinacia, sed errore ætlimatam eiurauit vanitatem, & propensionē in odium vertens, in omni sermone atque scriptione eiusmodi nugæ confutabat. toto eo tempore quo in Regia licuit commorari, nullum iam dicendi nunc & scribendi finem faciebat, ne quæ de Christiana lege audierat in Doctorum absentia memoria laberentur, maximè sacros fastos descripsit festaq; mobilia, quæ vocamus, didicit Europæo more accuratè inuenire: neque doctrinæ Christianæ compendio Sinicè recitando con-

Ligotzum ad dignitatem euehitur.

Eius familia legem Christiā nam suscepit

Michaelis & Hieronymi propinqui quorū Ligotzum conuoluit.

Eccc 2

tentus

tentus fuit, sed latine quoque, quantum Sinis licet ex aliquot litterarum defectu recitare assueuerat: alias etiam addidit orationum formulas, quæ nondum Sinicè leguntur. ante discessum ipse cum Socio Hieronymo de peccatis rite confessus est, inde cum propinquo suo ad urbanum Magistratum post dierum decem iter peruenerunt: de hoc etiam Michael frequenter infra dicendi locus in Annalibus nostris, qui una cum hac historia in lucem eduntur: ad hunc etiam dum Pechino abesset visendum venerat iam vetulus parens ab ipsa tot itinerum spatijs provincia Cechiana: ardenti filij desiderio commode cecidit ad parentis, ut speramus, salutem hæc visitatio: ipse quippe ingestis de Christiana lege sermonibus effecit, ut quam annis supra quinquaginta fuerat professus, abiuraret idolorum vanitatem, ipseque de parente suo scripsit, eum has ineptias velut attritos calceos abieciisse, cum deinde in patriam reuertisset, vniuersam propinquitatem ad sui imitationem permouit.

Michael parē-
tem suum con-
uulsi.

Nondum abierat è Regia Ligozum, cum incidit res ad rei Christianæ commendationem celebrata. è domesticis famulis quidam in scio hero, Christianis sacris imbuebatur, eo ipso tempore in morbum incidit, qui fæore suo domesticos auerte-
bat, & iam designatus baptismo dies aduenerat, cum è Socijs vnus, expurgato lectulo, cubiculum odorifero suffitu repleuit, ad odorem occurrere domestici, & stupuere legis Diuinæ supra naturæ honorem, eminere charitatem: id audiuit herus, & supra admirationem seipsum inculcavit. quod in eo discrimine famulum, neglexisset. vnde multis additus est animus ad laudatæ virtutis imitationem, intra triduum baptizatus expirauit, inuocato prope continuo sanctissimæ Trinitatis nomine, spemque fecit æternæ salutis intra dies paucos adeptæ. eam rem frequentibus sermonibus apud amicos herus ipse celebrabat. hoc domesticorum ipsius ardore, è latel-
litibus,

Famuli baptis-
mum in scio
hero suscipiunt.

litibus, aut Curialibus potius eius duo, qui ad eum non diutius pertinebant, quam interim dum in Regia commorabatur, perimoti Christianam fidem arripuerunt, & magno deinde rei Christianæ emolumento, quod susceperant, euulgarunt: Andreas dicebatur alter, tenuior aliquanto, qui minori auctoritate rei Christianæ vtilitatem intra domesticos duntaxat parietes, propagauit; alter Lucas appellatus, copiosus in primis, & vniuersæ aulæ cognitus, varias, quibus opes corraserat fraudes vitæ permutatione refarciuit. Prima illi parentis cura fuit, quem annorum septuaginta, cum naturæ cursu diu in viuis retinere non posset, omni ratione curauit, vt pro mortali vita illi procuraret immortalē: hoc illius intentum cunctantem adhuc toto impetu in Ecclesiæ castra compulit: erat eius parens audiendi facultate prope destitutus. Itaque iure veritus est, ne à Nostreis ingesta minus facile in aures animumque admitteret. ergo ipse ad ediscendum domum nostram veniebat, vt quæ didicerat Parenti, qua verbis qua nutibus, insinua-
ret. Vterque hac industria captus est, neque enim iudicauit prudentis esse alteri salutem suā neglecta procurare. Verum obstabant huic eius deliberationi permulta, quibus non sine pe-
culiari Numinis auxilio seipsum expediuit. nam supra legitimam, pellicem habebat, quæ vbi se prohiberi à sua consuetudine intellexisset impotentius debachata, Nostros mille contumelijs affecit: minabatur etiam si se dimisisset, laqueo se ad
eius portam perituram: id satis frequens est in hoc regno eorum, qui impotentius iniuriam ferentes mortem sibi desperatione consciscunt, eo consilio vt aduersarium Magistratum pœnis exponant; solent enim pœnas luere, qui mortis causa fuisse creduntur, prope ac si miseros illos enecassent: verum auctoribus Nostreis Diuinoque Numine pellicis minas amoremque contempsit, paratus etiam quidlibet subire; ne salutem negligeret, maxime quod inde valgandum erat, Christi legem

Quidam pellicis minis & amoribus contemptis Christi legem salutem

Eccc 3

à limi-

Simulacra li-
quefacta.

Infamie nota
deletur.

Parens monu-
mentum Chri-
stianæ fidei fi-
lijs relinquit.

à similibus nuptijs abhorrere. Verum importuna mulier vo-
lens nolens beneficijs fere placata, de vita minimè prodigen-
da, meliora consilia suscepit. Præter hanc, etiam puellam pro
futura pellice educatam, matri suæ virginem restituit, & legi-
timam vxorem ad suam fidem amplectendam adduxit. Simu-
lacrorum denique ingens cumulus extructa fornace, flammis
absumptus est. In eorum locum successit Christi Seruatoris
effigies non inelegans, quam exturbatis idolis in renouatam
aram eleganti ornatu suffecerunt. ad eam perpetuo lumine
lampas splendet in Numinis honorẽ accensa. Huius viri per-
mutationem in meliora non satis æquanimiter tulere propin-
qui, quorum minas non spreuit solum, sed etiam amicos ra-
tionibus vitæq; melioris exemplo permotus plerosque in sen-
tentiam ac imitationem traxit. Fuerat hic cuiusdam sodalitij
ad inanes Deos honorandos instituti Præfectus: inde sparsere
quidam eum subductis è sodalitia nummis compluribus ab eo
defecisse, quod cum audisset ille, frequenti sodalitia se immi-
sit, & facti sui ratione reddita questus est, se immerito furti
notatum, velle igitur ab ijs audire, quid maximè subduxisset,
& in quo sodalitia iniuriam fecisset vnquam, velle se pro quo-
libet aureo, quem debere probaretur, decem refundere. Ne-
mo fuit ex omnibus, qui sparsi rumoris inuidiam voluerit su-
stinere, sed pacare responderunt: cuiq; quam vellent legem e-
ligendam nullo prohibente videri: de nummis non solum ni-
hil habere quod repetant, sed etiam constare inter omnes
eum liberaliter de suo multa olim expendisse. his auditis ab-
cessit: & quotidie deficiens sodalitia, nihil in posterum mu-
sitauit.

Ad propinquos, ad rem Christianam alliciendos, nouum
adhibuit inuentum: dixit velle se in familia monumentũ re-
linquere posteritati legis nouæ à Parentibus suis primum, de-
inde à se susceptæ; nam permagnā Christi Seruatoris effigiem
depingi

depingi iussit, & ad utrumq; imaginis latus propinquorum effigies, qui Christi fidem suscepissent nixos genibus vna cum precario ferto & appensa è collo reliquiarum theca, cum exigua cruce, qua maxime posset naturæ imitatione appinxit: ea res multos incitauit iam certos se propinquorum numero excludendos, nisi fidei propinquitate sanguinis communionem illustrassent. Dicit vix potest, quam liberaliter eos, qui vinculis tenebantur adiuuerit; litigantes quoties composuerit: aliaque pietatis exercitia frequentarit. solum dicam de Dei Parentis sodalitiis, quod ipse adhibitis aliquot socijs, primus in Sinensi Regno inchoauit, anno supra secularem nono quo die Virginis natalem celebramus: id tamen si Nostrorum fuerit inuentum, non debuit tamen Lucas in hoc opere Dux & caput innominatus relinqui: ipse enim cum de ea consuetudine apud Europæos inaudisset, coactis socijs, regulas etiam legesq; scripserat, quas ad P. Matthæum detulit approbandas: fecit ille additis quæ maximè addenda visa sunt, è sodalitijs Romani legibus ab annunciata Dei parente nominati: Non vltimum huius instituti consilium fuit, Neophytorum funera ritu Christiano cohonestare, & egenis in hoc pietatis genere subuenire, id enim apud Sinas religiosissimos funerum curatores habetur in pretio. Hi celebrioribus per annum diebus ædis nostræ sacræ curant apparatus: primâ quaque cuiuslibet lunæ Dominica in Rectoris domo conueniunt, quem subito omnibus suffragijs primo cata Lucam appellarunt. Eo è Socijs vnus se confert, sermonem de rebus diuinis habiturus, & difficultatum nodos interrogantibus sodalibus enodaturus, sodalitijs nomen à Dei Matre mutuauit, & initio statim Neophyti omnino quadraginta conuenerunt, qui quotidianis incrementis Christianam pietatem augent & cumulant. Eo, qui Lucæ baptismum subsecutus est, anno, supra centum Tyrænes Neophytorum numero accesserunt, qui magnam partem

Sodalitium B.
Virgini Sinensi
regno inchoatur.

partem Lucæ vel exemplo vel cohortationi debetur, & insequenti Natalis Dominici celebritate omnino quatuordecim ad sacrum epulum admissi sunt, quæ parcitas his initijs magnum solet esse Neophytis ad virtutem incitamentum.

Rei Christianæ apud Nanchinenses progressus.

CAPVT DECIMVM SEPTIMVM.

Coniurati in
Magistratum
plectuntur.

IN cæteris res Christiana sedibus quotidianis, quæ vidimus crescebat incrementis, id neque Nanchinensis Ecclesia sibi defuit, quæ in annos singulos non exiguum Tyronum numerum veteranis adiungebat: imo annis prope singulis numerus numerum duplo superabat, & qui multiplicabat gentem, magnificabat quoque lætitiā: sed ne multa sibi similia singulis in sedibus repetantur, sufficiet monere, nihil hos Neophytos cæteris inferiores videri: eandem enim finem pari pietatis ardore cohonestabant; si quæ sint pecularia, ea narrabuntur. & quidem è falso quodam rumore plus formidinis fuit quam mali. anno supra secularem sexto Magistratus vnum aliquem è plebe perduellionis reum comprehenderūt, & cum eo socios fere quindecim sedecimue, hic conuictus fuit tria perduellium millia in perniciem Magistratuum Nanchinensium coëgisse. In hac coniuratione liber deprehensus dicebatur coniuratorum nominibus adscriptis, qui publica inter se officia diuiserant, & quem quisque ad necem destinasset, eius occupabat dignitatem: ex ijs coniuratis, vt fit in minime secreta multitudine, quidam sua dignitate non satis contentus, cæteros suscepit ple prodendos. Horū consilium fuisse constitit è conspirationis volumine, maiestatis Magistratibus antiquorum Regum palatium inuadere, & in ararium irruere antiquis aliquot sæculorū Thesauris inhiantes, & sanè

nisi

nisi caeres inditio patuisset, publicam in vniuersum Regnum inuehebat calamitatem, coniurati crudelissimo mortis genere ex tormenti mora enecti sunt. in collum tabulas inmittunt in circuli formam, eas deinde claudunt, & suo pondere in humeros recidunt, hæ tabulæ ita sunt latæ, vt reus ori manum admouere minime possit, alenaq; manu indigeat ad vescendum, coguntur nocturnis diurnisq; horis stare, donec defluentibus in crura tibiasq; humoribus caro computrescit, & columnis deficientibus vniuersum corporis ædificium ruit. hoc genere mortis periere perduelles, & ex ijs aliqui dies omnino quindecim in eo tormenti genere perdurarunt, ideo quod fortasse vt aliquando euenire solet largitionibus inducti car-nifices nocturnæ aliquid temporis quieti concedant.

Hæc res ministris dæmonis occasionem dedit, rumore ^{Suspicio vana} tota vrbe spargendi, Nostros coniurationis huius fuisse ^{Nostros coniu-} auctores, ea de causa Neophyti vexati, & factum vt eorum ^{rationis fuisse} numerus decrederet: sed hoc tumultu sedato, ^{auctores.} duplicatus est, discussa suspicionum nebula, serenitatis splendor.

His annis superioribus, ex quo P. Cataneus valetudinis causa petierat Amacaū, P. Ioannes Roccia sedi Nanchinensi præfuerat: is demum anno nono supra secularem ad Nanciam sedem administrandam ex P. Matthæi voluntate discessit: P. Emanuel enim Præpositi Generalis mandato renauigarat Amacaum. Nanchini remansit P. Alphonsus Vagnonus Pedemontanus, qui iam annos quatuor in ea sede continuo studio Sinense idioma egregiè didicerat: habuit Socium P. Petrum Riberium: nam P. Felicianus Siluius ad curandam è graui morbo valetudinem cæli Nanchinensis impatiens, in Amacaense Collegium mittebatur, is valetudine deinde ut-cunque recuperata, ad suam redijt stationem. ergo solitum cursum tenebat fidei euulgatio, Neophytorum numerus crescebat, Magistratum amicitia in nouabantur: eam rem pro-

Ffff

mouit

mouit aduentu suo Ciù Paulus, qui patrio funere in patria de-
tentus post biennium bis venit Amacaum: ridere solebat Ma-
gistrum suum quoties eius consilia narrabat, quibus ei reditū
ad idolorum sectam persuadebat. Dicitur vox potest quantum
rem Christianam vbique promouerit, Ignatium ante annos
aliquot Christo adiunctum ad studia pietatis accendit, alijs
multis res nostras ita ingerit, vt prope aliud agens, complures
tamen Christo adiungat: idem etiam B. P. N. Ignatij pijs ex-
ercitationibus eruditus, cum fructum fecit, vt earum vsum
in Sinenses admodum propensos induxerit. vnde sperare li-
cet, his commentationibus mirabilia quædam in hoc regno
perficienda.

Iterum redijt Ciù Paulus, cum in Regiam Pechinensem
expleto Parentis funere ad intermissam redibat dignitatem:
appulit ipsa Domini Natalis nocte, & muris exclusus, in sub-
urbano fano sacram noctem tristis peregit. vix dum illuxerat,
cum Nostros de aduentu suo moneri iubet, & sellam gestato-
riam ad se aduehendū conquiri: verum quod longiorē tra-
heret moram, veritus ne Missæ sacrificio tardior adueniret,
ipse pedibus per medium hyberni temporis lutum magnam
itineris partem confecit. huius apud nos moræ consiliū erat,
vt Magistratus omnes, qui ad se visendum venissent, Nostros
conciliaret; & sanè Magistratus grauissimi ad Christi fidem
conuersionem magnopere promouit, de qua paulò infra di-
cetur. Centenarius ferè singulorum annorum concursus ad
Christi fidem fuit: & ad Neophytorum pietatem excitandam
Pechinensem imitatione, Deiparæ sodalitiū etiam Nanchi-
ni erigitur, è qua sperati fructus collecti sunt.

Nanchini so-
dalitiū Dei-
paræ erigitur.

Dæmon puel-
lam obsidet.

Itaque interim dum mortales immortalis Dei honorem
promouent, ipse quoq; non raram suæ potentia significationem
prodigiorū auctoritate prodebat; inter quæ insigne est,
quod puella contigit, quam dæmon importunus obsessor va-
rijs

rijs figuris terrebat, & ad libidinem incitabat, sæpè negotia-
torem, aliàs sacrificulum, nonnunquam senem, iuuenem ali-
quando simulans, ad execranda scelera hortabatur: aiebat e-
nim nulla alia re, quam infantili sanguine placandum: profa-
ni in eius auxilium vocabantur Exorcistæ, sed ludebat quas
minime formidabat deprecationes, ex ara cereos & candela-
bra subducebat, audiit fortasse ex eadem vicinia Neophytus
quidam, nescio cuius opificij artifex, is cum Ethnicis collo-
quens, Diuini numinis vim in cæteros æquè spiritus ac homi-
nes exponebat: cui ita intulerunt: Quid est igitur cur vicinæ
puellæ desinis subuenire? habet, inquit ille, certissima contra
dæmones præsidia, ijs si placuerit vti, importunus hostis sine
dubio victus abscedet: ergo simul omnes ad puellæ parentem
se conferunt: rogant, velint necne ab importuno vexatore li-
berari; quod si voluerint, cæli Dominum suscipiant veneran-
dum: annuentibus, submissus est è Fratribus nostris vnus qui
ad eos Christi Seruatoris effigiem & venerandum I E S V no-
men detulit; ex ara dæmonum simulacra extruduntur, & Chri-
stianæ doctrinæ capita ab vniuersa familia ediscuntur, ex eo
ipso die, res mira, nunquam in ædes ingredi dæmoni licuit, sed
tamen ex atrio minitabundus inclamabat: verum peracto ba-
ptismo in perpetuum disparuit. quæ res multorum sermoni-
bus celebrata, satis stuporis incussit: quod tanta facilitate di-
uina vis perfecisset, quod nulla rituum Sinensium efficacia
perfici potuisset.

Hoc eodem anno Christo adiunctus est vir grauissimus, Vir supremi
prope in supremo huius Regis Magistratu constitutus, & quo Magistatus si
maior hætenus nemo in Christi gregem cōcesserat: nam Cū dem Christia-
Paulus dignitate superior eam iam Christianus acceperat, gere-
bat officium, quale apud nos vocari potest summi Cancellarij:
Sinæ vero Tuncinsu vocant: ab eo libelli omnes ad Regem re-
uidentur, & alia habebat munera: quæ cum è quatuor sumis

Ffii 2

huius

P. Alphonfus
virum in re
Christiana eru-
dit.

huius Regiæ Collegis statuebat vnum, iam ante annos aliquot contraxerat cum Nostris familiaritatem ille quidem, sed nullam vnquam ad fidei nostræ sanctitatem propensionem ostenderat: narrabat potius post suscepta Christi sacra, se in perlegendo P. Matthæi Catechismo nihil reperisse quod placeret, id eo maximè quod ineptias quasdam confutaret, quibus ille perdidit addictus erat: notauit in eo P. Alphonfus hoc rerum Diuinarum salutisq; fastidium, ergo escam ei iniecit res Mathematicas, quibus mirè delectabatur. non alias patuit euidentius, Deum hæc remedia delegisse ad conciliandos sibi huius Regni magnates. Sphæram igitur ac solidum terræ globum ei iussit ab artificibus concinnari: aptas addidit ad instrumentorum notitiam cōmentationes: his familiaritas inter vtrumque & amor creuit, quem cum ille die quadā grauissimis verbis exaggeraret: Respondit Noster: Quæ hætenus ex me didicisti, quantula sunt illa, si cum fidei nostræ rebus comparentur: cui nō sublimius videbitur cæli Dominum venerari, quam sydera conremplari? cui non magis necessarium de statuenda in cælis sede, quam de spectandā tractare? cupere igitur se pro familiaritate tot annorum tantisq; beneficijs eius salutē in tuto collocare: postulare vnum duntaxat, vt qua contentione Mathematicas arripuerat disciplinas: ea ipsa legis Nostræ veritatem exploraret: videretq; num ea digna sit, quam Sinensis Regni primores complecterentur: ac deinde de auditis statueret, prout ipse sua prudentia diuina luce collustrata consequeretur. Mouerunt hæc ingenuum hominem dicta cordatè: ergo recepit se omnino legē Christianam attentius exploraturum, inde cōmendat noster, vt hac noua voluntatis propensione denuo de doctrina Christiana volumen legat attentius, addidit illi breues cōmentarios quatuor, quos ipsemet nuper addiderat: De Deo vnum: de anima immortali alterum: de originis culpa tertium: De Deo homine

homine postremum. Non defuit sincerè legentis voluntati lux Diuina, nam veritatem assecutus, suo quoque exemplo monstrauit, quod iam vsu longiore comperimus, apud Sinas libros aliquanto facilius persuadere, quam institutas de lege nostra disceptationes.

Iam intellectus cognitæ dederat manus veritati, voluntas etiam nunc paucis laqueis irretita sese expedire laborabat; è laqueis vnus erat Sinarum ineptissima cupiditas. nam de vita meliore subdubij, quam longissimis possunt spatijs hanc extendere laborant, & hic Noster nouæ militiæ tyro impostores aliquot adhibuerat in Magistros, quorum nugis eam fidem adhibuerat, vt etiam de vita protrahenda commentarios edidisset; & quoniam has spes vitæ longioris supersticiosi ritibus procurabat, eos non facile vna cum Christiana lege dimittebat. Non minus alio scrupulo angebatur. nam in dierum factorum nefactorumq; electione potius verebatur rerū suarum euentus temere perturbare: Futura etiam ab vanissimis coniectatoribus exquirebat, neque facile hanc à puero consuetudinem dimittebat. Hi difficultatū nodi aptis responsionibus ita enodati sūnt, vt suam ipse damnaret in his credulitatem, & eam horreret falsitatem. ergo magno animo à se tandem refecat, quidquid Ethnicam superstitionē redolebat: huius deliberationis constantiam in euentis maximè duobus demonstrauit. Audierat in Regiam venisse hominem, qui maiorum cuiuslibet familię veras imagines se depingere posse iactaret, tametsi mortuorum ante aliquot sæcula, nulla memoria superesset, imo nomina etiam absq; errore, vt fidem priorum faceret ediscebat. Magna igitur tenebatur cupiditate, effigies maiorum, quæ in vrbe quadam Iaponensium excursionem incendio perierant recuperandi, & parum absuit, quin ad se accerferet impostorem: verum mentem pupugit exortū dubium, id sibi per leges Christianas liceret nec ne. Ergo per lit-

Cupiditas vitæ
diu producēdę

Constantiæ
exemplum.

Ffff3

teras

teras id ex Nostro inquit, qui dilem̃ate ita respondit: Hunc hominem vel fallere oportet, vel dæmonis arte uti. prudentem falli minimè oportet, nec dæmonis opera vlla in re uti Christiano licet. Ea res igitur aut inutilis erat, aut illicita. satis hoc fuit ad rem prope captam extemplo dimittendam. De alio constantiæ testimonio, postea narrabitur. Munere quodam magnifico ad nos cum litteris transmissio testatū esse volebat, se in Nostrorum transire disciplinam. reiectum est illud consilio supra cōmemorato, cui accedunt etiam Societatis Nostræ constitutiones, quæ exercitiorum nostrorum præmium non admittunt. postulabat etiam ad se mitti Christi Seruatoris effigiem posthac venerandam: eam Noster Sacerdos ad eum detulit, quam magnifico publicarum vestium apparatu insignis excepit: ac deinde solemni epulo Doctorem suum cohonestavit. deinde post dies aliquot Christi castris dato in baptismo nomine aggregatus est, in eo nomen Ioannis accepit, & profitebatur, se incredibili hilaritate perfunctum, vim aquæ sentire salutaris: eo expleto ritu, superius munus auctum aliquot sericis pannis remisit beneficium gratulatus: sed neque tunc admissum est: quem huiusmodi procedendi modum mire suspexit atq; prædicavit, postquam repulsa sua dona questus, consilij nostri rationem approbasset.

Non ita multo post decrepita illi Parens occubuit. ergo è Sinensi consuetudine publicum munus dimittens, ad triennem luctum domum se recepit: & ante discessum inuenit modum, quo superiora munera minime reijcerentur. nam cum de extruenda æde noua ageretur, non minimum argenti pondus ad extruentionem inchoandam donauit, quo nomine recipi sine culpa, reijci non sine offensionis periculo posse videbatur: prosecutus est abeuntem Noster dimidiati diei itinere eumq; docuit, quem in Parentis curando funere modum è Christianis legibus obseruaret, eiq; cum commendaret præceptorum

Baptismum
fulcipit.

Munera reie-
cta.

Documenta
abeunti tradi-
ta.

ceptorum legis Diuinæ custodiam, respondit Ioannes: atqui ut videas, quo animo Christi legem susceperim, & antiquos errores abdicarim, hic ipse dies à me studio electus est itineri inchoando, quo die per Sinenses fastos itinere prohibemur: id feci, ut ægre dæmoni facerem, qui me tot annos elusit, atq; ita alter ab altero discessit magno vtrinq; solatio perfuncti. Domum cum peruenisset, per litteras petijt officioliissimas, ut quoties commodè fieri posset, ad eum è Socijs aliquis mitteretur, qui rei Christianæ mysteria minime nunc occupato per otium ingereret, id ut fieret suo tempore procuratum est. Huius viri ad Christum conuersio, & Leonis iam Neophyti exemplum (quem hæctenus Ligotzum appellauimus) eius paulo post ad Christum conuersionem cum de Pechinenfi sede ageretur, suo loco commemorabimus. Hæc, inquam, duo, magnopere Neophytos reliquos recrearunt, & ad imitandos Viros Principes pietatis quoq; Christianæ Duces incitarunt, id maxime visum est sacra Dominici Natalis nocte, quam ipse cum Neophytis Leo, nullo suæ dignitatis apparatu in sacris vel sermonibus vel colloquijs, vel expiandis quoque peccatis fundendisq; ad Deum precibus, vtiliter sanè consumpsit.

In Patriam Doctōris Pauli Vrbe Scianhai nomine vtiliter biennij spatio P. Cataneus laborat.

CAPVT DECIMVM OCTAVVM.

CVM in Patriam ad Patris funus curandum reuertisset Ciu Paulus, triennem moram in familiæ ciuiumq; suorum salutem, & cōmodum designauit: impetrauit igitur à P. Matthæo vnum è Socijs, qui eo secum mitteretur, ad eamq; rem P. Cataneus est designatus, qui Nanchini degebat recens Amacæ reuersus, & cæteris minus occupatus videbatur.

Vrbs Scianhai Nanchinensis est prouinciæ, imo etiā Regionis

*Vrbs Scianhai
descriptio.*

gionis ex infimo vrbiū genere, quod Haien appellatur: abest à Nanchinensi Regia centū quadraginta quatuor miliaribus Italicis: habet eleuatum polum gradibus nouem supraviginti: non procul abest à mari Orientali, è regione regni Coriani, & Insulis Iaponicis ita vicina est, vt malit esse remotior. cum enim vento secundo horis quatuor & viginti fretum illud nauigetur, patet excursionibus pyraticis frequentius, vnde magnis præsidijs ora maritima & classibus etiam defenditur. à vicinitate maris nomen accepit: Scianhai quippe supra mare significat. murorum ambitus duobus miliaribus continetur, ædes tamen suburbanæ nihilo sunt pauciores vrbis. ergo quadraginta fere familiarum millia numerat. (Focos vocare solemus) hinc transiens lectorem moneo, nihil mirum videri, si vrbes nonnullæ incredibili munero habitentur incolarum, cum infimum vrbium vel oppidorū genus ita frequenter incolatur; ager vniuersus planus est absq; vllō etiam colle, & verius dixeris totum agrum vicinum, urbem esse hortis plenam, quam agrum suburbanum, turribus enim villis ac pagis ita continuatus est, vt vices mille focos præter vrbanos suburbanosq; contineat, ago solum de huins oppidi ditione, in quo constat cum ipsa vrbe mortalium trecenta millia numerari. Et sola hæc ditione Regi pendit annuè centum & quinquaginta aureorum millia, in argenti pondere, & eandē summam in oriza, quæ trecenta aureorum millia conficit: hinc etiam incredibile videri desinit, Sinarum Regem tot annuas tributorum myriades numerare, de quibus libro primo. Ager feracissimus est orizæ maxime & gossipij, vnde plurimi panni texuntur, & textorum ducenta millia numerari volunt. hinc in Regiam Pechinensem & alias prouincias panni exportantur. gens est natura viuax, & non nihil inquieta, maxime quæ urbem incolit; in bonis ingenijs numeratur, & frequentes habet scholares atque litteratos, & quod inde sequitur Magistratus,

Vectigal annu.

Textorū ducenta millia in ditione Scianhai.

tus, qui administrata olim Reipublicæ partis opibus priuati fruuntur; quorum sunt magnifica palatia, sed urbanæ plateæ ^{Homines diu-} sunt angustiores: Cælum clementissimum est, vnde fit, vt in- ^{turnæ vitæ.} colæ diutius aliquanto viuant, quàm alijs in locis: sexagenarius apud eos nondum inter senes computatur: annis octoginta fere aut nonaginta vulgo vitam trahunt, & centenarij quoque non pauci reperiuntur.

In hoc oppido natus est Doctor Paulus, qui præire voluit priusquam P. Cataneum euocaret, & prima funeris pompa sese expedire. Statuerat ipse Nanchinum ad Patrem adducendum reuerti, vt ei necessariam ad Euangelium euulgandū pararet auctoritatem, sed ægritudo propinqui litterati, quem ipse in eo periculo Christo aggregarat: & Baptismum persuaferat impediuit. mittit igitur Nanchinum extemplo famulorum suorum primarium, qui P. Cataneum ad se adduceret, scriptisq; litteris variè sese excusabat, quod ipse pro voto suo non veniret, in iter etiam sumptus liberaliter misit. Interim dum Sacerdos noster euocatur, Tyroni suo minime defuit Paulus, sed legis nostræ mysterijs imbuens, Virginis effigiem venerandam dedit, & precatoriorum globulorum pensum, quod ille manu nunquam dimittebat, continuis precibus Deum obtestans, ne sine Baptismo mori pateretur. Magnus erat ægotantis de peccatis dolor, cuius vi baptismiq; voto sperari potest eum salutem consecutum. neq; enim baptis- ^{Votum Baptis-} mum impetrauit, tamen si nulla fuerit euocati mora, nisi quā ^{mi.} itineris longitudo necessario trahebat. id enim temporis nondum Nostri Baptismi formam ad necessitatis euētus in Sinense verterant idioma, sed solum latina formula Sinicis characteribus utcumq; exprimebatur, qua Neophyti paucissimi vti sciebant: sed huic tandem incommodo occursum est.

Nanchino discessit anno supra sæcularem octauo prope exeunte: ad eum excipiendum venit Paulus in ipsum nauigiū,

G g g g

eumq;

P. Cataneus
peruenit in op-
pitem Scian-
h. i.

Visitantium
concurfus.

Fructus & labo-
ribus P. Cata-
nei.

eumq; domi suæ triduo detinuit maxima amoris & beneuo-
lentia significatione; dolorem Tyronis sine baptismo mortui
absterfit aliquantū P. Catanei sermo, quo declarauit baptismi
votum, si contritionis dolor accessisset, vim habere baptismi,
hoc enim nondum Paulus audierat. Ergo re accurate discuf-
sa, exequiæ illi ritu Christiano procuratæ sunt, quod sacrifi-
culi molestius tulerunt, ereptum sibi tam insigne in primarij
viri funere procurando lucrum. ergo statim initio sparserunt,
legem nostram à maioribus colendis posteros deterrere, sed
ea calumnia sua facile corruit falsitate: nam è diuinis præcep-
tis contrarium mox honorato Deo legebatur. triduum in Pau-
li ædibus in aduentu gratulando collocatum est. pleriq; vrbis
Magistratus, ac primores eum per eos dies visitarunt: intelle-
xit admonente Nostro Paulus rei Christianæ cursum domus
suæ hospitio prohiberi, ad quod non nisi viri primores & ip-
sius quoq; Pauli familiares venturi videbantur: ergo eum in
amici domo tamdiu commorari iussit, donec ipse accommo-
datas ædes comparasset: ædes hæ suburbanae erant ad animi
laxationem instructæ, sed non fuit ibi Sacerdoti nostro otium;
nam tantus concurfus fuit, vt omnino solum obrueret: vix il-
li ad officij Diuini pensum sacrificiūq; , minus ad corporis ne-
cessitates tēporis aliquid supererat: prope omnia in horas no-
cturnas necessario differebantur: nec laborem fructus fefel-
lit; nam hoc primo concurrentium, ac nouitatis tumultu
quingenta Christo nomen dederunt: & intra biennium
numerus creuit ad ducentos, quod nullibi hætenus intra hui-
us temporis primitias vidimus accidisse. Vt concurfus auctior
esset, Paulus ædes intra vrbem coëmit ad vsus Nostrorum ac-
commodatas, multa ad Diuinum obsequium notatu sane di-
gna contigere: memor tamen institutæ breuitatis feligam il-
lustriora. In primis vrbis Gubernator frequenti visitatione
sermonibus locum dedit, quibus tota vrbe celebrabatur, eum
ad

ad Christi sacra adspirare, quod etsi falsum fuit, promouit tamen rem non parum Christianam, multosq; ad inquirendum de ea incitauit. Sanctæ Crucis effigie mirabilia multa contigerunt. Neophytus in tertianam febrim inciderat vna cum filio sanctam Crucem à Nostro petijt, eaque in domum recepta, extemplo vterque conualuit. Cum ipsis etiam Ethnicis mirabilis erat Deus, non solum cum sanctis suis: noua nupta à dæmone vexabatur, qui eam somno ciboq; prohibebat, & aliena multa loquenti ingerebat: Neophytus eam hortatus est, vti Deum venerari, eiusq; fidem suscipere proponeret, annuit illa, & ab ipso momento, quo sanctæ Crucis formulam ediscebat, nec dæmonem vltra vidit, nec in somno ciboque capiendo molestiam sumpsit, postea baptizatur, & prima è suo sexu Christum agnoscit. Neophytus quidam ante Baptismum idola incenderat, eam iniuriam dæmon vlcisci, Deo permittente, in hunc modum cepit: quoties orizam coquebat, euanescebat illa, & aqua tererrima instar atramenti duntaxat remanebat; ad Sacerdotem Nostrum venit consilij causa, ab eoque crucem accepit domo collocandam, cuius vim non ferens culinæ molestator, abscessit. E Pauli familia famulus subita ægritudine correptus à P. Cataneo visitur, instruitur, baptizatur, & ipso momento conualescere incipit, & intra dies paucos pristinam recuperat sanitatem: in huius beneficij memoriam ab hero suo impetrauit, vti Sacerdoti Nostro ædiq; sacræ famulari permetteretur, quod fecit ille accuratè sanè & vtiliter. Ethnici permulti à grauissimis morbis ad Crucis aspectum sola promissione, se Christianam fidem suscepturos, liberati sunt, quos inter adolescens ab incæpto resiliens, die quadam domi colubrum reperit, quem cum occidere parat fuga consulentem minime assequitur, nocte insequenti somnium habuit fortuitum ne, an ad salutem immissum, non facile est iudicare: videbatur audire dicentem secundo: vis in

Per effigie S.
Crucis mirabilia
patrata.

Dæmon pellitur.

Morbi curantur.

Gggg 2

me

me credere: nec ne? cumq; ille secundo negasset: eadem vox ait: si credideris, colubrum occidam; si nolueris, abstinebo: ille vero tum sibi visus est annuisse ea res adolescentem terruit, & ad bene capta persequenda incitauit.

Eadem clementia vsus est Deus in Ethnicū, cuius filius erat Christianus; quem cum non facile ab Idolorum veneratione auocaret, suscepit Parentis nomine, quoties ipse simulacra venerabatur, Christi effigiem adorare: nocte quadam, qua in ægritudinem inciderat, visus est sibi videre illum ipsum, cuius effigiem filius venerabatur, ex coque audire, ego te paululum iuuare volo, & mox melius habere cepit, viribusq; restitutus nihil de beneficio dubitās, in eius legem & sacra transiuit. Verum hæc Diuina auxilia claudam vetuli simplicis ac pij exemplo. Is globulos precatorios continuo recitando decurrebat, sæpè Christi Seruatoris coronam: aliàs Deiparæ fertum, quod coronam aut rosarium vocamus, texebat: is narrabat, se inter recitandū continuo eo odore recreari, quem sacris diebus ædes nostra redolebat, quocunq; tandem in loco versaretur, & apparet boni senis pietatē hoc incensō compensari, cuius oratio dirigebatur, vt incensum in conspectu Domini. His maxime prodigijs pusillus grex recreabatur, & ipsi quoq; pietatis ardore pares pro viribus esse nitebantur. Insignis fuit primæ noctis, quæ Dominum nascentem excepit, prima festiuitas, aderant Neophyti omnes, & Doctor Paulus præ cæteris: primum officij matutini pensum à P. Caltaneo publicè recitatum est: deinde ad singulas missas sermonem habuit singulis sacrificijs accommodatum. In his omnibus pietatis exercitijs præibat ipse Paulus, & pro sua modestia Neophytos ignobiliores ita tractabat, vt ad confidendum inuitaret, qui alioqui ne oculos quidem in eum conuertere prodignitatis magnitudine debuissent. Parenti eius mortuo, quod Pechini factum fuerat magno apparatu Ecclesiasticis ritibus

Vis recitatio-
nis rosarij.

Celebritas no-
ctis sacræ.

est parentatum, & tamen solus erat Sacerdos noster, tamen rei nouitas, rituumq; sanctitas suppleuit maiestatem, & Neophytos maxime recreauit, quod viderent Christianos ritus tanto interuallo Ethnicos superare. Iam quatuor Fratres nostri Tyrociniū expleuerant: ergo socius Patri missus est Franciscus Lageus, qui Patris labores, iam diuisos, effecit leuiore. Verum non ita multo post hanc expeditionem Nostri dimiserunt: neque enim in tanta operariorum paucitate Nostri minoribus in oppidis occupantur, & quoniam in Hancianam Metropolim Cechianæ Prouinciæ expeditio parabatur, tri-
Hanciana ex-
peditio para-
tur.
 duo solum ab hoc oppido distitam, vltimum est è proximo coli posse captum nouale, & Nostrorum labores in celeberrimo Regni totius emporio Nostrorum industriam vtilius collocandam. Ergo ipsius Pauli voluntate; qui iam expleto triennio Pechinum redierat, sedes alia commutatur, imo etiam ipsi Neophyti, ne adeo insignis expeditio defereretur, in discessū Nostrorum è maiori Dei obsequio conspirarunt. De hac expeditione nihil hoc volumine commemoratur: ea enim post P. Matthæi obitum instituta est, in cuius morte primum Sinenfis historiæ volumen clauditur: ne tamen postea gestis lector fraudere, interim dum anni ad secundum volumen fluunt, annales biennij separatim damus, è quibus deinde in vnum compilatis historia contextetur.

*In Sede Xauceanæ res eo tempore gestæ
narrantur.*

CAPVT DECIMUM NONVM.

TAmetsi Magistratum beneuolentia, & Architalassi noui, qui de P. Catanei causa iudicauerat integritate, res nostræ in pristinum statum reuocatę videbantur, tamen ex inflicto linguæ vulnere nondum satis cicatrix inducta erat, nec in-

Gggg 3

duci

Crimen perdu-
ellionis.

Famulus com-
prehenditur.

duci vnquam potuit, & recens casus tumultus ~~pene~~ superiores renouauit: nam cum è domesticis famulis quidam Xauceo cum litteris mitteretur Amacaum, in reditu cum responsis ab excubitoribus deprehensus est: id crimen apud Sinas nihilo minus est perduellione, litteras nimirum ad externos extra regnum constitutos destinare. Seruus igitur cum litteris deprehensus, ab excubitoribus in omne lucrum intentis sollicitatus est, vt largitione non maxima seipsum redimeret. Verum ille nescio, qua spe fretus nihil eduxit è loculis, pertinacia illi nobisq; caro constitit, nam res initio satis exigua magnas deniq; turbas concitauit: comprehensus igitur intra Ansanensis Oppidi fines: Distat oppidum illud, æquali fere spatio metropolim inter & Amacaum diei videlicet itinere; ergo ad illius Gubernatorem deducitur, ab eo mittitur in metropolim Gubernatori tradendus, ille eum Architalasso sisti iussit, quod hæc ad externos causa pertineret: ibi prima verberatione salutatus in vincula remittitur, causa ipsius ad Gubernatorem Collegasq; dimissa; vti de eo causa cognita secundum leges iudicarent. Ab his conquisiti sunt interpretes, vti rescirent litterarum argumentum: aderant eo tempore in ipsa metropoli aliquot Lusitani, qui lectas è Magistratuum voluntate litteras adhibitis interpretibus Sinice reddiderunt: ea omnia à librarijs excepta, in vnum compegerunt, & vna cum ipsis authorographis in Archiuum vrbs retulerunt: in his nihil fuit Deo ita volente, quod Sinas alioqui suspicacissimos offenderat, erant enim domestica omnia, & ad Rempublicam Sinensem parerga, tamen si id publica interpretum sententia constaret, attamen ne hac indulgentia futuris malis aditum aperirent, ipse, qui litteras tulerat, in publicam Regis seruitutem damnatus est per vitam vniuersam, & qui eum miserat P. Longobardus extra Præuinciam Cantonensem in Regni interiora relegatur. hæc sententia, qui à superioribus Magistratibus confir-

confirmari non poterat, nō est effectum suum sortita. de eius euentu suo loco tractabitur. Hoc ipso anno supra sæcularem nono, moritur in hac sede P. Bartholomæus Tedeschi, Ita-
 lus, ex agro Sabino, postquam in ea sede continuus fuisset P. Longobardi comes supra septennium. Hic cum Romæ apud Nostros litteris operam daret, maxime recreabatur audien-
 dis legendisq; ijs, quæ ex India in Europam nauigabant, vnde fatebatur sese hac occasione à Deo in Indicā mēse euocatū. Societatem igitur nostram petijt, & impetrauit, nec minore ardore Indicam expeditionem à Superioribus euicit: magnum domi fuit eius semper desiderium. Morbo febrili quo vehementius quolibet anno solebat æstare fuit extinctus. Cum sentiret se ad metam vitæ peruenisse: tradidit Socio Sacerdoti schedularum fasciculum, in quem retulerat, quicquid ipse vel ab alijs admonitus, vel conscientia teste accusatus in se notasset, vt certius omnes animi latebras aperiret. legit quæ tradita erant Socius, magno innocentia talis exemplo, ipse enim seipsum prope anathomice inspexerat: inde ad eius confessionem excipiendam euocatur, quam ab eo tempore repetiuit, quo ordinem nostrum inierat: sumpto igitur sacri corporis viatico, eo die vitam clausit, quem Ecclesia Iacobo Apostolo colendo designauit, ægritudinis vero nono. Ad mortuum complorandum Neophyti & familiares è ritu Sinenſi conuenere, exequiæ vero Ecclesiastico more celebrius institutæ sunt, quod per eos dies Nanciano Patres Emmanuel & Rodericus repetebant Amacaum; qui in hac sede transitus opportunitatem præstolabantur. externi quippe non satis tuto absque Magistratum facultate repetunt Amacaum, post bimestre spatium abeuntes, secum demortui feretrum ad Sociorum sepulturam euehebant.

Et quoniam de duobus his socijs sermo incidit, ad hanc sedem pertinere videtur periculosum sanè iter, q̃ Amacaum
 vsque

P. Bartholo-
 mæus Tedeschi
 us moritur.

vsque tenuerunt; habet enim non mediocrem Diuinæ protectionis significationem. Ibat igitur P. Emanuel è mandato Præpositi Generalis in Amacaense Collegium, vt ei deinde præficeretur. P. Rodericus grauissimis morbis nullū apud Sinas remedium reperiēbat, ad curandam valetudinē eo mitebatur. In P. Emanuelis locum susceptus est P. Longobardus vt Australibus Nostrorum domicilijs, tribus sub P. Matthæo præfesset: abituris visum est tutius transituros, si feretrum deferrent; nam vel superstitiosa formidine, vel in vita functos reuerentia Sinæ ad feretra non accedunt: abiēre tandē Xauceo comite vno è Nostris fratribus, & intra dies paucos secundo flumine Cantonem peruenerunt: tota difficultas est in scapha permutanda, vt è Metropoli biduo nauigetur Amacau. substitere igitur Nostrī in portu quodā minus frequenti, media quoque ab vrbe Leuca; ne pro externis in frequentia excubitorum dignoscerentur; Inde Frater noster exscendit, & cum Nauarcho quodam demortui feretro Amacaum deueniendo conuenit; cum eodem Collegij Rectorem de aduentu suo monuerunt, vti statueret, quo maxime modo in Collegiū tuti peruenirent, hoc enim vti consilium caperent, coëgit necessitas. neque enim Lusitanos Negotiatores in nundinis, vt arbitrabantur, reppererunt: eo peruenit feretrum, & in communem nostrorum tumulum immissum est. Interea dies abiēre quadraginta; nullusq; qui externos contra leges eueheret ibi Nauarchus repertus: in tanto igitur temporis spatio, nihil mirum fuisse deprehensos. Ergo die quadā ante lucem in nauigium Nostrorum repente irruerūt exploratores inclamantes se subtractas nescio quas mulieres inquirere. Nostrī nondum è lectulo assurrexerant; id salutis fuit, nam in tempore perfrigido inter paños sese inuoluerunt: sed pedes non nihil extra vestem stragulam educentes ostenderunt, nullam ibi iacere mulierem; nam Sinenſes faminz omnes pedes habent

bent prodigiose breues, & ne crescant diu noctuque colligatos; cuius causam alibi iam legeris. Ea res Nostros nō parum perturbauit, constabat enim iam excubitoribus quibusdam externos eo nauigio contineri; arbitrabatur ergo se prætenu mulierum conqueri. Verum hi Magistratum ministri re vera fugitiuas mulieres quærebant, quas cum vidissent in eo nauigio nullas esse, sine ulteriori disquisitione abierunt, illis etiam videtur Dominus oculos occlusisse: nam Ecclesiasticarū precum breuiaria, libri Europæo more compacti, & alia externæ gentis indicia etiam in nolentes incurrebant.

In hoc igitur euidenti discrimine Lusitanū, qui ex metropoli reuerſus, Amacau versus, in alia fluminis parte in suo nauigio cōmotabatur, admonendū curant, vt nisi se perditos velit, qualibet ratione subueniat. Is ad Socios interpretem suum misit, qui eos in suum nauigium, non sine proprio discrimine adduceret, eam enim debemus laudem animumq; gratū Lusitanis: quam plurima ab ijs adiri sæpè Christianæ rei causâ pericula. Egressi ergo suo nauigio Fratrem nostrum Xauceum inde extemplo remittunt, veriti, nesi ad se conquirendos aliqui venissent, Frater noster omne discrimen subiret. Lusitani Nauarchus visos agnitosq; è vultu Socios adduci non potuit, vt in nauigium reciperet, tametsi argento nauigium optulerent: itaq; coacti in ripam exscenderunt, ibi arborum umbris illustrem noctem fallentes sese occultabant: sed cum neque ita satis tuti essent, Sociorum alter in arborem euasit, alter in spineto delituit: atque ita totam noctem in somnē peregerunt, & est in simili discrimine metus malo peior. Mira fuit diuinæ prouidentię demonstratio, noluisse Nauarchum socios intra Nauigium recipere, vix enim è conspectu abierāt: cum ad Lusitani nauigium excubitorum celox adremigat exploratura. si quid mercium, quas efferre leges vetant, fortasse reperirent, quæ si Nostros in eo nauigio reperisset, actum erat de re vniuersa.

Hhhh

Non

Lusitanorū erga Nostros affectus.

Socij à Nauarcho excluduntur.

Non defuit in hoc discrimine Socios Negotiator Lusitanus; quem Nostorum discrimen vti proprium acerrime arguebat. Nauarchus qui Nostros excluderat, ab Lusitano missus erat, vt ædes aliquas reperiret, in quibus Socij laterent, donec nauigij copia daretur Amacaum nauigaturis, abierat ille quidem, sed non redibat, itaq; non temere formidabatur, ne ad eos deferendos aliquem adijisset Magistratum. Eam noctem partim oratione, partim euadendi industrijs delineandis transegerunt, & iam certum erat ad ipsos adire magistratus, si fortasse aurora nullum melius consilium adduxisset, nam tutius erat vincula præuenire, quam ab ijs præueniri, interim diluculum imminebat, & crescebant angustia, hinc enim patienti desideria cū expeditionis Christianæ periculo decertabat, primâ lucē, vbi nihil in humanis præsidijs spei supererat, Sub ecce tibi scapha piscatoria cum vniuersa, vt solet familia ad ripam in qua nostri latebant appellit, cum eo Negotiatoris interpres conuenerat, vti Nostros vel in pristinū nauigium reduceret, vel si iam abijsse comperiretur, deucheret Amacaum. Abierunt igitur ad nauigij locum, & Fratrem nostrum abijsse nunciatur, ergo disceditur non sine periculo & incommodis, nam exigua erat scapha, & classis excubitorum fallenda supererat. nam interdiu, si quod nauigium conspexisset, piscari aggrediebatur, vbi disparuerat, nocturnis horis maxime remos vrgebat; hac ratione nauigantes in desertam insulam deuenerunt, in qua statuerat piscator totum eum diem commorari, & nocturno silentio iter proseguere: Inuitat igitur Nostros fidus piscator, vti animum nonnihil laxaturi in Insulam exscenderent, & sanè superiorum dierum fatigatio hoc solatio indigebat. Obambulabat è Socijs vnus, & nonnihil ab ripa in interiorem Insulam penetrarat, cum ecce tibi in cadauer incidit hominis crudelissimè mactati, nam caput in duas partes diuisum dissilierat ingenti, vt credibile est, saxo, quod

ad.

Incidunt in ea
 clauet hominis
 occisi.

ad latus visebatur; id maleficiij iudicatum est à latronibus esse perfectum, vnde collegerunt eum locum non vacare periculo, sed in ripa consistentibus neino superuenit. Inde sub noctem nauigatur Amacaum, eoq; peruentum die Diuæ Vrsulæ sodalibus sacro, sub horam matutinam. Eo die Batauorū pyratarum naus in conspectu erat: ea ripas omnes spectatoribus excubijsq; oppleuerat, ergo piscator concursu deterritus verebatur, ne à quopiam forte Sinensi notaretur, deferreturq; ad ipsos in Metropoli Magistratus, quod è Regno externos euexisset: atque ita Nostros exposuit prius aliquanto, quam in urbem peruenirent: vnde itinere terrestri in collem vrbi vicinum euaferunt, in quo est pium Deiparæ sacellum, quæ ea ex parte sese videndā præbens, vnde oneraria in Iaponiā soluit, Dux itineris appellatur, per hanc enim onerariā vniuersæ fortuna nauigat Ciuitatis: ibi Virgini Duci gratijs actis, quod eius secundum Deum præsidio, è tot periculis in locum tutum deuenissent, miserunt ad Collegij Rectorem, qui eum de suo aduentu admoneret: nam in habitu Sinensi venerant, nec eos decebat per vniuersam urbem, maximè in Sinarū conspectu ad Collegium penetrare, ac tamen si bellico tumultu ciuitas minimè munita trepidaret, quod ferebatur pyratam classem inter vicinas insulas delitescere; non defuit tamen domi gratulantium sociorum beneuolentia, quæ præteritorum laborum memoriā vel extingueret, vel à tutis non sine grata recordatione commemorarentur, & similes angustię frequentes ab ijs tolerantur, qui sese sacris inter Ethnicos excursionibus, & in hac priuatim expeditione consecrarunt: Verum laborum animosa cupiditas generosos pugiles ex Europa educit, qui ad delicias & cæteras, quæ à mortalibus tanto studio expetuntur inæquali studio nauigarent.

Amacaum perueniunt.

Deiparæ aguntur gratia.

Hhhh 2

D.

P Matthæi Ri-
cij occupatio-
nes.

DEgebat P. Matthæus Ricius in vrbe regia Pequinensi, ea hominum de se opinione concepta, quam Dominus ad Euangelij promulgationem ei conciliarat, quæ tanta fuit tamque admirabilis apud gentem alioqui sagacissimam, & quæ externos omnes in barbaris reponebat, vt eam nō solum sperare nemo, sed ne optare quidem ausus fuisset, intra paucos illos annos, ex quo urbem Regiam attigerat, vna prope eaq; continua occupatio eum cum hospitibus, qui ex omni parte ventitabant, detinebat, quibus ex more quem violari est nefas, cum visitationis officium rependebat, hanc occupationem grauius etiam duplicabat. Ad hæc ad eum ex vniuerso Sinarum orbe ignoti iuxta & cogniti scriptitabant, multa de sanctissima lege nostra, multa de vana idolorū & sacrificulorū secta; multa de reliquis, quæ scriptis voluminib; sparserat sciscitantes: quibus cum responderet, næ maximum onus subibat. Litteraria quippe apud Sinas scripto supra modum solet esse accurata, quam scriptionem nisi etiam rebus accuratiorē redderet, multum de fidei nostræ, deq; rerum quas tractabat opinione detraxisset. Præterea cum vniuersæ præesset Missioni, Sociorum litteris respondere cogebatur, quos cum ille amaret tenerrimè, faciebat hoc sedulo & prolixè. Nec ideo quod in tot esset negotia distractus, à familiari Neophytorum tenuium colloctione vnquā abstinuit, quos ille semper animaduersus est in summis negotijs eo vultu excepisse, quo maximum aliquem ex ijs à quibus interuñi solebat optimatem. Imo iam hoc erat ei solemne, Neophytum à quo vissebatur, quo tenuior esset, eo diuturniore ab eo colloquio detineri. His omnibus si addideris librorum quos edebat scribendorum laborem, Nostris prælegendi assiduitatem, quam ipse

P Matthæi Ri-
cij erga Neo-
phytos amor

ipse ad extremum usque spiritum inter infinita negotia nunquam intermisit, vere dicas homini ad necessariam quietem vix tantillum temporis suffecisse. Sed nimirum ita ingeniosus erat in tempore dispensando, ut ad exercitia spiritualia non solum sufficeret, sed etiam redundaret, neque enim ille statis temporibus contentus, semper inueniebat, quod necessarijs alioqui occupationibus suffragaretur. Hæc nimia attonitos in eum rapiebant socios, dubios, quid primum mirarentur, an infatigabilem eius animum, an corpus, nam ab illo nullus non labor assumebatur, ab hoc nullus recusabatur.

Tempus rebus
spiritualibus
tributum.

Hæc quæ dixi perpetua illi erant, sed in hunc ipsum annum alia multa præter ordinem inciderunt, à quibus obrui, fatigari autem nunquam potuerit: nam sub hoc tempus statim, ad Regem visendum Magistratum ex omni Sinarum Imperio concursus, ad quinque millia fiebant. Hoc eodem anno Sincicus ille Doctoratus, qui solum in aula cõfertur, suos item concursus habebat, nam tametsi non amplius trecenti ex omni numero seligantur, tamen supra quinque Litteratorum millia in competitorum examen admittuntur. Vnde fiebat ut hie eorum aduentus ad Pequinensem Regiam summè Patris labores auxerit, eoquæ hic concursus incõmodior accidit, quod in sacri temporis ieiunium inciderit, nam ut erat vir Religiosissimus ieiuniorum Ecclesiasticorum obseruator, adduci ab socijs nunquam potuit, ut ad intermissam semel refectionem se referret, aut horum mutaret, aut sibi ipse vel tantulum indulgeret. Accidebat etiam sacræ ædis extructio, cuius maxima laborum pars, Doctore Leone ægrotante, de quo supra egimus, illi incumbere non sine molestia. Itaque cum die quadam ab hospitum visitatione fessus domum repetisset in lectulum se abiecit: initio arbitrati sunt socij, solitam illius esse hemicranij ægritudinem, quoniam cum ea vexabatur aliquantula vnius diei quiete depellebat. Verum interrogatus, asseruit

Concursus ad
Regem visen-
dum.

P. Mathæus
in morbum
incidit.

H h h h 3

alia

Pharmaca co-
ram crucifixo
statuuntur.

P. Mattheus
sacramentis
munitur.

alia esse omnia, ægritudinem è summo labore ac fatigatione ortam esse lethalem, quare non solum nihil est turbatus: sed non ita multo post interrogatus ab vno è Socijs, quî haberet, ait se ea ipsa hora coarctari è duobus, nec satis scire quid optaret, an æterna illa, quæ imminebant præmia, an diuturniores in hac expeditione Christiana labores. Inciderat eius ægritudo in tertium diem Maij, quo die Doctor Leo Neophytus, qui è morbo non nihil indies recreabatur, medicû, quo utebatur, ad eum misit, cuius cum pharmaca iam dies aliquot nihil prodesse, Socij sex tota vrbe celeberrimos conuocarunt, à quibus cum in eandem Sententiam non iretur, relicta sunt tria pharmacorum genera, dubijs Socijs quod è tribus eligerent. coram crucifixo statuerunt (frequentissimus tunc erat Neophytorum visitantium concursus) nixiq; genibus rogarunt, vt ab eo docerentur, quam ægro vellet esse salutarem; qua in oratione mirum erat, quo sensu nonnulli Dominû rogarent, vt sibi quos annos vellet adimeret ad communis Parentis vitam prorogandam. Denique è pharmacis vnum illi, sed nullo fructu datum, quæ res mœrorem omnibus, vni ægro solatium adferre videbatur, velut nunc assecuto se ad laborum metam deuenisse. Itaq; rara semper fuit in eo hilaritas, & quæ Sociorum ac Neophytorum non parum mœrorem leniebat. Sexto ægritudinis die, de vniuersa propè vita confessus, Socium qui audierat tanta spiritus alacritate perfudit, nullam vt aliam in vniuersa vita maiorem se sensisse prædicaret, tanta fuerat Patris innocentia Spiritusq; suauitate delibutus. Die insequenti matutinis horis ad sacrum viaticum sumendum se comparauit: ac tametsi eum vehemens ægritudo ita afflixerat, vt lecto dimoueri non sine periculo posse videretur, vbi tamen audiit adesse Dominum ac Seruatorem suum, vires collegit, ac solus nullius adminiculo lectulo egressus, in genua prouolutus omnium in se animas copiosa lachrymarum profusione coniecit.

co

eo ipso die pomeridianis horis vi morbi delirauit; sed hæc ipsa deliria ex abundantia cordis (vt ita loquar) egressa, facile probabant, quid animo secum ipse tractaret: Nam totum vnum diem ac noctem sæpè de Neophytis, de templo, de Sinarum ad fidem atque adeo ipsius Regis conuersione colloquebatur. Cum die insequenti in se plane rediisset, inungi voluit, ipseque integris etiamnũ sensibus omnia aduertebat, Ecclesiasticisq; ^{Sacro oleo in-} orationibus per se ipse rēspondebat. Inde quatuor qui aderant ^{ungitur.} Socij ab eo velut à morituro Parente bene sibi precari postularunt, quibus ille annuens priuatas etiam singulis addidit ad virtutem cohortationes. Et quidem alteri è Fratribus dixit, se illi apud Dominum mortem in Societate Iesv impetraturum, ideo quod nihil tum occurreret melius atq; iucundius; quam quod ipse eo ipso tempore sentiebat. Quæsiuit vnus è Patribus, aduerteret tunc satis, quo in loco socios sua ope ^{Documenta.} tan-
topere, indigentes relinqueret. Relinquo vos, ait ille, in ostio ad magna merita patefacto, sed non sine multis vel periculis vel laboribus. Rogauit alius, vti ediceret ea potissimum hora, qua ratione amorem illum suum possent remunerari: Respondit, ea beneuolentia, quam venturis ex Europa Patribus semper ostenderis, & quidem non vulgarem, sed eum amorem toties à vobis duplicari ita decet, vt quem ibi in vniuersis inueniunt, hic in singulis inueniant. Quo animorum zelo arderet facile ostendit, quod inter mortuis prope vocibus ab eo est auditum; ego P. Petrum Cottonum, qui apud Regem Gallia: degit, in Domino plurimum amo, ad eum tametsi ignotum, pro eo quod Dei gloriam promouit, hoc anno scribere & gratulari statueram, cumq; priuatim de nostræ missionis statu reddere certiore, nunc peto à vobis, vt quoniam mihi hoc omnino præstare non licebit, vti me apud eum excuseris. Quod si non est factum ab eo, cui rem eam Pater commendauit, hoc eius dicto hinc narrato, supremam Parentis nostri pro
exple-

P. Mattheus Ri-
cius animam
Deo reddit.

Luſtus Neo-
phytorum.

Feretro inclu-
ditur.

expleta haberi cupimus, voluntatem. In eum ferè modum
ſuauiffimè, modo cum Noſtris modo cum Neophytis collo-
tus, ad vndecimam Maij diem peruenit, qua die ſub veſperū
in medio lectuli conſidens, animam ſine vllō motu aut corpo-
ris contorſione Deo reddidit, & oculos velut ſopori permit-
tens, per ſe ipſe claudens, in Domino ſuauiffimè obdormiuit.

Hic Neophytos, qui morienti magno numero aderant, à
luſtu & lachrymis cohibere neceſſe fuit, nam verendum erat
ne immoderatioꝝ luſtus de noſtræ fidei veritate, deque Patris
gloria non nihil detrudere videretur. Ergo ij ab inerte luſtu in
laudem verſi, heroicas Patris virtutes pro ſe quiſque prædica-
bant: Eum virum ſanctum, Sinarumq; Apoſtolum compel-
lantes: Inde importunis precibus extorſere ab altero è Fratri-
bus, qui pingendi artem vtrumque callebat, vt viri effigiem
ad commune ſolacium exprimeret. Solent Sinæ vita functo-
rum cadauera ligneis arcis includere, Eas arcas ex incorrup-
tibilibus, quoad licet, tabulis compaginant, ea in re nulli
ſumptui parcentes, quem ſumptum neque noſtra tenuitas,
neque religioſa parſimonia patiebatur. Sed tamen noluit Do-
minus ſeruum ſuum, quem ornandum non in cælo ſolum,
ſed in terra quoque tantopere, vt videbimus anno inſequen-
te, volebat, hac etiam celebritate funeris priuari. Vbi enim
audiuit Doct̃or Leo extremus Patris partus, optimum paren-
tem ſibi ereptum, miſit (nondum enim per ægritudinem ipſe
poterat) domum noſtram conſolatores, qui nunciarent de
feretro, ne quidquam noſtri laborarent, hoc ſe omnino ei
curaturum, à quo paucis ante diebus bis vitam accepiſſet, ne-
que vererentur, ſi qua eſſet mora, ne Patris cadauer grauem
de ſe redderet odorem; in talis viri cadauere ſolitas naturæ
leges non ſeruari. Et quidem ita prorsus accidit, nam biduo
toto & amplius in ſummo æſtu inſepultum vultu ſemper vi-
uido, orisq; totius colore viuo ſimilior quam functo, vitam
qua

quaiam beator viuebat præferebat: Cadauer itaq; arcæ inclu-
 sum in ædem sacram delatum est, ibiq; funebri missæ, defun-
 ctorumq; officio optimo Parenti ab Socijs ac Neophytis Ec-
 clesiastico ritu parentatum. Inde feretrum Sinensi ex more
 in aulam domesticam delatum, & arcæ impositum, amicorum
 visitationi expositum est. Nefas est enim Sinis quenquam in-
 tra urbium muros terræ mandare, atque ideo interim, dum
 suburbanum agrum cœmunt, aut funus parant, cadauera ar-
 cis ligneis includunt, & arcas ipsas suo illo pellucido bitumi-
 ne ita illinunt, vt in annos plures cadauera nullum grauem o-
 dorem spirantia possint asseruari.

Sanè annis superioribus mortis memor, de què sepulchro
 sollicitus agrum cœmerat suburbanum, sed nescio quomo-
 do factum est, vt interim cum pretium appenditur, orta
 controuersia venditor resiliert. tum Pater ad Socios con-
 uersus ait: Nihil admodum refert, nam breui alium eumq; ^{Mortem præ-}
 meliorem sepulturæ locum possidebimus, quibus verbis, visus ^{sensit.}
 est id quod postea contigit, præsensisse; nam ei sepultura ab
 Rege ac reliquis socijs est attributa. Nec hoc solum, sed illud
 ipsum obitus tempus visus est prænouisse. Nam illis ipsis men-
 sibus historiam à R. P. N. Claudio Aquauia Præposito Ge-
 nerali illi impositam, de vniuersa re Christiana apud Sinas ad
 ea vsque tempora perduxit, litteras omnes exussit, scripta sua
 composuit, & duabus schedulis altera rem domesticam, altera
 vniuersam missionem concinnauit. Ea porro schedula, quæ
 de vniuersa missione agebat, ita inscripta erat: P. Nicolao Lon-
 gobardo Sinicæ missionis Superiori; & infra, Matthæi Ricci
 quondam eiusdem missionis superioris. Porro hæc agricudi-
 nis tempore perfici minime potuerunt, nam Socios monuit,
 vt scriniolum suum postquam diem clausisset aperirent, eam-
 que schedulam referarent, quæ ad eos attinebat, alteram ad
 Patrem Nicolaum Longobardum destinarent. Vbi auditum

Iiii

est

est ab amicis Magistratibus, Patrem obiisse, maximi ad eum de more complorandum virorum grauiſſimorum facti ſane concurſus, ſuumq; his vocibus animi dolorem, teſtati ſunt. O virum ſanctum! ô virum verè ſanctum, eaq; nō fictis lachrymis interruptæ. Non ſe tenuit intra urbem luctus, nam reliquis in ſedibus ab Socijs, ab Neophytis, ab amicis, bono Patri iuſta ſunt perſoluta. Nanquinenſes ſeſe Neophyti ſupra ceteros extulere, nam Pequinum ad Patris tumultum funebria dona ſubmiſſere, & inſignem de illius laudibus panegyricum: cuius æmulationis ſtimulati Pequinenſes alteram adiunxerunt, quæ utraq; ad utrumq; aræ latus appenſa à Viſitatoribus amicis magna comprobatione legebatur. Cum initio huius operis P. Matthæi Ricij vitam inſpiciendam dederim, ſunus eiſdem eo ſermone claudam, quo cum ipſe, extremum prope diem clauſit. Nam ſæpè paucis ante obitum menſibus Socijs audientibus repetebat, Cogitanti mihi ſæpius Patres mei, quæ potiffimum ratione rem apud Sinas Chriſtianam liceret promouere, nihil effiçaciùs occurrit mihi, quam ſi ego diem obiero, cumq; Socij reclamarent, atq; dicerent ad eam ipſam rem vitam eiſ adhuc in multos annos neceſſariam videri: ipſe contra inſtare, & multis id rationibus cōfirmare nitebatur. Et ſane ſi quæ eiſ obitum conſecuta ſunt cum prioribus temporibus conferamus, rem ipſam attigiffè dicendus eſt. Neque adeo mirum eſt plus eum perfeciffè ex eo loco, in quo & plus ipſe velit, & plus etiam poſſit.

*P. Matthæo Ricio ab Rege ſepultura, Noſtris
ades ſacra & profana deſignatur.*

CAPVT VIGESIMVM PRIMVM.

DEVS optimus Maximus, qui ſanctos P. Matthæi Ricij labores ſuo ſemper fauore fuerat proſecutus, noluit eorū fructum

fructum vitæ terminis claudi, sed vt alteri Sampsoni concessit, vt plus omnino moriens quam viuens perficeret. Id ita contingit: Expletis Ecclesiastico ritu exequijs, cadauer arcæ lignæ inclusum ex more Sinico asseruabatur in æde nostra, dum aliquis ad id terræ mandandum, ager suburbanus (nam intra muros Sinis est nefas) compararetur: quæ res non parum angebat Socios, vel Rei familiaris angustijs deterritos, vel rei nouitate suspensos, nondū enim è nostra Societate quisquam ad eam diem extra Amacaensis Collegij fines humatus erat. procuratum enim, vt vel in eo Collegio morentur, vel eò mortui ad communem Sociorum sepulturam deferrentur. Id in re præsentī nec poterat, nec vt posset, decebat, quin potius ideo nobis Diuina bonitas communem parentem eripuerat, vt eius morte magnum aliquid imperatumq; perficeret. Quo die iusta ei perfoluta sunt, vnus è Neophytis (qui frequentes adfuerant) vir grauis ac litteratus, idemq; aulicorum negotiorum peritus, dum ædes suas repetit, cogitare capit, impetrat fortasse ab Rege posse humando Patri locum sepulturæ, quæ res præterquam quod Patri erat futura perhonorifica, fidem nostram Patrumque in hoc Regno stationem erat confirmatura. Visa est ei res non indigna, quæ ad Socios referretur. Redit igitur, consilia sua exponit, facileq; persuadet, vt explorent, quem tanta res exitum sortiri posset. Itaq; cum eo, quem dixi Neophyto libellum Regi offerendum delineant, eum deinde limandum concinnandumq; Leoni Neophyto (quem P. Matthæus Ricius nuper ante obitum sacris aquis eluerat) Magistratui grauissimo & Sinensis eloquentiæ laude celebri tradunt, qui & hoc perfecit, & Patrum consilium non probauit solum, sed direxit; & quamdiu præsens in aula adfuit, non parum promouit. Inde libellus ille familiaribus quibusdam viris Principibus ostensus est eo cōsilio, vt eorum sententiam Nostri audirent, nec temere quicquam aggredirentur,

Ca. lauer P.
Matthæi Rici)
domi asserua-
tur.

Nostri libellū
Regi offerunt
pro loco sepul-
turæ.

Litterarum
prototypom

centur, & ut suo tempore, quod ijs auctoribus tentabatur, ijs-
dem fautoribus procederet: Libellum vno omnes ore com-
probarunt, & auxilia sua obrulerunt, quod eo magis mirum
videri debet, quod res temeraria videri poterat: nam externo
ad hanc diem nemini sepultura ab Rege fuerat designata, &
quibus indigenis designatur, eam illi licet potentissimi, & me-
ritis & supra merita lagitionibus vix assequuntur. Is autem li-
bellus in hanc fere sententiam latine quoad fieri potest reddi-
tus ita scriptus erat. Iacobus Pantoja (is enim externa curabat,
Pater Sebastianus Redus domesticis præerat) regnorū mag-
ni Occidentis cliens, libellum offero supplicem in gratiam
alterius quoque externi regni clientis iam vita functi. Suppli-
citer ab insigni tua clementia locum sepulture peto, ut regia
tua beneficia sese ad omnes extendant, ipsosq; remotissima-
rum regionum aduenas complectantur. Ego Iacobus Pan-
toja sum aduena è Regno remotissimo, verum per motus vir-
tute ac fama nobilissimi tui Regni triennio maris fluctus tra-
naui, supra sexies mille leucas decurrens, non sine continuis
laboribus ac periculis. Anno deniq; octauo & vigesimo Van-
lie (nomen est Regis à cuius inauguratione Sinæ suos annos
numerant) duodecima luna. Ego vna cum Matthæo Ricio a-
lijsq; socijs in vniuersum quinque ad aulam tuam peruenimus,
Et nonnulla terræ nostræ munuscula obtulimus, ex eoq; tem-
pore regium stipendium in alimenta recepimus, quod nobis
fuit beneficium singulare. Internus animi nostri sensus vix ip-
so corde capitur, nec ipsa sanguinis nostri profusione par illi
reddere possumus. Anno nono & vigesimo Vanlie, Luna pri-
ma libellum M. T. obtulimus, ut aliquem nobis viuendi locū
designaret, quò tua regia clementia ac benignitas in aduenas
eluceret; annos plures voluntatem tuam præstolamur, nec vn-
quam nobis defuit, licet nullis nostris meritis regius cōmea-
tus. Deniq; tricesimo & octauo anno Vanlie, tercię lunę die 18.

Matthæu

Matthæus Ricius iam senex ex ægritudine diem suum obiit: Ego alterius Regni cliens pupillus remansi, ac satis dignus, cuius omnes misereantur condoleantq; meis laboribus. Iter enim ad Patriam repetendam longissimum est, nautici homines suis nauibus vehere cadauera reformidant, ideoq; mihi omnino non licet feretrum eius accipere, vnaq; cum illo patriam repetere: perpendens quoque quod iam annos plures in vmbra Maiestatis tuæ moramur, arbitror quod annumerari possumus inter clientes ac populum, qui regium tuum cursum sequitur, vt tua velut Yao clementia (fuit is Rex Sinarum olim, qui ab omnibus Sanctus habitus est) non solo Sinarum Regno claudatur, sed ad externa quoque sese regna protendat, cum viui regio fruamur commeatu, confidimus fore, vt etiam à te mortui terræ gleba tegamur: Idq; eo magis, quod Socius meus Matthæus Ricius, ex quo magnum hoc regnum attigit. sedulo dedit operam, didicitq; litteras vestras seseq; ijs virtutibus exercuit, quas vestri libri docent, idemq; magna animi munditiæ externaq; corporis compositione die noctuq; sacros odores in ara cæli Domini accendebat, eumq; rogabat pro M. T. incolumitate, vt hac ratione minimam horum beneficiorum partem adæquaret: eius porro purum fidelemq; animum summus in aula tua & infimus quisque cognoscebat (neque enim audeo quod non est comminisci) ideo enim omnes discendi cupidum appellabant, loquendi modus est apud Sinas ac si virum probum appelles) itaq; libros plures edidit, & in regnis transmarinis celebris sapientiæ laude habebatur. Ex quo etiam hoc tuum regnum attigit, ab Magistratibus colebatur. Ego Iacobus Pantoja & reliqui Socij Clientes sumus externi regni, qui fieri potest vt audeamus sperare plus quam deceat nostram paruitatem. Tristitia nobis magna est, quod mortuo Socio nostro ne pusillum quidem terræ possideamus: ad eum humandum: ideoque cum multis lachrymis petimus,

Iiii 3

vt hanc

ut hanc nobis insignem præstes humanitatem, & agrum nobis aliquem, aut partem alicuius fani assignes humano cadaueri hominis è regionibus remotissimis aduenæ; & nos qui superstites sumus, ego Iacobus Pantoja cum reliquis & viui & morientes similes erimus, & sedulo vñitatum Socij nostri institutum obseruabimus, cæli Dominum venerantes ab eo petemus Parenti tuæ ac tibi millenos vitæ annos, ut quoniam tanto nostro solatio fruimur pace & quiete magni tui regni, velut tenuissimæ formicæ hanc gratiam rependamus. Impetrato hoc tam insigni beneficio maximo, grati animi præstadi pondere prememur. Præstolamur regium tuum mandatum. Libellus in hunc modum se habebat: in quo vertendo si stilum Sinicum secutus sum quam proximè, consulto feci, ratus ita fore gratiorem; facile enim intelligent omnes suum cuique idiomati proprium nitorem ac leporem inesse.

Qui Regno Sinico non excludantur.

Sed priusquam ulterius in re narranda pergam, nonnulla sunt necessario breuiter præmittenda, sine quibus non facile, quæ sum narraturus, intelligentur. Ac in primis ingesserit fortasse dubitationem aliquam, quod in libello dicebatur, Patres permotos regni Sinici famâ huc nauigasse, cum Euangelij promulgandi causa id factum sit: Sed omnino sciendum est, aduenas regno Sinico omnes excludi, præter tria eorum genera, quæ legibus permittuntur. Primi sunt, qui è vicinis regnis annum Regum suorum vectigal sua sponte adferunt, neque enim id admodum Sinæ laborant, nulla impetij propagandi cupiditate flagrant. Alij etsi vectigales esse nolunt, tamen huius regni magnitudine permoti, Regem Sinarum velut Regum caput veneraturi adueniunt: quanquã hi loci fere causa aduentantes ab suis se Regibus missos mentiuntur; tales sunt qui ab occasu adueniunt Negotiatores Saraceni, in quorum comitatu vnus ante annos aliquot Frater Noster è Mogorum regno Cataium lustraturus, Sinarum regnũ petijt. Tertij sunt

ij,

ij, qui huius Regni fama permoti ad virtutis, vt ipsi arbitrantur Sine, odorem accurrunt, perpetuam in eo sedem figere cupientes: ex ijs olim fuere permulti, sed nunc fortasse non ita benè olet, vt ipsi arbitrantur. Ex hoc vltimo genere gèrere nos oportet, ne legibus excludamur, ideo quod Superiores alij ad sua proculdubio regna remittuntur, habiti pecorum potius quam legatorum loco, ideo quod nondum nouit Sincum Imperium Regem vllum, qui cum amicitiae iura velit habere communia. Hic vero titulus etsi ascitius est, retinet nos in hoc regno, & socios imposterum non excludit, neq; tamen opinandum est, nos hic Euangelij promulgandi voluntate aduentus nostri causam celare. nemo enim est, qui nobiscum agit, qui hoc nesciat, sed eo quem dixi prae-textu sese Magistratus amici tuentur, ad nos in hoc Regno per leges retinendos.

Alterum, quod premittendum duxi, est modus hoc regnum administrandi. Is est plane monarchicus, vt omnia ab Rege ipso statui necesse sit. Id fit per libellos, quos cum Rex non admittit, seponi iubet; quos admittit, ad summos Regni Magistratus bis remittit, vt videant, quid fieri debeat, quod ad Regem denuo redit approbandum, qui vix à Magistratuum sententia vnquam recedit. Sed haec ex ipsa narrationis serie clarius patebunt. scriptus erat hic libellus cum suis sigillis, forma, imo ipso caractere peculiaribus: multi enim ad hanc rem ritus inuolabiliter obseruantur. Prius hi libelli quam ad Regem admittantur, recognosci eos necesse est, approbarique à quodam grauissimo Magistratu, qui eos aut transmittit, aut retinet pro arbitratu, prae-ter eos, qui ab Syndicis Regijs proficiuntur: ij enim quoties volunt, absq; vllius approbatione Regi libellos suos mandant. Veritus itaque Pater, ne hoc in limine obex obijceretur, qui rem omnino disturbaret, effecit auctoritate Syndicorum Praefidis, de quo supra memini, apud libellorum Cancellarium, vt libellum nostrum admitteret, quem

Modus regnū
Sincum admi-
nistrandi est
Monarchicus.

Libelli Regi of-
ferendi à qui-
bus prius reco-
gnosci oportet.

quem eo quo accepit die, ac prope momento ad Regem trāsmisit. Moris est, vt libelli omnes qui Regi offeruntur, sapius ab eo qui offert, exscribantur eo consilio, vt singula exemplaria ad eos Magistratus deferantur, ad quos id quod petitur ex officio spectare potest. Id Pater præstitit, libellumq; primo detulit ad duos, qui hoc tempore maximo Colai Magistratu funguntur. Alter eorum è Fuquiana prouincia oriundus, priusquam ad hunc Sinicæ dignitatis apicem contingeret, Nankini cum gereret magistratum, Nostri familiariter utebatur, Pequini quoque cum in hoc esset Magistratu constitutus, domi suæ P. Matthæum Ricium bis familiariter exceperat. Is cum hunc libellum inspexisset, magno sensu visus est excipere Patris obitum, cumq; sapius per honorificis nominibus compellauit; sed quod ad præsens negotium pertinebat, respondit: tantum virum plus etiam aliquanto mereri, quam quod petebatur, cum etiam templo, in quo ei statua erigeretur, dignus esset (quod fieri solet in hoc regno publice bene meritis) verum nullam esse talem apud Sinas vel legem vel exemplum, quo nixus talem sepulturæ locum homo externus impetrare posset, cogitaturum se tamen attentius, ecquis modum eam rem procliuem faceret. Hæc omnia renunciari Patri iussit per vnum è Magistratib⁹ sibi subditis, ipse causatus ægritudinem, visendum se non dedit. Id autem studio fecit, quod fauere vellet. Est enim in hac aula positum in more, vt quis impensius alteri patrocinari cupit, eo studiosius eius colloquia consuetudinemq; deuiter, ad tollendam omnem largitionum suspensionem. His persolutis officijs, domi res impense Deo commendabatur, dum Regia voluntas, quod tertio fere die fit, innotesceret. Ad Regem cum peruenisset libellus, effecit sine dubio is, qui Regum corda manutinet, vt permotus forte Rex memoria nostrorum quondā munerum & horologij portatilis conspectu, quod ab eius conspectu nunquam

quam recedit, sese ad annuendum inclinaret. Itaq; libellum nostrum cum alijs ad Colaum, quem dixi, misit, vt ex more responderet; fecit ille, negotium remittens ad tribunal, cuius erat de eare iudicare. Exijt igitur die tertia libellus cum hac approbatione, redditusq; est ei Magistratui, qui ad Regem transmiserat, cuius est etiam sententiam ferre, ad quem quælibet causa pertineat Magistratum. Respublica quippe Sinensis vniuersa sex tribunalibus continetur; videlicet Magistratum, rituum, quæsturæ, operum publicorum, rei militaris, ac denique criminum puniendorum. Is sententiam tulit, eam causam quod munus esset regium, ad tribunal quæsturæ, pertinere, quo etiam libellum mox transmisit, vt responderet. Non arrisit hoc admodum Patribus, quod in eo tribunali nullus esset admodum familiaris Magistratus, à quo fauorem sibi possent polliceri. Pater eam rem retulit ad amicum illum Sindicorum Præsidentem, qui operam suam obtulit ad eum libellum à Quæsturæ tribunali, ad rituum tribunal, in quo plurimi nostris impense fauebant, auocandum. nam ad illud quoque, cui externi omnes subditi sunt, iure poterat pertinere: nec minus fecit, quam promiserat, quare præter auxilia diuina, humanam quoque opem spes fuit non defuturam: in eum finem contulit se Pater ad duos, quibus hoc negotium à Tribunalis Præsidente nominatim fuerat demandatum, ad eos detulit tenue librorum, quos nostri iam Sinicè fecerant munusculum, simul cum orbis terrarum Cosmographica descriptione: Vterq; tamen nostri non erat notus, & postulata nostra comprobarunt, & opem suam quam liberalissimè obtulerunt, eorumq; alter cum visitationis officium de more rependeret, recepit se responsum ex animi nostri sententiæ Regi redditurum, idque non solum ex propensa in nos animi sui voluntate, sed quod ea res impense ab ipso Colao propinquo suo sibi esset cōmendata: quæ verba Nostros non parum de rei felici successu securos

Respublica Sinensis continetur tribunalibus,

Ad rituum tribunal libellus deferretur.

Kkkk

curos

cuius reddiderunt. Leo quoque Neophytus noster ad rituum Tribunalis summum Præsidentem se contulit, is vir erat gravissimus vel officij maiestate, vel litterarum fama vitæq; integritate venerabilis. Cum eo is velut cum Magistro quondam suo multis egit de re nostra, ad quam ille opem suam, quoniam nunc in eo res tota vertebatur, & promisit liberaliter, & exolvit postea cumulatè. Interim dum Patres hoc rituum tribunalis responsum taciti præstolantur, non defuit unus aliquis ex eodem tribunali, qui persuadere conaretur, sufficere si Nostri pars aliqua Cænoby profanorum cænobitarum assignaretur, in qua una cum illis Nostri morarentur. Hoc ipsum ex itinere, dum ad munus suum gerendū ex aula recedit Doctor Leo Patribus scripto renunciat: Idem addit ad eum illum, qui hæc spargebat, litteras, quibus rogabat uti nostris in hoc negotio favere ne gravaretur, nec vero in animum sibi induceret, posse nostros aliquid cum profanis illis idolorum ministris habere cōmune, quorum educatio, vita, lex, eruditio tantopere ab eorundem institutis discreparet. Perculit ea res Nostros, quod satis per se proclivis videretur, quæ si contingeret, non erat nostris institutis perincōmoda solum futura, sed etiā sanctissimæ legi nostræ minus honorifica. Verum paulo post rescitum est, eum inanem fuisse metum, alia omnia multum ex animi nostri sententia comparari. quo audito Nostri non parum respirarunt. Id secundū responsum intra mensem ad Regem redijt, quod pro Sinensium negotiorum cunctatione properum imprimis videri potest, quod responsum Tribunalis rituum nomine ita scribebatur. Initio ex more libellum superiorem ad verbum repetebat, deinde ita prosequabatur. M. T. mandavit, ut de hac re illud Tribunal ad quod pertinet indicaret: cum itaq; ad me pervenisset regni nostri leges constitutionesq; euolui, vnam reperi in hanc sententiam: si aliquis ex ijs aduenis, qui ad hoc regnum solent venire, in itinere

Responsum tri-
bunalis rituum.

itinere moriatur: Si cliens est (nam ipsi quoq; Reges aliquando venere) & nondum ad aulam nostram peruenerat, Quæstor noster in ea Prouincia, in qua diem suum obire contigerit, ei locum sepulturæ designabit; & ad eam lapidem eriget, in eoq; sculpet, quis is erat, qui vita functus est, & quorsum venerat. Alia quoque lex ait: Porro si mori contigerit, postquam aulam attigerat, si non regia fuerat munificentia ex more donatus, vrbis Regiæ Gubernator illi ad feretrum sumptum supeditabit; porro si iam fuerat regia munificentia ex more donatus, suo sibi sumptu comparabit. Nunc vero tametsi Matthæus Ricius cliens non erat ab suo Rege huc legatus, è remotissimis nihilominus partibus huc aduenit, permotus huius regni fama etiam annos plures regio fruebatur cōmeatu, nunc vero vrgenti ætati concessit: Iter ad eius regnū remotissimum, ideoque eius feretrum in patriam reuehi minime potest: quid igitur cadauer in summa humo expositum commiseratione dignum non erit? quod si dignum est, an non quoque iustum est, vt ego me Iacobi Pantoja postulatis accōmodem, & aliquā allatis legibus interpretationem inueniam? vt denique ei detur ager, quem ad sepulturam postulat, vt hac ratione noua veteribus M. T. beneficijs beneficia cumulentur. Quando hic in manus meas libellus venit, vidi plane q; perspexi insignem virtutis tuæ regiminisq; tui famam ad se pellicere regna terrasq; remotissimas, ex ijsq; viros qui nunquam superioribus sæculis ad hæc regna peruenerunt, nunc vero permotuallectiq; bonis regni tui moribus ac legibus, huc adueniunt pro vt nobis exemplo Matthæi Ricij Sociorumq; eius constet, qui iter immensum eimēsi ad aulam deniq; tuam peruenerunt M. T. dona obtulerunt, tuaq; beneficia iam plures annos receperunt, idem quoq; Matthæus Ricius sedulus in discendo fuit sensimq; proficiēs multa assecutus est, librosq; celebres edidit, ac deniq; vita functus est, cadaueris externi è regionibus remotissi-

motissimis quis non misceatur? Nunc eius Socius Iacobus Pantoja in eius sepulturam agri particulam petit; cuius licet causa non eadem sit cum legatis suorum regum, tamen cum ita diu vixerit in vmbra T. M. vt se iam pro nostro populari haberi velit, eidemq; viuo ac Socijs stipendium in alimenta largitus sis, eius mortui cadauer in summa terræ superficie iacere quis sinat? Præterea Iacobus Pantoja cum reliquis socijs cupit vitam ac mortem sibi inuicem respondere, vt insignis tua clementia mortuos non secus ac viuos complectatur. Ideo me cum prioribus eius postulatis conformando peto, vt Tua Maiestas iubeat ex hoc tribunali ad Gubernatorem huius vrbs. Regiæ mandatum mitti vt fanum aliquod desertum absq; incolis conquirat, ac simul agri partem ad Matthæi Ricij sepulturam, & ad Iacobi Pantojæ ac Sociorum habitationē vti suo arbitratu suam legem obseruent, cæli Dominum venerantes eumq; pro T. M. deprecantes: hæc est res digna tua magnitudine, arida ipsa ligna (id est cadauera) complecti beneficijs & aduenas è longinquo benigne humaneq; tractare, quod valebit etiam ad eos magis magisq; extimulandos, vt fama tui regni in perpetuū propagetur. Censeo iustum esse eius annuere postulatis: verum nihil auctoritate propria statuere audeo. Ideoq; M. T. certiozem reddo, vt id statuatur, quod è re sua magis esse iudicabit. Anno Vanlie octauo ac trigesimo, quartæ Lunæ tertio supra vigesimum. Hactenus libellus. Eum Rex cum accepisset, insequenti die ad Colaum ex more remisit, vt responderet: qui subscripsit ita sibi videri faciendum, ac remissit ad Regem, qui propria quoq; subscripsit manu, Xi, id est. fiat, vel ita sit, tertioq; die redditum est hoc vltimum responsum, quo res omnino transigebatur, qua ex causa ingentes nostri Deo gratias, vt par erat, habuere, cuius numine res tanta ad Euangelij in hoc regno promulgationem stabiliendam iam perfecta erat. Porro non in executione minus quam in impetratio-

Rex annuit &
subscribit Panto-
rum libello.

tratione eius eluxit potētia, cum difficultates omnes ita resciderit, ac si totius aulae magnatum animos in pauperum aduenarum patrociniū conspirare mandasset.

His feliciter peractis, Nostri de agendis gratijs cogitarunt ijs, quorum beneficio, tantum à Rege beneficium acceperūt: Pater Iacobus Pantoja, nonnulla pereleganti opere, in quo est sane admirabilis, construxit horologia Solis, Lunæ, ac stellarum simul una in lamina eburnea, paupertas nostrorum præstantiora non patiebatur, quæ ut noua fuere gratissima, ac præcupiditate eorum vsum ediscendi Patrem admisit in intima horum Primatum penetralia; quod auctoritatem simul ac facultatem negotij planè conficiendi dedit. Ipse Colaüs in primis Patrem humanissimè tractauit, in musæum suum sanè familiariter admisit, vsum horologij didicit ipse ita feliciter, ut mox in ipso sole experimentum fecerit magna sua voluptate. Ab eo tum petijt Pater, ut à Pequiniensis Regiæ Gubernatore peteret, ut locum nobis quempiam opportunū curaret. Recepit ac præstitit deinde cumulatè, ut infra narrabitur: gratias quoque referre verbis ac simili munusculo non omisit Pater Præsidi Tribunalis ritum, cuius nomine secundum hoc regium responsum fuerat impetratum. Is Patrem tanta humanitate excepit abeuntemq; prosequutus est, ut maior ante hac ei non contigerit ab ullo Magistratu nec sperari potuerit, cum ante datum Regi responsum adiit eum Pater, rogaturus ut nonnulla immutaret, quæ videbantur Euangelij promulgationē in posterum posse velut è transuerso non nihil impedire. Verum ille subscripsit: Solemnia sunt ista, inquit ille, verba, & tribunalium loquendi modus, qui nihil addit aut demit. Quod porro est, ait ille, tota hac aula tribunal, quod non intelligat legem illam quam prædicatis iustam esse, veram esse? Et sane negotium vestrum hætenus protuli, quo summus fauor poterat peruenire. Nec hoc contentus scribam Gubernatori Pe-

Præsidis ritum
fauor ei gra So-
cios.

Kkkk 3

quinen-

quinenſi, cuius nunc in manibus eſt negotium, vñ locum ex animi veſtri ſententia conquirit. hunc amici imò Fratris loco habeo. Præſidis exemplo adducti cæteri eiſdem tribunalis Magiſtratus pro ſe quiſq; Noſtros honoribus colere, fauore proſequi nunquam deſtitere. Nec hi ſolum, ſed ipſi quoque Curiales, qui ſæpè moleſtiores ſunt heris ipſis, nullum noſtris negotium ſpe alicuius largitionis emungendæ faceſſerunt, ita vt res tanta nullo propè ſumptu perfectæ ſit. Hactenus noſtri Neophyti ſeſe præ gaudio vix capiebant, & vbi tantâ tanti viri in nos humanitatem videre, ſtupuerunt, aſſerentes, ſibi nunc demum exploratum eſſe, totum hoc negotium à Deo optimo maximo præter ordinem gubernari.

Gubernator
Noſtris conciliatur.

His viſitationum officijs hoc euentu expletis, ad Gubernatorem conciliandum applicuit Pater animum. Noſtris erat ignotus ille, ſatisq; metuendum, ne nihil admodum de re noſtra laboraret: ſed qui omnium corda manu tenet, hunc præ cæteris omnibus nobis ita conciliauit, vt in cauſa noſtra nihil dubitauerit maximorū inuidiam incurrere, noſtroſq; contra multos incurſus deinde tutari. Is prima Patris viſitatione ita captus eſt, vt omnia cumulate ſponponderit, & opportunè accidit, quo tempore Pater cū eo colloquebatur, litteræ ab vno, ab altero preces, vtroq; grauiffimo Magiſtratu venere, vti noſtris impenſe faueret, quod propenſum iam eius animū plane in noſtram partē impulit, cum videret, quo loco nos haberent maximi aulæ primores. Die inſequenti magno apparatu domum noſtrā miſit ſe dignū munus, ipſe deinde ſubſecutus eſt, qua ex viſitatione tam intimus repente haberi voluit, vt in poſterum in libellis viſitationis eo ſe titulo compellaret, qui domesticū ſonat, quo non æquales ſolum, ſed intimi quiq; ſe cōpellant. Forte hoc ipſo tempore contigit vnum ex Magiſtratus, ſine cuius ſigillo mandatū Regium intimari Gubernatori non poterat, aliquot menſes nominatū illum quidem, ſed

ab

ab Rege nondum confirmatū sigillo carere, quæ res nostrum negotium vna cum reliquis retardabat. Eo tempore ex amicorum Magistratum cōsilio nostri locum aliquem sibi commodum conquirebant, sed nihil inuenēre, quod omni ex parte arrideret. Itaq; statuerunt rem ipsis Magistratibus permittere, Deo fidentes, quod vt optimè postea cessit, ita valuit multum ad eximendos inuidia Nostros, quos constabat sepultura locum ab Rege petiisse, ab Magistratibus accepisse.

Dum hæc geruntur, resq; in longum abitura videretur, Patribus nec opinantibus, scripsit amicus quidam è rituū tribunali, tempus esse cum Gubernatore agendi, nam die insequenti Regis mandatum in eius manus deuenturum erat. Stupūere Nostri, cum constaret eum quem dixi Magistratum suo nondum sigillo vti permissum, vnde nam illis tam repentinus fauor aduenisset. Pater Colaū denuo adit, in memoriā reuocaturus, si fortasse tot inter negotia nostrum illi excidisset, vt cum Gubernatore suam ipse auctoritatem interponeret. Is vbi Patrem conspexit, præripuit ei sermonem: Negotium mihi vestrū, ait, minimè excidit, nam cum vererer, ne in longū res abiret, præter reliqua vnum hoc ad me sine sigillo adferri iussi, & ad Gubernatorem destinaui, cui etiam ipsemet rem cōmendauī, tametsi nihil erat opus: nam & ille propensissimo erat in vos animo, magniq; omnino vos facit. Idem quoq; cōmendauī alteri cuidam gentili meo ex eodem tribunali, ad quem ea quoq; res necessario pertinebit. Hæc ille coram complurimis stupentibus omnibus, maximeq; ipso Patre, qui tum demum intellexit, vnde nobis tam inopinus fauor affulisset. Reddat illi Dominus hanc beneuolentiam sua tandem aliquando luce donato. Ab ipso quoq; quem dixi rituum Præsidi litteræ impetratæ sunt in eandē sententiam amplissimæ, nec ipsum Gubernatorem rogari à tantis viris pigebat, vel quod eos hac sibi ratione obligaret, vel quod eorum virorū auctoritate factum suum

Colaī fauor ex
ga Socios.

suum tueri aduersus obtreſtatores fortasse aliquos deinde poterat, prout fecit. Eum quoq; Pater eodem die cum suo munusculo visitauit, quod vt ille acciperet, vix tandem perficere potuit. Die inſequenti pro tribunali iuſſit, vt duo alij Gubernatores ei ſubditi, qui propius negotia popularia attingunt, mitterent qui eiusmodi ſepultura locum inueſtigarent quam celerrime, ſibiq; renunciarent. Eos quoq; Gubernatores cum Pater viſitaſſet, reperit plane beneuolos: nam inſimi omnes ad nutum ſeſe ſuperiorum mirè accomodant: ij quos huic negotio deputarunt, iuſſi domum noſtram venère, vt ex Patribus intelligerent, cuiusmodi locum vellent, iuſſi enim erant Gubernatores Patrum, quoad fieri poſſet ſequi voluntatē, tridui quatruiduiue ſpatio quatuor ipſi loca deſignarunt, rogauerūtq; vt noſtri diſſimulanter, quaſi qui locum aliquē ſuburbanum, in quē ex more Sinico ſeſe reciperent ſtudiorū cauſa, eo ſeſe conferrent, electuri quodnā è deſignatis potiſſimū arrideret.

Locus pro Socijs deſignatur

Eunuchus in vinculis tene-
tur.

In his erat fanum quoddam, prius villa ſuburbana, Eunuchi cuiusdam è maximis Regij Palatij, qui cum neſcio quid peccaſſet, ab Rege capitis damnatus, in vinculis viuere, tiamnum neſcius, qua cum die iubeat Rex extremo ſupplicio affici. Is cum ſe videret non gratia ſolum Regia excidiſſe, ſed in has anguſtias redactum, quo hanc ſuam villam raptorū manibus eriperet, (Eunuchorū enim in hoc regno bona fere ſunt occupātis) eam villam in fanum conſecrauit, idque ſpecioſo nomine diſciplinam bonitatis appellauit. leges in hoc Regno non ſiunt priuatum quempiam fana erigere (etſi conuiuentibus Magiſtratibus permulti maxime potentiores Eunuchi erigūt) quæ tamē erecta quolibet modo fuerint, eo ipſo ſub rituū tribunalis recidūt poteſtatē. Ita q; ille meditatſus fuerat ad ſuę villæ conſeruatiōē, id ei nocuit ad iactuſam. Neſciebant Patres, cum hunc locū luſtrarūt, Eunuchū illū adhuc eſſe ſuperſtitē; q; ſi ſciuiſſent, nō facile hūc locū ceteris prætuliffent; id cū reſci-
uere,

uere, iam non erat in eorū potestate fani alterius electio. Hæc igitur villa erat accommodatissima, nec amplius quam vnū Idolorum Ministrum alebat, quoniam e mentitum erat fanum, re autem vera villa suburbana. Eum nostri locum cæteris cum facile prætulissent, mox qui missi erant Gubernatores illos inferiores certiores reddiderunt: quorum alter ut à nostris largitionem fortasse aliquam emungeret, vnum ex ijs remisit, ut pretium eius loci æstimaret, sciretq; ex ipsis loci custodibus, quanti eum æstimarent. Respondit qui mittebatur in munere Regio pretium nō spectari, inquiri vero de pretio omnino nō posse: nam si quid forte possessor subodoraretur, cælū ac terram proculdubio moueret ad suam villam conseruandā, quod etiam alio in fano futurum erat, cum nullum esset plane ab omni custode ac possessore desertum. Gubernator nihilominus ille qui nūmos non causas volebat, imperauit homini faceret quod iubebatur. Ibat ille parum lætus, & ecce Diuino sane consilio pro foribus amici cuiusdam magistratus vnum ē domesticis nostris famulis, quem ille nouerat conspicatur, ad eum accedit, narrat quō & quorsum, & quam inuitus eat. Aderat in ea domo Pater, qui rem curabat, eum, iussu subsistere tantisper homine, de re tota certiores reddit. Non Patrem minus quam amicum ea res perculit, à quibus largitionis spem id olere mox intellectum. Itaq; amicus ille, qui longe superiorem gerebat dignitatem, iubet eum qui mittebatur præstolari, dum ad Gubernatorem scribat, se res nostras habere pro suis, eas tractet uti suas, ac simul ore tenus mandat, de pretio nihil ad eum attinere, visurum ea de re Gubernatorem maiorem, se iussum esse locum, nihil amplius inquirere. Is ut erat inferioris ordinis respondit quam modestissime, se iussa facturum. Idem Patri qui deinde subsecutus est responsum dedit, & mox Gubernatorem supremum monuit, qui pro tribunali sua manu scripsit: Disciplina bonitatis famam quod N. Eunuchi ca-

Villa Eunuchi
suburbana pro
Nostris æstima-
tur.

Villa suburba-
na Nostris ad-
dicatur.

LIII

pitis

pitis ab Rege damnati sit, nihil opus est pretio comparari: Idolorum minister, qui id incolit, expellatur, & Iacobo Pantojæ ac socijs illico tradatur. Quanquam omnia, quam secretissimè fieri potuit, hætenus peracta sunt, non defuit tamen, prius quam hæc vltima sententia ferretur, è Curialibus nescio quis, qui Eunuchi propinquos moneret, agi de suo fano auctoritate Regia Magni Occidentis aduenis tradendo; sed quia id in animum sibi inducere minimè potuerunt, nihil ante hanc vltimam Gubernatoris voluntatē mouere. Impetrato hoc mandato, ingentes Deo gratias Nostri retulere, rati nihil iam ad rei firmitatem superesse, sed nimirum ignorabant, quantis adhuc emenda laboribus superesset. Actis Gubernatori gratijs Pater eum rogat, vti profanū illum fani Custodem ad se accitū ipse amandet: nec mora, Satellites duos destinat, qui eum in diem crastinū pro tribunali sibi sistant. Ibant satellites cū mandato in tabulis ex more descripto, vt eum adducerent: Et ecce illum ipsum nihil minus opinantē ex itinere offendunt, moxq; abducunt in Gubernatoris palatium, vbi in sequentem diem mirè suspensus subsistit, ecqua ex culpa insimularetur. qui vrbi aduenit, nixis coram Gubernatore genibus ab eo iussus est templum suum extemplo deferere, & in aliud cōmigrare, quoniam illud ab Rege Iacobo Pantojæ ac Socijs esset datum. Eorum lex à tua multum differt, cōmunem cum illis vitam agere nullo modo potes. Abijt ille nec verbum locutus, imo satis lætus, se metum verberum & alicuius culpe grauioris euasisset nec mora, suam supellectilem conuasaui, eoq; ipso die abscessit. Ergo Nostri eodem ipso die Neophytis comitibus loci possessionē adierunt. Ea res facile est credere, quantū Eunuchum illum reum suæq; factionis cæteros pupugerit. Itaq; in villam mox concurrere nonnulli, quibus Patres dixere, se ab Rege defuncto Socio aliquē sepulturæ locum petijssē, hunc sibi ab Magistratibus sua sponte, nulla sua postulatione, assignatū: ij cum

Fani Custos iubetur migrare.

cum Regem Magistratumq; audierunt abiire, nondum satis certi, quid consilij in re tam desperata caperent, verebantur enim ne si quid molirentur, extrêmam Reo perniciem accerserent: id maximè patuit, cum ad Patrem venit Eunuchus vnus aliquis qui diceret, constare iam sibi Nostros in hanc villam occupandam imissos esse ab Magistratu, seipsos non intrusisse, certum tamen sibi esse, ius suum persequi, petere se, eam rem Nostri ne grauatè ferrent: Cui respondit Pater, se nihil habere quod moleste ferat, dum ipsi rationis limites ne excedant. Interim tamen tempus illud iacturæq; sensus omnem exemit metum. Die quadam explorato tempore, quo vterq; Patrum aberat à villa, non pauci Eunuchuli turmatim irrumpunt, cumq; vnum è Fratribus nostris cum aliquot Neophytis, quod ad loci custodiam Patres reliquerant, reperissent, nixi genibus, quo cultu Regem & venerari & appellare solêt, aduenas illos loci iam Dominos licet absentes salutarunt. quid enim illis deerat, aiebant, præter vnum regnum, quibus satis fuit virium ad Eunuchos suis possessionibus exuendos? hæc & similia cum in nostros coniecissent, dixerunt; fanū illud quidem ab Rege Magistratibusq; donatū, sed non fani supellectilem. Itaq; qua volentibus qua nolentibus ijs qui aderant, mobilia multa extulere. Huius generis fuere rupium quædā fragmenta, quæ Sinis ad oblectationē in pretio sunt. Abiire multi cum supellectile quam efferebant, reliqui cum fratre nostro ac Neophytis collocuturi confedere. Dicamabo (ad Fratrem nostrum cōuersus ex illis vnus) iste tuus Magister ecquod habet philtrum, quo sibi hominū animos & tantorum tam arcte deuincit? Magister, inquit, meus (ita enim Fratres hic nostri cum de Patribus agunt, loqui solent) virtutem habet, litteras, libros, legem Dei sumi, quam in omni confessu prædicat, his nullum est efficacius pharmacū ad Magnatum animos sibi adiungendos. Amabo te, ait ille, cum discipulus eius sis, persuade

Eunuchi No-
stris absentib⁹
in villam irrū-
punt.

Ridiculū cum
idolo collo-
quium.

illi etiam atq; etiam vti aliud sibi fanū maius ac melius ab Magistratibus designari curret. Sic ista, inquit Frater noster, vestra cura; neq; enim cum pro sua modestia decet maiora meliora-que postulare, quicquid sibi ab Rege Magistratibusq; datur, ille id omne pro magno habet. His Fratris Nostri prudētibus responsis, & cuiusdam è Neophytis, qui aderant longa & apposita oratione placati, sine iniuria recessere. Cum in exteriorē aulam, in qua erat idolorum ara, peruenere, ex his vnus nixis genibus ita cum primario simulacro est collocutus: Vale extremum vale: neq; enim ego hanc aulam post hac meo arbitratu vti prius ingrediar. Verum alius ab iracundia colloquij materiam sumens, dignius veriusq; cum eodem simulacro est præfatus. Massa stercorea luteaq; (ex luto enim inaurato constabat id monstrum) si tibi non fuit virium satis ad fanum tuū teq; ipsum tuendum, ego quid opis à te sperare possum? nullo honore digna es, nec vllum tibi signum memoris & grati animi exhibebo. Ita ille, alij dicebant, hoc simulacrum alterius idoli nomen olim gerebat, permutatū est, alteriq; attributum, ideo nunc prius illud de vsurpatore vindictam sumit: his alijsq; contumelijs affecta sunt simulacra, fanumq; illi quondam suum reliquere.

Controversia
de Villa No-
stris designata
dirimitur.

Nondum finis fuit tragædiarum, quas Eunuchi concitarunt. Reus ille vbi vidit omnia vndiq; ita vallata esse, vt suo nomine nihil sine periculo vltra sibi audendum superesset, hanc suam villā alteri Eunuchō è supremis, qui apud Regis matrem erat in primis gratiofus, ea lege donauit, vt eam nostris eripere omni ope atq; opera conaretur. Mouit is omnem lapidem, per adolescentes primum Eunuchulos, metu ac minis domum nostrā infestare conatus est, sed frustra. Cum enim audisset Nostros iniurias apud Regem deposituros, nec villam nisi Regis imperio relicturos, aliquantisper acquieuit. Hic cum Eunuchō congressus, si non sustulit omnem de villa con-
trouer-

trouersiam, valuit tamen ad excludendas in posterum impor-
 tinorum hominum insolentias. Post hæc Gubernator ipse ^{Gubernator}
 Rituūq; Præses singuli suum edictum supra limen domus ^{pro Socijs edi-}
 rigendum exscripserunt. Et Gubernatoris erat in hanc fere ^{ctum facit.}
 sententiam. Narrabat quæ ratione Rex pro sua insigni clemē-
 tia, qua etiam remotissima quæq; regna complectebatur, post
 varia superiorum annorū in nos beneficia, nunc demum velut
 sui regni incolis ea omnia munierat, atq; confirmarat hac re-
 centi liberalitate, qua hūc Matthæi Ricij sepulturæ Sociorūq;
 perpetuæ habitationi locum dabat, vt in eo ritus legis nostræ
 obseruantes, Deum pro Regis eiusq; Parentis vita & salute,
 proq; pace ac Regum salute atq; incolumitate rogaremus. Sed
 quoniam verebatur, ne forte quispiā nobis aliquid molestiæ
 inferret, vetabat ne quisquā citra Nostrorum voluntatē eum
 locum ingrederetur, aut molestus esset, qui secus fecisset, eum
 à vicorum excubijs vinciri, & ad suum tribunal deduci iube-
 bat seuerissime puniendum. Rituū Præsidis edictum erat in
 eandem fere sententiam. Vtrumq; hoc edictum non solū ho-
 minum insolentium petulantiam repressit, sed magna ex parte
 Eunuchos competitores sua spe deturbauit.

Sed tamen duas ad hanc arcem expugnandam extremas
 machinas referuarunt. Prior fuit Capitis Eunuchorum fauor.
 Hoc tempore quo se nemini Rex videndum præbet, in Eunu-
 chorum manibus omnia fere regni negotia sunt posita. E qui-
 bus vnus est, qui Regi proximus, alter propè Rex est. Effec-
 cerunt competitores Eunuchi, vt hic ad Gubernatorē sche-
 dulam mitteret, qua superbè nimis & impotenter eum inter
 cætera erroris arguebat, quod tam insignem nostris Villam
 Eunuchis ereptam tradidisset. Gubernator hac schedula nihil
 motus, nec responso dignatus est Eunuchum, solum exscribi
 regium diploma, Tribunalisq; rituū ad se mandatū iussit; quæ
 vt vidit Eunuchus ille, die insequenti alia schedula veniam de-

LIII 3

misse

Patres admit-
tuntur ad con-
gressum Eunu-
chi.

misit petijt, causatus regij diplomatis ignorationem. Hæc ipse Gubernator Nostri narrauit, idemque non ita multo post suasit, vt ad eum visendum se Nostri conferrent, simul ad eum ferrent libros omnes, quos Nostri Sinice in hanc diem ediderant, siue de re Christiana, virtutibusq; , siue de Mathematicis disciplinis. hæc in diem insequentē comparata sunt, ac simul perelegans Deiparæ effigies; Gnomonicum horologium eburnum, & alia nonnulla, quæ ambo Patres secum detulerūt: Admissi intra Eunuchi septa, dum congressum præstolantur, Eunuchis alijs sua munuscula videre cupientibus, ostendere, quæ omnia, sed maximè Virginis effigiem admirabantur, qua occasione de fidei nostræ rebus illatus sermo. Post diuturnam moram milit qui renunciaret, integrū nunc sibi non esse, sufficere sui negotij rationem, quam scripto dederant se legisse. Verum vsère Patres, vt aduenas è Regionibus remotissimis nunc primum se videre cupientes ne reijceret: quo ille audito, admisit Patres Licentiatorum Sinensium cultu indutos, quos ille cum nixos genibus, vt fere solet reliquos, excipere compararet, consedit. Verum Patres quos non decebat cum hoc Eunucho aliter, quam cum sumis agere Magistratibus, nihil se mouerunt. Sensit ille quorsum hæc tergiuersatio, & assurgens eo ritu eos excepit, quo pares à paribus excipi Sinico de more solent. Inde stantes sermonem prosequuntur; querebantur Patres se per Eunuchos quosdam regia liberalitate Magistratuum autoritate confirmata pacifice frui hætenus minime potuisse: petebant vt suam interponeret autoritatem. Is primum schedulæ ad Gubernatorem missæ rationem dedit, se id Regiæ voluntatis ignoratione fecisse, posthac curaturum, vt nemo ijs molestus esset; neq; enim decebat summorum Tribunalium statuta, ex Regia potissimum liberalitate orta in dubium reuocare: suam securi domum incolerent, Socium humo mandarent, regia deniq; munificentia fruerentur.

tur. gratijs actis cum adducere minime potuerunt, vt aliquid allatorum munerum acciperet, omnia vidit atque laudauit, Deiparæ potissimum effigiem, sed vt dixi accipere recusauit, quod apud Sinas sine vlla inurbanitatis nota fieri sæpè solet.

Altera quam competitores admonuerunt machina fuit ipsa Regis Parens, quam ideo in postremam aciem reseruarunt, vt rei iam conclamata subuenirent. Hæc, vt horum annaliũ initio dixi, Vetula est Idolis addictissima, & hic Eunuchus, qui hæc miscebat, ei graciosus in paucis, eam igitur die quadã adit, queritur ereptum sibi fanũ idolorum, quod multis aureorum millibus æstimatur, datumq; quibusdã aduenis, qui cum idola non veneretur, ea vel aquis mox vel flammis absument. rogabat, vnum vt verbum Regi suggereret: Verum illa sic respondisse fertur: vt pluris quam dicis id æstimetur, Quid est hoc ad Regis munificentia, cum Rege porro hac de re loqui, omnino ad rem non pertinet: sanè si de Eunuchoreo, ille quem dicis aduena dato Regi libello queratur actum est de eius vita. Tacuit Eunuchus, nec vltra instare ausus est, ibiq; spem simul artesq; suas Eunuchi posuere.

Alia contro-
uersia dirimi-
tur.

Nondum humani generis hostis quieuit, initio dixi cau-
sam hanc ad quæsturæ regię tribunal pertinere iudicandã, ad
quod etiam delata, nostrorum ope ad ritum tribunal fuerat a-
uocata. Procuratum igitur, vt à rituum tribunali alterum quæ-
sturæ regię tribunal sciret, hoc regium esse munus; petitemq;
vi inuicis is locus in posterum declararetur, èque tributorum
tabulis expungeretur. Res adeum deuenit, cui prius fuerat e-
repta. Is forte senserat ereptam sibi spem alicuius lucelli, nam
hoc nomine passim malè audiebat, ergo procurauit rem satis
periculosè perturbare. Ad eum Gubernatorem inferiorẽ, qui
locum conquiri iusserat, publicũ scriptum & publico sui mu-
neris sigillo munitum mittit, quo iubet respondere, cur Nostreis
adeo magnificas ædes assignasset. Non! parum ea res perculit
Guber-

Alia difficultas
oritur de villa
confirmandã.

Gubernatorem illum, ergo ad Patrem è suis Curialibus vnum cum eo scripto mittit, petitq; ecquid respondere velit. Respondit Pater, nihil esse quod responderet, se effecturum nō solum vt responsum non peteretur, sed etiam vt suum scriptū ipse qui miserat reuocaret. Pater ad eum adit, explicat Regem nostris non sepulturam solum, sed ædes quoq; ad habitandum cōcessisse, quæ si magnificæ, ideo erant Rege dignæ, si nos indigni. Petebar igitur Pater, vt hoc suum scriptū ipse reuocaret: non parum miratus est ita cōfidenter hoc ab se peti, intulitq; se die insequēti pro tribunali sessurum, si quid haberet, libellum daret. Abiens Pater ad amicum nostrum se contulit eius contribulem, narrat rem totam, monetq;, vt auctor sit amico suo, ne se vnus tot Magistratuum sententijs in re iam facta opponeret, nihil inde emolumenti, mali fortasse non, parum sibi posse ab ijs offensis accersere. fecit is quod rogabatur ita accuratè, vt die insequenti litteras Quæstor ille ad Patrem scriberet officij plenas, quibus se omnia ex eius voto facturum spōdebat. Cum responso misit Pater leuererum nostrarum munusculū, quod vt apparet omnia composuit, nam intra paucos dies publicum illud scriptum publicè reuocauit, ædesq; nostras in perpetuum tributo regio exemit. Atque hic finis fuit huius rei, quæ tantū ad Dei gloriam, vt speramus aliquando valebit. Cum Nostri quietam adiissent hæreditatem, ad agendas Regi gratias solitis ritibus concessere, qui ritus cum iisdem sint cum ijs, quib⁹ Patres initio cum in hanc aulam venissent Regi de stipendio gratiam habuere, nihil opus est repetere. Hęc omnia iam tandem aliquando pacata, securiora quoq; ac firmiora reddita sunt tribus alijs diplomatibus trium tribunalium, quæ quia in Europa inusitata sunt, non nomino: sed in hac aula præ cæteris ex se-

Ædes stabili-
untur.

Gubernator P. ueritatis fama terrorem incutiunt.

Matthæum in
scriptione se-
pulchrali or-
nat.

Vrbis quoq; Gubernator nondum tot fauoribus cōtentus, sua sponte statuit Patrem Matthæum Ricium, & in eo nostros ornare:

638. / 639



[Faint, illegible handwritten text in a cursive script, likely a list or a detailed account.]

orio vil-
urbanæ.

atque in eum Icopum Magistratus ij, quorum favore impe-
tratus est, collinearunt, vt eo in loco è Nostris aliquot ab vr-
bano tumultu semoti libros Europæos idiomate Sinensi do-
Mmm nent,



4 Rege Sinarum Soc. LESV attributi

[illegible]

„Căminul nostru este un oraș, pentru că avem în el
toate condițiile de viață ale omului: religioasă, științifică,
artistică, sportivă, etc.”

maiora conficiendis equis ad

ingressus Palatium.

Porta primaria.

Persons Arrives.

Porta ad secundum Arrium cum suis gradibus.

Porticus ante aedem coenae.

Aula amplior, olim "Idolorum" domus, hic nunc

qua eius attrahit facca ab Amalio et Aulio

die die meisten weissen Fachleute ausserhalb

Dissect out and label the following structures:

Communis sursum misceperim, ex quibus patet

as ex verbo affixio in secundum.

Scale, porticus, Avila, cubricula terry Atty.

lines porticus cooperata cum fuis scabis.

Duo cubensis.

Nere sacellum S. Mariae Majoris.

Vin per medium Horti fructa laboribus.

Woman's major.

Quatuor Cursus satis breves et iam olim

Information: P. Mathai Pillai on his wife

congruo in pugnando ius cogens sit, quod pugnabit.

Official statement of a former CIA official

ONLINE MONITORING SYSTEMS, STAFFS,

Содержимое, ксерокопированное 20.01.01.

Atossa et Jemmarum Avbarum.

inuitata sunt, non nomino : sed in hac aula præ cæteris ex se-
Gubernator P. ueritatis fama terrorem incutiunt.
Matthæum in Urbis quoq; Gubernator nondum tot fauoribus cõtentus,
scriptione se- sua sponte statuit Patrem Matthæum Ricium, & in eo nostros
pulchrali or- nat, ornare:

ornare: nam ex Sinico more, quem in annalibus in Nanquiniensi residentia fusius explico, misit magno Curialiū suorum comitatu, festoq; tympanorum ac tubarum concentu, per nobiliores vrbis vicos domum nostram inscriptionem quandam cubitalibus litteris, in insigni quadro vel opere vel pictura, quæ ad Patris Matthæi Ricij tumulum erigeretur, perpetuum vel amicitie monumentum, vel tanti viri ornamentum. Ea inscriptio quatuor litteris (ita enim fere est in more positū) expressa erat in hunc modum. Mô Y liē Yën. quod quatuor syllabis dubium an breuius an significantius hoc sonat. Ad Iustitiæ famam venienti, librosq; celebres edenti. Et infra characteribus minoribus Matthæo Ricio è magno Occidente Hoâm Kiē Scī. (cognomen est nomenq; eius) vrbis Regiæ Pequinenfis erexit. Video nūc à nonnullis fortasse desiderari Typographicam loci delineationem, sed melius erit spectandam hīc oculis quam legendam proponere, ex adiuncta igitur tabella in ære videri potest.

Descriptio villæ suburbanæ.

Abest hæc villa ab vna è portis vrbis octaua leuæ parte: in agro sita: quæ ideo fere Eunuchi Regij sibi ad sepulchra nota villasq; designat, opus est firmū opere lateritio. sed polito pereleganter, columnæ omnes lignæ more Sinico: neq; enim ipsi lapideas in pretio habent, ne in Regijs quidem Magistratumq; palatijs: ante annos triginta non amplius extrui cæpta, multam adhuc promittit ætatem. Nihil attinet singula describere, ex ipso pretio colligere licebit operis maiestatem: supra quatuordecim aureorum millia Extructori constitisse perhibetur: hoc si parum Europæis videbitur, apud Sinas Thesaurus est. Ad extremum per commodus est musis locus, atque in eum scopum Magistratus ij, quorum favore impetratus est, collinearunt, vt eo in loco è Nostreis aliquot ab vrbano tumultu semoti libros Europæos idiomate Sinensi do-

Mmmm

nent,

nent, quod à multis expetitur. Isque mos studiorum causa in Tusculum aliquod secedendi frequentior est aliquanto Sinis quam Europæis.

Sepultura P.
Matthæi Ricij.

Sed iam tandem aliquando ad Patris Matthæi Ricij sepulturam veniamus. Solent Sinæ defunctorum cadauera feretro inclusa sæpè in annos aliquot domi asseruare, dum sepulture locus quæritur, aut paratur, feretrum enim suo illo pelucido bitumine illitum fetorem nullum transmittit. Id feretrum, quo Patris Matthæi cadauer continebatur, integrum fere annum ab eius obitu in sacello nostro ad aræ latus asseruabatur; quod nostri postquam nullo renitente securam suæ villæ hereditatem adierant, eo detulerunt ibi asseruandum, dum Ecclesiastico ritu cæmeterium, & in eo sacellum pararetur. Delatum est eo feretrum, non tamen ea pompa qua Sinæ assolent, quæ multo apparatu, triumpho quam funeri similia videtur; eam enim pompam neque nostra tenuitas, neque religiosa modestia patiebatur. Delatum est inquam Matutinis horis magno Neophytorum comitatu, qui cereos manu gestantes Crucem gestatorio conopæo insignem sequebantur. Collocatum est in cubiculo quodam ad latus sacelli domestici Sinico apparatu ad excipiendos eos, qui defuncto folitos ritus exhibitura aduenirent. Non ita multo post Pequinum peruenit P. Nicolaus Longobardus Superior totius missionis, in cuius aduentum Socij Patris funus distulerant. Eius autoritate delineatum est mox primum in hoc Regno cæmeterium. In extrema parte horti hexagonum sacellum extructum est opere lateritio, fornicatum, à lateribus è sacello parietes duo egrediuntur in hemicyclicam fere figuram, & tumulis nostrorum deputatam aream complectuntur. In area media quatuor erant Cypressi (nam etiam Sinis eius generis arbores funestæ sunt) eas dudum plantatas diceret, ut futurum

Patris

Parris tumulum continerent. Ibi excauata humo feretro cō-
tinendo locus exstructus est, opere lateritio, Diuinoq; consilio
factum est, vt qui per vniuersam vitam idola expugnat, mo-
riense ea secum sepeliret. nam ex confracto idolo primario (vt
mox dicam, cæmentum omne tumulo exstruendo studio
confectum est. Interim dum paratur sepulture locus, idolo-
rum quoque sanum in Christi Seruatoris ædem consecran-
dum suis abominationibus expurgabatur. In aula primaria
ara erat ingens è lapide latereq; pereleganter laqueato, ru-
beus aram tingeat color ex more sanorum: priuatas enim
ædes hoc vt colore fas non est, super mediam aram mon-
strum ingens sedebat, horrenda mole luteum, sed à capite
ad calcem inauratum: Id Sinæ Tí cām vocant, quod telluri
thesaurisq; præesse fabulantur. Pluto denique Veterum
est, manu sceptrum, in capite coronam, vtrumque nostro-
rum Regum insignibus non absimile gestabat. Vtrumque sta-
bant quaterni eadem ex materia Ministri: ad vtrumque aulæ
latus positæ erant grandiores mensæ duæ, singulæ quinos ha-
bebant interni regulos: In vtroque pariete picti viscebantur
ijdem Reguli pro tribunali confidentes, qui Reorum scelera
pro suo quisque foro stygijs pœnis damnabant. Ante eos sta-
bant Dæmones permulti, terribiliores vel figura vel pœnarū
instrumentis ipsi quos pingimus, nihil enim mirum, si se-
iplos ad viuum effingere docuerint. Inferorum quoque pæ-
næ miseros ita torquebant reos, vt viuis horrorem incute-
rent, nam alij in lecticis ferreis torrebantur, alij feruenti o-
leo frigebantur, alij in frustra discerpebantur, alij medijs se-
cabantur, alij à canibus lacerabantur, alij pilis contereban-
tur, alij tormentis excruciabantur. E Regulis primus sce-
lera cognoscebat, quæ illum in obiecto speculo cernere fabu-
labatur. Ab eo rei ad cætera tribunalia regulorum pro sce-
lerum

Sepulture lo-
cus paratur.

Aulæ descrip-
tio.

Idolum mon-
strum.

Dæmones de-
picti.

Inferorum
pœnæ.

Mmm 2

lerum

letum varietate dimittuntur. Ex ijs præerat vnus hominibus illis, quorum crimina transmigratio plectuntur; nam sæui in tygres, spurci in porcos, pro scelerum similitudine demigrabant: nonnulli etiam quorum leuiiores erant culpæ, in pauperum ac plebeiorem sortem transibant: toto enim hoc Regno Pythagorica Metempsychosis mire recepta est. Verum enimvero hæc inferorum terriculamenta ita dæmon composuit, vt non solum sceleratos non cohibeant sed incitent. nam quam horribilia pingit tam facile vitari posse fingit, si sceleribus addant maximum Idololatriæ scelus. Erat prægrandis bilanx, in altera lance homo sceleribus onustus, in altera, profanæ idolorum sectæ precum libellus, qui tot sceleribus præponderabat, suumq; recitatorem pænis eripiebat. Per medios inferorum fines cruciatusq; fluebat horribili colore fluuius, quo plurimi rapiebantur. Supra enim fluuium pontes erant duo, aureus alter, alter argenteus. per eos pontes transibant ij, qui idolorum cultores in primis fuerant, gestabantq; varia idolis exhibiti cultus insignia: hi duces habebant profanos eorum ministros, quorum præsidio per medios inferorum cruciatus, demum deueniebant ad lucos lætos & amæna vireta. Alia in parte depicta erant inferorum antra, flammis, serpentibus, dæmonijs horrenda. ad æneas eorum portas accedebat nescio, quis idolorum minister, qui matrem inuitis dæmonibus flammis eripiebant: alia quoq; visebantur huiusmodi. Ita quas pænas Deus optimus maximus hominibus notas esse voluit ad sceleratos eo metu à sceleribus deterrendos, has ipsas impostor humaniq; generis hostis adhibet ad homines in ipsa scelera concitando, qui plus aliquanto sibi suisq; ministris licere voluit, quàm ipsemet harum pænarum auctor iustus Deus, dum vel scelera sine pæna permittit, vel è pænis leuissimis ex causis eripit. Nul- lum enim apud inferos erat pænæ genus, quod nõ haberet adscriptam

Prægrandis
bilanx.

Fluuius infero-
nalis.

Inferorum an-
tra.

scriptam huiusmodi inscriptionē. Quisquis talis idoli nomen
 millies inuocauerit, ab hoc pænæ genere liber erit. Ita euadendi
 facilitate, peccandi licentiam diabolus inuehit, vnoque
 verbo hanc falsæ religionis faciē obliterat. Idola pulueri tra-
 dita sunt à nobis, quæ lutea erant, & lignea flammis, postquā fue-
 runt à Nostris aræ detracta, quæ in re spectabiles sese famuli do-
 mēstici præbuere, qui certatim in hac idolorū carnificina al-
 ter alterum superare nitebatur, quam ad rem quoq; spes eos a-
 licuius lucelli prouocabat. Solent enim Sinæ vacuos idolorū
 ventres votiuis numismatibus ac sæpe gemis farcire, quæ om-
 nia sibi famuli, velut harpasti ludum in simulacrorum anatomi-
 a exercentes, alter alteri præripere nitebantur. hæc idolo-
 rum opprobria tamen non ignorata sunt ab ijs ipsis villæ pos-
 sessoribus, eorum tamen nemo se mouit, postquā spe recupe-
 randi decidēre, ipsi enim hoc simulacrorum domicilium seu
 patrocinium ad sua repetenda, non etiam ad ea tuenda præte-
 xebant. Ara quoq; ipsa diruta, parietum pictura calce incru-
 stata est. Tum in recenti ara locus Seruatoris imagini præpa-
 ratus. Eam vnus è nostris Fratribus in ea ipsa villa per eos dies
 perbellè pinxerat. Sedet in magnifico solio Christus Domi-
 nus ac Redemptor noster, vtrunque Angeli superni, Aposto-
 li infernè, eum velut docentem audiebant. His omnibus ita
 comparatis, in humando Patri Matthæo Ricio, ædiq; conse-
 crandæ dies eadem dicitur, quæ Diuis omnibus sacra est. Pri-
 die eius diei imago inauratis thecis inclusa, restituto Deo viuo
 & vero suo cultu in simulacrorum locum restituitur. Ipso die
 omnes conuenēre Neophyti, cereis suis suffitibusq; ad agendā
 celebritatem instructi. Missa, qua potuit pompa, celebrata est,
 organo alijsq; Musicis instrumentis. Qua peracta Patris fere-
 trum è loco vbi asseruabatur in ædem delatum, captumq; re-
 citari officium defunctorū, cui altera funebris missa successit,

Idola destru-
untur.

Idolorum A-
natomia.

Ara diruitur.

Dies sepulture
P. Matthæi.

P. Matthæus
terræ manda-
tur.

Mmm 5

hanc

hanc excepit brevis & apposita cohortatio; tum ad sepulturæ locum instituta Ecclesiastico ritu supplicatio; feretrum Neophyti primarij gestabant, cæteri comitabantur, omnes cōplorabant. Cum ad sepulturæ locum ventum est, feretrum è regione hexagoni sacelluli collocatū, in quo effigies alia Christi Seruatoris fuerat quoq; collocata, ad eam officium sepulturæ celebratum, quo expleto, feretrū in præparatū demittitur locum, magno omnium doloris sensu, velut in cōmunis Parentis obitu, sed potissimum Doctoris Pauli, qui præter eum quo nos remq; Christianā complectitur amore, nec secus ac si in media Europa natus esset ac educatus, singulari Patrem amore semper fuerat persecutus. Is multas lachrymas magnumq; mœrorem prætulit, nec se continuit vir in summa dignitate constitutus, quin funes ipsos quibus feretrum demittebatur, arriperet, nihil aliud reperiens, quo suum vel amorem vel mœrorem testaretur. Expletis Ecclesiasticis ritibus Neophyti politicos suos minime omisere, primum ad Christi Seruatoris imaginem, deinde ad tumulum ex more suas inclinationes ac genuflexiones perfecere. Tum deinde Nostri pro honore sibi exhibito gratias referētib; ipsi ad sua rediere. Multos deinde dies insequentes amicorum Ethnicorū ad solitos defuncto ritus exhibendos concursus facti sunt, pari fere doloris sensu: quam ob causam vnum è Patribus ibi subsistere ad eos excipiendos necesse fuit. Præter ædem publicā atque sacellulum funebre, priuatam Deiparæ aram Patres alio in loco opportuno ex voto erexere. Nam initio cum hoc negotium susceperunt, eo se ad eliciendum eius patrociniū obligarant. Nec sine Numine factū esse videtur, vt quotquot id temporis insigniores ex voto cecidere successus, omnes prope in aliquā ex eiusdem celebritatibus inciderēt. His omnibus ex sententia procuratis, supra Primarij liminis Epistylum apposita est duobus

Sinicis


Ara priuata
Deiparæ.

Siniciis characterib⁹ hæc inscriptio: Regia munificētia: quod
 apud Sinas est perhonorificum, & magis quam in Europa cre- Inscriptio.
 di possit. Inde sensim fama multos ad visendū excitabat, qui-
 bus omnia mirum in modum arridebāt, simulq; adorato Deo
 aliquam sui conditoris notitiam ex imaginum conspectu no-
 strorumq; ea occasione colloquio referebant. Atque hunc ea
 res finem habuit, quam speramus magno rei Christianæ adiu-
 mento futuram: nam tamen nōdum eam ab Rege, quam
 optamus, liberam Euangelij propagandi facultatē habeamus;
 qui tamen nouerit, quot obseratam clauibus huius regni ty-
 rannidem humani generis hostis occuparit, non nihil hac re
 perfectum intelliget. Et amplius fortasse, quam retrolapsis an-
 norum triginta spatijs magna cōtentione fuerat impetratum.
 non solum quod honorato huius expeditionis auctore, mag-
 nam inde ipsa expeditio capit firmitatem, sed maximè quod
 nostrorum statio, professio legisq; ratio Regi Magistratibusq; Beneficium re-
gum extolli-
tur.
 non innotuit, sed propè probata est. Cui enim non mirum vi-
 deatur, pauperes aduenas ab Rege honorifica sepultura & ha-
 bitatione donatos? quod in hoc Regno neque adhuc externo
 cuiquam contigit, & rarissimè suisq; tantum Magistratibus,
 atque ijs de Republica optimè meritis conceditur? quis non
 stupeat, eosdem in oculis non solum clarissimæ ciuitatis, sed
 prope totius Regni, conscia vniuersa Regis aula, ipsaq; adeo
 Regis Parente, approbantibus Tribunalibus, approban-
 te vniuerso Magistratuum Senatu, idola excussisse, aram di-
 ruisse, & in eorum locum Christi Seruatoris effigiem & Virgi-
 nis erexisse, ad aram pro Regia salute iussos preces fundere, in
 qua ipsa ara voluntatis Regiæ testis eius nominis inscriptio le-
 gitur. Deniq; quam id ē Diuino consilio profectum fuerit, ar-
 bitror ex ipsa narratione constare, in qua tot in vno miraculo
 miracula leguntur, quæ non ipsi solum agnouimus, qui huius
 regni

regni iam sensa penetrarnus, sed ipsi Nostri Neophyti, amici, Ethnici, aduersarij denique ipsi aduerterunt. Nam sumos Magistratus nullo emolumento, nulla spe tam impense fauere, contra suos ipsos Collegas indigenasq; obsistere, denique non nisi re confecta conuiuiscere, non opis humanæ fuit aut industriæ, sed eius qui ut cætera sic hominum corda nutu moderatur. Sed neque omittendum est, P. Mattheum Ricium primum propè huius expeditionis auctorem, primum quoque in hoc regno sepulturæ locum sibi inuenisse ac Socijs aperuisse, nam qui hætenus in hac excolenda vinea diem obierant, tametsi intra Regni Sinici fines, in Amacaensi tamen Collegio, ut supra dixi, communem Sociorum sepulturam obtinuerat.

Nunc qui superstites sumus non vitam solum, sed ipsum quoque cadauer in testimonium illis & gentibus relinquemus.

Finis libri Quinti.



INDEX

I N D E X
R E R V M M E M O R A B I L I V M, Q V Æ
in hoc opere continentur.

A.			
<i>Accusatores Patrum</i>	207. 214	<i>Aromata,</i>	18
<i>Accusatio noua</i>	278	<i>Artes liberales, 25. Artes Mechanica,</i>	18
<i>Accusator veniam petit,</i>	539	<i>Arma Sinenses nō gestāt, 63. Architectura</i>	19
<i>Actus Christianæ legis,</i>	446	<i>Arithmetica Sinensis,</i>	253
<i>Actus Penitentia,</i>	478	<i>Ars memorandi docetur, 303. 305. Regi of-</i>	312
<i>Adultorum capita apud Sinas,</i>	7	<i>fertur,</i>	312
<i>Administratio Prouinciarum,</i>	54	<i>Artificiosum plaustri genus,</i>	346
<i>Aduena,</i>	62	<i>Astrologiæ vsus,</i>	30. 31
<i>Aduena quomodo tractentur,</i>	420	<i>Astrologorum imperitia Sinensium.</i>	390
<i>Aedificia Sinensium,</i>	14	<i>Aurum</i>	13
<i>Aedificium extruitur pro Patribus, 165. 185</i>		<i>Author expeditionis Sinensis,</i>	127
<i>Aethiops Sinenses fugat,</i>	210	B.	
<i>Aera campana,</i>	21	<i>Baccalauri,</i>	34
<i>Ager Sinensis</i>	9	<i>P. Bartholomeus Tedeschius moritur,</i>	605
<i>P. Alphonsus virum erudit,</i>	594	<i>Bellaria</i>	69
<i>Alex vsus Et latruncularum,</i>	90	<i>Benedictus Comesius habitu mercatoris Sinas</i>	
<i>Aluarus Francisco Xauerio aduersatur,</i>	131	<i>proficiscitur ex regno Mogoris</i>	546
<i>P. Alexander Valignanus rem Sinicam stabi-</i>		<i>Inuaditur à latronibus 550. Regem inuisit</i>	
<i>lit, Idem moritur,</i>	192. 222	<i>Mahometem, 553. Mahometem iubetur in-</i>	
<i>P. Almeida in morbum iniecit,</i>	258	<i>uocare 554. Saltat coram Rege, 556. Ad</i>	
<i>Idem moritur,</i>	263	<i>P. Matthæum scribit, 553. Moritur ac sepe-</i>	
<i>Alchimia,</i>	101	<i>liur</i>	566
<i>Amacuum Sedes prima Sociorum,</i>	141	<i>Bibendi ritus,</i>	75
<i>Amacai capta disturbantur 147. Sacellum e-</i>		<i>Biblia regia eripiuntur è fluctibus</i>	485
<i>rigitur 148. Fama spargitur de Sociis 248</i>		<i>Bituminis genus, 17 Bombyx</i>	12
<i>Area pro edificio designatur, 164. Patres</i>		C.	
<i>appellunt 193. Rector ibid. capitur,</i>	162	<i>Cadaver humanum visitur,</i>	608
<i>Amacaenses se muniunt,</i>	526	<i>Calumnia grauis,</i>	175. 201
<i>Anni totius celebritas</i>	85	<i>Calumnia detegitur,</i>	207. 215. 219
<i>Antiquitatis studiosi Sinenses,</i>	89	<i>Calumnia spargitur,</i>	462. 454
<i>Appellatio varia Sinensis regni,</i>	3	<i>Cannabis Sinensis,</i>	12
<i>Argentum</i>	13	<i>Canceu vrbs, 287. Castigandi ratio</i>	98
<i>Arundinum genus</i>	14	<i>Canton vrbs 286. Cataium 544. 339</i>	
		<i>Nnnn</i>	<i>Canobis</i>

I N D E X.

<i>Canobis III. Canobium Nanchoa antiqui</i>	243
<i>Canobis arrogantia,</i>	441
<i>Cera quomodo conficiatur,</i>	15
<i>Cequiana Sedes,</i>	194. 199
<i>Civitatum multitudo,</i>	332
<i>Christiana doctrina volumen,</i>	173
<i>Christianorum vestigia,</i>	120
<i>Chiutaiso Christo aggregatur, & Ignatius ap-</i>	
<i>pellatur,</i>	510
<i>Comediae solis nutibus aguntur,</i>	22. 399
<i>Commercium Sinarum cum Lusitanis,</i>	141
<i>Coniugia, 70. 431. Coniugiales ritus, 71.</i>	
<i>Connubia, 83. Constantiae exemplum,</i>	595
<i>Contemptus externorum apud Sinas,</i>	99
<i>Coniuratio contra Patres,</i>	276. 590
<i>Conuersiones ad fidem Christianam, 444. 447.</i>	
<i>476. 500. 508. 593.</i>	
<i>Coria regnum infestatur,</i>	412
<i>Cosmographicae tabulae,</i>	182. 184
<i>Cupiditas vitae producendae,</i>	595
<i>Crux, 112. Eiusdem veneratio 503. S. Crucis</i>	
<i>miracula,</i>	601

D.

<i>Demon expellitur,</i>	499. 593
<i>Damones consuluntur,</i>	94
<i>Dignitatum permutatio,</i>	60
<i>Disputatio cum Canobis,</i>	373. 438
<i>Doctoratus gradus</i>	39. 40
<i>Domus Sociorum frequentatur</i>	231. 510
<i>Lapidibus obruitur.</i>	231. 315
<i>Domicilium spectris infestum emitur,</i>	379
<i>Dominus vniuersitatis,</i>	6

E.

<i>Edictum pro Patribus,</i>	204
<i>P. Eduardus superior renunciatur,</i>	201.
<i>Sciauquinum reuertitur 209. Moritur,</i>	321
<i>Aedes Pequini stabiliuntur,</i>	638

<i>Ethnicorum humanitas,</i>	393
<i>Effigies Christi, 401. 502. Effigies Deiparae,</i>	342
<i>Effigies Patrum à Rege petuntur</i>	412
<i>Elephantes excubant,</i>	421
<i>P. Emmanuel rem Christianam promouet, 500</i>	
<i>In Sinas mittitur, 474. Pechinum nauigat,</i>	
<i>475. Apologiam scribit,</i>	572
<i>Emporia praecipua,</i>	335
<i>Energumenus fide suscipit,</i>	223
<i>Error confutatur, 59. Error Cosmographiae</i>	183
<i>Equus inuocatione Nominis Iesu seruatur, 556</i>	
<i>Eunuchus Socios prodit 39. Ad Regem libellum</i>	
<i>scribit, 399. Iniuriose P. Matthaei tractat,</i>	
<i>401. Nuncium indigne tractat 404. P. Mat-</i>	
<i>thaeum inuitat 398. Munera petit 397. Na-</i>	
<i>uigia vendit 334. Effigies Christi criminan-</i>	
<i>tur, 401, Sarcinas Sociorum includi iubet.</i>	
<i>303.</i>	
<i>Eunuchi docentur moderari horologia</i>	409
<i>à Rege munerantur,</i>	410
<i>Eunuchorum rapacitas</i>	432
<i>Eorundem cupiditas.</i>	377
<i>In villam erumpunt,</i>	633
<i>Eucharistia cum pompa ad agrotum deferretur,</i>	
<i>517</i>	
<i>Europaе authoritas augetur</i>	221
<i>Examen graduum literatorum,</i>	33
<i>Examinis tempus & modus</i>	36. 37. 43
<i>Examen militare 41. Excursiones</i>	520

F.

<i>Fana 108. Fanum celebre,</i>	262
<i>Feracitas regni Sinarum,</i>	9
<i>Flumen Yamsu 293. Nanchinense,</i>	330
<i>Flumina celeberrima</i>	286
<i>Flabellorum vsus</i>	24
<i>Focus quibus rebus alatur</i>	14
<i>Franciscus Xauerus primus author expedi-</i>	
<i>tionis</i>	

I N D E X

tionis Sincris, 127.	Coam peruenit 128
Malacam peruenit, 129.	Eiusdem prudentia, 130.
Vaticinatio 133.	Numen diuinum placat, 133.
Sinarum fines attingit, 134.	Eiusdem zelus animarum, 134.
Constantia, 135.	Febre corripitur, 135.
Eiusdem fiducia in Deum & charitas, 136.	Lusitanum agrotum humeris portat, 137.
Eiusdem Patientia, Eiusdem obitus,	137
Franciscus de Petris in Sinas mittitur,	263
Idem moritur, 279.	Eidem B. Virgo apparet, 280.
Eiusdem finus,	280
Franciscus Martinez verberatione euocatur,	534.
Idem sepelitur,	541
Fumohan accusatur & in vincula conijcitur,	435
Funeris apparatus	521
Funerales ritus,	80
Funera regia,	78. 80
Fuchina prouincia,	526

G.

Gradus litteratorum.	33
Gradium examen,	33. 41
Gradus affinitatis,	84
Geographica descriptio P. Matthai Ricij	363

H.

Habitus Magistratum,	57
Habitus P. Matthai Ricij	370
Hanuana expeditio,	603
Herba,	10
Herbarum modicarum vsus,	57
Holandi Indiam infestant,	525
Regnum Sinarum ingredi tentant,	525
Honor erga Magistratus,	78
Hortus amœnissimus,	365
Horologiorum admiratio,	214

I.

Iapones regnum Coria infestant,	324
Iaspidis species,	552
Idolorum multitudo,	115
Idolorum cultus differt à figmentis poetarum.	457.
Idolum molestiam parit,	457
Idola liquefiunt,	588
IESV nomen explicatur	412
Ignes ingeniosi,	351
Imago Christi honoratur,	578
Immortalitas Sinarum,	102
Immunitates Ducum,	46
Imperium Sinese,	44
Imperatoris Humouii statua,	45
Impostores	95. 205
Innocentia Patrum detegitur.	181. 207
Incendium,	454
Infamie nota deletur,	588
Inferni directorium,	501
Inuitantium ritus,	70
Infantes aquis praefocantur,	97
Infantum castratio,	98
Isaac socius Benedicti inhumaniter tractatur	567.
Iter è Cantone Pechinum,	336
Iudxi,	118. 120

L.

Laborum fructus,	223. 600.
Lacus celeberrimus,	293
Lana. 12. Lapides	16
Lapidibus Patres petuntur,	177. 211
Lapidatores capiuntur,	260
Latrones sociorum domum infestant,	272. 275
P. Lazarus Catanensis in Sinas mittitur	282
Leges Reipublicae,	44

Nun 2

Lex

INDEX

<i>Lex post obitum Regi.</i>	63
<i>Legati munerantur.</i>	150
<i>Leo fidem agnoscit.</i>	434
<i>Librorum imprimendi ratio.</i>	19
<i>Librorum educatio.</i>	79
<i>Liber de amicitia, Sinensi idiomate scriptus.</i>	309
<i>Libellus de arte memoria.</i>	312
<i>Libellus Regi offertur.</i>	423.426
<i>Libellus infamis.</i>	441
<i>Libri P. Matthaei Ricii.</i>	486
<i>Licentiariorum gradus.</i>	34
<i>Lineamenta corporis.</i>	86
<i>Linum.</i>	10
<i>Litteratorum habitus.</i>	87
<i>Litteratorum secta.</i>	109
<i>Litteratus visione illustratur.</i>	472
<i>Litterarii Regii.</i>	493
<i>Litteratorum secta defenditur.</i>	440
<i>Literatuli infamia notantur.</i>	579
<i>Luctus ob mortem P. Matthaei.</i>	616
<i>Ludorum genera.</i>	90
<i>Ludimagistri.</i>	33
<i>Lusitanorum erga Patres affectus.</i>	607
<i>Lusitani Sinarum fines attingunt.</i>	140
<i>Domum pro Catechumenis aedificat.</i>	147
<i>Commeatum postulant à Sinis.</i>	529

M.

<i>Magistratum ordines. 48. Eorundem officia.</i>	
<i>49. 53. 56. Ornamentum pileus. 57. Habitus. 57. Simmetria. 60. Favores erga Socios.</i>	
<i>257</i>	
<i>Magistratus condemnati.</i>	61
<i>Magistrorum veneratio.</i>	90
<i>P. Matthaeus Riccius ex India Amacuum reuocatur. 147. 151. Calumnia graui liberatus.</i>	
<i>175. Eiusdem authoritas. 186. Praepositi te-</i>	

<i>net. 230. A Prorege reiectus. 230. Pecunias respuit. 233. 239. Eiusdem animus intrepidus. 240. Ad Tribunal accersitur. 239. 298. Proregem placat, nouam sedem impetrat. 240. Nobilem virum & senem quendam primum instruit. 251. 256. Eiusdem clementia 261. Naufragium patitur. 291. Idolum venerari recusat. 292. Nanchinum ingreditur. 296. Nanchino eiicitur. 294. Somnium diuinum ei obijcitur. 300. Cum Regis propinquis familiaritatem init. 307. Liberum de Amicitia scribit Sinice. 309. Veritatis tenax. 310. Nanchinum redit. 319. 323. Superior constituitur. 220. Sedem in Sanceis stabilit. 345. In Regiam penetrare conatur. 389. In Mathematicis disciplinis erudit. 359 363. Cum sacrificulo disputat. 370. Eiusdem habitus. 370. A Canobita inuitatur 373. Eiusdem ratio docendi. 387. Inuitatur ab Eunuchis. 398. Cantilenas illustrat sententis. 415. Eiusdem Vaticinium. 428. Titulum Doctoris assequitur. 434. Eiusdem Sinesis administratio traditus. 483. Eiusdem occupationes. 610. Erga Neophytos amor. 610. In morbum incidit. 611. Eiusdem Pharmaca praebentur. 612. Sacramentis munitur. 612. Eiusdem documenta. 613. Moritur. 614.</i>	
---	--

<i>Machina Seraria.</i>	396
<i>Mathematicis rebus crescit authoritas Sociorum.</i>	356
<i>Mathematica machina.</i>	361
<i>Matronarum feruor.</i>	452.471
<i>Mensus Sina non sternunt.</i>	17
<i>Metempsychosis error.</i>	97
<i>Metalla.</i>	13
<i>Militare examen.</i>	41
<i>Militum conditio.</i>	100.102
<i>Mimis</i>	

INDEX

Blimi Sinenses.	398
Mulieres Sinenses.	2688
Munitiones Sinarum.	8
Munerum ritus.	67
Munuscula.	67
Munera destinantur.	320 384
Munera Regia cohonestantur.	389
Munera reyciuntur.	569
Muri contra Tartaros.	561
Musica conducit ad linguam Sinensem	344
Musica exhibetur Confusio Philosophorum prin- cipi.	368
N.	
Natalis dies Regum.	84
Nauigia	90
Naufragium Patres subeunt. 160. 291. 288. 485	
Naufragio infamis locus.	289
Nancianum urbs.	301
Nanciani sedes erigitur. 301. Ibidem sedes comparantur.	311
Nanciana sedis gesta.	497
Ibidem tumultus.	569
Nangan urbs negotiosa.	286
Nanchinum urbs.	269
Nanchinum Socy redeunt. 349. Ibidem statio offertur. 351. Sociorum autoritas crescit. 355. Socy ibidem primores adeunt.	364
Nanquimensis progressus 468. 590. Sodalitium erigitur.	529
Navis oneraria intercipitur.	483
Negotiatores spoliuntur.	549
Neophytus aram asseruat.	163
Neophyti primi baptizantur.	191
Neophytus Inspector.	205
Neophytis precepta traduntur. 234. Is valedi- cunt Patres.	235
Neophytorum feruor.	271. 578
Neophyto B. Virgo apparet.	516

Nemora.	15
Nobilis senex baptizatur. 286. Ibidem Sociorum profectus 509. Inter Nanchinum & Pechi- num ciuitatum multitudo.	332
Fe. Nicolaus Catanens Martyrij cupidus. 467. Re- insdem labores. 468. Rem Christianam pro- sequitur. 506. Ad stationem redit. 535. Li- bellum mittit ad Proregem. 536. Eiusdem innocentia. 550. Falso accusatur. 542. Opera- tur in oppido Scianhi.	600
Nomen Iesu explicatur & Maria.	412
Nomina Sinensium varia.	88
Numen unum Sinenses colunt.	104
Numen triplex.	118

O

Oleum.	10
Opera opificum.	18
Opuscula varia.	437

P.

Palatium Regium 76. Eiusdem descriptio. 418. 295. 337. 421.	
Palatium pro examine.	36
Panis apud Sinas nullus apponitur.	74
Papyrus.	16
Patres Societ. Iesu Amacao euocantur ad Prore- gem 152. Sciaquinno dimittuntur. 153. In Sinis euocantur tertium. 153. Amacuum revertuntur 157. Sciaquinam reuocantur. 158. Examinantur 162. Sinas docere inci- piunt. 169. Eorundem vestitus. 169. Publico honore afficiuntur 174. Horum inopia suc- curritur. 175. Lapidibus petuntur. 177. A- macuum ex India veniunt. 192. In Sinas na- uigant 193. Vexantur 201. 209. Eorundem effigies ad Regem mittuntur 412. Immuni- tatis donantur. 519. Pechini excipiuntur. 341. Ad Regem vocantur.	408
Nann 3	Patres

INDEX

<i>Patres humaniter excipiuntur.</i>	279	<i>Cali filius appellatur.</i>	45
<i>Paulus Doctor renunciatur.</i>	473	<i>Veneratur imagines.</i>	408
<i>Parentem conuertit. 494. Baptizatur.</i>	473	<i>Responsum dat pro Patribus.</i>	427
<i>Pechinum urbs Regia & eiusdem situs.</i>	336	<i>Eiusdem suspicio.</i>	321
<i>Pechinense solum sterile.</i>	333	<i>Patribus fauet.</i>	423
<i>Pechini Socj excipiuntur. 341. Ad Regem vo-</i>		<i>Cupit Patres videre.</i>	411.
<i>cantur.</i>	408	<i>Eiusdem lepidum factum.</i>	424. 430
<i>Pechinum Cambala vocatur.</i>	440	<i>Eiusdem habitus.</i>	76
<i>Pechini locus pro Sociis designatur.</i>	630	<i>Eidem fit fausta precatio</i>	366
<i>Penitentia vsus.</i>	495. 503	<i>Eiusdem seueritas.</i>	410
<i>Philosophorum auctor.</i>	29	<i>Patres vocat.</i>	405
<i>Philosophia moralis studium.</i>	31. 29	<i>Rex Tartarorum Pechini sedem fixit.</i>	340
<i>Philosophorum potestas.</i>	59	<i>Regum Palatium.</i>	337
<i>Plaustri genus artificiosum.</i>	364	<i>Regum insolentia.</i>	421
<i>Pictura Sinensis.</i>	21	<i>Reges tres fidem Christianam profitentur.</i>	500
<i>Pileus ornamentum Magistratus.</i>	57	<i>Rex petit Geographicam descriptionem.</i>	583
<i>Pisces Sinenses.</i>	12	<i>Regnum Sinarum innotuit.</i>	341
<i>Pietatis ardor.</i>	455	<i>Regni amplitudo.</i>	6. 7
<i>Pontifex Romanus honoratur à multis.</i>	388	<i>Regna uectigalia.</i>	8
<i>Potio.</i>	10. 70. 74	<i>Regni situs Sinarum.</i>	5. 7
<i>Prædictio admiranda.</i>	255	<i>Respub. Sinensis.</i>	42. 62. 3.
<i>Principes Iaponenses Romam proficiuntur.</i>	148	<i>Ritus salutantium & visitantium.</i>	
<i>Prorex Patres vocat. 152. Idem iterum dimittit. 153. Sociorum negocia tractat. 326. Eiusdem dexteritas. 327. Effigiem Saluatoris ueneratur. 329. Eiusdem vita exitus terribilis.</i>	267	<i>Ritus Bellariorum porrigendorum.</i>	69.
<i>Provincia Catoniensis.</i>	149	<i>Ritus abeuntium.</i>	69.
<i>Provincia Quamsi.</i>	197	<i>Conuales.</i>	71
<i>Provincia Cequiana.</i>	194	<i>Bibendi.</i>	73
<i>Provincia Vquam.</i>	293	<i>Circa Regum uenerationem.</i>	74
<i>Pueri conuersio miranda. 514. Vocem Dei audit.</i>	515	<i>Sepulchrales.</i>	78
		<i>Connubiorum.</i>	83
		<i>Ritus ad thronum Regis.</i>	421.
		<i>Quatiendi frontem.</i>	511

R.

Rex Sinarum Dominus vniuersitatis appellatur

S.

Sacramentorum vsus. 494

Sacrificuli

I N D E X.

<i>Sacrificuli eorumque habitus,</i>	87. 112	<i>Sinarum regnum innotuit</i>	31
<i>Sacrificulorum mores impij,</i>	244	<i>Sinenses capiuntur scientiis Europæorum,</i>	356
<i>Sacrificandi munus,</i>	107	<i>Sinensium error circa elementa,</i>	385. 390
<i>Sacrificuli Socios excipiunt</i>	244	<i>Sinensis Musica,</i>	368
<i>Sacrificulus relegatur,</i>	503	<i>Sinense Regnum Cataium appellatur</i>	420
<i>Saccarum</i>	15	<i>Sinensium concursus ad Patres,</i>	382
<i>Sal</i>	15	<i>Sinenses impatientes tyrannidis</i>	44
<i>Salutantium ritus,</i>	64	<i>Sine domum Sociorum occupant Amacai</i>	526
<i>Saraceni</i>	420	<i>Sinarum regnum Cataium dictum,</i>	544
<i>Saracenus malorum auctor</i>	527	<i>Sinensis administratio Monarchica,</i>	621
<i>Sciachinum vrbs eiusque situs,</i>	220	<i>Socij Sinarum regnum ingrediuntur</i>	124
<i>Sciachinensis Patrum Sedes</i>	220	<i>Sinenses sibi conciliant,</i>	166
<i>Ibidem Patrum labor</i>	225	<i>Rem Sinicam promouent</i>	197
<i>Sciachini Socij dimittuntur</i>	227. 232. 242.	<i>Sciachini laborant,</i>	225
<i>Schiauchinum reuocantur,</i>	237	<i>Sciachino dimittuntur, 232. Reuocan-</i>	
<i>Scianhai vrbs descriptio,</i>	597	<i>tur 237. Xauceum ingrediuntur, 245. In</i>	
<i>Scribendi ratio</i>	25	<i>Sinas aliqui destinantur 250. Cum viris</i>	
<i>Scriptiones examinantur</i>	38	<i>primariis familiaritatem contrahunt. 255.</i>	
<i>Sepultura</i>	20	<i>428. Lapidantur 254. 315. à latronibus in-</i>	
<i>Seclæ tres apud Sinas,</i>	15	<i>uaduntur 272. Eorundem habitus 283. 302</i>	
<i>Sella spectatoria,</i>	89	<i>Pro Europæis litteratis se gerunt 284 Pechi-</i>	
<i>Senex octogenarius conuertitur,</i>	516	<i>num nauigant 390. Nanchino soluant, 391</i>	
<i>Sermo communis,</i>	28	<i>Sarcinas recuperant, 406. Ab Eunuchis se</i>	
<i>Sepultura,</i>	78. 79	<i>liberant 414. Iuuantur à Magistratu 414</i>	
<i>Sepultura pro Patribus petitur, 617. designa-</i>	630	<i>Comprehenduntur 416. Causas aduentus a-</i>	
<i>tur.</i>	96	<i>perunt 422. Stationem urgent 425. à pe-</i>	
<i>Seruitus,</i>	467	<i>riculo liberantur 460. à Nauarcho exclu-</i>	
<i>Siccitas terræ,</i>	89	<i>duntur 607. Ignominiosè tractatur 326. Pro</i>	
<i>Sigillorum custodia,</i>	3	<i>Iaponensibus habentur 342. Nanchinum re-</i>	
<i>Sinensis regni varia appellatio,</i>	5. 7	<i>deunt 343. 349. Lingue Sinensi dant ope-</i>	
<i>Eiusdem Situs</i>	9	<i>ram 344. Hybernare coguntur, 345. Lpi-</i>	
<i>Sina rerum omnium ferax,</i>	142	<i>grammatis bonorantur 367. Nanchinum</i>	
<i>Sinarum regnum Patres ingrediuntur</i>	144	<i>ex hybernis perueniunt, 379. Eorundem</i>	
<i>Sinensis idiomatis discendi difficultas</i>	66	<i>domicilia quatuor 481. Vexantur 484</i>	
<i>Sinenses conciliantur à Patribus</i>	170	<i>à Neophytis excipiuntur,</i>	506.
<i>Sinensium cultus.</i>	197	<i>Sociorum numerus</i>	518
<i>Sinica res promouetur muneribus,</i>			

Sodan

INDEX.

Sodalitium B. Virg. erigitur,	589	Vindicta diuina,	132 439. 581
P. Soërius moritur	569	Visitator socios destinat in Chinam,	319
Somnium P. Matthæo obijcitur diuinum	300	Viri Trigoni mira astimatio	347
Somnium Proregis & vxoris	393	Vocum ac dictionum vsus,	25
Suceu caput regionis	347	Vrbes variae 90. Contra Tartaros.	561
Ibidem Sedes figitur,	348	Vrbs Pequinenfis	336
Statue Sinenses,	21	Vrbs Nancianum metropolis	301
Statua Imperatoris Humouij,	45	Vrbs Suceu,	345
Superstitiones	92	Vrbs Nanchinum,	269
Suspicio Regis	31	Vrbs Lincinum,	345

T.

Tartari confines Sinensibus 339. Eorum ratio		Vrbs Sciauccina situs	220
Viucendi	560	Vrbs Xaucean situs,	246
Tauli Socios defendit,	538	Vrbs Scianhai descriptio,	597
Templum regium	369	Vrbium numerus,	7
Textorum multitudo Scianhai,	598		

X.

Titulus Regius,	77	Xauceana domus lustratur	536
Typographia antiquitas	19	Xauceana Sedis status,	444, 503. 603
Toga vrbauitatis	68	Xauceane vrbis situs,	246
Tumultus excitatur	459. 528	Xaucei locus ad habitandum eligitur,	247
Turris extruitur pro machina horaria	411	Xaucei noua Sedes erigitur	237
Turce ad Regem veniunt,	340	Xauceum Socii ingrediuntur.	245

V.

Vestigia Regia,	8. 48. 562
Villa suburbana nostris addicitur,	631
Eiusdem descriptio,	639

FINIS.




ERRA-

ERRATA SIC CORRIGENTVR.


Prior numerus designat paginam, alter versum.


FOL. 12. Vers. 13. adducti. 12. 31. oues præbent. 13. 15. nostratibus. 19. 25. Typographia. 27. 10. non loqui. 58. 16. Magistratum. 94. 23. uti metus. 105. 17. litteras. 107. 4. plecterentur. 107. 5. regia. 108. 3. salutem. 109. 27. capiant. 111. 7. stipem. 111. 8. magnam. 112. 25. illigari. 113. 2. ob- equitans. 114. 15. auribus. 116. 7. accipiant. 121. 27. imponent. 123. 25. cum. 124. 9. irrupissent. 130. 17. prohiberet. 131. 5. quo Apostolico. 131. 17. coniunctas. 131. 24. deludendis. 133. 6. prohibe- bat. 134. 18. peregrinus. 136. 15. illum. 145. 10. diurnum. 146. 17. possessionem. 154. 30. consilium. 157. 16. quam ante. 157. 31. visis. 159. 30. quibus, adde, animus. 161. 32. eorum, adde, virtute. 161. 5. erigebat. 162. 20. ut mox. 164. 20. vtrunque. 168. 26. ab ijs viscebantur. 169. 2. nouitate. 180. 32. demissa, adde, licet. 187. 18. pecuniarium. 196. 13. omnes. 200. 29. vrbis. 205. 1. argenti, adde viui apud Iapones. 207. 19. iniecta in os offa. 209. 10. professus. 210. 5. fore. 221. 4. aut altius. 244. 6. amoribus. 249. 24. nouæ stationi. 252. 8. Ignibus. 253. 18. præceptis. 272. 22. concubia. 276. 14. in iudicium. 276. 22. solius. 279. 20. rependendum. 285. 30. possent. 335. 30. tertijs gradus. 338. 6. primoribus. 371. 30. Ethicis. 371. 31. de quo. 379. 24. vtrique. 418. 6. voluisse. 435. Apolo- gus, marg. 3. 441. 20. cum hac. 443. 24. Magistratu. 470. 19. qui duobus. 470. 29. commissa. 491. 3. mortis. 499. 32. fuisset. 505. 4. iniuria. 508. 8. extruxerat. 525. 30. sed triti. 546. 30. appellatum. 551. 18. fratri nostro. 554. 4. Prophetæ sui. 557. 12. exiguus, adde, numerus. 558. 9. dimissus. 567. 2. Ferdinando. 572. 7. plecterentur. 579. 5. prohibere. 590. 12. fidem. 598. 14. numero. 599. 1. admi- nistratæ. 608. 1. Socijs. 608. 14. decertabant, adde, sub. 610. 16. scriptio. 611. 26. aut horam. 615. 2. missa. 623. 29. sententia. 631. 32. bonitatis sanum. 632. 25. euasisse. 633. quos. 635. 5. quaratio- ne. 637. 5. admouerunt. 337. 25. ut immunis. 642. 23. eripiebat. 642. 27. concitandos.





AVGVSTÆ VINDELICORVM,
apud Christophorum Mangium.


M. DC. XV.











KONSERVIERT DURCH
OSTERREICHISCHE FLORENZHILFE
WIEN

005647380